

28 थि बिसान



मुगानि साखि

खुगा लाइसि



Uranus

Neptune

दुलाराय बर' फरायसा आफाद

मोन्थोर : खौसेथि, थामोन्थाइ आरो दावगाथाइ

गाहाइ सुजुगिरि
मिनिसोरां ब्रह्म



4थि बि.टि.आर. गोजोन गोरोबथा सान फालिनाय ।
थावनि: कंक्राझार सेक्रेटारियेटनि ग्रिन फिल्ड। अक्ट': 27 जानुवारि, 2024



मुलुगनां अहिंसा सान फालिनाय ।
थावनि : ढेकियाजुलिनि त्रिमुर्ति भवन, सनितपुर। अक्ट' : 2 अक्ट'बर, 2023

मुगानि साखि

सिम,

मुखि/मुखिमा/ड०

.....

सुजु आफाद

मुगानि साखि

खुगा लाइसि



मोन्थोर : खौसेथि, थामोन्थाइ आरो दावगाथाइ

56 थि थान्दै जख 'न्थाइ

दुलाराय बर' फरायसा आफाद

थावनि: हिडिम्बा नोगोर, तेलिसाल, ग'लाघाट, आसाम

खालार : 2, 3 आरो 4 फेब्रुवारि, 2024

गाहाइ सुजुगिरि

मिनिसोरां ब्रह्म

मुगानि साखि: The 28th issue MUGANI SAKHI Annual Mouthpiece of All Bodo Students Union, published on the occasion of the 56th Delegate Convention of ABSU held at Hirimba Nwgr, Telishal, Golaghat (BKWAC), Assam on 2nd, 3rd & 4th February, 2024.

सुजु आफाद

- बोसोनगिरि : मुस्त्रि दिपेन बर', आफादगिरि, एबसु
मुस्त्रि खनिन्द्र बसुमतारी, गाहाइ नेहाथारि, एबसु
- गाहाइ सुजुगिरि : मिनिसोरां ब्रह्म
- सुजुगिरिफोर : मनिराम बरगयारी
सिबिसन नारजारि
- बिखं महर : अरन राजा
- बेसेन : 200 रां
- सेबखांसालि : आइग्ल 'बेल ग्राफिक्स, अदालगुरि

बाउनाय



बर' हारिनि सिनायथि, रैखाथि आरो थामोन्थानि थाखाय
जायफोर बिर जोहोलाव-जोहोलावजोमोना गावनि जिउखौ
बाउसोमलांबाय बिथांमोननि गोथार गोसोखांथियाव
दुलाराय बर' फरायसा आफादनि 28थि बिसान
'मुगानि साखि' खुगा लाइसिखौ
बाउनाय जाबाय ।

-सुजु आफाद

साबायखर बाउनाय

दुलाराय बर' फरायसा आफादनि 28थि बिसान 'मुगानि साखि' खुगा लाइसियाव जायफोर लिरगिरि बिथांमोना सुजु आफादनि हांखायनाय बादियै गावबा-गावनि बेसेनगोसा लिरबिदांफोरखौ दैथाय हरनानै 28थि बिसान 'मुगानि साखि' खुगा लाइसिखौ आबुं महर होनायाव मदद होबाय, बिथांमोननिसिम सुजु आफादनि जानानै हाजासे गोजोन्नायजों साबायखर बाउहरबाय। समनि आंखाल आरो माखासे एंगारहायै जाहोनाव माखासे लिरबिदांफोरखौ सेबखांनो हास्लाबैनि थाखाय लिरगिरि नोंथांमोननि सेराव गंग्लायै निमाहा बिहरबाय। सुजु आफादनि नोजोराव गोग्लैयै गेना-गोरोन्थिफोरनि थाखाय गासैबो लिरगिरि आरो फरायगिरि नोंथांमोननि सेराव फिन निमाहा बिहरनाय जाबाय।

28थि बिसान 'मुगानि साखि' खुगा लाइसिखौ आबुं महर होनायाव गोबां सुबुरुन आरो थुलुंगा होबोबाय थानाय दुलाराय बर' फरायसा आफादनि मानाव गेदेद बोसोनगिरि फारियै मुस्त्रि दिपेन बर', आफादगिरि आरो मुस्त्रि खनिन्द्र बसुमतारी, गाहाइ नेहाथारि बिथांमोननिसिम हाजासे साबायखर बाउहरबाय। एसेल' समनि गेजेरावनो 28थि बिसान 'मुगानि साखि' खुगा लाइसिखौ सेबखांनानै होनायनि थाखाय आइग्ल'बेल ग्राफिक्सनि बिगोमा मुस्त्रि रातुल बसुमतारि बिथानिसिमबो साबायखर बाउहरबाय।

गोजोन्थों।

जै बर' हारिनि जै

दुलाराय बर' फरायसा आफाद जिउ लाउथों।

दुलाराय बर' फरायसा आफाद थानानै थाथों।

सुजु आफाद
'मुगानि साखि'

सुजुगिरिनि रेबगन



“जों जाय सोरबिथिडव थायो बेनो जोंनि सोरबिथिं। जों बेनिनो जोलैसाफोर। दे जों बेनि खोबथेनाय मेग 'नखौ सुस्त्रादिनि आरो बेनि सोरजिथायखौ अन्नाय आरो जोथोनजों बेंखननानै दोनदिनि।” -बड'फा

दुलाराय बर' फरायसा आफादा इं 1967 मायथाइनि 15 फेब्रुवारीआव जोनोम जाजेननायनिफ्रायनो थागिबि माहारिनि सिनायथि, बर'नि राव, थुनलाइ, हारिमु, गेलेनाय, सोलोंथाइ, रांखान्थि, राजखान्थि, समाजखान्थि आरो माहारिनि रैखाथि आरो गोजोर जौगानायनि थाखाय मेंनाय-बानाय गैयाजासे खामानि मावबोदों आरो आथिखालावबो मावगासिनो दं। थुनलाइया जादों मोनसे हारिनि आयना। मोनसे हारिनि सोलोंथाइ, रांखान्थि, राजखान्थि, समाजखान्थि, हारिमु बायदि बिथिंफोरनि जौगानायनि मानदान्दाखौ थुनलाइनि गेजेरजोंसो मिथिनो हायो। बेबादिनो बर'फोरनि जौगानायनि मान थाखोखौबो थुनलाइनि गेजेरजों बेरखानाय नुनो मोनो। बेनिखायनो बर' थुनलाइखौ जोंनि गासैबो थाखोनि सुबुडनो सिबिनो आरो मान होनो रेंनांगोन, लोगोसे गुबुन जौगानाय हारिनि थुनलाइजों समानै जौगालांहोफानांगौनि थाखाय थुनलाइ सोरजिनि बिथिडव खौसेयैनो खामानि मावथारनांगोन। बर' थुनलाइनि थासारिया आथिखालनि मानथाखोआव सफैनो हादों होनोब्ला जोंनि गेदेमा थुनलाइ सिबियारि बिथांमोननि गोब्राब नाजानायनि थाखायसो, बेखायनो गेदेमा लिरगिरि बिथांमोनखौ जों जेब्लाबो मान होनो आरो अरायबो थुलुंगा होना रेंनांगोन।

दुलाराय बर' फरायसा आफादा बर' हारिखौ मुलुग दरबारावनो मोनसे गेरेमसा हारि महरे सिनायथि होनो थांखिजों आरो हारियाव सुबुं सम्पद दानांगौनि खाथिराव सोलोंथाइखौ लानानै खामानि मावबोबाय थादों आरो आथिखालावबो मावगासिनो दड। सोलोंथाइजों लोगोसेनो दुलाराय बर' फरायसा आफादा गुबुन-गुबुन मावथांखि फोसावनायनि गेजेरजोंबो खामानि मावबाय थादों। गिबि खेबनि थाखाय 2006 मायथाइखौ “सोलोंथाइ बोसोर” फोसावनानै सोलोंथायारि बिथिडव सांग्रांथि लाबोनो नाजाबोदों। 2007 मायथाइनिफ्राय 2020 सिम “Mission Quality Education” मुंनि मावथांखि फोसावनानै साफ्रोमबो बर' फिसानो बिमा रावजों गुनगोनां सोलोंथाइ मोनहोनो थाखाय हाबा मावबोदों। बेबादिनो इं 2021 मायथाइनिफ्राय 2025 सिम “Mission Skill and Quality Education” फोसावनानै बर' हारिनि गेजेराव गुनगोनां सोलोंथाइ मोनहोनायजों लोगोसे आदबनि सायावबो सांग्रांथि लाबोनो हानायबादि खामानि मावगासिनो दं।

सोलोंथाइनि सायाव गुबुन-गुबुन मावथांखि फोसावनानै खामानि मावनायबादिनो समाजारि थासारिखौ गोखों खालामनानै मोनसे मोजां लामाजों समाजखौ दैदेनलानांगौनि थाखायबो “बड'फा गोजोरथियारि सोलायनाय मावथांखि'नि गेजेरजों निसा बेसाद, जौ-जुवा, ड्रगस, खोमसि

फोथायनाय, गुबुनजों लांखारजानाय आरो उन्दै बैसोआव हाबा लानाय बायदि समाज बेरेखा, समाजनि थाखाय खहा हाबाफोरखौ बर' समाजाव गैया खालामनांगौनि थाखाय हाबाफारि लाबोबाय थानाय जादों। बर' आइजोफोरनि गेजेरावबो जौगानाय लाबोनांगौनि थाखिजों “आइजो जौगाथाइ” आरो गुबुन-गुबुन आयदानि सायाव सावरायमेल लाबोबाय थानाय जादों लोगोसेनो बर'फोरनि गेजेराव मावनाय हाबाखौ बांहोनाय आरो आबाद मावनायखौ लाखिलांबाय थानांगौनि खाथिरावबो आबादारि बिथांमोनखौ लानानै सावरायमेल लाबोबाय थादों। बेनिखायनो आथिखालनि गोनोखोआरि मुगायाव हारिखौ जौगानाय लामाजों लांनांगौनि आरो गेरेमसा हारि दानांगौनि थाखाय बर' हारिनि साफ्रोमबो सानसुमै मेलेमजिबि आरो गासै थाखोनि सुबुंफोरानो दिथा, सुबुरुन आरो बोसोन होनायजों लोगोसे गोब्राब खामानि मावनांगौनि गोनांथि दं।

28थि बिसान “मुगानि साखि” खुगा लाइसिखौ आबुडै जाफुंसार महर होनायाव आंखौ दिथा होनायजों लोगोसे सुबुरुन आरो मदद होनाय फारियै मानाव गेदेर आफादगिरि मुस्त्री दिपेन बर', गाहाइ नेहाथारि खनिन्द्र बसुमतारी, लोगो आफादगिरि खोरोमदाव वारी आरो रोमदोन बसुमतारी, बुंथिगिरि अबित नार्जारि बिथांमोननिसिम जोबोद गोजोननायजों साबायखर होबाय। आंजोंनो थाफानानै बे खुगा लाइसि सुजुनाय हाबायाव गोबां खस्थ सहायनानै खामानि मावफानाय सुजुगिरि फारियै लोगो थुनलाइयारि नेहाथारि सिबिसन नारजारि, लोगो गेलेमु नेहाथारि मनिराम बरगयारीजों लोगोसे अदालगुरि जिल्ला एबसुनि थुनलाइयारि नेहाथारि दनेस्वर बसुमतारी, बाथ्रा दान्थे नेहाथारि सोमबा ब्रह्म, रांगिरि सानसोरां ब्रह्म, सिरां जिल्ला एबसुनि नेहाथारि दैथुन खुंगुर बसुमतारि बिथांमोननिसिमबो आंनि गोसो-गोर्बो सिंनिफ्राय हाजासे साबायखर होबाय। सुजु आफादनि खावलायनायबादिनो गावनि बेसेनगोसा समखौ दोन्थ 'नानैब्लाबो बेसेनगोसा लिरबिदां हरनानै मदद आरो थुलुंगा होनायनि थाखाय साफ्रोमबो गागि आरो गोदान लिरिगिरि बिथांमोननिसिमबो साबायखर हरबाय। लोगोसे जोंनि खावलायनायबादि 28थि बिसान “मुगानि साखि” खुगा लाइसिखौ आबुडै सेबखानानै होनायनि थाखाय आइग्ल'बेल ग्राफिक्स (iGlobal Graphics) नि बिगोमा मुस्त्री रातुल बसुमतारी आरो बिथांनि मावथिफारिया बिथांमोननिसिमबो साबायखर जासिबाय।

जोबथारनायाव 28थि बिसान “मुगानि साखि” खुगा लाइसिखौ बयनिबो अनसायनाय मोनोगोन मिजिंथिनायजों थुनलाइ मोजां मोनगिरि, फरायगिरि आरो अनसायगिरि बिथांमोना बानान खान्थि आरो बाथ्रा जथायनायाव माबाफोर गोरान्थि थालानायफोरखौ सुद्रायनानै निमाहा होगोन होनना मिजिंथिबाय।

मिनिसोरां ब्रह्म

गाहाइ सुजुगिरि

फारिलाइ

रायथाइ बाहागो-

• मेगन गुनु सोलोंथाइ बिनि बोहैथि दाहार...	-तरेन बर'	1
• आबहावा सोलोंथाइ आरो सरैखाथि	-प्र. इन्दिरा बर'	4
• मन 'रन्जन लाहारीनि जिउ आरो थुनलाइ सोरजि	-ड० आदाराम बसुमतारी	8
• बर' खन्थायाव दैमा: बेनि बाहायथि आरो...	-ड० भौमिक चन्द्र बर'	15
• सनमनि साइयायाव	-रंगिना दैमारि	20
• बर' रावनि आथिखाल मान थाखो	-ड० तुलन मसाहारि	23
• सोमावसारनायाव फरायसानि आदानि	-तीरेन बर'	28
• फरायनायानो गियान मोननायनि गुबै लामा	-सुनीति बसुमतारी	31
• बर' खन्थाइयाव आबहावा सानसि...	-ड० राहेल मचारि	34
• नैथि राव फोरोंनाय आरो बेनि गोनांथि	-ड० सानसुमा खुंगुर बर'	41
• हादोरनि सोलोंथाय खान्थि आरो बेनि जेंना	-के. दिपक बसुमतारि	45
• नार्गेस महम्मदी	-अनजु	49
• सानजुन्थि राव	-ड० मुसुका बाला ब्रह्म	53
• गावनि धोरोमखौ मान होनानै गोथार गोसोजों	-प्रतिमा नन्दी नार्जारी	55
• जिउनि हाबा: मोनसे बिजिरनाय	-रनिश सांग्रां रामसियारि	59
• गोथार "बाथौ थान्दै" आव मोननाय सैथो...	-प्रकाश बसुमतारी	62
• थानाय जौथायाव गोख्रैसिन जौगानाय.....	-महेस्वर बसुमतारी	66
• अनजुनि दोनैसो खन्थाइयाव दैमा-दैसानि....	-बिन्दु बसुमतारि	72
• बिग्राय आरो दैस्त्राय सल 'मायाव बेरखांनाय...	-ड० केशब दैमारि	78
• लाइमोन दोहोन	-काशीराम बाग्लारी	84
• जौगासार BODOLAND दाफुनायाव...	-ड० एन 'स नार्जारी	89
• जिउखौ दैदेन्नाया बबेबा लामाजों..	-ड० बिहुं ब्रह्म	92
• राइजो सरकारनि हानि मावसोलो आरो दैयां...	-पबित्र ब्रह्म दैमारी	95
• फरायसा आरो फरायसा आफाद	-बिश्वेश्वर बसुमतारी	105

• बर' रावनि गारां रिंसारथि	-अमरजित दैमारी	108
• इसोर सैथोथि, गोजोन	-सनतोष हाज 'वारि	111
• बर' थुनलाइआव खृष्टान मिछ 'नारीफोरनि...	-कैलास नन्द ब्रह्म	115
• गोब्राब अल 'खदाव बर' राव-थुनलाइ	-नन्देश्वर दैमारी	118
• बर'फोरनि आबाद मावनाय हारिमु	-ड० इन्द्रजित ब्रह्म	122
• मेलेरिया सुंद' सल': मोनसे सावरायनाय	-खोमथा नार्जारि	126
• बिसम्बिफोरनि गेजेरजों बेरखानाय जिउखौरां...	-उदांसि नार्जारि	136
• Role of the Bodos during freedom struggle	-Bidyasagar Narzary	142
• The Bodos and Their Legendary...	-Premananda Machahary	148
• Opportunities for entrepreneurship...	-Laishri Mahilary	150
• Food And Nutrition in Traditional...	-Prof. Khagen Basumatary	154
• Teacher as a Leader	-Dr. Ajit Boro	159
• बर' खुगा मेथाइयाव बर' समाजनि रांखान्थियारि	-खोमदोन ब्रह्म	163
• असम गौरब ड० जगेश देउरी	-ड० जगेश देउरी	172
• गावखौ फोथैनाय	-बिनन्द स्वर्गीयारी	178
• आयदायारि बिथायाव फावथाइनि रुपरीतिनि...	-अनिल कुमार ब्रह्म	185

सल' बाहागो-

• बराद	-ड० बिजितगिरि बसुमतारी	195
• राफोदाइ	-अरन राजा	197
• उन्दै बैसोयाव हाबा लानाय	-उत्तरा बैसोमुथियारी	201
• मा दुखु लानाय जाखो ?	-राणी हेलेन	204
• थै दान	-सहाइसुलि ब्रह्म	206
• ज'ब्रा	-बादल बसुमतारी	211
• सुहाबनाय हराव, नोंखौनो गोसोखाडो	-जैसि बर'	217

• नों नडमोनब्ला	-रीम्बा औवारी	223
• समा फैमारासै	-साधना ब्रह्म	237
• जाइख्लं	-डू बारदै सिला नारजारी	243
• गोदान बर'	-गुनेस्वर औवारि	245
• बेंगुरानि सोलो	-गुनुराज बर'	254
• सेल्फीनि सोमावसारनाय	-रनजय ब्रह्म	258
• लख्रा देवानिनि बिहामजो मोसा फाखि	-शिवेन्द्र ब्रह्म	261
• हरगेजेरनि हसिख्रावनाय	-प्रमद कुमार ब्रह्म	269
• दालालि	-फैलाव ब्रह्म	271
• अदालगुरिनिफ्राय क 'क्राइर बड'लेण्ड बासआव	-सोमबा ब्रह्म	275
• गोमानाय सुयेटार	-सानसुमै खुंग्रि बसुमतारि	280
• माष्टारसो	-जनिल कुमार ब्रह्म	284
• समनि आगान	-अजित कुमार ब्रह्म	289
• सोलोंथाइनि मुगाया बादायारि मुगा	-सभाराम बर'	294

खन्थाइ बाहागो-

• नों मिथिखायो रुमबाडा आंनि गोसोथोनाय	-जनक उजिर	302
• आं दा आं जाबाय	-धीर्ज्यु ज्योति	303
• संदान होसोनानै	-रश्मि चौधुरी	305
• आबुं मिजिं	-सोमखोर शीला	306
• जिउ आरो आं	-सोरांस्त्रि गयारी	306
• सरस्वतिनि बिस्व सुन्दरि	-मेफि र'जे बर'	307
• समफ्रा दा आंनि मुडै	-जे. भार्जिन	309
• आइनि राव	-कौशल्यु ब्रह्म	311
• बोरै सहायनो दे नोंनो बुं ?	-मोगथां बसुमतारी	312

• लिमारिक	-बड'सा ब्रह्म	313
• बड'लेण्ड नों माबोला....	-आलेरा बर'	314
• सानफोरा माब्लाबा बिसोरनि जानानै थार्थों	-लतास पि. नार्जारि	315
• आंनि जिउनि लोगोरि प्रतिमा बसुमतारी	-बानेस्वर बसुमतारी	317
• न', सिथ्ला आरो दंफांनि सल'	-माइनावसि दैमारि	318
• मोनदांथि	-माधबि बर'	320
• मुखुब बुब्लिनि जौसाडव	-जिंकिरि बर'	320
• सानसिनि आन्दोआव जिख्लाबसे जिउ सल'	-प्रियंका बसुमतारी	321
• देहा फाहामसालि आरो बेनि गुबुन मोनसे महर	-बुद्धदेब नार्जारि	322
• मागोयाव फैमारगोनदा नों जोंनि गामियाव ?	-अनिला बसुमतारी	324
• जों सिबिगोन जोंनि हादर	-ग'पीनाथ हाज'वारी	326
• जांखिखांदो	-इभा रानि दैमारि	327
• आइ आरो आफानि सिला नोजोर	-सिबिसन नारजारि	328
• कार्बि हाजोनि फैलाव बिखायाव	-बुद्धिराम बसुमतारी	330
• अरनबारियाव सुबुं माहारि	-बिजय गयारि	331
• हाबिलास	-बिनाराम बसुमतारी	331
• जुजिनांगौआ थारैनो जोबनो गैया	-बिमल मोसाहारि	332
• उदांनि बैसागि आगर	-बिरनजय मोसाहारि	332
• हारिखौ अननायनि मुडव गोरबोनि खन्थाइ	-राजेश बर'	333
• जोंनो नांगौ सुबुंनि सोमावसारनाय	-सैनेन बसुमतारि	335
• थुफिनाय गोसोनि बिबार	-मिथिसार ब्रह्म	336
• दावबायारि	-दिपक बसुमतारि	336
• आं गया	-जेनेभा मुछाहारि	337
• गोरबोनि बिसम्बि	-कामेस्वर बसुमतारि	337
• लाइमोन	-मनमहन बसुमतारी	338

• सावगारि	-हरेश्वर नार्जारी	338
• मोनसे आद्रा सिमां	-खोदोम बसुमतारी	339
• गुबै जेन्नाय	-रुबिला बसुमतारी	339
• सानख' हायै दुखु	-मनिका गयारि	340
• गोरोन्थि आरो सोदांनाय	-निर्मला नार्जारी	340
• आंनि आइआ नोरजिया नाखेबजानाय	-रैसुमै बर'	341
• नॉनि मोखांसे महराव	-जॉमा ब्रह्म	341
• मिथिखा	-मनिराम बरगयारी	342
• जुजायनि अर	-सुदेमा बरगयारी	342

बाइदि बाइदि बाहागो-

• गाहाइ नेहाथारिनि बोसोरारि फोरमायथि बिलाइ		343
• आफादगिरि आरो गाहाइ नेहाथारिफोरनि फारिलाइ		424
• थुनलाइयारि नेहाथारि आरो 'मुगानि साखि' खुगा लाइसिनि गाहाइ सुजुगिरिफोरनि फारिलाइ		425
• 2023-2024 मायथाइनि मावफुं सोद्रोमाफोरनि फारिलाइ		426
• 2006-2023 मायथाइसिम मेट्रिक आन्जादाव बर' बिजॉनिफ्राय सेथि मासि मोननायनि फारिलाइ		327
• 17थि कमल कुमार ब्रह्म देरहासाद बान्था, 2023		428
• 8थि मिरु रोंगौसा सायख' आन्जादाव गु आरो जि थाखोनि फरायसाफोरनि थामथि मासि आवग्रिनो हानायनि फारिलाइ		430
• हाबाफारि		431

मेगन गुनु सोलोंथाइ बिनि बोहैथि दाहार बाइदि बाइदि..

-तरेन बर'

सोलोंथाइ जायखौ इंराजीयाव Education होन्नाय जायो। बिनि गुबै सोदोबथियानो जादों लेटिन रावनि E आरो 'duco' बिनि सोदोबथिया out of थामहिनबा जायनिफ्राय ibleed आं जौगानो हागौ Educare, educare एबा Education सोदोबनिफ्राय education सोदोबनिफ्राय ऑंखारनाय होन्नो हायो। Education सोदोबनि सोदोबथियानो जादों To lead out थामहिनबा जौगाथिहोनाय। Educare सोदोबनि सोदोबथियानो जादों To bring up गेदेर गोलाव खालामनाय आरो Educatum सोदोबनि सोदोबथियानो जादों The act of teaching सोलोंथाइ होनाय हाबा। बिफोरखौ गोथौयि नायबिजिरब्ला मिथिनो मोनो, सोलोंथाइया मानसिनि जीउखौ जौगाथि होयो आरो फरायसाफोरखौ सोलोंथाइया गोदान गोदान सानहोनानै इयुन जीउ संग्रामाव जुजिनो हादर आरो बहुमनि हामलायनायाव मोजोमहोनो गासैबिथियाव आखा फाखा जाहोयो। सोलोंथाइया सासे मोनबो रोंडि मानसिखौ मेगन गुनु खालामो आरो रोंडि खोथाखौ मिथि होयो। खायसे पन्डितफ्रा सोलोंथाइया मानसिनि आखुथायखौ दानो फोरोडे नाथाय बियो थार जिउआव गासै आगान सुरनायाव हेफाजाब होजोबनो हाया। ओरैहाय आथिखालाव जाय जौगा थाखोनि डिग्री लादों बिखौनो समाजनि नाथाय मुलुगलोसोंसालि डिग्री मोन्नाय मानसियादि जोबोर गियानि बिखौ गमायै बुंनो हाया, बिसोरखौ मेगन गुनु होन्नानैसो बुंनो हायो। बिसोर जादों जाग 'तिक गियाननि बिगुमा नाथाय गुबुन गियान थामहिनबा spiritual knowledge बिहा गैयाबो जानो हागौ जेराव सासे लेखा खावनिया मानसिहा थायो। जेब्लासिम सासे मानसिया गावनि आखुथायखौ रैखा खालायना आखल आखु, आसारखान्थि आब्रुथि आरो सोद्रोम जानो सोलोंआ अब्लासिम बियो मेगन गुनु गियानि सुबुं जानो हाया आरो बिखौ education मानसिबो बुंनो हाया Non formal सोलोंथाइजों लोगोसे गोगो आखुथाय दानाय आरो

जौगाहोनायजों spiritual गियान दानो हाब्लासो बिखौ थार सोलोंथाइगिरि बुंनो हाथावगौ ।

स्कुल कलेजनि बिजाबखौ मुखास्थ खालामना मोजां रिजाल्ट दिन्थिना उथ्रिनो हानायखौनो थार सोलोंथाइ मोनदों होन्ना बुंनो हाया । फरायसाफ्रा गावनि जिउनि डिग्री लानो थाखाय academic qualification आ जोबोर गोनांथार । डिग्री लानानै गावनि जिउ खानाय राहा लानायजों लोगोसे समाज आरो हादोरनि सासे गोगो सुबुं जानो थाखाय नाजानांगोन । डिग्रीनि उनाव जिउ राहा आरो गोगो समाज दानायाव बिबान लानाय आरो देहायारि, गोसोयारि सोलोंथायारि आरो spiritual गियानजोंसो सासे सुबुंनि जिउखौ आबुं खालामो । गोबां जौगा सोलोंथाइ मोन्नाय समाजाव सुबुं दड' नाथाय थार spiritual knowledge थानाय सुबुं सानखोया खमथार । नाथाय बेफोर थार गियानखौ सोलोंनोब्ला नख'रनि बिमा बिफानि गासै आबहावा, फोरोंगुरुनि गाहाम बोसोनथियारि फोरोंनाय आरो सोरगिदिं समाजनि गोगो गोजोन थासारि आरो आबहावाया जोबोर गोनांथार बाथ्रा अदेबानि बिखौबो बुंना दोन्नाया गाहाम दि आथिखालनि सोलोंथाइ फसंथानफ्राव नुनो मोनो teacher oriented नि, student oriented education जानाया जोबोर दुखु नांथावना । जाउनाव सासे फोरोंगुरुआ दाय मोनब्लाबो सासे फरायसाखौ गोदोनि बायदि साजा होनो हाया एबा हेंथा दं । बियो खेंसालियायै सोलोंथाइ लानायाव, होनायाव गाज्रि गोहोम गोलैदों । बिखौ नोजोर बोनानैनो सोलोंथाइगिरि एरिक् हफारा बुंलांदों-

It is a malady of our age that the young are so busy teaching us that they have no time to learn. गमायै उन जोलैफ्रा सोलोंनो सम गैया आरो लुबैआबो । मानोना दानि materialistic सानथौया गोदान जोलैखौ एरै बायदि मुखुब खालामना दोनदों दि, बोसोनथि सोलोंथाइ, आदर्श, सुबुंनि बोसोनथि, सैथोबादि, नियाय आरो गुण गोनां जानो मोजां मोजां बिजाबफोरखौ फरायनो सोलाबा । मानो होनब्ला गोरलैयै मोननो रादाब लानो हानाय electronic media जैरै मबाइल, बाइक, internet, computer, facebook बायदियाव मुखुब थानाय आरो जाला लौला खालामना सम खाथायनाय बायदि बायदि लामा लानानै खम खस्थ' आरो easy earning लामाखौ उनाव साखो माखो luxury गोख्रै जिउ दावबायनायाव गोसो होनानै गावनि नखर, हादर आरो गोदोनि सोलोंथाइ आसार खान्थिफोरखौ गालानानै सोलिनो हमो । बबेखानि फरायसा एबा गोदान जोलैखौल' दाय होब्ला जानाय नडा, हादरनि सोलोंथाइ खान्थिआबो गुबुंले खालामनाय नोजोराव गोलैयो । जैरैहाय moral education होनाय, जारिमिन आरो भुमखौरां, संस्कृत रावखौ गाहाम रोंगथि गोनां फोरोंगिरि थिसनै commercial attitude, बिफोर गासै जाहोनानो फरायसाफोरखौ गोसो गोयै खालामदों आरो मेगन गुनु जाहोवाखै अदेबानि लेखा खावनियासो खालामदों । बबेखानि फोरोंगुरु, फरायसा आरो guardian फोरा गाव गावनि मावनां हाबाखौ गोसो होनानै फालिब्लासो सोलोंथाइ मुलुगाव

मोनसे गोगो आबहावा सोमजिगोन आरो समाजा दावगागोन । बे बिथियाव फंसे बाथ्राखौ बुंनांगोन श्रद्धाबान लभते ज्ञानम । श्रद्धा थाब्लासो गियान मोननो हायो आरो गियानआसो गोहो “knowledge is power” । सोल्लोथाइनि आबहावाखौ फोरोंगिरिफ्रासो लाबोनो हायो । नाथाय बे फोरोंगिरिया सोल्लोथाइनि गोगो आबहावा रनसायनो हानांगोन रोंनांगोन अब्लासो रबार्त इंगारचलया बुंलानाय बायदि- से रोजा साधु पुरहितया मावनो हायैखौ सासे फोरोंगिरिया मावनो हायो । बिनिखायनो सासे मुंदांखा सोल्लोथाइगिरिया बुंलांदों- जाइ सोल्लोथाया गावखौ मालायनि खाथियाव फान्नो फोरोडे बे बायदि सोल्लोथाइजों गियान लानायनिखुइ जाम्बा जाना थानाया गाहाम । बिनिखायनो सात्रानां अध्यनं तप बे गुबै मोन्थोरखौ गोसोयाव लानानै फरायनो जानजि खाफ्राब्लासो फरायसा हानजाया दावगानो हागोन आरो survival of fittest होन्नाय बाथ्राजों गोरोबहैनो हागोन । आथिखालनि बादायारि मुलुगाव सोरबा फरायसाया medium एबा गाहाय मान थाखोनिब्ला बियो दानि information technology मुलुगाव खारफानाया गोब्राब जागोन आरो

अराय सम बेफोरनि जेंनाजों गबनानै थानो गोनां जागोन । जोंनि बर' माहारिनि गुन गोनां सोल्लोथाइ बिथाया जोबोर लोरबां । बर' बिजों मोन्नानै जेसेबां दावगालांनो नांगौमोन बिमा रावजों नाथाय बिनि 10% ल'सो दावगानो हानाय नुनो मोनो । गोबाडनो आबहावाजों गोरोबना थानो खारफानो हायैयाव लेखा खावनिया जानानै थानो गोनां जादों जाउनाव बर'नि सोल्लोथाइ मोन्नायनि सानखोया बांनांगौमोन नाथाय खमायदोंसो । बर' फरायसाफ्रा quality education लानो खारफायाब्ला इयुना नाथाय सोरां जानाय नंआ बियाव बयहाबो बिबान दं । बेराफारसेथिं बुंनो नांगोन दि, जुदि फरायसाया गावनि बिबान गनायाब्ला, perseverance जानो नाजायाब्ला, आब्रुथि आरो sincerity जानो रोडाब्ला, फोरोंगुरुआ जुदि गावनि बिबानखौ मोजाडै फालियाब्ला, दिथागिरिफ्रा गाव गावनि गथ'खौ थार लामाजों आगान सुरनो बोसोन होवाब्ला जोंनि समाजा जेब्लाबो दावगानो हानाय नड आरो सासे मेगन गुनु जानानै गाहाम नोगोरारि जानायनिफ्राय जानगारना थानो नांगोन आरो जिउआ अराय खोमसि जाना थागोन ।

आबहावा सोलोंथाइ आरो संरैखाथि

-प्र. इन्दिरा बर'

जिब-जिबि आरो सोरगिदिं थानाय जाय सोरबिथिं बेखौनो फंसे खोथायै आबहावा होननानै बुंनाय जायो। गुबुनै बुंनो थाडेब्ला आबहावा सोदोबा जौनि सोरगिदिं थानाय मिथिंगायारि आरो समाजारि थाथायनि जथायखौनो आबहावा होननानै बुंनो हायो। जौनि सोरगिदिं थानाय मिथिंगायारि, समाजारि जिउ गोनां आरो जिउ गैयै मुवा आरो थासारिनि जथाय हाल सालखौनो मोनफा जायगानि आबहावा होननानै बुंनाय जायो। (मधुराम बर', आबहावा सोलोंथाइ आरो बिनि सांग्रांथि, 1988, बि:12) मिथिंगानि सायावनो जिब जिबिफोरा थानानै थायो। बेनिखायनो आबहावानि बुंफोरथि होनांगौवा फंसे रावै मालाबाबो जानो हाथाव नड। मुलुग संसाराव मानसि हारिखौ लानानै बायदिसिना जिब-जिबि आरो बिफां-लाइफां दड'। दैमा-दैसा, बिलो बिलोमा, गामि, नोगोर, हाजो हाग्रामा बायदिसिना जायगाफोरा बिसोरनि थाग्रा जायगा। मोनसे दोल गोनां बारहावाजौं गोरोबना जिब जिबिफोरा थानानै थायो। थामहिनबा a sum total of all the living and non-living elements and thier effects that influence human life. It refers to the surroundings in which life exists on earth. मोनफ्रोमबो मुवायानो गावजौं गाव होलाय लालायनि गेजेरजौंसो थानानै थायो।

बे आबहावाखौ गुवारै मोननै बाहागोआव राननाय जादौं। जैरै-इसिडारि आबहावा (Internal environment) आरो बाहेरारि आबहावा (External environment) इसिडारि आबहावाया जादौं समाजारि हालसाल, थानानै थानायनि मान जखा, आसारखान्थि आरो हारिमुनि जाउनफोर। गुबुन फारसेथिं बार, दै, हा, हाग्राबंग्रा आरो गुबुन गुबुन मिथिंगायारि जिरादफोर आरो जिब जिबिफोरनि जानाय लौंनाय जगायनानै होनाय गोहोफोरखौं हमनाय जायो।

बाहेरारि आबहावाखौ आरोबाव मोननै बाहागोआव रानफिननाय जादौं।

बेफोर जाबाय-मिथिंगायारि आबहावा (Natural environment) आरो समाजारि आबहावा (Social environment), जायखौ मिथिंगायारि नडै (Non physical environment) आबहावा होननानै बुंनाय जायो। मिथिंगायारि आबहावायाव मानसि आरो मानसिया बानायनानै मुवा बेसादफोरखौ एंगारनानै बहुमाव बाहेरारि जेसेबां मुवाफोर दड बेफोरखौनो बुंनाय जायो। थामहिनबा सरसनस्त्रायै जॉनि सोरगिदिं थानाय बार, दै, हा, हाग्रा-बंग्रा, दावमा-दावसा, जिब जिबिफोरखौनो हमनानै लानाय जायो। मोनफा आवथा (area) नि भुमखौराडारि थासारिहा, मिथिंगा, दैमा-दैसा, बारहावा, बिफां-लाइफां गासै जथायै मिथिंगायारि आबहावायाव गोग्लैयो। बेयो समाजारि आबहावानिफ्राय आलादा। समाजारि आबहावानि गुबै मुवाफ्रा जादों-सुबुं अनजिमा, सुबुं हारि, दोहोरोम, समाजारि दाथाय बायदि बायदिफोर। The social environment, social context, socio cultural context or milieu refers to the immediate physical and social setting in which people live or in which something happens or develops. (<https://in.m.wikipedia.org2wiki>)

मधुराम बर'वा गावनि बिजाबाव मख'नाय बादिब्ला मिथिंगा आरो मिथिंगायारि नडै मोननैबो आबहावाया जॉनि देहा मोदोम, न'-बांनि दाथाय, खामानि-दामानि आरो थाना थानायनि लामाफोरनि सायाव गोहोम खोलैयो। थैवबो समाजारि आबहावानिखुइ मिथिंगायारि गोहोमासो बांसिन जानाय नुनो मोनो। (बि. 16)

जाय आबहावायाव जों आलो गोजोनै थानानै थाबोदोंमोन मुगायै मुगा, नाथाय दिनै

सुबुं हारिनि आखल आखुनि थाखायनो नामा आबहावाया गुबुंले जाबोगासिनो दड'सै। जायनि थाखाय दिनै आबहावा फरायसंनायनि जोबोर गोनांथि जानानै फैबाय। आबहावा गुबुंलेनि सायाव थानाय माखासे जिथायनिफ्राय बहुमनि गोबां अनजिमानि सानसुमैफोरा गोथौवै साननो लाबोनायखौ नुनो मोनदों। बहुमाव लासै लासै सुबुं सानखोआ गुबुसारनायनि जाहोनावनो मिथिंगानि मोनफ्रोमबो बिथिडावनो गोहोम गोग्लैलांबाय। बिथिंगा आरो सुबुं रुजुजखाया समानथाय गैयै जालांबाय। जाउनाव आबहावा गुबुंलेया मोनसे साननो गोनां खोथा जानानै फैबाय।

आबहावा गुबुंलेनि फरायसंनाया गिबि गिबि 1960-70 मायथायावनो आमेरिका जुथाय हादोराव जागायजेनदोंमोन। लासै लासै बेनि गोहोमा बहुमनि जेरावबो गोसारलांजोबो आरो 1972 मायथायाव आमेरिका जुथाय हादोरनि Stockholm conference आव आबहावा सांग्रांथिनि सोल्लोंथाइ लानांगौनि गोनांथिनि सायाव जर होनाय जायो। आबहावा सोल्लोंथाया बबेखानि गोदान आयदा नड। बबेखानि बेयो सोल्लोंथाइ थिलिनि मोनसे आयदा (dimension) महरै गनायनानै लानाया गाहाम जायो। थारैनो आबहावा सोल्लोंथाया जादों आबहावानि गेजेरावनो, आबहावानि सोमोन्दैनो आरो आबहावानि थाखायनो आजावनानै लानो गोनां सोल्लोंथाइ।

आबहावा सोल्लोंथाया जादों मोनसे ओरैबादि सोल्लोंनानै लानांगौ मावथाय, जायनि गेजेरजों मिथिंगायारि आरो मानसि हारिया सोरजिनाय आबहावानि सायाव फरायसंलांनाय जायो। बे फरायसंनायाव सुबुं अनजिमा, गुबुंले

आबहावा, मिथिंगायारि दोहोन बाहायनाय आरो दोनथुमनाय, हान्थामेला, बिरोंदामिन आरो दुलाराय मानसिफोरनि थाखाय जाखांबोनाय नोगोर आवथा आरो गामियारि आवथाखौ हमनानै लानाय जायो। मख 'जायोदि इयुन समनि आबहावा गुबुंलेनि खोथाखौ मोन्दांहरनानैनो 1972 मायथाइनि स्टकहम जथुम्माव limited resources of global commons आरो tragedy of commons आयदाखौ नोजोरथिनानै आबहावाखौ माब्रै सरैखाथिनो हायो बेनि सायाव थिरांथा लानायनि गाजाया खिलिजेनो। बेनि गुदि हमदोंमोन। बे सोमावसारनायखौ दैदेनदोंमोन आबहावागिरि सुन्दरलाल बहुगुना (1927-2021) आ। उन समाव बे सोमावसारनायखौ eco-feminism movement नोजोरै नोजोर बोनाय जादों। मानोना अरन बारि जोबसां लांनायाव आइजोफोरानो बांसिन गोहोम गोग्लैदोंमोन, जाउनाव आइजोफोरा बे सोमावसारनायाव मैखोमै बिफाव लादोंमोन। मख 'नो गोनांदि बे रोखोम आबहावायारि थासारिखौ गोनोखोआरि बिथिडै सरैखाथि होनो हानायनि थाखाय 1987 मायथायाव चिपक सोमावसारनायनो Right livelihood award बान्था गथायनाय जादोंमोन। आइजोफ्रा दंफां लाइफांखौ रैखाथि होनायनि जुनै दंफांखौ बामख्रब बामख्रब थानानै रैखाथि होनो हानाया थारैनो चिपक सोमावसारनायनि मोनसे मख 'जाथाव बिथिं।


बेनि उनाव save silent valley एबा निजोम हायेन सरैखाथिनि खोथाखौ लाबोनो हायो। बेयो रोखोमसे समाजारि सोमावसारनायमोन। Silent valley आ जादों खोला भारतनि केरेला

राइजोआव थानाय पालाक्काद जिलानि सिडव गंसे अराय सोमखोर गोथां बिफां लाइफांजों आवग्रि जानानै थानाय अरनबारि। हाइड्रइलेक्ट्रिक प्रजेक्टनि दारै बानायजानाय महरै सोमजिनाय दै बानानिफ्राय silent valley खौ सरैखाथिनायनि थाखाय बे सोमावसारनायखौ 1973 माइथायाव जागायजेननाय जादोंमोन। जाय सोमावसारनायखौ फरायसालिनि फोरोंगिरि आरो केरेला फरायसा थुनलायारि आफादा दैदेनदोंमोन। बे हायेनखौनो 1985 मायथायाव silent valley national park होनानै भारत सोरखारा फोसावनानै होदोंमोन। कुन्ती फुजा मुंनि मोनसे दैमानि सायाव मोब्लिब दिहुननायनि मुडै मोनसे Project नि खामानि मावनो आखायाव लादोंमोन। जायजों बे गोजोन निजोम हायेननि अरनबारियाव गोबां अनजिमानि खहा लाबोनाय जागोन जेराव माखासे मानि मोननो गैयै जुनादफोरनि थाग्रा जायगामोन। जाय खोथाखौ सरासनसा सुबुंफोरनोबो गियानाव सोनानै होनाय जादोंमोन। माद्राज गोलेर बेंकनि बिगुमा Romulus Whitaker (1943) बिथाडानो बे फिसा आरो बेसेबां गोथौ आवथायाव थानाय बे जायगानि सायाव सरासनसा सुबुंफोरनो मिथिहोग्रोजेनदोंमोन। 1977 मायथायाव Kerela Forest Research Institute आ बे Silent valley नि आबहावा थासारिनि सायाव फरायसंदोंमोन आरो जिब जुनाद रैखाथिनि थाखाय बे आवथाखौ सरैखाथिनो गोनां होनानै बानबुंथाय होदोंमोन। जाउनाव केरेला सोरखारा 1979 मायथायाव silent valley खौ सरैखाथिनायनि मुडै Protection of Ecological Balance Act 1979 मुडै मोनसे आइन दानानै होदोंमोन। Bombay Natural

History Society नि मुंदांखा दाउ रैखाथिगिरि ड० चेलिम आलीयाबो बे जायगाखौ नायसंफैयो आरो Hydroelectric project नि खामानिखौ बन्द खालामनांगौ होननानै दाबि दैखाडे आरो केरेला गोजौ बिजिरसालिसिम गांसे आरजलाइ दैथायो। जाउनाव बेयो 1984 मायथाइनि 15 नबेम्बराव silent valley खौ National Park महरै फोसावनानै होनानै बेनि सरैखाथिनि मोनसे गेदेर खामानि मावनाय जायो। बे Park आ आबुं महर मोनो 1985 मायथायाव आरो बेखौ बेखेवनानै होदोंमोन बै समनि गाहाइ मन्थि राजीब गान्धी बिथाड।

बेबादिनो आबहावायारि सोमावसारनाया सम लायै सम जालांबायानो थाबोदों। बेवहाय जों

नुनो मोनो जों साप्रोमबो सरसनस्त्रा सुबुंफ्रानो बे आबहावा सं रैखाथियाव मैखोम बिफाव लाबोदों। अब्ला जों साप्रोमबो सुबुडनो आबहावा सोलोंथाइनि फारसे सांग्रां जानांगोन। मानोना बे आबहावा गोथार एबा गुबुंलेनि सायावनो जोंनि इयुन जिउवा लामा नायगोन। आबहावा गुबुंलेनि जाहोनावनो आथिखालाव जोंनि जिउ थासारिया गिलु बालु जाबोनो लादों बेखौ नोजोरथिनानै अरन संरैखाथि, जिब जुनाद रैखाथिनानै Ecological Balance खालामनानै खैफोद गैयै थासारिनि थाखाय जों बिदिब्ला फैदो बयबो समायखिरा लादिनि आबहावा सोलोंथाइनि फारसे सांग्रां जानायनि।



मन 'रन्जन लाहारीनि जिउ आरो थुनलाइ सोरजि

(Life of Manaranjan Lahary and his Literary Creation)

-ड॰ आदाराम बसुमतारी

मन 'रन्जन लाहारीया इंराजि 1936 मायथाइनि फेब्रुवारी दाननि 1 (से) अक्ट'आव जोनोम मोनो क 'क्राइर जिल्लानि गसाइगाव महकुमानि सिडव थानाय बामोन कुरा गामियाव । बिथानि बिफानि मुड बसन्त ' कुमार लाहारी आरो बिमानि मुड देउबारी लाहारी । बिथाड बिदा सासे दंमोन मुड जयगबिन्द लाहारी आरो बिब' सासे दंमोन- मुड खज' बाला लाहारी । खज'वा बिन्ना खातायाव हाबा जादोंमोन । मन 'रन्जन लाहारीया गासै साब्रै बिनानावफोर दंमोन, बिसोर फारिथै सैबालि लाहारी, बियो गसाइगाव महकुमानि सिडव थानाय मालागुरियाव हाबा जायो । नैथि बिनानावा दंगली लाहारी । बियो भाउरागुरि खाथिनि आय भान्दाराव हाबा जायो । थामथि बिनानावा कपी बाला लाहारी । बियो गसाइगाँउनिनो जैमागुरी गामियाव हाबा जायो आरो ब्रैथि बिनानावा रपी बाला लाहारी, बियो सोनाब बेंगलनि (West Bengal) बानियापारायाव हाबा जायो । बिसोर गासै बिदा-फंबाय, बिब'-बिनानावखौ लानानै सा स्त्रि जनमोन ।

मन 'रन्जन लाहारीनि बिमा-बिफाया

फिसाफोरखौ जोबोर मोजाडै खांदोंमोन जायनि थाखाय बिसोर बारग 'सारनो हादोंमोन । उन्दैनफ्रायनो मन 'रन्जन लाहारीया एसे जुनिया रोखोमनि खामोन होन्नानै मिथिनो हायो । जाय समाव बर' हारिनि गेजेराव एसेल' बिबांनि मोजां आरो बारग' सारनो हानाय फरायसाफोर दंमोन बैसमावनो लाहारीया गोसो-मोदोम जिउ होसारनानै फरायफुनायनि खाबुखौ लानो हादोंमोन ।

(क) सोलोंथाइ (Education):

बिथानि सोलोंथाइया गामिनिफ्राय जागायनानै गोजौ थाखोसिम माबायदि मोनहैनो हादोंमोन बेखौ गाहायाव सावरायनायबादि मोननो हायो ।

1953 मायथाइयाव बिथाड अभयेस्वरी गोजौ फरायसालिनिफ्राय मेट्रिक आनजादखौ उथ्रियो । 1955 मायथाइयाव बै समनि I.A (Intermediate of Arts) आनजादखौ Cotton College निफ्राय उथ्रियो आरो B.A आनजादखौबो Cotton College निफ्रायनो 1957 मायथाइयाव उथ्रियो । 1963 मायथाइयाव Gauhati Uni-

versity निफ्राय M.A आनजादखौ उथ्रिसार जायो। 1972 मायथाइयाव B.T. आनजादखौबो Gauhati निफ्रायनो उथ्रिसार जायो। मिथिनो मोन्दोंदि Ph.D नि थाखाय बिथाड Gauhati University नि बै समनि Anthrophology नि सोरबा सासे Guideship आव Research खालामदोंमोन नाथाय माबा मोनसे असुबिदानि थाखाय फोजोबलांनो हायाखिसै। जानो हागौ गावारि असुबिदानि (Individual Technical Problem) थाखाय बिथाड Research खौ फोजोबनो हाफुडखै। बिथांनि फरायनाय हाबाया बेखिनियावनो जोबथ'यो।

(ख) हाबा जानाय Married Life):

मन 'रन्जन लाहारीया थिग बैसोआव हाबा जायो बै समनि जलफाइगुरि जिल्लानि सिडव थानाय सतलि बस्ति (Satali Basti) होननाय गामिनि साबित्रि लाहारीजों। आथिखालाव बे सातलि बस्तिया सोनाब बेंगलनि आलिपुरदुवार जिल्लायाव।

बिथांमोननि गोरबोनिफ्राय गासै साथाम फिसाफोर जोनोम मोनो। बिथांनि फिसाफोरनि मुड फारियै-

1. कौसिक लाहारी (देरसिन फिसाला)।
2. सत्यकि लाहारी (गेजेर फिसाजो)।
3. स्राबन लाहारी (फिसाज्ला उन्दै)।

स्राबन लाहारीया आथिखालाव क'क्राझार क'मार्स फरायसालिमानि इंराजि बिफानाव लोगो बिबुंगिरि (Assistant Professor) मावनानै दं।

मन 'रन्जन लाहारीनि नख'रा es-
tablished नख'रमोन। बिथाडा क'क्राझार नोगोरावनो न' लुनानै, बेनिनो थागिबि जानानै, बेवहायनो फिसाफोर खानानै 2008 मायथाइनि 29 जुलाइखालि जोबथा हां बोनानै बे मुलुगनिफ्राय आनज्रायलाडे। नाथाय बिथांनि थुनलाइ सोरजिफ्रा बर' थुनलाइनि बाख्रियाव जेब्लाबो गोथां जानानै थालांबाय।

(ग) साखि मावनाय (Service) :

मन 'रन्जन लाहारीनि साखि मावनाय हाबाखौ जों गाहायाव सावरायनायबादि हायो।

गिबियै बिथांनि बि.ए. आनजादखौ उथ्रिनानै गावनिनो जायगानि गंसे गोजौ फरायसालियाव फोरोंगिरि हाबा मावो 1957 आरो 1958 मायथाइयाव। गेजेराव माबा मोनसे जाहोननि थाखाय बोसोरनै थाथ'यो आरो 1961-62 मायथाइयाव फोरोंगिरिनि हाबाखौ मावफिनो। बेनि उनाव एम.ए. जोबथा आनजादखौ लिखानानै 1962 मायथाइयाव क'क्राझार फरायसालिमायाव इंराजि बिफाननि बिबुंगिरि मावो। उनाव बि.टि. आनजादखौ 1972 मायथाइयाव उथ्रिखानायलाय 1981 मायथाइयाव क'क्राझार सोरखारि फोरोंगिरि सोल्लोंसालियाव (Government college of Teacher Education Kokrajhar) थामहिनबा क'क्राझार बि.एड. कलेजनि गोरायुं हाबा मावो। बे हाबाखौ बिथाड 1994 मायथाइसिम मावो। 1994 मायथाइयाव गोरायुंनिफ्राय आजिरा मोनखानानै धुबुरी बि.एड. कलेजआव बिथांखौ 1994

मायथाइयाव सामलायगिरि गोरायुं हिसाबै मासि आजावहोयो, बै समनि धुबुरी कलेजनि गभारनिं बडिया। बेयाव बिथाडा 1999 मायथाइसिम मोजाडै सामलायनानै मासि एंगार बोयो।

गोरों मानसिनि थाखाय हाबा जोबा। मावनो गोसो हयथ' गैलामोन। नाथाय बिथांखौ अब्लाबो जायगानि मोजांनि थाखाय गुवाहाटी मुलुगसोलोंसालिनि क'क्राझार बादायाव (Gauhati University Kokrajhar Campus) 1999 मायथाइयावनो आलासि फोरोंगिरि (Guest faculty) हिसाबै बर' बिफानाव फोरोंनो मासि आजावहोयो। बे हाबाखौ बिथाडा 2007 मायथाइसिम मावलाडो आरो गावनि देहाखौ नायनानै आजोरोन लायो।

बे बादिनो समाजनि राफोद फोरोंगिरि सासेनि फोरोंनाय हाबाया जोबनानै थाडे।

(घ) थुनलाइयारि हाबा मावनाय (Literary Works):

मन'रन्जन लाहारीया फोरोंनाय गिलिर बिबान रुजुननानैनो आरो फसंथाननि सामलायनाय गिलिर बिबानाव थानानैबो गोबां समाव बर' हारिनि थाखाय थुनलाइ सोरजिनायनि हाबा मावबोदोंमोन। बेफोरखौ जों गाहायाव होनाय बादि मोननो हायो।

1953 मायथाइयाव रनेन्द्र नारायन बसुमतारीनि गाहाय सुजुगिरि हिसाबै दिहुननाय 'अखाफोर' लाइसिखौ लेडइ सुजुगिरि (Assistant Editor) हिसाबै 1954-55 मायथाइयाव

Cotton कलेजाव आइ.ए. फरायबाय थानाय समाव बिथाडानो दिहुनदोंमोन।

मन'रन्जन लाहारीया 1974-1975 आरो 1976 मायथाइयाव सुजुगिरि हिसाबै (Editor) असमर जनजाति Asomor Janajati) लाइसि बिजाब दिहुनदोंमोन। बर' साहित्य सभाया क'क्राझाराव खुंनाय 1966 आरो 1977 मायथाइनि जथुम्मानि बिसम्बि बिजाबखौ बिथांनि गाहाय सुजुगिरिनि बिबानजोंनो दिहुननाय जादोंमोन।

मन'रन्जन लाहारीया Boro Language and Literature, Kokrajhar मुडै गायसन जानाय फसंथाननिबो 1965 मायथाइयाव नेहाथारिमोन। बिथाडा 1963 मायथाइयाव Expert Committee, Boro Language and Literature निबो सोद्रोमा (Member) मोन। 1985 मायथाइयाव गायसनजानाय Boro Writers Academy (बर' रेबग्रा आफाद) निबो बिथाडा गायसनगिबि आफादगिरि (Founder President) मोन। बेफोरनि अनगायैबो गोबां फसंथानफोरनि बिबानगिरिमोन। जैरै- Writers' Good-will Mission नि सोद्रोमा (Member), Study Team of Haflong नि सोद्रोमा (Member), Sahitya Academy, New Delhi निबो मावफुं सोद्रोमा (Executive Member) मोन आरो Advisory Board for Boro, Kolkata निबो लिंथुमगिरि (Convener) मोन। बिथाडा B.A थाखोआव Elective बर' आरो बर' मेजर सोसननो थाखाय गायसननाय syllabus committee निबो Chairman मोन।

ड.) बान्था आरो मान बिलाइ (Award and Felicitation):

मन 'रन्जन लाहारीया जिवाव गोबां बान्था आरो मानबिलाइफोर मोन्नो हादोंमोन। मेंनाय बानाय गैयै लिरनाय आरो थुनलाइयारि बिबान हरनानै जिउ मोनसेयाव गोबां हाबा मावलांनायनि थाखायनो बिथाडा गावनि जिउ मोनसेयाव गाहायाव फोरमायनाय बादि बान्थाफोर मोनफुनो हादोंमोन। बेफोर जाबाय-

बिथाडा 1993 मायथाइयाव निउ दिल्लीनिफ्राय Dalit Sahitya Academy Award मोन्नो हायो। 1994 मायथाइयाव आसाम सोरखार निफ्राय Literary Award मोनो। 2002 मायथाइयाव Gandhi Hindustani Sahitya Sabha, New Delhi निफ्राय Rastra Lokhbhasa Samman मोननो हायो। 2002-03 मायथाइ सम फारिनि (Session) बर' थुनलाइ आफादआ होनाय समेस्वरी बान्थाखौ मोननो हायो। बर' थुनलाइ आफादआ बिथानो बे बान्थाखौ बर' थुनलाइयाव बिथानि थुनलाइयारि बिहोमानि थाखाय होनाय जायो। 2004 मायथाइयाव आसाम सोरखारआ बिथानि थुनलाइ सोरजिनि थाखाय Bishnu Prasad Rabha Award होयो। 2008 मायथाइयाव B.T.C. खुंथाइ मानगोनां बान्था Promod Chandra Brahma Literary Award खौ बिथानो गथायो। बेनि बोसोरसे उनावनो इंराजि 2009 मायथाइयाव बिथानि 'दायनि' सल 'मानि थाखाय All India Sahitya Academy या Prestigious Award- "Sahitya Academy

बान्थाखौ बिथानो गथायो।

बेफोर मुंख 'नाय बायदि बान्थाफोरनि अनगायैबो बिथाडा गोबां फसंथान आरो एन.जि.अ. फोरनिफ्राय गोबां समाव मान बान्थाफोर मोन्नो हादोंमोन। जैरै-

1. 1994 मायथाइयाव क 'क्राझार जिल्ला बड' साहित्य सभाया बिथानो मान बावो।

2. 1995 मायथाइयाव क 'क्राझार गुदि बड' साहित्य सभाया बिथानि बर' थुनलाइयाव होनाय बिहोमानि थाखाय मान बान्था बावो।

3. 2002 मायथाइयाव Boro Writers Academy आ बिथानि थुनलाइ सोरजि आरो बर' थुनलाइयाव बिहोमा होनायनि थाखाय बिथानो मान बान्था गथायो।

4. 2004 मायथाइयाव Gauhati University Kokrajhar Campus Boro Students' Union आ बिथानो मान बान्था जों लोगोसे मान बिलाइ गथायो।

5. बि.टि.सि. खुंथाया 2010 मायथाइनि 10 फेब्रुवारी खालि Bodo Accord Day जों लोब्बा लाखिनानै बिथानो मान बान्थाजों लोगोसे मान बिलाइ गथायो।

बे बादिनो बिथाडा गावनि जिउआव गोबां बान्था आरो मान बिलाइफोर मोननो हादों।

(च) बिथानि थुनलाइ सोरजि (Creation):

बिथाडा जिउवाव बर' थुनलाइ सोरजि लांनाया बर' फोरनि थाखाय जोबोरैनो बाख्नायथाव आरो साबायखर होथाव। जिउ मोनसेयावनो बिथाडा

गाहायाव होनायबायदि थुनलाइ सोरजिलांदों।

1. खन्थाइ (Poetry):

- 1.01 माब्लाबा (1977)
- 1.02 माब्लाबा आरो गुबुन गुबुन
खन्थाइफोर (1986)
- 1.03 My verses (1986-इंराजि
रावजों)
- 1.04 Singing the lame (1995-
इंराजिजों)
- 1.05 आं थांफिनगोन (1998)

2. रायथाइयारि एबा बिजिरलुवारि बिजाब (Prose
of Criticism):

- 2.01 थुनलाइ आरो गहेना (1979)
- 2.02 गोदान बर' (1982)
- 2.03 बिमानि राव फोरेंनाय (1985)
- 2.04 बर' थुनलाइनि जारिमिन (1991)
- 2.05 नोजोर (1992)
- 2.06 A Study of Bodo Folk-Song
(इंराजिजों)
- 2.07 भावथिना सान्थौ (2002)
- 2.08 In the Realm of Thought
(1998-A Collection of Prose
Works.)

3. सुंद' सल' बिजाब (Short Story):

- 3.01 सल' बिदां (1978)
- 3.02 बाजै (1994)
- 3.03 गावदां (1996-A Collection of
Long Stories)

4. सल' बाथा बिजाब (Folk-Tales):

- 4.01 एम्बुसोन (1994)
- 4.02 अमनाथ-समनाथ (1998)
- 4.03 माउरियासोन (2000)

5. आबुं फावथाइ बिजाब (Drama):

- 5.01 हांमा-हांसा
- 5.02 आनारी (1992)
- 5.03 बारहुंखानि उनाव (1960)

6. खिन्थिगासे फावथाइ (One Act Play):

- 6.01 देंखो (1963)
- 6.02 महरगिरिनि सिमां (1965)
- 6.03 गावबा गाव लामा (1967)
- 6.04 बारसे बिबार सिरिनाय (1990)
- 6.05 अरंनि बिबार (1993)
- 6.06 हिनजाव नायनो थांनायाव (1993)
- 6.07 बिमा (1993)
- 6.08 रांखिनि (1996)

7. सल'मा Novel):

- 7.01 खारलुं (1976)
- 7.02 हायनायमुलि (1985)
- 7.03 रेबेखा (1999)
- 7.04 आलाइस्त्रि (2003)
- 7.05 दाइनि (2005)
- 7.06 जम (2006)
- 7.07 फामि (2008)

बेफोर सोरजिनि अनगायैबो बिथांनि
थुनलाइ सोरजिफोरखौ माखासे लाइसि, बिमम्बि
बिजाबफ्राव गोबां ओंखारलानाय नुनो मोनो। जैरै-

1. अखाफोर लाइसियाव-

- 1.01 थुनलाइ आरो माहारी (रायथाइ) (1999)
 1.02 महेन्ज' दारोनि कुशान सोद्रोमा (रायथाइ) *Article : Trend of Patriotism and Nationalism (Prose in English)*
2. रुपेस्त्री (बर'नि रायथाइ-खन्थाय-जथाइ बिजाब, पद्मश्री मदाराम ब्रह्मनि बुथुमनायाव)
 2.01 ब्रह्म दोहोरोम बेनि गोहोम गोदो आरो दा (रायथाइ)
 2.02 गोदोनि आरो दानि बर' माहारियाव ना (रायथाइ)
 2.03 सुंदयै बर' थुनलाइनि जारिमिन (रायथाइ)
 2.04 रंजाली बैसागु बोथोर मिथिंगानि महर (रायथाइ)
 2.05 दावहायाव थानि थु (खन्थाइ)
 2.06 बेवनोथ' दंमोन बबाव थांखो (खन्थाइ)
3. Souvenir-Silver Jubilee year, Issue, Kokrajhar College Bodo Student Literary Society. (1st, 2nd & 3rd Oct, 1992)
Article : Harnessing the youth power. (English-Prose)
4. The Bodo (The Bodo): 1996 (Mouth-piece of the Bodo Sahitya Sabha.
Article : On Folk-Lore (English)
5. Souvenir : हालालि सोरां (35थि माइथायारी जथुमा B.S.S. ईरागदाउ गरेस्वर 16, 17 & 18 Feb. 1996
 11. बडो (The Bodo): दिहुनगाबा- April-May 1964
Article : 11.01 बडो भाउथिना (रायथाइ) (बिलाइ नं - 14)
7. Souvenir : साम'खा, 39th Conference B.S.S. Mainaw Nwger, Simbargaon (25th to 27th Feb. 2000).
Article : Concept of Beauty in Poetry. (Prose in English)
8. Souvenir : सनानि खाम्फा, Golden Jubilee Celebration of B.S.S. Basugaon (19th to 23rd Feb. 2002
Article : Bodo Literary in the Bihar age. On Assessment.
9. Souvenir : सनाथि फानेउ, Golden Jubilee Closing Ceremony of B.S.S. held at Titaguri Kokrajhar on 14th to 16th Nov. 2002)
Article : Future of Unscheduled Language (Prose in English).
10. सावरायमा बिसम्बि : 1st ever National Seminar of Sahitya Academy for Boro Language (28th to 30th Nov. 2005) Held at Kokrajhar.
Article : साहित्य एकादेमीनि सोमोन्दै फंनैसो (रायथाइ)
6. Souvenir : बिरगोस्त्रि थान्दै, 38th Conference B.S.S; Bangaldoba Bongaigaon

11.02 बिजाब सावरायनाय (रायथाइ) (बिलाइ नं-35)

12. बडो (The Bodo) : दिहुनगाद' (Sixth Issue)- July, 1964

Article : महरगिरिनि सिमां (खौरंगासे भाउथिना) (P.P.- 35)

13. दानालि (जुनिया बिसान) खोन्दो सेथि, जिबि बिसान डिसेम्बर 1999

Article: थाबिस (रायथाइ) (13 बिलाइ) आरो गोबां)

14. लाइथुन (बर' रेबग्रा जुथुमनि खुगा लाइसि) -दिहुनगिबि 1985

Article : बर' लिरगिरि जुथुम: बेनि जोनोम।

15. लाइथुन (बर' रेबग्रा जुथुमनि खुगा लाइसि)- दिहुनगागु 1999

Article : बर' थुनलाइयाव प्रमद चन्द्र ब्रह्मनि बिहोमा।


16. सानबोलाउरि (2003-थामथि बिसान)

Article : द्वारेन्द्रनाथ बसुमतारीनि खन्थाइ-मेथाइ।

17. A Glimpse of Bodo Language, Literature of Culture (2000)- A Book on Bodo, Language, Literature and Culture Development.

Article : Bodo Literature and its Development.

बेबादिनो आरो गोबां बिसम्बिफ्राव मन'रन्जन लाहारिनि थुनलाइ सोरजिनि बागै होलांनाय लिरबिदांफोर जों मोन्नो हायो। बिथांनि लिरबिदांफ्रा जोबोरैनो बान गोनां।



बर' खन्थाइयाव दैमा: बेनि बाहायथि आरो फोरमायथि

-ड० भौमिक चन्द्र बर'

जागायनाय:

दैमा आरो दैया निस्थार, जिउ आरो उदांस्त्रिनि खोथाफोरखौ फोरमायो। दैमा आरो दैया थुनलाइनि बेलायाव मोनसे मखजाथाव नेर्सोनथि जायनि गेजेरजों सल' आरो खन्थाइआव गोबाडै बाहायनाय नुनो मोनो। बे दै आरो दैमाखौ माबादि बाहायनाय जायो बेनि सायाव सोनारो आरो बेहाय गोबां बिथिंफोरखौ लानानै नेर्सोनथिखौ बाहायनो लानाय नुनो मोनो। नाथाय खोथाया जादों दैखौ माबादि ओंथियाबो नेर्सोनथि बाहायनाय जायो बेनि सायाव ओंथियाबो आलादा आलादा महरै मिथि जायो। बिदिन्थि महरै बुंनो हायो- दैमाफोरा बांसिनैनो जिउनि बोहैथि दाहारखौ दिन्थिनानै होयो मानोना बेयो मोनसे उदां लामा नागिरनानै बोहैलांबाय थायो।

थुनलायाव दैमा आरो दैनि बाहायथि:

थुनलायाव दैमा आरो दैया जिरायनाय, मोजां मोननाय आरो खौसेथि आरो गोरुबलायनायनि नोर्सोनथिनि बाथ्राखौनो रोखायै दिन्थिना होयो। लोगोसे बिनि दिदोम बोहैथिया दाहारा गाज्जि गालाफोरखौ बुखारनानै

समाजनि गेजेराव मोजां थासारिखौ गायसनना होग्रा होननानैबो नेर्सोनथि बाहायनाय नुनो मोनो। नाथाय बे खोथायाबो थारदि आलादा आलादा दैमा आरो दैनि ओंथियाबो आलादा आलादा जानो हागौ। बिदिन्थि महरै मखनो हायोदि- गोबारै बोहैनाय दैमानि दाहारा गोहो-गोरा आरो गावनि दिन्थिफुंनयनि बाथ्राखौ मिथिहोयो। माब्लाबा माब्लाबा खन्थाइगिरिफोरा दैमाखौ फिन जोनोम आरो फाहामथाय होगिरि होननानैबो दिन्थिनाय नुनो मोनो।

बेखेवनाय:

बर' थुनलाइनि बेलायावबो दैमा आरो दैखौ लानानै खन्थाइफोर लिरनाय नुनो मोननाय जायो। बिदिन्थि महरै मखनो हायो- प्रमद चन्द्र ब्रह्मनि खन्थाइ 'दै बाज्रुम', मन 'रन्जन लाहारिनि 'दैमानि रुगुडव', 'दैमा', 'पुष दाननि बुलुंबुथुर', 'मोजां मोनलायनाय: दैसा सेराव', कमल कुमार ब्रह्मनि 'दैमा आरो दैसा', जगदिस चन्द्र ब्रह्मनि 'दैमानि फिसा: दिमासा', ईस्वर चन्द्र ब्रह्मनि 'बे दैनि मुड गौरां', अनिल कुमार बर'नि खन्थाइफोर 'बुलुंबुथुरनि सेरफां सेरफां', 'आंनि

गामियाव दैज्लां फैयो', 'मोन्थाम सावगारि: दैज्लांनि', आरो 'दैबाना', अन्जुनि 'बराक दैमाखौ नुवाखिसै', फुकन चन्द्र बसुमतारिनि 'दैमाफोरखौ गेरेमसा जानो हो', प्रेमानन्द मोसाहारिनि 'गंसे दैमा आरो मोनसे गोर्बोनि देखो' आरो 'लैथोया गोजान नुहरसयै'।

प्रमद चन्द्र ब्रह्मनि खन्थाइ 'दै बाज्रुम' आव मख'दों एरैहाय- 'हगार आंनो लामा हगार, दुलाराइ सोरजियानो दाउगाबोला हे संसार आंबोल' मानो थानो गेन्देला?' बेनि गेजेरजों खन्थाइगिरिया नेर्सीनथि बाहायनानै एरैहाय फोरमायनो नाजादोंदि, बहुमाव दावगानाय हारिफोरा गावबा गावनि लामा आरो खाबुफोरखौ जेरैबादि लादों अब्ला जों बर' हारियाल' मानो उनफिननानै थानांगौ जाखो। ओंखायनो दिनैनि मुलुगाव सुबुं माहारिया जौगानायनि लामाखौ गोखोडै लानायनि समा सफैथारबाय। बुर्लुबुथुर दैमाया जेरै गावनि थांखिसिम थादनाय गैया, मेंनाय गैया जासे सौहैनो सान-हर हान्थि गासिनो दड'। बिदिनो जोंबो हारिखौ दैखांनो नारा नाथा नाजानांगोन। नडब्ला बिदिनो हेउ खालाम जागोन आरो बयजोंबो नासयजाना गादब जागोन बेयो रोखा।

गुबुन फारसे मन'रन्जन लाहारिनि 'दैमानि रुगुडव' होननाय खन्थाइनि गेजेरजों दैमा आरो दैखौ समनि सिमां होनना नेर्सीनथि बाहायदों, 'दैमा' खन्थायाव फोजोबस्त्रांगिरि आरो दाफामगिरि महरै बाहायदों, 'पुष दाननि बुर्लुबुथुर' खन्थायाव रैखागिरि महरै दिन्थिदों,

'मोजां मोनलायनाय: दैसा सेराव' खन्थायाव मोजां मोनलायनायखौ होलाय लालाय खालामनायनि मोनसे समायना थिलि होनना मखनायखौ गोबाडै मोननो हायो।

बर'नि सासे गागि खन्थाइगिरि, रायथाइगिरि आरो थुनफावथाइगिरि कमल कुमार ब्रह्मया दैमा आरो दैसाखौ खौसेथि आरो बिदा-फंबाय अनलायनाय सानस्त्रिनि नेर्सीनथि महरै 'दैमा आरो दैसा' खन्थायाव रोखायै मखदों। हारि, माहारि आरो हादोदा मोजाडै जौगानांगौब्ला खौसेथि, अनलायनाय, गोरोबलायनाया थाथारगांगोन अब्लासो थार खौसेथि आरो जौगानाया फैयो।

जगदिस चन्द्र ब्रह्मयाबो गावनि खन्थाइ 'दैमानि फिसा: दिमासा' होननाय खन्थायाव दैमाखौ हारि आरो समाजनि जारिमिन होनना मखदों। दैमायानो मोनसे हारिनि गुदि आरो बिनि सोलायनायखौ जुग जुगनिफ्राय मोजाडै दिथा होबोदों आरो साखि जाबोदों। ओंखायनो हारि, माहारि, समाज, जुग बायदिनि गुदि जारिमिन होनना बुंनंगौब्ला दैमायानो गिबि होनना मखनो हायो।

बर' खन्थाइ थुनलायाव गिबियै नेर्सीनथि बाहायबोनो लाबोनाय सासे खन्थाइगिरि महरै इस्वर चन्द्र ब्रह्मखौ मिथिनाय जायो। बिनि खन्थाइ 'बे दैन मुड गौरां' होननाय खन्थायाव दैमाखौ फोजोबस्त्रांगिरि महरै नेर्सीनथि बाहायनाय नुनो मोनो। मानोना दैमाया जोंनि गासैबो मिजिं, हास्थायनाय आरो सिमां साननायफोरखौ

बुखारनानै बाला गोरान बादि रानस्राव खालामो ।

बर' थुनलाइ बिजिरगिरि आरो खन्थाइगिरि महरै बर' थुनलाइनि जारिमिननि बिखायाव गावखौनो गायसननो हानाय अनिल कुमार बर'या गावनि खन्थाइ 'बुर्लुबुथुरनि सेरफां सेरफां', 'आंनि गामियाव दैज्लां फैयो', 'मोनथाम सावगारि: दैज्लांनि' आरो 'दैबाना' होननाय खन्थाइफोराव दैमा आरो दैखौ नेर्सोनथि बाहायना रोखायै मखदों आरो फोरमायदों । खन्थाइफोराव नुनो मोनो जिउ आरो गोहो, मिजिं आरो हास्थायनाय आरो सुबुंनि सिमांफोरखौ फोजोबस्त्रांनाय गोबां नेर्सोनथि ।

बेफोरबादिनो अन्जुनि 'बराक दैमाखौ नुवाखिसै', फुकन चन्द्र बसुमतारिनि 'दैमाफोरखौ गेरेमसा जानो हो' आरो प्रेमानन्द मोसाहारिनि 'गंसे दैमा आरो मोनसे गोर्बोनि देखो' आरो 'लैथोया गोजान नुसहरै' होननाय खन्थाइफोराव जिउनि मिजिं हास्थायनाय आरो गोबां रोखोमनि जुजिनांगौ जानाय बाथ्राफोरखौ दैमा आरो दैनि नेर्सोनथि बाहायनानै लिरनाय नुनो मोनो ।

बेनि अनगायैबो नबीन मल्ल बर'नि सलमा 'फाग्लादियानि गोदान दारा' आव दैमाया मथावरि आरो लामा-सामा बुफाय बुसि खालामनानै मानसि समाजनि जिउ दैदेननायखौ मोनसे दुखुनांथाव सहायथावै थासारिसिम लांनानै गोख्रों जुजिनांगौ लामासिम लानानै फैयो । दैमा सेराव थानाय सुबुंफोरादि दैमा आरो दैजोंनो अराय सम जुजि जुजि सोलिनांगौ जायो बे खोथाखौ रोखायै मिथिनो खाबु मोनो ।

बेल' नड थुनलाइनि गुबुन गुबुन फोथारफोरखौ नायोब्ला नुनो मोनोदि, मुलुगनां मुंदांखा आरिमुगिरि लियनार्ड डा भिनसिया मखदोंदि, "Water is the driving force in nature." गुबुन फारसे आमेरिकानि सासे खन्थाइगिरि आरो दार्सनिक हेनरि डेबिद थरिउआ बुंदों एरै- "The life in us is like the water in the river. It may rise this year higher than man has ever known it and flood the parched (area of dry land) uplands; even this may be the eventful year, which will drown out all our musk-rats (rats)."

दैमा आरो दैखौ नेर्सोनथि महरै बाहायनायनि ओंथि:

दैखौ जोंनि दोरोडरि दोहोरोमफोराव मोनसे रोखोमनि गोथारथि, फिनजोनोम आरो सोरजिथायनि गुदि होननानै दिन्थिनाय नुनो मोनो । बेनि नेर्सोनथिखौ नुनो मोनो 'गिबि बिथाय' खन्थाइमा बिजाबाव । मानोना बेनि गेजेरजों दैखौ गाज्जि-गाला बायदिखौ बुखारनानै मोजां थासारिखौ समाजाव गायसननाय खोथाफोरखौ फोरमायनाय गोबां नुनो मोनो । गुबुन रावै बाथौनि दोरों बादियै सासे मानसिया गावबा गावनि सुवा एबा गोथार नडै साननायखौ होखारनो थाखायनो मानसिफोरा दुगैस्त्रां लोबस्त्रां खालामनानै फुजा फाथालफोरखौ नखरनि मोजांनि थाखाय होनाय जायो । मुलुगनि गाज्जि-गालाफोरखौ दै लोमसाव होनानै गोथार निस्थार खालामनानै गोदान बुहुम

दानायनि बाथ्राखौ 'गिबि बिथाय' खन्थाइमा बिजाबाव दिन्थिनाय नुनो मोनो। बेफोरबादिनो हिन्दु आरो बाथौवारिफोरा फुजा-फाथाल होनो गोनांन्ला बाथौ बिथा आरो बेनि सोरगिदिं गोथार दै सारस्त्रानानैसो फुजाखौ होनो लानाय नुनो मोनो। बेनि ओंथियानो जादों गोथार दै सारोब्ला बे जायगानि जेसेबां गाज्रिफोर थायो बेयो बुखार जाना फोथार जायो आरो गोथार जायो।

दैखौ दिन्थि सल' (Imagery) महरै बाहायनाय:

दैखौ दिन्थि सल' महरै बाहायनाय बर' खन्थायाव गोबाडै नुनो मोनो। बिदिन्थि महरै मखनो हायो- प्रमद चन्द्र ब्रह्मनि खन्थाइ 'दै बाज्रुम' आव नुनो मोनो जेसेबांखि जेंना जेथो फैयाथों मानो दैया बेफोरखौ नेवसिनानै गावनि थांखिसिम सौहाहैनो जेब्लाबो बोहैबाय थायो। बेनो जादों दैनि गेजेराव बोहैखारलानो हानाय गोहो दड' आरो बेफोरखौ बुखारनानै गोदानखौ गायसनाना होनो लायो।

मन'रन्जन लाहारिनि खन्थाइ 'दैमा'आ फरायगिरिनि गोसोयाव मोनसे मोन्दाथि लाबोनानै होयोदि दै आरो दैमायानो जादों गाज्रिखौ फोजोबस्त्राना होयो आरो मोजांखौ बयनिबो गेजेराव गायसनानै होयो। गोबां हादोदनि सोदोमस्त्रियानो दिनै दैमानि बालाजों फबसिन जाबाय। नाथाय बिदि बुंनानै दैमायादि गोर्बो आरो अननाय गैया बेयो नड। बिहाबो गोर्बो दड' अननाय दड' आरो गावनि गोथारथि आरो सैथो खोथाखौ मिथिनो आरो बुरखानो सुबुं

माहारिनो गोबां खाबु होयो।

अनिल कुमार बर'नि खन्थाइ 'बुर्लुंबुथुरनि सेरफां सेरफां' आरो 'दैबाना' होननाय खन्थायाव मोन्दाडे आथिखालनि जोबनो गैयै बोहैथि दाहारजों दैमाखौ समानथियै रुजुनाय दिन्थि सल'। मानोना दैमाया जेरावबो गोसारनानै बोहै लाडे आरो बेयो थांखानाय गोदो आरो इउनखौल' दिन्थिना होया नाथाय आथिखालखौबो बियो मिथिनो खाबु होयो जायनि गेजेरजों सोरगिदिं मुलुगा हां मोनखानानै हासार गोनां जायो जायनि थाखाय मुलुगा बयनिबो थाखाय सुखु-गोजोनै थानो हानाय मोनसे समायना जायगा बादियै महर मोनखां होयो।

फुकन चन्द्र बसुमतारिनि बादिब्ला, 'एखे समावनो दैमाया जेरावबो गोसारनानै थायो, जेरै फांसे दंफांनि दालाइफोर आरो बिलाइफोर बादि, साग्लोबसारनानै थानाय दैबानाफोर बादि, दाहारफोर बादि, फिथाइ-सामथाइनि बेगरफोर बादि, बिदा-फंबाय अनलायनायनि गोदै देंखोफोर बादि, जेरावबो आरो गावसोरनि रंजानायनि थाखायल' बिसोर मुगैथाव गोर्बोखौ फोथानानै लाखियो, बिदिनो बिदा-फंबाय आरो हादोदारि खौसेथिनि बान्दोखौ रैखा खालामना लाखिनो नाजायो।

जिउ आरो थैनायनि नेसोंनथि:

जों बयबो मिथिगौदि दैयानो जादों सुबुं जिउखौ सोलायना होनो हानाय गुदि फुंखा। बेयो

जिउनो थुलुंगा होयो, गोदानै दाफामना होयो, आरो सुबुं जिउखौ सुस्त्रानानै गोथार खालामो। गुबुन फारसे दैयाव गोबां रोखोमनि जेंना-जेथो सुस्त्रानो हानाय गोहो दड'। दैया जिउनि थांना थानायाव गोबां बिफाव लायो, गाज्जि गोहोफोरखौ बुखारनानै लाडे आरो समाजनि सुबुं माहारिनि थाखाय मोजांखौ गायसननानै होयो।

प्रेमानन्द मोसाहारिनि खन्थाइ 'लैथोमा आं मेंग्लिबाय' आरो 'लैथोया गोजान नुहरसयै' होननाय दोनै खन्थायाव मिजिं आरो आबेगखौ दैजों सुंजोबनाय महरै दिन्थि सल बाहायदों। दान्दिसेनि गेजेरावनो बिनि आबेगफोरा गैया जालांदोंमोन फेलें आरो जेननायनि मिजिं दाहारजों। गावनि लुबैनाय हास्थायनायफोरखौ हमथानानै लाखिनो गोब्राब जादोंमोन जिउनि सुफुंख'हायै फेलेंनि आखाइ मुथिनिफ्राय। बिदिनो मिजिंफोरा सेरखाय बेरखाय जायो जेननायनि दाहाराव। बेनिखायनो खन्थाइगिरिया बुंदों- "I read once that river is a symbol for fulfillment of hope and destinations. And for a while now I love thought may be my hearth drowned in failure."

नाथाय, अब्लाबो मोनसे खोथाखौ मखनांगोनदि, दैमा आरो दैया थुनलाइनि एंगारनो हायै गोनांथार बाहायनाय नेसॉनथि जायखौ खन्थाइगिरिफोरा गोबां आलादा आलादा महरै

बाहायो आरो फोरमायथि होनो नाजायो। बिदिनो दिनै थुनलाइनि फोथाराव दैमा आरो दैया गोदान गोदान रोखोमै महर मोनबोबाय आरो गावबा गावनि मोन्दांथि बादियै नेसॉनथि लानानै बाहायनायखौ नुनो मोनसै।

फोजोबनाय:

दैमाखौ थुनलायाव गुबुन गुबुन थांखि आरो आयदा लानानै लिरबोनाय नुनो मोनसै। बेल' नड थुनलाइनि अनगायैबो दोहोरोम, सोदोमस्त्रि जौगाबोनाय, हारि माहारिनि जाखांबोनायनि गुदि, गाज्जि अदोहोरोमखौ सुस्त्रानानै थार सैथो गायसननाय बायदिखौ गोबाडै नुनो मोनो। बेनि अनगायैबो दैमाखौ गोहो, जिउ, सोमखोर समायना हासार गोनां, सम आरो गोबां बायदि बिथिंफोरखौ नेसॉनथि महरै दिन्थिनो लानाय नुनो मोनो। गंसे दैमाखौ नोजोर होयोब्ला नुनो मोनो, दैमाया माबादियै थादनाय, मेंनाय, बानाय गैया जासे जुग-जुग बोहैबोगासिनो दड'। बे खोथाखौ गोसो होना मोन्दांनो नाजायोब्ला मानसि माहारिनो जिउ दानायनि थुलुंगानि फुंखाखौ मोनबाय थानो हागोन होनना बुंनो हायो। लोगोसे दैमा आरो दैखौ जों बयबो गोथार आरो निस्थारै लाखिनो नाजानांगोन मानोना दैमा आरो दैया थायोब्लासो मानसि, जिब-जिबि आरो दंफां-लाइफांफोरा मुलुगाव थांनानै थागोन।

सनमनि साइयायाव

-रंगिना दैमारि

थानाय 23 दिसेम्बराव सान्दामारियाव थानाय बड'फा काल्सारेल कमफ्लेक्सआव "20थि उपेन्द्रनाथ ब्रह्म सुबुंथिनि फाइखि बान्था, 2023" (Soldier of Humanity Award, 2023) गथायनाय फोरबो जादोंमोन। खाबु जानायाव बरादयै बाहागो लानो मोनदोंमोन। बयबो गोरों सुबुंफ्रा मिथिखाबाय बान्थाख्रौ सोरनो गथायनाय जादोंमोन। औ, सिबिजाथाव सनम वांचुकनो। बिथानि सिनायथि बागै मिथिहोनांगौ सानलिया। गुगलआनो गां गां दंखासै।

फोरबोयाव बिथां मानिगोनां गेदेमानि होनाय बिबुंथिया गोसोयाव खुसि होदोंमोन। मानोबा 5 बोसोर सिगां आं लिरनाय "सोरजिनि आर'ज" (दावस्त्रि गोबा, 2018) लिरबिदानि गुबै बाश्राजों गोरोबथि दं!

"Vocal for local, local for global." बे गोथार मोन्थोरख्रौ गाहाइ मन्थ्रि, फोसावदिं बिफान, मन्थ्रि फारिया बिथांमोनहा बायदि राहायै सम सम फोसाव बोदों, गोमसार होबोदों। बेख्रौनो गाव मा बिथिंनिफ्राय मिजिं फारिबोदोंदि गोमसारहोजानाय मख'नाय मोन्थोरारि रावा जाथों सरखारनि गोरबो थालानिफ्राय ओंखारनाय। मोन्थोरनि गुबै बाश्राया (Substance) "सोरजिनि आर'ज", सनम सारनि बिबुंथि आरो दानि सरखारनि आवरायनायजों गोरोबो! बेनिखाय जादोंमोन खुसि।

थारै, गेदेर फोलेरफोरनावल' गेदेर- गोगगो सान्त्रि, खाथि (रीति), हारिमुफोर थाया। सरखारा गाहामख्रौ सायख'नायनि गमामा गोसो दंमारोब्ला उन्दै उन्दै हारिसाफोरनि गोगगो- गोथार सोरजि जिरादफोर, जिउ खांनाय राहा- हुदाफोरख्रौ खनसाय हायोब्ला, फेहेरनो नाजायोब्लासो "बिश्च-गुरु" जानायनि नुनाय सिमाड थार ओंथियाव जाफुंसारगोनख्रौ नुसारो। बुहुमनि जुगामि जोरथाइख्रौ (Sustain) लाबोगोन गेब्रेनाय गैयि (Unpolluted) राहाफ्रासो, जायफोरा उन्दै उन्दै हारिफोरनाव जोब्लिद- माब्लिदयै जायगा जायगा नुजाना दं। मख'फ्लायजानाय

Development (जौगाखांनाय) नि गेजेरजों बेखौ मोना। “Development” मुनि मुहि गोनां सोदोबाव (बुंजायो बेखौ जादु सोदोबबो) मुहिनि नाडेब्ला, गब'नाय जायोब्ला जोंनि हामजायि इयुना साखाथियाव। Development सोदोबखौ बे जौथाइनि देरसिन बिगियानगिरि “गोदान आइनष्टाइन” बिमुडै खारिजानाय ष्टेफेन ह'किंआ मानो अगाले मोनखांदोंमोन बे बाश्राखौ बुजिसोम हानांगोन। (बे बागै19 बोसोर सिगां आंनि “नंगुबै जौगाखांनाय” लिरबिदाडव मिथिहोनाय जादों। THE BODO, 29th Issue, 2004) बाश्राखौ हमदांसारनो गुबुन गोरलै दिन्थि बुंनि। 9/10 बोसोरसो सिगाडव जोंनि फरायसालियाव सासे आबाद बिगियानगिरिया जोंनि बि.टि.ए.दि. (दा बि.टि.आर.) ओनसोलाव एग्रे-बाग्रे मबाइल टावार गायसननाय दाहारा सोलिबाय थायोब्ला सानसे बड'लेण्डआ रानस्राव हा ओनसोल जाहैगोन होनना बिबुंथिदोंमोन। माबोरै? हमना लाबाय बेयो Development नि मोनसे नेरसोन। एग्रे-बाग्रेयै गायसननाय मबाइल टावारनि बिजाथायारि बिजाउनाव बिफां-लाइफांफोरा मोगिरा नांगोन, मोनिया जाबोगोन। आबादफोरनि फिथाइ सोमजिहोनो हानाय गोहोया बाडइ जाबोगोन। बेदि हालोराव नांथायखौ सुफुंनो जों मा राहा लागोन?

थारै, गोदान आदबनि राहा जों आजावगोन। गोदान आदब- थामहिनबा ट्रेक्टर, एम्फौ सिथारग्रा मुलिजों लोगोसे रासायनारि मुवाफोर। बे आदबखौ बाहायबाय थायोब्ला

पान्जाब राइजोनि हालोर फैगोन, जेराव पान्जाबाव केन्सार फाहामथायनि मुडव दासान्दि सपथायाव खेबसे राजस्तानसिम “केन्सार ट्रेन” खारो। बे संखिथाव हालोर लोबबायै थारै जों बोगदादयै बुंसार हानांगोन- Life is Preferable than development. (पान्जाबाव केन्सार ट्रेन खारनाय बागै आंनि “जोलै:र'छेट' ” लिरबिदाडवबो बुंथिनाय जादों।


सनाथि मायथाइ फोरबो, 2022, Govt. CTE, Kokrajhar) बुहमदांखा राजस्ताननि पिपलान्त्री गामिखौ मोनसे समखोन्दोयाव Development नि मुडव सरखार आरो खाबु फलानफ्रा मार्बल अन्थाइ जावखांनाय, सरखायबाय थानायनि गेजेरजों मा दाहानां थासारि खालामदोंमोन बेखौबो नेरसोन महरै गोसोखांदेरनो हायो। एसेजोंनो गोजोननो हाग्रा, गेबें सान्स्त्रिनि लाडाखीफोरा एबा सनम वांचुकआ सरखारनि लाडाखखौ मख'थाव Tourist Place बानायनाय थांखियाव मानो गोजांस्त्रिउदों साननां बाश्रा नड ने? Development नि मुडव लाडाखनि थाजिम, गोरलै मिथिंगा बिखायाव आगाद होनाय जायोब्ला गेब्रेनाय फैनाया थार। मिथिफलायजाखानाय गेब्रेनायनि अनगायै बिसोरनि साननाय-हनाय, सोलिनाय बायदि बिथिंफ्राव मेलेमारि गुलुं- गुजुं (Mental disturbance) सौफैनाय, सौफैहोनाय जायोब्ला बेबो जागोन रोखोमसे गेब्रेनाय। बिथानि आरज- गोगगो उन्दै उन्दै हाग्रा- बंग्रा, हाजो हाला, दैमा दैसा, जिउ-जुनार बेफोरखौ रैखा खालाम। Ecosystem / Ecology थामहिनबा

आबहावारि खान्थिया दिदोमथियाव (Balance) थायोब्लासो बुहुमा थावरिगोन। दिल्ली-मुम्बाइ बायदिनि Development नि महरा (सानस्त्रिया) लन्डन, निउइयर्क, पेरिछफोरनि कपि (नकल) खालामनायसो। थामहिनबा बिथां बुंनो नागिरनाय बाथ्राया सुंद'वै बेनो दि भारता बिश्व गुरुखौ जानो हागोन- जेब्ला उन्दै उन्दै हारिसाफोरनाव थाखुमाना थानाय गाहाम गुनफोरखौ जौखांहोनो खाबु लाब्लासो, खाबु होब्लासो। बे बेलायाव मिजिड बे फैयो- सरखारनि रावफ्रा "मावजि सादु" सल'बाथानि सल'जों रुजुजानाय दाफैथों। ग्ल'बेल सोदोबा उन्दै उन्दै जिबखौ ग्लब मन'ग्रा जिब दाजाथों। जाथों सानखरानि

जोंसिन हाथरखि जोंमा सान बादि, जायनि अननाय-बिलिरनाया उन्दै-गेदेर, हारसा-बर', ...बासिया। जाथों अनसायसुलि अनसुलि बिमा बादि।

“सुबुंथिनि फाइखि बान्था” आजवनायाव सनमआ खुसि जादोंमोन। बान्थानि मुड गावनि गोरबोमाजों गोरबनायखाय। फाइखि महरै दावहा होलांबाय थागोननि बाथ्रा बुंदोंमोन। नों आंनि बिफावा ?

आगान सुरदिनि सनमनि लामायाव। जिरायदिनि खोलो खोलो सुदेम बार बारनाय सनमनि साइयायाव।



बर' रावनि आथिखाल मान थाखो

(Present Status of the Bodo Language)

-डु तुलन मसाहारि

बुहुमाव बायहाजार राव दं । बैफोर रावनि गेजेराव माखासेया जौगादों आरो माखासेया उन जानानै दं । बिनिनो माखासेया थैहां-बरबहां जानानै दं । नाथाय माखासेया गिलौ-बालौ थैनायनि दरखडाव गसंनानै दं । बुहुमनि गासै रावफोरानो गावबा गाव हारिनि नाजानायाव गोजौ मान थाखोआव मोनहैनो हादों । माखासेया बेखौ मोननो थाखाय नारा-नाथा नाजागासिनो । बे नाजानायनि गेजेरजोंनो दिनै जोंनि बर' रावआबो गोजौ मान दान्दा एबा मान थाखो मोनहैनो हादों होननानै बुंनो हायो । मुलुगनि गुबुन गुबुन रावफोरनि बादिनो बर' रावनि आथिखाल मान थाखोआ 'Rome was not built in a day' होननाय बादि सानसेजोंनो जानाय जाथाय नहा । आथिखालनि मान थाखो मोनफैनो थाखाय गोबां बोसोरनि नाजानायनि लामाजों फैनंगौ जादोंमोन । मानोना बर' रावनि बे दावगानाय हाबाया मोनसे गोलाव जारिमिनजों सोमोन्दो गोनां । बे जारिमिना सासे एबा सानै बर' फिसानि नाजानायनि जारिमिन नडा । बे जारिमिना गासै बर' हारिनि नाजानायनि गोलाव जारिमिन । अदेबानि बे जारिमिनाव सानैसो लामा दिन्थिगिरि बर' जोहोलावफोरनि गोख्रों बिहोमा दं । लोगोसेनो बर'नि माहारियारि आफादफोरनि बाखोनायथाव बिहोमा दं ।

मोनसे समाव बर' रावआ गुबुन हारिफोरजों लै-लै, सै-सै खालामजानाय मोनसे मुगैजानाय रावमोन । लाम-सामा हाथाइ-बाजाराव बुंल्लानो दाय नांजानायमोन । बैफोर जायगाफोराव जोंनि बर'फिसाफोरा गावनि आंगो बिमानि रावखौनो थाखोमा थाखोमा रायलायनांगौ जादोंमोन । रावल' नडा जोंनि हारियानो बयजोंबो मुगैजानायमोन । जायनि जाहोनाव बर'फोरा मालायनि हारसा रावखौसो रायनांगौ जादोंमोन । बेखायनो जोंनि बर' रावआ बै समाव खुगानि राव एबा दुवान होननानैसो मोनथिजादोंमोन । लिरनाय फरायनायनि जेबो राहा गैयामोन ।

जिगु जौथायनि जोबथारनाय बाहागोआव इंराजफोरा आसामाव हाबफैनाय लोगो लोगो इंराजफोरा असमीया, बांला आरो सा सानजा भारतनि गोबां रावफोरखौ गावसोरनि बायदि बायदि हाबायाव बाहायनो हमो । थारै बुंनो थडोब्ला गावसोरनि दोहोरोमनि हाबायाव बांसिन बाहायनाय नुनो मोनो । गावसोरनि दोहोरोमखौ फोसावनो थाखाय बैफोर रावखौ बाहायदोंमोन । जोंनि बर' रावखौबो बे हाबायावनो बाहायदोंमोन । बेखायनो दोहोरोम बिजाबफोरखौ सा-सानजा भारतनि गासै रावजोंनो दानस्लायनानै लिरदोंमोन । थांखिया जादों सा जानजा भारतनि सिखिरि मानसिफोरखौ

गावसोरनि दोहोरोम फारसे गेलेम होनाय । अदेबानि इराजफोरा बर' रावनि थाखाय रमान हांखोखौ बाहायदोंमोन ।

गुबुन हारिफोरनि बर' रावनि थाखाय हारिखौ मुगैनाय आरो हारिखौ मोनफ्रोमबो बिथिडाव नासयनायखौ नुनानै बै समनि बर' फिसाफोरा जोबोर बिखा खामदोंमोन एबा दुखु मोन्दोंमोन । अब्लानो साफ्रोमबो बर' फिसाफोरा गावनि बिमा रावनि सायाव अननाय आरो सिबिनाया बांसिनदोंमोन । बेखायनो गावनि बिमा रावखौ फोथानो आरो फेहेरनो थाखाय बै समनि साफ्रोमबो बर' फिसायानो गोथार गोसोजों सदबांसा लादोंमोन ।

1915 मायथाइयाव बर'नि गिबि बिजाब 'बर'नि फिसा अ आयेन' बिजाबा ओंखारजेनो । बिजाबखौ सुजुदोंमोन गंगाचरण कसारीया । लोगोसेनो बिजाबखौ फोसाबदोंमोन खोला गवालपारा ओनसोलनि हावराघात बर' सन्मिलनीया । अदेबानि बे बिजाबाव बर' रावखौ बाहायनाय जायाखैमोन । बिजाबाव बर' रावनि थाखाय बांला आरो असमीया रावखौसो बाहायनाय जोदोंमोन । थेवबो बे बिजाबनि गेजेरजों बर' रावखौ फोथानानै लाखिनो नाजानाय जादोंमोन । बिजाबाव रावनि बाहायथि गैयाब्लाबो बर' राव थुनलाइखौ फोथानो नाजानाय जादों । बिजाबाव खन्थाइ, रायथाइ गैया । नाथाय बेवहाय नुजानाय गासै थुनलाइ सोरजिनि गेजेरजों बर'नि आसार-खान्थि, दोहोरोम आरो जारिमिनखौ लिरथुमनानै दोननाय जादों । बेखायनो बे बिजाबहा जारिमिनारि बेसेन दं होननानै बयबो गनायदों ।

बिनि उनावनो सानैसो गौहाटीनि कटन

कलेजाव फरायफुनाय लेखा गोरों आरो गोसो गुदुं बर' सेंग्राफोरनि नाजानायाव 1919 मायथाइयाव 'बिबार' मुंनि लाइसिया ओंखारो । सुजुगिरिया चतीश चन्द्र बसुमतारीमोन । बै समाव कटन कलेजाव गोबां बर' फरायसाफोरा गोजौ सोलोंथाइ लानो थाखायनो फरायहैदोंमोन । बिथामोनानो गुबुन हारिनि राव थुनलाइखौ जौगानाय नुनो मोनदोंमोन आरो गावनि राव थुनलाइखौ गोग्लैसोनानै थानाय नुदोंमोन । बेखायनो आंगो रावनि बिदि हालोदखौ नुनानै गावसोरनि मोदोमाव नांनाय मोनदोंमोन । बिबार लाइसिनि गेजेरजों बर' रावनि समायना महर मुस्त्रिमा रोखा रोखा बेरखांदोंमोन । नाथाय 'बर'नि फिसा अ आयेन' बिजाबाव बर' रावनि महर मुस्त्रिखौ बिदि नुनो मोनाखैमोन । अदेबानि बिबार लाइसिनि समावबो बर' रावनि थाखाय असमीया बांला राव आरो हांखोसो बाहायनाय जादोंमोन ।

1952 मायथाइया बर' हारिनि थाखाय मोनसे जारिमिनारि बोसोर । बर' हारि सिबिसुलाफोरनि गोख्रों नाजानायाव बे मायथाइनिनो 16 नबेम्बर खालाराव 'बर' थुनलाइ आफाद'खौ गायसननाय जायो । लोगो लोगो बर' राव आरो थुनलाइखौ फोथानाय आरो फेहेरनायनि हाबाया गोख्रोंसिन जायो । बर' थुनलाइ आफादनि गेजेरजोंनो बर' राव थुनलाइ फोथानाय, फेहेरनाय आरो जौगानायनि गोबां हाबा मावबोनाय जादों । बर' थुनलाइ आफादखौ दाजेननाय समावबो असमीया, बांला आरो रमान हांखो बाहायनाय जादोंमोन । बर' राव थुनलाइनि गौजानायनि थाखायनो बर' थुनलाइ आफादआ आसाम सोरखारनि खाथियाव गले गले गोबां दाबि-दावआ दैखांबोनाय जादोंमोन । बेनि जारिमिनखौ जों रोखा रोखा मोननो हायो । बैफोर

दाबि-दावआनि गेजेराव बर' रावखौ फरायसालिनि बिजों महरै गायसननाया मोनसे गोख्रोंसिन दाबिमोन । बे गोथार थांखिनि थांखिया जादों बर' फिसाफोरा गावनि बिमा रावजोंनो फरायसालियाव फरायनो मोननांगौ । मानोना बै समनि माहारियारि दैदेनगिरिफोरा फोथायदोंमोनदि गावनि आंगो बिमा रावजों गेसेबां मोजां गियान लानो हागोन गुबुन रावजों बिदि सोलोंथाइ लानो हाया । लोगोसेनो फरायसालिनि बिजों महरै थिसननो हायोब्ला जोंनि बर' रावआ अराय थांनानै थागोन होननानै फोथायदोंमोन ।

1963 मायथाइनि 18 मे खालि बर' थुनलाइ आफादनि गोख्रों नाजानाया मोगथाडव जाफुंसारो । बेबो बर'नि मोनसे जारिमिनारि सान जानानै थानायसै । बयनिबो गोसोआव रंजानायनि गुथाल जावरिखाडे । मानोना बै सानखालि आसाम सोरखारा बर' रावखौ फरायसालिनि बिजों महरै गनायथि होयो । लोगो लोगो बर'फोरा गावनि बिमानि रावजों लेखा फरायनायनि लामाया स्रां जायो । सोरखारनि गनायथिजोंनो बर' रावखौ गोदोनि गवालपारा जिलानि सिडाव थानाय क'क्राझार साब-डिबिजनआव गोदोनि दरं जिलानि सिडाव थानाय अदालगुरि साब-डिबिजनआव गिबियै गुदि फरायसालिनि बिजों महरै बाहायजेनो । बिनि उनावनो लासै लासै आसामनि मैखोम बर' थानाय ओनसोलाव बर' बिजोंनि फरायसालि गायसननाय जायो । बेनो बर' रावनि गनायजानाय गिबि मानदान्डा एबा मान थाखो । थारै बुंनो थाडेब्ला फरायसालियाव बिजों महरै थिसननाय लोगो लोगो बर' रावआ खेरेम खेरेम दावगाबोनो हमो ।

1968 मायथाइयाव बर' रावखौ गेजेर फरायसालियाव बिजों महरै थिसनबावनाय जायो । मानोना गुदि फरायसालि जोबखानानै फरायसा फरायसुलिफोरा गेजेर फरायसालिनि सोलोंथायखौ लानांगौ । गेजेर फरायसालि जोबखानानै गोजो फरायसालिनि गोनांथि जालायबाय । बेखायनो फरायसालि गायसनखानाय मोनफ्रोमबो जायगायाव गोजौ फरायसालि गायसननाय जायो आरो बैफोर गोजौ फरायसालियाव बर' बिजोंखौ बाहायनाय जायो । 1972 मायथाइयाव बर' रावजों Sainik School Selection Board नि Entrance Exams होनायनि रहा खालामनाय जायो । लोगोसेनो 1980 मायथाइयाव Gauhati University नि सिडाव थानाय Linguistics बिफानाव बर' रावखौ मोनसे आयदा महरै थिसननाय जायो । बिदिनो बर' रावआ मोनफानि उनाव मोनफा गोजौ जांखलायाव दावगालांगासिनो । गोजौ फरायसालिनि लांगोना बारखानानै जौसिन थाखोआव बर' बिजोंनि गोनांथि जाबावनायसै । बेखायनो 1976 मायथाइनिफ्राय Gauhati University नि सिडाव थानाय फरायसालिमाफोराव गोदोनि Pree University (P.U.) थाखोनि Modern Indian Languages, (M.I.L.) आयदानि थाखाय गुबुन गुबुन आयदाफोरजों लोगोसे बर' रावखौबो थिसननाय जायो । बिनि उनावनो 1986 मायथाइयाव Assam Higher Secondary Education Council नि सिडाव थानाय Assam Higher Secondary Education नि Course आवबो Modern Indian Languages, (M.I.L.) महरै थिसनबावनाय जायो । बेबो मोनसे बर' रावनि देरहासारनाय आरो मान मोननाय ।

गोजोनथाव बाथ्रानि गुदि, गेजेर, गोजौ आरो जौसिन थाखो बारनानै जालिया एबा डिग्री थाखोआवबो बर' रावखौ थिसनथारनांगौ जायो। बेखायनो 1987 मायथाइनिफ्राय B.A./B.Com. थाखो आवबो Modern Indian Language, (M.I.L.) महरै थिसनबावनाय जायो। बिनि उनाव 1985 मायथाइनिफ्राय Gauhati University नि सिडव बर' रावनि Post Graduate Certificate Course in Bodo आयदाखौ गायसननाय जायो। बे आयदाखौ गायननाय लोगो लोगो गुबुन बर' रोडै गोबां फरायसाफोरा बर' रावखौ सोल्लोनो खाबु मोनो। बर' रावनि दावगानाय आरो मान थाखोआ थाद 'नाय गैया। बिदिनो 1994 मायथाइयाव Gauhati University आवनो आरोबाव मोनसे गोजौ मासि मोननो हायो। बे मायथाइयावनो Gauhati University आव Bodo Diploma Course गायसनबावनाय जायो। बे आयदानि गोनांथिया जादों बर' रावखौ गुबुन गुबुन Degree Course नि Major Course जों समान मानथाखोआव गायसननाय आरो M.A. थाखोआव फरायनो खाबु दिहनुनाय। मानोना बर' रावजों M.A. फरायनायनि सिमाडाबो बर'फोरनि बेसेबां गोबावनि सिमां। फारसेथिं फरायसालिमाफोराव फोरोंगिरिनि गोनांथिया दहमथार। खाफाला मोजां बर'फोरनि बे साननाया 1996 मायथाइयाव मोगथां एबा साकार जायो। थारैनो 1996 मायथाइनि 8 मे खालि लुबैहाबनाय बर'नि M.A. थाखोखौ गायसननाय जायो। गोजोनथाव बाथ्रादि बे थाखोनि नेवथोन हानजायाव गासै सा 7 (स्त्रि) फरायसा फरायसुलिफोरा मुं थिसननो हादोंमोन। बिथांमोना जादों फारियै-मुस्त्रि अनिल बसुमतारी, सिरां, ड०

तुलन मसाहारि, कसारिसन, अदालगुरि, ड० स्वर्न प्रभा सैनारि, नपारा, बागसा, ड० राजेन्द्र कुमार बसुमतारि, कराइबारि, अदालगुरि आरो मुस्त्रि रैसुमै बर', बोरसिझरा (दतमा) क'क्राझार।

गोजौआव मख 'नाय बर' रावनि दावगालु फारिनि अनगायैबो बर' रावखौ आसामनिनो सिलसरनि Assam University, Dibrugarh University आरो North Eastern Hills University (N.E.H.U.) आव M.I.L. महरै फरायजागासिनो। अदेबानि 2015 मायथाइयाव गायसननानै 2016 थाखोआव फरायनायनि रहा खालामबाय।

बर' रावखौ 1984 मायथाइनि 31 डिसेम्बरखालि आसामनि लोगो सोरखारि राव महरै आसाम सोरखारा गानायथि होदोंमोन। गिबियै गोदोनि गवालपारा जिलानि क'क्राझार साब-डिबिजन आरो गोदोनि दरं जिलानि अदालगुरि साब-डिबिजनाव बाहायनायनि मोनथाय मोनो। नाथाय दुखुनांथाव बाथ्रादि बेखौ मोगथाडाव जाफुंनाय नुनो मोनाखिसै। नाथाय बेखौनो थांनाय 2020 मायथाइनि 20 डिसेम्बर खालि B.T.R. गोरोबथानि गेजेरजों बर' रावखौ फिन बाहायफिननायनि गनायथि होदों आरो आसामनि आयेन आफादाव बाहयनायबो जादों।

बर' रावनि बयनिखुइ देरसिन जाफुंसारनाय आरो जारिमिनारि बोसोरा जादों 2003 मायथाइ। बे बोसोरनिनो 10 फेब्रुवारी सान खालि भारत सोरखार, आसाम सोरखार आरो बर' जांख्रिखाडारि आफाद Bodo Liberation Tiger (B.L.T.) नि गेजेराव मोनसे जारिमिनारि गोरोबथा जादोंमोन। बे गोरोबथानि मुडानो जादों B.T.A.D. एबा

B.T.C. गोरोबथा। बर' हरिनि बायदि बायदि दाबिफोरनि अनगायैबो बै गोरोबथायाव बर' रावखौ जौगाहोनायनि मोनसे रादाइ दं। बेनो जादों बर' रावखौ भारत संबिजिरनि दाइनथि (8) फारियाव थिसननाय। बेखायनो बै रादाइनि लेखानो बर' रावखौ भारत संबिजिरनि 8 थि फारियाव थिसननाय जायो। भारत संबिजिरनि गनायथि मोननाय लोगो लोगो बर' रावआ भारतनि हादोरारि राव एबा National Language नि महर मोनो। गोजोनथाव बाथ्राया बेसोदि बर' रावआनो सा सानजा भारतआव थानाय रावफोरनि गेजेराव भारत संबिजिराव थिसनजानाय गिबि त्राइबेल राव। दिनै अरुनाचल प्रदेश, मेघालय, नागालेन्ड, मिज 'राम, त्रिपुरिफोरहा राइजो दंब्लाबो बिसोरनि बिमानि रावआ भारत संबिजिराव थिसन जायाखै आरो हादोरारि रावनि गनायथि मोनाखै। दिनैनि समाव बर'फोरा गावनि आलादा राइजो गैयाब्लाबो बर' रावआ हादोरारि राव जानानै थासिगोन। बेनो बर' रावनि देरसिन मान थाखो।

भारतनि संबिजिराव हाबनाय लोगो लोगो बर' रावआ भारत सोरखारनि बायदि बायदि बिफानफोरावबो जायगा मोनबाय। दिनै बर' रावजों बेसेन गोसा थुनलाइ सोरजिगिरिफोरा भारत सोरखारनि देरसिन थुनलाइयारि फसंथान साहित्य अकादेमीनिफ्राय भाषा सन्मान बान्था, साहित्य अकादेमी बान्था, लाइमोन थुनलाइयारि बान्था, गथ' थुनलाइ बान्था, राव सोलायनाय बान्था मोननो हाबाय।

बर' रावआ हादोरारि राव जानाय लोगो लोगो भारत सोरखारनि सिडव थानाय Union

Public Service Commission (U.P.S.C.), Staff Selection Commission (S.S.C.), Assam Public Service Commission (A.P.S.C.) फोरा बानजानाय गोबां बादायारि आनजादफोराव गासिखौबो नडाब्लाबो मोनफा मोननै आयदाखौ बर' रावजोंबो फिन लिरनो हानायनि खाबुखौ मोननो हाबाय। बिदिनो Centre for Scientific and Technical Terminology (C.S.T.T.), Central Institute of Indian Languages (C.I.I.L.) फोरावबो भारत सोरखारनि बायदि बायदि बिथांखिनि गेजेरजों बर' रावनि जौगानायनि खाबुखौ मोननो हानाय जाबाय। थारैनो बेनि गेजेरजों गोबां हाबाखौ मावनायबो जाखांबाय।

बर' हरिनि नाजानायाव बर' रावआ दिनैसिम जेसेबां दावगादों बे बर' हरिनि थाखाय थोजासे नडा। जोंनि बर' रावआ दिनैसिम State Level, National Level आव आगान होफैदोंब्लाबो International Level आव दाबो मोनहैयाखै। बेखौ मोनहैनो थाखाय जोंनि हारिहा गोबां मावनांगौ दं। बिनि थाखाय जों बयबो जोंनि बर' रावखौ अनसायनांगोन। जोंनि साफ्रोमबो रावनि जौगानायनि थाखाय मोनफा नडा मोनफा हाबा मावनांगोन। मानोना दिनैनि मुलुगनां मुगायाव जोंनिबादि फिसा फिसौ रावफोरा थानानै-थानाया गोब्राब जानानै फैबाय। बेजों मोगा मोगि जानो हाब्लासो जोंनि रावआ थानानै थागोन। राव थाब्लासो हारिया थानानै थागोन। हारिया थानानै थाब्लासो राव, थुनलाइ आरो हारिमुवा थानानै थागोन। अब्लानो जों मुलुगनि मानसिजों सिनाय जागोन।

सोमावसारनायाव फरायसानि आदानि

-तीरेन बर'

सासे फरायसाया गंसे हादोदनि, समाजनि इयुन। दिनैनि फरायसाया गाबोननि दैदेनगिरि, इन्जिनियार, डाक्टर, गोनोखोयारि, रिंगुदामसा आरो गेदेमा थुनलाइगिरि जानो हागौ। फरायसा समाजा बुहुमनि सोदोमस्त्रि दानायाव मुगा मुगा खामानि मावबोगासिनो थादों। फरायसा गोहोयानो जादों बुहुमनि गुबुन मोनसे गोख्रों सेंग्रा गोहो। फरायसा जिवआवनो साफ्रोमबो फरायसायानो गाव गावनि जिवखौ दानायजों लोगोसे इयुनाव हादर आरो समाजखौबो गोख्रोडै दानो थाखाय राफोद जाबोयो।

बुहुमनि बायदि हादोरनि फरायसाफ्रा समाजखौ जौगाहोनायाव बायदि बुब्बियाव बिग्रायखांनाय जारिमिनाव मोनो। बुहुमाव आगोल फरायसाफ्रा बिग्रायखांदोंमोन रासियाआव। 1905 आरो 1917 माइथायनि फेब्रुवारि दानाव खननै गणतान्त्रिक बिग्रायखांदोंमोन। नाथाय मोननैनि मादाव मोनसेआ फेलें जादोंमोन आरो मोनसेया देरहासाद जादोंमोन। बे बिग्रायखांनायाव दुलाराय रासियानि फरायसाफ्रानो खौसेयै जांखिखांदोंमोन। अनागारि जार खुंथायनि बेरेखायै गणतन्त्र खुंथाय हास्थायनानै फरायसाफ्रा गोख्रोंयै बिग्रायखांदोंमोन। बे जारिमिनारि

सोमावसारनायाव राजखान्थिनि बिबानखौ बानस 'दोंमोन श्रमिक थाखोयासो।

चीन हादोरावबो मानसु फोलेरनि अगेन खुंथायनि बेरेखायै चांहायनि फरायसाफ्रा गोख्रोंयै सोमावसारनो गोनां जादोंमोन। द 'जि दश 'कआव इउर 'प आरो आमेरिकानि गंप्रोमबो हादरावनो रेडिकेल फरायसाफ्रा सोमावसारदोंमोन। स्त्रिजि दश 'कआवबो भारताव नक्सालपन्थी फरायसाफ्रा गोजाम भारतारि खुंथायनि बेरेखायै गोख्रोंयै सोमावसारदोंमोन। बै बुब्बियाव बिहार, गुजरात आरो फच्छिम बंगआव बे सोमावसारनाया साग्लोबदोंमोन। बर' समाज जौगानायनि मोनफ्रोमबो सोमावसारनायनि बिथिंआव बर' फरायसा समाजा खाथिनि सोमोन्दो दड। बर 'नि मोनफ्रोमबो दाबि दावानि जाफुंसारनाय जाफुंसारैया फरायसा गोहोनि सायावनो सोनारनांगौ जायो। बे बादिनो बायदि सोमावसारनायाव मुखुब जानांबाय थानायाव फरायसा समाजा द्लाम खहा जानो गोनां जादों। जौगाखां समाजाव फरायसा समाजखौ गोख्रों बेंखनथिनि गेजेराव लाखियो। बिसोरनिफ्राय हादोरनि, समाजनि, राजखान्थिनि थोजासे मेलेम बह्य फरायसुला-फरायसुलि,

डाक्टर, इन्जिनियर, गोनोखोयारि ओंखारबोयो । नाथाय जि समाजाव फरायसाफ्रा फरायसा समावनो गासिबो माहारिनि बिबानखौनो बानस'नो गोनां जायो । बै समाजनिफ्राय मेलेम बह्ण फरायसुला-फरायसुलि ओंखारबोनाय बारा नुबाड्ड । फरायफुनाय बहरावनो, राजखान्थि, रांखान्थि, समाजखान्थि बायदि बिथिडव अराय सम मोगा-मोगि जानांबाय थानायखायनो सोलोंथाय लानायाव गोबां हेंथा मोननो गोनां जायो । दिनैनि फरायसुला-फरायसुलिफ्रा बे थासारिनिफ्राय सासेबो बारग'नो हायाखै । बुंनो थाडेबा बर' फरायसाफ्रा सासेबो सुखु गोजोनै सोलोंथाइ लानो हाया । आगोलाव बेफोरनि गुबै जाहोनखौ नख'रनि आरो समाजनि परिबेसखौनो गाहाय होननानै सान्नानै लायोमोन । नाथाय द'जि दशकनिफ्राय बर' फरायसाफ्रा माहारिनि राजखान्थि, रांखान्थि आरो समाजखौ फोसाबनायाव नांजाबनानै थानांनायखाय गाव गावनि मैलो गोनां जिवआव दूलाम खहा जानो गोनां जादों । फारसेथिं बर' जातियताबादनि सोलुआबो दिनै फरायसा समाजखौ गुबुनै सांग्रां जानो थिनबाय ।

मोनसे बिदिन्थिनिफ्राय बर' फरायसाफ्रा बिसिबां खहा जादों बेखौ रोखा नुनो मोनो । सानै फरायसाया गंसे फरायसालियावनो जयै फरायदोंमोन । सासेया गामियारि गोरिब नखरनिफ्राय फैनाय आरो सासेया चहरनि रांखान्थि गोख्रों नख'रनिफ्राय फैनाय फरायसा । बे समावनो बड'लेण्ड सोमावसारनाया सौफैबाय । गोबां

फरायसाफ्रा बे सोमायसारनायाव जिवयै माहामै बारसोमबाय । उनहालागै बियो पुलिचनि गोख्रों नोजोराव गोग्लैबाय । अराय सम आनज्रायनानै थानो गोनां जाबाय । फरायनायखौबो ज्राब गारनांबाय । बिदिनो बोसोरबा गाहाम गोलाव बुब्लि बारलांबाय । मोनसे समाव बै दुखुथिया फरायसाया गारबोनाय समफोरखौ गोसो-खानानै आसि खर'आव सानलांबाय । साननानै मोनबाय जिवआव बिसिबां खहा जाखो । गोसोआव जोबोद दुखु नांबाय । गावनि जिवखौनो दिखार नांखांबाय । ओजोंहाय बै सहरनि रांखान्थि गोख्रों न'खरनि सासे फरायसाया सोमावसारनायाव बाहागो लायालासिनो जानगारना थानानै फरायलांबाय थायो । दा सोलोंथाइ फोजोबखांनानै साख्रियाव मुखुब जानानै थाबाय ।


दा नायदो, बै फरायसाया मैलो बह्ण बोसोरबा गाहाम बुब्लि आदानि जाबाय बिनि दायनिगिरिया सोर जागोन ? बेबादि बिदिन्थि गोबां दड । जोंनि गोबां फरायसाफ्रानो गामिआरि गोरिब नखरनिफ्राय ओंखारबोनाय गोजा । मेलेम बह्ण बड'फा उपेन्द्र नाथ ब्रह्मआबो गोरिब नख'रनिफ्राय ओंखारबोनायसोमोन ।

जि समनिफ्राय फरायसा आफादखौ दानाय जादों बे समनिफ्रायनो माहारियारि बे फसंथाना माहारिनि बायदि फसंथानजों मदद होफानानै माहारिनि बायदि जौगाखां हाबाफारियाव हेफाजाब थानानै हाबा मावबोबाय थाबोदों । बर' माहारिनि राजखान्थि, रांखान्थि, समाजखान्थि आरो राव-थुनलाइनि रैखाथिनि

थाखायनो दिनै बर' फरायसा समाजखौ सोमावसार मोखां जानो थोनदों। दिनैनि फरायसा समाजआ गोख्रैयै सामाजिक सोलाय-सोल'खौ हास्थायो। बिनिखायनोथ' दिनै बर' माहारिखौ बहुमाव फोथानानै लाखिनो थाखाय आलादा नख'र हादर गंसे सोरजिनायनि गोनांथि दड। आसामनि माखासे उग्र जातियताबादि हान्जाया बर' माहारिखौ गाद'बनानै दोननो नागरिनायनि थाखायनो बर'फ्रा बेबादि बिग्रायारि आखु जानो गोनां जादों। बर' फरायसा आफादजों दैदेनजानाय बर'नि जायखिजाया सोमावसारनाया समाजनि गासिबो थाखोनि सुबंखौनो बिलिरलांदों।

फरायसा सोमावसरानायखौ लानानै

दिनै जोंनि समाजनि गासिबो थाखोआनो इसे गोथौयै सान्नो गोनां जानानै फैबाय। फरायसा समाजखौ फरायफुनाय बहरावनो माहारिनि मोनफ्रोमबो सोमावसारनायाव मुखुब जानानै थानांबाय थायोब्ला इयुनाव बर' समाजहा गोगोम खहा दड। जोंनि फरायसा समाजा जौसेआव दाइनजिबा बाहागोआनो लोरबां रांखान्थि गामियारि ओनसोलनिफ्राय फैनायसो। दिनै माहारिनि थामोनथा रैखाथिनि सोमावसारनायाबो बै थाखोनि फरायसाफ्राबो जिवै-माहामै बारसोमदों। बेबादिनो नुनो मोनबाय जौसेआव दाइनजिबा फरायसायानो खहा जानाय माने दुलाराय बर' माहारिनिनो खहा जानाय।



“Man needs his difficulties because they are necessary to enjoy success.”

A.P.J. Abdul Kalam

फरायनायानो गियान मोननायनि गुबै लामा

-सुनीति बसुमतारी

गोजाम भारतनि थुनलाइयाव सादिनाय धियान खालामनायखौ गियान मोननायनि देरसिन लामा होननानै दिन्थिदों । धियाननि गेजेरजों जेब्ला सासे साधुआ गियान मोनो, जों अब्लानो गियान मोननाय होननानै बुडे । सादिनायानो मानसिखौ मोदाइनि सारियाव दैखांनो हायो । बिदि दिन्थि जों रामायणनि सल 'वाव मोननो हायो महामुणि बिश्रआरिनि फिसाज्ला बैश्रबनआ श्रास्त्र आरो बेदनि पण्डितमोन । जाय सादिनाय एबा साधना खालामनानै दोहोन खुबेर मोदाइनि सिरियाव थानो हादोंमोन । साधनायाव गोसो गोथौखौ नुनानै ब्रह्मायानो बिखौ मोदाइनि सिरियाव जायगा होदोंमोन । खुलुमनाय, सिबिनाय, साधना, आर'जनि गेजेरजों नेहाद मानसियाबो गेदेमा जानायनि बिदिन्थि दं बाल्मिकिआ रत्नाकर मुंनि सासे दाखाइदमोन । जाय उनदाहा, राम-नाम, फुजा-फोरबो, साधना, धियानजों गावखौ महाऋषि बाल्मिकि होनना गोजौवाव दैखांलांदों ।

गुदि फाफि रत्नाकरआ राम सोदोबखौनो गारांबोनो हायामोन गोरोन्थि खालामोमोन । नारत मुणिआ थुलुंगा होदोंमोन- “ जाथों, गोरोन्थियानो जाथों, थेवबो राम-नाम लाबाय था । गोसोखौ थिग खालामनानै गोथार गोसोयै ला, गोसोआ गोथार नडबोला सादिनायनि गुबै फिथाइखौ मोननो हाया । ” गोब्राब धियानजों जोंमा गियान मोननानै ऋषि बाल्मिकिआ गुदि खन्थाइगिरि महरै सिनायजानायनि अनगायैबो बहुमनि सिगांसिन सल 'न्थाइमा सोरजिग्रा होननानै मुंदांखा जादों । दुथां बोलोगोरा राबणनखौ गाहाइ खालामनानै बिनि फंबाय, फिसाज्ला आरो बंसनि गासैबो गोब्राब ब्रत, धियान सादिनानै ब्रह्मा, बिष्णु, महेश्वरखौ खुसि खालामनानै गोबां हाथेर मोननो हादोंमोन । इन्द्रजितआबो गोब्राब धियान-साधनाजों शिबनि बोर मोननानै जेननो रोडै दावहारु जानो हादोंमोन । ब्रह्मा, बिष्णु, महेश्वर आरो गोबां मोदाइफोरा अनसुलाखायनो नामा गोब्राब सादिनायजों आर'ज गाबब्लानो

खुसि जायोमोन ।

अदेबानि मानसि हारिया गोब्राब धियानाव थाब्लानो मोदाइफोरा गिखाडेमोन, जानोहागौ धियान आरो सादिनायनि गोहोजों बोलो-गोहोगोरा जानानै मोदाइफोरखौ मानिनाय नडा होननानै । मानोना असुर आरो रइखसनि दारै सोरगो रज्योआ सिलिंखार जानाय, बिस्वामित्रआ धियाननि गोहोजों नैथि सोरगो रज्यो दानानै मोदाइफोरनि गोहोखौ फोजोबस्त्रानो नागिरनाय जाथायफ्रा मोदाइफोरनो गोखा-गोखै थर होखादों ।

रामायण सल 'न्थाइमायाव बेफोर बाश्राफोरा खोन्दो खोन्दो फोरमायजानानै दं । बेफोर एसे एनै गोसोआव मोन्दांनानै मिथिनो हायोदि धियाननि दारै मोननाय बिद्याया माब्लाबाबो अरायथा जानो हाया । बिदि मोननाय बिद्याया बाहायनाय आरो सामलायनायफोराव एसे एनै आद्रा थानाय नुयो । गावनो फरायनानै एबा आखाइयै खामानियै सोल्लोननै मोननाय बिद्यानि समान थारै जानो हाया । मानोना इन्द्रजितआ जेननो रोडै दावहारुनि बोर मोननानै धियाननि मायाजों थाखोमानानै दावहानांनो खनले खनले जग्य खुंनादोंमोन । अदेबानि बिनि हाथेरा गेजेर गेजेर खामानि होयै जादोंमोन । जग्य खुंनानैब्लाबो मोदाइफोरखौ खुसि खालामनो हायैनि जाहोनाव लक्षननि आखाइयाव थैनो गोनां जादोंमोन । बेफोरबादि जाथायनिफ्रायनो धियाननि बिद्यायादि गोजोर नडा बेखौनो फोरमायनाय मिथिनो मोनो ।

बेफोर जाबाय सैथो जुग आरो त्रेता जुगनि बाश्रा । बै जुगनि धोरोमनि बाश्रा । जुगखौ

खोन्दो खोन्दो मोनब्रै बाहागोआव रानदों- सैथो, त्रेता, द्वापर आरो खोलि जुग । मिथिनो मोननाय बादि सैथो आरो त्रेता बे जुग मोननैया से खावसे लाखनि बारा बोसोर सम दंमोन । फरायनानै मिथिनो मोननाय बादियै सैथो- से लाख स्त्रिजौ नैजिदाइन रोजानिबो बारा, त्रेताया जाबाय से लाख नैजौ गुजिद' रोजानिबो बारा आरो द्वापराव दाइनजौ दजिदाइन रोजानिबो बारा बोसोर । द्वापर जुगाव गुरुनि खाथियाव सोल्लोंथाइ लानाया जोबोर गोनांथारमोन । बाथुल गावनाय, गदा सिबनाय, थुंग्रि सिबनाय एबा गुबुन गुबुन अस्त्र एबा हाथेरनि सोल्लोंथाइजों बेद शस्त्रखौबो फरायनानै सोल्लोंनायनि गोनांथि दंमोन । बयनिखुइबो साबसिन, गोरोंसिन गुरुनि खाथियाव सोल्लोंथाइ लानाया राजा-महाराजानि फिसा-फिसौफोरनि थाखाय जोबोर गोनांथार बाश्रामोन । जुदिअबा बै समाव गुबुन-गुबुन बंसनि फिसा-फिसौफोराबो धियान खालामनायनि खाबु दंमोनब्लाबो सोल्लोंथाइ लानायनि बेलायाव गुरुनि न'आव एबा गुरुनि आश्रमानो सोल्लोंथाइनि थानमोन । अदेबानि बै जुगाव खालि धियान खालामनानै बेदनि गियान, शास्त्रनि गियान लानानै बाथुल गावनो, हाथेर सालायनो गोरों जानो नागिरनाय सुबुंनिबो आंखाल गैयामोन । सल 'वाव मोननाय बादि भरद्राज मुणिनि फिसाज्जला यबकृतआ बेद गुरु, शास्त्र गुरु गेदेरमा पण्डित जानो नागिरदोंमोन । नाथाय गुरुनि खाथियाव सोल्लोंथाइ लानो एबा गुरुनि बाश्रा खोनासंनो अदेबानि सानथौ लानोबो एसेबो मोजां मोनामोन । बिनिखायनो यबकृतआ

धियाननि गेजेरजों बोर लानानै पण्डित जानाय गोरलै बाश्रा साननानै धियानाव जिरायबाय । गोबां बोसोर धियान खालामनानै समखौ बारग' होबाय । यबकृतनि दुथां धियानखौ नुनानै मोदाइ राजा इन्द्रजितआ मा बोर नांगौ सोंबाय । यबकृतआ आखाइ खबजबनानै फिननाय होबाय- “हे फोरभु आं बेद शास्त्रफोरखौ फरायालासेनो गेदेमा पण्डित आरो बेद गुरु, शास्त्र गुरु महरै मुंदांखा जानो गोसो जादों । बिनिथाखाय आंनो बोर होदो फोरभु । गुरुनि खाथियाव सोलोंथाइ लानानै बेदनि मोन्थोर गोसोआव लाखिनानै पण्डित जानाया आंनि थाखाय जाथावना नडा । बेखायनो आंनि बे गोब्राब धियान ।” इन्द्र राजाया बुंबाय- “ब्राह्मन, नों गियान मोननायनि गुबै लामाखौ नागारनानै गोरोन्थि लामाजों थांनानै नाडा-फाडा सम थांहोदों । गियान मोननाय गुबै आरो गोथों लामाया जाबाय फरायनानै सोलोंनाय । धियानजोंल' नडा । बिदि बुंनानै इन्द्र राजाया आनज्रायदोंमोन ।

बिनि जाहोनावनो जानोहागौ सोलोंथाइ आरो फरायनाय गैयैफोरा द्वापर जुगाव रावबो पण्डित जानो हायाखैमोन । बियो द्वापर जुगनि जुग धोरोममोन । आथिखालनि जुग खोलि जुग । बे जुगाबो बाजौ रोजासो बोसोर बारलांबाय । बे

जुगावबो सोलोंथाइखौ गुबै जायगा होनाय जाबोदों । बे जुगावबो मुलुग संसाराव मोजां मुं गालांनायफोरा गोब्राब खामानि, नांथाब नाजा आरो गोसो गोथौवै फरायनानै सोलोंनायमोन । सैथो जुगनि बादि दानि बे जुगाव गोबां पण्डित, गियानि सुबुं जानो हानाय एबा थैनानैबो थैनो रोडै बादि जानो हानाय सुबुंनि बिदिन्थि दं ।

नाथाय दा नैबे समाव जुगनि धोरोमा आबुडै सोलायनाय बादि जाबोगासिनो दं । गासैबो मावनो गोनां खामानिफोरा माखासे टेकनिकेल आदबजों मावजानायखाय सुबुंनि गोसो आरो साननायफ्रा गोजौ थाखोनिब्लाबो देहायै-गोसोयै जाफुंसार जाया । गोबां अनजिमानि सुबुंनि गेजेराव खाथिनाय गैयालासे सोलोंथाइ, मुंहारि, डिग्रि दोहोन सम्पथि आरजिनाय गोसोआ बारायगासिनो । जाहोनाव दिग्रि लानाय, दोहोन आरजिनाय माखासेया खामानियाव बाहायजायै जाहैनाय नुनो मोनो । बैसोर बादिया लिरनाय रावनि गियानाथ' गोजान, बाश्रा बुंनोबो सोलोंनो हाख'वाखिसै । इन्टरनेटनि अनगायै जायखिजाया आयदानि सायाव मोननैसो बाश्राखौबो गोथोडै बुंनो एबा लिरनो हायैबादि जाहैयो । बेफोर जाबाय दानि थाखोसे सुबुंनि जुग धोरोम ।

बर' खन्थाइयाव आबहावा सानस्त्रिः मोनसे बिजिरनाय

-ड० राहेल मचारि

1.0 जागायनाय :

आबहावाया आथिखाल मुगायाव गोनांथार जायगा मोननाय मोनसे सोदोब। सरासनस्त्रायै जॉनि सोरगिदिं थानाय जिउ गोनां आरो जिउ गैयै थादेरसाफोरनि बिजों बि गोरोबलायनाय आरो सुबुं जिउनि सायाव बिसोरनि गोहोम गोग्लैनायखौनो आबहावा होननानै बुंनाय जायो। बुहुमनि जिब-जुनार, दंफां-लाइफां आरो सुबुंनि थानानै थानायाव आबहावाया गोनांथार बिफाव लायो। आबहावानि गुबुन गुबुन थादेरसाफोरनि गेजेराव जेव्ला समानथि गैया जायो अब्लानो आबहावायारि जेंना एबा गाज्जि जानाय जायो। आबहावायारि जेंना एबा जोबस्त्रांनाया मिथिंगारि एबा सुबुंआरि जाहोनाव जानो हागौ। मख'नाय मोननै जाहोननि मादाव सुबुंनि फोजोबस्त्रांलु हाबाफोरा आबहावाखौ बांसिनै गुबुंले खालामदों। सुबुंनि लुबैसुला आखु, सामलायख' हायै सुबुं अनजिमा बांनाय, कल-कारखाना गायसननाय, हाग्रामा सिफायनाय बायदिफोरानो आबहावा गुबुंले जानायनि गुबै जाहोनफोर। माखासे मिथिंगायारि जाब्रबथाय जेरै- बांग्रिं मावनाय, दै बाना जानाय, अरगें हाजो ओंखारनाय बायदिफोरजोंबो आबहावाया गुबुंले जायो।

आबहावा सांग्रांथिया आथिखाल मुगानि जोबार गोनांथार आयदाब्लाबो बियो गोदोनिफ्रायनो सुबुं सोदोमस्त्रिनि गेजेराव बायदिसिना महरै बेरखांबोदों। बैदिखौ सादुफोरा गावसोरनि आरज मेथायफोराव हाग्रा-बंग्राखौ बाखोनायनाय, सिन हादरनि Tao सान्थौगिरि फोरा सुबुं जिउआव मिथिंगानि महरखौ बेरखां होनो फोरोंनाय आरो गौतम बुद्दआ गासिबो जिब-जिरादखौ अत्रो फोरोंनाया धोरोमनि गेजेरजों आबहावा अनसायनायखौ फोरमायो। मेसपतेमियानि सलन्थायमा गिलगामेस (Gilgamesh) आवबो जिब-जुनार फोजोबस्त्रांनायखौ हेंथा होनायनि सल' दं। जिदाइन जौथायनि उन बाहागो आरो जिगु जौथायनि

इंराजि मिथिंगा अनसायनाय खन्थाइफोरावबो आबहावा सांग्रांथिनि बाश्रा बेरखानाय नुनो मोनो। जिगु जौथायनि आमेरिकानि लिरगिरि हेनरि देभिद थरुनि मुंदांखा बिजाब **वालदेन एबा लायप इन दा उदस** आवबो लिरगिरिया नोगोरनि दुंहाव आबहावाखौ नेवसिना मिथिंगा बिखानि गेजेराव जिउ खानायनि हामगुजुखौ बर्नायनाय दं।

मिथिंगा आरो आबहावाखौ लाना थुनलाय सोरजिनाया गोदान नडा। नाथाय आबहावायारि थुनलाय बिजिरनाय एबा Ecocriticism आ 1970 माइथायनि जेबनाय फारसेसो सोनाबारि थुनलाय बिजिरनायाव जायगा मोनजेनदोमोन। Ecocriticism सोदोबखौ उइलियाम रिउकार्तआ गावनि Literature and Ecology: An Experiment in Ecocriticism (1978) मुंनि बिजाबाव बाहायजेनदोमोन। विनि उनाव 1992 माइथायाव आमेरिकायाव Association for the study of literature मुंनि गौथुम दानायनिफ्राय आबहायारि थुनलाय बिजिरनाया गोनांथार जायगा आवग्रिनानै लायो आरो गासै हादरावनो गोसारो। गुबैथै आबहावायारि थुनलाय बिजिरनायाव सुबुं आरो आबहावानि सोमोन्दोआ थुनलायाव माबायदियै बेरखांदो बेखौ बिजिरनाय जायो।

1.1 बर' खन्थाइयाव आबहावा सानसि :

बर'फोरा गोदो गोदायनिफ्रायनो मिथिंगानि गेजेराव रायजो जाबोनाय हारि। आथिखालाव माखासे बर'फोरा नोगोर मोखाडारि जानो हमबायब्लाबो बांसिन बर'फोरानो दाबो नोगोरनि जानगाराव, मिथिंगानि गेजेराव रायजो जानायखौ हामजासिनो। बर'नि गुदि दोहोरोम

बाथौवाव मोनबा थादेरसा (हा,दै, बार, अर आरो अखां) खौ बिथा खालामनाय जायो आरो बियो बर'फोरनि मिथिंगा आरो आबहावा अनसायनायनि देरसिन बिदिन्थि। बर'फोरा हा, दै, बार फोरखौ गोथार लाखि नांगौ होननानै फोथायो। बर' गोजाम सल'फोराव बेनि रोखा बिदिन्थि मोननो हायो। सान्दो बावदियानि सल'वाव दैयादि मानसि-दुमसि, जिब जुनारफोरनि जिउनि थाखाय गोनांथार आरो बेखौ गोथारै लाखिनांगौ बेनि बाश्रा बुंनाय दं। बर' थुनलाइगिरिफोरनि गुबुन गुबुन बिथिनि थुनलाइ सोरजिफोरावबो आबहावानि सावगारि बेरखानाय नुनो मोनो। बे सावराय बिदाडाव बर' खन्थाइयाव आबहावा सावगारि बेरखानायनि सोमोन्दै सावरायनो नाजानाय जादो।

गोजाम आरो गोदान गोबां बर' खन्थाइफोराव आबहावा सानसि बेरखानाय नुनो मोनो। रमान्तिक खन्थाइफोराव बे सानसिखौ बांसिनै मोनो। गाहायाव सानैसो खन्थाइगिरिफोरनि खन्थाइयाव आबहावा सानसि बेरखानाय खन्थाइफोरनि सायाव सावरायनो लानाय जादो।

बर'नि गेदेमा रमान्तिक खन्थाइगिरि ईसान मुसाहारिनि हाजो खन्थाइयाव आबहावानि रोखा सावगारि नुनो मोनो। मिथिंगा बिखायानो मानसि, जिब-जुनार, दावमा-दावसा, एमफौ-एनला गासैनिबो थांना थानायनि फुंखा। मुसाहारिया हाजो खन्थायाव हाजोखौ हायेननि बिफां लाइफां, दावसिन-दावला गासैनिबो थांना थानायनि फुंखा महरै फोरमायदो। बिथाडा हाजोनि सा आरो सिं मोननै महरखौ हमदानो हादो। हाजोनि महरखौ सा साज्राडै नायोब्ला आजां गाजां हारां हाथां अन्थायजो आबुं राखां अन्थाय बिखा नुयोब्लाबो

बिनि सिंनि महरा बिदि नडा। हाजोनि सिंनि महरा जोबोद अनसुलि। बिनि अननायावनो हाजोनि आफाडाव थानाय बिफां लाइफां, दावसिन-दावला गासैबो बोलो नाडा जासे देरदों आरो जिउ खांदों। खन्थाइगिरिया खन्थाइनि रावाव एरै बुंदों-
'गोजाननिफ्राय नायब्ला नोंखौ नुयो आजं गाजां, अन्थाइ दामोल हंगा हंगि हारां-हाथां, सान्दुं अखायै जुगु जुगु थानाय गोरान राखां।

बम्फां लाइफां दाउसिन-दावला नॉनि आफाडाव थानानै देरदों बोलो नाडा। हाबाब दिनै आं मिथिबाय नोडो गोरान नडा अनसुला नॉनि गोसोया मालाया जेखि बुडा।'

(सनानि माला, बि. 8)

थामहिनबा मिथिंगानि गासैबो थादेरसाफोरा गावजोंगाव सोनारलायो एबा गोरोबलायना थायो। बे बायदिनो हाजोआ जॉनि ecosystem खौ मोजाडै लाखिनायाव हेफाजाब होयो। खन्थाइगिरि मुसाहारिया हाजोनि गुनखौ बरनायनानै हाजोनि मोनसे समायना सावगारि (hillscape) एरखांदों। बिथानि हाजो खन्थाइयानो बर' थुनलायनि गिबि hillscape खन्थाइ।

प्रमद चन्द्र ब्रह्मनि हायेननि सुफिन खन्थाइयाव आबहावानि सावगारिया जोबोद रोखायै बेरखांदों। खन्थाइगिरिया हायेननि मिथिंगा बिखायाव मानसि दुमसि, जिब जुनार, एमफौ एनला दावमा दावसा, बिफां लाइफांफोरा गावबा गाव खामानियाव मुखुब जानानै बेजों बे गोरोब लायना थानायनि सावगारिखौ खन्थाइनि रावाव समायनायै एरखांदों।

'गुवार हायेन स्रां गेबें

.....

हाजोनि सायाव थ-था बन दान्दों

.....

फोथार बारियाव रेरेथ थेरेद

फे-फु मोसौफ्रा गांसो जादों।

.....

गुमाया खन्दों, दावथुवा गाबदों

बेव जुगु जुगु हबेव जुगु जुगु।'

(स'नाखि बिजाब, बि. 145)

ब्रह्मनि खन्थाइया फैलाव हायेनादि गुबुन गुबुन जिव-जिरादफोरनि गोरोबथिलि बेखौ बेरखांहोदों। आबहावायारि थुनलाइ बिजिरनाय नोजोरै बे खन्थायाव जों Bio-diversity नि सावगारि बेरखांनाय नुनो मोनो। हायेननि सुफिन खन्थाइया दोंसे सिगां सारिनि बर' landscape खन्थाइ।

मन'रन्जन लाहारिनि हे जोमै, बे लामार्जों दैजलां फैयो खन्थाइफोरा आबहावा सानसि बेरखांनाय गोजौ थाखोनि खन्थाइ। बिथाडा सासे मिथिंगा अनसायग्रा खन्थाइगिरि। दैया जिब जिराद गासैनिबो थानानै थानायनि फुंखा। दै नडाब्ला बुहुमनि मानसि दुमसि, जिब जुनार, बिफां लायफां, हाग्रा बंग्रा रावबो थानानै थानाइनि बाथ्रा सोनेनो हाया। लाहारिया दैनि गुन आरो गोनांथिखौ गोथौयै मोनदांनो हादों। बिनिखायनो बिथाडा हे जोमै खन्थायाव दै एबा जोमैनि गुनखौ बरनायनानै गासैनिबो थाना थानायनि फुंखा आरो राहा होननानै बुंदों। खन्थायाव एरै फोरमायदों-
'नाथाय आं मिथिगौ, नोंहाबो अेननाय दं :
दै बिलायनानै फोथाडो नों दावसिन-सुबुं-जुनार, हाग्रा-बंफां

(माब्लाबा आरो गुबुन गुबुन खन्थाइ, बि.10)

बे लामार्जों दैजोलां फैयो खन्थाइयाव लाहारिया

दै, मिथिंगा आरो बोथोरजों सुबुंनि हाबा मावनायनि सोमोन्दोखौ गुवारै फोरमायनानै होदों। दैज्लां बोथोरा सुबुं, बिफां लाइफां, हाग्रा बंग्रा गासैनोबो गोदान मिजिं लाबोनानै होफैयो। मानोना दैज्लांनि अखाजों आबादारिफोरा दाहोना रुवाथि ज' जयै दुब्लि बारियाव माय गायनानै आबाद मावो आरो रानजिंनानै थानाय बिफां लाइफांफोराबो सोमखोर समायना महर लायो। खन्थाइगिरिया मिथिंगा, बोथोर आरो सुबुंनि थाना थानायनि राहाजों गोथौ सोमोन्दो थानायखौ रोखा फोरमायदों। लोगोसे जिब जिरादनि थाखाय दैनि गोनांथिखौ रोखायै फोरमायथिदों। गाहायाव होनाय खन्थाइ खलबा बेनिनो रोखा बिदिन्धि-

'बे लामाजों दैजोलां फैयो

.....

बाज्जल-बुज्जल हायनारि दैसुलुंनि नासिना,
बंफां-लाइफां, बंग्रानि मिजिक
लैहोर लैहोर मावथि रुवाटी-दाहोना।'

(माब्लाबा आरो गुबुन गुबुन खन्थाइ, बि. 22)
गोजौवाव मख 'बोनाय लाहारिनि दोंनै खन्थाइयावबो आबहावानि रोखा सावगारि बेरखांनाय नुनो मोनो।

जनिल कुमार ब्रह्मनि फर्बजराणि सालमुरा खन्थाइयाव हाग्रामा फोजोबस्रानाय आरो जिब जुनार गोमालांनायनि सावगारि बेरखांदों। फर्बजराया गोदो साल दंफांनि थाखाय मुंदांखा जायगामोन। साल दंफांनि थाखायनो बर' सुबुं मेथाइफोरावबो फर्बजराया जायगा मोनदोंमोन। नाथाय आथिखालाव बेवहाय साल दंफां नुनो मोनलिया। बेयो मोनसे जारिमिनल' जानानै थालांबाय। सुबुंनि फोजोबस्रालु आखुनि

थाखायनो फर्बजरायाव साल दंफां, हाग्रा बंग्रा जोबस्रानायजों लोगोसे जिब जुनार दावमा दावसायाबो जोबस्रालांबाय। थामहिनबा फर्बजराणि Bio-diversity आ गोमालांबाय। बेखौनो खन्थाइगिरिया खन्थाइनि रावाव एरै फोरमायदों-

'देलाइसि देमबाइसि

हागुं-हाब्रां

देमलो गुरजां

बै मुगानि

सिखोला बालें

फर्बजरा आं।

.....

निजोम निराला

आंनि बिखायाव दिनै

गोसोम गुनजेरनि

हरखाब हारां खुरनाय

दावथेन दाउनि

गोफाद खुगाजों

बुलदजारनि अमा उरनाय

गोदान अपारेसन

आंनि जिउ सोलेराव।

आं दिनै

दालाय बिलाइ गैजायि

हां सरथे जानाय

फर्बजराणि साल मुरा

.....

लाइसि दारानि साम' खांखाइआ

खारलांबाय हायेनाव ;

निलाइ जाहारनि

दाउमासार दाउआबो

गेसेरलिया माथो..?

.....

आं दा-

.....

लांथिया चाहारा बाला-हामा

फर्बजरानि आं

लाथिख साल मुरा।’

(खन्थायनि इकेबाना : बि : 230)

वे बायदिनो फर्बजरानि सालमुरा खन्थाइयाव जनिल कुमार ब्रह्मआ बेसेन गोसा मिथिंगायारि दोहोन जोबस्त्रांनायनि दोंसे मोखथांआरि सावगारि बोदों। मिथिंगायारि दोहोन जोबस्त्रांनाय लोगो लोगो ओनसोलनि आबहावायाबो खहा जादों। बिनि थाखायनो खन्थायगिरिया आथिखालनि फर्बजराखौ लांथिया चाहारा बाला-हामा होननानै बुंदों।

आथिखाल मुगानि गोख्रों खन्थाइगिरि अनजुनि ‘बेयाव हाग्रामा दंमोन खन्थाइयावबो हाग्रामा फोजोबस्त्रांनाय, नोगोर फसंनाय, उद्ग गायसननाय आरो आबहावा गुबुंले जानायनि सावगारिया बेरखांदों। खइन्थायाव खन्थाइगिरिया मोनसे समनि हाग्रा-बंग्रा, बिफां-लायफां आरो जिब जुनारनि बिथा हाग्रामा दाबसेया लासैनो उद्गआरि नोगोराव सोलायनाय आरो बिनि बिजाउनआव आबहावायारि गुबुंले जानायनि सोमोन्दै फोरमायथिदों।

खन्थाइगिरिया रायखांनाय बै हाग्रामायाव दंमोन बायदि रोखोमनि बिफां-लायफां, बेन्दों-बेनला, जिब-जुनार, दावमा-दावसा आरो एम्फौ-एनला। आरो बेवहायनो मोजोमसे थागिबि सुबुंफोरा गामि गायसनना आबाद मावनानै रायजो जाजेन्दोंमोन। बिसोरो मिथिंगानि खान्थिखौ गनायनानै

गोरोबलायना रायजो जाबोदोंमोन। थामहिनबा बे ओनसोलनि ecosystem आबुं गोरोबथायाव (Balance) दंमोन।

‘बेयाव हाग्रामा दंमोन

सान्थ्रहायै बिफां, मि-जुनात, दावसिन-दावला, एम्फौ-एनला बयनिबो नआ बेवनोमोन। बयबो रूजु रूमु मिथिंगानि नेम खान्थि मानिनानै सोलियोमोन।

.....

आजै-आजौमोनहा बेवनो गामि गायसनजेनदोंमोन हास्त्राव हायाव माय-फाथोनि आबाद खालामजेनदोंमोन ग्रौ ग्रौ सिबिं-बेसर थादुन बाइदि...’

समनि बोहैनायाव बे ओनसोलाव नोगोरमा गायसनजाबाय, सुबुंनि होंगो दोगो जाबाय, बायदिसिना फंसानथान आरो कल कारखाना गायसन जाबाय। जायनि जाउनाव बेयाव मिथिंगानि समायनाया गोमालांबाय आरो ओनसोलनि आबहावाया गुबुंले जाबाय। बेखौनो खन्थाइगिरिया खन्थाइनि रावाव एरै फोरमायदों-

‘बेव दा हाग्रामा गैलिया

बेव खनफैलिया खौऔ, दाव खखिं

बेव नुनो थालिया स’ना गाबनि दुब्लि

बेसरबारिनि मुहिनां गोमो-गोथां

बेनि बारमण्डलाआव ग्रिन हाउसनि गुदुं बार

आरो अजन ह’लजों सोरखिबोनाय सान-रोदा।’

(खन्थाइनि इकेबाना : बि. 193)

अनजुनि बेव हाग्रामा दंमोन खन्थाया हाग्रामा जोबस्त्रांनाय, सोमखोर आबाद थिलि गोमालांनाय आरो जोबनो गैयै नोगोरमा, कल-कारखाना गायसननायनि जाहोनाव आबहावा गुबुंले जानायनि दोंसे गोथां सावगारि।

बिमल मोसाहारियाबो गावनि जिनाहारि

मिथिंगा: आद्रा सिमां खन्थाइनि गेजेरजों हाग्रा बंग्रा दानस्रानाय, जिब जुनार फोजोबस्रानाय आरो आबादथिलि आरो जाग्रा मुवा दिहुननायाव बिस गोनां रासायनिक मुवा बाहायनायनि हेंथायै खुद्रिखांनाय सानस्रि बेरखांदों। थामहिनबा खन्थाइगिरिया सुबुंनि फोजोबस्रालु हावानि थाखाय आबहावा गुबुंले जानाय आरो सुबुं सावस्रिनि खहा जानाय फोरखौ नुनानै दुखु मोननाय फोरमायदों आरो बेफोरनिफ्राय उदांस्रि मोननो लुबैदों।

खन्थाइनि गिबि आरो नैथि खलबाव खन्थाइगिरिया हाग्रा बंग्रा जोबस्रानाय, जिब जुनारफोरा गावसोरनि थाग्रा खुलिनि आंखाल जानानाय आरो गोमालानायनि सावगारि बेरखां होदों। बेखौ खन्थाइनि रावाव एरै फोरमायदों-

‘मेगनावनो जोबस्रालांदों गुदु अरनफ्रा
अरनावनो गोमाबोदों सानथ्रहायै बैसागु।
आरोबाव बेसे सहायबोखो-
मेगन फैसालियावबोसो आद्रा सिमाल’ सारफावो
अखानायलानो खब्रां आखायनि बिलिरनायल’
सिखा-रुवानि बागुरुमबा मोसानायाव
दिदोम गोर्बोआबो हांगार जालांबाय।
मोसा मुफुरफ्रालाय बहाथो दंवावो
दुलाबाथा मासेबो गैलिया,
.....
खारदिंबायनाडो खरनि एम्फौफ्राबो
गाव गावनि बाहाखौ गरै गरै।’

खन्थाइनि जोबथा खलबाव खन्थाइगिरिया आबादथिलिफोराव आरो जाग्रा मुवा दिहुननायाव बिजानु गोनां मुवा बाहायनायनि हेंथायै खुद्रिखांदों आरो दुखु मोत्राय फोरमायदों लोगोसे बेनिफ्राय उदां जानो हांखुर जादों। गाहायनि खन्थाइ खलबाव

बेखौनो रोखा फोरमायदों।

‘बिजानुवा गोबांसै थाव-संख्रिनिफ्रायनो
गुबुन गासैबो दोनथ’जोबदो,
माब्रै सिखांबावनो बिजानु सिंनिफ्राय?

.....

आंनि हा, आंनि फसल आंनि फिथाइयावसो
उदांस्रि दिनै आं नागिरनानै हांखुर जादों।’

(खन्थाइनि इकेबाना: बि: 310)

मोचाहारिनि खन्थायावो हाग्रामा सिलिखार जानाय, आबादथिलियाव बिस गोनां रासायनिक मुवा बाहायनाय आरो आबहावा गिज्रा जानायनि बर्नायथिजों आबुं जानाय।


1.2 फोजोबनाय :

गोजौआव सावरायनायनिफ्राय रोखा जायोदि बर’ खन्थायाव आबहावाया बिबार-अलंबार मुगानि मिथिंगा अनसायनाय रमान्टिक खन्थाइफोरावनो जागायजेन्दोंमोन। बै मुगानि खन्थाइगिरिफोरा आबहावानि गुमुरखौ हमदांनो हादोंमोन। मिथिंगानि गासैबो समायना आरो गोमोथाव सोरजिफोरा आबहावानि नागारहायै बाहागो आरो बिसोरनि गेजेराव गोमोथाव रोखोमनि गोरबलायनाय दं होनना बिसोरो फोथायदोंमोन। आधिखालाव गुबुन गुबुन जाहोनफोरनि थाखाय आबहावा गिज्रा जानाया बांनायनिफ्राय बांसिन जाबोगासिनो दड। गुबुन सुबुंफोर बायदि गोदान मुगानि बर’ खन्थाइगिरिफोराबो बे थासारिजों मोगा मोगि जानांदों जायनि जावनाव बिथांमोननि खन्थाइफोराव आबहावा गिज्रा जानायनि सावगारि आरो बेनि सायाव सांग्रांथि लाबोनाय सानस्रिया गोख्रोंसिनै बेरखांदों। आबहावानि फारसे सांग्रां सुबुं

आरो गुबुन गुबुन फसंथानफोर बायदि बर' खन्थाइगिरिफोरखौबो आबहावाखौ मोजाडै लाखिनायनि फारसे सांग्रा जानायखौ नुनो मोन्दों।

हेफाजाब लानाय बिजाब:

1. बसुमतारि, अन्जालि (सु.), (2017) खन्थाइनि इकेबाना, बड' पब्लिकेसन बर्ड, कक्राझार
2. लाहारि, मनरन्जन.(1993) माल्लाबा आरो गुबुन गुबुन खन्थाइ, अनसुमै लाइब्रेरि, कक्राझार
3. ब्रह्म, मिहिर कुमार (सु), (2016) फोरोंलाइ Vol-XIII, बर' आयदा फोरोंगिरि गौथुम
4. ब्रह्म, रुसटम (सु) (2013), Critical Theory and Practices in 21st Century, Creative Books, New Delhi



Neuclear weapons have changed everything,
except our modes of thoughts.

-Albert Einstein

नैथि राव फोरोंनाय आरो बेनि गोनांथि

-ड सानसुमा खुंगुर बर'

नैथि राव (Second Language) फोरोंनायखौ गुसेब नोजोरजों नायोबोला जोबोद गोरलै बादि मोनो। नाथाय जेबोला बेनि सिंधाराव गुवारै संनानै नायो अब्लासो बुजिनो हायो नैथि राव फोरोंनाया एसेबां गोरलै नड। गुबुन खामानि (साखि) मावनो थाखाय आखाइ, मेगन आरो खर' मेलेमनि गोनां जायो। नाथाय सोल्लोंथाइ एबा फोरोंगिरि खामानि मावनो थाखाय खुगानि अनगायैबो आरो गोबां रोंग'थिनि गोनां जायो। गोबां लेखा फरायना दिग्रि लाबोलानो सासे मोजां फोरोंगिरि जानो हाया। बेनिखायनो जों बुंनो हायो फोरोंनाय खामानिया बुहुमनि बयनिखुइबो गोरसिन खामानि। बेबादिनो मोनसे नैथि राव फोरोंनो थांनायावबो सासे फोरोंगिरिनो गोबां बायजोआरि गियान आरो रोंग'थिनि गोनांथि जायो। नैथि राव फोरोंनो थाखाय माखासे गोनांथार खान्थि बाहायनो नांगौ। सोल्लोंग्राफोरनि थाखाय फोरोंनो फरा (Lesson or Course Materials) गोनां जायो। जों जेबोला बेखौ मावफुंनो थांगोन अब्ला गाहायाव मख'नाय माखासे बाथ्रानि सायाव नोजोर होनांगौ-

- (क) सोल्लोंग्राफोरा सोर ?
- (ख) सोल्लोंग्राफोरनि थांखिया मा ?
- (ग) फोरोंगिरिफोरा सोर सोर ?
- (घ) फोरोंगिरिहा रोंग'थि दंना गैया ?

गोजौनि सोंथिफोरनि फिननाया रोखा जाबोलासो नैथि राव फोरोंनायाव हेफाजाब मोनगोन। मोनसे नैथि राव फोरोंनो जागायनायनि सिगाडववो गांसे सेलेबास जथायनायनि गोनांथि दं। सेलेबास बानायनाय समाव नायखां बिलाइ बानायग्रोना लायोबोला मोनफा मोनफा आयदा एबा फराखौ जथायलांनो हायो। फरा जथायनायाव नोजोर होनो गोनां बाथ्राखौ साजायनांगोन। गोरलै

गोरलैनिक्रायसो लासैनो मोनबासो फरा बारनानै एसे गोरा गोरा बाथ्रा सोना होनो हायो । नडबोला सोल्लोग्राफोरा आनदायगोन आरो बुजिनो हानाय नड । लोगोसे सोल्लोनो गोसो गैयि जागोन । बेनि अनगायैबो गाहायाव मख 'नाय बाथ्राफोरनि सायाव नोजोर होनांगोन ।

(क) बाथ्रानि दाथाय (Structural) : जेराव थागोन रावखान्थिनि गियान आरो बाथ्रानि दाथाय ।

(ख) आयदायारि (Topical) : फराफोरा मोनफा आयदानि सायाव जानाया मोजां । जेरै-सिनायथिलायनाय, देहानि, जानाय-ल्लोनायनि, गाननाय-जोमनाय, लोगोनि, बाय-बाहागिजों नखरनि बायदि बायदि ।

(ग) थासारियारि (Situational) : बेयाव थागोन बाजार खालामनाय, बिजाब बाख्रियाव थानाय, बैकाव थानाय, आलासि जाहैनय, फोरबोआव थानाय बायदि बायदि ।

सेलेबास जथायखांनाय उनाव नैथि राव फोरोंनाया सासे फोरोंगिरिनि सायावबो सोनारो । फोरोंगिरिया बेयाव गोखों बिबान लानानै फोरोंनाय खामानिखौ मावफुंलांनांगोन । बिथाडज मोनसे फोरोंनो हाथाव थासारि सोरजिना लानांगोन । फोरोंनो थानायनि सिगां गावबो एसेब्लाबो थियारि जानानै थानाया मोजां । गाहायाव नैथि राव फोरोंनायनि खायसे गोनांथार आयदाफोरखौ सुंथाबै मोनफा मोनफा सावरायनो लानाय जाबाय ।

फरायहोनाय : फोरोंगिरिया फोरोंनो लानाय रावनि फिसा फिसा रायथाइ, खन्थाइ, सुंद' सल' बायदि बायदिखौ सोल्लोसा एबा

फरायसाफोरनो फरायहोनो नांगौ । राव सोल्लोग्राया बेफोरखौ फरायनानै मोनसे रावनि रिसारथिखौ एसेब्लाबो रोखा खालामनो हायो । फरायनो होथाराबोला सोल्लोनाय रावनि रिसारथिखौ रोखा खालामनो हानाय जाहैया । फरायहोबाय थायोबोलासो राव सोल्लोग्राया सोल्लोनाय रावनि रिसारथिखौ रोखायै बुंफोरनो हानाय जायो ।

खोनासं लिरनाय (Dictation): बे मोनसे राव फोरोंनायनि एंगारहायै बाहागो । सोल्लोसा एबा राव सोल्लोग्राफोरखौ सम सम खोनासं लिरनाय फोरोंनो नांगौ । खोनासं लिरनाय आयदाफोरा गिबियाव सोदोब (Word Level) आरो बेनि उनाव बाथ्रा (Sentence Level) जायोबोला मोजां । खोनासं लिरनाय समाव फोरोंगिरिनि बुंनाय एबा फरायनाय रिसारथिया एबा गाराड रोखा रोखा जाथारनो नांगौ । नडबोला गोबां गोरोन्थि जानो हागौ । खोनासं लिरनाय समाव बानान लिरनायाव माखासे गोरोन्थि मोनगोन । बेखौ फोरोंगिरिया लासै लासै गावनो लिरना दिन्थिनानै फोसाबनो नाजानांगोन । बेबादिनो लासै लासै सोल्लोग्राफोरा लिरनो हानायबो जाहैगोन ।

फोरमायना बुंनाय (Narration): गावनि सोल्लोनाय आरो रोंनायखौ सोल्लोग्राया गुबुननि सिगाडव माबोरै फोरमायनो ? बेनि थाखाय फोरोंगिरिया बायदिसिना आयदानि सायाव गिबियाव फोरोंनांगोन । बेफोर गोनांथार आयदाफोरखौ फोरोंगिरिया गिबियाव जथायनानै लानांगोन । जथायनानै लाखांनाय उनावसो थाखो खथायाव बाहायनो हागोन । आयदाफोरखौ थि

रोखोमै खालामनानै लायाबोला फोरोंनाया गुलाय-
गुजाय जागोन।

रायज्जायनाय क्लास: रावखान्थिनि बाहायनाय आरो रिंसारथिफोरखौ मोजाडै फोरोंनायनि उनाव मोनसे रायज्जायनाय क्लास लानांगोन। फराल' फोरोंबाय थाबोला सोलोंग्राफोरा बाथ्रा रायज्जायनो हादोंना हायाखै बेखौ हमनो हाया। बे रायज्जानाय क्लासाव फोरोंगिरिया गोजौआव मख'नाय आयदानि सायाव फोरोंनायनि सिगाडवनो बाथ्रा सावरायनो गोनांखौ जथायना लानानै जागायनो नांगौ। रायज्जायनाय समाव फोरोंगिरिया रिंसारथिनि सायाव नोजोर होनांगोन आरो फंसे बाथ्रा जोबनाय उनाव फिननाय महरै बुंलानांगोन- 'औ, मोजां थिग दं, जोबोद मोजां जादों बायदि बायदि। माखासे रायज्जायनायनि आदब बाहायनो गोनांबो जानो हागौ। बेखौ फोरोंगिरिया गावनो मिथिनो नांगोन। जेरै- सोलोंग्रानि बैसोखौ नायना, आथोन (हौवासा- हिनजावसा)खौ नायना, मान होथाव नंगौना नड। फिसा फिसा सोदोबजों जथायनाय बाथ्राखौ थाब थाब बुंनो हानोबो हागौ। नाथाय माखासे गोलाउ एबा गोरा बाथ्राफोरखौ बुंनो हायाबोला खनले खनले बुंहोनांगोन। बुंहोबाय थाबोलासो रिंसारथिया रोखा जागोन आरो रायज्जायनो हानाय जाहैगोन।

मेथाइ खननाय (Singing Song): मोनसे नैथि राव फोरोंनायजों लोगोसे बे रावनि खायसे मोजां मोजां मेथाइफोरखौ फोरोंनानैबो सोलोंग्रानि गोसोखौ मुजिहोना हायो। मेथाइखौ

खनहोनायनि सिगाडवनो बेनि ओंथि आरो रिंसारथिफोरखौ मोजाडै खोनासंहोना नांगौ खननै खनथाम खननायनि उनाव मेथाइखौ खननो हानाय जागोन। बेनि अनगायैबो टि. भि. नडाबोला कम्पिउटाराव फाव खालामना खननाय सावगारिखौ नायहोनानैबो गोसो बोहोना हायो। सावगारिखौ नायनायजों लोगोसे खोनासंना बुजिहोना नाजानांगौ। सावथुन एबा फावथिना गोनां मेथाइ एबा बाथ्रा रायज्जायनाय खोनासंना आरो नायनानै राव सोलोंनाया गोरलै जायो।

हरखाब बुंनाय आरो राव दान्थेलायनाय (Extempore Speech and Debating): बे आयदाखौ जागायनायनि सिगाडवनो फोरोंगिरिया फरायसा (सोलोंग्रा) फोरनो बायदिसिना आयदानि सायाव फोरोंग्रोनो नांगोन। हरखाब बुंनाय फोरोंनायाव फिसा फिसा सोदोब लेखा बिलाइयाव लिरना थफ्ला बादि खालामना होनांगौ। सोदोबल' नड बेयाव बाथ्राबो होना हायो, जेरै- गामि, नोगोर, अमा, बोरमा, सैमा, मोसौ, बिजाब बाख्रि, नों मोजां मोननाय मोनसे फोरबो, नोंनि लोगो (बिसिगि) नि सोमोन्दै बायदि बायदि। राव दान्थेलायनाय आयदाफोरखौ मोजां मोजां आयदानि सायाव होनांगौ। सोलोंग्राफोरा गोरलैयै जेन बुंनो हायो आरो बिसोरनिबो इयुनाव माबाफोर हेफाजाब जानायखौबो नायनांगौ। बे मोननै आयदानि सायाव गोरों जाबोला सोलोंग्राया नैथि रावखौ थाबैनो सोलोंनायजों लोगोसे लिरनो फरायनो हानाय जागोन।

भावथिना (Drama or Role Play) : बे

आयदाखौ फोरोंनायनि सिगाडवनो भावथिनानि बिजाब बिसोरनो रानना होनांगोन। अबोलासो बिसोर अदेबानि फरायसाफोरा गुबुन गुबुन फावनि सायाव गावखौनो थियारि खालामनो हागोन। बेनि उनाव मा समाव माबादि एबा सोरजों माबादि आखु बाहायना बाथ्रा बुंनांगौ बेखौ भावथिना फोरोंनायाव सोलोंनो हायो। गुबुन गुबुन रोखोमनि आयदानि सायाव थानाय भावथिना बिजाब फरायनानै जेबोला फाव खालामना बुंनो हानाय जागोन बे समाव आरोबाव मोनसे खामानि थागोन बे जाहैबाय जायगानि मानसिफोरा गावसोरनि राव बुंनाया माबादि बेखौ मिथिनो थाखाय रेकर्ड खालामना खोनासंहोनांगोन। अब्लानिया बाथ्रा बुंनायनि फारागथिखौ बुजिनो हानाय जागोन आरो गोरोंन्थिया बहा, माबोरै जायो बेखौबो हमनो हागोन।

फोजोबनाय : आथिखालाव मोनसे नैथि राव फोरोंनाय आरो सोलोंनाया जोबोद गोनांथि जाना फैदों। माखासेया बेखौ फालांगियारि बिथिंजोंबो लानो हमदोंसै। बेबादिनो गोबां नैथि

राव फोरोंनायनि मिरु एबा फसंथानबो गोबां जायगायाव नुनो मोननाय जायो। नाथाय जेंनाया जाबाय गंबेसे फसंथाना एबा मिरुवा बेफोरबादि फोरोंनाय खान्थिखौ बाहायनायाव जाफुंसार जानो हादों बे साननो गोनां बाथ्रा। आरो बेनि सायाव सन्देहबो दं। मोनफ्रोमबो रावहानो गावबा गावनि दाथाय महर, रिसार आरो रावनि देंखो थायो। मोनसे रावनि बेफोर गासै बिथिडव गोरों जाबोलासो जों नैथि राव फोरोंनाय आरो सोलोंनायाव जाफुंसार जादों होनना बुंनो हागोन। मोगथाडव जों जेब्ला बेखौ बाहायनो नाजायो अबोलासो मिथिनो हायो थारैनो नैथि राव फोरोंनाया जोबोद गोरा खामानि। मानोना राव सोलोंग्राफोरा सिगाडवनो गावनि बिमा रावखौ मिथिखायो। बिदियाव एखनबा नैथि राव सोलोंनाय एबा बुंनाय समाव फरायसा एबा सोलोंग्राया गावनि बिमा रावनि देंखो एबा रिसारथिखौसो बाहायनो नागिरो। बे समाव बेबादि जेंनाखौ फोरोंगिरिया सुस्रानो नाजानांगोन। नडबोला जायखिजाया नैथि राव फोरोंनायानो मोनसे गोब्राब जेंना जानोबो हागौ।

हादोरनि सोलोंथाय खान्थि आरो बेनि जेंना

(Education policy of the Nation and its Problems)

-के. दिपक बसुमत्तारि

राइजो आरो भारत हादोरनि सोलोंथाय खान्थिआ गाहायै मोनगु बिथिडव खाबुखौ जोंनो खालामना होदों। बैफोर बिथिंफोरा जाबाय-बेसेननाडै आरो बाध्यता सोलोंथाय होनाय, गुदि सोलोंथायखौ बिमानि रावजों फोरोंथाय होनाय, आइजोफोरनि सोलोंथाय होनाय, भारतनि हादरारि रावखौ फोरोंथाय होनाय, minorities फोरनि सोलोंथाय, दुखिया थाखोनि सुबुंफोरनो सोलोंथाय होनाय, गुबुन गुबुन हारिनि रावखौ रैखाथि होनाय, सोलोंथाय फसंथानफोराव समान मोनथाय होनाय आरो गोजौ सोलोंथाय लानायाव नायबिजिरसंनाय।

भारत संबिजिरनि 45 नं दफा बायदियै हादोरनि गासै फरायसाफोरनो 14 बोसोर बैसोसिम बेसेननाडैआरो बाध्यता (compulsory) सोलोंथाय होनाय भारत सरकारनि मोनसे जोबोद बाखनायथाव खामानिनि गेजेरजों गोनां-गैयै गासै थाखोनि फरायसाफोरा समानै सोलोंथायखौ मोननो हादों आरो एखे गियानखौ सोलोंनो हादों। रावबो फरायसाया सोलोंथाय लानायाव रांखान्थिनि जेंनायाव गोलैनो गोनां जायाखै। जापानआव बेसेननाडैआरो बाध्यता (compulsory) खौ इं 1900 माइथायावनो जागायजेनदोंमोन। बेसेननाडै आरो बाध्यता (compulsory) जोंनो दिनैनि समाव

जापान हादोरा Educational Technology आव गोबां आवगायलांबाय नाथाय गुबुनफारसे जोंनि भारत हादोराव दिनैसिमबो फरायसालिफोराव फोरोंगिरिनि आंखाल जानाय जेंनाखौनो सुझांनो हायाखै। फरायसालिफोरखौ smart classroom खालामनो हायाखै, ICT नि गियानखौ फरायसाफोरनो होनो हायाखै, फरायसाफोरनो नांगौ बायदि vocational course होनो हायाखै, बेफोर बिथिडव उन जानानै थानायनि थाखायनो सरकारि फरायसालिफोरा लेथें-फेथें जाबोनो हमदों। बे खाबुखौनो लानानै फरायसाफोरनो गुनगोनां सोलोंथाय होनायनि थांखिजों सरकारि नडै फरायसालिफोरनि अनजिमाया बांबोदों आरो सरकारि नडै फरायसालिनि infrastructure आरो फोरोंनाय, आब्रुथि आरो गोनांथि खाबुफोरखौ होनाय खामानिफोरजों फेर फाथिनो हायैनि जाउनाव सरकारि फरायसालियाव फरायसानि अनजिमाया खमायबोदों। गुनगोनां सोलोंथायखौ फरायसाफोरनो होनोब्ला नांगौसेबां गुनगोनां फोरोंगिरिखौबो जोंनो नांगोन। लोगोसेयैनो समानै skill education नि सायावबो गोसो होनांगोन।

भारत संबिजिरनि 350 (A) नं दफा बायदियै भारतनि सोलोंथाय खान्थियाव लिरनाय दड दि फरायसाफोरखौ गुदि सोलोंसालियाव

बिमानि रावजों फोरोंनाय जाथों। हादोरनि सिडव थानाय गुबुन गुबुन राइजोआव गावआरि खुंथाय गोहोखौ बाहायनानै ओनसोलनि रावखौ सोलोंसालियाव फोरोंथाय होनो हायो। उन्दै उन्दै गथसाफोरनि सानखानो हानाय गियानआ बिमानि रावजोंसो आबुं जायो। Immature गथफोरनि ब्रेनआव गुबुन रावजों जर होनानै फोरोंथाय होयोब्ला खस्थ मोनो। सासे गथनि ब्रेन जौगासारनायाव बिमानि रावआ गोनांथार। बेखौ इंराजिआव Child's Comprehensive Development होनना बुडे। बिनिखायनो बिमानि रावजों गथसाफोरखौ सोलोंथाय होनाया गोनांथार। बाथाखौ जों बयबो मिथिदों। नाथाय System आव जों हाबजोबनो हायाखै। दिथागिरिफोरनि लुबैनायखौ आबुं खालामनो हायैनि थाखाय

जानो हागौ गोबाडानो गाव गावनि बिमा रावनि बिजोंनि सायाव फोथायनाय गैयै जादों आरो माखासेआ लुबैखायाखै। बिब्दि थासारियाव बिमा रावनि बिजोंफोरा जोंनि हादोराव थावरिनानै थानाया गोब्राब जादों।

भारतआव आइजोफोरखौ सोलोंथाय होनांगौ होनना साननानै उदांसिनि उनावनो संबिजिरनि 15 नं दफाखौ खालामदोंमोन। बे दफायाव लिरनाय बायदिब्ला भारत हादोरनि साफ्रोम आइजोआनो समानै सोलोंथाय मोननो हागोन। आथोनखौ लानानै हादोराव हौवा-हिनजाव सोलोंथायनि फारागथि लाबोनो मोना। मानोना हौवा मानसिया जेसेबां साननो हायो एसेबांनो हिनजाव मानसियाबो साननो हानायनि गोहो दड; हौवा मानसिजों समान गुबुन गुबुन खामानिखौ

मावनो हानायनि गोहो दड। बिनिखायनो हिनजावफोरखौबो समाज आरो हादोरनि समानै सुबुं सम्पद खालामनायनि नोजोरजों बे दफाखौ खालामनाय जादों। मानोना हिनजाव माहारिखौ गारनानै मोनसे समाजआ आबुं जानो हाया। नखर आरो गथ-गथायखौ जोथोन लानायजों लोगोसे हादोरनि जायखिजाया जौगालु खामानिफोराव बाहागो लानो हायो।

संबिजिरनि 343 नं दफा बायदियै हादोरनि मोनसे हादोरारि राव महरै गनायनानै लानाय जाथों। भारत उदांसिआ इं 1947 माइथायाव जानायनि जेब्ला उदां भारतनि संबिजिरखौ इं 1950 माइथायाव लिरनाय जादोंमोन अब्लानो हिन्दी रावखौ हादोरनि हादोरारि राव महरै गनायनाय जाथोंसै होनना फोसावनाय जादोंमोन। भारतनि संबिजिरखौ आबुडै आजावनाय समसिम 15 बोसोर एबा इं 1965 माइथायसिम इंराजिखौनो Official खामानियाव बाहायथ 'नाय जायो। गुबुन फारसे खोला भारत (South India) नि सुबुंफोरा हिन्दी रावखौ हादोरारि राव महरै गोरलैयै गनायनानै लानो हायाखैमोन। जायनि थाखाय इं 1963 Official Language Act इंराजि रावखौ भारतनि Associate Official Language गनायनानै लानो गोनां जादोंमोन। बेनि उनाव गोबां भारतनि नोगोरारिफोरा इंराजि रावनि सायाव बांसिनै गोसो होबोनायखौ जों नुनो मोनदों। जायनि थाखाय दिनै भारतनि बांसिन सुबुंआनो इंराजि रायज्जलायनो मोजां मोनो आरो सोलोंनो गोसो जायो। मोनफ्रोम Official खामानिफोराव आरजलाइफोरखौ इंराजि रावजोंनो लिरनाय नुनो मोनो। माब्लाबा बांसिनै

रायज्जायनायबो नुनो मोनो । बेनिखायनो इंराजि रावनि जायगाया गुवारनिफ्राय गुवारसिन जाबोदों । जायनि जाहोनाव गुबुन गुबुन फिसा फिसा ओनसोलारि रावफोरा गोमालानो हमदों । फिसा फिसा हारि-माहारिनि थाखाय मोनसे गिख्रंथाव थासारि सोमजिदों ।

खम सुबुं अनजिमा थानाय हारिफोरखौ रैखाथि होनाय आरो जौगासारहोनायनि खाबुखौबो भारत सरकारा 30 नं संबिजिर दफायाव लिरनानै गालांदों । दोहोरोम एबा राव बिथिडव खम सुबुं अनजिमा थानाय हारिफोरा बे संबिजिरनि मोनथाय बायदियै गावसोरनि राव, दोहोरोम आरो हारिमुखौ रैखा खालामनो थाखाय गावसोरनि बिमानि रावनि सोलोंथाय फसंथान खालामनानै लानो हागोन । बेवहाय सरकारा समान खाबुखौ जगायनानै होगोन । बर 'आबो मोनसे फिसा आरो खम सुबुं अनजिमा थानाय हारि । संबिजिरनि बे दफा बायदियै बर 'हारियाबो गावनि राव, हारिमु आरो थामोनथाखौ रैखा खालामनो थाखाय इं 1963 माइथायनि 18 मे निफ्रायनो बर' बिजोंनि फरायसालि गायसननानै सोलोंथाय होबोगासिनो दं । नाथाय इंराजि रावनि साग्लोबसारनाय आरो ग्लबेल टेकनलजिकेल दिमान्डनि थाखाय जोंनि खाथियाव मोनसे गिदिरथार सेलेन्ज जानानै फैदों । बेनि अनगायै माखासे गोबां फिसा फिसा इसुफोर दं ।

सोलोंथाय बिथिडव जौगासारनो हायै (SC/ST) हारिफोरनि थाखायबो सरकारा सोलोंथायनि गेजेरजोंनो जौगाखांहोनो नाजानायखौ जों नुनो मोनो । बिसोरनि थाखाय माखासे सोलोंथाय

फसंथानफोराव मासुल गैयाजासे मुं थिसननाय, Scholarship होनाय, सोलोंथाय फसंथानफोराव माखासे सिट रिजार्भेसन खालामनाय बायदि बायदि । बे भारत संबिजिरनि 29 नं दफा क्लस (2) आव रोखायै लिरनाय दड ।

संबिजिरनि 29 (1) नं दफा बायदिब्ला भारतनि गुबुन गुबुन ओनसोलाव थानाय हारि-माहारियानो गाव गावनि राव आरो हारिमुखौ रैखा खालामना लानो हानायनि मोनथाय दं । गुबैयै रावखौ सरैखा (Language Safeguards) खालामनाय । सोलोंथाय फसंथानफोराव समानै नायनाय आरो समानै जौगाथाय लाबोनाय । लोगोसेयैनो गोजौ फरायसालि फसंथानफोराव नायबिजिरसंनाय बिबानखौबो लादों । गुबुन गुबुन हारिनि राव आरो हारिमुखौ नायबिजिरनानै हारिमु सोलाय-सोल' खालामनायनि खामानि जायो । संबिजिरनि बे दफानि थाखायसो भारतनि गुबुन गुबुन हारि-माहारिफोरा गाव गावनि राव आरो हारिमुखौ रैखा खालामनानै लानो खाबु मोनदों । मानोना जों बयबो मिथिगौ दि राव आरो हारिमु नडब्ला मोनसे हारिया थानानै थानो हाया । बेनि गेजेरावनो दिनैनि सोलायनाय मुलुगाव गोबां राव आरो हारिमुनि सोलाय-सोल' जानायजों लोगोसे माखासे फिसा फिसा हारिफोरा गाव गावनि राव हारिमुखौ नागारनानै गुबुननिखौसो बांसिनै नाजावनो नागिरनायखौ नुनो मोनो । नोगोरफोराव थानाय मानसिफोरनि नखरफोराव एरैबायदिबो थासारि सोमजिदों जेराव गावनि बिमानि रावखौ नागारनानै बिमा बिफाया गाव गावनि फिसाफोरजों इंराजि आरो हिन्दी राव रायज्जायग्रा जादों जायनि

थाखाय गथफोरा गावनि बिमानि रावखौनो मोजाडै रायज्जलायनो रोडै जादों। बेफोर थासारियानो मोनसे समाव जों बायदि फिसा फिसा हारिनि थाखाय मोनसे गिदिरथार Challenge जानानै फैगोन। खाथिनि बिदिन्थि महरै Naga Tribes आरो Konyak Naga बिसोर मोनसे Tribe आ गुबुन मोनसे Tribe नि रावखौ बुजिया। बिसोर गावजों गाव रायज्जलायनो थाखाय Nag-amese रावसो बाहायो। अब्ला नागा हारिया गावसोरनि रावखौ माबोरै रैखाथि होगोन बेखौ साननो गोनां जादों। गुबुनफारसे बिसोरहा गावनि रावनि बिजों फरायसालि गैया। गेरेमसा माहारि दानोब्ला गावनि आंगो बिमानि रावआ मोनसे इउनिपर्म जानांगोन आरो गावनि बिजोंनि फरायसालिफोरखौ गायसननानै लानांगोन। गाव गावनि बिमानि रावखौ बोजबनानै लानो रेंनांगोन। राइजो आरो भारत हादोरनि सोलोंथाय खान्थिआ नोगोरारिफोरनि मोजांखौनो सानदों नाथाय जोंनि सरासनस्त्रा सुबुं, सरकारि बिफानाव साखि मावनाय सुबुं, समाज दैदेनगिरि आरो राजखान्थि दैदेनगिरिफोरा मोगथाडव जाफुंसार होनांगोन। जों बयबो आथिखालाव सोलिबाय थानाय सोलोंथायनि जेंनाफोरखौ मिथिलायबाय थदों नाथाय बेखौ सुस्त्रांनो रावबो गोसो मोदोम होनानै ओंखारबोआखै। जायनि थाखाय जेंनाफोरा जेंनाथैनो जानानै थदों। सरकारि फरायसालिनि मानदान्दाया गाहायाव फैबाय होननानै सरासनस्त्रा सुबुं, सरकारि बिफानाव साखि मावनाय सुबुं, समाज दैदेनगिरि आरो राजखान्थि दैदेनगिरिफोरा

गावनि गथ'फोरखौ सरकारि नडै फरायसालि फसंथानफोराव मुं थिसननायफोरखौ जों मेगनजों नुनो मोनबोदों। नाथाय सोलोंथायनि आबहावाखौ मोजाडै जौगाहोनाय आरो मोजाडै फोसाबनानै लानाया सोरनि बिबान बाथ्राया साननो गोनां। सोलोंथायनि खुनथियाआनो हादोरनि इयुन सिनस्त्रि। बेनिखायनो आंनि मोनदांनायाव गोजौआव सावरायबोनाय राइजो आरो भारत हादोरनि सोलोंथाय खान्थिनि थाखाय भारत सरकारा जायफोर दफाफोरखौ संबिजिरआव लिरनानै गालांबाय बेफोरखौ मोजाडै जाफुंसार होनोब्ला फरायसालि फसंथानफोराव नांगौ बायदि man power नांगोन आरो सरकारि बिफानाव साखि मावनाय सुबुं, समाज दैदेनगिरि आरो राजखान्थि दैदेनगिरिफोरखौ सरकारि फरायसालि फसंथानाव गथ'फोरखौ मुं थिसननाय बाय्थता खालामनांगोन अब्लानो सोलोंथायनि महरा सोलायगोन। मानोना दिनै सरकारि नडै सोलोंथायनि standard जों रुजुनो हाथैआबो मोनसे जाहोन। आथिखालाव भारतनि सुबुंफोराबो सोलोंथायनि सायाव बांसिनै सांग्रांथि जाबोनायखौ जों नुनो मोनदों। बे हादोरनि थाखाय मोजां नेरसोन नाथाय सोलोंथायनि सरसाया Practical and skill based जानांगोन। राइजो आरो हादोरखौ सालायनाय सुबुंफोरा गमामायैनो सोलोंथायनि Policies फोरखौ मोगथां महर होनायाव गावसोरखौनो बावसोमनो हानांगोन। बेनि फारसे सरकारआ मोजाडै नोजोर होनांगौनि गोनांथि दं।

नार्गेस महम्मदी

-अन्जु

देग्लाइ 2023 माइथायनि गोजोननि नबेल बान्थाखौ मोन्दों इराननि सुबुं मोनथाइनि मावथि नार्गेस महम्मदीया। बिथाडा मुवा बिगियाननि डिग्रि गोनां, इन्जिनियारनि खामानि मावनायजों लोगोसे सासे रिफरमिष्ट लिरगिरिबो। इरानी आइजोफोरनि मोनथाइ आरो समानथाइनि हखायै आरो राजखान्थियारि जोबथेजानायफोरनि सुबुं मोनथाइ आरो उदांस्त्रिनि थाखाय खुंथाइजों जुजिनानै जिउआव गोबां दुखु खस्थ सैनांदों। बिथाडा दासिम गासै खेब 13 जोबथेजादों, खेब 5 साजा जादों (convicted), 31 बोसोर जेलाव थानांदों आरो खेब 154 साबुकनि साजा सहायनांदों। नबेल बान्था फोसावनाय समावबो जेलावनो दं आरो 16 बोसोरनि साजा खाथिगासिनो दं। थानाय अक्ट'बर दाननि 6 अक्ट'खालि 2023 माइथायनि गोजोननि नबेल बान्थानि थाखाय नार्गेस महम्मदीनि मुंखौ फोसावनानै बान्थानि थाखाय सायख'नायनि जाहोनखौ नबेल कमितिया एरै बुंदों - "... for her fight against the oppression of women in Iran and for her fight to promote human rights and freedom for all."

नार्गेस महम्मदीया इराननि जाज्जान होन्नाय फिसा सोहोराव मोनसे इरानी आजारबाइजान न'खराव 1972 माइथायनि 21 एप्रिलआव जोनोम मोन्दोंमोन। काजभिननि इमाम खमेइनी इन्टारनेसनेल इउनिभारसिटियाव फरायनाय समावनो फरायसा राजखान्थिजों लोब्बा लाखिदोंमोन आरो आइजोनि समानथाइ, मोनथाइ आरो जेंनाफोरनि सायाव खौरांलाइफ्राव लिरनो हमदोंमोन। फरायसा राजखान्थिजों लोब्बा लाखिनायनि थाखाय खेबनै खाजादोंमोन आरो हाजो गाखोग्रा हान्जानिफ्राय एरख'जादोंमोन।

इरान हादोराव आइजोफोरनि सायाव होबथानाय आरो नासयनाया गोदोनिफ्रायनो सोलिबोदों। उन्दै बैसोआव हाबा जानाय, डिभर्स, कास्टडी बेफोरजों लोगोसे आइजोनि सायाव उदखार आरो नासयनाया सोलिबोदों। आइजोफ्रा सोलोंथाइ लानो हायोब्लाबो 'हिजाब' थामहिनबा खर'खौ फालिजों मोजाडै खोबथेनानैसो

थांनांगौ, हौवाफोरजों ज' जिरायजाबनो मोना। गारि मटर गाखोब्लाबो उननि सिटआवसो आलादायै जिरायनांगौ। बायजोआव एबा सायनासालियाव हारिर्सि मेथाइ खन्नो आरो मोसानो मोना। साइकेल सालाइनो मोना, गेलेनाय नायहैनो मोना, गेलेमुनि देदेनगिरि आरो सायख'गिरिबो जानो मोना। फिसाइनि गनायथि नडाब्ला गुबुन हादोराव दावबायनो मोना। बायजो एबा पाब्लिक प्लेसआव मोखां आरो आखाइनि ससेनि बादै देहाखौ आबुरै खोबथेजोबनांगौ, नडाब्ला खनाजों लोगोसे जोबथेसालिनि साजा मोन्नांगौ जायो। गोदो गोदायनिफ्रानो मुस्लिम आइजोफोरनि खर'आव गानग्रा गानजोम हिसाबै हिजाबनि बाहायनाया सोलिबोदों। 1920's आव रेजा शाहनि (राजानि) आमोलाव हिजाब गान्नाय दोरोडा गुरुं जादोंमोन आरो 1936 आव बोसोरबानि थाखाय हिजाबखौ बन्द (bond) खालामनाय जादोंमोन। नाथाइ 1979 माइथायनि इसलामिक जांखिथाइनि समाव शाहनि (राजानि) खुंथाइखौ उखायनायनि उनाव धोरोमगुरु (Supreme leander) आयातुल्ला खमेइनीया हिजाबखौ गानथारनांगौ होन्नानै फोसावो। हिजाब गानथारनांगौ खान्थिया 1983 निफ्राय गनायजायो आरो बेखौ सिफायोब्ला 10 साननिफ्राय हमनानै नै दानहालागै जेल जानांगौ आरो लोगोआव खनाबो दं। बावैसो 2023 नि सेप्टेम्बर दानाव गनायनाय गोदान हिजाब बिल मथै साजाया आरो बांबावबाय, खनाजों लोगोसे 10 बोसोरसिमबो जेल जानांनो हागौ। इरानाव आइजोफोरनि सोलिनाय, गान्नाय, जोमनायनि सायाव नोजोर होनो जुनै दं Islamic

Revolutionary Guard Corps (IRGC) नि मरेल पुलिसि। देहायाव सिथाबनाय गानजोम आरो खर'नि फालिखौ गुरुडै खानाइ नुजाहोनानै लानायाबो दाय गोनां।

नार्गेस महम्मदीया उन्दै समनिफ्रायनो आइजोनि सायाव उदखार आरो नासयनायखौ नुबोदोंमोन। बिथाडा मुलुग सोलोंसालियाव थानाय समाव रिफरमिष्ट खौरांलाइफोरनि खौरां बुथुमगिरिनि खामानि मावदोंमोन। बै समाव बिथाडा "The Reforms, the Strategy and the Tactics" मुडै राजखान्थियारि राइथाय बिजाब दिहुन्दोंमोन। 1999 माइथायाव नार्गेसआ रिफरम सोमावसारनायाजों लोब्बा थानाय जानांलिस्ट आरो मेलेमजिबि टाघी रहमानीजों हाबा जायो। बिसोरहा जावजा सानै फिसाजो-फिसाला दं। आइजोफोरनि नासयजानायल' नडा, नार्गेसआ उन्दैनिफ्रायनो सोरखारनि राजखान्थियारि एकटिभिष्टफोरनि सायाव उदखारखौ नुबोदोंमोन। बिथांनि बिमाइयाबो सासे राजखान्थियारि मावथिमोन आरो 1979 माइथायनि इरानीयान जांखिथाइनि सिगां आरो उनाव जेल जानांदोंमोन आरो उनाव थैनायनि साजाजों बुथारजादोंमोन। उनाव गावबो जेलाव थानांनाय समाव नुनाय उदखार आरो राजखान्थियारि मावथिफोरनि थैनायनि साजानि बेरेखायैबो गारां दैखांदोंमोन आरो जुजिदोंमोन आरो दासिम जुजिगासिनो दं।

2003 माइथायाव महम्मदीया डिफेन्दार अफ हिउमेन राइट्स सेन्टार (DHRC) मुंनि आफादआव हाबो जायखौ शिरीन इबादी मुंनि

सुबुं मोनथाइनि उकीलआ 2001 माइथायाव गायसन्दोंमोन। मख 'जाथावदि शिरीन इबादीनो 2003 माइथायाव सुबुंखान्थि (democracy) आइजो, खुदिया, आरो रिफिउजी मोनथाइनि हाबा मावनायनि थाखाय गोजोननि नबेल बान्थाखौ होदोंमोन। बिथाडानो नबेल बान्था मोन्नो हानाय गिबि मुसलिम आइजो। 2008 आव DHRC खौ आयेन बेरेखा होन्नानै फोसावदोंमोन। इबादीया गुबुन हादोराव खारखोमालांदोंमोन। आफादनि लेडाइ आफादगिरि नार्गेसखौ इरानी सोरखारखौ मुंसुनायनि थाखाय खायो आरो बोसोरसेनि थाखाय जेल जानाडे। नार्गेसनि फिसाइ रहमानीया 1981 निफ्राय 2009 सिम गासै खेबबा जेल जादोंमोन। उनाव 2011 माइथायाव फिसा सानैखौ लानानै फ्रान्सआव खारखोमालाडे।

2011 माइथायाव नार्गेसआ खाजाबावदोंमोन आरो गोलाव 11 बोसोरनि साजा जादोंमोन। जायखौ उनाव 6 बोसोराव फुसुंनाय जादोंमोन। 2012 आव जामिनाव गदोंमोनब्लाबो 2015 आव थैनायनि साजानि बेरेखा गारां दैखानायनि थाखाय खाजाफिनो। 2015 निफ्राय 2020 सिम जेल जानाडे। कभिड समाव जेलनिफ्राय हगारदोंमोनब्लाबो 2021 आव जेलाव सोफिनो। बे खेबनि दायआ जायो इब्राहिम केटाबदार मुनि एक्टिभिष्टनि अन्थाइ खाम्फायाव थानायनि थाखाय जाय थावनि बेसेन बारायनायनि हेंथायै जुजिनानै जेल जादोंमोन आरो थैनायनि साजा मोन्दोंमोन। 2021 माइथायाव नार्गेसनि मुंखौ गोजोननि नबेल बान्थानि थाखाय थिसन्नाय

जादोंमोनब्लाबो नाथाय सायखजाया खैमोन। गोबां खेब गोबां बोसोर जेल जानानै बिथानि देहाया लोरबां जादोंब्लाबो जुजिनायखौ नागाराखै। बिथाडा तेहराननि एभिन जोबथेसालियाव 16 बोसोरनि साजा खाथिगासिनो दं।

2022 माइथायनि 16 सेप्तेम्बराव माशा आमिनी मुंनि सासे 22 बोसोर बैसोनि कुर्दिश सिख्लाया पुलिसनि जिम्मायाव थैनाया खुद्रिनायनि अरखि बेरफ्राव होदोंमोन। माशाया आइजोफोरनाव जाबसिन्नानै होनाय इसलामिक गानजोमनि नेम (dress code) नि बेरेखायै खानाइ हास 'नानै आरो बायजोआव हिजाब गानालासे ओंखारदोंमोन। बियो मरेल पुलिसनि उदखारआव हस्पिटालआव जिउ गारदोंमोन। आमिनीनि थैनायखौ अजद होनानै रोजा रोजा आइजोफ्रा लामायाव ओंखारदोंमोन, सुबुं गौमा दिहुनदोंमोन, "जिन जियान आजादी" (आइजो जिउ उदांस्त्रि) बे स्लगानखौ हज्रि दोंमोन। आइजोफ्रा खानाइ हास 'नानै, हिजाब सावनानै खुद्रिदोंमोन आरो हज्रिदोंमोन, "Whoever kills our sister, we will kill them." बे खुद्रिनायाव 500 निबो बांसिन थैदोंमोन, गोबाडा जखम जादोंमोन आरो 20 रोजानिबो बांसिनखौ खादोंमोन।

नार्गेस महम्मदीया आइजो मोन्थाइ आरो सुबुं मोन्थाइनि सायाव गारां दैखानायजों लोगोसे राजखान्थियारि मावथिफोरनि थैनायनि साजा, आइजोफोरनि सायाव देहायारि साजा आरो उदखार, सलितारी कनफाइनमेन्ट बेफोरनि बेरेखायै अजद दैखानदोंमोन। माशा आमिनीनि से बोसोरारि थैनाय

सानाव जेलआव जानाय उदखारखौ बर्नायनानै The New York Times आव “The more they lock us up, The stronger we Become.” होन्नाय रायथाइ लिरदोंमोन। बिथाडा जोबथेसालिनि सिडाव सोलोंथाइनि मावबादा खुडोमोन, माब्लाबा मोसानायनि हाबाफारिबो लानायमोन। माशा आमिनीनि थैनायनि हेंथा हिसाबै जेलावनो जेलजानाय लोगोफोरखौ लानानै हिजाब सावनानै खुद्रिदोंमोन। गोबां खेब गोबां बोसोर जोबथेजानानैबो बिथांनि जुजिसुलि जिउमाया जेनाखै। बिथाडा बुंदों - “Prison has always been at the core of opposition, resistance and struggle in my country, and for me it also embodies the essence of life in all its beauty.” इभिन जोबथेसालिनि सिंनि उदखार, नासयनाय, हारिं जोबथेनानै दोन्नाय बेफोरनि सोमोन्दै गावनि 2022 माइथायाव ओंखारनाय बिजाब- “White Torture: Interviecos with

Iranian Wome Priones”. आव लिरदों।

आइजो आरो सुबुं मोनथाइनि जुजिगिरि, लिरगिरि नार्गेस महम्मदीया मोनथाइ आरो उदांस्रिनि थाखाय जोबथेसालियाव थानानैबो गारां दैखांदों। बिथांनि बादिब्ला जोबथेसालिनि सिं आरो बायजोआव आइजोफ्रा मोनथाइ आरो उदांस्रिनि थाखाय जुजिनांगोन। बिथाडा बुंदों- “I have to keep eyes on the horizon and the future even though the prison walls are tall and near and blocking my view.” बिथाडा इरानाव थानानै “सुबुंखान्थि, उदांस्रि आरो समानथाइ”नि थाखाय अरायबो खामानि मावनायनि बाश्रा बुंदों- “Standing alongside the brave mothers of Iran, I will continue to fight against relentless discrimination, tyranny, and gender based oppression by the oppressive religious government until the liberation of women.”

गियानानो सुबुंनि बयनिखुइबो देरसिन धोन, मानोना बेखौ रावबो खावनानै लानो हाया। -एबसु

राव, हारिमु आरो हारिखौ रैखा खालामनोब्ला सोलोंथाइ नांगौ। -एबसु

सानजुन्थि राव

Computer Language

-ड० मुसुका बाला ब्रह्म

रावा सुंजोबजानायनि बिजों । सुबुडा थांना थानायाव मिथिंगायारि राव जैरै- इंराजि, हिन्दी, तेलेगु, बाइदि बाइदि जों लोगोसे इसारा रावनि गेजेरजों गाव गावनि साननाय आरो आबेगफोरखौ फोरमायलायो । सानजुन्थि बिखान्थिया (Computer System) मुंज्रोब लाखिनो आरो सानजुन्थि राव एबा प्रग्रामिं राव । बेफोर बादि रावनि थाखाय फोरोंथाय (Instruction) लिरनाय बिखान्थिखौ प्रग्रामिं एबा कदिं (Coding) बुंनाय जायो । सानजुन्थि रावा माखासे सोदोब, अनजिमा आरो नेरसोनफोरजों दाजानाय । आथिखालनि मुगायाव सुबुडा बे रावखौ बाहायना मोब्लिब दाजेम सानजुन्थिखौ गावनि गोसो बादियै खामानियाव फोनांजाबनो हादों । मानोना सानजुन्थि रावनि गुबै थांखियानो जादों सुबुं सानजुन्थि सुजोबलायनाय ।

सानजुन्थि रावखौ गाहायै मोननै बाहागोवाव मोननो हायो बेफोर जाबाय- क) गाहाय थाखोनि राव (Low level language) आरो (ख) गोजू थाखोनि राव (High level language)

क) गाहाय थाखोनि राव (Low level language) खौ मेसिनआवल' बुजिनो हायो । सुबुंफोरा बे रावखौ बुजिनो गोब्राब । बे थाखोनि रावा Machine dependent एबा मेसिननि सायाव सोनारग्रा राव । गाहाय थाखोनि रावखौ मोननै बाहागोआव रानबावदों- 1) मेसिन राव आरो एसेमब्लि राव । मेसिन रावा सानजुन्थिनि प्रग्रामखौ Binary numbers बाहायनानै लिरनाय जायो एबा सालायनो हायो । बेनिखायनो जाय प्रग्रामफोरखौ Binary अनजिमा एबा Binary digit फोरखौल' बाहायना लिरनाय जायो । बे रोखोमनि रावखौ मेसिन राव बुंनाय जायो । Binary अनजिमायाव मोननैल' "0" आरो "1" अनजिमाजों दाजानाय ।

मेसिन रावा CPU (Central Processing Unit) नि राव बे रावखौ बाहायनानै प्रग्राम लिरनांगौआ जोबोद गोब्राब । मानोना बे रावाव 0 आरो 1 मोननैल'

अनजिमा बाहायो। बे रावानो सानजुन्थिनि गुदि राव। सानजुन्थियाव गुबुन रावजों लिरजानाय प्रग्रामफोरखौ हाबायाव फोनांनायनि सिगांआव मेसिन रावसिम सोलायथारनांगौ जायो। बिदिन्थि बादियै मेसिन Code खौ 101010001011 जों फोरमायनाय जायो।

एसेमब्लि रावा अनजिमानि सोलायै हांखोनि मनेमनिक (Mnemonic) code बाहायना प्रग्रामफोरखौ लिरो जायखौ प्रग्रामारफ्रा गोरलैयैनो गोसोआव लाखिनो आरो बुजिनो हायो। बे रावा Data location नि थाखाय नेरसोनारि मुंखौ बाहायो। बिदिन्थि बादियै 1000, 1001 आरो 1002 नि location खौ FIST, SCND आरो ANSR बाइदि बाइदि एसेमब्लि रावनि प्रग्रामनि मुडव दोननो हागोन।

ख) गोजौ थाखोनि राव (High level language) आ मेसिन Independens एबा मेसिननि सायाव सोनारै राव। बे रावखौ मेसिन रावजों प्रग्राम लिरनायाव नुजाथिनाय जेंना आरो हेंथाखौ बोस्रानो थाखाय दिहुननाय जादों। बे थाखोनि रावाव गोरलै इंराजि सोदोबफोर आरो बयजोंबो मिथिजानाय सानखान्थियारि अनजिमा आरो नेरसोनफोरखौनो बाहायनाय जायो। बे थाखोनि रावखौ जायखि जाया सानजुन्थिआवनो बाहायनो आरो दैथायनो हायो। जायनि गेजेरजों सानजुन्थि प्रग्रामिंखौ गोरलैसिन आरो गोरोन्थि

गोयै खालामनो हायो। जेरै C, C++ JAVA, TYTHON, PHP, PASCAL बाइदि बाइदिफोरानो गोजौ थाखोनि रावनि बिदिन्थि।

सानजुन्थि राव बाहायनायनि गोबां खाबुफोर दं। बेफोरनि खायसेखौ गाहायाव होनाय जाबाय-

क) सानजुन्थि रावा बुजिनो गोरलै।

ख) बे रावजों प्रग्रामारफोरा गाव गावनिखौ गोरलैयैनो सोरजिनो हायो।

ग) एसेल' बिथोनखौ (Instructions) बाहायनायनि थाखाय बे रावखौ गोख्रैयै लागायनो हायो।

घ) गोरलै दाथाइ थानायनि थाखाय बे रावखौ एसेल' समनि गेजेरावनो बुजिना प्रग्रामखौ जौगाहोनो हायो।

ङ) Windo, Linux, MacOSx, Android, IOS, etc. फोरवबो बाहायजाथाव।

च) डाइनामिक मेमरि एलकेमन सोना।

छ) एलगरिडमस आरो Data structure बाहायनानै गोख्रै आरो गोरलैयै साननायफोरखौ साननो हायो।

ज) एसेल' गोरोन्थिगोनां आरो गोरलैयै सामलायजानाय।

जोबनायाव बेखौनो फोरमायनांगोनदि आथिखालनि बिरोंदामिन मुगायाव सानजुन्थि रावनि हाबा एबा गोहोखौ जों साफ्रोमबो बुजिनो नांगोन।

गावनि धोरोमखौ मान होनानै गोथार गोसोजों हाबा मावनायानो इसोर फुजिनाय

-प्रतिमा नन्दी नाजरी

सुबुडा इसोर सोर्जिनि मादाव देरसिन आरो साबग 'सिन जिउ एबा जिब । बे मुलुग संसाराव इसोरा जेसेबां जिब-जुनारफोर सोरजिदों बेफोरनि मादाव सुबुं एबा मानसि सोर्जिआनो मोननो थाडै । बयहाबो इसोरनि मोन्थाइजों गाव गावनि आखु, नेम-खान्थिजों बुंफबनाय । मानो होनब्ला खोथा बुंनो हानाय गावनि गोसोनि खोथाखौ फोरमायनो हानाय, गोसो जायोब्ला गासैबो हाबाखौनो मावनो हानाय गोहोखौ खालि सुबुंनोल' हरदों । नांगौखौ गावनो खालामना लानो हानाय गोहो थायो । गुबुन जिबनिखुइ साननो हानाय गोहो आरो सोलोफोर मानसिनो हरदों । बेखायनो मानसि एबा सुबुंखौ साबग' जिब होनना बुंदों । बे रुगुं गैयै मुलुगाव साबग' जिब हिसाबै गासैबो मानसिफोरानो समानै आवगाय लांनायाव बयहाबो गोख्रों बिबान थायो । बे मुलुगाव बायदि सुबुं-हारिसाफोरनि धोरोम आरो बायदि नेम-खान्थिजों गाव गावनि हारिखौ आवगायना थांनायखौ गासैबो हारियानो हास्थायो आरो नाजायो ।

सुबुं समाजाव गाव गावनि हारिनि दोरोंडारि हारिमुनि नेम-खान्थि बायदियै गासैबो हारिहानो गाव गावनि गाननाय जोमनाय, जानाय लोंनाय आरो इसोर फुजिनाय आरिफोरखौ लाना सांग्रांथि नुनो मोनो । गोबाडै जोंनि भारत हादोराव बायदि हारिनि सुबुंजों बुंफबनाय । बेबायदिनो बै हारिफोरनि गाव गावनि एखुथायै समायना मेगनाव गोनां रंगिना संगिना गाननाय जोमनायजों बुंफबनाय । बयहाबो गोदोनिफ्राय गाव गावनि आजै-आजौमोननिफ्राय मोनबोनाय जेरै- गाननाय जोमनाय जानाय लोंनाय हारिमुफोर दिन्थिबोना गावनि हारिनि जौगानाय लाबोनो नाजानाय सोलिबोदों । थिग बेदिनो सुबुं समाजाव गोदो गोदायनिफ्रायनो धोरोमनि फारसे गोसो बोनाय एबा धोरोमाव गावखौ बावसोमनायखौबो नुनो मोनबोदों । बेखायनो जेराव सुबुं बेवहाय धोरोमा जेब्लाबो थाफाखायो । सुबुं गैयाब्ला धोरोमाबो थानाय नड । नाथाय बिदि होनना खालि धोरोमखौल' गोसो होयोब्ला थांना थानाया गोब्राब । मानो होनोब्ला

मानसिया धोरोमखौ जोनोम होनो हायो, धोरोमा मानसिखौ जोनोम होनो हाया एबा फोथानो हाया। नाथाय धोरोमा मानसिनो गियान होनो हायो सैथोन लामाजों आगान सुरनो आरो मोजां हाबा मावलांनायनि थुलुंगा होनो हायो।

नाथाय आथिखालनि मुगायाव समाजाव नुनो मोन्दों धोरोमखौ लानानै आरजाथावै माखासे खान्द 'फोर। गोदोनि गावनि हारिनि धोरोमफोरखौ ज्जाब गारजोबनानै लोगोसे गुरुदेब श्रीमद कालिचरण ब्रह्मआ लाबोनाय ब्रह्म धोरोमखौबो जोगारनानै दाबायदिनि गोदान गोदान धोरोम गुरु जाखारनायफोरनि धोरोमफोरखौ आजावनानै गाव गावखौ जोबोद फुजिगोरों दिन्थिनो नागिरनायसो नुनो मोन्दों। नाथाय बेबायदि मानसिया खायसे धोरोमनि ओंथिखौनो फोरमायनो रोड। धोरोमा मा बेखौनो बुंनो रोड। सोरबा धोरोम गुरुनि दीक्षा एबा बोसोन लानानै फुजिब्लानो मानसिया धोरोमसुला जानो हाया। धोरोमाव गावखौ दिन्थिनानै जेबो मुलामफा गैया। नंगुबै धोरोमा बेसो मालायखौ मुगैया, फोलाया जासे बयखौबो अननो रौनाय मदद खालामनो हानायासो गुबै धोरोम। जेब्लाबो गोथार गोसोजों हाबा मावनाय गासैबो गावनि मावनांगौ हाबाफोरखौ इसोरनि मुं लानानै समय मावनायासो धोरोम एबा इसोर फुजिनाय। बेबायदि मानसिखौसो जों धोरोमसुला होनना बुंनो हायो।

बिदिनो धोरोमनि बेलायाव मोनसे जाथाय मिथिनो मोनोदि सानसेखालिनि बाथा। सासे मानसिया गावनि फिसाजोनि जुलिनि थाखाय लिंनो फैदोंमोन सासे बिब' जानायनि न'आव।

जुलिया समबारखालि बेखायनो बै दिनाव थानो थिनो। बिनिफ्राय बियो बुंबायो दि जौना जुलियाव जज्ञाहुति होनाय जानाय नंला, मानोना जौहा कृष्ण गुरुनि दीक्षा लाबाय, नंखायनो कीर्तन गायनानैसो जुलिया जागोन होननानै। मानि थाखाय ब्रह्म धोरोमखौ गारखो होनना सौब्ला बुंबाय बियो ब्रह्म धोरोमाव गुरु गैयैखाय गारदों होननानै। नाथाय बाथाया बेसो जादोंदि कृष्ण गुरुआ थानानै थाबाय थागोन नामा? गमामायैनो बै लिंफैनाय साननैसो उनावनो कृष्ण गुरुआ संसारि जाबाय होनना खोनानो मोननायसै। बिनिफ्राय साननांगौ बाथाया बेसो जाहैबाय जाय मानसिया कीर्तन गायनानै फिसाजोनि जुलि होनो नागिरदोंमोन बेनि साननायाबो फेलें जानायसै आरो ब्रह्म धोरोमनि नेम बादियै जज्ञाहुति होनानैसो जुलिनि खामानिखौ खालामनांनायसैनो। होमब्ला नायदो जोंनि मानसिफोरा धोरोमखौ लानानैबो बेसेबां गोदाव-सोराव जालांनो हमदों।

नैथि जाथाय-गंसे न'खरावबो बिदिनो जाथाया जादोंमोन होनना खोनानो मोन्दोंमोन। सासे फालांगि मावग्रा मानसियाबो बिदिनो कृष्ण गुरुनि दीक्षा लानानै फुजिबायमोन। बेखायनो बियो बिमा रुंसारि जानायाव थांदेराखै आरो बिमानि सारादुआवबो थानो मोनाखैमोन। मानो होनब्ला कृष्ण गुरुनि दीक्षा लायोब्ला मालायनि मानसि थैनायाव थांदेरनो मोना जाहैदेरनो मोना बिमा-बिफा थैब्ला खानाय सिननो मोना बेफोर कृष्ण गुरुनि नेम-खान्थिनो। मानसिखौ मदद खालामनाय मानसिखौ अननायासो धोरोम जानांगौ। नाथाय

बिथांना गावनि फिसाज्ला गुबुन जाना आलादा थानायखाय थांदेरनो मोना। मानो होनब्ला बिमा बुरैआ बिदा गेदेरनि न'आवसो थैदोंमोन। बे बायदि समाजजों गोरुबनो मोनैआ धोरोमनि ओंथि बोरै जाखो ? सास्थोरआवनो बुंदों धोरोम सोलायनाया महाफाफ होननानै। मानोना इसोरा सासेआनो बेखायनो जेरै, सीरदिनि "साइराम"आ बुंदों "सब का मालिक एक है।" उनाव दा खोनानो मोन्दों बै फालांगियारिनि नख'राव अमंगल जामारबायबोनो बिसिआ केनसार जानानै थैबाय फिसाजोआबो फिसाइजों गारजाबाय न'खरानो गोदाव-सोरावसै होनना।

धोरोम गुरुफोरा बायदि थांखि लानानै गावनि धोरोमखौ फोसावो खायसे गावनि मुलामफानि थांखि लायो। बिसोरनाव मुलुग गाहामनि साननाय थायाबो जानो हागौ। मानो होनब्ला खायसे गुरुफोरा इसोरनि मुडव बायदि मुवा बेसाद अमुग नांगौ थमुग नांगौ होनना गाव मोनलांनाय थालावसो थायो। नाथाय बिसोरनि मादावबो सोरबा सासेआ गोथार गोसोजों मावग्राबो थानो हागौ। बिदिनो खोनानो मोननाय थामथि जाथायखौबो फोरमायबावनो सानबाय।

थामथि जाथाय- सानसेखालिनि बाथ्रा। बै क'क्राइजर जिल्लानि उल्टापानीआव जेब्ला गोदानै लुनाय शिब मन्दिरखौ बेखेवदोंमोन ऐदिनखालिनि बाथ्रा। बै मन्दिर बेखेवनाय फोर्बोआवबो माखासे जाथावै नुथाइ नुनो मोन्दोंमोन। माखासे फिसा बालायनाय आइजोफोर फालोसे फैनानै जिरायफैदोंमोन। बिनिफ्राय दसे उनाव बिसोर

जिरायनाय खाथियावनो सासे मानसि बोरायद्राय नडै गुफुर साफा गामसा धुति गाननाय मानसियाबो जिरायफैदोंमोन। बिनिफ्राय दसे उनाव नुनो मोन्दोंमोनदि फिसा गोनां आइजोफोरा आखायाव बिबारजों लोगोसे रां लानानै बे बोरायहां मानसिखौ बिबार रां होनानै आथिं हमना खुलुमनाय नुनो मोनो। बेफोर धोरोमनि नेम जानो हायो नामा ? बेबादिथ' मानसिनि आथिडव रां बिबार होनानै खुलुमनांगौखौ जेरावबो रावबो नुफेराखैमोन। दसे उनाव सासे आइजोनाव सोंब्ला आइजोआ फिन होना गावसोरनि गुरु होननानै खिन्थादोंमोन।

अब्ला नायदो गावनि हारिनि मानसिफोरखौनो धोरोमनि मुडव गावनि बर' मानसिआनो मा बायदि सोलो बाहायनानै जागासिनो दड'। इसोरनो बिबार रां होनानै खुलुमो नंगौ नाथाय मानसिखौथ' बिदि खुलुमा। बेखौ जोबोर गोरुन्थि होनना बुंजायो। मानोना बिबारखौ समायना बेसादखाय जेरावबो बयबो बाहायो। इसोरखौ गोजोन होनो थाखायसो समायना बिबारखौ होनानै खुलुमो आरो रांखौ होयो दक्षिना हिसाबै बे मन्दिरखौ जोथोन लाग्रा फुजारि एबा मावग्राफोरनि थाखाय होनाय जायो। धोरोमखौ लानानै फालांगि खालामनायानो फाफ। बिदिनो दा गोबां जाथाया सोलिगासिनो दड' बर'फोरनि संसारावबायो। ऋषिमुनिफोरा बुदों-"कर्मइ धर्म।" थामहिनबा "खोरोमआनो धोरोम होनना।" बेनि ओंथिआनो जाबाय- सुबुड गावनि खोरोम, थामहिनबा गावनि मावनांगौ हाबाफोरखौ जेबो ल'भ खालामालासै, गुबुनखौ फोलायाजासे आरो

माबाफोर मावनायनि फिथाइबो लुगैआलासै सैथोयै गोथार गोसोजों गावनि हाबाफोरखौ मावलांनायानो धोरोम। आथिखालाव मुलुगनाडै फारसेथिं जेरै बिगियाननि जौगानायनि फिथाइ सुरुबै अखाफोर आरो मंगल ग्रह'आव सौहैनो हानाय जाबाय। बेराफारसे बिदिनो सान मोनफ्रामबो मानसिनि धोरोम आखुफोरा सोलाइनो हमदों। थामहिनबा धोरोम होननाय सुबुंनि आब्रुथिया जोबलांनो हमबाय।

बे बायदि बायदि गुलाइ-गुजाइनि थाखायनो दिनैनि दिनाव गावनि गथ' गथाइखौ मानसि मोजां खालामनांगौआबो गोब्राबनिफ्राय गोब्राब जानो हमसिन्दों। मोनफ्रामबो आगानावनो सानै हयै हरनो रोडब्ला गिखंथावसै। आथिखालनि मुगायाव नुफेरै खोनाफेरै जाथायफ्रासो जानो हमगासिनो दड'। मोनफ्रामबो बिथिडवनो साग्रांथिनि गोनांथिसै। बिमा बिफाफोरा उन्दैनैफ्रायनो गावनि गथ'फोरखौ मोजां सोलोंथाइ होनो हायाब्ला सैथो आरो धोरोमनि लामाखौ खिन्था रोडब्ला बिमा-बिफायानो थैजासिम भुगिनांगौ जायो बेखौ नुहरखानाय।

बेखायनो बेखौनो बुंनो सान्दों जाखारबोनाय लाइमोन सेंग्रा सिख्ला बिथांमोनहानो बे समाजनि इयुन। नंखायनो बिथांमोनहा थोजासे बिबान दं, आथिखालनि समाजखौ गोजोन आरो गोगोयै दैदेनलांनायाव। दा बायदिनि मुगायाव गाव गावनि गथ' गथाइफोरखौ नख'रखौ सुख-गोजोन होनो थाखाय जेब्लाबो सांग्रां जानांगौवा गोनांथारसै। दाबो समाजाव मोजां मानसिया जोबनानै थाडखै। गाज्रिफोरनि गेजेरावबो मोजां मानसि दाबो दं।

बेदिखायनो बे मुलुगा थिखिनानै दड'। बेखायनो बिथांमोन जाखारबोनाय सेंग्रा-सिख्लाफोरा माबा मोनसे गोदान गोजोन आबहावा आरो गोजोन थासारि दानो नाजानांगौ। बिथांमोनहा जौनि हादरनि गोदानै जोनोम मोननायफोरनि थाखाय सोलोंथाव दिन्थिनांगौ। सुबुं समाजाव मोनसे गोजोन थासारि गायसननांगौ। जेरावबो धोरोमखान्थि समाजखान्थि राजखान्थि खौसेथि लाबोनो नाजानांगौ। बयजोंबो सोलोंजाथाव आखुनि जानो नाजाबाय थानांगौ। अरायबो गोथार गोसोजों मानसिफोरखौ मदद खालामनो नाजानांगौ। हायोब्ला लोरबां मानसिखौ मदद होनो नाजानांगौ। सुबुंखौ सिबिनायानो इसोर फुजिनाय जागोन। बेसो धोरोमनि नंगुबै ओंथि।

मानसिया इसोरखौ मानो फुजियो? बेनि मोन्थोरा माबायदि जानांगौ आरो मा बायदि बुंनांगौ बेफोरखौ मिथिग्रोनाया गाहाम। आंनि थौले गियानजों जाखिनि मोन्दांनो हादों बेखौ फोरमायोब्ला, मोन्थोरा एरै जानांगोन सिगां जों इसोरनि खाथियाव मा गोरान्थि मावफोनांखो बेनि थाखाय निमाहा बिग्रोनांगोन। बेनिफ्राय जों मा मावनो सान्दों बेनि थाखाय इसोरनाव मदद बिनांगोन, जाहाथे जौनि मावनांगौखौ जाफुंसार खालामनो हायो। बेसो इसोर फुजिनायनि मोन्थोर होनना आं जेब्लाबो फुजिबोदों आरो फुजिलांबाय थागोन। बयखौबो बेखौनो खावलायगोन धोरोमनि बेलयाव बांद्राय बेले बेजे गुलाय गुजाइ खालामा लासै गोथार गोसोजों हाबा मावलांबाय थाब्लानो इसोरआ जेब्लायबो मदद खालामगोन होननानै मिजिंथिनो हायो।

जिउनि हाबा: मोनसे बिजिरनाय

–रनिश सांग्रां रामसियारि

1. बेखेवनाय:

जिउनि हाबा, फालांगि एबा थांना थानायनि राहाया मानसिनि जिउवाव नागार हायि मोनसे बाहागो। जायखौ नडबा सानफ्रोमबो थांना थानायाव हेंथा जानानै गसंथेयो। बे जिउनि हाबा नडबानोथ' जिउ संसाराव आगानसेबो दावगानो हाया जाउनाव फावसायफिनबाय थानो गोनां जायो। जायफोरा गाहामैनो बे आयदाखौ थि समाव सायखना लानो हादों बिनो गोजौ जांखलायाव गाखोनो हादों। गोथोडै बुंनो थांबोला गोरलैयै दाक्टर, इन्जिनियार आरो हाकिम-उकिल जानो हानायनि गुबै ओंथियानो जादों गोरलै जिउनि हाबा सायखनाय। बेनिखायनो, बुंनाय जादों, जाय मानसियानो थि समाव थार जिउनि हाबा सायखनानै लानो हादों बिनो गावनि जिउवाव जाफुंसार जानो हादों। बेरा फारसेथिं जाय मानसिया जिउनि थि आरो थार हाबाखौ सायखना लानो हायाखै बिनो जिउवाव लामा आन्दायनांदों। जिउनि हाबाखौ एबा थांना थानायनि राहाखौ गाव हारसिडै-नो सायखनो हायाबा गावनि बिमा-बिफा, फोरेंगिरि नडबा सोरबा गुनि-गियानि गेदेमा मानसिनि बोसोन एबा सुबुरुन लानांगौ। जिउनि हाबा सायखनायखौ जौं माखासे बिथिडव सावराइनो हायो। बेफोर जाबाय फारियै-

- (क) जिउनि हाबानि गोनांथि (Important of career)
- (ख) जिउनि हाबा सायखनाय (Choosing of career)
- (ग) थार जिउनि हाबा सायखनाय (Right decision of career)
- (घ) गोरलै जिउनि हाबा सायखनाय (Easy decision of career)
- (ङ) मावफुंनायनि फारिखान्थि (Making process)

2. सावराइनाय:

(क) जिउनि हाबानि गोनांथि (Important of career): सिगाडवनो बुंबोखादोंदि, मानसिनि जिउवाव थांना थानायनि राहानि गोनांथि दं होन्नानै। बे राहाखौ साफ्रोमबो सुबुडानि थाखैनो नांगौ। बे गोनांथिखौ बयबो गोसो होनांगोन। सासे सुबुड थांनानै थासान्दैयाव गावनि जिउखौ थैस'-थांसयै दैदेनलांनायनि थाखै बियो मोनसे नड मोनसे

गावनि गोनांथिख्रौ सायखथारनांगोन। नडाब्ला बियो जिउवाव लामा आन्दाय नांगोन। बे गोनांथि बुजियैयावनो बियो जिउवाव दावगानायनि अनगायै फावसयनोसो गोनां जागोन। बे निखायनो गावनि फालांगिया मा एबा जिउनि थांना थानायनि राहाया मा बेनि गोनांथिख्रौ बुजिनानै थार राहा लामा संलानांगोन। जिउनि हाबायाव बेयो गोनांथि, बैयो गोनांथि आरो बैबो गोनांथि होन्नानै गुबैख्रौ सायख' नांगोन अब्ला बेनो जिउनि हाबानि गोनांथि।

(ख) जिउनि हाबा सायखनाय (Choosing of career):-जिउनि हाबानि गोनांथिनि उनावनो जौ जिउनि हाबा सायखनायख्रौ सावराइनो हायो। जायनो जौनि जिउवाव गोनांथि जायो बेख्रौ जौ थारैनो गोख्रोडै मोजाडै साइखनानै लानांगौ जायो सोर बबे लामाजौ थांगोन। माबे लामाजौ थांबोला जिउवा सोरां जागोन। माबोरै जिउख्रौ दावगालानाय लामाथिं दैदेनलानो हागोन, जाफुंसार जिउख्रौ बोरैहाय मोनफुनो हागोन बायदि बायदि साननायानो जिउनि हाबा साइखनाय। आइ.सि.एस.नि जोहै आइ.ए.एस, ए.सि.एस. बायदि बायदि। आसाम आरो भारत हादोदनि गेजेराव गासै मोन नैजिब्रैथा साख्रिफोर थायो आरो बे आनजादख्रौ इउ.पि.एस.सि. आरो ए.पि.एस.सि. होन्नानै बुडे। बिनि ओंथिख्रौ बेखेवनो थाडोबा इउनियन पाब्लिक सारभिस कमिसन आरो आसाम पाब्लिक सारभिस कमिसन। सोरबाफोर जिउनि हाबायाव एबा गावनि फालांगि नडाबा थांना थानायनि राहायाव बबेबा मोनसे जिल्ला नडाबा मोनसे राइजोख्रौ बेंनो होन्नानै ,सानदोंबा बियो बै गोजौवाव मखबोनायफोरनि गेजेराव जिउनि

हाबाख्रौ साइखनांगोन अबोला बिनि साननाया जाफुंगोन। जुदि बियो जिउवाव फिसा हाबाख्रौनो मावगोन होन्नानै सानो अबोला बियो फिसा हाबाख्रौ साइखनांगोन। नाथाय बियो गुबुननि बाथ्रा-खोथा खोनासंनंगोन एबा सोरनिबा थिननाय एबा अरदारफोरख्रौ मानिनानै सोलिनंगोन। जेरै:-गेदेरथार साइखनोबा आइ.ए.एस. आरो उन्दैथार सायखनोबा ग्रेद फर। बेफोर बादिनो जिउनि हाबाख्रौ साइखनांगोन नडाबा जिउवाव आन्दायनांगोन।

(ग) थार जिउनि हाबा सायखनाय (Right decision of career): बिनि गुबै ओंथिया इंग्राजियाव बुडे, "a judgment, conclusion, or resolution reached or given; verdict" नैथियाव फोरमायदों, "the act of making up one's mind" बेयाव खालि decisionनि बाथ्रख्रौलसो बुंनाय जादों। थार जिउनि हाबा, साइखनायख्रौ गिबियाव बिमा-बिफा नैथिया फोरोंगिरि आरो थामथियाव गुनि-गियानि सासे गेदेमा सुबुंनि बोसोन लानो हायो। सोरनिबा सोरनिबा बिमा-बिफाया एबा दिथागिरिया गावनो गोरोंखा बेखायनो जायफोरा बिदि गोरों बिमा-बिफा एबा गोरों दिथागिरिफोर दं बैसोरनि थाखै थारजिउनि हाबा साइखनाया गोरलै जायो। गुबुन फारसेजों फराइसालि, फराइसालिमा आरो मुलुगसोलोंसालिफोराव फोरोंगिरिफोरानो थार जिउनि हाबा साइखनायख्रौ होनो हायो। बेख्रौनो फराइसालिनि life skill class होन्नानै बुडे। आथिखालाव अनलाइननि जोहैबो बे सुबिदाख्रौ लानो हायो। Best online life skills courses and

programmes होन्नानै बुंनायखौ फराइसाफोरा website आव थांनानै गावबा गावनि थार जिउनि हाबाखौ साइखना लानो हागोन। हाफथायाव खनसे बे life skill class खौ फोरेंगिरिफोरा फराइसाफोरनो होनो नांथारगौ। बेखौ गुबैयै फरायइसालिनि गोरायुं आरो गाहाइ फोरेंगिरिफोरा गुबै बिफाव लानांगौ। बे क्लासाव खनसेयैनो गासैबो फराइसाखौ लाफानानै life skill class खौ खालामनो हायो। जेरै:- बे हाबथायाव सोरबा सासे गेदेमा सुबुं नडाबा जिउवाव जाफुंसार जानाय सुबुंनि जिउनि सोमोन्दै। आरो बै फैगौ हाफथायाव सोरबा सासे गेदेर जाफुंसार जानाय दारिमिनारि सुबुंनि जिउनि सोमोन्दै बायदि बायदि। दावगानाय हादोद, जेरै:-आमेरिका, रसिया, साइना आरो जापानफोराव थाखो खथायाव life skill class खालामोबोला सेरावनो थानाय दारिमिनफोराव लांनानै फराइसाफोरनो दिन्थिहैयो। बेनिखायनो फराइसाफोरा गावनि मेगनजोनो नुनानै गोसोखौ सोरां मोनो, गोसोखौ दग'-मग' खलामालाबानो थि खालामनो हायो। बेबायदि जिउनि हाबाखौ साइखनानै लानायनि राहाखौ फराइसालिफोराव फराइसाफोरा मोननो हायो।

(घ) गोरलै जिउनि हाबा सायखनाय (Easy decision of career):-थांनानै थानायनि राहा साइखयोबा मानसिया गावखौनो साग्रिद जानांगौ जायो। मानोना बे गुवार संसारनि मायाथिलियाव मानसिया थांनानै थानांगौब्ला गावनि जिउनि हाबाखौ गावनो साइखनानै लानांगौ जायो। बे साइखनायावबो गोरलै जानांगौ। जाइखौ साइखयोब्ला नों गोरलैयैनो बे खामानिखौ

मावफुंनो हागोन बेयो बै मानसिनि बिथांखि जानांगोन। गावनि फालांगिखौ सालाइलानो थाखै गावनो बिथांखि आजावनानै लानांगोन नडाब्ला गुबुना बिनि थाखै जेबो साननाय नडा। जोबथा जिउनि बैथा बुजासिम जाइखौ साइखबोला नों सोलिलानो हागोन बेनो जानांगोन बिनि गोरलै जिउनि हाबा साइखनाय।

(ङ) मावफुंनायनि फारिखान्थि (Making process):-जिउनि हाबा साइखनाय एबा जिउनि फालांगि नडाबा थांनानै थानायनि राहा लामा लानायनि मावफुंनाय फारिखान्थि एबा खामानिया माबोरै सोलिदों बेखौ थियारि जानाया बयनिबो मावनांगौ हाबा। नोंनि जिउनि हाबायाव नों जाइफोर माखासे बिथिंफोर आजावबाय बैफोरखौ रोखा रोखायै जाफुंसार होनाया मावफुंनायनि फारिखान्थियाव गोरलैयो। बै गोजौवाव फोरमाइबोनाय माखासे थांनानै थानायनि राहा लामा लानाइफोरा बोरै जिउवाव जाफुंसार जागोन बेखौ मावफुंनायनि हाबायानो जादों मावफुंनायनि फारिखान्थि। बे फारिखान्थिखौ गोसो होनानै मावफुंनो नाजायोबानो सासे मानसिनि जिउनि हाबाया जाफुंनायनि लामायाव फैयो। बेनिखाइनो जिउनि हाबाखौ मोजाडै सानै हयै जाफुंसार होनाय खामानियानो मावफुंनायनि फारिखान्थि।

3. फोजोबनाय:

जिउनि हाबायाव, मानसिनि फालांगि एबा थांनानै थानायनि राहायाव गुबैयै गोनांथि, थार, गोरलै, साइखनायानो जिउनि हाबा। गेना-गोरोन्थि गैयै जिउनि हाबा साइखनायानो थांनानै थानायनि राहा।

गोथार “बाथौ थान्दै” आव मोननाय सैथो गियान

-प्रकाश बसुमतारी

ओं ह्णि ख्लिं फोद से

गुबुन-गुबुन दोहोरोमाव गावबागाव फोथायनाय महरै गावबागाव गुबुन-गुबुन गोथार बिजाबमा थायो। बैफोर बायदियैनो बाथौ दोहोरोमहाबो **बाथौ थान्दै** मुनि गोथार बिजाबमा दं। जाय गोथार बिजाबमाखौ गोसो गोरबोयै फरायबा नांनायमानि गोबां गियान आरजिनो हायो। थानानै थानाय समाव सासे सुबुंआ मा बायदि जानांगौ एबा आफा इसोर बोराइ बाथौखौ सिबिबा मा मोनो बेफोरनि गियान आरजिनो हायो। बाथौ दोहोरोमा संसारनि गिबि दोहोरोम एबा आफा इसोर बोराइ बाथौआनो बे संसारनि दंनायमानि सोरजिनाय, बे बाथ्राखौ गोथार बाथौ थान्दै फरायबा गियान आरजिनो हायो। गाहायाव गोथार बाथौ थान्दैआव थानाय माखासे बोसोन खान्थि फोरखौ मख 'नाय जाबाय। जायफोरखौ जों फरायबा गोसोआव एसेबाबो स्त्रां मोनो-

बोराइ बाथौनि बोसोन-

“जेराव सिजौ बेयाव बाथौ
जेराव बाथौ थायो बेयावनो आं थायो।”

“आं रावजोंबो आंनि गुबै महरै नुजाथिया।
जाय आंखौ नुगोन, बियो आं बादि जानांगोन।”

“आंखौ जाय फोथाया, आंनि बोसोन खान्थि मानिया,
अनागारि, फोथायखेबस', थगायसुला बिसोरखौ आं साजा होयो।”
“सोरगो, मोरथो, फाथाल, नोरोगनि बिगोमाया आंनो।
दोहोरोमसुलाफोरनि थाखाय सोरां आरो
अनागारिफोरनि थाखाय खोमसि
आं थिनानै दोनखायो।”

“अनागारि फाफि मानसियाबो गोसो गाबखां फिन्नानै
आंखौ गोथार गोसोजों सिबियोब्ला
दोहोरोमनि लामाजों थांफिनोब्ला आं बिखौ निमाहा होयो
आरो फाफनिफ्राय बारग’ होयो।”

बाथौ दोहोरोमनि बोसोन-

1. “सुबुडा अरायबो
सैथोनि गोसो,
गोथार गोसो
खौसेनि गोसो
अन्नायनि गोसो
निमाहानि गोसो
लाना सोलिनो
हास्थायनांगौ।”
2. “सिजौ सिरि सिरिबा,
बाथौ बान्दो बान्दोबा,
सिफुं गुदुं गुदुंबा,
थाइगिर खडा खंबा,
सुबुंनि आसाराबो आसारबा।”
3. “लावबा लासोम, खावबा खासोम,
आदा गोसोम, दैयाव बारसोम।”
4. “लाइमोन बैसोया सिनाया
माइगाब-जुजाइ
रायजो जानाया
बाला गुदुडाव आगान होनाय।”
5. “आबादखौ माव खाथियाव,
फिसाजोखौ बिलाइ गोजानाव।”

6. “मैदेरखौ सुनांगौ खाफालाव,
मानसिखौ रायनांगौ सिगाडव।”
7. “मैया थैयो आगानाव,
सेसाया थैयो खियाव,
नाया थैयो थफिनायाव,
मानसिया थैयो खुगायाव।”
8. “सोरखौ मालाय होननो,
खर’ गोसोम नुनाय मानि गासैबो आंगो।
दाउखा सिलाया सोरखिया जेराव,
मानसिया आगान हैयो बेयाव।”
9. “ओंखाम गुफुर नुब्ला,
दाउखा-सिलानि आंखाल गैया।”
10. “सैमागारि दाजा, अमागारि दाजा,
सैमागारि-अमागारि जाब्ला,
सैमा हेडलि लागायगोन आं।”
11. “न’ गोजामखौ दादांदाव,
हिनजाव रन्दिखौ दा एदाव।”

बाथौआरिफोरा फालिनो गोनां बोसोन खान्थिफोर-

1. बाथौ दोहोरोमनि मोनफ्रोमबो फोरबो बरायनांगौ।
फालिनायाव बाथौ थानसालिनि लांगोना/दरखं
मोखांआव फांनै थालिर बिफां गायनानै बिबारजों
साजायनो नांगौ आरो थालिर बिफांनि गुदियाव
लाइजौ बना (सिगांथिं बिजौ खालामना) बायदि
बाउथाय होना आलारि बाथि फोजोंना फोरबोखौ
2. बाथौ सालिखौ साखोन-सिखोन
लाखिनायजों लोगोसे बाथौ मेर (बेर) खौ
हानायसिम मोजां रोखोमै लाखिनांगौ थामहिनबा
बायला-जिला लाखिनो नाड।
3. गोथार मंगलबार सान आरो मोनफ्रामबो

फोरबो फालिनाय सानखालि गासै बाथौ सिबियारिफोरा ना, बेदर जानायनिफ्राय गोजानाव थानाया मोजां।

4. गोथार मंगलबारनि आर'ज गाबनाय लोगोसे फोरबो फालिनाय आर'जनि हाबाफारियाव फेग्रा मुवा लॉनानै हाबैया मोजां।

5. बाथौ दोहोरोमनि खान्थि बादियै सुबुंजों नुज्जायनाय आरो सिनायज्जायनाय समाव आखाय फारनैजों “आहाम खुलुमबाय” बुंन खलुमज्जायनाया मोजां।

6. गोथार मंगलबार साननि आर'जनि हाबाफारिखौ फुंनि जि (10) रिंगानि सिगांनो थि समाव खालामनाया मोजां।

7. मंगलबार साना बाथौ दोहोरोमनि गोथार सान। बेखायनो बे सानखालि बयबो बाथौ सिबियारिफोरा दुगैस्रां-लोबस्रां गोसो गोथारै बाथौ थानसालियाव हाबनानै इसोर बोराइ बाथौखौ सिबिनांगौ।

8. नख'रनि सोरबा आइजोआ देहानि दानारि सुनाय जायोब्ला नख'रनि बायदि खामानि मावनायनिफ्राय गोजानाव थानाया मोजां।

9. बाथौ दोहोरोमनि खान्थि बादियै बाथौ थानसालियाव हाबजेन्नाय समाव खुलुमनानै हाबनांगौ।

10. नख'रनि सोरबा सुबुडा लोमजा साजायाव एबा दुखुआव गोलैब्ला बाथौ गुदियाव आलारि बाथि फोजॉनानै बोराइ बाथौनि सेराव सुग्रिनांगौ।

11. न'निफ्राय बबेबा गोजान जायगायाव थानो ओंखारब्ला थानायनि सिगां बाथौ गुदियाव खुलुमग्रोनानैसो आगान सुरनाया मोजां।

12. बाथौ दोहोरोमनि खान्थि बायदियै इसिं न'आव जुथा, सेन्देल, गान्नानै हाबनो मोना, हाबोब्ला माइनावआ बोराबो। मानोना, माइनावआ गात्रि मैलाखौ सहायनो हाया।

13. दोहोरोमखौ फोसाबना जैरे साबना हामना खालामनानै लाबाय, बिदिनो नॉनि गोसो आरो न'नि सोरबिथिंखौबो साबस्लायहोना लानाया मोजां।

14. बिबारहा मोदोमनायजों लोगोसे समाय होनायनिबो गुन दड, बेखायनो नसुंसेर आरो बाथौ सालिनि सोरगिदिं बिबार गायना लानाया गोनांथार।

15. बायराब-जिराबब्लाबो न' आरो न'नि खाथिखाला साखोन सिखोनै लिखिथार अब्लासो बोराइ बाथौआ साफिगोन।

16. हाद्रायथारब्लाबो, गय दुखनार्जोंब्लाबो खिनाय-हसुनायनि थाखै जायगा मोननै खालाम-देहाया गुफुंयै थागोन, अब्लासो बोराइ बाथौखौ गाबज्जिनो सिबिनो बोलो मोनगोन।

17. नख'राव दावराव-दावसि दाखालाम, गोजोनथिनि (शान्ति) आबहावा सोमजि हो। जैरैबो दावगालांनो हागोन।

18. सुखु आरो दुखु जेब्लायबो समाव बोराइ बाथौनि मुंखौ लानो दाबाव, राहानि लामाखौ एसेब्लाबो मोनथारगोन।

“दहाय आफा बोराइ बाथौ”

थांनाय जौथायाव गोख्रैसिन जौगानाय हारियानो जादों बर' हारि

-महेस्वर बसुमतारी

जों बर' माहारिया आसामाव माब्ला रइजो जाजेनफैदोंमोन बेनि जेबो रोखा लिरिथि फोरमान मोननो थाड। बर' माहारिया जे बे हालामनि थागिबि माहारि बेखौ गेदेमा सानथौगिरि, जारिमिनगिरि बिथांमोना फोरमायना गालांदों। नाथाय जुग जुग, मायथाइनि उनाव मायथाइ जौगानो रोडै, सोलोंथाइ लानो रोडै, माहारिया थांनाय जौसे बोसोराव आसामनि मादावनो बयनिखुइबो जौगानाय हारि महरै सिनायथि होनो हादों, बेयो जोंनि थाखाय गोजोनथाव खौरां।

जों बयबो मिथिखागौ, बर' माहारिया सा-सानजा भारतनि थागिबि हारि। जारिमिनाबो बेखौ रोखायै फोरमायखादों। सा-सानजा भारत आरो आसामनि जेबोरोखोमनि जारिमिना बर'नि जारिमिनखौ बादगा खालामनानै आबुं जानो हाया। नाथाय बे बाथ्रायाबो सैथो दि बर' माहारिया थागिबिब्लाबो एबा आसामाव गुबुन हारि-माहारिनिखुइ सिगां रइजो जाजेनब्लाबो बर' माहारिनि जौगानाया जोबोद लेहेम। फारसेथिं जोडे बर' माहारिआ थागिबि, बे हालामनि बांसिन ओनसोलानो बर' राजानि बेन्दोडावमोन, आसामनि जौगानायाव बर'नि सानथ्रहायै बिहोमा दं बाइदि बाइदि बुंनानै गोग्गानानै लायो। राव-हारिमु, आरिमु, राजखान्थि, रांखान्थि, सोलोंथाइ जेरावबो बर'नि बिहोमाया गुबुन हारिनिखुइ बांसिन होन्नानै गाव खुसि जाप्लायो। नाथाय जों मोजाडै फरायथौयोब्ला जोंनि फारफ्रोमनिफ्राय जौगानाय जौखोन्दोआ दुखु नांथावयै गोग्लैसोनाय। जुग जुग जोंनि हायावनो जों गावनि आथिडाव गसंनानै गावहारिनि जौगानायखौ लाबोनो हायैआ थारैनो जोंनिनो दाय। मोनफ्रोमबो बिथिडावनो जोंनि हादाबसा, जोंनि हारिमु, जों थागिबि आरि बुंन लानानै गुबै जौगा बिथिडाव नोजोर होनो सम सोलाबाखै। गावजों-गाव एना एनि, बांसावनाय, खोमसि फोथायनाय, सोलोंथाइ लानो बानाय गुबुन गुबुन जाहोनफोरनि थाखाय जोंनि माहारिया समजों खारफानो एबा जौगानो रोडैया जोंनिनो दाय। बेराफारसेथिं, गुबुन जौगा हारिनि गादबनाय,

नासयनाय, थगायनाय, सुबिदाफोरखौ सेख'ना लानाय बाइदि जाहोनफोरथ' दंसैयानो। नाथाय थांनाय जौसे बोसोरनि समफोरखौ संदानानै नायोब्ला जौथायनि बयनिखुइबो गोख्रैसिन जौगानाय हारियानो जादों बर' माहारि।

बर'फोरनि जौगानायनि जारिमिना दुखु-जाला, सोमावसारनाय, जुजिहाबनाय आरो हेंथागोनांजों बुंफबनायब्लाबो बर'नि जौगानाय जारिमिना जोबोद सोमोनांथावबो। 1928-29 माइथायाव गावहारिनि राजखान्थियारि मोनथाइ नागिरनानै सोमावसारनो राजा लामायाव ओंखारजेननाय माहारिया दायो भारत संबिजिदिनि द'थि फारियाव थाखानाय गावखुंथाइनि गोहो मोननानै गावनि बराद सोरजिनो हानाय थासारि मोनसे सोमजिखांबाय। मोनसे सम दंमोन, जेब्ला बर' माहारिनि गेजेराव सोलोंथाइ गैयामोन, खोमसि फोथाइनाय, बाइदिसिना थासारिजों साग्लोबजाना दंमोन अब्ला गुबुन जौगा हारिनि समाज बेबस्थानिफ्राय बेसेबांबा गोजानाव थानो गोनां जादोंमोन। सोलोंथाइ गैयैनि असिला लानानै गुबुन माहारियाबो थगायनो, नासयनो सुबिदा मोनसिनोमोन। बेफोरनि जाहोनावनो बर' माहारिया जौगानो हायाखैमोन। एमनखि 1928 माइथायाव गुरुदेव कालिचरण ब्रह्म बिथानि दैदेननायाव बृटिस खुंथाइनि साइमन कमिसननि खाथियाव हारिनि गांनाय-उखैनाय, थामोनथा, मोनथाइफोरखौ दाबिनानै फोरमायनो आर'जलाइ गांसे लिरनोबो बर' माहारिनि गेजेराव सासे गोरों मानसि गैयामोन। गावहारिनि गेजेराव

गांसे आर'जलाइ लिरनो रोडैनि थाखायनो सासे गुबुन (मुसलमान) हारिनि उकिल हमनो गोनां जादोंमोन। आर'जलाइ लिरहोनायल' नडामोन, कमिसनारनि सिगाडाव बाथ्रा रायलायनो थाखाय बे गुबुन हारिनि उकिलखौबो लोगोआव लांना थांफादोंमोन।

गावनि संबिजिदारि मोनथायखौ नागिरनानै हालाय-हाफाय जानाय आरो इंराजी लिरनो-रायलायनो गोरों नडै हारिआ नाथाय समजों जोबोद नाखेबजानानै दिनै गावखुंथाइनि गेजेरजों गावनि बराद गावनो लिरनो हानाय जाहैबाय। 1937 माइथायसिम आयेन आफादाव जाय हारिनि सासेबो एम. एल. ए. एबा सोद्रोमा गैयामोन थामहिनबा बिसायखथियाव सायख'जायामोन, बे हारियानो आथिखालाव सा 10-12 सोद्रोमा सायख'नानै आयेन आफादाव दैथाय हरनो हानानै माहारिनि राजखान्थियारि गोहोखौ बांहोनो हाबाय। दिनै आसाम हादरसानि सरकार सालायनाय राजखान्थि दोलोफोरजों बाहागो लाफानानै मैखोम गोहोम खोख्लैनो हानाय जाबाय। सरकार सालायनाय राजखान्थि दोलोनि किं मेकार जानो हाहांबाय। 1930 मायथाइसिम बर' फिसाफोरनि मादाव सासेबो सोरखारि साखिआवला जानो हायै माहारिया आथिखाल राइजो बेंगिरि, बिसायखथि गाहाइ सामलायगिरिआरि बादि गोजौ थाखोनि बिबानगिरि जानो हाहैबाय। फारसेथिं नैजि जौथाइनि गिबि-नैथि खोन्दोसिम राव-हारिमु थामोनथानि अलखदआव गोग्लैनाय हारिया दायो भारत संबिजिदिनि दाइनथि फारियाव थिसनजानानै

बर' रावआ मोनसे सोरकारि राव महरै गनाइथि मोननो हाबाय। 1915 मायथाइयावसो बिमा रावजों लिरजेननो जागायजेननाय हारिनि राव-थुनलाइआ दिनै साहित्य अकाडेमि बान्था मोननो हानाय जाबाय, हारिनि हारिमुआ संगित नातक अकादेमि बान्था आवग्रिनो हानाय जाबाय। खुगा खुगा सोलिबोनाय माहारिनि रावखौ दिनै गोदान जोलैआ मुलुग सोलोंसालिसिम सोलोंथाइ लानो हानाय जाहैबाय।

बेफोर बाथ्राखौ बेनिथाखाय रायखांनाय जादों दि जौनि हारिया थागिबिब्लाबो थांनाय जौसे बोसोरनि सिगांसिम जेबो रोखोमनि जौगानाय फारसे दावगानो सोलोडखैमोन एबा गुबुन गुबुन जाहोननि थाखाय खाबु मोनाखैमोन। फारसेथिं जौनिखुइ बेसेबांबा जौथाइनि उनाव बे हादोरसायाव रइजो जाफैनाय हरि-माहारिफोरा सिगां दावगालांदोंमोन। सोलोंथाइ, रांखान्थि, राजखान्थि, समाजखान्थि जेरावबो बिसोरो गावसोरनि सोलोगोरा गोहोजों साग्लोबनो हाजोबदों। जौनि हारिया जेबो उदिस मोनस्लाबैयावनो गुबुन माहारिया सोरगिदिं जौगा हारि महरै गावसोरखौ गायसननो हादोंमोन। फारफ्रोमबो बिथिडव सानथ्र 'हायै सिगांलांजोबदों गुबुना हारिया जौनि बर' हारिनिखुइ। उन्दुसोना थानायानो जा एबा गुबुन गुबुन जाहोननि थाखायनो जा नाथाय थांनाय जौसे बोसोरखौ मोजाडै बिजिरना नायोब्ला नुनो मोनो दि थांनाय जौथायाव बयनिखुइबो गोखै जौगानाय हारियानो बर' माहारिनि मुं लानांगोन।

बर'फोरनि समाजारि, राजखान्थि,

सोलोंथाइ, हारिमु बिथिडव बे गोबरै थामहिनबा सोमोनांथावै गुस्लायनाय एबा जौगानायनि आन्दोआव दं माहारिनि जोबोद खस्थ सहायनो हानाय, खौसेथि जुजिहाबनाय, नांथाबनाय आरो हारिखौ गमामायैनो जोबोद मोजां मोननाय गोहो। गोबाव समनि उनाव माहारिनि गेजेराव माहारियारिबाद सोमजिखांनाय, हारिखौ फोजाखांहोनायनि सांग्रांथि आरो फासयना थानायनि दुखु-दाहाफोरानो जौगालु बिथिडव सिगांनाय जौनि हारिनि गोहो।

मोनसे समाव गुबुन जौगा हारिनि मुगैनाय, नासयनाय, गादबनायफोरनि अनगायैबो इंडियान कंग्रेसनि सोबख 'नाय, हारिनि फारसे मुगैनायआरि जाहोनफोरखौ हमदांनो हानानै माहारिखौ फोजाखांनायाव गागि बिबान रुजुन्नाय गुरुदेब कालिचरण ब्रह्म बिथाड हारिनि गेजेराव जोबोद सांग्रांथि लाबोनो नाजादोंमोन। गुबुननि मुगैनाय, नासयनायफोरखौ नेवसिनानै गावहारिनि मोनथाइखौ दाबिनानै साइमन कमिसननि खाथियाव गाहायै बर'फोरखौ लाफानानै गुबुन ट्राइबेल हारिफोरनि जौगानायनि थाखाय बृटिस कमिसनार साइमन कमिसननि खाथियाव आर 'जलाइ गथाइनायनि गेजेरजों हारिखौ फोजाखांनायनि लामा दिन्थिग्रोदोंमोन। बेनि उन समाव ट्राइबेल लिगनि गेजेरजों जुनिया राजखान्थि गोहोनि थाखाय सोमावसारनाय हाबाफारि लाजेनदोंमोन। ट्राइबेल लिग जोनोम होनानै भारत उदांसिनि थाखाय सोमावसारनाय बेलायावबो गोखों बिबान लादोंमोन। उनाव उदां भारतनि सासन खान्थिनि

फारसे फोथाइनाय फैनायाव कंग्रेसोव जइन जादोंमोनब्लाबो ट्राइबेल लिंगनि दैदेनगिरिफोरा जे गोरोन्थि लामायाव आगान होदोंमोन बेखौ बर'नि दैदेनगिरिमोनहा थाबैनो बुजिनो हादोंमोन। बे लामाजों बर' हरिनि इउनआ जे खोमसि बेखौ मोजाडै हमादोंनो हादोंमोन। बेनिथाखायनो 1967 मायथाइनि गिबि खोन्दोआव बै समनि गिबि मन्थि इंदिरा गांधीनि दैदेननाय मिरु सोरकारा आसामाव फेडारेल खान्थियै सरकार दानाय जागोनखौ मिजिं थिनानै आसामनि ट्राइबेलफोरनि मोनथाइखौ मोननो थाखाय ज'थायै पि.टि. चि.ए. बिमुडै हान्जासे राजखान्थि दोलो जोनोम होनाय जादोंमोन। हायेनारि ट्राइबेलफोरखौ ज'थै लाफानानै बर' दैदेनगिरिफोरा आलादायै उदयासल राइजो दाबिनानै सोमावसारनायखौ जागायदोंमोन। बेजों सम्ब्रा-सम्ब्रियै बर' थुनलाइ आफाद आरो दुलाराय बर' फरायसा आफादाबो आलादायै बर'नि राव आरो राजखन्थि गोहो मोननो थाखाय आलादा सोमावसारनाया गोखोंसिन जादोंमोन। बिनि उन समाव 1985 मायथाइआव आसाम गण परिषद राजखान्थि दोलोआ सरकार दानाय उनाव "आसाम सुक्ति" नि माखासे दफाफोरनि सायाव बर'नि दैदेनगिरिमोनहा बारा गोजोननाय गैयामोन। असम गण परिषद दैदेननाय आसाम सरकारनि माखासे थागिबि आरो हरिसाफोरनि हेंथायै मावनाय हाबाफोरनि थाखाय बर'नि सोमावसारनाया रासिन जाबोदोंमोन। आलादा राजखान्थि गोहो मोननो होसिखावनाय, सोमावसारनाय हाबाफारिया बारानिफ्राय बारा जाबोदोंमोन। द' बोसोर गोखों

सोमावसारनायनि उनाव 1993 मायथाइआव बर' गोजोन सुक्तिनि गेजेरजों बि.ए.सि. मुंनि गावखुंथाइ मोनसे मोनखानायनि उनाव बर'नि सोमावसारनाया माखासे समनि थाखाय सिरि जाथ'दोंमोन। नाथाय बे सुक्तिनि गेजेरजों मोननो हानाय राजखान्थियारि गोहोआ हरिनि गांनाय, उखैनाय आरो आंखालफोरखौ सुफुंनायाव थोजासे नड होननानै बर' हरिआ हमादोंनो हादोंमोन। बेनि उनाव फिन दुलाराय बर' फरायसा आफाद आरो बि.एल.टि. नि दैदेननायाव बर'नि राजखान्थियारि गोहोनि थाखाय फिन गोखों सोमावसारनाय हाबाफारि लादोंमोन। बे सोमावसारनायनि उनाव 2003 मायथाइआव संबिजिदनि द'थि फारियाव जायगा होनानै बर'फोरनो मिरु सरकारा मोनसे टेरिटरियेल काउन्सिल होदोंमोन। बे बादिनो 1967 मायथाइनिफ्राय नारा-नाथा जुजिहाबनायनि गेजेरजों 2003 मायथाइआव मोनसे बयजोंबो अनसायजानाय संबिजिदारि गोहो मोननो हादोंमोन। बेनि गेजेरजों बर'नि गोबां आंखाल, गांनाय-उखैनायफोरखौ सुफुंनो हाहैबायमोन।

नाथाय माखासे बोसोर बाबेनलानायनि उनाव माहारिनि माहारियारि आफाद आरो सानथौगिरिफोरा बुजिनो हाबायदि बे 2003 मायथाइनि गोरोबथायाबो बर'नि गासै बिथिंखौ जौगा होनो थाखाय एबा राजखान्थियारि मोनथाइफोरखौ सुफुंनोजोबनो थाखाय थोजासे जायासै। बिनि थाखाय फिन आलादा राइजो दाबिनानै दुलाराय बर' फरायसा आफाद, एन. डि. एफ. बि. नि मोनब्रै

हान्जा आरो बड'लेण्ड आवथानि बाइह्याव राइजो जानाय बर'फोरनि थाखाय आलादायै गावखुंथाय सादिनानै “खौसेथि बर' सुबुं आफाद”नि गोख्रों आरो मेंरोडै दैदेननायाव राजालामायाव सोमावसारनाय हाबाफारिया जागायफिनो। बर' माहारिनि गासै बिथिंआ जाहाथे फारफ्रोमबो जौगानो हायो, राजखान्थियारि मोनथाइफोरा मोजाडै मोनफुंजोबनो हायो बिनि थाखाय लान्थि जवाजासे सोमावसारनाय हाबाफारिफोरखौ लाबोगासिनो थाबोबायमोन। मोनसे समाव भारत सरकार आरो आसाम सरकारखौ फोथायहोनो हाबाय दि बर'नि दाबिनाया नंखाय नड आरो संबिजिदारि मोनथाय दं। बिनिखायनो थानाय 2020 माइथायनि 27 जानुवारीखालि भारत सरकार, आसाम सरकार, दुलाराय बर' फरायसा आफाद, एन.डि.एफ.बि.नि मोनब्रै हान्जा आरो खौसेथि बर' सुबुं आफादजों बर'नि थामथि गोजोन गोरोबथा जालाडे। बे गोरोबथानि गेजेरजों बि.टि.ए.डि. एरियाखौ फेहेरनानै माखासे पेकेज होनाय आरो बि.टि.ए.डि.नि बाइह्याव थानाय जि लाखनिबो बारा बर' फिसाफोरनो मोनसे सेटेलाइट गावखुंथायनि गेजेरजों राजखान्थियारि गोहो होनाय जादों।

बेफोरबोल' नड, सोल्लोंथाइ बिथिडवबो बिमा रावजों गुदि सोल्लोंसालिनिफ्राय लानानै मुलुगसोल्लोंसालिसिम सोल्लोंथाइ लानो खाबु मोननाय, हादोरनाडैनो खुंनइ गोजौ थाखोनि आनजादफोराव बिमा रावजों फरायसाफोरा आनजादाव जिरायनो हानाय मोनसे थासारि

सोरजिना लानो हाबाय।

गांसे आर'जलाइ लिरनो हायै हारिया दिदै थुनलाइनि बिथिडवबो भारत सरकारनि साहित्य आकाडेमि, टेगर लिटेरारि बान्थाआरि गोबां गोजौ मानदान्दानि बान्था मोननो हाहैबाय। बेफोरो गासैबो जोंनि हारिनि मोनफा मोनफा जौगानाय। बिब्दिनो रंखान्थि, धोरोमखान्थि, समाजारि, गोबां बिथिडव नोजोर होयोब्ला थानाय जौथाइयाव भारत हादोरनि गुबुन गुबुन माहारिनिखुइ गोख्रैसिन जौगानाय हारि महरै सिनायथि होनो हादों होननानै जोडे बुंनो हायो।

जौथाइनि गोख्रैसिन जौगानाय हारि हिसाबै बुंनो हानायनि आन्दोयावनो दं जोंनि हारिनि सांग्रांथि, जुजिहाबनो हानाय गुन, दैदेनगिरिफोरनि मेंरोडै नांथाबनो हानाय गोहो आरो आत्मबिस्वास। जायनि थाखाय भारत सरकारा 27 बोसोरनि गेजेरावनो खेबथाम गाहाम गोरोबथा खालामनो बाध्य' जादों। जानो हागौ भारत हादोरनि जारिमिनाव बिब्दि मोनसे हारिजोंनो बाडयल' समखोन्दोनि गेजेराव खेबथाम सुक्कि खालामनाय बिदिन्थि गैया।

1928-29 मायथाइयावनो बर'नि संबिजिदारि मोनथाइफोरखौ दाबिनानै जुरिजेननाय सोमावसारनायाव गुबुन गुबुन समाव सरकारनि नाखेबनाय आरो गुबुनारिफोरनि सानथौगिरिफोरजोंबो गोबां समाव बाइदि रोखोमनि सोबख'नाय, नासयनाय, गादबनाय बादि बर'नि बेरेखायै खान्थिफोरनि मोगा-मोगि जानानै फैनोगोनां जादोंमोन। नाथाइ गोबांयैब्लाबो बर'

हारिया गावसोरनि दाबिनायफोरा दि संबिजिदनि बादियै मोनथाइ दंखायो बेखौ फोरमान होनो हाबाय आरो बेनि लोगो लोगोनो बर'नि जौगानाया आगानसे दावगाबाय बुंनो हानाय जाबाय ।

बर' हारिनि दाबिनायफोरा दि संबिजिदारि मोनथाइ दं बेफोरनि गेजेरजों गुबुन हारिनि सिगाडव फोरमान होनो हानाय खाबु जाबायब्लाबो नाथाय दिनै जोडे थागिबि माहारि हिसाबै बेखिनिखौनो लानानै थोजासे जाबाय होनानाँ गोजोननानै जिरायथ'नो जाथ'याखै । गुबुन जौगा माहारिनिखुइ दासिमबो जोंहा जेबो जायाखै । फारसेथिं बर'नि

थामथि गोजोन गोरोबथानि द'फाफोरखौ दासिमबो सरकारा मावफुंजोबाखै । बर' कछरी गावहायुं खुंथायनि गामि सोसननाय, बियाब दानाय, बिसायख'थि खुंनाय, रांभावजा होनायफोरखौ लाफानानै सुक्तिनि गोबां द'फाफोरनि सायाव सरकारहा मावनांगौ दं ।

मोनफ्रोमबो बिथिडाव जोंनि बिदा-फंबायफोराबो जौगानांगोन । एखे समावनो राजखान्थि, रांखान्थि, थुनलाइ, सोलोंथाइ फारफ्रोमआवबो गुबुन जौगा हारिनि समान जानो हाब्लासो गोजोन्नाया थोजासे जागोन ।

जोंनि आगु जारिमिना जोंनि जारिमिन । बेनि जोहोलावारि, दुखुनांथाव, थै सिग्लाबनाय आरो सोमखे लाइखुंफोरखौ बेनि हारिमुनि गोजाम आरो गोदान बायखोन्दा नेरसोनफोराव सोरां रोदा आरो सैथोनि स्रांजों साथिसारथोंसै ।

-बड'फा

अनजुनि दोनैसो खन्थाइयाव दैमा-दैसानि बिफाव

-बिन्दु बसुमतारि

बेखेवनाय (Introduction): 'अनजु' बिथानि आबुं मुडा जाबाय अनजालि बसुमतारी। बिथाड बर' थुनलाइ सोरजिनानै रांसार बान्था (2002), साहित्य अकादेमी बन्था (2016), प्रमद चन्द्र ब्रह्म थुनलाइयारि बान्था (2017), Sparrow बान्था (2022) बायदि बान्था मोननो हानाय गोदान बर' थुनलाइ मुगानि सासे गोजौ थाखोनि आइजो थुनलाइगिरि। बिथाड थुनलाइनि गुबुन गुबुन आयदायाव आखाय दडब्लाबो बर' थुनलाइनि फोथाराव बिथांखौ गाहायै सासे गोजौ थाखोनि खन्थाइगिरि महरैसो साबसिनै सिनायनाय एबा मोन्थिनाय जायो। दासिमाव बिथाड गोबांथार खन्थाइ बिजाब लिरना दिहुनबाय बेफोर जाबाय- (क) नौनि जीउ आनि बिबुंथि (1982), (ख) फासिनि दौलेडव अखाफोर (1995), (ग) गोर्बोनि रादाब (2002), (घ) गोर्बोनि खन्थाइनि (2005) (ङ) आं माब्रै दं दासों (2014) आरो च) नों नों नों जों (2022)। खन्थाइ थुनलाइनि अनगायैबो बिथाड बर' थुनलाइनि गुबुन गुबुन आयदायावबो मेंनाय गैया जासे आखाय होबोनाय एबा खामानि मावबोनायखौ आथिखालाव नुनो मोनो। बिथानि खन्थाइनि बांसिन आयदाफोरानो माहारियारि बाद, हिंसा आरो इनायनि हेंथायै राव होनाय, सैथोनि फारसे आखाय फोलावनाय बायदिफोरखौनो बांसिनै नुनो मोनो। बेफोर आयदाफोरखौनो बिथाड माब्लाबा Private आरो Public Symbol बाहायनानै थुनलाइयारि गद होना गावनि सानस्त्रिफोरखौ गुबुननो एबा फरायगिरिफोरनो गेबें आरो रोखायै मिथिहोनो नाजानायखौ नुनो मोनो। नाथाय बे सावरायनायाव खन्थाइगिरि बिथां अनजुनि खन्थाइफोराव दैमा-दैसाया माबायदि नोजोरजों नायजादों एबा बाहायजाबोदों गाहायै बिथानि खन्थाइयाव दैमा-दैसाया माबायदि बिफाव लाबोदों बेखौसो सावरायनो नाजानाय जादों। गाहायाव आयदा

बायदियै खन्थाइगिरि बिथां अनजुनि माखासे खन्थाइफोरनि गेजेरजों नुजानाय दैमा-दैसानि बिफावफोरखौ सावरायलानो लानाय जाबाय ।

सावरायथाइ (Discussion): थुनलाइ सोदोबनि खेंफोरथिया जाबाय थुननानै दोननाय बिलाइ । जाय बिलाइखौ गोसो जायोब्लानो जों खेंफोर खेंफोर एबा बोदला बोदला नायनो हायो । थुनलाइनि बे बिलाइयाव बेरखाडे मोखथां मुलुग संसारनि सुबुं दिउनि सुखु-दुखु, गाबनाय-मिनिनाय, रंजानाय-बाजानाय आरो सुबुं जिउजों नांफानानै थानाय गासै मिथिंगानि सोरजिफोर । सरासनस्त्रायै सुबुं जिउनि मोखथां जाथाइ आरो मिथिंगायारि सोरजिफोरखौनो जेब्ला सासे लिरगिरिया थुनलाइयारि बिदै, गहेना आरो खबाम होनानै लिरना फोरमायोब्ला अब्ला बेखौनो थुनलाइ होननानै बुडे । दैमा-दैसायाबो मिथिंगानिनो मोनसे सोरजि जिहेथु बेनिखायनो सुबुं माहारिनि बे थुनलाइ सोरजियाव दैमा-दैसाखौबो गुबुन गुबुन लिरगिरिफोरनि नोजोराव गुबुन गुबुन महरै भाव लानानै बाहायजानायखौ नुनो मोनबोदों । बेबादिनो थुनलाइगिरि खन्थाइगिरि बिथां अनजुनि खन्थाइ सोरजिफोरावबो मिथिंगानि मोनसे एंगार हायै अंग बे दैमा-दैसाखौ गुबुन गुबुन बिथिंजों नोजोर होनानै बाहायनो नाजानाय एबा बाहायनायखौ मोननो हायो । बेनिनो बिथानि “गोर्बोनि खन्थाइ”नि खन्थाइ बिजाबाव थानाय खायसे खन्थाइफोराव जों मोननो हायो । जेरै-बराक दैमाखौ नुवाखिसै, दैज्लानि गानै सावगारि,

गौरां दैसानि दाहा, अखाफोर दैमा आरो आं, बायदि खन्थाइफोरावबो दैमा-दैसाखौ गुबुन गुबुन महराव बाहायनाय एबा भाव (Role) लानायखौ नुनो मोन्दों ।

बेनिनो “बराक दैमाखौ नुवाखिसै” बेयो स्त्रि सारिनि दोंसे गावारि बाहागोनि खन्थाइ । बे खन्थाइनि मुं बराकआ जाबाय भारतनि जानानै मणीपुर, नागालेण्ड, मिजराम, आसाम आरो बांलादेश जानानै आजै-आजौमोननि समनिफ्रायनो बोहैबोबाय थानाय खंसे गेदेर आरो गोलाव दैमा । बे दैमाखौनो बिथा खालामनानै खन्थाइगिरि बिथाड मखनाय खन्थाइखौ सोरजिदों । जों मोनथिगौ सुबुं माहारिनि थानानै थानो जिउ दैदेननायाव दैमा-दैसाया गोबां बिबांनि बिफाव लाबोदों, बेबादिनो बराक दैमायाबो गावनि बोहैनाय लामायाव लोगो मोनबोनाय बायदि गामि जायगाफोरखौ बायदि रोखोमै मदद आरो हेफाजाब होबोदों माब्लाबा खहाबो खालामबोदों । बे खन्थाइयाव खन्थाइगिरि बिथाड साफ्रोम सुबुं माहारिनि गोर्बोखौ मोनफा दैमाजों रुजुदों आरो सुबुंनि गोर्बोजों रुजुजानाय बै गोर्बोखौ खन्थाइगिरि बिथाड जेब्लायबो आंगो आंगो मोनो होनना बुंदों । मानोना दैमा-दैसाया जेब्लायबो सुबुं माहारिनि जिउ खानायाव एबा दैदेननायाव आबाद मावनाय-दानाय, जानाय-लोंनाय, संनाय-खावनाय, दुगैनाय, जि-जोम सुनाय, सुखु-दुखु बायदि जिउ खुंनायनि राहागिरि जानानै मदद होबोगासिनो थादों । दैमा-दैसानि बे अनसुलि आखुखौनो खन्थाइगिरि

बिथाड सुबुंनि गोर्बोजों रुजुना सुबुं माहारिखौबो दैमा-दैसा बादिनो बयखौबो समान गोसोजों अनग्रा अनसुलि गोसोनि जाजानो लुगैदों। नाथाय खन्थाइगिरि बिथाड बराक दैमानि बादि अनसुलि गोर्बो दिनैनि सुबुंनि गोर्बोयाव नुनो मोनाखिसै होनना बुंदों, मानोना दिनैनि समाव सुबुं माहारिनि समाजाव गावजों-गाव नायलायनो हायै एना-एनि, हिनसालायनाय थासारिखौनो बांसिनै नुनो मोनो। बेखौनो खन्थाइगिरि बिथाड “आं नुबोवाखिसै बराक दैमा” होनना खन्थाइयाव बुंदों। नाथाय खन्थाइगिरि बिथानि गोर्बोयाव दिनैसिमबो बराक दैमा बादि गोथार आरो अनसुलि गोर्बोया खंसे दैमा जाना बोहैबाय थायो होनना खन्थाइयाव एरै बुंदों-

“बराकआ बोहैबाय आंनि गोर्बोआव

आरो गोर्बोआ बोहैबाय दोंसे दैमा जाना”

बेबादिनो मखनाय बे खन्थाइ बिजाबावनो थानाय “दैज्त्लानि गानै सावगारि” खन्थाइयावबो खन्थाइगिरि बिथाड दैसानि बाथ्रा रायखांदों। खन्थाइयाव खन्थाइगिरिया गावनि गारबोनाय गामि अर्थाद बिदानि न’आव थांदोंमोन। थानाय समाव बिथाड हाब्रु-हाला गासोम-गुसोम थानांदोंब्लाबो बिदानि सिथ्लायाव जिरायना फैलाव दुबुलि बारियाव माखासे सिख्लाफोरनि गोसो होसार होसार माइ गायनाय आरो दुबुलि बारिनि मोदोमफ्रु गोथां गाबखौ नुहरना खन्थाइगिरिनि उन्दुहाबनाय गोर्बोया सिरिमोनखांदोंमोन आरो गावनि गारबोनाय सिगांनि सावगारिफोरखौ गोसोखांन

गावनि आगुनि गामि अदेबानि बिदानि गामि सेरजों बोहैलांनाय गावनिनो सिनायखानाय खंसे दैसाखौबो बिथाड गोसोखांनो बावाखैमोन। जों मोनथिगौ बर’ गामिया गाहायै बिफां-लाइफां, दैमा-दैसा सोरगिदिं मिथिंगाजों बुंफबनाय समायना महरनि जायो। मानोना आबाद गाहाय आबादारि हारि गाहायै मावै-दाडै जाग्रा हारि बेनिखायनो बिथामोननि आबाद मावनायाव दैमा-दैसाया बिफां-लाइफांनि दालाइ-बिलाइ सेवनायफोरखौ बुखारना दुबुलि बारि एबा आबाद फोथाराव हासार महरै जगायनानै होफैयो। बेखौनो मखनाय खन्थाइयाव खन्थाइगिरि बिथाड फोरमायनो नाजादों। बिदानि सिथ्लायाव जिरायना बिथाड बर’ सिख्लाफोरनि गोसो होसार होसार माइ गायनाय आरो सोमखोर सोमखोर माइ जानाय, गाव गिदिंबोफिनबा माइ बिदांफोरनि बारजों हाइला-हुइला मोसानाय गावखौ नुनानै माइथिलिनि बायदेम-सिदेम रायदावनाय बायदि जाथाइफोरखौ नुना खन्थाइगिरि बिथाड गामि सेरजों बोहैलांनाय दैसानि बिफाव एबा बिहोमाखौबो गोसोखाड लासेनो थानो हायाखै। मानोना आबादारि बर’फोरा दैमा-दैसानि जोहैनो दुबुलि बारियाव दै जगायनानै दैज्त्लानि माइ आबादखौ मावो। बर’फोरनि माइ आबाद मावनायाव दैमा-दैसानि बिफाव एबा बिहोमाखौ जों माब्लाबाबो बावनो हाया। बेनिखायनो खन्थाइगिरि बिथाडबो गावनि गोजाम गामियाव थांना फैलाव दुबुलि बारिनि सोमखोर सोमखोर माइ जानायखौ नुना गामि सेरजों बोहैलांनाय

दैसाखौ गोसोखांदोंमोन सोमखोर सोमखोर माइ आबाद जानायाव बेनि बिफाव एबा बिहोमाखौ गोसोखांदोंमोन। बेखौनो खन्थाइयाव बिथाड एरै होन्दों-

“गिदिंबोफिनदोंमोन आं बेलारोम बिलियाव माइथिलिनि बाइदेम सिदेम रायदावनायाव थाजिम जायो मेंरु सोलेर गोर्बोआ मोनामो सिनायनाय हा आरो जायो दरसे समायना दुबुलि बिखायनो आं थाडो गामियाव खंसे दैसा सेराव आंनि गोजाम गामि”

मख'नाय खन्थाइ बिजाबावनो थानाय “गौरां दैसानि दाहा” खन्थाइयाबो गौरां दैसाखौनो लानानै लिरनाय दोंसे खन्थाइ। बे खन्थाइयाव खन्थाइगिरि बिथाड गौरां दैसा आरो गौरां दैसाजों गोदोनिफ्रायनो नाखि गुलि सिनाय लायबोखानाय सोमोन्दो गोनां गौरां दैसानि साखाथियाव थानाय भातारमारि गामि बे मोननैनि जारिमिननि बाथ्राखौनो फोरमायनो नाजानायखौ नुनो मोनदों। भातारमारि गामिआव रायजो जाबोनाय बर'फिसाफोरादि गौरां दैसाजों खुरखा जानानै बेसेबांदि नबथि सोलायबोनांखो। बेसेबांदि हालाय हाफाय जाबोनांखो। बेनिनो खायफाया न'-बां, हा-हु खुरखाजानानै गोसो बायग्लिनानै लामा आन्दायनांना थेर बेथेर जानानैबाबो थासोमनानै थानांनाय, खायफाया सहायनो हायैयाव हांमा हांसानि गारनानै खारलांनानाय। बेबादिनो भातारमारि गामिया गौरां दैसाजों नारा-नाथा जुजिबोनांदोंमोन। नारा-नाथा दाहा

सहायबोनांदोंमोन। बे खन्थाइयाव खन्थाइगिरि बिथाड गौरां दैसाखौ हा-हु, न'-बां खुरखाग्रा फोजोबस्त्रांग्रा मोनसेल' लामाजों बोहैया लासेनो गोदान गोदान लामा लानानै बोहैया महरै नोजोर होदों। जायनि थाखाय खन्थाइयाव मखदों एरै-

“गौरां हाब्राड जेबोला खुरखायो भातारमारि गामिया हांमा सुरो।

गौरां दैसाया जेबोला रेस सोलायो नुदुसारा, नयासारा, दावराय बिलो, फाग्लि बिलो बिसम्बि जायो।”

गुबुन फारसे गौरां दैसा आरो भातारमारि गामिनि सिगांनि जारिमिनखौ गोसोखानानै। गौरां दैसायाव भातारमारि गामिनि सेंग्रा सिख्लाफोरनि दुगैलायनाय, जंखायलायनाय, एदावलायनाय, लावखार गथफोरनि गौरां दैसानि हाब्राडव मोसौ गुमनानै रिन्दाव-रिनसि सिफुं सुनाय, गौरां दैसायाव फावदुर सोमस्त्री मोनबादि सिख्लाफोर दुगैनायखौ गोदोना फोलाव फोलाव नायहरनाय। बायदि जाथायफोरखौ गोसोखाडोबोला भातारमारि गामि बादिनो गौरां दैसायाबो गोबां दुखु-दाहा जायो होनना खन्थाइगिरि बिथाड खन्थाइयाव बुंनो नागेरदों। बे खन्थाइयाव गौरां दैसाखौ फोजोबस्त्रांग्रा आरो गुबुन फारसे सिगांनि जारिमिनखौ गोसोखांना अनखांग्रा महरै भाव लानायखौ नुनो मोन्दों।

बेबादिनो “फासिनि दौलेडव अखाफोर” खन्थाइ बिजाबाव थानाय खन्थाइफोरनि गेजेराव “बेसेबा गोबावजों” खन्थाइ दोंसेखौ नायोब्ला मोननो हायो खन्थाइनि गिबि खोन्दोवावनो खन्थाइगिरिया बुरलुंबुथुर

दैमाखौ लानानै बाथ्रा बुंदों। खन्थाइगिरि बिथाड गावनि साखाथिजोंनो अराय बोहैबोबाय थानाय बुरलुंबुथुर दैमानि गुमुरथिखौ बेसेबा गोबावनि उनावसो मोन्दांनानै बियोदि अराय सिखोला हायनारि, बियोदि अराय थैरोडै जुगामि, बेखौनो खन्थाइगिरि बिथाड बे खन्थाइ खोन्दोनि गेजेरजों फोरमायदों एरै-

“बेसेबा गोबावजों

आंनि साखाथिजों बोहैलानाय

बुरलुंबुथुरखौ नुनानै आं मोन्दांदों-

बियो अराय हायनारि,

बियो अराय सिख्ला आदुंगारि!”

बिथानिनो द'थि खन्थाइ बिजाब “नों नों नों...जों...” आव थानाय “खंसे दैमा गोमालांबाय” खन्थाइयावबो खन्थाइगिरि बिथाड दैमाखौ सुबुं माहारिनि मिजिं हाबिलासजों रुजुनो नाजादों। बे खन्थाइयाव खन्थिगिरि बिथाड दैमाखौ जेनिबो आंखाल एबा खंख्ला गैयै नोजोरजों नायदों। दैमा-दैसाफोरा गावनि बोहैनाय लामाजों जेसेबांखि हेंथा आरो गेदा-गेदि जायाथों मानो बियो जेब्लायबो फिसा गिदिर बायदि दैथुनफोर लाफानानै देमलो गुरजां समायनायै बोहैलांबाय थायो गाव लामाजों, बेबादिनो खन्थाइगिरि बिथाड गावबो दैमा बायदिनो गावनि जिउखौ दैदेननायाव जेब्लायबो गोनां जानाय फिसा-गिदिर सानथ्र'हायै सिमां आरो मिजिं हाबिलासफोरखौ लानानै बेफोरखौ मोखथां महर होनो थाखाय जिउवाव नाजादोंमोन आरो बिथानि बे नाजानायाव दैमानि फिसा

फिसा दैथुनफोराबो देंखो जानानै बिथांखौ मदद होदोंमोन। बेवहाय खन्थाइगिरि बिथाड दैमानि बोहैनायाव जाखांनाय फिसा फिसा दैथुनफोरखौ देंखोजों रुजुदों। बेनि अनगायैबो खन्थाइगिरि बिथाड बे दोंसे खन्थाइयावनो दैमाखौ बाना जानानै हाब्रां खुरखाग्रा फोजोबसांग्रा सुबुंनि बिखा सोमावग्लुंग्रा नोजोरजोंबो नायदों। बेखौनो खन्थाइयाव एरै होन्दों-

“गले गले फैदोंमोन बाना खुरखादोंमोन हाब्रां

बायदि खैफोद सोलायनाय सोमावग्लुंदोंमोन बिखा

बेनिखायनोथ थेनांदोंमोन बान्दो बिखा गेजेराव

जावफलंहरनाय जादोंमोन दैमानि दुखुथिया गोर्बो”

खन्थाइगिरि बिथाड मोनथिगौ नांनायनि एबा गाव हानायनि बारा मिजिं हाबिलास खालामोब्ला एबा सिमां नुयोब्ला जिउवाव बायदि रोखोमनि खैदां-खैफोद आरो दुखु-दाहा सहायनाडे। बेनिखायनो खन्थाइगिरि बिथाड खंसे दैमानि समान गावनि जिउवाव बोहैनाय मिजिं हाबिलास आरो सिमांफोरखौ नेवसिनानै बावगारनानै जिउवाव हान्थिनो गोनां जादोंमोन। बेखौबो मखनाय खन्थाइ लारिनि गेजेरजों खन्थाइगिरि बिथाड फोरमायनो नाजानायखौ नुनो मोनो।

संजिरना मोननाय (Findings: आयदा

बादियै खन्थाइगिरि बिथां अनजुनि खन्थाइयाव नुजानाय एबा बेरखांनाय दैमा-दैसानि बिफावखौ बिथानि खायसे खन्थाइफोरखौ लाना सावरायनायनि उनाव गाहायाव होनाय बायदियै मोननो हायो-

क) दैमा-दैसाया सुबुं जिउ दैदेननायनि थुलुंगानि गिरि।

ख) दैमा-दैसाया अराय अनसुलि, सुबुंनि जिउ दैदेननायनि राहा नागिरननायाव बिसोरनि मावनाय दांनाय, दोहोरोम सिबिनाय आरो बायदि हाबा हुखाफोराव जेब्लायबो राहा होगिरि।

ग) दैमा-दैसाया जेरै अनसुलि बेबादिनो फोजोबसांगिरिबो। मिथिंगानि सोरजि बायदियै बियो सुबुंनि जिउ दैदेननायाव माब्लाबा हा-हु, न-बां खुरखानानै सुबुं माहारिखौ हालाय हाफाय खालामनाय बायदि महरखौबो जों मोननो हायो।

(घ) दैमा-दैसाया अराय जुगामि, अराय सिख्ला आदुंगारि।

ङ) दैमा-दैसाखौ सुबुं गोर्बोनि दिन्थि सावगारि महरै बाहायनाय।

च) दैमा-दैसानि बोहैनाय दैथुखौ देंखोजों रुजुना बाहायनाय।

छ) खन्थाइगिरि बिथाडा गावनि आंगो लोगो महरै नायनाय।

ज) खन्थाइगिरि बिथाडा दैमाखौ जेनिबो खहा एबा आंखाल गैयै नोजोरजों नायनाय।

फोजोबनाय (Conclusion): गोजौवाव आयदा बायदियै सावरायजाबोनाय खन्थाइ दोंफोरनि अनगायैबो खन्थाइगिरि बिथां अनजुनि खनाथाइ बिजाबफोराव बेबायदिनो गोबां खन्थाइ दोंफोर मोननो हाबावो जायफोर खन्थाइ दोंनि गासै खन्थाइ लारियाव नडब्लाबो खन्थाइनि खायसे लारिनि हान्जायाव दैमा-दैसाखौ मखनानै बिसोरनि आखुथाइ आरो गोहो बोलोखौ सुबुं माहारिनि जिउजों सोमोन्दो गोनां दिन्थि सावगारि (Symbolic) नोजोरजों रुजुनानै फोरमायनो नाजानायजों मोननो हायो। बेफोरखौ लानानै गुवार आरो गोथौवै सावरायनो बिजिरनो आरो संजिरनायनि खाबुखौबो जों लानो हायो।

हेफाजाब लानाय बिजाबफोर (Reference Books):

Anju, Phasini Dwulengao Okhaphwr (1995), published by Benudhar Basumatary, Kokrajhar.

Anju, Gwrwni Khonthaini (2005), Published by Benudhar Basumatary, Kokrajhar.

Anju, Nwng Nwng Nwng...Zwng..(2022), Thunlai Publication Borama, Baksa. BTR, Assam.

बिग्राय आरो दैस्राय सल 'मायाव बेरखांनाय बर' हारिनि जेंना

-ड० केशब दैमारि

बर'फोरा आसामनि थागिबि सुबुं। बिसोरनि थांना थानायनि गुबै राहायानो जादों आबाद। आबादारि बर'फोरा गिबियाव सोलोंथाइ फारसे दावगानो हायाखैमोन। बे सोलोंथाइ गैयै हारिखौ आसाम सरकारा भारत उदांसि मोननाय बोसोरनिफ्राय हमनानै बर'नि राजखान्थि हानजा जोनोम जाजासिम खमैबो थामजि-ब्रैजि बोसोरसो थगायना गादबना दोनदोंमोन। बे गादबना दोननायनिफ्राय उदां जानो थाखाय पि.ति.सि.ए. राजखान्थि हानजाखौ 1967 मायथायाव दाजेननानै उदयासल रायजो दाबिनानै सोमावसारदोंमोन। नाथाय बै राजखान्थि हानजानि सोमावसारनायखौ लेहेम एबा जाफुडैखौ नुनानै इउ.एन. ब्रह्मनि दैदेननाय बर' फरायसा आफादखौ 1986 मायथायाव दाजेननाय जादोंमोन आरो आसाम सरकारनि बेरेखायै सोमावसारजेनदोंमोन। बे सोमावसारनायनि थांखिया जादों बर'फोरनि थाखाय आलादा रायजो एबा बड'लेण्ड दाबिनाय। बे सोमावसारनायनि थार सावगारिया तीरेन बर' लिरनाय "बिग्राय आरो दैस्राय" सल 'मायाव रोखायै बेरखांदों। बे सल 'मा बिजाबखौ 1992 मायथायाव सेबखांना दिहुनदों। बेनो बर' थुनलाइनि गिबियै दिहुनजानाय गांसे राजखान्थियारि सल 'मा।

बर' हारिया सोलोंथाइ फारसे सिरिमोनखांनाय लोगो-लोगो गावनि राव, धोरोम आरो हारिमुखौ फोथांना लाखिनो नाजाबोदों। बर' थुनलाइ आफाद गायसननाय उननिफ्राय राव आरो थुनलाइखौ फोथांना लाखिनो बर' बिजोंनि फरायसालि गायसननो नाजाबोनांदों। बर' बिजों गायसननायनि उनाव रमान हांखो दाबिनानै गोख्रोंनिफ्राय गोख्रोंसिन सोमावसारनो गोनां जादोंमोन। बिबदिनो बर' हारिया गावखौ बहुमाव सिनायथि होनो थाखाय सोमावसारबोबाय आरो सोमावसारगासिनो दं। बेफोरनि मादाव बड'लेण्ड सोमावसारनायखौनो देरसिन सोमावसारनाय होननानै बुंनांगोन। बे सोमावसारनायानो बर' हारिनि हारिमा थामोनथा रैखाथिनि देरसिन सोमावसारनाय। बे सोमावसारनायनि फिथाइयानो बर' हारिनि इयुननि लामाखौ थिरांथा खालामना होदों।

सुबुंआ गावखौ देरसिन जाजानो लुबैनाय आरो गुबुनखौ गावनि सिडव गादबना दोननो साननाय सानस्त्रिफोरा सरासनस्त्रा बयनावबो थायो। बिबदिनो मोनसे जौगानाय हरिया गुबुन मोनसे जौगायै हरिखौ गादबना दोननो नाजायो। बेयो जेब्लाबो अराय सैथो। नाथाय बर' हरिखौ जौगानाय हरिया रांखान्थि, राजखान्थि आरो सोलोंथाइ बे फारफ्रोमबो बिथिडव गादबना दोनदोंमोन। बेबादि गादबना दोननायनिफ्राय उदां जानो थाखाय "बिग्राय आरो दैस्त्राय" सल'मायाव थार जाथायखौ रोखायै फोरमायथिदों। बेबादि हरिनि अल'खदनि सोमोन्दै इयुन सोलोंसाफोरा मिथिनाया गोनां। बे अलखदखौ सोराडव लाबोनानै मिथिहोनो नाजानायानो बे सावराय बिदांखौ सावरायनायनि थांखि।

तीरेन बर' लिरनाय "बिग्राय आरो दैस्त्राय" सल'माया गांसे समाजारि सल'मा। बिग्राय आरो दैस्त्राय मुंनि सानै बर' फरायसाया बड'लेण्ड दाबिनानै सोमावसारनायाव गावसोरनि फरायनायखौ नागारनानै सोमावसारनायाव बारसोमो। बिसोर बै सोमावसारनायाव बारसोमनानै दुखु-दाहा मोननांदोंमोन आरो देहायारि नोरजिया जानांदोंमोन। बिसोरनि बेबादि दुखुनांथाव जाथायखौनो बे सल'मायाव रोखायै फोरमायदों। लोगोसे बर' हरिनि गामियारि सुबुंफोरा जिउ दान होनांनाय, बुग्लि जानाय, जोबथेसालियाव जोबजानाय, आइजोफोरा जिनाहारि खालामजानाय, न'-बां सावजानाय, दोहोन दौलद सिलिंखार खालामजानाय जाथायफोरा रोखायै बेरखांदों।

बे सल'मायाव फोरमायनाय बादिब्ला बिग्राया रौता ओनसोलनि सिडव थानाय 'सनाफुरि' होननाय दाबसे गामिनिमोन। बिनि बिफानि मुड्ड बावदा, बिमानि मुड्ड बिंगि, बिनानाव फावदुर आरो फंबायनि मुड्ड सुदेममोन। बियो तेजपुर कलेजाव बि.ए. थाखोनि जोबथा थाखोआव फरायबाय थानाय फरायसामोन। तेजपुर कलेजाव फरायबाय थानाय समावनो बि. ए. थाखोनि सेथि आनजादखौ उथ्रिनाय दैस्त्राय मुंनि सासे सिख्लाखौ लोगो मोनदोंमोन। दैस्त्रायाबो रौता ओनसोलनिनो सनाफुरि खाथिनि रुफाफुरि होननाय गामिनिमोन। बिसोर कलेजाव फरायनाय समाव सानैजों जोबोर लोगोमोन। उनाव सानैजों मोजां मोनलायो। बिसोर बेबादि कलेजाव फरायबाय थानाय समावनो बर' फरायसा आफादनि रायजो दाबिनानै सोमावसारनाया गोख्रोंनिफ्राय गोख्रोंसिन जाबोगासिनो दंमोन। सानसेखालि बर' फरायसा आफादनि दैदेनगिरि, उपेन्द्र नाथ ब्रह्मआ सनाफुरि गामि खाथिनि गेरुवा गेवलां फोथाराव रोजा रोजा सुबुं थुबुरमानि गेजेराव बिबुंथि होनायखौ खोनानानै बिग्रायनि गोसोआ आवलिलांदोंमोन। बै दिननिफ्रायनो बियो गावनि फरायनायखौ नागारनानै सोमावसारनायाव बारसोमदोंमोन। बिजों लोगो लोगोनो दैस्त्रायआबो बर'नि थामोनथा नागिरनानै बेबादि सोमावसारनायखौ हेफाजाब होदोंमोन। बिग्रायनि फंबाय सुदेमआबो बे सोमावसारनायाव बारसोमदोंमोन।

सनाफुरि गामि। सोमावसारजेननायनिफ्रायनो बे गामियाव बोजों बोजोंनिफ्राय सोमावसारारि

सेंग्रा सिख्लाफोरनि गुलि गुलि। सम सम सोमावसारनायनि हाबा लानानै बे गामियाव आफादबो जुथुमलायबाय थायो। बेफोरनि थाखायनो बे गामिया पुलिसनि मेगन नोजोराव सिगां गोग्लैग्रोयो। बेनिखायनो बे गामिनि बोराइ-बुरि, सेंग्रा-सिख्ला आरो गथ'-गथाइ बयबो पुलिसजों अनागारि खालाम जाखांबाय। जायखि जाया समाव हाबब्रबनानै नाड फाड जायखौ मोनो बेखौनो हमब्रबना लानानै थानायाव बुखुबसे बुखुबनानै रोजो रोजा रां होनानै जिउखौ रैखा मोननाय गोबां मानसि दं बे सनाफुरि गामियाव। रां खावरिनि गोनां जानानै फैनायाव बे गामिनि मानसिफोरा गावनि हा हुखौ खाथिनि मुस्लिमफोरनो बन्दक, थिका होनांगौ जानानै फैदोंमोन।

बिग्रायखौ गामिनि सासे राजखान्थिनि मानसि मदन बसुमतारिया खर' सासोगारोमोन। बियो ओनसोलनि सासे राजखान्थिनि गोहोम गोनां मानसि। बिहा गोखों आखाइजों दबथायना दोननो हानाय गोहोबो दं। नाथाय बिग्रायाबो फरायसा आफादनि गोहोमखौ ओनसोलाव (दिहियाव) मोजाडैनो खोख्लैनो हादों। बेनिखायनो मदन देवानिया बे खामानियाव बिग्रायनि सायाव दिव दिव रागा जोंबाय थायोमोन। आखाइ गोलाव राजखान्थिगिरिनि हेफाजाबाव बियो बिग्रायखौ सासे थिउरिया होनानानै एरनानै होदों। पुलिसआ बिग्रायखौ हमनो थाखाय सानफ्रोमबो नागिरबाय थायोमोन।

सोमावसारनाय जुरिजेननायनिफ्रायनो हरफ्रोमबो हरानो बर'फोरनि थाखाय इनायनो

गिलु-बालु थारमोन। पुलिसनि अनागारिनिफ्राय रैखा मोननो साफ्रोमबो बर' हौवाफोरा हरदि हरला न गारनानै खारनाडोमोन। सनाफुरि गामिनि हिनजावफोराबो गथ' गोरलैखौ बिखुडव बानानै न-बां गारनानै खारनाडोमोन।

बर'फोरा गावजों गाव खौसे गैयैनि थाखायनो सोमावसारनायनि थासारिया गाजिसि जादोंमोन। राजखान्थिगिरिफोरा पुलिसनो आसि दिन्थिना होनायनि थाखायनो गावजों गाव एना एनिया बांसिनदोंमोन। राजखान्थिगिरिफोरा पुलिस प्रसासनजों आखाइ हमलायनानै सोमावसारारिफोरखौ दबथायनो नाजादोंमोन। बे खाबुआवनो पुलिसफोराबो गामिखौ रेइद खालामनो बांसिन सुबिदा मोनदोंमोन। बिसोर दाय गैयै मानसिफोरखौ हमग्लुं हमसि खालामदोंमोन। जेलाव लानानै सोहैदोंमोन आरो सानथ्र'हायै अनागारि खालामदोंमोन। उग्रपन्थि नागिरनायनि मुडव बर' गामिफोराव हाबनानै बिसोर बर' आइजोफोरखौ जिनाहारि खालामदोंमोन। एबसुआ सांबिधानिक आरो गनतान्त्रिक खान्थिजों सोमावसारदोंमोन। बेखौनो पुलिसफोरा बिग्रायखौ एबसुनि दैदेनगिरि, उग्रपन्थि होनना हमनो नागिरबाय थादोंमोन। नागिरना मोनैनि न'-बांखौ बुखेब बुखुब खालामना गालांदोंमोन। ननि खुनथाफोरखौ दानसनानै उखुमखौ खोख्लैजोबदोंमोन। ननि लाय-लथर, जि-जोमखौ लांजोबदोंमोन। ओंखाम-ओंखि संग्रा दोफोरखौ देखेबजोबनानै गालांदों। उनदुग्रा पालें, आरांगा आरो मासिफोरखौ गासैखौबो देखेबजोबना गालांदों। फिसालाखौ

मोनैनि बिफाखौनो बुनानै गालांदोंमोन । बिग्रायनि बिजाब, एलबाम आरो सार्टिफिकेटफोरखौ बिसिफ्लेनानै गारजोबदों । दै लोंग्रा दैखराव लेप, तसक आरो सि जोमफोरखौ गारसोम जोबनानै दैखौ लोंनो हायै गाज्रि खालामजोबदों । गामिनि मानसिफोरनिखौबो न-बां, कालारिं टि. भि. आरो मटर साइकेलफोरखौ बुखेबदों, भि.सि.आर.खौ लानानै थांदों आरो लोगोसे बा रोजा रांबो लानानै थांफादोंमोन । बिसोर न'खरनि बाकसुखौ देखावनानै गोदान गोदान सि जोमजों लोगोसे सना रुपाफोरखौ लानानै थांदोंमोन । बिसोर नखरनि दाव हांसोखौबो हमनानै लांफादों । पुलिसजों गुबुन हारिनि मानसिफोरबो दंफायोमोन । खाथिनि हासा मानसिफोरा बर' गामि गाग्लोबनायाव पुलिसखौ हेफाजाब खालामदोंमोन । बै समाव ए.जि.पि. सरकारमोन । सरकारनि थांखिया जादों सोमावसारारिफोरखौ दबथायनाय ।

बिग्राय बिनानाव फावदुरा माखासे आइजोफोरखौ लोगोआव लाफानानै हमना लांजानाय गामिनि मानसिफोरखौ पुलिसनिफ्राय लामायावनो बेंथेना लाखिनो नाजादोंमोन । बेवहायनो बियो पुलिसनि गुलियाव जिउ नागारनांदोंमोन ।

मोनसे समाव बिग्रायआ डिस्ट्रिक भलन्टियार फर्सनि कामान्दारमोन । बियो जिला आफादनि मोनसे गोनांथार मिथिंआव टेक्सिजों थांबाय थानायावनो बालागोरान मुंनि दाबसे गामियाव पुलिसजों हमजानायसै । बियो सोमावसारनायाव मानसि गावथारनाय, दालां सावनाय आरो बासाव ब'मा होनाय बायदि

केसाव गोग्लैनायसै । बिखौ हाजासे देहायारि साजा होनाय जादोंमोन । बिनि उनावसो मेदिकेलाव लांनानै फाहामना मंगलदै जेलाव दैथायहरदोंमोन । बेवहाय बियो गोबां सोमावसारारि बर'फोरखौ लोगो मोनदोंमोन । बियो जेलाव थानाय समाव लाइलेंपारा बर' गामिखौ पुलिसनि एरसननायाव मायन 'रिति सुबुंआ सावनाय आरो पुलिसा भुमका गामिनि गोबां बर' आइजोफोरखौ जिनाहारि खालामनाय रादाबखौ खोनानानै जोबोर दुखु मोनदोंमोन ।

बर' माहारिनि थामोनथा रैखाथिनि सोमावसारनायाव गिबि गिबि जिउ दान होनांनाय सुबुंआनो जादों सुजित नार्जारि । बेनि उनाव आसाम पुलिसा अलेन्द्र बर' आरो कबि राम बर'खौ गावथारो । बे सोमावसारनायाव रोजा रोजा बर' सुबुंआ जिउ दान होनाडे । बिसोर बिग्रायारिफोरखौ दाउ, अमा आरो सैमाफोर बादि गावथारो । दाय गैयै सुबुंफोरखौ आसार बिसार नायालासे हमना लांनानै जेलाव जोबनानै दोनहैयो । गामि गामि हाबग्लुंनानै न-बां सावग्लुं सावसि खालामनानै सेव हांगार खालामो । लाख लाख धोन सम्पथि, रां-रुफा लुथियो । बिसोर बर' आइजोफोरखौ जिनाहारि खालामनानै गोथारथिखौ सुवा खालामना फरायसा आफादनि सोमावसारनायखौ हेंथा होनो नागिरदोंमोन । दुलाराय बर' माहारिनि गोसो बोलोखौ लोरबां खालामना होनो नाजादोंमोन ।

नाथाय सोमावसारारि बर' सेंग्राफोरा गावसोरनि सोमावसारनायखौ दोनथ'वाखैमोन । बिसोरनि साननाय बादिब्ला आसाम पुलिसनि

राइफलनि गुलिया गासै बर'फोरनि बिखाखौ सौफलंजोबनो हानाय नड। जेरै भियेटनामिफोरनि बिखाखौ फ्रान्स आरो आमेरिकानि जथाइ गोहोआ सौफलंजोबनो हायाखैमोन।

दिल्लीआव थाम हानजाया जयै सावरायनायनि फिथाइ बादियै असम सरकारा जेलाव जोबथेनानै दोनजानाय रोजा रोजा सोमावसारारि बर'फोरखौ जेबो खान्थि गैया लासिनो हगारनांगौ होननानै थांखि आजावनाय जायो। बे थांखिजोंनो जेल जानानाय बर'फोरखौ आसाम सरकारा हगारजोबनांदोंमोन। बिग्रायाबो बे थांखि बादियैनो जेलनिफ्राय गबोदोंमोन।

न'आव थाफैनानै बिग्राया गोजोनै थाफैनो हायाखिसै। हारिनि थामोनथानि हांखायनायाव आरोबाव बियो सोमावसारारि हानजायाव हाबहैफिननायसै। बे समावनो रुपाफुरि गामियाव पुलिसफोरा दैस्त्रायजों लोगोसे हरसेयाव गासै सा 13 जोन आइजोफोरखौ जिनाहारि खालामो। बेनि उनाव बिसोर खाथिनि मुसलिमफोरखौ थुनज्जायनानै बर' आरो मुस्लिम मोननै हारिनि गेजेराव दाडबाजि जाहोयो। बे दाडबाजिया आसामनि दाब दाब जायगायाव गोसारहैदोंमोन। बे जाथायनि फिथाइ बादियै मोननैबो हारिनि गेजेराव गोबां न'-बां, रां-खावरि, धोन-दौलद खहा जादोंमोन आरो सुबुंनि खहाबो जादोंमोन। सानसेखालि आरोबाव सनाफुरि गामिखौ आसाम पुलिसा गाग्लोबनानै दायगैयै सुबुंनि सायाव गुलि हगारदोंमोन आरो बे गुलि हगारनायावनो बिग्रायनि थेंसे फेन्दायाव हाबो। बिखौ गुवाहाटिनि मोनसे नारसिं हमाव फाहामखुमा नांदोंमोन।

नाथाय उनथाराव आथिंखौ थोंसे हासनांदोंमोन। बेनि उनाव दिल्लीयाव थाम हानजानि गेजेराव सावरायनानै रायजोआव गोजोन फैनायसै। बिदिनो आथिं थोंसे गैयै बिग्रायआ इज्जत लुथिजानाय दैस्त्रायजों गोरोबना संसार जानायनि थासारियाव सफैनायसै।

बर' हिनजावफोरखौबो हारिनि सोमावसारनायाव बाहागो लानानै सांग्रां खालामहोनो थाखाय सोमावसारारि दैदेनगिरिफोरा गोथौवै सानलायदोंमोन। बे थांखिखौ जाफुंहोनो थाखायनो दुलाराय आसामनि बर' आइजोखौ खौसे खालामनो थाखाय दुलाराय आसाम ट्राइबेल आइजो अनसाय आफाद (AATWWF) मुडै मोनसे आफाद दानाय जादोंमोन।

बे सोमावसारनायखौ नायनानै बर' हारिखौ सांग्रांथि गोनां हारि होननानैबो बुंनंगोन। मानोना भारतआ उदांश्री जाखांनाय उननिफ्रायनो बिसोर गावसोरखौ गायसननो थाखाय सम सम नाजाबोबाय थाबोनांदोंमोन। बर' राव थुनलाइखौ बुहुमाव गायसननो नाजानायनिफ्रायनो बिसोर सिगां सिगां सोमावसारनो जुरिजेनग्रीदोंमोन। राव थुनलाइनि सोमावसारनायानो बर' फरायसा आफादनि बै सोमावसारनायखौ फोरोंदोंमोन होननानै बुंनो हायो।

सल'मा महरै "बिग्राय आरो दैस्त्राय" बिजाबाव सैथो जाथाइखौ बिथा खालामनानै सोरजिजादों। सोमावसारारि जिउआव नुजाथिनाय जेंना, दुखु-दाहा आरो गेदेर खैफोदजों मोगा मोगि जाबोनांनाय थार जाथाइनि सायाव सोरजिजानाय बे सल'माया बिग्राय आरो दैस्त्रायनि जिउजों

लोगोसे बर' समाजखौ लानानै सोरजिजादों। सासे सोमावसारारि दावहारुआ दावहानि समाव पुलिस आर्मिफोरजों हमजायोब्ला जोबोर गिथाव बाथाव साजानि मोगा मोगि जानो गोनां जायो। बेखौनो बिग्रायनि जिउआव मोननाय माखासे जाथाइफोरखौ सुंद'यै बे सल'मा बिजाबाव बेरखां होनाय जादों। बर' सेंग्रा सिख्लाफोरा आलादा रायजोनि थाखाय गाव गावनि फरायनायखौ नागारनानै गावखौ माबादि बावसोमदोंमोन बेफोरनि सोमोन्दैबो नोजोर होनाय जादों। बड'लेण्ड सोमावसारनाया गुबैयै मोनसे राजखान्थियारि सोमावसारनाय। बे सोमावसारनायाव गावनि बर' हारिनि गेजेरावनो एबसु, पि.ति.सि.ए. जों नेरलायनाय आरो बि.एल.ति, एन.दि.एफ.बि. जों गावलायनायनि थाखाय बेरेखा सानलायनाय आरो गावजों गाव नायलायनो हायै जालांदोंमोन। बेबादि आफाद आरो राजखान्थि हानजाखौ लानानै बेरेखा सानलायनायाव बर' हारिनि जिउ खुंनायाव जोबोर गिदिर जेंना सोमजिदोंमोन। दाबसे गामिया गुबुन दाबसे गामियाव थांलाय-फैलाय खालामलायनो गोब्राब जादोंमोन। हाथाइ-बाजार खालामनायाव जेंना नुजादोंमोन। फरायसा

आफादनि बे सोमावसारनायाव गावजों गावनो गोबां राजखान्थिगिरि, थुनलाइगिरि, फोरोंगिरि, दोहोरोमगिरि आरो समाज सिबियारि सुबुनि मुंख्लं जानांदोंमोन। बेबादि थार जाथाइनि दुखुनांथाव सावगारिखौ बे सल'मानि गेजेरजों फोरमायनो नाजानायखौ नुनो मोनो। गुबैयै बेयो गांसे समाजारि सल'मा होननानैबो बुंनंगोन। मानोना बे सल'मानि सललिं (Plot), आखु (Characters), नु-उन-नु (Scene and back ground), सम-फसंथा (temporal setting), सानथौ (Philosophy), मावथाय (Action) आरो बाथ्रा रायज्जायनाय (Dialogue) गासिबो नंगुबैजोब। मोनसे राव, हारिमु गोनां माहारिया गावखौ बुहुमाव सिनायथि होनो थांनायाव गुबुन मोनसे सियान माहारिया फाव फान्दायना बिजिरख' हायै इनाय अनागारि खालामदों बिनिनो मोनसे रोखा सावगारि बे सल'मानि गेजेरजों बेरखांहोनो नाजानायखौ नुनो मोनो। साफ्रोमबो सोमावसारारि जोहोलाव बर'फोरा बे सल'मानि गेजेरजों गाव गावखौ नागिरना मोनगोन। बिनिखायनो बे सल'माखौ बड'लेण्ड सोमावसारनायनि गांसे गोथां दलिलबो बुंजायो।

हेफाजाब लानाय बिजाबफोर:

1. बर', तीरेन : बिग्राय आरो दैस्त्राय, अनशुमै लाइब्रेरी, क'कराझार, नैथि दिहुन्नाय, 2003
2. चैनारी, स्वर्ण प्रभा : बर' सल'मानि बिजिरनाय, गुमुर पाब्लिकेसन, गुवाहाटी, सेथि फोसावनाय, 2009
3. सुंथाग्रा, बि. : लकापआनो आंनि न', फटाशिल गणेशपारा, गुवाहाटी, दिहुनगिबि, 2009
4. लावारी, दिगन्त : फाखनाव बर' हारि, बरमा अपसेट प्रिन्टार्स, बरमा, 2006

लाइमोन दोहोन

-काशीराम बाग्लारी

बिगियाननि रावआव आजायनो (जोनोम होनो) हानाय बैसो जानायखौनो लाइमोन मोननाय (Adolescence) होन्नानै बुंनाय जायो। लाइमोन बैसोआ 11 बोसोर बैसोनिफ्राय 18/19 बोसोर बैसोसिम आबुं जायो आरो 45-50 बैसोआव थाबथा हैयो। लाइमोनखौ बैसो जालियाबो (teen age) बुडे। लाइमोन समाव गोसोआरि, सोलोआरि आरो बोदोरारि रानाय (Reaching Mental, Intellectual, Emotional Maturity) जायो। लाइमोन समाव साननाय-हनायनि सोलाइनायनि सम एबा खोन्दो। लाइमोनफोरा सिगांनिखुइ रासिन उदां आरो सांग्रांसिन जायो। लाइमोन समावनो गावखौ राफोद एबा सासे गोगो नोगोरारि महरै गायसननाय एबा दाफुंनायनि गाहाय सम। मानोना बे समावनो मेलेमा सोलोंनाय गोहोआ बांसिनै रायो। बे समावनो जुदि गोथों लामाजों हान्थिनो हाया अब्लानो गावनि जिउनि लामायाव आन्दाइनो गोनां जायो एबा खैफोननि लामायाव गाब्रनोबो हागौ।

गेदेमा पण्डितफोरा बेसमफारिखौ खैफोदनां दुंहाव- हाव समफारि होननानैबो मख'लांदों। बे समाव लाइमोनफोरा गावसोरनि हास्थाइनायखौ सुफुंनो गोब्राब हाबिला थायो। जायखौ सुफुंनायनि थाखाय राहालामा नागिरना मोना अब्लानो गोरोंथि लामायाव गाब्रयो। बिखायनो गोसोन्थायारि आरो इसिंयारि रोंगौथि एबा हारोंथाइखौ (Ability) बायजोआव बरननायनि राहा लानानै थि सोलोंथाइ होनो हायोब्ला लाइमोनफोरखौ नंखाय लामायाव एबा खैफोदनि लामायाव थानायनिफ्राय होबथानो हागोन।

लाइमोनफोरानो जादों हारि एबा हादर मोनसेनि गोहोनि गाहाय फुंखा आरो हादरनि उनजोलै। जाय हारिया लाइमोनफोरनि गोहोखौ नंगुबै खामानियाव बाहायनो हादों बै हारियानो जौगा हारिनि मासियाव गसंथानो आरो गासैबो बिथिंआव सिगांलांनो हादों। जौगा हादरफोरा सुबुं होनब्लानो सुबुं सम्पद होनानै सान्नानै लायो। बिखायनो सुबुंखौ सम्पद महरै दानो एबा गायसननो थाखाय माखासे राहा लायो। “बां अन्जिमानिखुइ जौगा मानदान्दानि दुइसिन अन्जिमायानो साबसिन।” बे मोन्थोरखौ

लानानै लाइमोनफोरखौ जौगा मानदानानि सुबुं सम्पद दानो मावथांखि लानो हानांगोन ।

बे मावथांखिनि बिबानखौ सोर लागोन एबा सोरनि बिबान? होन्नानै सोंथि सिखांनो हागौ । आंनि बादिबा गिबियाव न'खर, नैथिआव समाज, थामथिआव सोरकार आरो ब्रैथियाव हारिमायारि गौथुमफोर ।

न'खर : न'खरानो जादों सोलोंथाइ/ गियान आरो गोगो आखु दानायनि गुदि फरायसालि । असमिया रावावबो बाथा फंसे दं- “घबथन्नेइ ढेछे शिक्काब कठिशातलि” । थारैनो बेफोर बादि बाथाफोरखौ सिगां जोलैया ओरैनो बाहायलाडखै । बेफोर बाथाया आरजाथाव आरो नंगुबैथार । जाय न'खराव जाबादि आबहावा बै न'खराव बै बादिनो मानसि दोहोना सोमजिखाडे । जों गोबां आबाद दिहुथाइ (production) लुबैयोब्ला आबाद थिलिखौ मोजायै थागथियारि खालामनानै लाग्रो नांगोन । गोनां जानाय दै, हासार, एम्फौ फोथैनाय मुलि सम सम नाडिहाग्राखौ बोस्त्रानाय बायदि हाबाफारिनि गेजरेजोंसो जों मोजां फसल मोन्नो हायो । थिग बिबादिनो न'खर मोनसेयाव जायफोर आबहावाया थायोब्ला गथ' गथाइया मोजां जागोन बै आबहावखौ सोरजिना होनो नांगोन आरो जायफोर आबहावा एबा हारिमुवा गथ' गथाइखौ गाज्रि लामायाव लांगोन बैफोर आबहावा एबा हारिमुखौ न'खरनिफ्राय जानगाराव लाखिनांगोन । मानोना जिउनि आगानसुआवनो जुदि खुदियाया मोजां आबहावा मोनोब्ला मोजां लामायैनो आगान सुरगोन आरो गाज्रि आबहावा मोनोब्ला गाज्रि लामाखौनो आजावगोन । बेनि गोहोमा इउन जिउहालागै थालाडे ।

न'खरनिफ्रायनो आखु दानाया जुरिजेनो । जोंनि बर'फोरनि न'खराव गोदो गोदाइनिफ्रायनो सोलिबोनाय माखासे आसार खान्थि हारिमुआ दासिमबो सोलिगासिनिनो दं । जायनि जाहोनाव बे बादायारि एबा ग्ल'बेलाइज मुगायाव फावसायना थालांनादों ।

नमान' : न +म+आ +न = नमा न' = गासै न'निनो देरसिन न' एबा बिमान' । न + इसिं = न'सिं = इसिं । न'मा न'सिंआनो जादों न'खर मोनसेनि गुदि थानसालि । बर'फोरा बे न'मान'खौ ईश्वर थाखुलि होन्नानै जायगा होयो । थांनानै थानो गोगो आदार आरो गोगो सावस्रि सोरजिनायनि गोथार थानसालि । बै न'मा नसिडवनो जुदिहाय गोगो सावस्रि आरो सानस्रि दानाय आदार सोमजिखाडब्ला जेब्लाबो गोगो सावस्रि आरो गोगो सानस्रि आसाफारिनो हाया । ओंखायनो जायफोर जामुवाया गोगो सावस्रि, गोगो सानस्रि सोरजिनायाव हेंथा होयो एबा मानसिखौ जुनारारि आखुथाइसिम सोलायहोनो हागौ बै जामुंफोरखौ न'मा न'सिंनिफ्राय जानगाराव लाखिनांगोन । अब्लासो बै न'खरनिफ्राय गोगो सानस्रि, गोगो सावस्रिनि सुबुं दोहोनो सोमजिखांगोन ।

बे बिथिंनिफ्राय बुंनो हायोदि न'खरानो जादों गियान/सोलोंथाइ, सानगोथौ, आखु दानाय आरो गोगो सावस्रि, सानस्रि दानायनि गुदि आरो गाहाइ फरायसालि । बेखायनो न'खर'नि आबहावाया गोगो गोथार जाथार नांगोन ।

समाजनि बिबान : सुबुं सम्पद एबा लाइमोन दोहोन दानायाव न'खर मोनसेनि जेसेबां बिबान समाजहाबो एसेबांनो बिबान थायो । मानोना मानसि होनब्लानो समाज मोजां मोनग्रा

(Social animal)। मानसिया जेब्लायबो हारसिं जिउ खांनो हाया। समाज नांथारगौ।

सासे खुदियाया जेरै न 'खरनि आबहावाखौ आजावनानै आगान सुरो थिग बिबादिनो बै समाजनि आबहावाजों गोरोबनानै देरबोनाय आगानाबो जुरिजेनो। ओंखायनो बुंनो हायोदि सुबुं सम्पद दानायाव न'खरनि लोगोसेनो समाजनिबो गोख्रों बिबान दं। देरसिनखौ मान होनाय सम्रासप्रिखौ लोगो साननाय दुइसिनखौ अन्नाय बायदि आखु दानाय, सुंथालायनाय एबा मदद होलायनाय बायदिया मोनसे समाजनि गेजेरावसो जाखाडे आरो बे आखुथाइफोरखौ खुदियाफोरा एबा उनजोलैफोरा समाजनिफ्रायनो सोलोंथाइ लानो हायो।

जायफोर हारिमुवा दाउगानायनि सोलायै उनफिननायनिसो एबा बोबथानायनिसो जाहोन जायो बै हारिमुखौ जों समाजनिफ्राय सुस्त्रांनो एबा बोस्त्रांनो हानांगोन। बेफोरखौ मोनफा मोनफा समाजनि बियादि होन्नानै सान्नानै लानांगोन। बे बियादिफोरखौ सुस्त्रां बोस्त्रां खालामनायनि राहा लानांगोन। बेफोरखौ मावनो न'खरसेयाल' एबा हारसिंल'आ हानाय नडगोन। बेबादि जायोब्ला खादासे मैगंआव थाइसेल' बानलु (फान्जालु) थानाय बादिसो जागोन। जों मिथिगौदि थलासे आलुआव थाइसेल' गेसाव थायोब्ला लासैनो गासै आलुखौनो फेसेवो। अरनि साखाथिआव मम थायोब्ला एरैनो गलिखायो। जाहांनाय बेरामखौ फाहामनायनि राहा लायाब्ला जेरै बेरामा लासैनो गाजिसिन जाहैनानै फाहामग' हायै एबा सोखाग' हायै बेरामाव सोलाय हैनाय बादिनो जायफोर हारिमुवा आब्रुथि गोनां गोगो

समाज दानायाव हेंथा होयो बेफोर हारिमुखौ सम थानायावनो सुस्त्रांनायनि राहा लानांगौ। नडब्ला सन्देरनानै समाजखौनो गुबुंले खालानानै बेरामि खालामगोन। खौसेआवनो गोहो दं। जाय खामानिखौ हारसिं मावनो हाया बै खामानिखौ ज' जालायै मावब्ला गोब्राब खामानिखौबो मावफुंनो हानाय माखासे बिदिन्थिफोर दं। ओंखायनो सोद्रोम समाज दानायाव बयहाबो बिबान दं होन्नानै सान्नानै लानांगोन। आब्लासो जों आब्रुथि गोनां गोगो समाज दानो एबा मोन्नो हागोन।

गामि गफायाव ब्रै आलि, थाम आलि, गला, जिरायग्रासालि बायदिआव नाडाफाड आड्डु, ताज गेलेनाय, जुवा गेलेनाय फेग्रा एबा गेफे मुवा बाहायनाय आरो उन्दै बैसोआव हाबा जानाय बादियानो जादों समाजनि मोनफा मोनफा बियादि एबा साबजायै हारिमु। गोरलै राहायै रां खामायनायनि सान्थौ, टउन सोहोराव फरायनो थानानै पार्क, रेष्टुरा, क्लाब, धाबा बायदिआव बाहागो लानानै गुबै लामानिफ्राय दोरोदै गावनि जिउखौ सिलिंखार खालामनायनि लोगोसेनो न'खरनि, बिमा बिफानि आरो समाजनि खोमा गन्थं हानाय। बेफोरबादि खंख्ला हारिमुखौनो दानि गोदान मुगानि जौगा हारिमु होन्नानै सानना लायो आरो बेफोराव बाहागो लायैफोरखौसो जाम्बा गोलोन्दा होन्नानै बुंनो नायगिरो। बेफोरखौ नुनानैनो उनजोलैखौबो उनसंनाय नुनो मोनो। बेफोर हाबाफारियाव आसि बिजौआव साननो हानाय सोलोगोरा फालांगि फलान फोराल'सो मुनाफा आर्जियो। बेफोरनि अनगाबो गोदान मुगा थामहिनबा बाहाय बिगियाननि (Fifth generation of Technology) बिलिरनायाव फरायफुनाय

लाइमोनफोरा बिमा बिफानिफ्राय मटर बाइक दाबिनाय हरिमु आरो एनड्रइत मुबाइलजों मेचेज, पाबजि गेलेनानै रां- रुफा आरो बेसेन बहरा समखौ आद्रि खालामनाय, गाज्रि सावथुन नायनाय। जाहोनाव मोजांनि सोलाइ गाज्रिसो जादों आरो आरजाथावै (असामाजिक) गाज्रि जाथायफोरा बांबोनो हमदों। बाहायनो रोडैनि जाहोनाव बिगियानखौबो बोरनि सोलायै सुबुंनि सावसो होन्नानै गायसननो नागिरदों। बेफोरबादि गुबुंले आबहावानि गेजेरजों माब्लाबाबो सुबुं सम्पद दानाया समभब जानाय नड। ओंखायनो समाजा बेफोर गाज्रि हरिमुखौ समाजनिफ्राय सुस्त्रानायनि राहा लाथार नांगोन। अब्लासो लाइमोनफोरखौ सुबुं दोहोन एबा लाइमोन दोहोन महरै गायसननो हागोन।

सरकारनि बिबान : लाइमोनफोरखौ गोगो सम्पद महरै दानायाव सरकारनिबो बिबान दं। बे बेलायाव जौगा हादरफोर जेरै जापान, आमेरिका, चाइना बायदि हादरफोरा सुबुंखौनो सुबुं दोहोन सान्नानै जौगानायनि थाखाय गोबां राहा लानाय नुनो मोनो। बे हादरफोरा लाइमोनफोरनि इसियांरि हारोंथाइफोरखौ बिजिरसंनानै बायजोआव बरननानै जुदा जुदा बिथिंआव सोलोंथाइ लाहोनानै लाइमोनफोरखौ हादर एबा हरिनि गोगो सम्पद महरै दायो। जाहोनाव लाइमोनफोरा बायगर जानाय आरो खैफोदनि एबा गाज्रि लामायाव थांनायनिफ्राय रैखा मोनो।

भारत बादि जौगालु हादराव सरासनस्त्रा सोलोंथाइजों हादोरनि गासै लाइमोनखौनो गोगो सम्पद महरै दानाय एबा गायसननाया समभब एबा जाथावना नड। मानोना हारोंथाइ आरो

रुसिफोरा जुदा जुदा जायो। सोरबा फरायनायाव, सोरबा गेलेनायाव सोरबा, मोसानो, रोजाबनो, दामनो-देनो, दानो-लुनो, हेबनो एरनो, सोरबा राजखान्थि, गोदान दिहुनो, फालांगि मावनो, आबाद मावनो बायदि बायदि रुसि थायो। बेफोर रुसि बायदियै लाइमोनफोरखौ सोलोंथाइ होनानै बाहायनो हायोब्लासो लाइमोनफोरा साफा साफा लाइमोन सम्पद जानानै फैगोन आरो लाइमोन शक्तिखौ नंगुबै आरो थि खामानियाव बाहायनो हागोन।

भारतावबो सुबुं सम्पद जौगाखां बिफान दं। नाथाय बे बिफाना माखासे राहा लादोंब्लाबो जाफुंसार जानो हायाखै। बिफान एबा सोरकारा गोथार गोसोजों मावनायनि थांखि लानांगोन। दानि भारत थामहिनबा नरेन्द्र मोदि सोरकारा हादरनि लाइमोनफोरखौ गावनि आथिंआव गाव गसंथानो हानाय बादि आरो हादरनि रांखान्थि जौगानायनि थाखाय Local for Vocal हाबाफारि लादों। बेयो बरायजाथाव हाबाफारि। बे हाबाफारिखौ मावफुंमारनो हायोबा थारैनो भारतनि लाइमोनफोरखौ सम्पद महरै गायसन मारनो हागोन। सोरकारनि बे मावथांखिखौ जाफुंहोनायाव जों बयबो मदद खालामफानो नांगोन अब्लासो जाफुंसारगोन।

मख'नां बाथ्रादि जों बर'फोरा बांसिनै उनफिननानै दं। बे बेलायाव बि.टि.ए.डि./ बि.टि.आर. सोरकारानो जा बि.के.दब्लिउ. ए.सि. सोरकारानो जा लाइमोनफोरनि इसिंआरि हारोंथाइफोरखौ बिजिरसंनानै बायजोआव बरनै जुदा जुदा सोलोंथाइ होनाय राहा लानानै लाइमोनफोरखौ गोगो लाइमोन दोहोन दानायाव

बिफाव लायोब्ला हामसिनगोन ।

हारिमायारि गौथुमफोरनि बिबान :
मख'नां बाश्रादि गोदो गोदायनिफ्रायनो सुबुंजों लोगोसेनो लाइमोनफोरखौबो जिउदेरसिन महरै गायसननो थाखाय बायदि फसंथानफोरनि जोमोन जाबोदों । बे बिथिंआव दोहोरोमारि गौथुमफोरखौ मुंख'नो हायो । समनि फाख'नाव समनि थिननायबादि सानगोथौ, गोसो गुवार सुबुंथि सान्थौ आरो गोगो आखु दानायनि थाखाय थाखोरानै सोलोंथाइ होनायनि राहा लानाय नुनो मोनो । जेरै बैदिक मुगायाव गथ'फोरखौ बायदि गियानहोनो थाखाय गुरुआश्रम/ब्रह्माश्रम, बौध'दोहोरोमाव बौध बिहार, उनाव कृष्णगुरु संघआ कृष्ण गुरु आश्रम, शंकरि संघआ शंकर निकेतन, जयगुरुनिया सतसंग बिहार, इस्लाम दोहोरोमनिया चुबाहि माद्रासा, तब्लिक बायदि बायदि । बेफोरनि गाहाइ थांखियानो जादों गोगो सुबुं समाज दानाय ।

दोहोरोमारि गौथुमफोरा सुबुंथिनि सान्थौ लोगोसेनो जिब होनब्लानो सि एबा आत्मानि सान्थौखौ फोरोंनाय नुनो मोनो । सिआ सिजौजों (आत्मा आरो परमात्मा) गोरुबनो एबा बारग'नोब्ला (मक्ष)उजिगासेआव मा लामाजों थांनांगोन बायदिखौ फोरोंनाय जायो । थारैनो बेफोर गोथौ सान्थौफोरखौ एबा आथ्यामिक तत्तफोरखौ लाइमोनफोरनो फोरों मारनो हायोबा गोगो लाइमोन दोहोन आसाफारिनो हागोन ।

बाथौआरिफोराबो गदाइयैब्लाबो बाथौ दोहोरोमारि लाइमोन आफाद दानानै लाइमोनफोरखौ बादायारि मुगायाव गासैबो बिथिंआव खाबजाहोनो हानायबादि गोगो

लाइमोन दोहोन सोर्जिनो नाजानाय नुनो मोनदों । बेयो बर'फोरनि लोगोसेनो सुबुं समाजनि थाखायनो मोजां हाबाफारि होन्नानै बुंजायो । बाथौ दोहोरोमारि आफादाबो सोलोंथाइ होनायनि लोगोसेनो आखु दानो थाखाय बाथौ आश्रम लुनायनि राहा लायोब्ला हामसिनगोन ।

नाथाय दुखुनां बाश्रादि एखमबा बांद्राइ गरामि आरो उग्र जातियताबाद सानथौआ नंगुबैनि सोलायै नंखाय लामा लानायबो नुनो मोनो । हारिमायारि सान्थौआ थाथारनो नांगौ नाथाय उग्र हारिमायारि सान्थौआ मोजांनि सोलाइ गाजिसिनसो जाहैयो । गावसोरनि दोहोरोम आसार खान्थियासो नंगुबै गोथार सैथो आरो गुबुननिया नंखाय । बेबादि गाहाय गोजौ सानलायनाया गोगो सुबुं एबा लाइमोन दोहोन सोरजिनायाव गोब्राब जानानै नुजाफैयो । बेखायनो गासै दोहोरोमारि गौथुम एबा हारिमायारि गौथुमफोरानो बेफोरबादि गाहाय गोजौ सान्नायनि जा आबहावा बेफोरखौ सुखानायनि राहा लानांगोन । अब्लासो जुदानि गेजेराव खौसेथि होननाय बाश्राया आरजाथाव जागोन ।

जोंनि राव थुनलाइ, हारिमु, दोहोरोम आसार खान्थिया जुदा जुदाब्लाबो थांखिया जादों मोनसेयानो आब्रुथि गोनां सोद्रोम सुबुं समाज दानाय एबा सुबुंखौ जिउदेरसिन महरै गायसननाय । जों मोनसेल' बुहुमनि नखरसेल' आरो बागानसेनिनो बायदि बिबारनि जोलै होन्नानै सान्नो हानाय सानगोथौ सुबुं दोहोन एबा लाइमोन दोहोन सोर्जिनो हानाय सोलोंथाइ होनो हानांगोन । अब्लासो जागोन जोंनि बुहुमा हायना बहरा समायना आरो अराय सुखु गोजोननि ।

जौगासार BODOLAND दाफुंनायाव फोथायजाथाव WORK CULTURE नि गोनांथि

-ड० एन 'स नाजरी

बड'लेण्ड होननानै बुडेब्ला बयबो बर' हारिनि मानसिफोरनि गोसोआव दोंफ्रोमबो थैनि रोदाजों बोहैनाय थै बायदि बोहैनायखौ जों नुनो मोनो। बड'लेण्डखौ दासिमबो आबुं महरै मोनजोबाखैब्लाबो बड'लेण्ड हिसाबै दासिमबो BODOLAND सोदोबखौनो जों जेब्लायबो बाहायबाय थानाय नुनो मोनबोदों। नाथायबा Bodoland सोदोबनि उनाव माखासे सोदोब थाफादेरनायखाय बेनि ओंथिखौ एसे फिसा जानो हागौ- माखासे गोहोफोरखौ लानानै नाथायबा बे मुंफोरखौ जोबोद खसथ' खालामनायनि गेजेरजों बेखौ Accord खालामनाय जादों बर'नि बिर जोहोलावफोरा। राइजो राजाफोरनि मदद आरो हेफाजाब लानानै जोबोद दुखु खसथ' खालामनांनानै, फुलिस मिलितारिनि गुलि जानांनानै, जोबथे सालियाव जोबजानांनानै। जाय Accord फोरनि गेजेरजों दिनै बर' हारिया बहुमाव सिनायथि आरो गनायथि मोनबाय। बिनिखायनो बे BODOLAND सोदोबा जोबोद बेसेन गोनां आरो दाम गोनां, बिनि बेसेनआ जेजोंबो रुजु जाया, बिनि बेसेना मुलुगनि बयनिफ्रायबो गोजौसिनथाराव। दुलाराइ भारतआवनो जोंनानै थानाय थरसे अलंबार बायदि। जानो हागौ बड'लेण्ड सोदोबनि

उनाव गुबुन गुबुन दाजाबदेरनाय सोदोब थाब्लाबो फैगौ समाव फोथायजाथाव WORK CULTURE आरो रोंगौथिनि गेजेरजों बर'फोरआ गावनो गाव आबुं 'बड'लेण्ड' खौ दानानै लागोन, बे समाव हारियारि रोंगौथि, गनायथि आरो फोथायजाथाव WORK CULTURE आखुआनो बर' हारिनि लागै सरकारखौ बुंहोगोन now they are fit for their own land बेखौनो बर'फोरा बै समाव बड'लेण्ड होननानै बुंहोगोन।

हारि हिसाबै बर' हारिनि थाखाय मोनफ्रोमबो Accord आनो बर' हारिनि थाखाय मोनसे मोनसे खस्थनि फिथाइ। दायो बे मोननाय खस्थनि फिथायखौ दैदेनलांनो आरो दाफुं लांनायाव गोबां बर' हारिनि दैदेनगिरिफोर, आबादारिफोर, साखि मावग्राफोर अफिसारफोर, मासथारफोर, फालांगि मावग्राफोरनि बिहोमा नांसिनगौ। बेखौ मानो बुंनाय जादों.. बेबायदि हाबा मावग्राफोराबो जोंनि हारिनि गेजेराव दंखाजोबखासै। दंब्लाबो बांसिन नांबावगौ... बयनिफ्रायबो बांसिन नांगौ होननानै बुंब्ला बेयो जाबाय फोथायजाथाव WORK CULTURE। खामानि मावनाय होननानै बुंब्ला जों बयबो खामानिफोरखौ मावखायोखा। नाथाय बे

खामानिया जाबाय जों सासे सासे खामानि मावग्रा फोरा बिकटि हिसाबै जों जे जे खामायफोरखौ सरखारनिफ्राय मोनबाय, जिखुनु हाबायानो जाया मानो बिखौ जों गोसो होहाबनायनि गेजेरजों मावनांगोन। जोंहा बयहाबो गाव गावबागाव अफिसारफोर एबा गावनि देरसिन अफिसार थायो।

बे बायदिनो गोबां मावख 'फोराव गिदिंनानै नायब्ला नुनो मोनगोन Work Culture खौ खम एबा बाडइ जालांनायनि। खामानिखौथ' मावखायोखा नाथायबा बेखौ गोसो होसोनायनि गेजेरजों मावनो रोंसिननांगोन। थिनबासो मावनाय, बुंबासो मावनाय जानो नाड, गाव गावनि खामानिखौनो मावनो नागिरै, नडबा समनि उनावसो सफैनाय जानो नाड। बयबो थिननांलायै जासे सासे सासे मावथि हिसाबै हाबा मावग्रा साफ्रोमबो मावनो सोलोंनांगोन। Work Culture नि खम जालांनायखौ होखारनो थाखाय राहा लामाया जाबाय थिग समाव थिग हाबा मावनाय, थिग समाव सफैनाय, थिग समाव थांनाय आरो फैनाय जोंहा नांथारगोन। अब्लासो जों जोंनि नखरखौबो नायनो हागोन, अफिसखौबो नायनो हागोन, नखर आरो समाजखौबो सिनायगोन, मानिबानि थाखाय मानिबा बिनिमयआव खामानि मावै जागोन हादोद आरो सासे थिग नोगोरारि हिसाबै गावखौ सिनायनानै हादोदनि थाखाय हाबा मावनो गोरों जागोन। बे बायदि साननायआ साफ्रोमबो नोगोरारि फोरनियाव थाथारनांगोन। हादोदखौ अननाय आरो हादोद सिबिग्रा साफ्रोमबो जाथारनांगोन। हादोदखौ

अननाय आरो मोजां मोननाय, हादोत जौगानायनि सोमोन्दै साननो हानाय जाबासो Work Culture हारखौ बाराय होनो हागोन।

फोरोंगिरिफोरा हादोद आरो समाज दानायआव गोबां बिहोमा थायो। जे हादोदआव फोरोंगिरिफोरखौ मान होनाय जाया आरो फोरोंगिरिफोरनि हाबा मावनाया खम जायो बे हादोदनि जौगानाया माब्लाबाबो जौगासार जानो हाया। फोरोंगिरिफोरा हादोदनि जोहोलाव— जोहोलावजोफोरखौ फोरोडे, समाजखौ फोरोडे, देसखौ फोरोडे। फोरोंगिरिफोरानो देसनि गियाननि फुंखा। फोरोंगिरिफोर गैयामोनब्ला देसआनो बेंगुरा जागौमोन। बिनिखायनो फोरोंगिरिफोरनि हाबा मावनायखौ खम खालामा लासेनो होखाजानाय सम मथे फोरोंनायनि हाबाफारिखौ गोसो होसारनानै फोरोंलांसिननांगोन, फोरोंनायखौ आद्रा खालामनो मोनथारनाय नड अब्लासो जोंनि बे मुलुगा स्रां मोनगोन। गियानखौ भारतनि सानथौआव स्रांजों रुजुदों। बिनिखायनो जे हादोतआव फोरोंगिरिफोरनि फोरोंनाया बारा जायो बे हादोदआव गियानआबो बारा जायो आरो सुबुं सम्फदआबो बारा जायो, गियान आरो सुबुं सम्फद बारा जानायनि जाउनआव बे हादोदआव जौगालांनायखौ नुनो मोनो। खोमसियाव जोंना थानाय मोनसे बाथि बायदि जायो। खोमसिआव जैरै गासिबो नायसनजोबो, बे बायदिनो बे हादोदनि मानसिफोरा नायसननो गोरों, बबिसतखौ नायसननो एबा नुसननो गोरों जायो आरो हादोत जौगानायनि हाबाखौ नोगोरारि हिसाबै मावनो गोरोंसिन जागोन।

जेब्ला हादोदनि नोगोरारिफोरा देसनि सम्फद जागोन अब्ला देसनि जौगानायनि सोमोन्दै साननो हानायनि सक्तिया बारा जागोन अब्ला गुन एबा Quality होननाय जिनिस्खौ साननो हानाय एबा बुजिनो हानाय जागोन। बिनिखायनो साफ्रोमबो जौनि बड'लेण्ड हालामनि साफ्रोमबो मानसिफ्रानो बुजिनो आरो साननो हनो सेसथाखौ खालामथारनांगोन। जेब्ला बड'लेण्ड ओनसोलनि सासे सासे मानसिया बुजिनो हागोन गावनि देसआ मा गावसोर ब'बे हादोदनि नोगोरारि गावखौ सिनायनो हागोन अब्ला देसनि Quality आरो गुननि सोमोन्दै साननो गोरों जागोन। जेब्ला देसनि Quality, जौगानाय आरो गुननि सोमोन्दै साननो गोरों जागोन अब्लासो फोथायजाथाव WORK CULTURE आ जौनि गोसोआव हाबगोन। जेब्ला खनसे जौनि गोसोआव हाबगोन अब्ला समाजआव फोथायजाथाव हाबा मावनायआ जौनियाव थागोन। अब्लासो खनसेयावनो— जौनि देसआव—

1. Quality Education
2. Quality Teaching
3. Quality Students

होननाया जौनि गेजेराव जागोन—

गुबुन फारसेथिंजाय न' लुग्रा आरो लामा बानायग्राफोरनि थाखायबो बिसोरबो Quality होननायखौ मिथिसिननो हानायनि जागोन

4. Quality Building
5. Quality Infrastructure
6. Quality of Work.

होननाया जौनि गेजेराव जागोन—

बेवहाय खालि मोननै बिथिंखौल' दिन्थिनानै होनाय जादों नाथायबा बेवहाय गासिबो बिथिंनि हाबा मावग्राफोरखौ बुंनाय जादों।

बेबायदिनो जौनि 'बड'लेण्ड'खौ दानायाव साफ्रोमबो नोगोरारिफोरहानो गिदिर बिबान दं। बेवहाय हादोदखो जौगानायनि बाथ्रा बुंग्रा आरो बेखौ मावफुंग्रा मोननैजों गोथौयै सोमोन्दो दड। बुंग्राफोरा जाबाय जौनि दैदेनगिरिफोर आरो मावग्राफोरा जाबाय जौनि अफिसारफोरनिफ्राय लानानै गासै देसनि हाबा मावग्राफोर। बेवहाय देसखौ दानायनि बाथ्रा बुंनानै मावग्राफ्रा मावआब्ला बेयो दोंसे सुजुनाय मेथायजों समानल' जागोन। जेब्ला जौनाव फोथायजाथाव Work Culture आ थागोन अब्ला गुबुन मानसिफोरा जौनि आदर्श, जौनि जौगानायखौ, जेरैबो गुन गोनां जानायखौ, गोरों जानायखौ, जौगानायखौ नुनानै गुबुनफ्रा बुंगोन बिसोर जौगाबाय, बिसोर जौगामारबाय।

Now they are fit, Now they are eligible होननानै आखाइ खबनानै साबायखर बाउनायखौ जों मोननो हागोन आरो जानो हागौ बै समाव मोनसेल' सोदोबनि बोर जों मोनहैगोन बे जाबाय 'बड'लेण्ड' होननाय सोदोब। बिनिखायनो जौनि 'बड'लेण्ड' ओनसोलआव थानाय हाबा मावग्राफोर आरो बयनिबो थाखाय फोथायजाथाव WORK CULTURE नि गोनांथि दं। अब्लासो जौनि जौगासार 'बड'लेण्ड' आरो उदां 'बड'लेण्ड' जागोन।

जिउखौ दैदेन्नाया बबेबा लामाजों..

-ड० बिहुं ब्रह्म

सुबुड बे बहुमाव जोनोम लाखांनायनि उनाव माबोरै थानानै थानांगौ, बबे लामाजों थाडेब्ला गोजोन मोनगोन आरो थार जौगाथि होन्नायखौ मोनहाहैनो हागोन बेखौ लानानै माखासे सानस्रि गोसोआव फैदों। दान मोनसेसो जाबाय फंबाय सिबिसन नारजारीआ देग्लायनि गलाघातआव जानो गोनां दुलाराय बर' फरायसा आफादनि जथुमायाव दिहुन्नो गोनां 'मुगानि साखि' लाइसिनि थाखाय आंनाव लिरबिदां बिहरनाया। बावजानो गिनानै गेजेर गेजेर फन हरो बिथाड। बेबादि लिरबिदां बिहरब्ला आन्दायफ्लाडे- बबेखौ लिरनो बेखौ लाना सानबाय थानायावनो समफ्रा बाबेन लाडे। लिरबिदांखौ लिरोब्ला गुसुंब्लाबो समाजनि आरो माहारिनि बबे मोनसे बिथिंखौ नोजोर होना बबेबा मोनसे बिथिडव मददफोर होबायगोन खोमा सान्नानै आथिखालाव मोनफा मोन्नै लिरो। सुबुं जिउ आरो मोजाडै थानानै थानांगौनि सानस्रि आरो मोन्दांथिफोरखौ लानानैनो जा हायो सम सम लिरो। बे लिरबिदांखौबो आथिखाल थासारिनि उनजोलैनि बाथ्राखौ थांखिनानै लिरनो आखायाव लादों। जानो हागौ दिनै माखासे जेंनाफोरखौ लाना बिमा-बिफा, दिथागिरि, दैदेनगिरि, फोरोंगिरि, समाज फोसाबगिरि सानसुमैफ्राबो सम सम आन्दायदों एबा आगोर मोनै जादों।

फंसे बाथ्रा गोसोआव फैदों जायखौ सासे जोबोद गेदेमा सुबुड बावैसो सिगां गावनि बिबुंथियाव माखासे बिजिरसंगिरि, फरायसा आरो फोरोंगिरिफोरनि सिगाडव बुंदोंमोन- World Health Organisation (WHO) आ सावस्रि एबा health नि सायाव Physical, Mental, Social Well Being नि गोनांथिखौ बुंदों। बेवहाय मोन्थाम आयदाखौ बुंखांनायनि उनाव बिथांमोनहा मोनसेबाव बिथिं Spiritual आयदाखौबो जोबोरैनो गोनांथि होदों। जानांगौ बेवहाय गोबां बाथ्रा हाबनानै दं। नंगौ थारैनो जों सासे सुबुंखौ गाहाम सावस्रिनि होन्नांगौब्ला जौनि देहायारि एबा मोदोमारि बाहागोआ गोखों जाथारनांगौ जायो नडब्ला गोबां देहायारि जेंनाजों मोगा मोगि जानो गोनां जायो। गुबुन

मोनसे आयदाया जादों मान 'सिक एबा गोसो आरो मेलेमारि जायहा जोंनि गोग्गो सान्ना हानाय आरो मावनो हानायजों गोथौ सोमोन्दो दं। थामथियाव जादों समाजारि जायखौ जों समाजारि जिब जानानै हमथाना दोन्नो हायाब्ला जों सुबुंबायदि सुबुं जानानै थानाया थारैनो गोब्राब। मानोना जों मिथिगौ दिनै गोबां लाइमोनफ्रा न' सिंनिफ्रायनो ओंखारैबो दंसै। दानिया फैदो आध्यात्मिक एबा spiritual जाय जों सान्नाय बेसादारि मुलुगनि (Materialistic World) नि गोजौआव थानाय जोबोद गोथौ बाश्रा। आरो जानांगौ बेखौनो जों सरासनस्त्रा सुबुंफोरा सा साज्रां धोरोम एबा मोदाय दावदायनि बाश्रा सान्ना खोमसि फोथायनायजों सरजाबफानानै नेवसिगारो।

दिनै जोंनि सुबुं दानाय, सुबुं सम्पद सोरजिनाय, समाज फोसाबनाय बेफोरखौ जेजोंखि नाजाया मानो बहाबा नड बहाबा आन्दायहैबाय थादों आरो बेयो थाबाय थागोन। नाथाय बेखौ होखारनायनि लामाखौ जों बबेबा सोरखारि एबा आफादारि mechanism नि सायाव लामा नायबाय थादों। दिनै जों सरासनस्त्रा सोलोंथायनि सायावनो गासिबो जाजोबगोन सान्ना बेसेन गोसा, गिदिर फरायसालिफ्राव गथ'फोरखौ फोरोडे नाथाय बेफोरजों जों लुबैनायबायदि फिथाय मोन्नो हाजोबदों दा? जोंनि समाजाव सोमजिनाय द्रागस, निसा बेसाद बेफोरखौ होबथानायनि राहाखौ मोन्दों दा? जों बुंनो हायो बेफोरनि राहाखौ जों मोनाखै बबेखानि बैफोर जायगानिफ्रायनो बेफोर

समाजनि गाज्रि खिलिआ बेरखांसिन्दोंसो। दा बेनिखायनो जों सान्नांगौ जानानै फैदों-जोंनि लाइमोन फरायसाफ्रा दिग्रिखौथ' लाबाय नाथाय थारैनो WHO बुंनायबादि जोंनि गथ'फ्रा physically, mentally, socially लोगोसे spiritually आबुं जानायनि गियानफोरखौ मोन्नो हादों दा? एबा जोंनि बिमा-बिफा एबा दिथागिरिफोरा माबा मोनसे रोखा लामा मोन्नो हादों ने? बेफोर सोंलुआ जावले जावले जोंनि गोसोआव गोबां मानसिनाव फैयो जानांगौ।

दिनैनि दिनाव जों सोलोंथायखौ जोबोरैनो गोनांथि होबोदों नाथाय गुन गोनां सोलोंथाइनि ओंथि आरो थांखिआ मानोबा गोबां बिथिडाव खाना नादों। जोंनि सोलोंथायजों जों गोबां information खौ गोदानै मोन्नो हादों नाथाय गुन एबा Moral and Ethics खौ जोंनि सोलोंथाया होजोबनो लामा मोनाखै। सरासनस्त्रा सोलोंथायजों दिनै आंनि बिजिरनायाव अहंकारासो बारा जादों। बेनि जाहोना जादों गोजौ गाहाय सुलायनाय, रोंसिन रोडसिन बिजिरनाय, बादि नांलायनाय आरो बेवहायनो गोबां लाइमोन फरायसाफ्रा गोसो बायना Mental Well Being, Social Well being, Life Skills बेफोर बिथिंखौ हमथानो हायाखै एबा लामा मोनाखै। बेबादिनो जोंनि अंगुबै गियाना खंख्ला आरो सनस्त्रा जादों। नाथाय आध्यात्मिक मुलुगाव बेफोरनि मोनफ्रोम बाश्राखौनो गोथौयै आरो गुवारै बबेखौ हामगौ बबेखौ हामा बेयो रोखा रोखा बुंनाय थायो। नों फोथाय एबा दाफोथाय

नाथाय सासे जिउगोनां गुरुआ जिउनि थांना थानाय लामाखौ रोखायै बुडे। जाय बैफोर लामाजों बिथानि गुरुखौ मानिनानै, सिबिनानै, दैदेनगिरि महरै सायख'ना लायो बिसोरबायदि सुबुंफोरा जिउनि गोबां आन्दायनाय बुब्लियावबो गोसो, मेलेम, थांखि लानाय, जिउ दैदेन्नायाव रोखायै आगान सुरनो हायो। बेनिखायनो दिनैनि समा जोंनि लाइमोनफोरखौ थार लामाजों दैदेननांगौब्ला सरासनस्रा दिग्रिनि बादायलायनायनि अनगायैबो आखु दानाय, logical thinking, emotional quotient बेफोर बिथिंखौ जों Spiritual लामाजों होनो हायाब्ला बहाबा नडा बहाबा आन्दायहैबाय थानो गोनां जादों। बेयो नंगौ जों

समाजनि गेनाखौ थारलायै खुनसेनो बोखारनो हाया नाथाय बेखौ मोनसे आदर्शजों सोलियोब्ला gradually culture खालामोब्ला गोबां बिबाडै बाडइ खालामनो हागोन। आरो जाय सुबुड गाहामै थांनानै थानो लुबैयो बियो गावनि complexes फोरखौ बिजिर बिजिर फोसाबनोसो नाजाबाय थायो आरो जानांगौ बे नाजानायाव मदद होयो Spiritual Practices फ्रा। नाथाय जोंनि लेखागोरों समाजाव बे बिथिंखौ मानोबा दासिमबो गोरुस्थि नोजोरजों नायनायखौसो बांसिन नुयो। मिजिंथियो बे बिथिंखौबो जों जोंनि लाइमोनफोरनि गोग्गो जिउ दानायाव बाहायनो नाजागोन।

एबसुनि बर' हारिखौ मुलुगाव गेरेमसा माहारि महरै गायसननायनि सोमावसारनाया बोहैबाय थानाय दैमा बायदि बेखौ रावबो थेबथानानै होबथानो हाया।

—देबनाथ बसुमतारि

राइजो सरकारनि हानि मावसोलो आरो दैयां हायेनाव बर'फोरा खारबोजेननायनि सायाव मोनसे संबिजिरलु

-पबित्र ब्रह्म दैमारी

दैयां हायेनाव राव गोरों बर'फोरा खारबो जेननायनि जाहोननि सायाव संबिजिरनो आखाइआव लानायनि आगोलाव आसाम सरकारा दानाय हा खान्थिनि सोमोन्दै एसे सुंद'थै सावरायनो आखाइआव लानाय जाबाय । भारत बर्षआ मोनसे सोमावसारनायनि गेजेरजों फामुवारि इंराजफोरखौ होखार हरनानै हादोरा उदांसि जाबाय । बिनि लोगोसेयैनो आसाम हादोराबो उदांसि जाफाबाय ? हादोरा उदांसि जानायनि उनाव बाथि बोसोरारि मावथांखि लाना हादोरखौ जौगानायनि जांख्लायव आवगाय लांहोनो साफा साफा गावनि सुबुंखौ दैदेनगिरि महरै दैथाय हरनाय जादों । नाथाय राम राज्यो दानो सिमां लाना दैथाय हरजानाय दैदेनगिरिफोरा उनाव साफा साफा आथान गैयै जोलै फोबांग्रासो जाना थाहैबा । मानोना बै समाव फामुवारि इंराजफोरा 1886 माइथायाव हानि आयेन सुजुना गालानाय आयेनफोरखौनो सोदाडब्ला बेखौनो गोबाथुमना लानानै हादोरखौ खुंलानो हमदों । फामुवारि इंराजफोरा गावसोरनि सारथ'नि जोहै 1886 माइथायाव सुजुनाय आयेनखौ गावसोरनि आमोलाव माखासे आयेन सरजाबफादोंमोन । बेनि आगोल 1870 माइथायाव हानि जेंना सुस्त्राना फोजोबनाय खान्थिखौ सोदांनानै माखासे आयेन सरजाबफिननाय जादों । Assam Land & Revenue Regulation (A.L. & R.R.) आयेननि आगोलाव गोबां हानि जेंना सुस्त्रनाय खान्थि दडोमोन, जायखौ गेजेर गेजेर सोदांबोबाय थादोंमोन । बिदिन्थिनाय बादियै फामुवारि इंराज खुंगोरायुंफोरा मोनसे आबाद खान्थि 1876-1883 माइथायनि थाखाय सास्त्रां बाहागो नडै हा खान्थि- गाहाइ आबाद खान्थिनि (1870-1883) जेंना सुस्त्रानाय आयेन सुजुदोंमोन । उननि बुब्लिआव गभर्नर जेनारेल काउन्सिलनिफ्राय वेस्ट बेंगल फ रैस्ट एन्ड रेगुलेसन एक्टखौ 1886 माइथायाव सुजुनाय जादों । बे गासैबो खान्थिआ आयेन बाहायनायनि गुदि खान्थिआ 1870 माइथायनि हा जेंना सुस्त्रानाय खान्थियानोमोन । बेखौ गेजेर गेजेर सोदांनायल' जादोंमोन । नाथाय दिनैहालागै

गिबि खान्थिनि मोनसेबो द'फाफोरखौ सोदांनाय जायाखै। (द'फा 1968 सजुनाय 2005-13) आसामाव 1947-2000 माइथायनि, बे समनि गेजेराव जेसेबां गुबुन गुबुन जौगाथाइनि फारिआव मावथांखिनि थाखाय जिसिबां हा बाहायनाय जादों, बेनि आसामाव गासै 14 लाख एकार हानि गेजेराव 2 लाख एकार हायानो गावआरि बिगोमानि हा। बे हानि गोबां अन्जिमायानो खिलिजेननाय थागिबि बर'फोरनि आखाइआव थानाय हाफोरा पाट्टा गैयै हामोन। बिनिखायनो गुबुन हारिनि माहाजोन आरो मेलेमजिबि थाखोनि सुबुंफोरा पाट्टा गैयैखौ खाबु लानानै बै हाफोरखौ थागिबि बर'फोरनिफ्राय खायथ्लारियै सोलोयै सेख'ना लानानै एबा आन्दो आन्दोयै गावसोरनि मुडव पाट्टा खालामना लानायखौ नुनो मोनो। बे बादि जेनाया आसामनि गुबुन गुबुन जिलाफोराव द्लाम बिदिन्थिनानै फोरमान होनो हायो। बेराफारसेथिं सरकारि खुंगोरायुंफोराबो जौगानायनि मुडव आरो दारिमिनारि फेहेरनायनि मुडव एबा महानोगोर अरथायनि मुडव सेख'ना लानाय गोबां हाफोरानो गासैबो खिलिजेननाय थागिबि बर'फोरनि हा जोबमोन। नाथाय रायजो सरकारा बे सेख'ना लानाय हानि अनगायै गुबुन दाबसे जायगायाव फज'फिनना (Re-Settlement) होनाय जायाखै आरो बेनि नजिर गैया। सरकारा बै सेख'ना लानाय हानि जेबो ख'हा सुफुंना (Compensation) होनाय दिनैसिम नुनो मोनाखै। बे बादि इनायै आरो नेमसारायै बै थागिबि बर'फोरनि हाखौ सेख'नायनि जाहोनाव आरो माखासे थिफुद्ला

आरददार, दोहोनि आरो मेलेमजिबि थाखोफोरनि खायथ्लारियै फाव फान्दायना थागिबि बर'फोरनि हांखौ गावसोरनि मुडव पाट्टा खालामना लानायनि जाहोनाव हा गैयै निखाउरि जाना, थांना थानायनि हाबिलायाव गुबुन गुबुन हाग्रामाफोराव खारलांनानै गोदाव सोराव हादान सिफाय हैनो गोनां जादों। बेनि थाखाय दायनिगिरिआ सोर? सरकारनि हा खान्थि ना थागिबि बर'फोरनि?

Assam Land & Revenue Regulation आयेननि 1886 माइथायाव फोसाबनाय 10 आयदा (*Chepter- X*) याव मैखोम थागिबि थानाय दख'राफोरा 1989 माइथायनि 15 जुन दानसिम गासै 47 दख'राफोरखौ लानानै ट्राइबेल बेल्ट एन्ड ब्ल'क दानाय जादोंमोन। नाथाय सरकारा दासिमहालागै No. 10 आयदायाव थानाय आयेननि बेबस्थाफोरखौ मावफुडैनि थाखायनो एबा खुंगोरायुं बेबस्थाफोरा राफोद नडैखायनो बे आयेना गोहो गोलोन्दां-दां दिन्दां-दांयै जाना थाबाय। बे आयेनाव सरैखाथि बेबस्था थाब्लाबो इनायै थागिबि बेंखनथि दख'रायाव थानाय हाफोरखौ थागिबि नडै गुबुनफोरनि आखाइआव बायस'ना होनो एबा "नामजारि" खालामना होनायनि खाबुफोरखौ आरददार आरो खुंगोरायुंफोरा खालामना होदों? बेराफारसेथिं रायजो सरकाराबो दारिमिन फेहेरनायनि मुडव एबा महानोगोर अरथायनि मुडव थागिबि बेंखनथि दख'रानि हाफोरखौ नेमखान्थि सारायै सेख'ना लानायनि जाहोनाव थागिबि बर'फोरा गावनि जोनोम बिथायावनो फिरिंगि (*Refugee*) फोर

बादि जिउ खुंनो गोनां जानांबाय । थागिबि बेंखनथि दख 'रानि इसिबां सरैखाथि आयेन थासेआवबो दिनै थागिबि बर 'फोरा निखाउरि जानानै आसामाव थानाय सरैखाथि हाग्रामाफोराव गोसो गैयाब्लाबो राहा गैयैनि थांनानै थानो थाखाय हाग्रा-बंग्रा गेजेराव गोदाव सोरावनो हादान सिफायहैनो गोनां जाबाय । बेराफारसेथिं दैबाना आरो हाब्रां खुरखाजानानै निखाउरि जानाय आबादारिफोरनो गोदानै हा होफिननाय (*Re-Settlement*) एबा आबुडै अनसुंथाइ (*Rehabilitation*) होनायाव सरकारि खुंगोरायुंफोरनि बाबांसिन मावनायनि जाहोनाव एबा बेफोर आयेननि बेबस्थानिफ्राय नासय जाना राहा गैयैनि थांनाना थानायनि हाबिलायाव सरैखाथि हाग्रामाफोराव खारलांनानै हादान सिफायना जुनारफोरनि गेजेराव गिलुं गिलुडै-जिउ खुंनो गोनां जादों । बे बादि आवथायाव गोलैनानै हादोरा उदांसि जानायनि आगोल आरो उनाव आसामनि गुबुन गुबुन जिलायाव जिउ खुंनाय हा गैयै निखाउरि बर 'फोरा गुबुन गुबुन सरैखाथि हाग्रामाफोराव खारलांनानै जिउ खुंहैनो गोनां जादोंमोन । जेबो जाहोन मिथिस 'आब्लानो एरैनो बिसोरखौ आसामनि ट्रेक्टर होनना मिनिनानै बिबान एंगारनो नाजाब्लाल ' जानाय नड ।

भारत बर्षआ उदांसि जानाया दिनै 77 बोसोर आबुं जाबाय । अब्लाबो बिसोरनि राडारि- सामाजिक बेबस्थाफोरा जेबो मेगनाव गोनाडै जौगानायखौ नुनो मोनाखै । दिनै बर 'फोरा दैयां हायेनाव राइजो जाफैनाया मोनसे स 'नाथि माइथाय बारनानै गु बोसोराव आगान सुरबाय ।

बे गोबाव समनि गेजेराव बिसोरनि सोलोंथाइ, हारिमुआरिफोरा बेसेबां आरुन फारिआव दावगालांखो । राजखान्थि, समाजखान्थि आरो दोहोरोम खान्थियै गुबुन हारि एबा गोजौ थाखोनि हासाफोरनि समाजाव बिसोरनि बिहोमा आरो इसिडारि जाहोनफोरा माबादि । सामाजिक बेबस्थाफोराव जमिदारि हारिमुनि प्राय बेसिबां उदां । दैयां सरैखाथि हाग्रामायाव सोरनि थुलुंगा मोननानै हादान सिफायजेननो फैयामोन । फै जों बिनि सायाव नोजोर बोनानै सावरायदिनि ।

दैयां हायेनाव राव गोरों बर 'फोरा खारबोजेन्नायनि सायाव मोनसे सुंद ' संबिजरलु -- *The Migration of Bodo Language knowing people of Conceptive of Daiyang Valley* --- दा-बिसान्दिनि धेमाजी जिलानि शिरा आरो जीयाधल दैमानि गिलौ बालौ दै बाना जानायाव थावरिनो हायैनि गुलेन्द्र बसुमतारी आरो कानाइलाल मोसाहारी मोननि दैदेन्नायाव सा 600 न 'खरा दै बानाजों आरो हाब्रां खुरखा जानायजों ख 'हा जानाय फोरमान बिलाइ लाना, थानो हाथाव-थाव जायगानि थाखाय ब 'रादिनि सायाव सोनारना ओंखार बोबाय बिखायाव रोजा रोजा हाबिला , मेगनाव जोंखोल सिमां आरो आखाइआव दबथायनो हायै गोहो बोलो लानाय गुलेन्द्र बसुमतारी आरो कानाइलाल मोसाहारी मोनहा सानैबो लोगो नांनानै गिबि गिबि आबादारिफोरनि अनफावरि जोहोलाव आरो सानसे बुब्लिनि बिग्रायारि रौनिया जोहोलाव आरिमु गुरु बिष्णु प्रसाद मोसाहारी (राभा) खौ लोगो हमनो

आबादारिफोरा गिदिंबाय थानो बनानै No. 16 खोला नामबर रिजार्भाव थाबोबाय। बे सा 40 दावबायारि हानजाया मोनाबिलि समाव सौफैना नै सिनायथि गैयै जायगायाव दावसा मावरियाफोर बादि बबाव थागोन बबाव मागोन जाना गोदाव सोराव जाफैबाय। फुटहिल्सनि खाथि खाला दरफा दरनै गामि दंभ्लाबो सिनायथि गैयैखाय आरो मिथिआ ह'सिआ गुबुन जायगानि गुबुन गामिआव सथब हैनो थांगोन थाडा सावरायबाय थानाय समाव फुटहिल्सनि B.O.P. केम्पनिफ्राय ग'ला (दोकान) खालामनो फैनाय सासे सिफाइआ बर' रावै सौफैबाय। “फा नोंसोरलाय गोदाव सोराव बबाव थांनो फैदों लै ?”

हरखाब खाखि खसाब गान्ना बिमानि रावजों रायदावफैनाय, नायनो समायना गुफुर जारौ-रौ गन्थं थेंफात-फात सेंग्रानि रावखौ खोनानो मोननानै बिनि खाथिआव बइबो थुबुर बेंखनफैबाय आरो गावसोरनि आवथाखौ मोखांसोम-सोम जाना बुंबाय। बिसोरो हरसे आन्थाखौ खाथायनो बबावबा सथबनो जायगा मोनोखोमा खावलायबाय। बै ए.पि.बि.एन. सिपाइनि सेंग्रानि मुडा बिनय ब्रह्म। बिनि गुबै न'आ गोदोनि बोखावजायै ग'वालपारा जिलानि सिडव थानाय गामि रुपसिनि। गोसो गुवार बिनय ब्रह्मआ हादान नायनो फैनाय हावरिया बर' आबादारिफोरनि आवथाखौ नुनानै अनखानाय मोनो आरो बियो फुटहिल्सनि साखाथिआव थानाय जग्रबसे गामिनि हाबां कसारीनि न'आव लिंनानै लाडे।

हाबां कसारीआ बै समाव 76 बैसो जाफ्राम बायमोन। बिनि बिबौनि बिफा थामहिनबा आजडा बृटिस र'येल आर्मीआव साखि मावना उषा केम्पनिफ्राय आजिरा मोनदोंमोन। बृटिस सरकारा एक्स आर्मीफोरनो 1903/4 माइथायाव मेरापानीनि फुटहिल्सआव थानाय आरंगाबारिखौ हादान सिफाइना जानो लाल पाट्टा होनानै फज 'दोंमोन।

हादान नायनो फैनाय दावबायारि हान्जाफोरा हाबां कसारीनि न'आव हरसे आन्थाखौ थानानै अखानायै हादान नायनो ओंखार लांबाय। फुटहिल्सनि बि.अ.पि.नि ए.पि.बि.एन. फोरा पेट्र'लिडव थांनाय सिपाइफोरजों हादान नायनो फैनाय दावबायारि हान्जाफोराबो लोगोआव थांफाबाय। बिसोरो फैयै फैयै मोनसे दैसा मोनफैबाय आरो पेट्र'लिं होग्रा सिपाइफोरा बे दिघल पानी दैसा सेरनिफ्रायनो गिदिंलांफिनबाय। गुलेन्द्र बसुमतारी आरो कानाइलाल मोसाहारी मोननि दैदेन्नायाव हादान नायनो फैनाय हान्जाफोरा बइबो दैयां सरैखाथि हाग्रामानि हाया बइनिखुइबो साबसिन होनना बाख्नायलायबाय आरो रुफु रुफु हासार गोनां दैयां सरैखाथि हाग्रामानि हाखौ सायख'ना सोमखोर मिथिंगाजों आबुं दैयांनि हादानाव जिउनि जोबथा समसिम गोरोबलांनो मिजिंथिना आरंगा हाग्राखौ एवस्त्रांनो हमबाय। 1965 माइथायनि 31 मार्च दानाव आसाम बिधान सभायाव अधिबेसन सोलिफुगासिनो दं। गुलेन्द्र बसुमतारी आरो कानाइलाल मोसाहारी मोनहा हा सायख'नाय बाश्राखौ लानानै चिलडव बिष्णु

प्रसाद मोसाहारी (राभा) नो खोन्थाहैनो थाखाय ओंखारबाय आरो बिथोन होलांबाय -- गावसोर चिलंनिफ्राय गिदिडागौमानि रावबो जेबो गोदानै थिरांथा लानो नाडा होननानै बुंलांबाय ।

सानसेखालि हादान सिफायग्राफोरा हाग्रा एवसांबाय थानाय समाव हाजोनिफ्राय दारिया नागा सासे कारटुस आखाइआव दैना हादान सिफायग्राफोरनि देरायाव जिरायफैदों । अब्ला देरायाव एम्फौ मासेबो गैयामोन । सानजौफु सम । सोरबा सासे सानै सानजौफु जानायखाय ओंखाम जानो फैदोंमोन । दारिया नागाया बिसोरखौ नुनानै रायदाव लायदों आरो बिसोरनिफ्राय गुदि खिथा गासैबो सुलाद लाजोबखांनायनि उनाव गोमजोर गाराडैः बुंबाय - “तुमिखान ना जंगल साफा करिबले किमान मानु आहिबले थाखिसे, आहि थाखिबले दि थाखिबि । आमिखान ना वान थावजे टु थावजेन हलेभि एको नाइ । एकटा ब'म लगते सब खटम हबले आछे । ” दारिया नागानिफ्राय बे बाथ्राखौ खोनानो मोन्नानै हादान सिफायनो फैनाय सुबुंफोरा गिनानै बिख्लो मावग्लुं लायबाय । दारिया नागाया थांखांनायनि उनाव जेब्ला हादान सिफायग्राफोरा देरायाव ओंखाम जानो फैजोबो अबला खावसावआ नागा बुंलांनाय बाथ्राफोरखौ बिसोरनि सिगाडव फोरमायना गिलुं-गिलुडै बुंजोब्बाय । बे बाथ्राखौ खोनानो मोननानै बइबो गिनाया बिख्लो मावग्लुंजोबलायदों । बिसोरो नागा होस्टेल पार्टि (एन.एस.सि.एन.) नि ब'मजों जिउ गारस्लाय-स्लाय हा गारनानै खारनायानो गाहाम होन्ना ओंखाम जास्लाबा बालानो गावबा

गाव थफ्लाफोरखौ लाना जेरै हायो बेदिनो नागा NSCNजों बुथारजानो गिनानै हाग्रा हाग्रा खारफिन लांजोब्बाय । चिलंनिफ्राय गुलेन्द्र बसुमतारी आरो कानाइलाल मोसाहारी मोनहा मेरापानीनि फुटहिल्सआव जेला सौफैयो , अब्ला बिसोर सानैनि गोसोआ खुसिआव हाथाइ लोमलाय लायथाराखै । मानोना बिसोर चिलडव थांनाय खामानिआ 95 जौखोन्डो जाफुंसारबाय । अर्डर कपिआव C.C.F नि सागान होनोल' आद्रा दंसै । बैसागु सौफैयामोनब्ला नेथ'लायना अर्डर कपिखौ लाबोफानो हागौमोन । हादान सिफायनो फैनाय हावरिआ आबादारिफोरखौ नागा थिउरिया हान्जानिफ्राय रैखाथि होनो थाखाय आसाम सरकारा न'खर बिफाननिफ्राय फुटहिल्सआव थानाय आसाम बेटेलियननि बि.अ.पि. केम्पाव डब्लिअ'.टि. मेसेस् हरखाबायमोन । बिसोर सानैबो खुसिआव फाग्ला दै एसे लोंनानै मैदेर दन्दि दन्दि फैनानै दिघल पानीआव थानाय देरायाव सौफैबाय । नाथाय देरायाव एम्फौ मासेबो नुयैनि सानैबो गोमोहाबना थाबाय । सुबुं लाथिख' देरायाव लेथेर फेथेर माइरं दालि, आलु, संख्रै लेथेरै गोलैलाबायना दं । हाग्रानि मैदेरफोराबो देरा गेग्रेबखौ गाख्रेब फैयाखै । ना बैसागु सौफैनायखाय न'आव थांजोब्बाय नामा ? ना हाग्रानि जुनादफोरनि उदखाराव गिनानैसो खारजोब लांबाय नामा ? बेथ' मालाबाबो जानो हाया । एथ' बुर्जा सुबुं थानानै गिनायखौ लाना खारथावथारा ! सानैबो गोनो गथो गोसोयै हर आन्थाखौ थानानै अखानायै बिसोरबो लक्षीमपुराव थांफिनबाय ।

आसाम सरकारा दै बाना आरो हाब्रां गिसिगाना सिलिंखार जानाय हा गैयै हावरिया आबादारि 600 सा बर' न'खरनो दैयां सरैखाथि हाग्रामायाव हा एल'टमेन्ट होबाय होनना बुंनानै ग'वालपारा, धुबुरी, क'क्राझार, बंगाइगाव, बिजनी, बरपेटा, नलबारी, दरं, लक्ष्मीपुर, धेमाजी, नगाव, कार्बि आंलडव थानाय मैखोम बर' गामिफोराव थानानै हा' गैयै हावरिया आबादारिफोरखौ लिंधुम हैजोब्बाय। नाथाय बैसाग दान हाबनाय लोगो लोगो सोरबा सोरबा माहाजोनफोरनाव दाहोना रुवाथी थाहैसावजोबनायखायनो देग्लाय दैलां बोथाराव हादानाव थानो हानाय नड। बुंजोब नायखाय दैलां बोथोर आन्थाखौ दोनथ'बाय माखासे सुबुंफोरा आसिन कातिक दानाव दैयां सरैखाथि हाग्रामायाव हादान सिफाय हागोन होत्रा बुंदोंमोन ब्लाबो माहाजोन फोरनि मारा मारि जोबखांनायनि उनावसो गोबाडनो थानो हागोन होन्ना बुंबाय।

बिष्णु प्रसाद मोसाहारी (राभा) या गुलेन्द्र बसुमतारीखौ डिसेम्बर दाननि गिबि ससायाव खनसे सुलाद लानो होदोंमोन। बिनिखायनो बियो कानाइलाल मोसाहारी आरो बाहादुर नार्जरीमोनखौ लोगोआव लाफानानै खनसेबाव चिलडव सुलु लानो थांबावबाय। बिसोरो चिलडव बिष्णु प्रसाद मोसाहारी (राभा) खौ लोगो हमना C.C.F नि मावख'खुलिआव थांबाय। अब्ला C.C.Fआ जोरहाटनि C.F.O.नो हरनाय अर्डार कपिखौ आखाइजों आखाइ गुलिन्द्र बसुमतारीनि आखाइआव गथायना होबाय। अर्डार कपिआव

एरैबादि रायखांनाय दडेमोन दि -- "Letter No. FG/18MC/DT/10/12/66-- Sri Golendra Bosumatary fo information to - - - - - about other land where they can be settled."

बे गोजोनथाव समा जादोंमोन 12/12/66 माइथाय। गुलेन्द्र बसुमतारी मोनहा आखाइजों आखाइ अर्डार कपिखौ मोन्ना गोसो खुसियै चिलंनिफ्राय गिदिंन फैंफिनबाय आरो मानसिफोरखौ चिलंनिफ्राय फैंनानै बुफैबाय --- "जायफोरा डिसेम्बर आरो जानुवारी दाननि गेजेराव दैयां सरैखाथि हाग्रामायाव हादान सिफाय हैनो थाड, उनाव थाडेब्ला नाथाय हा' मोननाय नड। सिट मोनसेआव जौसे रां फि (खेन्दा) होनो नांगोन। बिसोरो 1966 माइथायनि 19 डिसेम्बर दानाव गुलेन्द्र बसुमतारी आरो कानाइलाल मोसाहारीमोननि दैदेननायाव गासै 260 सा हावरिया आबादारिफोरा गावनि जोनोम बिथाखौ गारना मिथिस'यै खोनाफेरै आरो नुफेरै दैयां सरैखाथि हाग्रामायाव मुथासे राव गोरों बर' फोरा खाफालनि सायाव सोनारनानै दावबायबोबाय। गिबि गिबि बिसोरो बरपथार रेल स्टेसननिफ्राय ओंखारनानै सान्जाहा मोखां जाना दावबाय बोबाय। थफ्ला-थफ्लि रिदिं-रादां, माइरं, खादा खेरखा, दो दोख्लि, गाहे उवाल, साल गान्दै लेर लेर बाननानै बिराद गिदिर हान्जाफोरा बिखायाव रोजा रोजा हाबिला लाना मेगनाव जोंखोल सिमां नुना आरो आखाइआव दबथाइनो हायै बोलो लाना आगान सुरलांदों गावसोरनि आजौनि आजौमन गालांनाय

हायाव राइजो जाफिन्नो ।

हा गैयै हावरिया दावबायारि हान्जाफोरा मिरि गामि बारनानै दैयां दैमानि गाथोन मोनहैबाय । गाथोन सेराव दान्दिसे सम जिरायना लानायनि उनाव मिरिफोरनि फिसा फिसा दिडाफोरखौ भारा लानानै साफा साफा दैयां दैमाखौ गय जरा फाथै जरा होनानै खुलुमना बारनो हमबाय । बे हालामनि थागिरिफोरा बे बादि एथ 'ग्राब बुर्जा हानजा सुरनाय दावबायारि सुबुं नुफेराखैमोन खोमा ! बेनिखायनो लामा गब्था सेराव गसंलायना नायहरनानै सावराय लायदों । (Include Assamese script here).

हादान सिफायनो फैनाय हादानारिफोरा बेलारोम समाव कास 'मारि B.O.P. केम्पखौ बारबोनानै जग्रबसे गामि मोनफैबाय । बेनि थागिरिफोरनाव मोनाबिलि जानायखाय हाग्रा गुदुआव हावनो बानानै हरसे आन्थाखो थानो खावलायनायाव मानसिफोरा गिनानै दरजा जोबथेनासो थाजोब्बाय । उनाव बेनिनो थागिरि सासे आदिबासि बान्दर नायक होननाय सुबुड लिंबोनानै गावनि सिथलायाव थानो जायगा होयो । अखानाथै बान्दर नायकखौ हादान दिन्थिनो लोगोआव लाफानानै दैयां सरैखा हाग्रामा गेजेराव हाब्बाय । बान्दर नायका बे हालामनि सासे मुंदांखा फ'लान । दैयां हाग्रामाया बिनि आसगुर बिजौआवनो । बेनिखायनो हादानारिफोरा जेबो जालायाव गोलैआ बालानो बान्दर नायका दिन्थिफैनाय जायगाखौ बइबो मेगन खेबबाय । दंफां लाइफां गैयै लांदां जायगाखौ नुनानै बिसोरनि मेंग्लिनाय सोलेराबो जेन गोजोनग्लायनाय मोनबाय । सोरगिदिं थाराइल'

थाराइ, साखाथिआव बोहै लांदों मुं मिथिस 'यै मोनसे दैसा । कानाइलाल मोसाहारीआ बइखौबो थांखिनानै बुंबाय-- हादानखौ बइबो मेगन खेब्बायब्ला, बइबो थाराइफोरखौ एवस्त्रांना फोर्लि न' हाथा फाथा लोगो नांना बानायलायदो ।

साननैसोनि उनाव बिसोरो सावराय लायना बिष्णु प्रसाद मोसाहारि (राभा) या बुंनाय बाश्राखौ लानानै लथा हो'-हो 'नि सेयारमेनखौ लोगो हमनो मेरापानीनि फुटहिल्सआव थांबाय । रोहिचरन नार्जारी, बाहादुर नार्जारी, कानाइलाल मोसाहारी आरो गुलेन्द्र बसुमतारी मोनहा मेरापानीआव थानानै बिनय ब्रह्मखौ लोगो हमना ल'था हो'-हो' (ल'था हारिमायारि महासभा)नि सेयारमेनखौ लोगो हमना सावरायबाय । "1967 माइथायनि 28 जानुवारीआव ल'था हो'-हो 'नि सेयारमेनजों सावरायनाय मथै नागा हाजोनि अनगायै फैलाव सोमखोर दैयां सरैखाथि हाग्रामानि टिछ्चुपानीनि फैलाव हायेनखौ बर' कसारीफोरनो हादान सिफायना राइजो जानो थाखाय नागारना होबाय आरो नोंसोरो नागालेन्ड सरकारनि हामुंसा जानांगोन । "बिसोरो नागा उदखारिफोरनिप्राय दसे सम राहामोननो थाखाय सेयारमेननि बाश्राखौ गनायना लाना फैबाय । बिनिफ्राय बिसोरो चिचुपानी उन्नयन आफाद दानानै आसाम सरकारजों हा पाट्टानि थाखाय नांबाय थाबाय ।

बेराफारसेथिं 1980 माइथायनि 25 अक्ट 'बरनि आगोलाव हादान सिफायग्रा हानि मोन्थाइनि फोरमायनायाव 1980 माइथायनि हाग्रामा आयेननि लोगोआव माखासे नेमखान्थि

सरजाब फानाय जादोंमोन। हाग्रामायाव थानाय सुबुडा एबा हाग्रामानि हा पाट्टा नागिरनाय सुबुडा मा बादि खायदाजों हा पाट्टा मोन्नो हायो, बेनि थाखाय हाग्रामा (थिनानै दोनखानाय 2003 आरो हाग्रामा सरैखाथिना दोननाय) नेम खान्थिफोरा 2004 आव रोखायै सुजुखानाय दंखायो। बै नेम खान्थि मथै हाग्रामा (थिनानै दोनखानाय) आयेन 1980 माइथायनि *Section 2* सरजाबफानाय मथै मिरु सरकारनिफ्राय गनायथि नागिरनानै थांखि दैथाय हरनांगौ। हाग्रामा आयेन 2003 आव थांखि दैथाय हरनाय सोमोन्दै ओरै बादि बुंनाय दडे -- जायफोर हा मोनथाव-थावफोरा थांखि खानाय फर्मआव गनायथि लानो थाखाय एबा लिज आरो गोदानै हा नागिरनायफोरनि थाखाय गुबुन मोनसे बिफर्माव थुखिनानै मिरु सरकारनि खाथिआव बिथांखि दैथाय हरनांगौ। बे बिमावखौ रायजो सरकारनि हाग्रामा बिफाननि न'डेल अफिसारनि लिरबिदां रायथायाव जानागोन। (!) जायखि जाया राइजोनि एबा बिबानगोनां (*Authority*) आ *Sub - Rule (1)* नि सिडव बे थांखि नाजावनायनि उनाव आरो *Section (2)* नि सिडव आगोल गनायथि मोननो गनायजायोब्ला मिरु सरकारा थिना दोनखानाय बिफर्माव थुखिनानै गिबि गिबिनि थाखाय दैथाय हरनांगौ। हाग्रामा सरैखाथि आयेन 2004 नि गेजेटाव 3/2/2004 अक्ट'आव फोसावनाय जायो। बे आयेनाव आगोलनि खान्थिफोरखौ एसे सोलाय सोल' खालामनाय जादों आरो हादान सिफायग्राफोरनि थाखाय फनैसो बाथ्रा बुंनाय जादों। बेनि 6 (2)

साज्रां बाहागोआव बुंनाय जायोदि -- हादान सिफायग्राफोरा बिथांखिनि मथै कपि (न'डेल अफिसारनि सागान होनाय कपिजों लोगोसे) डिभिज'नेल फ'रेस्ट अफिसनि थि खालाम खानाय आरो भारत सरकारनि हाग्रामा मन्थि बिफान (*Ministry of Forest Affairs*) नि हाग्रामा बिफाननि मनिट'रि सेलनिफ्राय गनायथि लानायजों लोगोसे बिमाव मावनो नांगोन 6 (3) (a) रोखोमनि बिथांखि मोननायनि उनाव रायजो सरकारा एबा मिरु बेंखनथि खंनाय दख'रा (केन्द्रिय शासित अन्धूल)या भारत सरकारनो गनायथि लानायजों लोगोसेयै दैथाय हरनांगोन। बेनि थाखाय सरकारा 210 सान थि खालामना दोंखादों। (2003 माइथायनि नेम खान्थिआव बियो दानथामल'सम थि खालामनाय दडेमोन)। 6 (3) (b) रोखोमनि रायजो सरकारनि न'डेल अफिसारा बिथांखिखौ *sub rule (7)* रोखोमै गनायथिनायनि उनाव बिथांखिखौ बइनिबोफ्राय रादाय मोनोब्ला आरो 1980 माइथायनि आयेन *Section (2)* नि सरजाबफानाय (*Included*) आगोल गनायथि लानोगोनां होन्नानै सानना लायोब्ला बै डिभिज'नेल अफिसारनिफ्राय बिथांखि मोननायनि 10 साननि गेजेराव दैथाय हरनो नांगोन। 6 (3) (i) रोखोमै न'डेल अफिसारा डिभिज'नेल फ'रेस्ट अफिसारनिफ्राय बिथांखि मोननायनि 30 साननि गेजेराव *C.C.F.* नि गेजेरजों रायजो सरकारनो दैथाय हरनांगोन। 6 (E) (i) रोखोम रायजो सरकारा बेखौ गनायथि नायजों लोगोसे गोदान दिल्लीआव थानाय भारत

सरकार आबहावा आरो हाग्रामा मन्थ्रि बिफान (*Environment & Ministry of Forest Affairs*) नाव दैथाय हरनांगोन । न'डेल अफिसारा बिथांखि मोननायनि 60 साननि गेजेराव बै थिना दोनखानाय बिफर्मनि खामानिखौ मावनो नांगोन । 6 (6) *Sub rule (3)* नि *clause (E) (ii)* माव बिदाड थारैनो गनायजादोंब्ला आरो हादान सिफायनाया 40 हेक्टरनिखुइ बारा जायोब्ला, गासैबो बिथांखिआ बेदखलनि जाहोनावब्ला हाग्रामानि हानि अन्जिमाया जेसिबांखि जाया मानो रायजो सरकारा गनायथि होनानै मिरु सरकारनि आबहावा आरो हाग्रामा मन्थ्रि बिफान (*Environment & Ministry of Forest*) नो दैथाय हरनांगोन ।

बेरा फारसेथिं *Application of Forest (conservation) Act 1980*नि हाबाफारियै भारत सरकारा फोरमायनानै मोनसि फोसाव नायाव 1.2 *Clarification* नाव बुंनाय जादों- 1. 1980 माइथायनि 25 अक्ट'बरनि आगोलाव हाग्रामानि हाखौ मोननोगोनां एबा हादान सिफायनाय (*Deresevation*) एबा आलादा खालामनाय (*Diversio*) आरो माबा

मोनसे मावफारि रायजो सरकारा लादोंब्ला, अब्ला रायजो सरकारा मिरु सरकारनि खाथिआव गनायथि लानोगोनां जाया । नाथाय बिसोरो 1980 माइथायनि 25 अक्ट'बरनि आगोलाव जायखि जाया हाग्रामायाव हादान सिफायनो फैनायनि माबा मोनसे फोरमान बिलाइ थानांगोन । 2. बिसोरो बै अक्ट'नि आगोलाव रायजो सरकारनि एबा बै बिफाननि खुंगोरायुंफोरा बै जायगायाव थानो होनायनि फोरमान बिलाइ थानांगोन ।

थास्लिमनायाव बेखौल' बुंनो सानदों- दिनै दैयां हायेननि चिचुपानी हालामाव बायदि बायदि जेंना-जेंसि सौखावबोनानै जिउ खुंनाया मोनसे स'नाथि माइथाय बारनानै गु बोसोराव आगान सुरबाय । नाथाय जोबोद दुखु नांथाव बाथ्राया बेनो जाबायदि- दैयां हायेननि चिचुपानी हालामाव जिउ खुंफैनाय मोजोमसे हावरिया राव गोरों बर'फोरा रायजो सरकारनि गोबां फोरमान बिलाइ थासेयावबो दिनैसिम दिसप'जेल काप बादि बाहाय जाबो गासिनो दं । दिनै बिसोरखौ फुस्लायना थानो थाखाय हा'नि मोन्थाइल' होना राइजो जानो दोनथ'नाय बादि जादों । गाबोनबा बिसोरनि बरादाव मा फैगोन... !

फरायसा आरो फरायसा आफाद

-बिश्वेश्वर बसुमतारी

गोबाडनो बुडे, फरायफुनाय समाव फरायसा गथ'फ्रा आफादाव हाबनो नाड। बेनि गुबै जाहोनखौ होदों- फरायसाफ्रा आफादाव हाबोब्ला फरायनायाव खहा जायो, फरायनायाव गोसो होनो हाया, गोसोखौ नांगौबादियै फरायनायाव फजनो हाया जायो। गुबुन बिथिंजों दैदेनलांजायो, गावनि फरायनायनि थांखिखौ जाफुंसारहोनो हाया जायो। आफादाव हाबोब्ला गाडनि फरानि अनगायैबो गुबुन बाथ्राफोखौबो गोसोआव लाखिनो गोनां जायो। बेबादियैनो गोबां फरायसायानो गावनि फरायनायखौ गारनानै लामा ससेयावनो आवाफावा जानानै हालावबो थाड मैयावबो थाड जानानै थायो। बेनिखायनो माखासे गोरोंगोराफोरा फरायसाफोरखौ आफादाव हाबनो नाड होननाबो बुंनो नागिरो। नाथाय बेनि गेजेरावनो खाइसे फरायसाफोर दड' जाइफोरा आफादाव थानानैबो गावनि फरायनायखौ थि लाखिनानै जिडनि थांखिखौ सुफुंनानै लानो थाखाय नारा नाथा नाजायो।

बे बाथ्राया थार, जेरावबो मोजां आरो गाज्रि थाखायो। थेवबो बे लिरबिदांनि गेजेरजों फरायसा गथ'फ्रा आफादाव थायोब्ला मा जायो बेनिनो गाज्रि बिथिंखौ दोनथनानै, मोजां बिथिंखौ सुंथाबै सावरायनो नाजानाय जाबाय।

(क) गावनि सोमोन्दै गोबां मिथिनो हायो:

सासे फरायसाया आफादाव हाबोब्ला, गावनि सोमोन्दै बांसिन मिथिनो हायो। गावनि गेजेराव बिहा मा गियान दं आरो मा गोहो दं बेखौ मिथिनो हायो। बिनिखुइ गेदेर गथ'फ्रा गुबुन गुबुन थासारिफ्राव बाथ्राफोरखौ माब्रै सुसांदों बेखौ सोलोंनो हागोन आरो बेफोरनि गेजेरजोंनो माब्रै गुबुनफोरजों गोरोबनानै थानांगौ आरो गुबुनफोरजों गोरोबनानै माब्रै मालाइनि थाखाय हाबा मावनांगौ बेफोरखौ सोलोंनो हागोन, सासे फरायसानि गेजेराव सांग्रांथि लाबोगोन आरो बेफोरनो बे फरायसाखौ गावनि जिडखौ दैदेनलांनायाव गोबां हेफाजाब होगोन।

(ख) समाजनि बिथिं एबा बाश्चाफोरखौ मिथिनो हायो :

जेब्ला मोनसे हादर एबा मोनसे हारिनि गेजेराव अल'खद फैयो अब्ला, बइबो ज' जालायनानै खौसेयै ज' ज' हाबा मावनो गोनां जायो आरो अल'खदनिफ्राय माब्रै रैखा मोननो हायो बेफोरनि रहा नागिरनो गोनां जायो। बर' हारिनि माखासे गोनांथिखौ नोजोराव लाखिनानै ABSU आ सोमावसारनाय समाव बयबो लैहोर लैहोर ज' ज' ओंखारबोनानै सोमावसारनायाव बाहागो लादोंमोन। बेफोरबादि ज' ज' हाबा मावनायफोरा सासे फरायसानो गोबां मोनथि होयो।

(ग) समाज एबा हारिनि थाखाय राव होनो हायो:

मोनसे समाज एबा हारिनि गोनांथियाव बयबो ज' जयैसो राव होनांगौ, हारसिडै होयोब्ला जेबो खामानि होआ, गोहोम खोख्लैनो हाया। गावनि बिमा राव लिरनो थाखाय र'मान हांखो दाबिनानै 1974-75 मायथाइयाव जेब्ला बड' साहित्य सभाया सोमावसारदोंमोन अब्ला गोबां बर' फिसायानो जयै बे दाबिनि बागै गसंदोंमोन, जयै राव होदोंमोन, सोमावसारदोंमोन। गावनि थामोनथानि थाखाय, गावनि आलादा सिनायथिनि थाखाय आलादा हादरसा दाबिनानै ABSU नि दैदेननायाव जेब्ला सोमावसारनाय जादोंमोन, बे सोमावसारनायाव बयबो ज' ज' लैहोर लैहोर ओंखारबोनानै साफ्रोमबो फरायसाखौ लाफानानै बर' फिसायानो जयै हेफाजाब होलायदोंमोन,

बेबादिनो समाजनि एबा हारिनि एबा हारिनि गोनांथिनि थाखाय आफादाव थानानै बयबो राव होनो हायो।

(घ) गावनि सोलोखौ नों जौगाहोनो हायो :

बयनिबो गेजेराव सोलो थाखायो, जानो हागौ सोरनाबा बारा आरो सोरनियाव बाडइ। नाथाय आफादाव थायोब्ला सासे फरायसाया गुबुनजों रायलायलायनानै, हान्जायाव थाफाना हाबा मावनानै, गुबुन फरायसाफोरजों लोब्बायाव थायोब्ला गावनि थाखानाय सोलोफोरा बांलाडे आरो सासे फरायसानि साननाय हनायफोराबो जौगालाडे। नाथाय हारसिडै थायोब्ला बेबादि सोलायनाया जेब्लाबो नुजाथिया।

(ङ) हान्जाजों हाबा मावनो खाबु मोनो एबा सोलोडे :

सासे फरायसाया हान्जायाव थायोब्ला एबा आफादाव थायोब्ला माब्रै हेफाजाब होलायनानै ज' ज' हाबा मावनो हायो बेखौ सोलोडे। गाव रोडैखौ मालाइनियाव सोंनानै सोलोंनो हायो, सुबुरुन लानो हायो आरो गोबां बाश्चा सोलोंनो हायो आरो बेफोरनो सासे फरायसानि इउन जिउखौ दैदेनलांनायाव गोबां हेफाजाब होयो।

(च) लोगोफोरजों लोब्बा लाखिनानै हाबा मावनो खाबु मोनो :

सासे फरायसाया आफादाव थायोब्ला गुबुन गुबुन जायगानि गोबां फरायसाफोरखौ लोगो

मोनो, बिसोरजों सावरायलायो, लोगो जालायो। बेबादिनो गावनिखुइ गेदेर-उन्दै बयनिफ्रायबो गोबां बाश्रायावनो हेफाजाब मोननो हायो आरो गावजों गाव लोब्बा लाखिलायनानै हाबा मावनायनि खाबु मोनो।

हाबाफारिबो आखाइयाव लायो। बेबादिनो सासे फरायसाया गावनि हारिनि आफादल' नड गुबुन हारिफोरनि आफादजोंबो लोब्बायाव फैनानै हाबा मावफानायनि खाबु मोनो।

(छ) थाखोआव सोलोंनाय सोलोफोरखौ बाहायनो हायो :

आफादाव हाबोब्ला थाखोआव फोरेंगिरिफोरनिफ्राय सोलोंनाय सोलोफोरखौ आफादिनि हाबाफोराव बाहायनो हायो आरो बेबादिनो आफादाव थानानै सोलोंनाय सोलोफोरखौ बे फरायसाया फरायसालिनि गुबुन फरायसाफोरनि गेजेराव बिलायनो हायो।

(झ) हान्जा दैदेननायनि सोलोखौ सोलोंनो हायो :

आफादाव थायोब्ला, आफादिनि हाबाफोरखौ सोलोडै सोलोडै सानसे बिबो आखा फाखा जाहैयो, आरो बेबादिनो सानसे बे आफादिनि नडब्लाबो गुबुन आफादिनि दैदेनगिरि जाहैनायनि रेंगौथि मोनहैयो आरो आफाद दैदेनो।

(ज) गुबुन गुबुन हान्जाजों हाबा मावफानो खाबु मोनो:

आफादाव थायोब्ला गुबुन गुबुन आफाद एबा हान्जाजों लोगोसे हाबा मावनायनि खाबु मोनो। ABSU आ बर' हारिनि फरायसा हान्जा, नाथाय गोनांथि जानायाव बे आफादा, गुबुन गुबुन हारिनि फरायसा हान्जाजों लोगोसेयै माखासे

बेबादिनो नुनो मोनो, सासे फरायसाया आफादाव हाबोब्ला मोजां बिथिंखौबो नुनो मोनो। बाश्राया गाउन सायावबो गोबां सोनारो मुलुगाव गोबां बिदिन्थि होनो हायो जाइफोरा फरायसा आफादखौ दैदेननानै इउननि जिउवाव हादरखौनो दैदेनदों। औरैबादिबो फरायसा जोंनि नोजोराव गोगलैयो, जाइफोरा आफादाव हाबाब्लानो थानानै फरायनायनि गेजेरजों गावनि मेलेमखौ बाहायनानै मुलुगदांखा जादों।

बर' रावनि गारां रिंसारथि

-अमरजित दैमारी

गारां रिंसारथिया बोखावजानाय (Segmental) रिंसारथिनि मोनसे बाहागो। गारां रिंसारथिनि सोमोन्दै रिंसारखान्थियाव सावरायनाय जायो। गारां रिंसारथिफोरखौ गारां बोनाय समाव बिखा समफल 'निफ्राय ओंखारबोनाय बारा खुगा दन्दराव इसेल' हेंथा मोननानै गोख्रैयै स' गलाडे। बर' रावाव गासै मोनद' गारां रिंसारथिफोर दं होनना सिनायथिनाय जादों। बेफोर- /इ, ओ, उ, ए, अ, आ/। बे मोनद' गारां रिंसारथिफोरखौ गारांसे गारां रिंसारथि (Monophthong) होननाबो बुडे।

बर' रावनि गारां रिंसारथिफोरखौ गारां बोनाय समाव गोबां गारां अंग 'नि मादाव सालाइ आरो गुस्थिया जोबोर मुखुब बिफाव लायो। जाहोनाव बे सालाइ आरो गुस्थिनि बिफावखौ नायनानैनो बर' रावनि गारां रिंसारथिफोरखौ बाहागो राननाय जायो आरो सिनायथिनाय जायो। बर' रावनि गारां रिंसारथिखौ गाहायै मोनथाम जाहोननि सायाव सोनारनानै बाहागो राननाय जायो एबा सिनायथिनाय जायो। जेरै-

क) सालाइनि जौथाइ (Height of tongue)

ख) सालाइनि बाहागो (Part of tongue)

ग) गुस्थिनि थाथाइ (Lip rounding)

बेवहाय सालाइनि जौथाइ बुडेब्ला गारां बोनाय समाव सालाइनि गोजौ (high), हायगा (mid) आरो गाहाय (low) जानायखौ मिथियो। सालाइनि बाहागो बुडेब्ला सालाइनि गिबि (front), गेजेर (central) आरो उन (back) खौनो मिथियो। गुस्थिनि थाथाइ बुडेब्ला गुस्थिनि दुलुर आरो ब्लां जानायखौनो मिथियो। बर' रावनि गारां रिंसारथिफोरखौ गारां बोनाय समाव सालाइ आरो गुस्थिया गाहायाव होनाय बादि बिफाव लायो। जेरै-

/इ/ गारां रिसारथिखौ गारां बोयोब्ला सालाइनि गिबि बाहागोआ खुगा दन्दरनि गोजौथार बाहागोसिम जौखोलाडे आरो गुस्थिया ब्लां जानानै थायो । /ओ/ गारां रिसारथिखौ गारां बोनाय समाव सालाइनि उन बाहागोआ खुगा दन्दरनि गोजौसिम एबा गुरै थालोसिम जौखोयो आरो गुस्थिया ब्लां जायो । /उ/ गारां रिसारथिखौ गारां बोयोब्ला सालाइनि उन बाहागोआ गुरै थालासिम जौखोलाडे आरो गुस्थिया दुलुर जानानै थायो । /ए/ गारां रिसारथिखौ गारां बोयोब्ला सालाइनि गिबि बाहागोआ इसे हायबोयो आरो गुस्थिया ब्लां जायो । /अ/ गारां रिसारथिखौ गारां बोयोब्ला सालाइनि उन बाहागोआ गाहाय जाबोयो आरो गुस्थिया दुलुर जायो । /आ/ गारां रिसारथिया सालाइनि गेजेर बाहागोआव सोमजियो आरो बेखौ गारां बोनाय समाव सालाइया दलर जाना थायो आरो गुस्थिया ब्लां जानानै थायो । बर' रावनि बे मोनद' गारां रिसारथिफोरखौ सिनायथिनो गाहायाव मोनसे चार्ट होनाय जाबाय ।

गिबि गेजेर उन
गोजौ इ ओ उ
हायगा ए अ
गाहाय आ

मख 'जाथावदि बर' रावनि गासैबो गारां रिसारथिफोरानो गारां गोरा (Voiced) । बे मोनद' गारां रिसारथिफोरा सोदोबनि गिबि, गेजेर आरो जोबथा गासै थावनियावनो बाहायजायो । गाहायाव बेफोरनि बाहायथिखौ मोननैसो सोदोबनि

हेफाजाबै दिन्थिनाय जाबाय । जेरै-
रिसारथिगिबि गेजेर जोबथा

/इ/	इन्जुर	बिबार	सि
	इसिं	सिखा	माइ
	इन्दि	सिखिरि	मावजि
/ओ/	ओंखाम	मोसौ	हो
	ओंथि	सोदोब	बोलो
	ओइ	फोरों	हाजो
/उ/	उवाल	गुवार	सु
	उन्दु	बुथार	खाबु
	उरि	बुर	हाबु
/ए/	एंखोर	गेसाव	जे
	एन्जर	बेसर	बेजे
	एउ	खेव	से
/अ/	अमा	बन	क'
	अन	गन	ज'
	अन्थाइ	हाथर	गथ'
/आ/	आइ	लाव	बा
	आखाइ	फाथो	जा
	आलु	खार	लामा

गारांनै रिसारथि (Diphthong):

सरासनस्त्रायै गारांनै रिसारथिया जादों मोननै गारां रिसारथिनि जथाइ । जेब्ला मोननै गारां रिसारथिफोरा खाथि खाथियै मोनसे रिसारजथाइनि सिडव थानानैनो बाहायजायो अब्ला बेनो गारांनै रिसारथि । बर' रावाव गासै मोनदाइन गारांनै रिसारथिफोर मोननो हायो । बेफोर जादों- /इउ, एउ, आइ, आउ, अइ,

उइ, ओइ, ओउ/। मख 'नो गोनांदि बर' रावनि		आइजो	दाइन	लाइ
गारांनै रिंसारथिफोरखौ सोदोबाव बाहायनानै	/आउ/	आउमा	साउरि	दाउ
गारां बोयोब्ला गोबां समावनो बिसोरनि गेजेराव		आउराइ	दाउराइ	बाउ
रिंसारथि आखुथाइनि सोलायनाय फैयो, मोननै	/अइ/	रइना	गइ
गारां रिंसारथिफोरा मोनसेया गुबुन मोनसेनि		थइला	
सायाव गोहोम खोलैनायनि जाहोनाव एबा गावजों	/उइ/	उइ		रुइ
गाव गोहोम खोलैलायनायनि जाहोनाव मोनफा				दुइ
खाव गारां रिंसारथि (Semi vowel) जोनोम	/ओइ/	ओइ	दैमा	मै
जानो हागौ, गाहायै /व/ आरो /य/। बेनिखायनो			बैग्रि	मोदै
बर' रावाव गारांनै रिंसारथिफोरखौ सोदोबाव	/ओउ/	औवा	सौराइ	जौ
बाहायनायाव गोबां समावनो /व/ आरो /य/ खौ			खौरां	बाथौ
बाहायो। बे मोनदाइन गारांनै रिंसारथिफोरनि				
सोदोबाव बाहायनायखौ गाहायाव होनाय जाबाय।				
जेरै-				

मख 'नो गोनांदि बर' रावनि मोनदाइन गारांनै रिंसारथिफोरनि मादाव 'एउ' आरो 'अइ' आ सोदोबनि गिबि थावनियाव बाहायजाया बेनि अनगायैबो गुबुन मोनद' गारांनै रिंसारथिफोराबो सोदोबनि गिबि थावनियाव जोबोर खम बाहायजायो। लोगोसे गुबै सोदोबफोराव गारांनै रिंसारथिनि बाहायथिया खम, दाजानाय (दाजाबदा दाजाबनानै दानाय) सोदोबफोरावसो गारांनै रिंसारथिनि बाहायथिखौ बांसिन मोननो हायो।

गारांनै रिंसारथि गिबि गेजेर जोबथा			
/इउ/	जिउमा	फिउ
	थिउरिया	जिउ
/एउ/	एउ	गेवलां	खेव
	एउखु	जेवारि	सेव
/आइ/	आइसा	थाइजौ	माइ

हेफाजाब लानाय बिजाबफोर-

1. ब्रह्म, अलिन : राव आरो बर' रावखान्थि, एम. आर. बि. पाब्लिसार्स, गुवाहाटि-7, 2014
2. बसुमतारी, फुकन चन्द्र : बर' रावनि सिनायथि, निलिमा प्रकाशणि, बरमा, बाक्सा (आसाम) इन्दिया, 2021
3. चैनारी, स्वर्ण प्रभा : बर' रावखान्थि, निलिमा प्रकाशणि (ब्रैथि फोसावनाय), बागानपारा, बाक्सा (आसाम), 2012
4. Rajimwale, Sharad: Elements of General Linguistics (Volume I), Fourteenth Edition, Rama Brothers India Pvt. Ltd., New Delhi, 2018
5. Varshney, R.L.: An Introductory Te&tbook of Linguistics and Phonetics (III Reprint), Student Store, Bareilly, 2016-17

इशोर सैथोथि, गोजोन

गुबै- देवकान्त सन्दिकै
राव सोलायगिरि- सनतोष हाज 'वारि

इशोर दं ना गैया-बेनि सोमोन्दै मोनसेथि थिरंथायाव फैनो हायैनि गोबांआनो इश्वोर सोमोन्दै सावरायनायनिफ्राय जानगाराव थायो। दानथे बिदान्थेयाव नांथायाबालासैनो बिथांमोना जुक्ति गैयैनो इशोरखौ बाउसोमनानै मानियो। गोरलै गोसोजों बिथांमोना फोथायोदि बे मुलुग मिथिंगा, अख्रां, हाथखि, बिबार सिखिरि, मानसिखौ लाफानानै जिब मुलुग, लाइफां मुलुग गासिबो इशोरनि सोरजिनाय। इशोरानो बेफोरनि खांगिरि, रैखागिरि आरो बिगोमा। इशोरनि गोसो गैयाब्ला बिफांनि बिलाइ गांसे लोरसोर खालामनो गोहो हैया।

नाथाय दानथे बिदान्थेयाव, आनजाद- बिजिरसंनायाव, मोगथां नोजोराव जोंखौ सोरजिनानै खांगिरि, फुजा आरज गाबल्लानो जोंनि लुबैनायखौ मोनहोगिरि इशोर सासेनि थाथाय ओंखारा। नाथाय इशोरनि थाथाय गोयैखौ खुनुरोखोमबो गनायनानै लायैफोरा गावसोरनि खाबुनि थाखाय मोनसे बाथा बानखौ थाम थिम खालामनानै लादों- “फोथायनायानो इशोरखौ मोनहोयो, दानथे बिदान्थेया गोजानाव।”

मुलुग मिथिंगानि सोरजिगिरिखौ एबा सोरजिनायनि जाहोनखौ दासिम रावबो मिथिनो

मोनाखै। ओंखायनो जों गावखौनो इशोरजों सोरजिनाय होननानै जेबो जेबथा खोथा बुंनो हाया। नाथाय मानसिनि गेजेराव मिथिनो सोरजिगिरिखौ मिथिनो लुबैनाय, हास्थायनाय आरो नाजानायाबो जेबनानै थाडाखै। मानसिनि गियायनि गोबां बाहागोआ सोरजिनि गिबि समनि सावगारिखौ मोननो, मिथिनो नाजागासिनो दं। गोजोर सरकार दाजायैसिम गोजोरनडि - “सामलाय सरकार” मोनसेया खुंथाइ सामलायनाय बादि गोजोर आरो नंगुबै जाहोन संदानजायागौमानि गोजोरनडि एबा सामलाय जाहोन महरै इशोरखौ मानिनानै सोलिनायाव मानि अजद होनना सोरबा सोडेब्ला जोंहा फिन होनो जेबो थानाय नड। होमबाबो मोनसे खोथा बुंनो थाहैगोन जे गोजोरनडि, मोगथांनडि आरो सामलाय जाहोन- महरनि इशोरखौ बायदि रोखोमनि अनथोब बाउनानै जाफुंसार जानो नाजानाया अराय मुलुग बेरेखा, संबिजिर बेरेखा। सुबुंनि जौगासारनाया माब्लाबाबो इशोर सिबिनायजों जाफुंड।

सोरजिनायाव सुबुंनि जौगानाय- गोलैसोनायनि जेबो सानखांथाय एबा बिथांखि गैया। सोरजिनायाव माखासे नेम एबा खांथिसो दं। बे नेमफोरनि सिडव, नेमफोरखौ मानिनानै

बाहायनानै आरो माखासे बिथिडव बै नेमफोरबादि माखासे नेम मानसिया गावनो दानानै सुबुंनि जौगानायनि बिथांखि लादों। मानोना जौगानाय-गोलैसोनाय सानखांथाया खालिबोल' मानसिनि जिउजों सोमोन्दो गोनां। ओंखायनो मानसिनि जौगानायनि साबि-गनसि मानसिनि गावनि आखायावनो। बांग्रि एबा दै बानायाव सुबुं दोहोन खहानि आयदाआबो मिथिंगायारि शक्तिखौ दासिमबो फेजेननो हायै मानसिनि फेरलेबसे शक्तिनि मोनसे लोरबां थासारि। रावबो इशोरआ रावबो मानसिखौ जायखि जाया खैफोदाव मदद खालामा।

नाथाय गासिबो खैफोदनि समाव मददगिरि महरै साननो मोजां मोननायनि लोगोसे मानसिनि आखल दानायावबो इशोर फोथायनाया मदद खालामो होनना भारतारिफोरा दोरोडारियै फोथायो।

मानसिया "सैथोथि" खौबो इशोर फोथायनाय एबा मुलुग मिथिंगानि सोरजिनाय जाहोनफोरजों लोगोसे सरजाबफानो नागिरो। बिथांमोना जानो हागौ गोसो गोर्बोजों फोथायो दि इशोर फोथायनाया मानसिखौ सैथोथि खालामो। नाथाय मोगथां थासारिया गुबुन रोखोमनि। इशोर फोथायसुला मानसिनि गेजेरावबो सैथोथि आरो असैथो मोननै रोखोमनि मानसि दं। आरोबाव इशोर फोथायसुला मानसिनि गेजेराव गोबां असैथो मानसि दं दि सोरबा असैथो जानो थाखाय इशोर फोथायै जानो गोनांथि गैया।

सैथोथिआ मानसिनि सोदोमसिनि

लोगोआव, मानसिनि जौगानाय, एबा अनसायनायजों लोब्बा थानाय सोदोब। मानसिनि अनगायै सोदोमसि गोयै गुबुन जिब मुलुगाव "सैथोथि" सोदोबनि जेबो ओंथि गैया। मानसिया सैथो जानांगौ गावारि गोनांथिनि थाखाय, मानसिनि गोनांथिनि थाखाय सोरजिनाय समाजनि थाखाय। बै "सैथोथि" नि सर' एबा हुदा आरो जौगानायनि बेलायाव मुलुग मिथिंगानि सोरजिनायनि जाहोन एबा इशोरनि खोथा फैनो नाड। इशोर थायोब्ला सैथो जागोन इशोर गैयाब्ला सैथो जानाय नड-बेबादि सानखांथाया सुबुं आरो समाजनि थाखाय खहा गोनां। सोरजिनायनि जाहोनखौ मिथिब्लाबो एबा मिथियाब्लाबो, इशोर दंमारोब्लाबो एबा गैमारोब्लाबो जों बुहुमाव जोनोम जानाय गासै मानसिया थैजासिम थांनानै थानांगोन, थांनानै थानांगौनि थाखाय, जिउ खांनायनि खाबुनि थाखाय जों मोनसे समाज दानांगोन आरो बै समाजनि साफ्रोमबो गावआरि गोनांथिनि थाखाय सैथो जानांगोन। जों सोरबा इशोरखौ गिनानै सैथो जानो मोननाय नड, जों गोजोन खुसि आरो रंजाथाव जिउनि थाखाय गासैबो सैथो जानो नांगोन।

नाथाय जों मोनसे खोथाखौबो गनायाबालाबो जानाय नड दि गावनि जिउनि एबा समाजनि गोनांथार खोथा सानालासिनो खालिबोल' इशोरनि खोथा साननानै सैथो जानाय मानसिनि बिसानाबो खम नडा। बिथांमोना "सैथो जायोब्ला जिउ खांनायनि गासिबो खाबु जागोन"। बै मोनदांथिनि सोलाय "सैथो जायाब्ला इशोरा साजा होगोन"। बे गिनायावसो

सैथो जानानै थायो । बै गिनायनि थाखाय जानाय सैथोथिआबो समाज अनसायदों बेयाव बुंनो गोनां गैया । बायजोनिफ्राय नुनायाव बिथांमोना समाजनि थाखाय मोजां जानानै थानाय मानसिजों एखे । नाथाय बै इशोरनि साजा गिनानै सैथो जानाय मानसिनि गोसोनिफ्राय इशोरनि गिनाया गैया जायोब्ला समाजनि थाखाय गिखंथाव थासारि सोमजिनायनि जाथावना दं । ओंखायनो सैथोथि मानसिया आरजिनांगोन इशोर फोथायनायजों नड, धोरोम फोरमायनायजों नड- आरजिनांगोन गावनि आरो गाव जिउ खांनाय समाजनि गासिबो मानसिनि खाबु, बेखाबु, गोजोनजों लोगोसे अनसायना, जौगानाय, बानजायनाय बाइदि खोथाखौ साननानै ।

सैथोथि आरजिनो थाखाय इशोर फोथायनाया गोनांथार होननानै सानग्राफोरा दानिया थुलुंगाखांनानै बुंनो हागौ दि इशोरनि गिनायाव सैथो जानानै थानाय मानसिनि गोसोनिफ्राय माबा मोनसे राहायै इशोर गिनाया गैया जायोब्ला जेहेथु मोनसे गिखंथाव थासारि सोमजिगोन, ओंखायनो इशोर फोथायनायखौ बिसोरनि गोसोनिफ्राय माब्लाबाबो गैया खालामैया सोलोनि खामानि जागोन । इशोरनि खोथा रायलायनायानो समाजारि आब्रुथिनि रदाय- नाथाय बे सानखांथाया गोलाव समनि थाखाय मोजां फिथाइ होबाय थानाय नड । इशोर, गिनो सोल्लोथाइ होबाय थानायनि ओंथिआ जागोन मानसिनो नंखाय एबा असैथो बाथ्रा फोरेंनाय । “इशोरनि साजा” होननाय जेबो बाथ्रा बे मुलुगाव गैया । मानसिया आंखौ नंखाय खोथा बुंन्ला आं

जायफोर आख’-फाख’ एबा खैफोदाव गोग्लैगोन बै एखे नंखाय खोथा आं गुबुनखौ बुंन्ला गुबुननाबो बै एखे आख’-फाख’ एबा खैफोद गोग्लैगोन । ओंखायनो “नंखाय खोथा बुंन्ला, नंखाय खोथा बुंन्ला इशोर साजा होगोन” बुंन्लानै उन्दैनफ्रायनो इशोर गिनायनि नंखाय सोल्लोथाइ होनायनि सोलाय नंखाय खोथानि नंगुबै खैफोदनि बागै लाइमोनफोरखौ बिदिन्थिजों फोरेंनानै बिसोरखौ जेब्लाबो नंखाय खोथा बुडै मोनसे सुबुंथिनि सोल्लोथाइ होनांगौ । इशोरनि साजा खोथा बुंन्लायानो मोनसे नंखाय खोथा । रावबो इशोर रावखौबो जेबो दायनि थाखाय साजा होया । मानोना इशोरनि जेबो थाथाय गैया ।

ओंखायनो सैथोथिखौ जों थाथाय गोयै इशोरजों गलाय मोन्देर खालामनाड । सैथोथिआ सुबुंथिनि गुन । बै गुननि जौगानायाव इशोर फोथायानाया हेफाजाब होयो साननाया गोरोन्थि । मानोना गोबां इशोर फोथासुला मानसिया आबुडै सैथो नड । एबा सैथो नडि थाखायनो बिसोर इशोर फोथायसुला । नडब्ला एरैबादिबो बुंनो हायो दि इशोर फोथायनायानो गोबां असैथो मानसिनि असैथोनि थुलुंगा । बिदिन्थिनि गोनांथि गैया ।

गोबांआनो गावआरि गोसोनि गोजोननि थाखाय इशोर फोथायनायनि गोनांथि दं होननानै मोनदाडे । गुबुन जेबो नडब्लाबो बिथांमोना इशोर फोथायनानै गोसोआव रंजानाय मोनोलायनो । बुंनो गोनां दि बे रंजानाय आरो गोजोननायनि मोनदांथिया बायदि रोखोमनि फेग्रा बेसाद लॉनानै मोननाय रंजानाय एबा गोजोननाइनिखुइ एसेबो

खम नड। मानसिनि गोसोआव गोजोन गोयै थासारि बबेनिफ्राय सोमजियो जायखौ होखारनो थाखाय इशोर फोथायनायनि गोनांथि जायो। सैथो आरो सुबुंथिनि नंगुबै आखुथाइजों जिउ खुंनायाव राफोद मानसिनि जिउआव, समाजाव दावराव दावसि गोजोन गोयै थासारि फैनायनि खोथा गैया। जोंनि जिउआव फैनाय खैफोद आफोद, दुखु दाहा बायदि जाथायफोरा जोंनि जिउ खांनायनि गावआरि आरो समाजारि नेम खान्थिनि लेथेर फेथेरनि थाखाय जायो। गुबुन माखासे जिब मुलुगनि जाथाइ, सोरजिनायनि नेम खान्थिनि बिजाउन। बेवहाय इशोर थामहिनबा सोरजिनायनि गुदि जाहोननि जेबो मावनो गोनां गैया। जिउनि मोनफ्रोमबो समानो बायदि रोखोमनि खैफोद आफोदनि जाथावथिनि थिलि। लानो गोनां आरो लानो हाथाव सांग्रांथि आरो रैखाथि राहा फारिजों जों जिउनि खैफोद आफोद आरो बेफोरनिफ्राय सोमजिनाय गोजोन गोयि थासारिफोरखौ गैथारा खालामथारनो हाथाराब्लाबो खम खालामनो हायो। गोसोनि गोजोन गैथैखौ होखारनो थाखाय इशोर फोथायनायनि नख र लानायनि सोलाय गोजोन गोयैनि फुंखाफोरखौ फोजोबस्त्रांनो नंगुबै बिथांखि लानानै दावबाय लांनायासो बांसिन फिथाइ गोनां।

बहुमनि गोबां जौगानाय हादरा इशोर आरो धोरोमखौ सावरायनां आयदाफोरनि फारिलायनि जानगाराव दोनबाय। भारत हादराव इशोर आरो धोरोमनि सर' एबा सरसा खालामनाया बांद्राय

जादों- नाथाय बेजों स्त्रें स्त्रें भारतारि समाजा आबुथि, सैथो, गोथार आरो मोजां गात्रि साननो रेंनाय बिजिरनो रेंनाय मानसिफोरजों बुंफब जोबाखै। इसोर आरो धोरोमा मानसिखौ सैथो लामानि दिग होयो- बे खोथाखौ भारतारि समाजखौ नायनानै रावबो थार होननानै बुंनो हानाय जानांगौ गैया। बेनि उल्था इशोर धोरोमा दिनै बायदि रोखोमनि उदखार, गात्रि, हिंसायारि खामानि मावनो थुलुंगा खांहोनायनि फुंखा जानानै फैदों। फुडावनो इशोर बाउनानै सोबख 'नानै जाख्ल 'नानै दोहोन खामायनो ओंखारलांनानै मोनाबिलि समाव गासैबो रोखोमनि पापनिफ्राय बागनायनि थाखाय इशोरनि आर्थिंआव हमनाय मानसिनि बिसाना सानफ्रोमबो बांबोगासिनो। जेबो रोखोमनि गात्रि खामानि आवनो दिनै भारतारि मानसिनि गोसोआ बिबेकजों सौग्राव जाया, मानोना सौग्रावजानाय बिबेकाव फुन्नो थाखाय "इशोर आरो धोरोम" मुंनि गोख्रों मलम दं।

सैथोथि, गोथार, गोजोन, सुखु, रंजानाय- इशोरनि सोरजिनाय सानखांथाय नड। बेफोर मोनसे मोनसे समाजारि-गावारि मोनदांथि। सामाजिक नेमखान्थिफोरा बेफोरखौ सामलायो। बेराफारसे सामाजिक नेम खान्थिफोरानो मानसिखौ गायो। बयबो लोगोसेयैनो सैथो, गोथार, गोजोन आरो सुखुनि फुंखा मानसिया गावनो होननानै फोरमान जायो। इशोरा बैयाव सोर, धोरोमा बैयाव मा??

बर' थुनलाइआव खृष्टान मिछ'नारीफोरनि बिहोमा: सुंद' सावरायनाय

-कैलास नन्द ब्रह्म

बर' थुनलाइनि जारिमिनखौ सावरायनो एबा नायबिजिरनो थाडेब्ला गिबियाव खृष्टान मिछ'नारीफोरनि मुडा जाखांफैग्रोयो । मानोना जाय समाव बर'फोरा राव आरो रावखान्थि आरो थुनलाइनि सोमोन्दै लिरनाय गैयामोन बे समाव खृष्टान मिछ'नारी बिथांमोनहा बर' गामि गफायाव हाबनानै बर' राव, रावखान्थि आरो हारिमुनि सोमोन्दै सुलाद लाना माखासे खारि एबा डाताफोरखौ सोराडव लाबोदोंमोन । बेनिखायनो थुनलाइ बिजिरगिरि बानेस्वर बसुमतारिआ मिछ'नारीफोरा होलांनाय बिहोमाखौ नोजोर बोनानै मिछ'नारी मुगा (Age) होन्नानै बुंदों । बिथाड गावनि लिरबिदाडव मिछ'नारी मुगाखौ 1797 निफ्राय 1959 मायथाइसिम फोरमायदों । थुनलाइ बिजिरगिरि मधुराम बर' बिथाडबो मिछ'नारी थुनलाइखौ "Age of Missionary Literature" होन्नानै बुंदों । नाथाय गुबुन लिरगिरिफोरा मिछ'नारी मुगाखौ 1884 A.D. निफ्रायसो हमनाय नुनो मोनो । मानोना 1884 माइथायाव ओंखारनाय Rev. Sidney Endle नि "An Outline Grammar of the Kachari or Mech Language" बिजाबाल'सो बर' रावनि सोमोन्दै गिबियै सावरायजेननाय जादों । नाथाय फंसे बाश्राखौबो रायखांनानै दोननाया गोनांदि 1846 मायथायावनो B.H. Hudson बिथाड बर' रावखौ बाहायजेनग्रोनानै बेनि फुंखाखौ संदानदोंमोन ।

बर' थुनलाइआव बिबार लाइसिनि सिगां मिछ'नारी बिथांमोनहा बर' राव आरो रावखान्थि आरो बर'फोरनि खुगा थुनलाइनि सोमोन्दै सं दाननानै बर' राव थुनलाइखौ सिनायथि होनो नाजाबोदोंमोन । बेनिखायनो बिबार लाइसि एबा बिबार मुगानि सिगां मुगा होननानै बुडेब्ला मिछ'नारी मुगाखौनो रायखांनो गोनां जायो । मिछ'नारीफोरा गाहायै इराजी रावखौनो बाहायदोंमोन आरो रमान हांखोजों बर' रावखौ लिरनो फरायनो, सोलोंनो आरो फोरोंनो लादोंमोन ।

1884 ए.डि. निफ्राय 1924 मायथाइसिम हालागै गोबां मिछ'नारीफोरा

लिरलांनाय सिगांग्रो रायखांनो हायो Rev. Sidney Endle नि मुंखौ सिगांग्रो रायखांनो हायो । मानोना बिथांनि “An Outline Grammar of the Kachari (Boro) Language (1884)” बिजाबानो बर’ रावनि सायाव एबा बर’फोरनि सायाव लिरजेननाय बिजाब बुंजायो । Endle बिथांनि बे बिजाबाव बर’ सल’बाथा आरो दरं जिल्लानि रायज्जायग्रा रावनि सोमोन्दै लिरनाय दं । बेनि अनगायैबो Sidney Endle बिथांनि गुबुन गांसे मुंख’जाथाव बिजाबा जाबाय “The Kacharies” (1911) “The Kacharies” बिजाबाव Endle बिथाड बर’ माहारिनि जारिमिन आरो बर’ राव आरो बर’ थुनलाइनि सोमोन्दै सावगारि एरखांदों । थोंजोंडैः बुंनो थाडेब्ला Endle बिथांनि “The Kacharies” बिजाबा जाबाय बर’नि खुगा थुनलाइ, बर’नि हारिमु आरो बर’नि जारिमिननि सोमोन्दै लिरनानै जथायनाय बिजाब । नाथाय थुनलाइ बिजरिगिरि मन’रन्जन लाहारी बिथाड गावनि बर’ थुनलाइनि जारिमिन (1991) बिजाबाव एरै बुंदों- Endle बिथांनि रनसायनायफोरखौ सोरजिलु थुनलाइ बुंनो हाया, थेवबो Endle बिथांनि होलांनाय बिहोमाफोरखौ जों बेसेन होनांगोन । खृष्टान मिछ’नारीफोरनि गुबै थांखिया बर’ गामिफोराव हाबनानै बर’फोरखौ खृष्टान धोरोम लाहोनाय एबा आजावहोनायमोन । बे थांखिजोंनो बिसोरो बर’ गामिफोराव हाबदोंमोन आरो मावखुलि गायसनदोंमोन आरो फरायसालिबो लुनानै होदोंमोन । बिसोरो बर’फोरनि दोरोडारि आसारखान्थि जेरै- बैसागु रंजानाय, सावरि- बादालि जानाय बायदि हाबा-हुखाफोरावबो

बर’फोरजों लोगोसे जथायै बाहागो लाफादोंमोन । बेबादिनो खृष्टान मिछ’नारी बिथांमोनहा बर’ सुबुं समाजजों आंगो सोमोन्दो लाखिदोंमोन ।

खृष्टान मिछ’नारी बिथांमोननि गेजेराव गुबुन सासे मुंख’जाथाव लिरगिरि बुडेब्ला J.D. Anderson बिथाडबो सासे । Anderson बिथाड सल’बाथा, बाथा फाव, आरो खुगा मेथाइ जथायनानै “A Collection of Kachari Folk Tales and Rhymes” (1895) मुंनि बिजाब दिहुनदोंमोन । बेफोर सल’बाथा बाथा फाव आरो खुगा मेथाइफोरखौ रमान हांखोजों बर’ रावआव लिरदोंमोन । Anderson नि “A Collection of Kachari Folk Tales and Rhymes” बिजाबनि सल’फोरा जाबाय- दैमा-दैसानि खौरां, सासे अलसिआ गथ’नि खौरां, बामुन आरो बेनि साखरनि खौरां, रावना-रावनिनि खौरां, आब्रानि खौरां, मोखा आरो सेसानि खौरां, सासे फालांगि गथ’नि खौरां, गथ’ मामरानि खौरां, मै आरो दावखा दनदानि खौरां, सासे बोरायनि खौरां, खुसुं आरो मोखानि खौरां, खाना-खुजानि खौरां, सासे आब्रा बोरायनि खौरां, बिदा-बिनानावनि खौरां, एमबु बंग्लानि खौरां, सा स्त्रि आब्रानि खौरां, बोराय-बुरैनि खौरां । Anderson नि गुबुन गांसे मुंख’जाथाव बिजाबा जाबाय Dimasa Vocabulary । बिथांनि Dimasa Vocabulary बिजाबाव Dimasa फोरनि सोदोब बाख्रिनि सोमोन्दै मुंख’नाय दं ।

1884 माइथायाव Rev. Sidney Endle आ “An Outline Grammar of the Kachari (Boro) Language” बिजाब दिहुननायनि उनाव

बेनिनो जेर हमनानै मिछ'नारीफोरा गांसेनि उनाव गांसे गुबुन-गुबुन बिजाब दिहुननानै बर' राव आरो थुनलाइखौ गेवलांसार होदोंमोन। बेफोर मुंख'जाथाव बिजाबफोरा जाबाय Avery नि On the Relationship of the Kachari and Garo Language (1887), Rev. L.O. Skrefsrud नि A Short Grammar of the Mech or Boro Language (1889), J.D. Anderson नि Dimasa Vocabulary (1895), A Christian Sen नि Grammar and Dictionary of Kachari Language (1904), Bestold नि Dimasa Grammar (1906), Rev. W.C. Dundas नि An Outline Grammar of the Kachari (Dimasa) Language (1880)। मुंख'जाथावदि 1923 इं मायथायाव रुपनाथ ब्रह्म आरो मधाराम ब्रह्म जुथायै सुजुनानै दिहुननाय बर' थुनलाइनि गिबिसिन खन्थाइ बिजाब 'खन्थाइ-मेथाइ' आरो 1924 मायथाइआव सतिस चन्द्र बसुमतारिनि सुजुनायाव ओंखारनाय बर' थुनलाइनि गिबिसिन लाइसि 'बिबार' आ ओंखारनायनि उनावबो खृष्टान मिछ'नारीफोरा बर' राव आरो बर'फोरनि सोमोन्दै लिरबाय थानाय नुनो मोनो। बिदिन्थि बादिथै

Rev. Halvalsrud नि "Boro Grammar"(1959) बिजाबानो मुंख'जाथाव।

बर' थुनलाइआव खृष्टान मिछ'नारीफोरा मोनसे जावरिखांनाय लाबोदोंमोन। जायनि थाखाय बर' थुनलाइखौ सावरायोब्ला एबा नायबिजिरनो लायोब्ला खृष्टान मिछ'नारीफोरनि मुं आरो बर' राव आरो थुनलाइनि बिथिडाव बिथांमोनहा होलांनाय बिहोमाफोरा जोंनि मेगन सिगाडाव जाखांफैयो। खृष्टान मिछ'नारीफोरा बर' राव आरो बर' हारिनि थाखाय मावलांनाय बैफोर हाबाफोरा बै समनि गाजा बेरहांनो हमनाय बर' थुनलाइनि आरो बै समनि लेखागोरों बर' सुबुंफोरनि मोनसे थुलुंगा जानानै फैदोंमोन। जायनि जाहोनाव खृष्टान मिछ'नारीफोरा बर' राव आरो बर' थुनलाइनि बिथिडाव हाबा मावनायनि थुलुंगायावनो बर' थुनलाइनि गिबि खन्थाइ बिजाब 'खन्थाइ-मेथाइ' आरो बर' थुनलाइनि गिबि लाइसि 'बिबार'नि जोनोम आरो आथिखाल बर' थुनलाइनि गोजौ मानदान्दा।

हेफाजाब लानाय बिजाबफोर -

1. बर' थुनलाइनि जारिमिन, लिरगिरि- लाहारी मन'रनजन, Publisher : Pradip Kumar Bhowmik, Onsumoi Library, R.N.B. Road, Kokrajhar, B.T.R., Assam.
2. बर' थुनलाइ, लिरगिरि- उजिर, नायल' जाल', Published by, Onsumoi Library, R.N.B. Road, Kokrajhar.
3. बर' राव थुनलाइनि जारिमिन, लिरगिरि- ब्रह्म, अनिल कुमार, Publisher : Amit Adhikary, N.L. Publication, Kokrajhar, BTR, Assam.
4. जारिमिननि नोजोराव बर' थुनलाइ, लिरगिरि- बर', मधुराम, Published by N.L. Publication, ARB, Road, Panbazar, Guwahati-781001.

गोब्राब अल 'खदाव बर' राव-थुनलाइ

-नन्देश्वर दैमारि

गावनि बिमानि रावखौ गाञ्जि मोननाय सुबुं मोननाया गोब्राब । आसामाव गोबां रावआरि हारि-हारिसा दड। खाइफा रावआ गोमालांबाय, खाइफाया जोबस्त्रानायनि लामायाव । खाइफाया फोथांफिननो जुजिगासिनो ।

बेनि गेजेराव मोनसेया जाबाय बर' राव । बर' रावआरिनि अनजिमाया असमीया रावआरिनि उनावनो होनजायो । असमीया रावखौ लिरनाय महर होनाय गिबि सुबुंफ्रा जाबाय खृष्टियान मिसनारिफोर । खृष्टियान मिसनारिफोरा "अरुनोदइ" (अरुनोदय) रादाब बिलाइनि गेजेरजों असमीया रावखौ जेरै दाफुंदोंमोन बर' रावखौबो 1870/1880 नि गेजेरावनो बर' राव खान्थि, बर' खुगा थुनलाइ, बर' मेथाइ सोरजिनायजों बर' रावखौ लिरनाय महर होनो नाजाजेनदोंमोन ।

उनाव 1915 माइथायाव सानैसो गोसो गुदुं बर' सेंग्राफ्रा "बर'नि फिसा आयेन" मुडै गांसे बिजाब सुजुयो । जानो हागौ बेनो बर'फोरनि आखाइजों लिरजेननाय गिबि बर' रावनि बिजाब । बिब्दिनो, मोनसे समाव "द'वान" होनजाबाय थाग्रा बर' राव-थुनलाइया फारियै "बिबार", "अलंबार", "जेनथ'खा" बायदि लाइसिनि गेजेरजों दिनैनि महर मोन्नो खाबु मोन्नो हादों ।

1952 माइथायनि 16 नबेम्बराव बड' साहित्य सभा (बर' थुनलाइ आफाद) दाफुंनयनि उनाव बर' राव-थुलाइ सोरजिनाय खामानिया खरानिफ्राइ खरासिन जाबोनो खाबु मोनबोदों ।

1963 माइथाया बर' बिजोंनि फरायसालि जागायजेन्नाय बोसोर । जायनि जुनै गोब्राब जुजिनादों । गायस'ननो मोनसानदि गुबुनखौ सोंखारिबोनाय जाबाय । खुद्रिनाय दिन्थिबोनांबाय । गुबुनखौ दाय होबोबाय । सोरखारखौ रायग्लुंबोबाय । धर्ना होबोबाय । हान्जा सुरना "मुरदाबाद" होबोबाय । र'मान हांखो नागिरना 1974 माइथाइसिम सोमावसार हाबाफारि लाबोबाय । रोजा-रोजा सुबुंफोरा जेल

जानांबाय। बुजाबाय, जिनाहारि खालामजाबाय। गोबाड जिउ होनांबाय। न'-बां सावजाबाय। रिलिफ केम्प आव अनागारि जिउ खांनो गोनां जाबाय। बिथा हा, गामि नागारना मालाइनि हादोरसाफ्राव हाबसोहैनांबाय। सिलाइ, बोरला लाना हाग्रा बारि, अरण बारियाव हाग्रानि फिथाइ जाना, हाग्रानि बिलाइ, थारुन, था सोमलि जाना दुखु नांथाव जिउ खांबोनांबाय।

बिब्दिनो, जुजियै-जुजियै दिनैनि मासिखौ मोन्नो खाबु मोनदों बर'फ्रा। फरायसालि गायस'नजेननायनिफ्राय लिरनो रेंनाय गोरों-गोराफ्रा माब्लाबाबो जिरायनो मोनबोयाखै। फरायसालिनि बिजाब, बायदि बिजाब सुजुयै-सुजुयै मेंबोनांबोदों। न'खरनि खामानि नागारना हर-सान नांथाब बोनांदों। नांगौ जानाय समाव खन्थाइ, सल', रायथाइ बिजाब लिरबोनांदों रें-दारों। नाजायै नाजायै दिनैनि सिथ्लायवाव गसफैनो खाबु मोनदों।

फरायसालि गायस'नाय जाबाय। बर' रावखौ बावनो लानाय गामिफ्रावबो गायस'न होबाय। गुदि फरायसालिनिफ्राय मुलुगसोलोंसालिसिम दैखोहरनाय जाबाय। भारत संबिजरनि दाइनथि फारियाव थिसनजेननो हाबाय। अफिस-काछारिफ्राव बाहायनो मोन्थाय मोनबाय। आसामनि असमीया रावजों लोगोसे सेंयै बाहायनो खाबु मोनबाय। एसेमब्लि, पारलियामेनट आव राव दानथेज्जाइनायनो, सोंनो, फिननो मोनथाय मोनबाय। साहित्य एकाडेमिनि गनायथि मोनबाय।

थिग बे समावनो लुबैथारि रोखोमसे जेंनाया नुजाफैदों। बर' रावजों थुनलाइ सोरजिनायाव थाबथाफैनांदों दिनैनि बर' फिसाफ्रा। बर' फरायनो रोडै; लिरनो रोडै जोलैनि माखासे बर' फरायसा जोनोम जाबोनो हमदों। जेन' गुबुन हादरनिफ्रायसो हाबस'न फैदों!

गोबाडनो खृस्तियान फोरखौनो दाय होनो सुजुग मोनदों।

खोथाया नंखायबो नड खोमा। मोनसे समाव खृस्तियान दोहोरोमारिनि मोनसे ग्रुपनि दैदेनगिरि, पुरुसितफ्रा बांसिनानो खोला भारतनि मोन। बिसोर असमीयाबो रोड, बर' रावखौबो सोलोंनो गोसो खालामासै होनोब्ला आनासेबो गोरान्थि खालामनाय जानाय नड।

बिसोर गायस'नाय इंराजिनि फरायसालिफ्राव असमीया, बर' एबा जायखि जाया बिमानि राव बुडोब्ला बुग्रा, होमखि होग्रा हुदा (आइन) फ्रा दासिमबो सोलिबोनाया जोबोद दुखु नांथाव। गिबियाव बर', असमीया रावनि आयदा गैयामोन। दायो लाहोनाय जादों ब्लाबो इंराजिनि सायाव बांसिन गोनांथि लायो होनजायो। जायनि थाखाय गिनायजों-मानायजों जायाब्लाबो इंराजि राव सोलोंनो नाजानाडे। रायज्जायनो नाजायो। सोलोंनो, रायज्जायनो माया थालांदों हुस गैया जादों। पापा, मामि, आंक'ल, आनटि, गुद-मरनिं, गुद-नाइट, बाइ-बाइ, टाटा बुंनो हानाय खौनो बिमा-बिफायाबो हानाय बादि मोनदों। रेंनाय बादि मोनदों। बेनि उनाव मा जाहैदों, मा सोलोंदों बेफोरखौ उदिस

लानो समबो गैला। बे खिनिखौ फरायहोनाय आरो रोंहोनायाव बेसेबां रां बाहायखो, बेसेबां सम बाहायखो जेबो हिसाब-निकास खालामनाय जाफेरा।

बिब्दिनो फैयै-फैयै हारिनि बेसेबां खहा खालामनो थांगासिनो दड, खनसेब्लाबो नायफिनजायो खोमा!

बिमा-बिफा मोनखौसो बुंदों। गथ'फोरखौ होन्नो सानाखै। फरायनाय सम जायोब्ला गथ'फोरा रावबो बुजि मोना। बहा, माबे बिजोंजों फरायगोन। बिमा-बिफायासो थिग खालामो, माबेयाव फरायहोगोन।

नाथाय जाहोनबो गैया नड, दड'। सोरबाया बुडे बर' बिजोडव फोरोंगिरिया रेगुलार नड। सोरबाया बुडे, थोजासे नांगौ बादि फोरोंगिरि गैया। सम जाया लासै हज'गारो। बिजाब फोरा सम बादि सफैया। सिलिबासनि गोरोन्थि। फोरोंनांगौ बादि फोरोंथायनि आंखाल। बायदि बायदि। नैजिबा बोसोरनि बारा (1993 निफ्राय दासिम) गाव खुंनो मोननाय खुंथाय गोहो बाहायनो मोननैबो बर' बिजोंनि फरायसालिफ्राव नांगौ बादि फोरोंगिरि थिस 'ननाय, बिलडिं लुनाय, फोसाबनाय हाबाफारिखौ बोरैबा नायख्लेंनानै थानाय जाबोबाय नामा!

जायनि थाखाय गामिनि मानसिफ्रा गामिनि फरायसालिखौ दान्दिसेनि थाखायबो गोसोयाव गोग्लैयासै। फरायसा खमायलांदों ना बारायदों खनसेबो खबर लानाय जायासै। खमायोब्ला माजागोन जेबो सानफेरासै।

दोहोरोमनि बेलायाव इसेबां सांग्रां बै सांग्रांथिया बहा मुखुब मोन!

खोथाया नंखायबो नड खोमा। गिबियै बर' बिजोंनि फरायसालि गायस 'ननाय समाव जानला मोनला फोरोंगिरि थिसनजानाय जाबाय। जाया बानान रोड, हांखो सिनाया, लिरनो रोड, सानखानथि रोड, सानजाबफारिनि गियायन गैया। खाइफाया आनदार मेट्रिक, खाइफाहा बायनानै लानाय फोरमान बिलाइ, खाइफाया नकलजों पास जानाय। बुडेब्ला गाज्जि। बुंथावा।

लासै लासै सज्फैबाय इंराजि बिजोंनि गाग्लोबनो हमनाय थासारि। इसे दाय मोनब्लानो गावथारलायनो रोंनाय बर' सेंग्रा, फसंथानफोरा बै समाव माखौ बारा गोनांथि दं सान्नो बावबायखोमा। लोब लोब बारायनो हमनाय इंराजिनि फरायसालिनि सायाव नोजोर होफेरासै खोमा। जा आयदाया हारिखौ फोजोबस्त्रांनो लादों।

फिथाइ महरै गोबां फरायसा, गोबां सुबुंडानो दा बर' रावजों जेबो लिरनोबो हाला, गोसोबो खालामा। बर' लिरोब्ला सिनायै, रोडै जानाय गोबां मानसि नुबोबाय। लोगो मोनबोबाय। फोरोंगिरि (बर' बिजोंनि) जानानैबो फरायनो हायै जाबाय। असिलासो ना फराइनो रोंमारा मिथिला। बिब्दिब्ला बिसोरनिफ्राय बर' थुनलाइनि मा आसा खालामजायो?

बिसोरनो दा बर' समाज, बर' फसंथाननि बिबानगिरि, गाहेला, दैदेनगिरि।

बिसोरनि बांसिनानो इंराजि बिजोंनिफ्राय

फैनाय फरायसा । बर' रावखौ रोड, रोड---
इंराजि रावनिबो थुनलाइ सोरजिनो हागौमोन ।
इंराजिनिफ्राय बर'नि राव सोलायनाय, बर'निफ्राय
इंराजियाव राव सोलायना बर' राव थुनलाइखौ
जौगाहोनायाव बिहोमा होलांनो हागौमोन !

नाथाय साबैसेया बेफोरखौ नोजोर
लाखिना खामानि मावनो लादों गोसोयाव फैया ।
“ Merry Christmas, Happy New Year” नि
सानस्त्रिनिफ्रायनो बारग'बोनो लुगैया ।

बिब्दि साननायजों बर' राव-थुनलाइया
बेसेबां सम जोरबावगोन ? बेसे बोसोर थावरिनो
हाबावगोन... !

माबा, दानिया रोखोमसे बादायलायना-
यावसो हाबसनजोबबाय । सोर बेसेबां
इंराजिनि फरायसालि गायस'ननो हायो बेनि
बादायलायनाय । खृष्टियानफ्रा हायोब्ला जों
मालाइ हाया ! सोरबाया हायोब्ला मास्टर
मावफेरलायनायानो आं मालाइ हाया !

साबायखर ! बर' फिसाफोर !

मैखुन बेरनाय बादि गामि-गामि, नोगोर-
नोगोर इंराजिनि फरायसालिया बांनायनिफ्राइ
बांबोनो हमबाय ।

फिथाइ महरै मोन्नो खाबु मोनबाय,
बर' बिजोंनि फरायसालिफ्राव फरायसा गैला ।
फरायसालिफ्रा बन्द जानायनि लांगोनायाव ।

फोरोंगिरि थिस'ननोबो राहा गैला । फरायसायानो
गैयाब्ला मानोथो फोरोंगिरि ?

फोरोंगिरि “साखि” मावसाबना न'लुनो
हादोंमोन, गथ'फोरखौ इंराजि बिजों आव (?)
फरायहोनो हादोंमोन बैबो गोथेनो बारा सम
नांला !

सुंद'यै, इंराजि बिजोंनि जुनै बयनिखुइबो
बांसिनै खहानि मोगा-मोगि जानांदों बर' राव
-थुनलाइया । बर'नि लिरनांगौब्ला बर'फ्रानो
लिरनांगोन । बर' रावखौ सोदांनोब्ला बर'फ्रानो
सोदांनंगोन । बर' बिजाब फरायनोब्ला बर'फ्रानो
फरायनांगोन । गुबुना फरायनो फैया ।

मालाबा असमीयाजों लिरो । उपाय गैया ।
बर'नि लिरना रावखौबो फरायहोनो खावलायनो
हाया । खावलायोब्ला फरायगोन होनना सानथावा ।
लाजिया फांजिया जासियोब्ला मा फिन्नाइ
मोनगोन साफ्रोमबो लिरगिया मिथिखायो । बुंला ।

सैथोसिन बाथ्राया जाबाय, बर' थुनलाइया
गोबारै अलखदनि मोगा-मोगि जानांदों, खोथाया
दुखु नांथावब्लाबो बेसेबा सैथो । बावैसो आनथोर
मोन्नाय, जौगानो आखा-फाखा जाबोनाय
बर' राव-थुनलाइया जेन' दासान्दि खुनुरुखुम
अक्सिजेन मास्क लानानै थांना थानायनि थाखाय
जुजिबाय थादों बे बायदिसो मोनदांदों मानोबा ।
दालाय सोरखौ दाय होनो देलाय !

बर'फोरनि आबाद मावनाय हारिमु: जारिमिनारि नोजोरजों

-डः इन्द्रजित ब्रह्म

मंगलयेद किरात बर'फोरा हारिमु गाहाय हारि। हारिमुवानो बिसोरनि सिनायथिनि बिथा। बे हारिमुनि गेजेरजोंनो चीननि हयांह-इयांसिक्रियांनिफ्राय जागायनानै पुरगाजोंथिपुर आरो दिनैनि आसामसिम बर'फोरा गोजोरै सिनायथि होगासिनो दं। बर'फोरनि हारिमुनि बाख्रिया गोगोम आरो हारिमुनि मोनफ्रोमबो बिथिडववो गेवलांसारनाय। बै हारिमुनि बिथिडव दानाय लुनाय आरो आबाद मावनायाव आखा-फाखा। बे हारिमुवा बर'फोरनि गोजाम हारिमु। दिनैसिम जाय दानाय लुनाय आरो बिथाखौ मोननो हायो आरो बेखौ सावरायजायो। आबाद मावनाया सोलिनानै दं। बे हारिमुनि सायाव जारिमिनारि

हारिमुवा जादों मोनसे माहारिनि थांना थानायनि सिनायथि आरो जिउ लामा। जुनार गोसोखौ एंगारनानै गोजौयाव दावगालांनायनि जि नाजानाय, हास्थायनाय बेनो हारिमु। बे बिथियाव बर'फोरा उन नड। सुबुं माहारिनि सिनायथि होनो हानाय बाइदि बिथिंनि हारिमुयाव बर'फोराबो जौगासारनाय। बैफोर बिथिंफोरनि मादाव बर'फोरनि आबाद मावनाय हारिमुवाबो मख'जाथाव। बर'फोरनि आबाद मावनाय हारिमुवा गोदान नड, जोबोद गोजाम। बर'फोर गुबैयै आबादारि हारि। सम लायै सम, बोथोर लायै बोथोर आबाद मावनाय हारिमुआ बर'फोरनि जोबोद रायखांजाथाव। आबादानो बिसोरनि जिउ खुंनायनि गुबै राहा। आबादखौनो बर'फोर रांखान्थिनि गुदि राहा होननानै सान्नानै लायो। जायनि जाहोनाव, बोसोरनि आबादखौ आबुडै मोननो थाखाय हा-हुफोरखौ दै मोन्नाय मोनै सुबिदाफोरखौ नायनानै आबाद मावो बर'फोर। दैमा जियाव दंग' दंला, बान्दो थेनानै आबाद मावनानै दिहुनो। बोरि जायगाफ्राव सबाइ-सिबिं, फाथोनि अनगायैबो इन्दि बिफां बाइदि रोखोमनि गोरान आबाद आरो दैज्लां बोथोराव माइनि आबाद खालामो। मंगलिय बर'फोरा बै समाव देखो हान्था मेला आरो बेफार फालांगिनि गुबै लामा हमनानै लादोंमोनब्लाबो दै जिडव रायजो जानाय आरो आबाद मावनायखौबो गुदि खालामनानै लादोंमोन। गोदोनि समाव दैमा दैसा जिडव थानानै, मावनानै मोननाय आबादफोरखौ दैनि लामाजों लांलाय-लाबोलायनि

फालांगिबो खालामोमोन। जायुनाव, दैमा जिडव रायजो जानाय हुदाखौ दिनैसिमबो नागाराखै बर'फोरा। दैमा जिंयाव थानानै आबाद मावनानै जिउ खांनाय, इन्दि बिफांनि आबाद, खुननि आबादनिफ्राय जि-जोम दिहुननाय बे गोगोम जौगा हारिमुखौ बर'फोरा चीन हादोरनिफ्रायनो लाबोफादोंमोन। बर' हौवाफोरा गावनो नांनाय उदैनि आदारखौ दिहुननायाव आखा-फाखामोन। बे आखा-फाखा जानो हानाय, राफोद आबाद मावनाय हारिमुवा दिनैनिल' नड, बे हारिमुवा जोबोद गोजाम। मानोना, आबाद मावनाय हारिमुखौ हयांह आरो इयांसिकियां ओनसोलाव रायजो जानाय समावनो गोख्रों जाबोखादों।

बर'फोरा बायदि रोखोमनि आबाद मावनानै गावसोरनि नांगौ आदार आरो थांनानै थानो हानायनि राहाखौ खालामनानै लायो। बे आबाद मावना.नि हारिमुवा बर'फोरनि गेजेराव जौगासार जानानै थानाय आरो दिनैसिम सोलिनानै थानाय आबाद मावनाय हारिमुनि सायाव जोनोमनि जारिमिनारि गुदि बिथा मोन्नो हायो। बर'फोरनि आबादफोरनि मादाव फाथो, खुन, इन्दि बिफां आरो माइ आबादानो गाहायमोन। हाल एवनानै आबाद मावनाय, माइ गायनाय हुदाखौ बर'फोरा मिथिस' हायै समनिफ्रायनो लाबोदों आरो बे हारिमुनि जारिमिनारि जोनोमनि गुदि बिथाखौ बिदिन्थि बादियै गाहाइनि सावरायनायनिफ्राय रोखा जानो हायो -

1. फाथो आबाद: फाथो आबादखौ बर'फोरा आथिखालाव बोरि जायगायाब मावो।

गोदोनि समाव दैमा खाथिनि हायेनाव खालामोमोन। मानोना, फाथो आबादनि थाखाय दैनि गोनांथि दं। दानखांनानै सोमनो आरो जिरनानै फाथोनिफ्राय खुन्दुं मोननो थाखाय दैनि दोरखार दं। माइ आबादनि थाखायबो दै गैयाब्लानो जाया। जायनि थाखाय बर'फोरा बेबायदि आबादनि थाखायबो दै गैयाब्लानो जाया। बेखायनो, बर'फोरा बेबायदि आबाद खालामनो रोंनायखायनो फाथोनिफ्राय खुन्दुं दिहुन्नानै जि दानो रेंदोंमोन। चीनाव थानाय समाव आबाद मावनायनि आखा-फाखा जाबोखानाय हारिमु सोदोमस्त्रिखौ बेसेबा बोसोर उनावसो बर'फोरा बुरलुंबुथुर हायेनाव (आसामाव) लाबोफादोंमोन। बे हारिमुजों लोब्बा थानाय बाथ्राखौनो ७ प्रभास चन्द्र गस्वामीया एरखांनानै एरै बुंदों- 'पाटर कापर तैयार करार कौशल बा पाट पहार नियम असमे चीन देशर परा सिका बुलि क'वा हय (बु:हा:ब:सो:) 37। बे बाथ्रायानो फोरमान जायोदि, बर'फोरा गावसोरनो बे हारिमु सोदोमस्त्रिखौ लाबोफादोंमोन। बै समाव रावबो आसामानि गुबुन फोलेरनि मानसिया थांनानै लाबोयाखै।

2. माइ आबाद: बोरि जायगाफ्राव सबाइ-सिबिं, फाथो, इन्दि बिफांनि बाइदि रोखोमनि गोरान आबाद मावोब्लाबो माइ आबादखौनो बर'फोरा गुबै आबाद होननानै सात्रानै लायो। माइनि आबादखौबो चीन तिब्बेतियान बर'फोरा चीननिफ्राय गावसोरजों लाबोफादों। आबाद मावनाया बर'फोरनि आंगो हुदा। आसामाव थाफैनाय उनावबो बर'फोरा गोदोनि चीननि

हादरफोरजों थांलाय-फैलायनि सोमोन्दोआ दंमोन। बेनि सायाव बिथां गस्वामीया बुंनाय बाश्राखौनो प्रेमानन्द बसुमतारी बिथाड गावनि बिजाबाव एरखांदों एरै 'शालि धनर खेति जे प्राचीन असमत आछिल तात क'नो सन्देह नाइ (बु: हा:ब:सो:) 38। बेनि अनगायैबो बर'फोरनि खुगा मेथाइ, बैसागु मेथाइफोरा बोथोरनि माइ आबादखौ लानानै मखनाय एबा मेथाइ रोजाबनाय गोबां मोन्नो थाडो। बेखायनो, बे हारिमु सोदोमस्त्रिखौबो बर'फोरा गावसोरनो लाबोफादोंमोन। गुबुन हारिया रावबो लाबोयाखैमोन, बेयो रोखा।

3. इन्दि बिफांनि आबाद: बर'फोरा इन्दि बिफांनि आरो खुन बिफांनि आबाद मावोमोन। आसामाव फैनानैबो बे हारिमुखौ नागारफैयाखै। इन्दि बिफां गायनाय हारिमुवा बर'फोरनि आंगोथार। बेखायनो, इन्दि बिफांआ बर'नि सोदोमस्त्रियाव गोबां गोहोम दं। बेनि बिलाइखौ बर'फोरा मुलि हिसाबै बाहायोमोन। इन्दि बेगरखौ फोरात्रानै हालदेंगा सुनानै अर सावनानै बाथि हिसाबै बाहायोमोन। इन्दि बिलाइजों मुलि महरै बाहायो, एम्फौ फिथोबनिफ्राय खुन्दुं दिहुनो। खुन बिफांजों मुगा लाथा एम्फौ फियो। बे इन्दि आरो खुन आबादनिफ्रायनो, इन्दि जि-जोमनि, जोनोम आरो बेनिफ्रायनो असमियाफोरनि मुगा कापुरा फैदों। जाय बाश्राखौनो कौटिल्यनि अर्थ 'शास्त्राव कामरुपखौ केशकर भूमि एबा एम्फौ फिग्रा रायजो होननानै मख'नाय दं आरो ग्रीक दावबायारिफोराबो आसामनि एम्फौ फिनानै खुन्दुं लुनानै सि दानाय एखे खोथाखौ

लिरलांदों (बु: हा: ब: सो:) 381 एम्फौ फिनाया बर'फोरनि गेजेराव गोदो-गोदायनिफ्रायनो सोलिबोगासिनो दं। इन्दि बिफां गायनानै इन्दि एम्फौ आरो मुगा एम्फौ फिनाय, इन्दि एम्फौ, मुगा एम्फौ फिथोबनिफ्राय खुन्दुं लुनाय हुदाखौ बर'फोरा दासिमबो नागाराखै। मेसें बोथोराव भुटियाफोरा बर' गामिफोराव फैनानै एम्फौ फिथोब नागिरफैनानै बायनानै लाफैनायफोरानो बेनि मोनसे रोखा फोरमान।

बेखायनो, दैमा जिडाव थानानै आबाद मावनानै मोन्नाय मुवाफोरनिफ्राय, गान्नाय जोमनायनि सि-जोमफोरखौ बर'फोरा गावसोरनो दिहुनोमोन आरो सि-जोम, फाथो, माइफोरखौ खाथि खालानि सोमोन्दो थानाय रायजोफोरजों लांलाय-लाबोलायनि बेफार खालामदोंमोन। दिनै बर'फोरा इन्दि सि बाहायो एम्फौ फियो, फाथो-सबाइ माइ आबाद मावो। जाय हारिमुखौ बर'फोरा चीननिफ्रायनो लाबोखादोंमोन। गेदेमा पण्डितफ्रा थि खालामनाय बादिब्ला, आसामाव गोदान खलबनि मुगाया (खू: गि: 1000) मायथाइआव आर्यफ्रा फैब्ला बर'फोरा मुगामि आबाद मावग्राखामोन। माइ फोनाय आरो खोथिया फुनानै गायफिननाय मोननै रोखोमनि माइनि आबादखौ बै समावनो रोखायोमोन। दंग' जावनानै दै थिसन्नाय नेमफोरखौ बर'फोरा राफोद गियानजों खालामोमोन। बे बाश्राखौनो बिरेन्द्र गिरि बसुमतारि बिथाड गावनि रायथाइ बिजाबाव एरै बुंदों दंग' दंला थेनानै बिसोर दैज्लां बोथोराव माइ गाइयो फुयो आरो मेसें

बोथोराव गोरान आबाद मावो (बःहाःमःमुः) 18। खुननि आबाद खालामनानै, खुननिफ्राय खुन्दुं दिहुन्नानै सि दादोंमोन। फाथो आरो एम्फौ लाथानि फिथोबनिफ्राय खुन्दुं लुनानै, दानाय लुनाय, आगर- आखाइ एरनाय हुदा हरिमुवा बर 'फोरनाव दंखायोमोन। दंग'-दंला, जाम्फै थेनानै बर 'फोरनि आबाद मावनाय, बे बाथ्राखौनो, प्रेमानन्द बसुमतारिआ गावनि बिजाबाव बेखेवथि होदों- एरै 'बे दंग' सोदोबनिफ्राय बर 'फोरा असमिया दंग' सोदोबा जादों।' दै गलानाय > दै-ग> दंग दै जादों (बुःहाःबःसोः) 49।

गोदोनिफ्राय आथिखालसिमनि सावगारिखौ नायोब्ला फोरमान जायोदि माइ आबादानो बर 'फोरनि गुबै आबाद। बे बाथ्राखौ मिसनारि मुगायाव सि. एन्डेलआबो फोरमाइ लांदों। गुबैयै बर 'फोरा बेनि थाखाय हा बासिनानै लायोमोन। बे बाधाखौनो ड० खामेशर ब्रह्म बिथांआ गावनि बिजाब Study in Cultural Heritage of the Bodos' आव मखदों (P-- 5-6)। माइ आबादाबर 'फोरनि गाहायखायनो बेनि गाहामनि थाखाय मोदाइ दावदायनि मुडव पुजाफोरखौ खालामजेनबोदों। आफसा होदों, खेराइ होदों आरो दामग्रा-देग्रा खाम, सिफुं, सेरजा, जथानि जोनोम जादों। खाथि गासा, मागो दमासि,

बैसोगो, बाइदि फोरबो आरो रंजानाय-मोसानाय जानाय लौनायफ्रा बर' समाजाव जोनोम जादों।

फोजोबनायाव बुंनंगौआ बेनोदि गोजौनि गुदि बाथ्राया फोरमायदों एबा जाय जेखि बुडथों मानो जारिमिनारि गुदि बाथ्राया बुंदों बर 'फोरनि आबाद मावनाया बर' हरिमुजों गेदेर सोमोन्दो दं, जिउनि थांना थानायनि बाथ्राजों सोमोन्दो दं। दैमा जिडव थादों, माइ, फाथो आबाद खालामदों। माइ गायदों-फुदों, एम्फौ फिदों, इन्दि जि दादों, मुगा लाटानिफ्राय मुगा जि दादों। दैमाजों फालांगिरि खालामनानै रांखान्थियारि जेंनाखौ सुस्रांदों। जारिमिनारि गुदि बाथ्राया बुंदों, बर 'फोरा दैमा सेराव रायजो जानानै हरिमु सोदोमस्त्रिखौ गेवलांसार होदों। हरिमुगिरि जारिमिनगिरि बिथांमोननि थुनलाइयाव रायखांनाय बाथ्राफोरा बुंदों- आबाद मावनाय खान्थिजों बर 'फोरा गोगोम हरिमुखौ रैखा खालामदों। आबाद मावनानै आंखालखौ फोजोबनायनि अनगायैबो गुबुननि आंखालखौबो गैया खालामदों। आंगो हरिमुनि महर-मुस्त्रिखौ रैखा खालामदों। बे आबाद मावनाय गोगोम हरिमुखौ बर 'फोरा चीननिफ्राय हयांह' इयांसिकियांनिफ्राय दिनैनि आसामसिम लाबोफादोंमोन होन्नानै रोखा फोरमान जायो।

मेलेरिया सुंद' सल': मोनसे सावरायनाय

-खोम्था नार्जारि

जागायनाय:

1.1 सिनायथि: 'मेलेरिया' सुंद' सल'वा जनिल कुमार ब्रह्म लिरनाय 'जापाननि सैमा' सुंद' सल' बिजाबनि सिडाव थानाय दोंसे सल'। जापाननि सैमा सुंद' सल' बिजाबखौ जनिल कुमार ब्रह्म बिथाड 2009 इं मायथाइयाव फोसावदोंमोन। बिथांनि बांसिन सल'फोरानो बर' समाजनि सावगारिखौ बिथा खालामना लिरनाय। बेबादिनो मेलेरिया सुंद' सल'वाबो बर' समाजनि सावगारिखौनो बिथा खालामना लिरनाय। मेलेरिया सुंद' सल'वाव गाहाय आखल दांदुलि आरो बेलदामोनहा बर' समाजनि थान्दै हिसाबै बेरखांदों। बिथांमोननि आखलनि गेजेरजों बर' समाजनि गामियारि सुबुंफोरा माबादियै रायजो जायो, सोलोंथायनि खाबु मोनैनि थाखाय सोलोंथायाव उन जानाडे आरो खोमसि फोथायनायजों माबादियै बुसोमजायो आरो बायदि जेंनाजों मोगा मोगि जानाडे बेखौ बे सल'नि गेजेरजों फोरमायनायखौ मोन्नो हायो।

1.2 सावरायनायनि थांखि: बे सावरायबिदांखौ सावरायनायनि थांखिफोरा जादों-

1. बर' समाजाव खोमसि फोथायनाया माबादि गोहोम खोख्लैदों बेनि सायाव सावरायनाय।

2. बर' समाजनि नख'रा मा मा जाहोननि थाखाय लोरबां जायो बेनि सायाव सावरायनाय।

1.3 सावरायनायनि गोनांथि: खोमसि फोथायनाया गावजों लोगोसे नख'र, समाज गासैखौबो गुबुंले खालामो आरो खैफोदाव खोख्लैयो बेनिखायनो खोमसि फोथायनाया मा आरो बेयो बोरै सुबुंनि गोसोआव सोमजियो बेखौ मिथिहोनायनि गोनांथि दं। लोगोसेनो मा मा जाहोननि थाखाय अखन्दाया थैनो गोनां जाखो बेखौ सावरायनायनि गेजेरजों सुबुंफोरनि गोसोआव सांग्रांथि लाबोनांगौनि गोनांथि दं। बेनिखायनो बे सल'नि सायाव सावरायनांगौनि गोनांथि दं।

1.4 सिगांग्रो सानमिजिं: बे सावराय बिदांनि सिगांग्रो सानमिजिंआ जादों जनि ल कुमार ब्रह्मनि सुजुनाय 'जापाननि सैमा' सुंद' सल' बिजाबनि सिडव थानाय मेलेरिया सल'वाव बेरखांनाय बर' समाजनि सावगारिखौ सावरायनाय। बे सावराय बिदांआव खोमसि फोथायनाय, सोलोंथाय, साखोन-सिखोन थानाय हुदा, आरो बर'फोरनि रांखान्थियारि हालोदनि सायाव सावरायनाय जागोन। लोगोसेनो बेफोरनिफ्राय माबोरै सांग्रांथि जानो हायो बेनि सायावबो सावरायनाय जागोन।

1.5 बिखान्थि: "मेलेरिया सुंद' सल'वाव बेरखांनाय बर' समाजनि सावगारि: मोनसे सावरायनाय" बे आयदानि सायाव सावरायनो लानायाव गाहायै फोरमायलुवारि बिखान्थिखौ बाहायनाय जादों।

1.6 फुंखा: बे सावराय बिदांखौ लिरनायाव फुंखा हिसाबै गाहायै लेडइ फुंखाखौ लानाय जादों।

1.7 आयदाजों लोब्बा गोनां लिरबिदां बिजिरसंनाय: मेलेरिया सुंद' सल'वाव बेरखांनाय बर' समाजनि सावगारि मोनसे सावरायनाय बे आयदाजों लोब्बा लाखिनानै सावरायनाय सावराय बिदां जों मोन्नो थाड। बे सावराय बिदांआव सल'नि गेजेरजों बेरखांनाय बर' समाजनि सावगारि जेरै- सोलोंथायारि, खोमसि फोथायनाय, अजानि बिफाव, रांखान्थियारि हालोद बायदि बायदिखौ बिथा खालामनानै सावरायनाय जागोन।

बेखेवनाय:

2.1 सोलोंथाय: सोलोंथायखौ जों दिनैनि दिनाव गंसे हाथियार होन्नानै बुंनो हायो। सासे सुबुड जेरै गावखौ हाथियारनि गेजेरजों सुथुरनिफ्राय रैखा खालामनो हायो एबा बायदि जेंनानिफ्राय रैखा मोन्नो हायो बेबादिनो सोलोंथायनि गेजेरजोंबो सुबुड गावखौ बायदि खैफोदनिफ्राय रैखा खालामनो हायो।

सोलोंथाय लानायनि गेजेरजों सासे सुबुड गावखौ मेगन गुनु खालामनायजों लोगोसे बायदि गियान, रोंमोनथाय, फोथायथि गोहो, सान्नाय हनाय बायदिखौ बारायहोनो हायो आरो थांना थानायाव नुजानाय बायदि जेंना जेंगोनाफोरखौ जोबोर गोरलैयैनो सुस्त्रांना लानो हायो, जिउआव गोजोना फैयो। नाथाय सोलोंथाय गैयैफोरा बेफोरनिफ्राय गोजानाव थानो गोनां जायो। सोलोंथायनि थाखायनो दिनैनि समाव मानसि आरो जुनारनि गेजेराव हा अख्रांजों गोजौ गाहायनि फाराग थानायबादि फाराग मोनो। सोलोंथायनि थाखायनो फोथायनो गोब्राब मोनलायनाय खामानिफोरखौ दिनै सुबुंफोरा मावगासिनो दं। गिदिर गिदिर न' बां, गारि मटर, रकेट, एमनखि अखाफोर, मंगल ग्रह' बायदियाव रायजो जाहैनायनि बाथ्राखौबो सानगासिनो। बेफोरनि गुदियावनो दं सोलोंथाय। नाथाय सोलोंथाय गैयै मानसिफोरा बेफोरखौ मावनो हानाया गोब्राब एमनखि बिसोरो फोथायनोनो गोब्राब मोनो जाउनाव खोमसि फोथायनाया जायगा मोनो।

बेबादिनो 'जनिल कुमार ब्रह्मनि' "मेलेरिया" सुंद' सल'खौ नायोब्ला नुनो मोनोदि बे सल'नि

गाहाय आखु बेलदा आरो दांदुलि मोनहा सोलोंथाय मोनै सुबुं। बेलदा आरो दांदुलि मोनहा सोलोंथाय मोनै सुबुंखायनो बिसोरनि सान्नाय हनायफोरा जोबोर गुसेब। बिसोर गुवार मुलुगजों गोरुबफानो हायाखै लोगोसेनो बिसोरो गुवार नोजोरजों बिजिरनानै सैथोखौ नायबिजिरनो रोड। बिगियाननि दिहुनथायखौ बिसोरो फोथायनो गोब्राब मोनो। जाउनाव बिसोरो बिगियाननि दिहुनथायफोरखौ बाहायनानै गावसोरखौ गोदान मुगाजों गोरुबफाहोनो हायाखै आरो फिसा फिसा जेनाफोरजों मोगा मोगि जानांदों। नख'र गंसेनि गेजेरावनो बिसि फिसायजों नालाय खमलाय दावराव दावसियाबो सोमजियो। बेफोर गासैनिबो गुदियावनो दं सोलोंथाय। सलनि गाहाय आखु बेलदा आरो दांदुलिमोनहा सोलोंथाय गोयैनि गुदिखौ गोथौवै नायहरोब्ला जों नुनो मोनोदि बिथांमोना सोलोंथायखौ गोनांथि होनना सानाखैमोन। बेनि अनगायैबो जोंनि बर'फोरा बांसिनानो हाग्रा एवस्त्रांना हादानाव रायजो जायोमोन जाउनाव फरायसालिनिबो आंखाला नुजायो आरो सोलोंथायखौ गोनांथि होन्ना सानाखैमोन। बेखायनो सिगां समनि बर'फोरा सोलोंथायाव जौगानो हायाखै। बेफोर गासैबो सावगारिफोरखौ जनिल कुमार ब्रम्हनि मेलेरिया सुंद' सल'वाव बेलदा आरो दांदुलिन आखुनि गेजेरजों बेरखानायखौ नुनो मोनो।

बेनि बिदिन्थिफोरखौ मोनैसो बे सावराय बिदाडव दिखांना होनाय जाबाय। जेब्ला जों सलखौ फरायगोन अब्लानो गिबि सारियाव

मोनगोन। जेब्ला बेलदा आरो दांदुलिन फिसाज्ला अखनदाया लोमजादोंमोन अब्ला बेलदाया फिसाज्ला अखन्दाखौ डक्टरनाव लांनो बुंदोंमोन। नाथाय सोलोंथाय मोनै बेराम आजार आन्दाज खालामनो रोडै डक्टरनि बिफावखौ मिथिरोडै दांदुलिया थोंजोडैनो फिसायखौ बुंबायसो “बारसो नांदों बियो। अजानियासो खामानि जागोन। अजा नडब्ला डक्टरा हनाय नड अखन्दानि बेरामखौ सोखानो।” बि. 70 बे बाथ्राखौ लानानैनो बिसि फिसाय नखराव दावराव दावसि जालायबाय थायो। अजाजों गेलेबाय थाना बेरामा बारानिफ्राय बारा जालाडे उनाव जोबथारनायाव डक्टरनो दिनथिनायाव डक्टरा मिथिबाय अखन्दाया मेलेरिया बेराम जादों नाथाय बेरामा बारानिफ्राय नाखेबनायलाय अखन्दाखौ फोथानो हायाखिसै। बेफोरनि गुदियानो जादों सोलोंथायनि आंखाल।

आरोबाव जेब्ला बेदबारि गामियाव मेलेरिया जानानै गोबां सुबुंफोरा लोमजासावदोंमोन, थैसावदोंमोन अब्ला डक्टरफोरा बिगियाननि आन्जाद गोनां मुलि आरो मुलि फुनखानाय मुसारि रानना हरदोंमोन अब्ला माब्लाबाबो मुलि मोनजाफेरि आरो मुसारि खोंफेरनो मोनि दांदुलिया फिसायखौ एरै बुंनो रायदोंमोन। गोबाख'थै गोबाख'थै फिसाय बेलदाखौ जोनो जोनो रागा जोंनानै रायहरो दांदुलिया- “फाफिया, थैनो रोडैया। आंनि एम्फौखौसो फोथैनो लाबोदों नों बे मुसारिखौ। नाड नाड आंनो नोंनि मुसारिखौ। बिमा खालि-बिफा खालि गोदोनिफ्रायनो मुसारि

सोनानै उन्दु बोफेराखै। बुरिनानै दासो नॉनि मुलि फुननाय मुसारि। बबे थामफै बेलाय आंखौ अरनानै मेलेरिया खालामग्रायालाय?’’ बिदि बुंनो दाखोरबारियाव मुलि मुसारि ज्राव गारहैयो दांदुलिया। बि. 72-73

बेबादिनो गोबां बिदिन्थि होनो हाबावो। बेफोर गासैबो जाथायफोरानो सोलोंथाय गोयैनि थाखायनो जादों होन्ना बुंनो हायो। सोलोंथाय गोयैखायनो बिसोरो मोजां गाज्जि, नंगौ नडखौ गुवारै बिजिरना नायनो हायाखै। जाउनाव खोमसि फोथायनायजों गावसोर जेखौ सानदों बोखौनो गोसो बायदि मावलाबायना बायदि खैफोदजों मोगा मोगि जानांदों।

2.2 साखोन सिखोन: सुबुड थांना थानो थाखाय गाहायै मोनथाम बिथिंनिल’ गोनांथि दं होन्ना खायफाया बुंनो नागिरो। बेफोर मोनथाम बिथिड जादों आदार, गान्नाय-जोमनाय, आरो थाग्रा न’। बेफोर मोनथाम गाहाय बिथिंजों मोनसे एंगारनो हायै बिथिडबो सरजाबफानानै दं। बे बिथिड जादों साखोन-सिखोन थानाय।

बुहुमाव जोनोम मोन्नाय जिबिफोरनि गेजेराव मानसियानो गोजौसिन थाखोनि होन्ना गनायथिजादों। बेदि बुंनायनि आन्दोआवनो दं गोबां बिथिडव जुनारफोरनिफ्राय मानसिनि जिउ खुंनाय राहाया आलादासिन। बेफोरनि गेजेराव साखोन सिखोन थानायाबो मोनसे। मानोना मानसिया जेरैबादि साखोन सिखोन थायो, गानो जोमो आरो आदार जायो नाथाय जिब जुनारफोरा बिदि जाया, थाया। सुबुड

साखोन सिखोन थानायनि थाखायनो गावखौ सोद्रोम गोनां मानसि हिसाबै सिनायथिबो होनो हादों। साखोन सिखोन थायोब्लासो बायदि बेमार आजारफ्राबो मानसिनाव साफिनो हाया नाथाय साखोन सिखोन थायालासे लेथ्रा थायोब्ला बायदि बेमार आजारफ्राबो मानसिनाव गोरलैयैनो साबफानो खाबु मोनो अब्लानो सुबुड बेमार आजारजों नाखेब जाना गोबां जेंनाजों बुगिनांगौ जायो। बे साखोन सिखोन थानाया गाव गावनि थानायनि सायावनो सोनारो। गाहायै साखोन सिखोननि बेलायाव सासे सुबुड गाहाम देहा लाखिनोब्ला गिबियावनो गावनि देहाखौ साखोन सिखोन लाखिनांगोन, गान्नाय जोमनायफोरा साखोन सिखोन जानांगोन, जानाय लॉनायाव साखोन सिखोन जानांगोन, थाग्रा नखौ साखोन सिखोन लाखिनांगोन आरो न’नि सोरगिदिं साफा लाखिथारनांगोन। न’खराव मोसौ मैसो दंब्ला मोसौ मैसो गलिखौ मानसि थाग्रा न’नि खमावबो बाजि मिटारनि गोजानावसो लाखिनांगौ। मानोना मोसौ मैसोनिफ्रायबो गोबां बेमार आजारफ्रा मानसिनाव सनदेरो। बायदिसिना बिजानु गोनां थामफैफोराबो मोसौ मैसोनि खि हासुदैनिफ्राय सोमजियो। बेनि अनगायैबो न’खराव अमा दंब्लाबो अमाखौ न’नि जानगाराव खानांगौ मानोना अमाया जायगा दाबसेयावनो खिसोम हासुसोम खालामो, लेथ्रायै थायो बेनिफ्राय बायदि बेमार आजारफ्रा सोमजिसो। बिस गोनां थामफै एम्फौ एनलाफोराबो सोमजियो, बेफोरनो मानसिनाव अरोब्ला बायदि बेरामा सोमजियो।

न'आव दाव हांसो फारौ दंब्ला थाग्रा न'नि एसे जानगाराव दोननांगौ मानोना दाव हांसो फारौफोरा थाग्रा न'फोराव खियो, दाव थाग्रा गग्राफोरा खाथियावब्ला दावखिफोराव बानाय थामफैफोरा जाग्रा आदारफोराव बादेरो अब्ला बैफोरजोंनो बायदि बेरामफोरा मानसिनाव सनदेरो । लोगोसेनो न'नि सोरगिदिंखौबो साखोन सिखोन लाखिनांगौ, हाग्रा बंग्राखौ एवस्त्रांना लानांगौ । नफोरा हानिब्ला थाब थाबै लिरना लानांगौ । एम्फौ एनला, खानसि बायदि उरला उरलिजों बायदि बेराम आजार एबा मानसिनाव खहा फैनो हागौ । न'फोरा दै थाग्रा गाहाय जायगाबा दै थायैबादि सांग्रां खालामना लानांगौ । बेफोर गासैबो बिथिडवनो सांग्रां जायोब्ला एबा साखोन सिखोन थायोब्ला बायदि बेमार आजारनिफ्राय रैखा मोन्नो हागोन । नाथाय मेलेरिया सुंद सलवाव दांदुलि आरो बेलदामोननि नखरखौ नायोब्ला बिसोरनि साखोन सिखोन थानायनि हुदाफोरा गासैबो उलथा । बिसिनि थाग्रा न'फोरा दावखि अमाखिजों बुंफबना थायो, न'फोरा अमाफोरजों उरखुजाजोबो, न'आ हाब्रु दैब्रु, थामफै अंखाजों लेथ्रा जाना थायो, न'नि सोरगिदिड हाग्रा बंग्राजों बुंफबना थायो ।

बेनि बिदिन्थि हिसाबै जों होनो हायो जेरै-
 “गावनि न'नि उसुंखौ अमाफ्रा उरखुलांजोब्बाय । थेवबो फ्राद लिरना लानांगौ होन्ना सान्नांगौ बाथाया दांदुलिनि गोसोयाव माब्लाबाबो फैफेरा । उसुं सिथ्ला दैलांसेमानि हाग्रा दुफबो दाउखि अमाखिजों गादै लाफबो बेलदामोननि न'आ । थेवबो दांदुलिया न'खरखौ साखोन सिखोन

लाखिनांगौ होन्नानै माब्लाबाबो सानफेरा । हाब्रु दैब्रु, थामफै अंखाजोंनो गेन्दा मेन्दा थाबोग्राखाय सर' जाबाय दांदुलिमोनहा । बिब्दियाव बेराम आजार जायो होन्ना मिथिब्लाबो दांदुलिया खेरखेराया ।” बि.70

बेबायदि साखोन सिखोन थायैखायनो दांदुलि आरो बेलदानि फिसाज्ला आखनदाया मेलेरिया बेरामाव गोग्लैनानै थैनो गोनां जादों होन्नानै बुंब्लाबो बुंद्रायनाय जाया होन्ना सानजायो । बे बायदि लेथ्रायै संसार जानायखौ गोबांथार नडब्लाबो जों जोंनि समाजाव नुनो मोनो । बेबायदि साखोन सिखोन गोयै लेथ्रायै रायजो जानायखौ एंगारथारनांगोन अब्लासो बर' समाजा साखोन सिखोन जागोन ।

2.3 खोमसि फोथायनाय: सुंदयै खोमसि फोथायनाय होन्नानै बुडोब्ला बेखौनो मिथियो जे जाय फोथायनायाव जेबो जुक्ति थाया बे बायदि फोथायनायखौनो खोमसि फोथायनाय होन्नानै बुंनाय जायो । बे खोमसि फोथायनाया सान्नो हानाय गोहोआ खम सुबुंफोरनियाव जायो । गाहायै सोलोंथाय मोनै सुबुंफोरनियाव बांसिनै जायो नाथाय सोलोंथाय मोन्नाय सुबुंफ्राबो खायफाया खोमसि फोथायनायजों नाखेब जायो । बे खोमसि फोथायनाया दिनै बिगियाननि मुगायावबो जोबनानै थाडखै एमनखि बियो सुबुं अनजिमा बांनायजों लोगोसे बारायफागासिनोसो दं । बिगियाननि नोजोरजों थारखौ बिजिरना नायोब्ला जों नुनो मोनोदि खोमसि फोथायनायनि गेजेरजों रावहाबो मुलाम्फा जाया नाथाय खहाया

सुफुंख हायि जायो। बे खोमसि फोथायनायनि गेजेरजों सुबुड दैदेनजायोब्ला बिनि सान्नाय हनाया गुसेब जालाडे बिगियाननि जुक्ति एबा फोरमानखौ गनायना लानो हाया हाया जायो।

लोगोसेनो खोमसि फोथायनाया सासे सुबुंनि जिउआव खैफोद लाबोनायजों लोगोसे, नख 'रखौ, गामिखौ, समाजखौनो गुबुंले खालामो। बे बादि खोमसि फोथायनायजोंनो गोबां सुबुंफोरा खैफोदाव गोग्लै नांदों आरो बुलिबो जानांदों। बे खोमसि फोथायनाया खालि जोंनि समाजावल' दं होन्ना बुंनो हाया। बे खोमसि फोथायनाया दुलाराय बहुमावनो दं। खोमसि फोथायनायखौ जों जेब्ला जोंनि गोसोनिफ्राय आबुडै होखारनो हाया अब्लासिम बायदि खैफोदा जोंखौ नाखेबबाय थागोन आरो बिगियाननि मुगायाव गावखौ खाब जाहोनायाव आरो जौगाहोनायाव हेंथा फैगोन। बेयो सैथो बाथ्रा।

बेबादिनो जुदि जों 'जनिल कुमार ब्रह्मनि' "मेलेरिया" सुंद' सल'खौ नायोब्ला नुनो मोनोदि बे सुंद' सल'वाव खोमसि फोथायनाया साग्लोबना दं। खोमसि फोथायनायनि थाखायनो सल'नि गोबां जाथायफोरा जानो खाबु मोनदों। बेखौ सल'वाव जायगा मोननाय आखुफोरनिफ्राय जों मिथिनो मोनो। बेदबारि गामिनि सोलोंथाय मोनै रायजो राजाफोरा गावसोरखौनो सांग्रांथियै लाखिनो हायैनि थाखाय मेलेरिया बेरामजों नाखेब जानानै थैनो गोनां जादोंमोन। बेनि गेजेराव दंमोन दांदुलि आरो बेलदायाबो। दांदुलि आरो बेलदानि फिसाज्त्ता अखनदाया मेलेरिया

बेरामाव गोग्लैना डक्टरनि मोजां फाहामथाय मोनैनि थाखाय थैनो गोनां जादोंमोन। अखनदानि थैनायनि जाहोनखौ नायोब्ला नुनो मोनोदि बेनि दायनिगिरिया बिमा बिफायानो। बिसोरो खोमसि फोथायनि दौलेंजों खाखरब जाना अजाजों गेलेबाय थानायावनो बेरामा बारानिफ्राय बारा जालांना अखनदाया थैनो गोनां जादोंमोन। अखनदायादि मेलेरिया बेराम जादों बेखौ डक्टरनि फाहामथाय होयोब्लानो हामगौमोन नाथाय दांदुलिया खोमसि फोथायनायनि थाखायनो डक्टरा फाहामनो हानाय नड होन्ना बे नड बे अजाजोंसो गेलेबाय थादों। बिगियाननि गियान गैयै दांदुलि आरो अजायाबो अखनदानि बेरामखौ सोरबा मानसि, दायनायासो खालामदों होन्ना बुंदों। बेनि बिदिन्थिखौ दांदुलिनि बाथ्रानिफ्राय मिथिनो मोनो। जेरै- "बिनि जाहोना गोबावनिफ्रायनो बेराम जासेयावबो डाक्टरनो दिनथियैनि थाखाय थै रानलांना थैबाय होन्ना डाक्टरफ्रा फोरमायो। अब्लाबो दांदुलिया डाक्टरनि बाथ्राखौ फोथायाखै। आनि फिसाखौ दायनायानो जाबाय होन्ना रौ रौ गाबदोंमोन दांदुलिया।" बि-72

बे बायदि बिथा गोयै खोमसि फोथायनायनि थाखायनो सुबुड सुबुंजों एना एनि जालायो, गावजों गाव सनदेह खालामना दाय होलायो, दायना दायनि साजायना दाय गोयै सुबुडबो गोरोनथि बुजिलायनायनि थाखाय बुथार जायो। जाउनाव गोबां खौसेथि गैलायै गारजि थासारिया सोमजिलायो। बे बायदि थासारिखौ खायफा खाबु फलान गारजि गोसोनि अजाफोराबो

सोरजियो। बेखौ गाहायाव होनाय बिदिन्थिनि गेजेरजों मिथिनो हायो जेरै:-“ए फिसाखौ आंसो सिथारदों? दायना रायनानै थैनायाबो आंसो दाय जाबाय? लुन्दुन अजायानो बुंलांखादोंमोन। दायनाया खाथियावनो दं होन्ना नों मानोथो दायनाखौ हमनानै बिसार खालामनो रोडखै।” बि-73

बेबादिनो खोमसि फोथायनायनि थाखाय दाय गोयै सुबुंखौनो दायना साजायना खासि बिस्त्रि बुथारनायजों लोगोसे फिसा फिसौखौबो बुथारफाना गंसे नखरखौनो सिलिंखार खालामलायनाय जाथायफोरा दिनैसिमबो समाजाव सोलिनायखौ नुनो मोनो। बेबादिनो मन 'रन्जन लाहारीनि “दाइनि” सल 'मायावबो खोमसि फोथायनानै दाय गोयै सुबुंखौनो खासि बिस्त्रि बुथारनायखौ नुनो मोनो। जेरै बिदिन्थिनि थाखाय- “राइजोफोर। दुरमावआ दाइनि नंगौ ना नड आं सालिख' नाइजोबबाय। नोंसोर फोरमान समेत दुरमावनि हेंथायै बुंबाय। दुरमावा मा बादि साजा मोनथावगौ बेखौबो नोंसोर बुंबाय। आंनि रायजितखौ नोंसोर खोनासंदो। आंनि रायजितआ बेनो दुरमावआ दाइनि। बिखौ बुग्लि बुग्ला खालामनानै थैहां बरबहां खालामनानै गोथां गोथां फबनांगौ। बिनि फिसा सानैखौबो बुथारनानै बिमाजों फबफानांगौ।” बि-88

2.4 अजा: बर' समाजाव अजानि बिफावा गोबां। अजा जानो थाखाय सोलोंथायनि गोनांथि गैया। मानोना सोलोंथाय गोयै सुबुडबो अजानि खामानिखौ मावनो हायो खालिबोल'

अजानि गुना थानांगौ। अजानि खामानिखौ हौवा एबा हिनजाव बयबो मावनो हायो।

बर' समाजाव जोनोम जानायनिफ्राय लानानै गोथै गारहैनायसिमाव अजानि बिफाव दं। बर' समाजाव बोथोरारि फोरबो जेरै- खेराय, गारजा, ओंखाम गोरलै जानाय आरो गोबां गुबुन गुबुन फुजा फोरबोफोरा एंगारहायै सोलिबोगासिनो दं। बे हाबाफारिफोराव अजाया गारनो हायै बिफाव लायो। बेनि अनगायैबो बर' समाजनि गामिफोराव लोमजा साजा जायोब्ला अजायानो बेराम आजारखौ नायोमोन। मोनोना सिगां समफोराव गामि खाथि खालाफोराव हसपितेल गैयामोन आरो गोजाननि हसपितेलफ्राव लांनो खबु गैयामोन बेखायनो अजानि सायावनो लामा नायोमोन। बिसोरो मिथिंगायाव मोन्नाय बिफां लायफांनि बेनदों बेनला, रोदा, बिलाय बायदिजों मुलि बानायना बेरामिफोरखौ फाहामथाय होयोमोन। लोगोसे अजाफोरा खासिनि बोन्दों होनायबो हुदा दंमोन आथिखालावबो बेबायदिखौ गोबांथार नडब्लाबो बर' समाजाव नुनो मोनो। बिथां अजामोनखौ जों मान होनांगोन। बिथांमोना डक्टरनि मासिखौ लाबोनो हादों।

अजाफोरनि गेजेराव नाथाय खायफाया सुबुंनि गाहाम हाबा मावनो आरो खायफाया गावनि लुबैनायखौ सुफुंनो अजागिरि खालामो। जायफोर अजाया गावनि लुबैनायखौ सुफुंनो अजागिरि खालामो बिसोर बादि अजाया माब्लाबा समाजाव गुबुंले बारहावाबो बारहोयो। जेरै- सोरनिबा बेराम नायनायनि मुडव सोरखौबा

दायना साजायनाय, मोदाय दावदाय, बार गात्रि नांनाय होन्ना बेरामिनि जिउजों गेलेना फोथैनाय बायदिफोराबो जायो। बेफोर बायदि अजानि थाखायनो सुबुनि गेजेराव खोमसि फोथायनाया बांलांडे। बेनिखायनो जेब्लाबो गाहाम अजानि बिफाव लानाया गोनांथार। बेबादिनो 'जनिल कुमार ब्रह्मनि' "मेलेरिया" सुंद' सल'वाव अजानि बिफाव लानायखौ नुनो मोनो। बे सलवाव गोबां अजा हमनायनि बाश्रा बुंदेंब्लाबो सासेल' अजानि मुख'नायखौ नुनो मोनो जेराव "लुन्दुन" अजानि मुड बेरखांदों। जेब्ला बेलदा आरो दांदुलिनि फिसाज्ला अखन्दाया मेलेरिया लोमजायो अब्ला "लुन्दुन" अजाया अखन्दाखौ फाहामथाय होदोंमोन। बियो मिथिंगायाव मोत्राय बायदि मुवा बेसादजोंनो मोन्थोर आवरायना बेरामिखौ फाहामथाय होनो नाजादोंमोन। नाथाय अखन्दाखौ फोथानो हायाखै। एमनखि बेरामिखौ फोथानो हायासैबो हायासै बिस गोनां बाश्राखौसो जुक्ति गैयाजासे दांदुलि आरो बेलदानि खोमायाव सोना होलांबाय। जेराव मेलेरिया बेरामिखौनो मानसि एबा दायनाया बानायनायदों होन्ना बुंबाय। बेखौ जों गाहायाव होनाय बिदिन्थिनिफ्राय मोन्नो हायो। जेरै-"थेवबो बेरामिखौ हामगोनबादि मोनैलाय गोथार दाउदै जरा, गय फाथै जरायाव सिन्दुर फुन्नानै थुलुनसि बिलाइजों दै गोथार सारस्त्रियै सारस्त्रियै नायखांना बुंलांदों लुन्दुन अजाया बेयो बेराम नड मानसि खालामनायसो।" बि-71 बेबादि थार जाथाइया बर' समाजाव जाया नड जाथारो।

बर' समाजाव अजानि बिफाव आरो गोनांथिआ दंखायनो अजागिरि खालामग्रायाबो बर' समाजाव जायगा मोनदों। बेबादिनो मन'रन्जन लाहारीनि "दाइनि" सल'मायावबो गोबां अजानि बिफाव लानायखौ नुनो मोन्दों। सल'मायाव अजानि मुंफोरखौबो मख'नाय जादों जेरै- दुरमाव, रामस्त्रें, जाखर, गाबदा आरो उराव अजा।

2.5 रांखान्थियारि थासारि: रांखान्थिया मानसिनि थांना थानायनि गाहाय राहा होन्ना बुंनो हायो। रां थायोब्ला थांना थानायाव गोनां जानाय गासैबो मुवा बेसादखौ गोरलैयैनो सोरजिना लानो हायो आरो बायदि खामानिखौ मावफुंना लानो हायो। रां थायोब्ला जानाय थानायनिफ्राय लानानै न' बां, गान्नाय जोमनाय, गारि मटर, बेराम आजार जायोब्ला गोरलैयैनो डक्टर अजा नायना लानो हायो नाथाय रांखान्थिया लोरबांबा बेफोर गासैखौबो मोनफुंनो गोब्राब।

बर'फोरा बांसिनानो हादान सिफायना गामि फसंना रायजो जाग्रा। बिसोरो बांसिनानो आबाद मावनानै, दाव-अमा, मोसौ-बोरमा, एम्फौ फिसिनानै रायजो जायो। गुबुन हारिफोरबादि गिदिर गिदिर फलांगि मावनानै आरो साखि मावनानै रायजो जानाय सुबुड बर' समाजाव खम। मानोना बर'फोरा बांसिनानो सहरनि गोजान गोजान गामिफोरावसो रायजो जायो बेखायनो फालांगि खालामनायनि सुबिदाया खम जायो। बेनिखायनो बर'फोरनि रांखान्थियारि हालोदा लोरबां। जाउनाव बिसोरो बेराम आजार जायोब्ला

गारि मटर लानानै डक्टरनाव थाबैनो दिन्थिहैनो हाया। जाउनाव बेराम आजारा बारानिफ्राय बारा जाना थैनो गोनां जायो। नाथाय आथिखाल थासारियाव बेफोरो लासै लासै सोलायबोनो हमदों। बर'फोराबो नोगोर मोखाडव थानानै गोदान मुगानि खाबुफोरखौ गोबांथार नडब्लाबो साफा सानैया लानो नाजादों।

जनिल कुमार ब्रह्मनि “मेलेरिया” सुंद' सल'वाव बर'फोरनि रांखान्थियारि हालोदखौ नायोब्ला नुनो मोनोदि गामियारि बर'फोरनि रांखान्थियारि हालोदा जोबोर लोरबां। बेदबारि गामिया हाग्रा हादान सिफायना गामि गोदान फसंनाय। बे गामियावनो बेलदा आरो दांदुलिमोनहाबो रायजो जादों। बिसोरो जेबो गिदिर फालांगि आरो साखि बाखि मावनो रोडखै बेखायनो बिसिनि रांखान्थियारि हालोदा लोरबां। बिसोरो थाना थानायनि मुडव मानसि महरैल थाना थदों। गोदान मुगानि गोदान दिहुन्थायफोरखौ बिसोरो बाहायनो हायाखै, जिउ खानायाव गोनांथार मुवा बेसादफोरखौ सोरजिना लानो हायाखै। बेराम आजार जायोब्ला मोजां फाहामथायनि थाखाय डक्टरनाव लानो हायाखै एमनखि मुसारि गांसेखौनो बायना लानो हायाखै, न' बांखौ मोजाडै लुना लानो हायाखै, गाहाम लोंग्रा दै जगायना लानो हायाखै। जाउनाव बेलदा आरो दांदुलिमोनहा फिसाज्ला अखनदाखौ मेलेरिया बेराम जानायाव रांखान्थियारि आंखालनि थाखायनो डक्टरनाव फाहामथाय होनो हायाखैमोन। जाउनाव बेरामा बारानिफ्राय बारा

जानानै अखनदाया थैनो गोनां जादोंमोन। बेखौ गाहायाव होनाय बिदिन्थिनिफ्राय मिथिनो मोनो जेरै- “बेलदानि फिसाला अखन्दाया गोब्राब लोमजानाया गोबावसै। गोबां अजा हमबाय। नाथाय अखन्दानि लोमजानाया बारानिफ्राय बारासो जासिनदों। मानसिया रोमोलांबाय। उदैया थिंख्लिबादि देरलानो हमबाय। थेवबो बेलदाया डक्टरनो खनसेबो नायहोनो हायाखै। बिनि जाहोना निखावरि नखरनि थाखायनो जानांगौ।” बि-71 बेनि अनगायैबो आरोबाव बिदिन्थि होनो हाबावो। जेरै- “बिलिफां समाव जाखां लोंखां उनदुनो लाहार फाहार खालामो बेलदाया। लाइ लथर गैजायै निखावरि बेलदाया दांदुलिजों हाबा जानायनिफ्रायनो माब्लाबाबो मुसारि सोंनानै उनदुनो मोनफेराखै। मुसारि गांसे बायनायनि गोहो गैयै बेलदाया बिसिबा गोबावनि उनाव दिनैसो मुसारिनि मोखां नुफेरदों।” बि-73 बेबादिनो रांखान्थियारि आंखालनि थाखायनो गोबां जेंनाजों मोगा मोगि जानानायखौ जों बर' समाजाव नुनो मोनो।

फोजोबनाय:

जनिल कुमार ब्रह्मनि “मेलेरिया” सुंद' सल'नि गेजेरजों बर'फोरनि समाजारि सावगारिया गोबांथार नडब्लाबो माखासे बिथिंआव बेरखानायखौ नुनो मोनो। बर'फोरा बांसिनानो गामि ओनसोलाव थानो मोजां मोनो। बिसोरो गोनां जायोब्ला हाग्रा एवसांना हादानावबो रायजो जायो। लोगोसे गामियाव थानानै दाउ-हांसो, अमा, मोसौ-बोरमा, एम्फौ बायदि फिसिनानै

नख 'रखौ सोलिनो थाखाय रां खामायो। नाथाय बेफोर दाउ-हांसो, मोसौ-बोरमाखौ मा बादि जोथोनै दोन्नांगौ, जायगाफोरखौ साखोन सिखोन लाखिनांगौ, बेफोरनि सायाव सांग्रां नड। गुबुन फारसे सोलोंथायखौ नायोब्ला नुनो मोनोदि बर 'फोरा हादान सिफायना गामि फसंना थाग्राखाय बिसोरो सोलोंथायनि खाबुखौ बाडय मोनो। मानो होनोब्ला गामि ओनसोला सोहोर नोगोरनिफ्राय गोजान जानायखाय फरायसालिनि सुबिदाखौ खम मोनो आरो हादानाव सरखारि फरायसालिनि सुबिदाखौ मोना। बेखायनो बर 'फोरा गाहायै सोलोंथायनि बिथिडव खम एबा सांग्रां नड। सोलोंथाय मोनाब्ला सुबुंनि सान्नो हानाय गोहोआ खम जायो। मोजां गाज्रिखौ बिजिरनो हाया जायो आरो थांना थानायाव बायदि जेंनाजों मोगा मोगि जानो गोनां जायो। बेबादिनो जों बे सलवाव खोमसि फोथायनायजों बुसोम जानायखौ नुनो मोनदों। खोमसि फोथायनाया बांसिनै सोलोंथाय मोनै सुबुंफोरनि सायाव जायो। जेब्ला मानसिया खोमसि फोथायनायजों नाखेब जायो अब्लानो बायदि जेंनाजों मोगा मोगि जानो गोनां जायो। बिगियाननि बाथ्राखौ फोथायनो गोब्राब मोनो। बेबादिनो मेलेरिया सुंद' सल'वावबो खोमसि फोथायनायनायनै अजाजों गेलेबाय थानायनि थाखायनो अखनदाया थैनो गोनां जादोंमोन। बेबादि गोथां सावगारिखौ दिनैसिमबो बर' समाजाव नुनो मोनो। गुबुन फारसे रांखान्थियारि आंखालनि थाखायबो गोबां जेंनाजों मोगा मोगि जानायखौबो बे सल'वाव नुनो मोनदों। दांदुलि आरो बेलदामोनहा हादान सिफायनाय गामियाव थायो। बिसोरो सोलोंथाय मोनै सुबुं। बेखायनो

बिसोर साखि बाखि गैजायै सुबुं। फारसेथिं सोहोर नोगोरनि जानगाराव थानानै फालांगिनि खाबुखौबो लानो हायाखै। बिसोर थांना थानो थाखायल' दाव अमा, एम्फौ फिसिना नखरखौ सोलियो। नाथाय बेजोंनो थोजासे नड। थांना थानो थाखाय जानाय लोंनायनि अनगायैबो गोबां मुवा बेसाद नांगौ लोगोसे लोमजा साजा जायोब्ला डक्टरनो दिन्थिनो थाखाय रांनि गोनां जायो। नाथाय बेलदा आरो दांदुलिमोनहा गोबां रां गोयैखायनो डक्टरनो दिनथिनो हायाखै आरो अजाजों गेलाबाय थानो गोनां जादों जाउनाव अखनदानि लोमजानाया बारा जाना थैनो गोनां जादों।

बेफोर गासैबो जाथायफोरखौ सलगिरिया 'मेलेरिया' सुंद' सल'वाव बेलदा आरो दांदुलिनि आखलनि गेजेरजों बर' समाजनि सावगारिखौनो दिन्थिदों। बेनिफ्राय जों आनदाज खालामनो हायोदि बे सल'नि गेजेरजों जोंनि समाजनि गुबुंले थासारि जैरै- सोलोंथायाव गोग्लैसोनाय, रांखान्थियारि लोरबां, खोमसि फोथायनायजों गफबनाय, साखोन-सिखोनै थानो रोडै आरो नंगौ नड बिजिरा लासे अजाफोरनि खोथाखौनो सैथोजोब सान्ना लानायखौ नागारजोबनानै गोदान मुगाजों गोरुबफाना साखोन सिखोनै, सोद्रोमै बर'फोरखौ रायजो जानायखौ सलगिरिया लुबैदों होन्ना जों सान्नो हायो।

हेफाजाब लानाय बिजाब-

लाहारी, मनरन्जन: दाइनि?, 2005, बि. 88

ब्रह्म, जनिल कुमार: जापाननि सैमा, 2009

बिसम्बिफोरनि गेजेरजों बेरखांनाय जिउखौरां: मोनसे बिजिरनाय

-उदांस्त्रि नार्जारि

1.0 जागायनाय:

जिउखौरां थुनलाया थुनलायनिनो मोनसे गोनांथार आयदा जेरावनाखि नुजायो सासे गेदेमा सुबुंनि मावनाय दांनाय साननाय-हनाय बायदि नंगुबै जारिमिनारि सावगारि। जिउखौरां थुनलायाव जेब्लाबो सैथो आरो गुन गोनां बाथ्राफोरा बेरखाडे आरो फरायग्राफोरा गोबां गियान मोननो एबा सोलोंनो हायो। बिनिखायनो जिउखौरां थुनलाय फरायनाया सासे सुबुंनि थाखायबो गोनांथार। सावरायगिरि अनिल कुमार ब्रह्मआबो बुंदोंदि- “जिउ खौरांनि हेफाजाबाव सासे सुबुंनि गासै खोथाखौनो मोनथिनो मोनो। लिरगिरिनि एखुथा जिउनि खोथा मोनथियाब्ला गोबां बिजाबखौ फुरायै बुजि जोबनाया जाथाव नड। अब्ला हेफाजाब लानांगौ जायो जिउ खौरांनि। बे बिथिंनिफ्राय बेयो गुबुन गुबुन थुनलाइनि सुफुंग्रा।” मोनफ्रोमबो हारिनि थुनलायावनो इसे एबा गोबाडैब्लाबो जिउ खौरां थुनलायखौ मोननाय जायो। थिक बेबादिनो बर’ थुनलायावबो जिउखौरां थुनलायखौ बर’ थुनलायाव खन्थाइ, रायथाइ, सुंद’ सल’ बायदिफोरनि रुजुनायाव जोबोद उनावसो मोननाय जायो। बर’ रावनि गिबि जिउखौरां बिजाबानो जाबाय उन्दै कालीचरण ब्रह्मआ लिरनाय “कालीचरण ब्रह्मनि जिउ खौरां” (1966)। बिथांनि उनावनो गोबां लिरगिरिफोरा जिउखौरां बिजाब सोरजियो। बिजाबनि अनगायैबो लाइसि बिसम्बिफोरावबो गोबां जिउखौरां सोरजिनाय नुनो मोनो। बे सावराय बिदाडव बिसम्बिफोरनि गेजेरजों बेरखांनाय जिउखौरांफोरनि सायावनो बिजिरनो लानाय जादों।

1.1 बिजिरसंनायनि थांखि:

बे आयदाखौ सावरायनायनि गुबै थांखिफोरानो जाबाय बिसम्बिनि

गेजेरजों बेरखांनाय जिउखौरांफोरा थुनलायाव होनाय बिहोमाफोरजों लोगोसे बेनि गोनांथि आरो सायख 'जानाय गेदेमा सुबुंफोरनि जिउखौरांनि सोमोन्दै मिथिहोनाय ।

1.2 खान्थि:

बे आयदाखौ सावरायनायाव गोनां जानाय खान्थि बादियै बरनायलुवारि आदबखौ बाहायनानै सावरायनाय जादों ।

1.3 खारिथि बुथुमनाय:

बे आयदाखौ सावरायनायाव गोनां जानाय फुंखा हिसाबै गुदि फुंखा आरो लेडाय फुंखा मोननैबो खान्थिखौनो बाहायनाय जादों । गिबि फुंखा महरै सायख 'जानाय गेदेमा सुबुंफोरनि मुडव दिहुनजानाय बिसि बफोरखौनो लानाय जादों आरो लेडइ फुंखा महरै गुबुन गुबुन लिरगिरिफोरनि सावरायथाइ बिजाब लाइसिफोरनिफ्राय हेफाजाब लानाय जादों ।

2.0 सावरायनाय:

बिसम्बि जायखौ इराजीआव Souvenir होनानाँ बुंनाय जायो । बे गांसे बिजाब जाय मोनसे गोसोखांथि एबा नेरसोनथि महरै सुजुनानै दिहुनजायो । बिसम्बिया माबेबा मोनसे आफादखौ गुदि खालामनानै दिहुनजानायबो जानो हागौ आरो खायसेया सुबुड थैना थांखांनायनि उनाव बिथांनि थांना थानाय समाव होलांनाय बिहोमाखौ गोसो खांना बिजाब महरै दिहुननायबो जानो हागौ । जेरावनाखि सासे सुबुंनि जिउ जारिमिना रोखा रोखा बेरखाडे । जायनि थाखाय बे सावरायनायाव थैना थांनाय सुबुंनि गोसोखांथिआव दिहुननाय

बिसम्बिफोरखौसो गुदि खालामनाय जादों । बिनिखायनो बुंनो हायो बिसम्बियाबो मोनसे जिउखौरां सुजुनायनि आयदा । जेराव सासे सुबुंनि मुडव गोसोखांथि महरै दिहुननाय जायो । बे बिसि बखौ दिहुननाय जायो बांसिनै सारादु समखौ गुदि खालामनानै । जायनि मुडव बिसम्बिखौ दिहुननाय जायो बै सुबुंनि थांना थानाय समाव लोगो मोननाय सुबुंफोरानो गावबा गावनि मोनदांथिजों लिरबिदांनि गेजेरजों थैलांनाय एबा रुंसारि जालांनाय सुबुड थांना थानाय समाव मावलांनाय खामानि आरो बिहोमाफोरनि सोमोन्दै लिरनाय जायो आरो बिसम्बिआव सासे सुबुंनि जिउखौराड खनथाय, रायथाय बायदिनि गेजेरजों बेरखांनो खाबु मोनो । बिसम्बि दिहुननाया थुनलाइ जौगानायाव गाहाय बिफाव लायो । बेजों लोगोसे थैना थांनाय सुबुंनि गोथां समाव मावलांनाय मावथायफोरा एबा जिउ जारिमिना अराय गोजोर जाना थायो । बिसम्बि दिहुनाब्ला सुबुड थैलांनायजों लोगोसे बेनि मावथाय आरो जिउ जारिमिनफोराबो सम बाबेनलांनायजों लोगोसे सुबुंफोरजों बावगारलांजानोबो हागौ । बिनिखायनो बेफोर गोनांथिखौ नोजोर बोनाँ आथिखालाव गोबां सुबुंफोरानो रुंसारि जानाय सुबुंनि मुडव बिसम्बिफोरखौ दिहुननो लाबाय । जेरैहाय- कमल कुमार ब्रह्म, मनरन्जन लाहारि, ब्रजेन्द्र कुमार ब्रह्म, बिकाश बसुमतारी, महेश्वर बसुमतारी, बसन्त कुमार बसुमतारी, हितेश कुमार मुसाहारी, प्रमिला नारजारी आरो गोबां सुबुंफोरनि मुडव बिसम्बि ओंखारलांबाय । बिथांमोननि

गेजेरावनो प्रमिला नारजारी आरो बसन्त कुमार बसुमतारीनि सोमोन्दै सुजुनाय बिसम्बिफोरनि सोमोन्दै सावरायलानाय जाबाय।

2.1 मुगानि आयजो प्रमिला नारजारी:

प्रमिला नारजारी बिथानि मुडै सुजुनाय बिसम्बिनि मुडनो जाबाय मुगानि आयजो प्रमिला नारजारी। बेखौ सुजुदों रुपनाथ हाजवारीआ। प्रमिला नारजारिया 2019 इं मायथाइनि सेसेम्बर दाननि 14 अक्ट'खालि रुंसारि जादोंमोन। बिथानि गोसोखांथिनि मुडव बिथानि सारादुखौ बिथा खालामनानै बे मायथायनिनो 29 सेसेम्बर दानाव बे बिसम्बिखौ दिहुननाय जादोंमोन। बिथाड सासे आयजो लिरगिरिमोन आरो बिथाडनो गिबिसिन बर 'नि गेजेराव राव सोलायनाय आयदायाव 2005 मायथायाव लक्षीनात बेजबरुवानि "बुरी आइर साधु" मुनि सल' बाथाखौ आबैनि सल' मुं होना राव सोलायनानै साहित्य अकादेमी बान्थाखौ मोननो हादोंमोन। प्रमिला नारजारीनि मुडै सुजुनाय बिसम्बियाव गासै 33 था लिरबिदांफोर मोननो हायो। बे 33 था लिरबिदांफोरनि गेजेरजोंनो बिथानि मावलांनाय हाबाफारि बिथानि जोनोम नख'र बायदिनि सोमोन्दै मिथिनो हायो। प्रमिला नारजारीनि जिउ आरो थुनलाइ सोरजिनायनि सायाव गुवारै राखाव बसुमतारी आरो ड० मंगलसिं हाजवारि बिथामोनहा लिरलांदों। प्रमिला नारजारीआ 1960 मायथायनि 9 जानुवारी खालि सिरां जिलानि बिजनि सिलबारि गामिआव जोनोम मोनदोंमोन। बिथानि बिफानि मुड रुंसारि गगन नारजारी आरो बिमानि मुड सुनारि नारजारीमोन।

बिथामोनहा नख'राव बिदा बिनानाव गासै सा 8 मोन। सोलोंथाइखौ बिथाड गावनि आंगो गामि 91 नं सिलबारि गुदि फरायसालियावनो फरायदोंमोन बेनि उनाव 1977 इं माइथायाव मेट्रिक आनजादखौ होदोंमोनब्लाबो 1984 माइथायावसो उथिनो हादोंमोन। बिथानि जोनोम आरो सोलोंथायखौ बिथा खालामनानै बिसम्बिया बिथानिनो जेला राखाव बसुमतारिया "साहित्य अकादेमी" बान्था मोनगिरि प्रमिला नारजारीखौ गोसोखांनानै ड० मंगलसिं हाजवारि, आन्दराम औवारि, फुलमति हाजवारि आरो महेस कुमार ब्रह्म बिथामोनहा रोखा रोखा लिरनानै होनाय जादों।

साखि मावनाय:

प्रमिला नारजारीनि साखि मावनायनि सायावबो जोबोद गथि गथियै लिरगिरिफोरा फोरमायलांनायखौबो बिथानि बिसम्बियाव मोननो हायो। बिथाडदि गोबां खसथ'नि गेजेरजों फोरोंगिरि साखिखौ मावबोदों। बेखौ रुपनाथ हाजवारि, ड० मंगलसिं हाजवारि, बिनापानी नारजारि, अनिला बसुमतारिनि खन्थायफोराव रोखा रोखा मिथिनो हायो। रुपनाथ हाजवारिआ गावनि "प्रमिला नारजारीनि जिउ आरो मावदिन्थि" रायथायाव ओरै फोरमायदोंदि- "उनथाराव 1995 इं मायथायाव गामिनि 91 नं माक्रा सिलबारि गुदि फरायसालियाव रां गैयालासे फोरोंगिरि महरै हाबनानै थाथयो। खाफाला मोजां गमामायै 1996 मायथायनि 9 फेब्रुवारियाव बे फरायसालियावनो लेडइ फोरोंगिरिनि सोरखारि साखि महरै थिसनजायो। बेनि उनाव 2014 इं मायथायनि 3

सेसेम्बर खालाराव बिथाड गाहाय फोरोंगिरिनि बिबानखौ रुजुननो खाबु मोनो। थैनाय समसिम बिथाड बे बिबानावनो दंमोन।” बिनिफ्राय रोखा जानो हायोदि बिथाड सासे राफोद फोरोंगिरिमोन जायनि थाखाय साबसिन फोरोंगिरि बान्थाबो आजावनो हादोंमोन।

थुनलायारि बिहोमा:

प्रमिला नारजारी बिथानि थुनलायारि बिहोमानि सायावनो बांसिनै बे बिसम्बिआव लिरगिरिफोरा लिरदों। मानोना बिथांखौ बांसिनै सासे राफोद थुनलायगिरि होननानैसो सिनायो। थुनलायारि बिहोमानि सायाव खायसेया गुवारै आरो खायसेया एसेयैब्लाबो बेरखांहोदों। थुनलाइ सोरजिनाय समाव जेंना जेंगोनाजों मोगा मोगि जानाय जाथायफोरखौबो ङ मंगलसिं हाजवारि, रुपनाथ हाजवारि, ललित बसुमतारि, गजेन बसुमतारी, धीर्ज्य ज्योति बसुमतारि बिथांमोनहा गावबा गावनि रायथाइनि गेजेरजों फोरमायथिदों। बिथानि बिजाब महरै सोरजिनाय बिजाबफोरानो जाबाय-

1. कर्णनि सल' (2000) (राव सोलायनाय)
2. सान्द सदागर (2001) (राव सोलायनाय)
3. आबैनि सल' (2003) (राव सोलायनाय)
4. आलिफ लाइलानि सल' (2005) (राव सोलायनाय)
5. बिक्रम बेतालनि सल' (2005) (राव सोलायनाय)
6. थामजिनै मुसुखानि सल' (2010) (राव सोलायनाय)

7. सार्जिकेल स्ट्राइक

बेफोरनि अनगायैबो बिथाड गोबां लाइसि बिसम्बिफोराव लिरबिदां सोरजिबोदों होनना बिसम्बिफोरनि गेजेरजों मिथिनो मोनो।

बान्था मोननाय:

प्रमिला नारजारी बिथाड गोबां बान्थाबो आवग्रिनो हादोंमोन। बिनि सायाव गासैबो लिरगिरिफोरानो फोरमायना होदों। बेफोर बान्थाफोरा जाबाय-

- i. साहित्य अकादेमि बान्था – 2005
- ii. रायजोआरि फोरोंगिरि बान्था – 2016
- iii. District Teacher Award – 2017
- iv. Oil Siksha Ratna Award – 2018

बेफोरनि अनगायैबो मिरु बर' थुनलाइ आफाद, दुलाराय आयजो अनसाय आफाद, दुलाराय बर' फरायसा आफाद बायदिफोरनिफ्राय मान बाउजादों होनना ङ मंगलसिं हाजवारिया फोरमायथिदों।

थुनलायनि अनगायैबो प्रमिला नारजारीखौ हारिमु आरो माहारि सिबियारिमोन होननानै रुपनाथ हाजवारि, ललित बसुमतारि, जैस्त्रि बर', फुलमती हाजवारि बिथांमोनहा गावसोरनि रायथायनि गेजेरजों फोरमायथिजों बेजों लोगोसेनो थांना थानाय समाव बिथाडादि फेस्ला आरो आथुर आखुनि मानसिमोन बेखौ इन्दिरा बर', उतरा बैसोमुतियारी मोननि लिरबिदानि गेजेरजों मिथिनो मोनो।

बेफोरबादिनो प्रमिला नारजारीनि मुडै दिहुननाय बिसम्बियाव बिथानि जिउनि गोदै

गोबाब बाश्राफोरखौ रोखा रोखा मिथिनो मोनो ।

2.2 रुंसारि बसन्त कुमार ब्रह्मनि बिसम्बि:

रुंसारि बसन्त कुमार ब्रह्म बिथाडबो सासे गोसोआव लाजाथाव सुबुंमोन । बिथांनि मुडैबो बिथांखौ गोसोआव लाखिबाय थानो थाखाय बिसम्बि दिहुनदोंमोन बिथांनि सारादुखौ गुदि खालामनानै 4th April, 2023 मायथायाव । बे बिसम्बिखौ सुजुदोंमोन सुपेन चन्द्र ब्रह्म बिथाडा । बिसि बयाव गासै मोन 22 था लिरबिदांफोर दं । गासैबो लिरबिदाडनो बिथांखौ गुदि खालामनानै लिरनाय । 22 था लिरबिदांफोरनि गेजेराव मोन 5 आ खनथाय बाहागो । बे बिसि बयाव मितु रानि बसुमतारिया “रुंसारि बसन्त कुमार ब्रह्मनि जिउखौरां” मुंनि रायथायाव बसन्त कुमार ब्रह्मनि गासैखौबो लिरनानै होदों । बसन्त कुमार ब्रह्म बिथाड क 'क्राझार जिलानि सिडाव थानाय रामफलबिल 1 नं खोला हास्रावबारि गामियाव नभे बर दाननि 4 अक्ट, 1947 इं मायथायाव जोनोम मोनदोंमोन । बिथांनि बिफानि मुडा प्रमद चन्द्र बसुमतारी आरो बिमानि मुडा गनसि बसुमतारीमोन । बिथाड थांना थानाय समाव समाजनि हारिनि हारिमुनि सायाव गोबां हाबा मावदोंमोन आरो 2023 मायथायनि 15/03/2023 खालार खालि गोब्राब लोमजानाय जानानै रुंसारि जादोंमोन ।

साखि मावनाय-

1968 मायथायनिफ्राय बिथाड 1980 माइथायसिम देबोरगाव हायार सेकेनदारि स्कुलाव लोगो फोरोंगिरि हिसाबै खामानि मावो आरो 198

1 मायथायनिफ्राय रामफमबिल हायार सेकेनदारि स्कुलाव मावनानै 2006 मायथायाव आजिरा मोनो ।

थुनलायाव होनाय बिहोमा:

रुंसारि बसन्त कुमार ब्रह्मआ थुनलाइ बिथिडावबो गोबां बिहोमा होलांदोंमोन । बिथाड थुनलाय सोरजिनायाव जोबोर गोसो गुदुंमोन । बिनि सोमोनदै मितु रानि बसुमतारि, ड. मंगलसिं हाजवारि, ड. सुरथ नारजारि, भवेश चन्द्र बसुमतारि जैसि बर' आरो ड. सुबुंसा मोसाहारि बिथांमोनहा जोबोद मोजाडै बिसम्बिआव गावसोर मोनदांनायखौ फोरमायथिना होदों । बिथांनि सोरजिलांनाय बिजाबफोरानो जादों-

1. अमासि (1974)
2. देंखो (1974) खन्थाइ बिजाब
3. खन्थायलु 1996
4. खरसेनि बेसेन 1997
5. लंफेन गस्ला दानाय नेम 1998
6. रिंखां 2008 (रायथाय बिजाब)
7. उदांसिनि जांखिथाय 2000
8. आं अराय गोथां 2017

बिनि अनगायैबो बिथाड गुबुन गुबुन लाइसि बिसम्बिनि सुजुगिरिनि बिबानबो लादोंमोन होनना बिथांनि बिसम्बिनिफ्रायनो मिथिनो हायो । ड सुरथ नारजारिआ बुंदोंदि- आंहा गोसोआव दड जों जेब्ला रामफलबिल दख 'रायाव फरायसा आफाद दादोंमोन बे समाव जों आखायजों लिरनाय लाइसिबो फोसावदोंमोन । मोनसे समाव बिथाड बे आखायजों लिरनाय लाइसिनिनो सुजुगिरिमोन

आरो सुजुनाय हाबाखौ गाहामै मावफुंदोंमोन आरो मोनसे समाव आं जेब्ला बि.टि.सि. सरखारा खुंनाय Book Fair नि Souvenir नि आफादगिरिमोन, बिथाडबो सासे सुजुगिरिमोन आरो गावनि हाबानि फारिखौ मोजाडै मावफुंलांदोंमोन। बिनिफ्राय मिथिनो हायो बिथाड सासे राफोद थुनलाइ सिबियारिमोन होननानै।

थुनलाइ सिबिनायनि अनगायैबो बिथाड गुबुन गुबुन आफादफोरनिबो बिबान लादोंमोन जेरै- क'क्राझार बर' थुनलाइ आफादनि Vice-President आरो President, Bodo Writer Academy निबो मावफुं सोद्रोमा जानानै खामानि मावदोंमोन होनना मितु रानि बसुमतारि, ७ सुबुंसा बिथांमोना गावसिनि रायथायाव फोरमायना होदों। बेबायदिनो थांना थानाय समाव बिथाड मावलांनाय हाबाफारिफोरनि सोमोनदै बिथांनि बिसम्बिफोराव मिथिनो मोन्नाय जायो।

3.0 फोजोबनाय:

गोजौयाव बिसम्बिफोरनि गेजेरजों बेरखानाय जिउखौरांफोरनि सोमोन्दै सावरायबोनायनि

गेजेरजों बेखौनो बुंनो हायोदि, बिसम्बिफोराव गाहायै सासे सुबुंनि जिउखौराड रायथाइजों लोगोसे खन्थायफोरनि गेजेरजोंबो बेरखाडे। बिसम्बिया सासे सुबुंनि सायाव आबुडै जिउखौरां लिरनायाव थोजासे मदथ होयो। बिसम्बियाव सुबुंनि गुबै आखुनिखुइ बायजोयाव जानाय जाथायासो बांसिन नुजानाय बायदिनो प्रमिला नार्जारी आरो बसन्त कुमार ब्रह्मनि बिसम्बिफोरावबो बायजोयाव जानाय जाथायासो बांसिन जायगा मोनदों आरो बिथांमोनखौ लोगोमोननाय सुबुंफोरानो गाबागावनि मोनदांथिजों खन्थाय, रायथाइनि गेजेरजों बिथांमोनहा थांना थानाय समाव दिन्थिनाय आखल-आखु आरो मावथायफोरखौ जाय जेरै मिथिगौ बेबादिनो रायथाइ, खन्थायनि महर होना लिरलांदों आरो मिथियै सुबुंफोराबो बिथांमोनखौ मिथिनो खाबु मोन्दों। बेनिखायनो थैनाय सुबुंनि मुडव बिसम्बि दिहुननाया मोनसे गोसोखांथिनि सिनल' नड। बेयो मोनसे आबुं जिउखौरां दिहुननायनिबो गुदि फुंखा।

हेफाजाब लानाय बिजाबफोर:

ब्रह्म अनिल कुमार: थुनलाइ आरो थुनलाइ बिजिरनाय, एन. एल. पाब्लिकेशन, क'क्राझार बि.टि.सि. आसाम, 2013

बर' ७ अनिल: गोदान बर' थुनलाइ, अनशुमै लाइब्रेरी, आर. एन. बि. र'ड क'क्राझार, 2006
सुपेन चन्द्र ब्रह्म (सुजुगिरि): रुंसारि बसन्थ कुमार ब्रह्मनि बिसम्बि, रुफाथि प्रिन्टार्स, आर.एन.बि. लामा क'क्राझार, 2023

हाज'वारी रुपनाथ (सुजुगिरि): मुगानि आइजो, प्रमिला नार्जारी, बागदुवार इन्टारप्रास, 2019

Role of the Bodos during Freedom Struggle

-Bidyasagar Narzary

The Kacharis or the Bodos is a name used by anthropologists and linguists to define a collection of ethnic groups living predominantly in the northeastern states of India namely Assam, Tripura, Nagaland, Meghalaya and northern most part of the state of West Bengal. They are one of the oldest inhabitants of northeastern India. However, with the passage of time, and also on the basis of the places of their living, the people belonging to this group is now known by various names such as Boro, Kachari, Boro-Kachari, Thengal Kachari, Sonowal Kachari, Mech, Rabha, Dimasa and Borok etc. Modern politics has played a major role in dividing the people belonging to the great Bodos.

History points out that the Kacharis were ruling Kamrupa till 4th century AD. But they were defeated by king Pushyavarman of the Varman dynasty in the 4th century. Then they were driven out from the Brahmaputra valley. This forced them to move to Sadiya. After living some decades there, they moved further to the east to avoid floods and natural calamities. They founded new kingdom in Dhansiri valley. They also built a permanent capital at Dimapur in 1086 AD and ruled over 450 years from there. The remnants of great Kachari kingdom are still found at Dimapur.

In the early part of 13th century, the Ahoms led by Chao Lung Siu-Ka-Pha (Sukapha) came to Assam and occupied some portions of Kachari kingdom. By 1536 AD, they occupied the entire Kachari

kingdom. This forced the Kacharis to flee towards the North Cachar hills. In 1536, they came to Maibang (Maibong) and ruled there till 1750 AD. It is surmised that the Kachari king Nirbhoynarayan established his capital at Maibang in 1536 AD. But some historians are of the opinion that after the death of Detsung, the titular Kachari king, they were driven out of Dimapur by the Ahoms in 1536 AD. They fled to the North Cachar hills, and Raja Harmeswar, the heir to the Kachari throne, established his capital at Maibang between 1546 to 1570 AD and ruled till 1750 AD. But due to frequent attacks by the neighbouring kings, they moved to Khaspur in search of peace and stability. They constructed new capital at Khaspur and ruled till the last Kachari king, Gobindachandra was killed in 1830 AD.

Although, a few Kachari warriors fought valiantly against the British, utter lack of unity and solidarity and also the absence of an able leadership among the Kacharis, made them lose in their attempts. The Kachari kingdom could not be regained. It remained a distant dream, a dream that could not be fulfilled for centuries. Mention may be made that after the assassination of Gobindachandra, Tularam Senapati

had laid claim over the territory of the Kachari kingdom and he fought against the British Colonial Government. But he was defeated and driven out from Cachar by David Scott, the Political Agent to the Governor General. This forced him to establish his kingdom in the North Cachar Hills.

After the death of Tularam Senapati, the North Cachar Hills was annexed by the British in 1854. But within two decades of British occupation, Swmdwn Kachari, a Kachari hero of Maibang, could not tolerate the continued occupation of the North Cachar hills by the British Colonial Government. Swmdwn, also called as Sombudhan Fonglo, belonged to the Fonglo clan of the great Kachari tribe. He was born at Longkhor village near Maibang, the capital of the Kachari kingdom.

With a view to regaining the lost territory from the British Colonial Government, Swmdwn Kachari united the local people. He also imparted armed training to his people and positioned them in the vital areas for attacking the Colonial Government. The British Government came to know about the preparation made by Swmdwn Kachari. Accordingly, Major Boyd, the Deputy Commissioner,

with 40 of the Kuki Militia marched from Gunjong on January 13, 1882 to Maibang to punish Swmdwn Kachari. Gunjong was 15 miles west of Haflong. Major Boyd was mortally wounded and defeated by Swmdwn Kachari during the fight. This victory over Major Boyd made him so popular that he was called Jwhwlao, a hero, by the people. He then moved to Gunjong where the headquarters of the sub-division of the Company administration was located. Although, Mr. Soppit, the Sub-Divisional Officer tried to protect Gunjong, he was defeated by the forces of Swmdwn Jwhwlao. At last, Mr. Soppit retreated to Cachar and waited for the opportune time to fight the Kacharis. Swmdwn Jwhwlao then proceeded to Khaspur and enlisted the support of the local people against the British Colonial Government. Unfortunately, while visiting his wife at Khaspur one day, he was arrested and killed by the British in 1883.

In 1826, David Scott, Agent to the Governor General came to Goalpara. In 1827, after analysing both economic and political aspects of Duar areas, he recommended to the Governor General for the permanent annexation of Lower Assam and Bhutan Duars to the British dominion. So, the British troop fought

a long battle from 1828 AD to 1865 AD against the Bhutanese army. Finally, the British army won the battle and the Duar areas came under the British dominion.

Jaolia Dewan was another Bodo hero who fought against the British Colonial Government. His headquarters was at Nounwgwr which is additionally called Sikhnajahar by the local people. Remnants of his headquarters are still found there. Some writers have mentioned Jaolia Dewan as Sikhna Jwhwlao in their writings. It is said that Jaolia was the son of a Bodo couple who was brought up by a Bhutia family. Although there is no mention of the name of Jaolia Dewan in the history of Bhutan, it is believed that he was the Dewan of the king of Bhutan for supervising day to day affairs of the Duars.

It may be mentioned that there were eighteen (18) Duars, out of which, eleven (11) were on the frontiers of Bengal and Goalpara and seven (7) were in the north of Kamrup and Darrang districts. All the eleven Duars situated within Bengal and Goalpara frontiers were already under the Bhutanese occupation long before the British came. The Duars situated within Kamrup were under the Bhutanese occupation since the

reign of Ahom king Gaurinath Singha. The Duars situated within Darrang were jointly managed by both the Ahoms and the Bhutanese.

Birgwsri was one of the Bodo heroines who also fought against the British for the establishment of Mech kingdom in Duar areas which were situated in Assam. Although she was a mere revenue collector under Bijni Zamindar, her concern and love for the Mech people was supreme in her mind. So, she, along with Jaolia Dewan, relentlessly fought against the British and sacrificed her life in 1865 AD. The heroic acts of Birgwsri are still alive in the oral history of Bodo people. Her life has been vividly described in a Bodo novel 'Birgwsrini Thungri' (The Sword of Birgosri) written by Bidyasagar Narzary. The novel was awarded Sahitya Akademi Award in 2008.

When the freedom movement started throughout the country, the Bodo people could not stay away from it. Like others, the call for independence touched their hearts too. They realised their prime duty towards their motherland. The offspring of Ghototkocha, the Bodos, had a glorious past. This haunted them over the years and reminded them of their duty

towards their people and the glorious past of their race. Old memories pained their hearts and souls.

Western education was introduced in Assam towards the last part of the 19th century. Many schools were started in different parts of Assam by the Company administration. Cotton College was established at Gauhati for providing higher education in 1901. This enabled the students from the whole of the North East to come to Gauhati and study there. The Bodo boys and girls hailing from different parts of the state also studied at Cotton College. They also availed themselves of the western education and thus enlightened their life with modern education.

Dhubri was the headquarters of Goalpara district during the British rule. Dhubri Government High School was one of the most important centres for learning. Like others, the Bodo students also came and studied there. It became a meeting place of the Bodo students who played a major role in the Bodo society later on. In fact, the beginning of the Bodo people towards unity and solidarity and also the underlying urge for social reforms was started by the students of Dhubri. They could foresee

the future needs of the Bodo people. Therefore, they stated working for the overall welfare and development of the entire community. They formed a student union and organised many meetings among themselves to discuss about the glorious past history of the Bodo race, which made the Bodo people aware of their glorious past. They initiated various steps for the protection and promotion of the Bodo language and literature. They also helped social reformers like Gurudev Kalicharan Brahma in his noble work and endeavour for the reformation of the Bodo society.

However, towards the end of the 19th century and in the first half of the 20th century, the society of the Bodo people started degenerating due to various social and religious evils and bad practices. They were despised as a lowly community and also ostracised by the neighbouring communities. They had no status in the greater society of different communities. To escape from hatred and indignity, many Bodo people got converted to other religions and thereby pushing the community itself to the brink of total disaster and ruin. Fortunately, at this critical juncture, Gurudev Kalicharan Brahma came on the scene. He preached Brahma religion

among the Bodo people and put a break to the religious conversion. With the help of Mr. A.J. Laine, the Deputy Commissioner of Goalpara district stationed at Dhubri, he established many primary and middle schools in the Bodo dominated areas. He also started weaving and carpentry schools at Tipkai for the benefit of the Bodo women. For social and political rights of the Bodo people as a whole, Gurudev submitted a petition to the Simon Commission at Shillong on January 4, 1929. The petition was most timely because it urged the British India Government for the protection of the economic and political rights of the indigenous tribal people.

By 1919, the freedom struggle had already engulfed the entire country. The people of Assam too participated in the freedom movements. The Bodo people also joined the freedom movement. The Bodo students gave up their studies and also joined the freedom movement. They also joined different political parties. While some of them joined the Congress party, others joined different political parties. As a result, many Bodo people suffered and some of them even sacrificed their lives. Unfortunately, there is no mention of the sacrifices made by the Bodo people

during the freedom movement.

It is a fact that most of non-Bodo leaders had taken shelter in the Bodo villages to avoid arrest during the freedom struggle. They depended entirely on the Bodo people during their hidings in their remote villages. Not only shelter, they were provided with food and other essential commodities by the Bodo people. In the absence of the Bodo people, they would have been all arrested and imprisoned. The success of the freedom movement would have been impossible in Assam without the active support and cooperation of the simple Bodo people.

The records that are still available with the state government point out that many people belonging to the Bodo groups of Goalpara, Darrang, Lakhimpur, Nowgong and Sibsagar districts participated in a series of the freedom movements. They faced untold sufferings and some of them even laid

down their lives for the cause of the motherland. Like men, the women also participated in the freedom movement, thereby, jeopardising their own family lives. Unfortunately, the names of those Bodo women are hardly found in the Assam history.

Recent researches have shown that like the freedom fighters from other communities, the freedom fighter from the Bodo community was also deported to Kalapani, i.e., Andaman and Nicobar Islands. As per the Government record, Gongar Boro of Harangpara village located in the present-day Baksa district was deported to Andaman and Nicobar Islands in 1933. He was imprisoned in the Cellular jail for long 14 years. He was released from jail only on August 15, 1947 when India became free. One Harendra Nath Mech, hailing from Chiringhulla village of Dibrugarh district, had also participated in the freedom movement as member of Azad Hind Fauj.

THE BODOS AND THEIR LEGENDARY HEROIN THENGPHAKHRI

-Premananda Machahary

The Bodos are the aborigines and the earliest known inhabitants of the Brahmaputra valley. The Bodo kings had ruled ancient Pragjyotishpura and Kamrupa of the great Brahmaputra valley for many centuries upto the eve of the intrusion of the Ahoms in the thirteenth century A.D. B.K. Baruah writes that the most important group of tribes of the Tibeto-Burman race known as Bodo formed the numerous and important section of the non-Aryan peoples of Assam and they built strong kingdom and with various fortunes and under various tribal names the Chutya, the Kachari, the Koch etc. held sway over one or another part of Assam during different historical times. (A Cultural History of Assam, 1969, p.7). The Bodo kings once ruled in the Kapili valley of Nagaon. In the copper-plates of the kings-Indrapala and Dharmapala of the Pala dynasty, the word "Baraha" (Sribaraha) is seen. (K.L. Baruah: Early History of Kamrupa, 1978, p. 229, Appendix iv, second copper-plate). K.L. Baruah writes that the Barahi kings once ruled in the Kapili valley. (Ibid. p. 214). The Barahi king Mahamanikya patronized the great poet Madhav Kandali in translating the epic Ramayana from the Sanskrit language to Assamese version in the middle part of the fourteen century.

The Bodos, no doubt, inhabiting permanently in this Karbi Anglong from the time immemorial or prior to the creation of the erstwhile United North Cachar and Mikir Hills District. Because the Bodos and others paid land revenues to the Revenue office at ampur of the Nagaon district before creation of this district. The Karbis called the Bodos as the 'Parak' in earlier time. The word 'Parak' was most probably, derived from the word 'Borok' or 'Boro'. The present 'Parakhowa' of Karbi Anglong district was named after the inhabiting place of "Parak" in Karbi language.

Now the Bodos or Boros are one of the major tribes of present Karbi Anglong District.

There are many legendary hero and heroins of the Bodos as such Thengphakhri, Birgwsri, Sikhna, Jaolia Dewan, Basiram, Odang Sikhla, Khawasri Sikhla, Daori Sikhla, Gali Sikhla, Jona Sikhla, etc. etc.

THENGPYAKHRI: A BODO HEROIN

Thengphakhri was a courageous Bodo legendary heroin who took birth in about 1810 A.D. in the then kingdom of Bijni. She came from a Boro village Khamarguri. Her black and straight hairs touched her groin of her back knee. There were disturbances of the wild tigers and plundering of the dacoits in her time. There are saying among the people of Bijni that Thengphakhri killed many wild tigers and many notorious dacoits and saved the life of the poor people. At that time she was like a goddess and courageous activities, the British East India Company appointed her as a Izardar for the first time and later on promoted her to a Revenue collecting officer (Tehsildar). It is known that she was the first lady Tehsildar in India.

Thengphakhri knew well how to gallop through and went riding to village to collect revenue with the British Officer and an escort of the British Soldiers as her security. She looked like a lady British Officer when she put on her dress of British Officer with a hat on her head. Her open long hairs were flying back as fast as she

galloped through. It made surprised the people that a woman could ride in such a manner, as it were a battle heroin in a battle field. In fact she was a true heroin who dominated the gangs of notorious dacoits by killing many of them and killed many wild tigers and saved the general people from the extreme horror of that time. Her goal was not missed in shooting a gun and an arrow of the bow. After all she was an expert shooter of gun and arrow.

It is well mentioned that Thengphakhri could not be rigid in collecting revenues from poor peasants. The British Officers suggested her to be rigid and hard before the people as an administrator. But she could not be so before her indigenous poor people. She was feeling sympathy for her poor people who could not afford to pay the demanding amount of revenues. The poor people honoured her and paid their revenues as far as their affordable position. The British Officers were disappointed with her for her soft corner towards the people. She knew very well the disappointed of the British Officers against her, yet her heart did not tell to be the coercion on her people in time of collecting revenues.

Thengphakhri was rendering her services efficiently as a Tehsildar with keeping a soft corner at the bottom of the heart for her people of the land and died this legendary Bodo heroin in about 1879 A.D.

Opportunities for Entrepreneurship in the NER

-Laishri Mahilary

1.1 INTRODUCTION:

North East Region of India is the land of immense untapped opportunities. The region is endowed with rich natural resources in the form of soil, water, plants, topography and animal diversity. These resources provide the basic ingredients for development in agriculture, sericulture as well as Industrial sector. There are many opportunities for entrepreneurship in the NER. As Entrepreneurship is the ability and readiness to develop, organize and run a business enterprise, along with any of its uncertainties in order to make a profit. It generates employment and provides an entry level job. It is the hub of innovation which provides new product ventures, market, technology and quality of goods. It is also increases the standard of living by increasing the income. This paper tries to focus on the various opportunities for entrepreneurship in the NER, with special reference to Assam.

1.2 DISCUSSION:

The North East Region of India is the eastern most region of India connected to East India. The region constitutes eight distinct and diverse states viz. Arunachal Pradesh, Assam, Manipur, Meghalaya, Mizoram, Nagaland, Sikkim and Tripura. And these states belongs with a number of Ethnic people such as the Dimasas, the Missings, the Nagas, the Khasis, the Garos, the Jayantias, the Karbis, the Moran, the Mattaks, the Deoris, the Bodos and so on. All these groups of people have traditional Knowledge and skills like- Painting, Curing Diseases, Weaving and Textile Designs, Bamboo

and Cane work, Fishing, Hunting, agriculture, sericulture and many more. The North East Region of India has the potential to be a leader in the field of Entrepreneurship development. Assam is one of the biodiversity hotspots that occupy a special place in North East Region of India. The state has 28,748 sq km area under forest with a diversity of about 3,017 flowering plants and very rich in flora (plants) and fauna (animals). It boasts an abundance of resources for Entrepreneurship. There are many sectors available to startup entrepreneurship in NER. Some examples are given bellow with success stories.

1.2.1 Horticulture as a tool of entrepreneurship

Horticulture is the art of cultivating flowers, fruit and vegetables. North East Region of India is rich in diversity of many flowers, vegetables, bamboo, fruits, ornamental crops etc. That's the main reason Horticulture can also be taken as a tool of entrepreneurship

Example of Success stories:

Dr. Dhruba Jyoti Sarma, owner of Daffodil Nursery old is a college teacher. Who had shared his Journey from Employee to Employer in the field of Horticulture Entrepreneurship on 27th September 2023 in the programme of RC on Skill based Curriculum Development

in Ref. to NEP 2020 as a Resource person. In 1982 his father Lt. Gopinath Sarma Who is also known as Sikshyadut (Angel of Education) started a home garden with about 200 tubs as hobby. Later on, Dr. Dhruba Jyoti Sarma after passing his M.Sc. degree expanded home garden by raising number of tubs upto 500 with rose and seasonal flowers. And this was how Horticulture Entrepreneurship starts up. He also started multiplication by cutting and raising seedlings with 1 bigha land. Employed one man in 1994 and started selling seedlings and cuttings in Khetri biweekly market. In 1999 a lady and 3 males were employed. In this way he becomes a successful Entrepreneur. He also mentioned that sale Started in 1996 with an Average sale of about Rs. 200/- . By 2000, Sale of about Rs. 8000 to 10000, Manpower was 12. In this way gradually increased and present staff position is 300. Land area 1 bigha rose to 70 bigha. Present Annual Turnover is around Rs. 20 crores. Certified mother plant 18 out of total 3000 MP. He has also trained and employed hundreds of unemployed.

Products lines of Daffodil Nursery old are:

1. Pomology- fruit plants Mango, litchi, guava, citrus varieties, banana, Rambutan, Avocado, Durian etc.

2. Floriculture- flower section

Seeds and seedlings of seasonal flowers, Orchids, Gerbera, flower bulbs and other ornamental shrubs, indoor plants, Palm trees.

3. Olericulture- Vegetables

Seeds and seedlings of all seasonal vegetables

4. MAP- Medicinal and aromatic plants

Seedlings of almost all medicinal & aromatic plants

1.2.2 Sericulture as a tool of entrepreneurship

Sericulture which is also known as Silk farming is an aged-old, agro-based traditional practice in North eastern region of India. There are four varieties of Silk produces in the region, Such as Muga, Indi (Eri), Pat and Mulberry. Assam is the only state which produces all four varieties of Silk. Because of that Assam is regarded as the richest state of India in Sericulture. Different district of Assam like Kamrup, Lakhimpur, Dhemaji, Sivsagar, Goalpara, Udalguri, Sualkuchi etc. Practice Sericulture widely. Sericulture is a labour intensive industries in all its phases namely, Cultivation of silkworm food plants, Silkworm rearing, Silk reeling and other post cocoon processes such as twisting, dyeing, weaving, etc. Now a day's Sericulture is becoming an agro based industry where employment opportunity is very high. In 21st Century sericulture

industry is fully commercialized, new techniques were used to bring more economic benefits to the State as well as individual benefits.

Example of Success stories:

There are many success stories related to Sericulture entrepreneurship.

SHRI LILA BHUYAN is a traditional rearer and motivator to youngsters for muga industry at tupia, district sonitpur, assam. Shri Lila Bhuyan becomes a role model farmer and motivator for youngsters in muga industry. He is traditional muga rearer and actively involved in muga rearing last many years. He utilizes Tupia State Farm for muga rearing every year for three crops viz., Jethua-Commercial Crop (April – May), Bhodia-Seed Crop (August – September) and Kotia-Commercial Crop (October – November). He has shown that muga culture is a very profitable profession and motivated many young person to take up muga culture in his village and nearby villages of Tupia. Many youngsters of his village and nearby villages of Tupia are actively involved in the muga industry due to his initiatives. Muga culture activities largely taken up by the youngsters are not only employing their leisure time for meaningful monetary gains but also support their family and improve their

socio-economic status. At present, muga culture is main source of income to his family and other youngsters. Now, as muga culture is well established in his village and nearby villages. Shri Lila Bhuyan's success lies in efficient financial management of three crops. Now his annual income through muga culture is about Rupees 20000 to 35000 / year / crop and is leading a peaceful life. He is also doing agriculture crops for his livelihood and income. He is actively involved in muga culture, because this is the only source, in which he gets direct income after sale of muga cocoons to Sualkochi, Assam. He has done wonderful work for this success and become role model "Muga Culturist" worthwhile in Sonitpur District, Assam.

Besides these there are many other sectors to startup entrepreneurship like:

Handloom weaving, Pisciculture, Agriculture, Animal husbandry, Dairy, Poultry, Piggery etc.

3.1 CONCLUSION:

Thus to conclude, from the discussion it's clearly portray that there are many opportunities for entrepreneurship in NER of India and obviously in Assam too. Development of entrepreneurship is a major step to increase participation in the process of economic development, which can also improve the social, educational and health status of people and their families. Now a day's the products produce by handloom weaving, horticulture, sericulture as well as other sectors are progressively polishing with modern technology and able to stand on market demand. In this way, skill of entrepreneurship plays a great role to the economic development of NER of India.

References:

1. Chatterji, Suniti Kumar. (2007). Kirata–Jana–Kriti (Reprinted). Kolkata: The Asiatic Society, 1Park Street.
2. Baruah, K. L. (1966). Asomar Pragaitihasik Sanskriti. Assam: Asamiya sanskriti.
3. <https://cmerti.res.in/wp-content/uploads/2021/03/Sucess-stories-17-18.pdf> (15.02.2014).

Food And Nutrition in Traditional Bodo Diet For Prevention Of NCD

-Prof (Dr.) Khagen Basumatary

Food habits of human being depend on food commodities available in the area. It also depends upon ecology, availability of food products, tradition of believes, social practices and religions believes. Besides it also depends upon the community knowledge of collection, preservation and preparation of food items. Bodo community is a tribe that belongs to sub-group of Mongoloid or the Kiratas as famously mentioned in the Vedas and puranas, otherwise known as Indo-Mongoloid or Indo-Tibetans inhabited majorly the foot hills of Himalayan range on the northern bank of Brahmaputra River of North East region. There are some pocket areas also outside India in Burma, Nepal, Bangladesh and Bhutan.

Bodo community has habits of domestication of livestock like cow, goat, pig, dogs, cats and flocks like hen, duck, pigeon, etc. They collect and gather food from nearby jungles forests wetlands and like lake (beelw), small ponds (hakhor), River (Dwima), tributaries (Nijwra), Swamp area (beher/pitoni) etc. They have some creative knowledge in food collection and style of fish food collection from wetland is interesting and has folkloristic value. Bodo women collect fish, veggies, stems, leaves roots, buds, flowers, tendril roots as their food items from nearby forests of open field free of costs. They also cultivate cereals and pulses for their own use for the whole year.

Now-a-days due to growing population large quantity of food grains is produced. Food items of Bodo community

- i) Rice (Angkham)
- ii) Rice cake (Phitha)
- iii) Onla Khari (a kind of rice powder curry which is delicious)
- iv) Leafy vegetables

1	Lai mwigong (mustard green)	12	Dingkhia (fiddlehead fern)
2	Lafa mallgong (Chinese mellow)	13	Helaisi (water cress)
3	Thaso (arum/Taro/colocasia)	14	Maitha (roselle)
4	Khunthai (African egg plant)	15	Khiphibendwng (stink vine)
5	Singri gwkhwi	16	Narzi (Jute)
6	Manimuni	17	Datha mwigong (Amaranth)
7	Nwsing	18	Khwlwm bijou (Water spinach)
8	Haijeng	19	Oua Mewai (Bamboo shoot)
9	Dundia	20	Gutha mwigong (white goose food)
10	Thalir mwgong		
11	Khuthra (Green amaranth)		

Cultivated Vegetables :

- i) Khumbra (Ash gourd)
- ii) Jwgwanar (pumpkin)
- iii) Bhol (Lifa gourd)
- iv) Jingkha (ridge gourd)
- v) Thaisum (Cucumber)
- vi) Maitha (sour leafy veggie)
- vii) Lesra (Kidney bean)
- viii) Dhunduli (kind of pointed gourd)
- ix) Potol (pointed gourd)
- x) Banlu (Chilly)
- xi) Thaibeng (kind of melon)
- xii) Haijeng (ginger)
- xiii) Haldwi (turmeric)
- xiv) Phanthao (brinjal)
- xv) Thaso (arum)
- xvi) Sobai (pulses)
- xvii) Masoor dali (lentil)

Animal products (Common) :

- i) Pork (Omar bedor)

- ii) Chicken (dao bedor)
- iii) Mutton (Bwrna bedor)
- iv) Hangsw bedor (duck meat)
- v) Meat of wild animals like mongoose, venison. Rabbit, Tortoise, Iguana (Occasionally used)

Some Traditional Food Preparation of Bodo Community

- i) Nafam (Fermanted fish preparation)
- ii) Na Menai (steamed/Roasted fish with spices in plantain leaf)
- iii) Khardwi (Alkaline preparation)
- iv) Kharwi (from banana tree Sesame stans)

Alkaline curry (culnary)

- i) Sobai Khari
- ii) Narzi Khari
- iii) Onla Khari dao bedor (rice powder alkaline curry with chicken)
- iv) Dao bedor sobai kharwi (pulse alkaline curry with chicken)
- v) Owa mewai dao onla (Bamboo shoot, rice powder curry with chicken)
- vi) Maithru Na Kharwi (Papaya fish)
- vii) Khumbra Na Kharwi (Alkaline ash gourd fish curry)
- viii) Khumbra dao ondla kharwi (alkaline ash gourd chicken curry)
- ix) Oma bedor ondla kharwi (Akaline rice powder pork curry)
- x) Khwma bibar onla kharwi
- xi) Maithru bibar nagwran
- xii) Thaigir onla
- xiii) Thaisri onla
- xiv) Mula gwran onla
- xv) Khusia gwran sobai
- xvi) Hangsw onla

Bathwn preparation (Tart/Chutney)

They prepare 'bathwn' (chutney) from gangjema, crab, caterpillar, water insect, water beetle (Engkhaori), silk worm, dry fish, gusengkhra (cricket) guma gwthao (paddy field grasshopper) etc.

Rice Beer (Zau) :

Mwidru– Boiled vegetables with citrus fruit veggies.

Silkworm Pupae Fry– this dish is delicacy among Bodos. This dish is source of high protein and fats. Taste is similar to scrambled eggs.

Fresh water Snails Curry – This dish is low in fat, high protein, Vitamin-A, Calcium (Only the inner meat is eaten not the shell).

Green Tree ants egg fry- Rich in high protein & fat dish.

Pork with Narzi (dry jute leaves)- Once famous dish of Bodos is Pork with Narzi

Fish with Roselle leaves- Roselle leaves (Maitha) have a sweet-tangy flavour are greatly used in Bodo cuisine.

Napham (Fermented fish Chutney) - Fish Fermentation is a way of curing fish and storing it for long time. It is prepared with fermented fish, salt, mustard oil, garlic, ginger, onion and chilly. Everything is mixed properly to make a paste which is then served with food.

Fish head with Urad dal (Pulse) Giant Water Bug Chutney :

Giant water bug chutney is prepared by cleaning the bug and frying it with onion, garlic and chillies. After frying everything is turned into a paste and is served with food.

Rice Powder & Chicken**Pork with Vegetable Mustard (Laisak)****WHAT IS NCD ?**

Non-communicable Diseases (NCD's) are medical conditions or disease that is not caused by infections agents.

These are chronic diseases of long duration and generally with slow progression and are the result of a combination of genetic, physiological, environmental and behaviour factors. Mostly the diseases of NCD groups are free radical mediated diseases which is triggered by our improper digestion and metabolism.

Some examples of NCDs are Cardiovascular disease such as heart attack, stroke, coronary artery disease, peripheral artery disease (PAD), Asthma, Hypertension, Chronic Obstructive Pulmonary diseases (COPD) , Occupational lung

diseases, Diabetes, Cancer etc.

Biological Risk Factors for NCDs :-

- + Raised Blood Pressure
- + Raised Blood glucose
- + Over weight and obesity
- + Raised total cholesterol + Stress

Prevention and cure of Non Communicable Disease :

Healthy Diet – Avoiding canned food and excessive salt can prevent hypertension. Low fatty diet, rich fibre diet are good for metabolism.

+ **Regular Exercise** : Approximately 1.6 million global deaths are attributed to a sedentary lifestyle.

6. Adequate sleep – 6 to 8 hrs of sound sleep is a must for a healthy body to function.

How Traditional Bodo cuisines help in prevention of NCD

हारिनि सुथुरानो गोरिब । बेख्रौ फोजोबस्रानायनि
थार लामायानो सोलोंथाइ लानाय । -एबसु

Teacher as a Leader

-Dr. Ajit Boro

“Integrity, insight and inclusiveness are the three essential qualities of leadership” - Sadhguru

Teacher is leader who has many faults roles and responsibilities to make men and build the society. He is the maker of man. His roles and responsibilities confined not only the classroom. But covers wider area in the society. The society, as a whole, depends upon the teachers.

In any type of social grouping of men, there is always an individual who is an outstanding who possesses exceptional mental ability, physique and personality who leads the herd. The leaders among human beings are usually the socially better adjusted individuals. The leader is the person who is able to lead the group toward its goals. Similarly, teacher is the leader in the classroom since he is the authority in the classroom teaching and leads the students towards the right direction and qualities of a teacher.

Role of a teacher as leader-

In the classroom situation the following types of roles are identified.

Teacher’s Role-

Teacher’s role and responsibilities should not be confined to the classroom.

The first role of the teacher is the leadership role that has been granted to him by traditions and laws of the country. The role of the teacher is shifting from authoritarian to democratic and participatory one. The leadership role of the teacher in the classroom teaching in one of the most important roles which has been studied more extensively than any other role in recent years by research scholars with the greatest variety or research techniques.

The teacher as the leader of the class can play three type of role: (1) Autocratic (2) Democratic and (3) Laissez Faire.

(1) Autocratic Leadership:

To direct every action of the students the teacher exercises certain firm and centralized control and it is called autocratic leadership. The teacher does all the planning for the class and issues all the directions for implementation. He directs every activity of the pupils in accordance with his own will and plan. He considers himself as the only avid agent and considers students as passive receiver of instruction and information in the class. In this type of leadership the teacher does constant check on students, maintains rigid discipline and he believes that students cannot be trusted. He never admires students for the activity done by the students. Here the students are unwilling, uncooperative and lead back-biting.

(2) Laissez faire Leadership:

Second type of leadership in the class is Laissez faire where the teacher leaves the students on their own will. The teacher gives no advise, no help, no encouragement to students. The students decide themselves that they want to do and how they will do it. The teacher does not provide any kind of leadership. There

is no clear-cut goal and teacher believes that student should be left alone for their work. There is no team work. But some reactions of the students arise here like back passing and irritability.

(3) Democratic Leadership:

The third type of leadership is democratic. Recently it has been set up by research studies that the essence of successful group, actions in a democratic orientation of shared opinion. The arrangement to lead his students in the studies of significant problems in the area in which the teacher is the main goal of the teacher is this kind of leadership. Scope for interchange of evidence and insight is always there in a classroom. Here the teacher help and encourages group participation as much as possible. There is mutual give and take policy and respect for one another's ideas. Here, the teacher shares plan and decision making with the students in the class. Praise and criticism are given through reward and punishment. In short in this kind of leadership the teacher helps and encourages the participation of all students in a democratic set up within a society. It is believed that democratic leadership is better in the classroom teaching. It develops positive traits in children which are helpful for adjustment. It develops creativity, leadership quality

and sociability.

Role of Teachers in improving the social climate in the classroom

Good group relationship plays an important role in social learning. The teacher must improve or influence and create conducive social climate and cohesion in the class as a group employing teaching techniques developed by research workers in the field. The teacher can influence or improve the social climate of classroom with the help of following qualification.

(1) Impartiality : Teacher is a model for the student. His behaviour should be impartial, his handling of problems should be psychological and he should arrange help to individual students in need. He should not team pets since sometimes pets become the cause of conflicts among the students of the class and the teacher. The whole climate of the classroom as a social group is charged with emotions. He should love all equally.

(2) Effective communication : Sometimes unnecessary communication causes disruption in the class. The students should be helped by the teacher to understand each other in both formal and informal meetings. There should be close relationship between the teachers and the students. If any misunderstanding

is created, it should be immediately clarified. The classroom communication should be a two-way process. Student should also be an active not a passive listener in the class. Students should be encouraged to ask questions to clarify their doubt if any.

(3) Provision of co-curricular activity: To influence the social climate in the classroom the teacher should made proper arrangement of co-curricular activity. Every students who are best suited to lead a particular type of activity should be given a chance to do. For example a karate champion who possesses the qualities of leadership should be allowed to assume the role of captain of the karate team of martial art team. At times the teacher can assume the role of follower rather than leader, which will be shifted to any particular student in the class. We know co-curricular activities help in the all-round development of the child. It should be organized and students should be encouraged to take part according to their physical and mental level.

(4) Discussion: To develop the social climate, free discussion should be arranged for the group. The suggestions should be invited from students to improve upon the existing conditions. It is desirable that social prejudices,

religious beliefs which are prejudicial to any community should not be discussed in the class.

(5) Cohesiveness: Teacher should encourage the feeling of cohesiveness among the member of the class through effective communication. Though in classes where students of various communities and religions study becomes very difficult for the teacher to create cohesiveness yet he should try to encourage the feeling of cohesiveness through effective communication.

(6) Sense of humour: A teacher who is stern and dull witted and who is unable to share the joys and sorrows of his students can never create unity. Happiness, co-operation among the students etc. are the essential conditions for unity. With a sense of humour and unity remark a teacher, can reduce the stress and strain of a class. Sense of humour may cover through reference interaction, gestures etc.

(7) Strength of personality: The personality of the teacher is also an important factor. The modern concept of the schools is that it is a miniature society. In such a society the teacher should show strength of his personality. The impact that a teacher makes upon the personalities of the children is a significant and important

one for influencing the social climate in the classroom. His personality acts as a unifying and motivating force among the children. By a parent substitute in the school environment, he should help the children to acquire good traits of character and personality from him. He should display pie scholarship, self-control, and abundance of optimism, sincerity, sympathetic, attitude, and caring.

(8) Counselling: Recent finding in group dynamics stresses the role of counselling to backward pupils in the class. Teacher can also use group counselling to improve the climate of his class into a congenial one.

(9) Tours and visit: Through tours and visits, teacher can bring about the social development in the mind of the children. He can organize educational tours, picnics and excursions to bring the students more close to each other. These activities give an opportunity to understand each other and improve the emotional and social climate of the class as a group.

A gifted teacher is not only prepared to meet the needs of today's child, but is also prepared to foresee the hopes and dreams in every child's future.

बर' खुगा मेथाइयाव बर' समाजनि रांखान्थियारि सावगारि: मोनसे बिजिरनाय

-खोमदोन ब्रह्म

1.0 सिनायथि:

बुहुमाव थानाय गोबां हारि-हारिसाफोरहानो गावबा गाव राव, हारिमु, थुनलाइ दड। बेफोरनि गेजेरजोंनो बिसोर गावसोरखौ मुलुगाव सिनायथिनो खाबु मोन्दों। बबेबा मोनसे हारिया गावनि आंगो राव, हारिमु, थुनलाइ गैयाब्ला बे हारिया मुलुगाव गोबाव सम थानानै थानांगौआ गोब्राब। रावआ मानसि हारिखौ बुहुमाव थानाय गासैबो बिथिंफोरनिफ्राय आलादा खालामनानै दोन्दों। रावनि गेजेरजों सुबुं माहारिया गावनि साननाय हनायखौ गुबुननो फोरमायो। बेजोंनो लोगोसे थुनलाइयाबो मोनसे हारिनि गोनांथार आयदा। जायनि गेजेरजों जों समाजाव आरो मुलुगाव मा जादों आरो मा जागोन बेफोरखौ सानखांनानै मोनसे गोथां जारिमिन लिरनानै दोनो। जायखौ थुनलाइनि गेजेरजोंसो अराय गोजोर खालामो। बबेबा मोनसे हारिया रावल' थानानै थुनलाइ गैयाब्ला बे हारिया मुलुगाव गावखौ सिनायथिनो हानाया गोब्राब होननानै बुडेब्लाबो बाराद्राय जानाय नड। थुनलाइ आरो गुबुन गुबुन बिजोंनि गेजेरजोंनो मोनसे हारिनि हारिमुवा बेरखाडे। बेबादिनो लिरनाय थुनलाइया जोनोम जानायनि सिगां सिगां खुगा खुगा सोलिबोनाय थुनलाइया बर' हारिनि अनगायैबो गुबुन गुबुन हारिनि गेजेरावबो दड। खुगा थुनलाइ होननानै बुडेब्ला सरासनस्त्रायै मोनसे मुगानिफ्राय गुबुन मोनसे मुगासिम मानसिफोरनि खुगा खुगा सोलिबोनाय थुनलाइखौनो बुजियो। थामहिनबा खुगा खुगा सोलिबोनाय थुनलाइखौनो खुगा थुनलाइ बुडे। सुबुं हारिमुखौ R. M. Dorson बिथाड "Folklore and Folklife: An Introduction" बिजाबाव मोनब्रै बाहागोआव राननानै होदों। बे मोनब्रैनि गेजेरावनो खुगा थुनलाइयाबो मोनसे। सुबुं हारिमुनि बाहागोफोरखौ बिथाड

जेरै मोनब्रै बाहागोआव रानदों बेबादिनो बर'नि सुबुं हारिमुखौबो मोनब्रै बाहागोआवनो बाहागो रानलांदों बर'नि गेदेमा लिरगिरि बिथांमोना। बर' थुनलाइनि गागि थुनलाइगिरि गेदेमा इन्द्रमालती नारजारी आरो बिरलां नारजारीजों दिहुनजानाय लाइसिनि बिखायाव इन्द्रमालती बिजाबाव खुगा थुनलाइनि बाहागोखौ मोननै बाहागोआव रानदों। बे मोननै बाहागो राननायनि गेजेराव खुगा मेथाइयाबो मोनसे। खुगा मेथाइया मोनसे फिरिनिफ्राय गुबुन मोनसे फिरिसिम देंखो होनानै रोजाबबोनाय मोनसे मेथाइ। बेनि थाखायनो बे मेथाइनि सोरजिगिरि मोननो थाड। बे मेथाइयाव मिलौदो गारांनि देंखो बोनाया हाबनानै थायो। जायनि गेजेरजों मोनसे हारिनि समाज, रांखान्थि, हारिमु, जारिमिन बायदिफोरनि खोथाया रोखा बेरखांनयखौबो जों नुनो मोनो। बेफोर जेखि जादोला सावरायनो लानाय आयदाया जाबाय बर' खुगा मेथाइयाव बर' समाजनि रांखान्थियारि सावगारि।

2.0 बिजिरनायनि थांखि:

बबेबा मोनसे आयदानि सायाव गोथौयै मिथिनो थाखाय बेनि सायाव गोसो हमथानानै दिदोमै बेनि सिं सा हाबनानै नायाब्ला बेनि गुन आरो आखुथाइफोरखौ मोजाडै मिथिनो हानाया गोब्राब जायो। बर' खुगा मेथाइनि गेजेरजों बर' समाजनि रांखान्थियारि सावगारिया माबादिथै बेरखांदों बेखौ खुगा मेथाइयाव गोजोमनानै नायब्लासो मिथिनो मोनगोन। थारैनो बुंनो

थाडोब्ला लैथोनि दैया बेसे गोथौ बेखौ रुगुडव थानानै ज'खा सुयोब्ला बियो बेयाव जाफुंगोन होननानै साननो हाथावा। खुगा मेथाइखौ बिजिरनो लानायनि थांखिया जाबाय-

1. गोदोनि बर' समाजनि रांखान्थियारि थासारिनि सोमोन्दै मिथिनाय।
2. बर' खुगा मेथाइखौ बुरखांफिननाय।
3. बर' खुगा मेथाइखौ इयुन जोलैनो मिथिहोनाय।

3.0 बिजिरनायनि आदब:

बबेबा मोनसे आयदाखौ बिजिरनांगौ जायोब्ला जायखि जाया माबा मोनसे आदबखौ बाहायनांगौ जायो। बेनिखायनो खुगा मेथाइखौ बिजिरनो लानायनि सिगां सिगां बायदिसिना आदबखौ मिथिप्रोनाया गोनांथार। बेखायनो बे बिजिरनो लानायाव मोननै आदबखौ बाहायनाय जादों बेनो जाबाय फोरमायलुवारि आरो बिजिरलुवारि आदब। बेजों लोगोसेनो बे आयदाखौ बिजिरनो लानायाव गोबां लिरगिरिफोरनि बिजाबफोरनि हेफाजाब लानाय जादों। जायफोर लिरगिरिफोरनि बिजाबाव मोननाय खुगा मेथाइफोरनि सायाव बिजिरनाय हाबाया जादों।

4.0 आयदानि सायाव बिजिरनाय:

खुगा थुनलाइनि सिडाव थानाय खुगा मेथाइनि गोनांथिया बर' समाजाव गोदो गोदायनिफ्राय लानानै दिनैसिमबो गोबांथार दं। खन्थाइ, रायथाइ, सुंद' सल', सलमा बायदि बायदिफोरनि गेजेरजों हारिनि बायदि थासारिफोरा

एरखां जायो थिक बेबादिनो खुगा मेथाइनि गेजेरजोंबो जों बर' हरिनि गोदोनि बाथ्राफोरखौ मिथिनो खाबु मोनो। खुगा मेथाइफोरखौ देंखो होनानै रोजाबनाय जायो। बेनिखायनो जानो हागौ खुगा मेथाइया बर' समाजाव गोबांनि गेजेरावनो गुवारसिन जायगा आवग्रिना लादों। खुगा मेथाइया माबोरै जोनोम जाजेनखो होनानै सोरबा सोडेब्ला बेनि फिननायखौ रावबो थोंजोडै-सोरबा लिरगिरिनि मुं बुंनो हानाय नड। मानसि माहारिया जेब्लानिफ्राय समाज दानानै रायजो जाजेन्दोंमोन बै समनिफ्राय समाज मोनसेखौ आब्रुथियै दैदेनो थाखाय बिसोरो गावसोरनो समाजारि माखासे आसार-खान्थिफोरखौ दानानै लाबोदों। बेबादिनो समाजनि गेजेरजोंनो बायदिसिना आयदाफोरा जोनोम मोन्दों। खुगा मेथाइयाबो बर' सुबुं समाजावनो जोनोम मोननाय मोनसे मेथाइ। बेखायनो बुंनाय जायोदि समाजानो गासैनबो गुदि। बर' समाजाव जोनोम मोननाय खुगा मेथाइफोरनि गेजेरजों बर' समाजनि जिउ खुंनायाव नुजानाय गोबां सानस्त्रिफोरा मेथाइफोरनि गेजेरजों बेरखांदों। बेफोर मेथाइफोराव बर' समाजनि जिउ खुंनायाव नुजानाय रांखान्थियारि जेंनाफोरा थोंजोडै नुजायाखैब्लाबो खेंसालियायैब्लाबो बिसोरनि रायजो जानायाव एफा एनै नुजानायखौ नुनो मोनो।

बर' हरिया मिथिंगा मोजां मोनग्रा मोनसे हारि। गोदो गोदायनिफ्रायनो बिसोर मिथिंगायाव मोननाय मुवा बेसादफोरखौ लानानैनो रायजो जाबोबाय थादों। बुंनो थाडेब्ला बिसोर मिथिंगानि लोगो। गोदोनि समाव बर'फोरा टाउन सहर

बायदि जायगाखौ मोजां मोनामोन। माब्लाबा समाव बिसोरनि सेराव टाउन मोजां जाफैयोब्ला बिसोर बे जायगाखौ गारनानै खारग्रा हुदाया दंमोन। थामहिनबा बिसोर मिथिंगानि रैदुब आरो सोमखोर सोमखोर बिफां लाइफांफोरनि सिडव थानानै मोजां मोनग्रा मोनसे हारि। गोदो गोदायनिफ्राय नोजोर होनानै आथिखालनि गोदान मुगानि बाथ्राखौ एसे सानोब्लानो जों हमदांनो खाबु मोनो। मानोना दिनैनि बर' हरियाबो गोबाडनो गामि ओनसोलावनो रायजो जानानै जिउ खुंनानै दड। बेनिखायनो दिनैबो गोबांथार सोलायबाय होनानै जों थोंजोडै बुंनो हानांगौआ गोब्राब जायो। फंसे बाथ्राया सैथोदि सम आरो बोथोरजों लोगोसे बहुमाव थानाय गासै सुबुं माहारियानो गावसोरनि गेजेराव समजों गोरोबलांफानो नाजानाया बे सुबुं माहारिनि मोनसे जारिमिन। बेखायनो जानो हागौ बै समनि बर' हरिया थांना थानायनि राहाखौ मिथिंगानि सायावनो सोनारनानै जिउ खुंबोदोंमोनब्लाबो आथिखालाव बिसोरबो एफा एनै सोलाय सोल' जानायखौ नुनो मोनसै। बारलांनाय समफोराव गासै बर' हरियानो मिथिंगानि सायाव आबाद मावनानै गावसोरनि जिउखौ दैदेनबोदोंमोन होनना बुंनो हायो। नाथाय आथिखालाव थांना थानो थाखाय आबादिन अनगायैबो गुबुन गुबुन राहा लामा लानायखौ नुनो मोनसै। बेबादिनो बै समनि बर' समाजनि सुबुंफोरा गावनि जिउखौ दैदेननो थाखाय आबाद मावनायजों लोगोसे दंफां फालांगि खालामनायखौबो नुनो मोनोमोन। नाथाय दुखुनांथाव बाथ्राया जाबाय बेसेबांबा

मुगा बारलानानैबो दिनैसिमबो बर' हारिनि गेजेराव बोथिसे ओंखामनि थाखाय हाग्रानिफ्राय दंफां दाननानै हाथाइ-बाजाराव फानहैनानै उदै सुफुंनो गोनां जायो। थिग बेबादिनो बै समावबो बर'फोरादि गावनि नांगौखौ सुफुंनो थाखाय हाग्रा बंग्रा थानानै दंफां दानहैनांगौ जायोमोन बेखौ नैबे बिगुमै बिबोनाडा जंखायलायनानै खननाय मेथाइनि गेजेरजों मोननो हायो एरै-

(क) मेथाइ :

बिबोनां -

“ओइ-गुमै, गुमै!
फर्बट ज'रायाव बंफां दाननाय
फैसा मोनबोला
आसान खेरा लो दोंसे
लाबो लाबो गुमै!
फाप नांगोन हाय।”

बिगुमै-

“दे लाबोगोन आगै!
नोंनि बायदेम गोदोनाखौ
मानजिखा फुखा आगै
लो गानब्ला जिनिर नांलाय गोन।”

बे मेथाइनि गेजेरजों बिगुमैया हाग्रायाव दंफां दानहैनो ओंखारनाय समाव बिबोनाडा बिगुमैनाव गावनि नांगौ खेरा, लो दांसे बिनाया रोखायै बेरखांदों। फर्बट ज'राया सिगांनि बोखावजायि ग'वालपारा जिलानि सिडव थानाय मोनसे जायगा। ग'वालपारानि उनाव धुबुरी जिला आरो बेनिफ्राय आथिखालाव क'कराझार जिलानि सिडव बे ओनसोलखौ सोफादेरनाय जाबाय।

गोदोनि ग'वालपारा जिलानि सिडव थानाय फर्बट ज'रा ओनसोला थारैनो बायदिमैया गेदेर गेदेर बिफां लाइफांफोरजों बुंफबनाय ओनसोलमोन होननानै मिथिनाय जायो। बेनिनो साल दंफाडा बयनि रुयबो मुंदांखासिन बंफांमोन होननानैनोबो मिथिनाय जायो। बादारि सोदोबा बर' हारिजों खाथि सोमोन्दो गोनां। जाय सोदोबनि ओंथिखौ बे मेथाइनि गेजेरजों नागिरनानै मोननो हायो। बादारिया गावनि न' बां गारनानै गोजान गोजान जायगाफोराव बाद लुनानै दंफां दाननाय बायदि खामानिफोरखौ मावोमोन। जायनि थाखाय बिगुमैया फर्बट ज'रायाव बंफां दानहैनायाव जा एसे रां मोनो बे रांजों गावनोबो खेरा, लो दांसे लाबोफानो थाखाय बिबोनाडा खावलायदों। खावलायनाय बादियैनो बिगुमैयाबो बिबोनांखौ जंखायनानै मेथाइ खानफिनदों। थारैनो बुंनो थाडेब्ला बे मेथाइनि गेजेरजों बर' समाजनि रांखान्थियारि थासारिया बेबादि सोलिबोदों बेखौ जों मिथिनो हायो। दंफां दाननायनि अनगायैबो बर'फोरा दाव, अमा फिसिनाय बायदि बायदिनि गेजेरजोंबो गावसोरनि जिउखौ दैदेनबोदों। जेखि जायामानो दंफां दाननानै संसार खुंनायाबो बर' हारिनि मोनसे जिउ खुंनायनि राहा होननानै बुंनो हायो। बेनि थाखायनो गेदेमा इसान मोसाहारिआबो 'बादारि' मुंनि खन्थाइनि गेजेरजों बादारिनि जिउनि बाथ्राखौ लानानै दोंसे रमान्तिक खन्थाइ सोरजिदों। बे खुगा मेथाइनि गेजेरजों बर' हारिनि जिउ खुंनायाव रांखान्थियारि थासारिया माबादि सोलिबोदों बेखौ रोखा रोखा बुंनो हायो।

बर' समाजाव गोदो गोदायनिफ्रायनो जौखौ मोनसे एखुथा जायगा होबोनायखौ नुनो मोनो। बुंनो थाडेब्ला गोदोनि समाव बर'नि जेखि फोरबो, फुजा फाथाल जेखि जाया मानो बेफोराव समाजनि मानसिफोरखौ बरायनो एबा फुजिनो थाखाय जौखौनो बाहायनायखौ नुनो मोनोमोन। थारैनो बुंनो थाडेब्ला जौखौ बर'फोरा समाजाव थानाय मानसिनि जोनोम जाजेननायनिफ्राय लालानै थैजासिम बाहायबोदों। थामहिनबा जोनोम जानायावबो रंजा-खुसि जानानै रायजो राजा/आलासिफोरखौ बरायनो/फुजिनो थाखायबो जौखौनो बाहायबोदोंमोन होननानै बुंनाय जायो। बेनि बिदिन्थि महरै नायोब्ला हिन्जाव नायनो थानायाव लांफानाय जौखौनो बुंनो हायो। बेखौ भबेन नार्जारिनि बिजाब "बर' कसारीनि समाज आरो हारिमु" आव एरै बुंदों- "हिन्जाव गोदान गरन्थ खालामनो थानायाव गोदोनि बर'फोरा जौ खान्था आरो ब्रह्म दोहोरोमारिफोरा साहा-बिलाइ आरो सिनि जुदा-जुदायै गंनै थिंख्लियाव सोनानै बानलां नांगौ।" बेबादिनो बर' समाजाव समाजनि बायदि बिथिंफोराव जौखौ बिथा खालामनानैनो बायदि बायदि हाबाफोरखौ मावनायखौ नुनो मोनो। नाथाय दुखुनांथाव बाथ्रादि जौखौ नांगौ समाव नांगौ बायदि बाहायबोनो रोडैनि थाखायबो बर' समाजाव गोबां बर' सुबुंफोरा गावनि नखर संसारखौ थेर बेथेर खालामलांनाय बाथ्रायाबो जोनि गेजेराव दड। फंसे बाथ्राया सैथोदि बाराद्राय जौ लोडेब्ला जौआ नोंखौ लोंफिनो होननाय बाथ्राया। बेबादिनो बर' समाजाव गोबां

मानसिफोरा जौनि लैथोआव गब'नानै नखरनि बिसि फिसा, गथ' गथाइफोरा मा जादों ? मा लोंदों ? मा फरायदों जेबो उदिस गैयै जानानै संसार थेर बेथेर जालांदों। बेबादिनो जौनि गेजेरजों बर' समाजा माब्लाबा जौजोंनो गादबजादों। बेखौ नायोब्ला बर' समाजाव जौनि बाहायनायखौ मोननै बिथिंजों नायनो हायो। समाजारि माखासे खामानियाव आलासिफोरखौ सिबिनो थाखाय बाहायनाय, बेजोंनो लोगोसे जौआवनो गफबनानै थानानै गावनि संसारखौ सिफायनाय। बेबादि बाथ्राया खुगा मेथाइनि गेजेरजों बेरखांनायखौ नुनो मोनो एरै-

(ख) मेथाइ :

“ आनि मुडलाय थाफ्लि बुद्रां.....

द्रां आदा ! द्रां.....द्रां.....द्रां

जौ लोडै लोडै

ओंखाम जायै जायै

न'आव लाय जालांबाय

लांफां फादां -

गोदोबा दडमोन बाख्रिया गंनै

गैथारलिया मावजि मासे।”

जौ लोडै लोडै थानानै गावनि नख'रनि सोमोन्दै साननो रोडै थाफ्लि बुंद्रांखौ बर' हारिनि सासे थान्दै महरै लानानै बै समनि बर'फोरनि थासारिखौ फोरमायनो नाजादों। मानोना बै समाव बर'फोरनि थासारिया जौजोंनो गोदोनानै थानानै गावनि फिसा-फिसौखौ लेखा फरा फरायनांगौना मानांगौ जेबो उदिस लानो रोडमोन। बुंनो थाडेब्ला गावनो सानसेआव जौखौ मोनब्लानो

थोबाय सानग्रा मानसिफोराबो जॉनि समाजाव दंमोन। जायनि थाखाय बै समनिफ्राय हमनानै बिबार मुगानि खन्थाइ आरो रायथाइफोरखौ फरायनानै नायोब्लाबो जॉनि थासारिया माबादिमोन बेखौ हमनो हायो। अमाया जेरै उदै थेब्रे जानानै उन्दुसोनानै थायो बेबादिनो बर 'फोरनि गेजेरावबो गोबां मानसिफोरा जानानै लॉनानै जेबो खामानि मावा दाड उन्दुसोनानै थायोमोन। मेथाइनि गेजेरजों फोरमायनाय बादिब्ला सिगांनि समाव माइ, दै, बाख्रि गोनांमोन नाथाय दिनै गावनि गाज्रि खामानियाव गफबना थानानै थापिल बुद्रांहा नखराव जेबोआनो गैजाला। जायनि जाहोनाव मावजि मासे गैजाला होननानै बुंदों। थामहिनबा एरैबादि बाश्राखौ फोरमायदोंदि गाव जानो थाखायनो ओंखाम बोथिसेयानो गैजाला अब्ला मावजिनो माखौ होनो ? बेबादिनो जौजोंनो गोदोफबनानै गावनि नखर संसारखौ सिलिंखार खालामनानै लादों जॉनि बर' हरिया बेखौनो बे मेथाइनि गेजेरजों मोननो हायो। आथिखालावबो जॉनि बर' समाजाव बेबादि सुबुंफोरखौ गोबां रोखोमनि मोननो हाबावो। जायफोरा अखानायब्लाबो जौ, जुवा गेलेनानै गावनि इयुनजों लोगोसे हारिनि इयुनखौबो खोमसि खालामनानै होदों। थारैनो बुंनो थाडेब्ला गावनि नखरखौ दैदेननो थाखाय थाखानाय ग्रोम ग्रोम माइ बाख्रिखौबो सिलिंखार खालामनानै लादों। गोदोनि दिनाव माइ बाख्रि गंनै गंनै गोनां होनोब्ला बिसोरहा जेबो आंखाल गैया। हा-हु, बारि-बागान ग्रोम ग्रोम गोनां सासे माहाजोन।

जायखौ जों थोंजोडै रांखान्थि बिथिडव बिसोरहा जेबो जोबनाय गैया बुंनो हायो। फंसे बाश्राजों बुडेब्ला "गोदोनि माहाजोन।" बेबादिनो गावनि जिउखौ दैदेननो थाखाय थाखानाय रांखान्थिखौ थेर बेथेर खालामनानै लादों जॉनि बर' हरिया। बेनि गेजेरजों बै समनि बर' हारिनि रांखान्थियारि बिथिडव बेसेबां लोरबांमोन बेनि फोरमानखौ जों एसेयैब्लाबो हमदांनानै लानो हायो।

बर' हारिनि मुंखौ खोनायोब्लानो गामियारि गामियारि मोदोमनाय भाबआ जॉनियाव गोसोआव जाखाडे। बिसोर हारि हिसाबै थांनानै थाबोदों बबेबा मोनसे बेसेबा गोजान टाउन सहरनि बार मोनसनो हायि बायदि जायगाफोराव। बिसोरनि गेजेराव समाज दानानै गावसिनि समाजखौ आब्रुथियै दैदेनबोनाया गोदोनिफ्रायनो दड। समजों लोगोसे हादान सिफायनो जायगा गैयि जानायलाय बबेबा मोनसे थि जायगायाव थानानै रायजो खुंनो गोनां जाबाय। गोदोनि बायदि हरै थां हरै लांदां हरै थां हरैबो लांदां बेबादि थासारिया थानायमोनब्ला दिनैबो बर' हारिया हासार बह्य हां नागिरनानै समाज गायसनगौमोन जानो हागौ। गामियाव नखर दानानै समाज खुंनो रायजो जाग्रा हारि मोनसेया गावसोरनि नांनाय मुवा-बेसादफोरखौ गावसोरनो गावसिनि आखायजोंनो बानायनानै लायोमोन। जायफोरखौ जों बेसादारि हारिमु होननानै मिथिनाय जायो। थांनो थानायाव गोनां जानाय मुवा बेसादफोरखौ बर'फोरा मिथिंगायाव मोननाय बायदि बायदि बंफां-लाइफांफोरनि गेजेरजोंनो बानायनानै लाबोना जिउ खुंबोदों। बेफोरजोंनो लोगोसे

गावनि रांखावरिखौ सुंथानो थाखाय दाव अमा फिसिनायाबो बिसोरनि जोनोमनिफ्राय फैफानाय मोनसे रोंगौथि बुंलाबो बुंनो हायो। दाव-अमा फिसिनानै बिसोर गावसिनि रांखावरिखौ एफा एनै सुफुंनो हायोखायनो बेफोर हाबाखौ बिसोर गोदोनिफ्रायनो दिनैसिमबो मावगासिनो दड। थिग बेबादिनो गाहायाव होनाय खुगा मेथाइनि बेफोर बादि बाश्राया बेरखांदों एरै-

(ग) मेथाइ :

“आदा, - दैज्लांनि

अखा दामब्रायाबो

दा- हाथ।’

अमा खासिखौबो

दा- फानथ’ हाय

आदा - दा - फानथ।’”

अमा फिसिनाया बर’फोरनि मोनसे गेदेरथार खामानि। जाय खामानिया नखरखौ रांखावरियारि बिथिडव सुंथानो थाखाय जोबोद मदद खालामो। बेजोंनो लोगोसे बर’फोरा आबाद गाहाइ हारि। माइ आबादखौ बिसोर गुदि आबाद महरै मावो। माइरंजों लोगोसे गुन्दैखौ बिसोर बायदि खामानियाव बाहायो। जेरै- अमानि थाखायबो गुन्दैखौनो होनाय जायो। बेबादिनो माइ आबाद मावनायजों लोगोसेनो न’आवनो गुन्दै थानायलाय बेफोरखौ आद्रि गारालासे अमा मासेखौनो फिसिनानै दोनोब्ला बेजों सानसे समाव नखराव रांखावरि बिथिडव एसेब्लाबो हेफाजाब मोनो। बेखायनो बिसोर अमाखौ गावसोर जानायजों लोगोसेनो एफा एनै रांखावरिनि मदद

मोननो हानायनि थाखाय फिसियो। गोजौआव मख’नाय खुगा मेथाइनि गेजेरजों सानै सेंग्रा सिख्लानि गेजेराव मोजां मोनलायनानै इयुननि खोथा बेरखांनायखौ नुनो मोनो। बे मेथाइनि गेजेरजों बे बाश्राया रोखादि संसार जानो थाखाय रांनि गोनांथि दंथारो। जायनि जाहोनाव सिख्लायया सेंग्राखौ खावलायनानै बुंदों। माबेबा मोनसे मोजां मुवा बेसादखौ मोननो थाखाय बेनि थाखाय सासे मानसिया गोबां खस्थ खालामनो गोनां जायो। गोरलैयैनो मोननो हानायब्ला संसाराव जोनोम जानाय गेदेमा सुबुंफोरनि जिउ जारिमिनखौबो रावबो नायसननाय नडामोन। दिनै मुलुगाव गावनि मुंखौ अराय गोजोर लिरनानै गालांनो हानाय गेदेमाफोरनि जिउ जारिमिनखौ फरायोब्लानो बेफोरनि रोखा बिदिन्थिफोरखौ मोननो हागोन। बेखायनो सा साज्रां नाजानानै माबा मोनसे बेसादानो जा एबा मोजां मोननाय सिख्लायानो जा बेनि थाखाय नों गावखौनो सिगांग्रो सुंथानो हाग्रोनांगोन। अब्लासो नोंनि गोसो बादि मावनो हानाय जानानै फैनो हागौ। बर’ हारिनि गेजेरावदि गोबां सालदां मालदां सुबुंफोर दं बे बाश्राखौ गाहायनि खुगा मेथाइनि गेजेरजों एसेब्लाबो मोनदाडे। खामानियाव हरैबो मोनहाया एरैबो मोनहाया सुबुंफोरखौ मोनसे समाजनि सिडव गोबां नुनो मोनो। नाथाय बिसोरनि गांनाय- उखैनाया जेब्लाबो जोबनो रोड। बेनिखायनो बेबादि मानसिनि आखुखौ फोरमायनो थाखाय हागायनि खुगा मेथाइखौ मोननो हायो एरै-

(घ) मेथाइ :

“इ’ अ’ इ’ अ’ सैमा लरड
दिन्दां दान्दां मोज्लाव गेजेराव गाराय
हिन्जाव मोजां जनोब्ला थाखाया थुब्राय।”

गोजौनि बे खुगा मेथाइनि गेजेरजों समाजाव थानाय अलसिया थाखोनि माखासे सुबुंफोरखौ जंखायनाय आरो सोंखारिनाय रावजों खावलायदों। बहुमाव थानाय गासै सुबुं हारियानो गावनि नांगौ जानाय मुवा बेसादफोरखौ एरैनो मोननो थाड। जाय सुबुंफोरा गावनि बिखानि थैखौ दै खालामनानै सान हर जेबो मिथिया हसिया खामानि मावो बिसोरसो जिउआव सानसे जाफुंसारनो हायो। बेखायनो जोंनि बर’ हारिनि सुबुंफोरखौ जंखायनानै गाव गावनि खामानिफोरखौ सम थानायावनो मावनानै लानो थाखाय खावलायनाया बे खुगा मेथाइनि गेजेरजों बेरखांदों। थारैनो बुंनो थाडेब्ला राडनो गासैनिबो गुदि। बेबादिनो बर’ खुगा मेथाइफोराव बर’ समाजनि रांखान्थियारि सावगारिफोरखौ एफा एनै नुनो मोनो।

5.0 फोजोबनाय:

गोजौआव सावराय बोनायनिफ्राय मोनसे बाथ्राया रोखा जाबायदि बर’ समाजाव थुनलाइनि बायदि बायदि बाहागोफोरनि गेजेरजों जेरै राव, हारिमु, समाज बायदिनि बाथ्राफोरा जेरैबादि स्त्रां स्त्रां नुजासारो बेबादिनो खुगा मेथाइनि गेजेरजोंबो एखे आयदायानो नुजायो। मानोना खुगा मेथाइयाबो जोंनि समाजखौ बिथा खालामनानैनो सोरजिजानाय दोंफा दोंफा मेथाइफोर। नाथाय

बेफोर खुगा मेथाइफोरनि गुदि सोरजिगिफोरखौ जों नागिरनानै मोननो थाड। बाथ्राया जाबाय जोंनि समाजाव बै समाव रांखान्थियारि थासारिया माबादिमोन आरो मानो बेबादि जानो मोनखो? बेफोरनि सायाव नोजोर होनो गोनां। दिनैनिफ्राय बेसेबांबा मुगानि सिगाडवनो सोरजि जानाय बेफोर खुगा मेथाइफोरखौ फरायनानै बिजिरोब्ला जों दिनैबो जोंनि हारिनि समाजनि रांखान्थियारि थासारिखौ एखेखौनो बुंनो हाथाव। मानोना दिनैबो बर’ हारिनि समाजनि रांखान्थियारि थासारिया गुबुन हारिनि रुजुनायाव एसेबां मोजां जायाखै। दिनैबो गामि ओनसोलाव गावनि उदै थाइसेखौ सुफुंनो थाखाय हाग्रानिफ्राय बन दाननानै फानहैब्लासो बिसोरो ना-बेदर मोनजायो। बेबादि थासारियाव थानानै जों इयुन जोलैखौ माबोरै गोजौ सोलोंथाइ होनो हागोन? बेखौ जोंनि हारिनि गासै सुबुंफोरानो साननानै नायनो गोनां बाथ्रा। बेफोर बादिनो बर’ समाजनि रांखान्थियारि जिउ खुंनायाव गोदोनिफ्रायनो दंफां दाननाय, दोरोडारि आदबजों दाव-अमा फिसिनाय बायदि खामानिनि गेजेरजों नखरखौ दैदेनबोदों। गोदोनि बेफोर बादि थासारिखौ मिथिनानैनो जानो हागौ जोंनि साफा सानै गेदेमा सुबुंफोरा सोलोंथाइखौ हाथियार महरै लानानै गावनि हारिखौ जौगानायनि लामाजों लानो नाजादोंमोन। फंसे बाथ्राया जाबाय जिउआव रांखावरि गैयाबोला मोनबो खामानिया जाफुंसारा। बेनिखायनो गिबियाव हारि हिसाबै थानानै थानो थाखाय जोंनो सोलोंथाइनि गोनांथार जानानै फैयो। नाथाय रांखावरि गैयाबोला जों सोलोंथाइखौ जों

माबोरै लानो हागोन ? बेखायनो जेखि जाया मानो समाज दैदेननायाव सोलोंथाइजों लोगोसे रांखावरिनि गोनांथि जानानै फैयो ।

गोदोनि दिनाव बर 'फोरा गावसोरनि रांखावरिखौ दैखांनो थाखाय बायदिसिना खामानिफोरखौ मावबोदोंमोन । बेफोरनो खुगा मेथाइनि गेजेरजों फोरमायजादों । बेजोंनो लोगोसे जोंनि समाजनि माखासे सानसनो हायि मानसिफोरा गावनि थाखानाय धोन दौलतखौबो खोमानानै लानांदों ।

थारैनो बुंनो थाडोब्ला खुगा मेथाइफोरनि गेजेरजों बर' समाजनि रांखान्थियारि थासारिनि सोमोन्दै नखर दैदेननायाव रांखान्थिखौ माबोरै हमथानानै लाखिनांगौ, मा खालामोब्ला रांखान्थिया जौगागोन आरो माबोरै जोंनि समाजनि रांखान्थिया थैलांदों बेफोर बाथ्राफोरा मेथाइयाव जायगा मोनदों । बेखायनो खुगा थुनलाइखौ जों मोनसे हारिनि सिगां समनि जाथायफोरखौ इयुन जोलैनो फोरमायनानै होग्रा होननानैबो बुंनो हायो ।

असम गौरब ड० जगेश देउरी

(गावनि-जिउ खौरां)

-ड० जगेश देउरी

उन्दै सम आरो सोलोंथाय :

सुबुंफ्रा थांना थानाय समाव गोबां खामानि मावना गालांओ । बनि मादाव गोबां खामानिया मोजांबो जानो हागौ आरो गोबां खामानिया गाज्जिबो जानो हागौ । जायफोर खामानिफ्रा सुबुंनि मोजांनि थाखै गनायथाव जायो, बेफोर सुबुंनि मोजांनि थाखायल' नड बियो गुबुनखौबो मोजां खामानि मावनो लामा दिन्थिनायबो जायो । बनि अनगायैबो बियो गोदान जोलै सेंग्रा-सिख्लाफोरनि थाखाय मोनसे थुलुंगाथावबो जायो । मावलांनाय खामानिफोरखो समाजाव थुलुंगा होनो थाखाय गोबां मुंदांखा गेदेमा सुबुंफ्रा गावनि जिउ खौरांनि सायाव बिजाब लिरना गालाडे । मानोना जिउ खौरां बिजाबाव सासे सुबुंनि गासै मावफारिफोरखौ लिरनाय जायो जाहाथे गोदान जोलै सेंग्रा-सिख्लाफ्रा आरो समाजा बनिफ्राय सोलोंनो हायो । बिखायनो आंबो, सासे नेहात सुबुड समाजनि सुबुंनि मोजांनि थाखै गावनि जिउनि खौरांफोरखौ लिरथुमनो नाजादों ।

आंनि जोनोमा 01-05-1961 माइथायाव बरपेटा जिल्ला आथिखालाव दानि बाक्सा जिल्लानि भारत-भुटान हाजो सेरनि गोग्लैसोनाय गोलागाव गामिआव जादोंमोन । आंनि आफानि मुड रुंसारि बिहुराम देउरी आरो आंनि आइनि मुड रुंसारि सोन्थली देउरीमोन । आं नखरनि हौवासाफोरनि मादाव देरसिन फिसाज्लामोन । आफाया सासे गोखों आबादारि मोन आरो जोंनि नख'रा आबादनि सायावनो सोनारोमोन ।

आं आंनि गुदि सोलोंथायखौ गोलागाव गुदि फरायसालि आरो गेजेर फरायसालियाव जागायजेनदोंमोन । बै समाव साखाथियाव सोलोंथाइ फसंथान गैयैनि जाउनाव आंनि गामिनिफ्राय आं शिमलानि ककिलाबारि गोजौ फरायसालिसिम 10 किल'मिटर गोजान थाबायलांना फरायहैदोंमोन । आं

गामिनि गिबिसिन मेट्रिक आनजादाव उथ्रिनाय फरायसामोन। उनाव बिगियान आयदा लानानै पि इउनि जोबथा आनजादखौ बरपेटानि एम.सि. फरायसालिमानिफ्राय उथ्रिदोंमोन आरो पाठसालानि बजाली फरायसालिमानिफ्राय बि एस सिखौ फोजोबदोंमोन। आं गुवाहाटी मुलुगसोलोंसालिनिफ्राय एम.एससि.खौ बटानि आयदा फरायनानै फोजोबदोंमोन आरो मेघालय राज्योनि University of Science & Technology (USTM)निफ्राय आंनि पि.एइस.डि.खौ खालामदोंमोन। आं सा-बजाली ओनसोलनि बर' हारिनि गिबिसिन ग्रेजुयेट, गिबिसिन पस्ट-ग्रेजुयेट, गिबिसिन एम.एस.सि. आरो गिबि पि.एइस.डि.मोन। बेनि अनगायैबो, आं आमेरिकानि ब्रिटिश नेशनेल इउनिभारसिटि अफ क्वीन मेरीनिफ्राय पस्ट-डक्ट रैल डिग्रीखौ मोन्नो हादोंमोन। आं बै माखासे बर' सुबुंफोरनि गेजेराव सासे, जाय गुबुन हादोरनिफ्राय पस्ट-डक्ट रैल डिग्री मोन्नो हादों। आं चीन हादोरनि लियाउनं राज्योनि सेरिकालसारेल रिसार्च एन्ड ट्रेनिं इनस्टिटुटनिफ्राय बो जौगा पस्ट-ककुन टेक्न 'ल'जियाव फोरोंथायबो मोनदोंमोन।

थांना थानायनि राहा (Career) :

सेन्ट्रल सेरिकालसारेल रिसार्च एन्ड ट्रेनिं इनस्टिटुट (CSR & TI), बेरहामपुर, सेन्ट्रल सिल्क ब'र्ड, सोनाब बेंगलनिफ्राय पस्ट ग्रेजुवेट डिप्ल 'मा अन सेरिकालसार (पीजीडीएस) नि सायाव आंनि केरियारनि

फोरोंथाय फोजोबनायनि उनाव 14 जुन 1990 मायथाइयाव आसामनि सेरिकालसार बिफाननि सिडव शिवसागर जिल्लायाव आंनि जिउ राहाखौ जुरिजेनदोंमोन। आं 2011 मायथाइनि 31 अक्टबरआव बि.टि.सि. (बड'लेण्ड टेरिटोरियेल काउन्सिल)नि सेरिकालसार बिफाननि बिथोनगिरि जानानै मे दाननि 31 अक्ट' 2021 माइथायाव आजिरा मोनजासिम आसामनि गुबुन गुबुन थावनिफोर जेरै- कामरुप गवालपारानि धनुभाड, चिरां, बाक्सा, क'क्राझारआव बिफानारि हाबा मावदोंमोन।

गोबां मुंदांखा सुबुंफोरा रायजोनि एन्दी एम्फौ फिसिनायखो रैखाथि आरो जौगाहोनायाव गोबां नाजादों आरो हेफाजाब होदों। बै नाजानायाव गाहाइ बिहोमा होग्राफोरनि गेजेराव आंबो सासे, मानोना 2021 मायथाइसिम बि.टि.आर. नि सेरिकालसार बिफाननि बिथोनगिरि महरै हाबा मावनाय समसिम गोबां मख'जाथाव खामानि मावफुं सारनो हादोंमोन। बेफोरनि मादाव- क'क्राझाराव बुहुमनि मादाव गिबिसिन सिल्क पार्क (बड'लेन्ड सिल्क पार्क), सिल्क प्रिन्टिं एन्ड प्रसेसिं इउनिट, निटिं प्लान्ट, सिल्क मिउजियाम, स्पान मिल, एपेरेल गार्मेन्टिं इउनिट, ककुन बैंक, एन्दी सान फालिनाय, थाशिमला बिफां (Tapioca) आ एन्दी एम्फौनि आदार बिफां महरै गिबियै गायसननाय आरो मुगा एम्फौनि रैखाथिनि थाखाय बुहुमनि मादाव गिबिसिन "मुगा वाइल्ड लाइफ सेंक्सुयेरि" गायसन्नाय बाइदि बाइदि। आं क'क्राझारखौ बि.टि.आर.नि "सिल्क

सिटी” महरै जाफुंसारै सोलायनो हानायनि खाबु मोनदोंमोन। बि.टि.आर. ओन्सोलआव जानाय रेसमनि इन्दि, मुगा आरो मालबेरी (पाट), बे जाथो मोनथामनि मादाव आं इन्दिनि सायावनो बांसिन गुरुत्व होदोंमोन। बिखायनो आं बेखौ बहुमनाडै मिथिसार होनो थाखै मोनसे दायलोगबो (Tags Line) फोसाव बोदोंमोन। जेरै -Eri is our FUTURE; Muga is our HOPE & Mulberry is our SCOPE आं मेंनाय गैयाजासे सेरीकालसार आबादारिफोरनि जौगानायनि थाखायल’ खामानि मावाखै, गोदान जोलैफोरनो मुलाम्फा होग्रा रांखान्थियारि लामा दिन्थिग्रा महरै सेरिकालसारखौ बजबनो थाखाय थुलुंगा होनो आरो मदद होनो थाखायबो खामानि मावदोंमोन।

सेरिकालसारनि बागै गोबां सोलोंनो आरो बि.टि.आर. आसामनि सिल्कखौ बहुमाव मिथिसार होनो थाखै आं भारत हादोरजों लोगोसे गुबुन हादोरफोराव खुंनाय मोन 57 जथुम्माफोर/ सेमिनारफोराव बाहागो लाहैदोंमोन। बेफोरनिनो मादाव मुख ’जाथाव माखासेखौ गाहायाव मख ’नाय जाबाय-

(1) थागिबि आयदाफोरनि सायाव अरायथा फ ’राम थामथि जथुम/2004, इउनाइटेड नेसनस बिल्डिं, निउ यर्क, इउ.एस.ए., 10 मे निफ्राय 21 मे/2004।

(2) हाग्रानि (Wild) सिल्कमथफोरनि सायाव हारिमायारि मावबादा/2004, 11 - 14 अक्ट ’बर/ 2004, खनकेइन, थाइलेण्ड।

(3) 23थि हारिमायारि सेरिकालसारेल कमिसन,

27 निफ्राय 29 नभेम्बर/2014, बेंगालर, भारत।

(4) सेरिकालसार आरो सिल्क जारिमिननि सायाव 24थि हारिमायारि कंग्रेस, 10 निफ्राय 14 आगस्त/2016, बैंकक, थाइलेण्ड।

(5) 18 जुलाइनिफ्राय 20 जुलाइ/2018 सिम जापाननि असाकायाव 39थि भारतारि जि-जोम मेला आरो 29थि भारतनि नखर साजायग्रा मेला आरो 1थि सिल्क मेला।

(6) सेरिकालसार आरो सिल्क जारिमिननि सायाव 25थि हारिमायारि कंग्रेस, 19 निफ्राय 23 नभेम्बर/2019 सिम सुकुबा जापानाव खुंजादोंमोन।

बर्डनि सोद्रोमा:

(i) बिजिरसं बोसोनगिरि आफाद CMER & TI, लादइगढ़ (आसाम) सि.एस.बि.। 2014-17

(ii) बिजिरसं बोसोनगिरि आफाद CSR & TI, Berhampoe (WB) सि.एस.बि.। 2014-17

(iii) माहारियारि वन्य बेगर आफाद, सि.एस.बि. 2014-2017

(iv) बोसोनगिरि आफाद, सेरिकालसारेल फोरोंथाय फसंथान, तिताबर। 2016-19

(v) मावथांखि गनायथि आरो नायदिंग्रा आफाद, भारतनि सि-जोम सोरखार मन्थि आफाद, गोदान दिल्ली। 2014-2019

(vi) बिजिरसं बोसोनगिरि आफाद CMER&TI, लादइगढ़ (आसाम) सि.एस.बि.। 2017-20

(vii) लोगो सोद्रोमा हारिमायारि सेरिकालसार कमिसन, बेंगाल ’र 2015-2019

(viii) इन्टारनेसनेल ससाइटी अफ एक्सटेन्शन एडुकेशननि जिउनां सोद्रोमा, (2018), नागपुर, महाराष्ट्र।

(ix) ओनसोलारि आबाद बिजिरसं मिरु आरो आबाद बिगियान मिरु (के.भि.के.) क'क्राझार (2018)।

लिरनाय आरो उफ्रा हाबाफारिफोर : फरायसा जिउनिफ्रायनो आं गोबां समाजारि हाबाफारिफोर, गेलेमु आरो सोरजिलु लिरनायाव लोब्बा दंमोन लोगोसे गेलेमु आरो देंखोखौबो मोजां मोनोमोन। आं 1982-83 माइथायाव पाठशालानि बजाली फरायसालिमानि बयनिखुइ साबसिन लिरथाय दैखांग्रा आरो गोख्रों सुबुं (Strong man) मोन। आंनि मोजां मोनसिन्नाय देंखोनि दामजुफोरा खाम, सिफुं आरो मेन्ड'लिन मोन। आं बेफोर दामजुफोरखौ मोजाडै दामनो हायोमोन। आं सावथुन फोरावबो बाहागो लाबोदोंमोन। बर' सिनेमा "खाम्फा"याव पुलिच इनस्पेक्टर आरो "मोजां मोन्नाया बिब्दिनो" सिनेमायाव मुस्त्री बिदिन्था गयारी, Actress नि बिफानि फावआव बाहागो लादोंमोन। बिनि अनगायैबो बर' एलबाम फोरावबो बाहागो लाबोदोंमोन। TV Channels फोराव गोबां मोगा-मोगि फोसाव जानायजों लोगोसे DD Assam TV Channel आव आंनि जिउ खौरानि सायाव (Biopic) खुनले खुनले फोसाव बोगासिनो दं। आं इं 1982-84 माइथायाव आंनि जोनोम जायगायाव बर' बिजोंनि गोजौ फरायसालिनि फोरोंगिरिमोन आरो इं 1985-90 माइथायाव अल इन्डिया रेडिअ', गुवाहाटीनि बर'

खोन्दोआव सासे सरासनस्त्रा फोसावगिरि आरो खौरां फरायगिरिबोमोन। आं मुंदांखा माहारियारि आरो हारिमायारि जार्नेलफोराव गोबां लिरबिदां/ बिजिरसं लिरबिदांफोर आरो गासै गां 10 (जि) बिजाब फोसावखांबाय। फोसावजाखांनाय गां 10 बिजाबफोरनि गेजेराव- "चाइना निहाउ आरो सिये सिये" (चीन हादोरआव दानथाम थाहैनाय मोनदांथिनि सायाव दावबायनाय'); "एन्डी बर'नि सना फिथ'र" (एन्डी हारिमु) आरो "Soil to Silk" "हानिफ्राय सिलक सिम" (आंनि पी.एइच.डी. हाबानि इंराजि भार्सन) फोरा आंनि गाहाय बिजाबफोर। नुनायजोंबो गोबां सोलोंनो हायो। गुबुन हादोरनि नुथायफोरखौ गावनि जायगायाव मावफुंसारनो हानाय बादियै आं गोबां हादोराव बेराय हैखांबायमोन। बे हादोरफोरनि मादाव- चीन हादोर आव खेबथाम, थाइलेन्ड आव खेबब्रै, खोला करिया, जापान आव खेबथाम, इउ.एस.ए.आव खेबब्रै, ब्रिटेन आव खेबथाम, फ्रान्स, इटाली, सुइजारलेन्ड, वाडास, अस्ट्रिया, सिंगापुर आव खेबथाम, मालाइसिया, भुटानआव गोबां खेब, हंकंआव खेबनै, माकाउ', इन्ड'नेसिया, नेपाल, स्कटलेन्ड, आयरलेन्ड, लाउस, कम्बडिया, भियेटनाम, इउनाइटेड आरब एमिरेट्स, श्रीलंका बायदि हादोरफोराव दावबायखांबाय। सोलोंनायनि बिथिडाव आं फोथायो- I Heard-I Forgot; I Saw-I Remembered; I did-I Learned. बे मोनथोरखौ आं 1998 मायथायाव चीन हादोरआव दानथाम ट्रेइनिं लाहैनाय समाव सोलोंदोंमोन आरो लाबोफादोंमोन।

बान्था/मान :

सेरिकालसार दारिमिनाव आंनि बिहोमाफोरखौ नेमबादियै सिनायथि होनाय जादों आरो आंनो आंनि खामानिनि थाखाय गासै 31 (थामजिसे) बान्था आरो मानबाउनाय जादोंमोन। बेफोरनि गेजेराव माखासे बान्थाफोर/मानफोरखौ गाहायाव मख'नाय जाबाय-

(1) भारत सरकारनि सि.एस.बि.निफ्राय बोसोर 2000-2001 मायथाइनि थाखाय इउ.एन.डि.पि.नि सिडव आसामनि साबसिन हाबाफारि हेफाजाबारि मावख'गिरि महरै सायखजायो।

(2) 15 आगस्त 2003 मायथाइयाव आसाम सोरखारनिफ्राय सोनाली सुता आरो सोनाली धारा प्रकल्पनि हाबायाव साबसिन बिहोमा होनायनि थाखाय बान्था।

(3) 25 अक्ट'बर 2018 मायथाइयाव ब्रिटिश पार्लियामेन्ट हाउस अफ कमन्स, लन्दनाव भारतनि फिरफिलाखौ गोजौआव लाखिनायाव गुन गोनां जाहोनफोर आरो मोनफुं नायफोरनि थाखाय बिहोमा आरो बाउसोमनायखौ गनायथि होनानै महात्मा गान्धी सन्मान बान्था।

(4) क'क्राझाराव 10 फेब्रुवारि 2019 खालि सेरिकालसार सेक्टरनि जौगानायाव साबसिन दिन्धिफुंनाय आरो मख'जाथाव बिफाउनि थाखाय बड'लेण्ड टेरिटोरियेल काउनसिल (बिटिसि) निफ्राय मान बाउनाय जादों।

(5) 5 अक्ट'बर 2019 मायथाइयाव दुबाइ (इउनाइटेड आरब एमिरेट्स) आव इन्डिया इन्टारनेसनेल फ्रेन्डशिप ससाइटीनिफ्राय लाइफ

टाइम एचिभमेन्ट बान्था।

(6) 19 अक्ट'बर 2019 मायथाइयाव इन्डिया हेबिटेट सेन्टार, गोदान दिल्लीआव इनस्टिटुट अफ इक'नमिक स्टडीज, गोदान दिल्लीनिफ्राय उद्योग रतन बान्था।

(7) इनस्टिटुट अफ इक'नमिक स्टडीजनिफ्राय कलम्ब', श्रीलंकायाव 28 अक्ट'बर 2021 आव इन्टारनेसनेल आइकन बान्था 2021 "इन्ड'-श्रीलंका इक'नमिक क'-अपारेसन'" बान्था।

(8) 28 जानुवारि 2023 खालि उदालगुरिनि रौतायाव दुलाराय बर' फरायसा आफादनि 55 थि बोसोरारि जथुमायाव आफादनिफ्राय मान बाउनाय जायो।

(9) 25 फेब्रुवारि 2023 खालि क'क्राझारनि पाटगावआव बर' साहित्य सभानि 62 थि बोसोरारि जथुम्मायाव आफादनिफ्राय मान बाउनाय जायो।

(10) सेरिकालसारनि गेजेरजों समाजनि थाखाय आंनि सिबिथायखौ गनायथि होनानै, आसाम सोरखारा 2022 मायथाइनि आंनो होनाय मानगोनां गोजौसिन नोगोरारि बान्था "आसाम गौरब बान्था"खौ।

न'खर:

आंनि जुलिया गवालपारा जिल्लानि दरंगिरिनि मुस्त्रिमा कल्पना राभाजों जायो। बिथांजोआ सासे आयदा फोरोंगिरि महरै दरंगिरि हायार सेकेन्दारी फरायसालिनिफ्राय आजिरा मोनखांनाय लेखा गोरों आइजो। जोंहा सानै फिसाजो जेचमिन देउरी SC, Los Angeles निफ्राय

Computer Science आव एम.एस. आरो उन्दैआ देइजी देउरी एम. डी. । देरसिन फिसाजोआ सासे क्लाउड कप्युटिं इन्जिनियार, दा आमेरिकायाव खामानि मावो आरो थायो आरो उन्दैआ सासे डक्टर (डार्मेट 'लजीआव एम.डी.), आथिखालाव AIMS, बाठिन्डा, पान्जाबाव खामानि मावगासिनो दं । आथिखालाव आं दा गवालपारा जिल्लानि दरंगिरि गामियाव थायो ।

फोरमायथिनाय खौरां (Message) :

खामानियाव गेबेंथि, गोसो गुदुं आरो गुबुनफोरखौ जाफुंसार जाहोनो थाखाय थुलुंगा होनो हानाय गोहोआ आंनि माखासे गोग्गाथाव मोनफुंनायाव बेरखांदों जेराव बीटीआर आसामनि गासै सेरिकालसारनि महरखौ सोलायहोनो होदों ।

आं गासै बहुमाव सासे एन्दी एक्सपार्ट महरै मिथिजानो हादों । आं गोग्गानाय मोनो जेब्ला मानसिफ्रा आंखौ सासे पारफेक्शनिस्ट होन्ना बुडे आरो गाबज्रियो । जोबोद खना आरो गफा उन गोग्लैसोना थानाय ओन्सोलनिफ्राय आं गोलाव लामा हान्थिबोबाय आरो बे थाथायखौ मोनफुंनो हाबाय । आं हमदांनो हायोदि बेयो आंनि गोब्राब नाजानाय, गावखौ फोथायनाय, गोसो गोहो आरो समाजनि सुबुंफोरनो हेफाजाब होनाय रादायनि थाखायल' जाफुंसारनो हादोंमोन । बेफोर जौनि लाइमोन आथालनि थाखै गाव-गावनि आयदायाव जाफुंसार जानो हानायनि थुलुंगाथाव होन्ना आं सानो । मिजिंथियो आंनि दावबाय बोनाय आगानफोरा इयुन आथालनि गोजों लामा जाथों ।

जांखिखां बर' माहारि ग्रिद ग्रिद जांखिखां जांखिखां बर' माहारि ।
जांखिखां सेंगोरा, जांखिखां बर' सिखोला, बोराय बेन्थ बयबो जांखिखां ।
-बड'फा

गावखौ फोथैनाय

-बिनन्द स्वर्गीयारी

गावखौ फोथैनाया मोनसे गोसोनि बेराम। धोरोमनि नोजोरनिफ्राय गावखौ फोथैना लानायखौ पाप होनना बुंनाय जायो। धोरोमारि बिजाबफोरनि बादिब्ला गावखौ फोथैना लानाय मानसिफोरा उदां (मुक्ति) मोना। बिसोर सोर्गोआव जायगा मोना। बिसोरनि जिउमाखौ पापि जिउमा होन्नानै बुंनाय जायो। बेबादि मानसिनि जिउमाया जेरावबो जायगा मोना होन्नानै फोथायनाय दं। सरासनस्रायै गिख' आरो खारलुं गोसोनि मानसियासो गावखौ फोथैना लायो होनना मानसिफोरा सान्नानै लायो। आथिखालाव गावखौ फोथैना लानाय मानसिनि अनजिमाया गोबां जालांनो हमदों। गावखौ फोथैना लानाया मोनसे समाजारि जेंना महरै समाजाव गसंदों। लेखा फरा गैयि मानसिफोरनिखुइ लेखा गोनां मानसिफोरासो बांसिन गावबा गावखौ फोथैना लानायखौ नुनो मोनदों। गुबुन फारसेथिं आथिखालनि बादायलु मुगायाव बैसो गोरानिखुइ लाइमोनफोरखौ गोबांसिन गावबा गावखौ फोथैना लानायखौ नुनो मोनगासिनो। बियो थारैनो जोबोद दुखु नांथावना बाथ्रा। गुबुन जायगानि बाथ्राखौ दा बुं, जोंनि बाक्सा जिलायावनो थानाय 2022 मायथाइयाव 17 लाइमोनफोरा गावबा गावखौ फोथैना लादों। बेबादि मोनसे जिलायावनो जोंनि हारिनिल' लाइमोनफोरानो बेबादि गोबां अनजिमायाव, बोसोरसेयावनो गावबा गावखौ फोथैना लायोब्ला, दुलाराय आसाम, दुलाराय भारत आरो दुलाराय मुलुगआवनो बेसेबां अनजिमनि मानसिफोरा गावबा गावखौ फोथैना लादों जों बेखौ हमदां हायो।

गावखौ फोथैनाय लानायनि जाहोनफोरखौ मोनथिनो थाखे मोनब्रेसो जाथाइनि बागै बे लिरबिदांआव सावरायनाय जाबाय। खोला आरो साहा करिया गंनै हादरनि गेजेराव गोबां दावहा जादोंमोन। बे दावहायाव जन मुनि सासे सान्थिआ दावहा नांनो थानायाव दावहाथिलिआव Land Mind जों गाग्लोब जानानै थाइसे मेगन, मोनसे आखाइ आरो आइथेंखौ खोमाना लानो गोनां जादोंमोन। बिनि उनाव जनखौ देहा फाहामसालियाव लांनानै फाहामदोंमोन आरो बिखो सान्थि हानजानिफ्राय आजिरा लानो होदोंमोन। जनआ गावनि सोलेरनि खावसे बाहागोनि आखाइ, आइथें आरो मेगनखौ खोमाना लानानै

जोबोद दुखु मोनदोंमोन। बियो सानदोंमोन आं थांना थास्लायस्लाय दावहाथिलियाव थैनायानो गाहाम जागौमोन। बिनि गोसोआ बायग्रेब लांदोंमोन बिनिआव साननाय फैदोंमोन, आंनि Girlfriend आ माबादि मोजां मोनबावनो। आंनि लोगोफोरा आंखौ मुगैगोन। जानो हागो आंनि आइआबो आंखौ मुगैगोन। बेखाइनो बियो बिमानि गोसोखौ आनजाद नायनो साननाइसै। जेरै साननाइ एरै खामानि। बियो बिमाखौ फनजों बूंहरबाय, 'आयै'! आं न'सिम थांगासिनो दड, दायो आं गंसे हट लाव हर थाफैदों, गाबोननो आं न सहैगोन। नाथाय आं सासे आंनि आंगो लोगोखौ नआव लांफानो नागिरदों। बे लोगोआ दायो आंजोंनो दड। नाथाय दुखु नांथावना बाध्राया जाहैबाय दावहाथिलियाव बियो मोनसे आखाइ, मोनसे मेगन आरो थोंसे आइथें खोमाना लाबाय। बियो आंनि जोबोद आंगो लोगो। बिखौ आं गारना थांनो हाया। बिखौ आं अरायसम लाफानानै थांना थानो नागिरदों। जननि बिमाया जनखौ बूंबाय, नों जावलिया जाबाय नामा? बे आइथें, आखाइ आरो मेगन गैयि मानसिखौ अरायसम माबाइदि जोथोन लाबाय थानो? सानसे, साननैखौ जोथोन लानो हाब्लाबो, अराय समनि थाखाय बेखौ नआव लाखिनो हानाय नडा। नों गाबोन थाबैनो फैदो। नोंखौ आं नेनानै दं। बिमानि बे खोथाखौ खोनानानै जोबोद दुखु मोनदोंमोन। बियो न'आव थांब्ला बिमाया जोबोद दुखु मोनगोन आरो कस्त मोनगोन। बिब्दि सान्ना ब्रै ताला बिल्दिनिफ्राय बाज्रुमना गावखौ फोथैना लादोंमोन। बिनि उनाव बे रादाबखौ मोनथिना जननि बिमाया गाबै गाबै बूंदोंमोन, नों मानो थार बाध्राखौ आंनो फोरमायदिया। नोंनियाव आइथिं गैयाब्ला आं नोंनि आइथिं जागौमोन। नोंनिआव आखाइ गैयाब्ला आं

नोंनि आखाइ फारसे जाना थागौमोन। आरोबाव नोंनियाव थाइसे मेगन गैयाब्लाबो आं नोंनि थाइसे मेगन जागौमोन। नों मानो आंखौ थगाइनायनि लोगोसे, नों गावखौ मानो फोथैना लाखो फिसा?

सानसेखालि सासे जौ फाग्लाया, नोगोरनि गंसे जौ फानग्रा ग'लायाव जौ लोंनो थांदोंमोन। बे मानसिया सानफ्रोमबो हराव बे गलायाव जौ लोंनो थांबाय थायो टेक्सि गंसेयाव गाखोनानै। बेबादिनो सानसे खालि मोनाबिलि समाव, टेक्सियाव गाखोनानै जौनि गलायाव, जौ लोंनो थांदोंमोन। गिदिंफिनना फैनो समाव जौनि निसाजों टेक्सि ड्राइभारनो भाराखौ होनो बावगारगोन सानना, टेक्सि गाखोनाय आगोलावनो होनाया बिनि हुदा। बिब्दिनो बै दिनखालि जौ फाग्लाया टेक्सि ड्राइभारनो भाराखौ होग्रोनानै टेक्सिआव गाखोदोंमोन। नाथाय बै दिनखालि टेक्सि ड्राइभारा सानदोंमोन, जौ फेनायजों बियो गाव सिगांग्रो टेक्सिनि भारा होनायखौ बावगार लांगोन। बेखाइनो बियो जौ फाग्लानि न'सिम सफैनायनि उनाव बिखौ टेक्सिनिफ्राय आंखार होनानै आरो खेबसेबाव टेक्सिनि भाराखौ बिदोंमोन। बिनि फिननायाव जौ फाग्लाया बूंदोमोन, 'आं नोंनो टेक्सिनि भाराखौ होग्रोबाय।' मानोना बावगारगोन साननानैनो आं नोंनो टेक्सिआव गाखोनायनि आगोलावनो होग्रोयो। नाथाय सानैबो बाध्रा दानथेलायो। बिनि उनाव बे जेंनाखौ फोजोबस्रानो थाखै सानैबो सेरावनो थानाय गंसे पुलिस थानायाव थार बिजिरनायखौ मोननो थाखै नाजाहैबाय। पुलिसफोरा ड्राइभारनि खोथाखौ मानिबाय आरो जौ फाग्लाखौ जौ फेनानै टेक्सि भाराखौ होनो बाउगारदों होनना गोबां रायबाय। जौ फाग्लायाबो अक्राथार आरो गावनिखौ थार होन्नानै गोखों सानग्रा। जायनि जाउनाव गावनि साननाय बायदि पुलिसफोरनि

बिजिरनायखौ मोनिनि थाखाय, पुलिस थानायाव गोबां दाउराव दावसि खालामबाय। बेबादि गोबांद्राय दावराव दाउसि खालामनायखौ नुना, पुलिसफोरा बोराबनानै बिखौ लकापआव हरसेमानि सोना दोनदोंमोन। बिनि अखानायै जेब्ला बिखौ लकापनिफ्राय उदां खालामना होयो। अब्ला बियो आरोबाव जोबोद दावराव दाउसि खालामदोंमोन आरो बिसोरनि जेंनाखौ फिन बिजिरबावनो खावलायदोंमोन। नाथाय जेब्ला पुलिसफोरा जौ फाग्लाखौ जेबो गोसो होआखैमोन, अब्लानिया बियो बोराबनायजों थानानिफ्राय ओंखार लांना गंसे गेस सिलेन्डार बायना लाना फेदोंमोन। बिनि उनाव थानानि दरखंआव होसिखाव-होसिखाव पुलिसफोरखौ बुंदोंमोन, 'आंनो थार बिजिरनायखौ नांगौ', नडाब्ला नै आं गावखौ सावथारना थैनोसै। बेबादिनो गमामायैनो थानायाव थानाय पुलिसफोरखौ जेबो पात्ता होयिखौ नुनानै रागा जॉनायजों गावनि बाथ्राखौ सैथो होनना गायसननो थाखै गावनि सोलेराव गेस सिलेन्डारनि गेसखौ लुफावना सावनानै लादोंमोन। जेब्ला पुलिसफोरा नुबाय थारैनो बिनि सोलेरखौ अरा 50 जौखोन्दो खाममारबाय। अब्लासो बिखौ देहा फाहामसालियाव लाना थांदोंमोन। नाथाय बियो देहा फाहामसालियाव जोबथा हांखौ बोनो गोनां जादोंमोन। बेबादिनो गावखौ गेबें सानग्रा, गावनिया माब्लाबाबो गोरान्थि जानो हाया साननाय मानसिया गावखौनो माब्लाबा फोथैना लायो। बे मानसिया गावनि बाथ्राखौ थार होननानै फोरमान होनो थाननै गावनि समायना बिसिखौ रान्दि खालामदोंमोन आरो फिसा सानैखौ बिफा गैयि खामामदोंमोन। बेबादिनो गावखौ फोथैना लाग्रा मानसिया गावजों लोगोसे गावनि आंगोखौबो बुथार लांनाय बायदि जायो।

खोला करियायाव सासे बिमा, सासे उन्दै फिसाजो आरो सासे समायना फिसायनि थार जाथायनि बागै सावरायनाय जाबाय। बिसोर साथामबो जोबोद आलो गोजोनै रायजो जादोंमोन। नाथाय सानसेखालि हरखाबनो बिसिनियाव मोनसे साननाया खाइसो खालाम दोंमोन। बे आइजोआ सानदोंमोन। आं हरखाबनो थैना थांब्ला, आंनि फिसाइया गुबुन सासे बिसिखौ जुलि खालामगोन। अब्लानिया बे बिमा गदाइ (बाथुल) आ आंनि फिसाखौ जोबोद दुखु दाहा होगोन। गोजांनाय बोथोराव गुदुं सि होनाय नडा। मोजां रोखोमनि आदारखौ होनाय नडा। बिसोर आंनि फिसाखौ मोजाडै जोथोन लानाय नडा। बेखायनो मालायनि आखायजों दुखु खस्थ'खौ मोननांगौ जास्लायस्लाय आंनो बिखौ बुथारगोन, आंनि फिसाइखौबो बुथारगोन आरो आंबो गावखौ फोथैना लागोन। थारैनो बे आइजोआ, सिरि-सिरि मोथो-मोथो, रावनोबो बे बाथ्राखौ खोन्थाया बालानो, सानै सानै जावलिया बायदि जालांदोंमोन। सानसेखालि गावनि फिसाइया नआव सफैनाय लोगो लोगोनो गावनि फिसाइखौ खरआव लावथिजों बुना बुथारदोंमोन। गावनि अनजालि फिसाखौबो बुथारदोंमोन। गावबो गावखौनो फोथैनो नाजादोंमोन। नाथाय बियो गावखौ फोथैनो हायाखैमोन। बियो उनाव गावनि फिसा आरो फिसाइनि बुथारग्रा दायनिगिरि महरै जोबथेसालियाव थानांदोंमोन। बे जाथाइयाव जों नुबायदि बिनि फिसाइया माब्लाबाबो हिनजाव गदाइ लाबोनायनि खोथा सानाखैमोन। आरो बिबो बेराम जाब्रबनानै थैनायनि बाथा गैयामोन। बे हिनजाव सानब्रेनानै बेबादि गिथावना खामानिखौ मावदोंमोन। नाथाय बे गोसोनि जेंनाखौ गावनि फिसाइजों एबा गावनिखुइ सोरबा गोरोंजों सावरायनायमोनब्ला बिब्दि दुखु नांथावना जाथाया जानाय नडामोन।

बेखाइनो गोसोआव जेंना जायोब्ला सोरजोंबा सावराय नांगौ।

खोला करियानि सासे मुंदांखा फालांगि मावनाय आइजोनि बाथ्रा। सासे आइजोआ फालांगि मावनाय गोबां दावगानो हादोंमोन। बे आइजोनि फालांगि खामानि मावनायाव गोसो गोर्बोंजों बिखौ आंगो बिदा आरो आंगोनि बिमाया जोबोद हेफाजाब होदोंमोन आरो बिथां सानैनि हेफाजाब मोननायनि थाखैसो बे आइजोआ गावनि फालांगिनि खामानिआव देरहासार जानो हादोंमोन। नाथाय सानसेखालि सासे इयुनि बागै बाथ्रा बुंनो हाग्रा मानसिया बे आइजोखौ बुंदोंमोन, 'नों थारैनो नोंनि बिमा आरो बिदाखौ नोंनि फालांगिनिफ्राय होखार हरदो'। बिसोर सानैया नोंजों थाफाबाय थायोब्ला सानसे समाव नों गिदिर खैफोदाव गोग्लैनो गोनां जागोन। आरोबाव बे इयुनि बाथ्रा बुंग्रा मानसिया बुंबावदोंमोन, 'नोंनि अनजालि फिसा सासेखौबो नों गोजानाव दोनहर', नडाब्ला नोंनि बेपार फालांगिनि खहा जागोन। थारैनो बेनि बाथ्राखौ खोनासंना बे आइजोआ गावनि बिमा, गावनि बिदा आरो गावनि फिसाखौ गावनि न'निफ्राय गोजान खालामजोबनानै हारसिडैनो गावनि फालांगि हाबाखौ मावदोंमोन। नाथाय बिमा, बिदा आरो फिसाजोआ बिनि फालांगिनि खामानिनिफ्राय गोजान जानाय लोगो-लोगोनो लासै लासै बिनि फालांगिया जोबसां लांदोंमोन। जोबनायाव बियो गोबां रानि दाहारजों गाग्लोबजानानै गोसोआ बायलांदोंमोन। बिनि उनाव बियो सिरि-सिरि, मोथो-मोथोनो गावखौ फोथैनो थाखै नाजाबाय थादोंमोन। बियो जेब्ला हारसिडै थायो बियो मोन्दाथियो सोरबा गोदै रावजों बिनि खोमा सेराव बुंफैयो, 'नों थैदो, नों थैब्लासो गोजोन सान्ति मोनगोन आरो जेंनाया जोबसांगोन'। बेबादि हालसालाव गावनि असे

लोगोनो गावनि साननायखौ बुंफोरना लानायाव, गावनि बे असे लोगोआ गोसो-डाक्टरनि सेराव थांना गावखौ फोथैना लानो सान्नाया गैया जालांदोंमोन। आरोबाव फिन गावनि आंगोनि बिमा, गावनि बिदा आरो फिसाखौ लाना फैना गावनि फालांगियाव जौगा लांदोंमोन।

सासे बिमाया फिसाइ थैजानायनि उनाव, उन्दै गथ'खौ लाना रायजो जादोंमोन। जोबोद दुखु खस्थजों गावनि फिसाज्लाखौ डाक्टर खालामनो हादोंमोन। नाथाय फिसाज्लाया बिमाखौ जोबोद मुगैयोमोन थाइसे मेगन गैयैनि थाखाय। बिमाया गामियाव थायोमोन आरो फिसाज्लाया बिसि फिसाइ टाउनआव आलो गोजोन रायजो जायोमोन। सानसेखालि बिमाया बेरामआव गोग्लैनायनि थाखाय नोगोरसिम थांनानै फिसाज्लानि न'सिम थांदोंमोन। फिसाज्लानि न' सहैनाय लोगो-लोगोनो डाक्टरनि फिसाफोरा खानि आबै फैदों, जों बिखौ गियो होननानै होसिखावदोंमोन आरो न' सिडाव हाबलांदोंमोन। बिनि उनाव फिसाज्ला डाक्टरआ न'सिनिफ्राय ओंखारबोना बिमाखौ रायदोंमोन आरो 'नों मानो फैदों? आंनि फिसाफोरा नोंखौ गियो, नों आंनि नआव फैनो नाडा' बायदि रावजों रायदोंमोन। बिनि उनाव जि जाबाय जाबाय नों दिनै हरसेखौ आंनि गारि दोनग्रा न'आवनो उन्दुना थादो होनना, बिमाखौ गारिनि गेरेसाव उन्दुना थानो होदोंमोन। नाथाय इसेबां दुखु खस्थजों, गोथार अननायजों फेदेरदोंमोन फोलावदोंमोनब्लाबो बेबादि अनागारि आखु दिन्थिनायनि थाखै, बे हरखालि गावखौ उन्दुनो होनाय गारि दोनग्रा न'आवनो दिन्दां आलायना थैदोंमोन। बेबादिनो गोथार अननायखौ साजा महरै, दुखु महरै होयोब्ला थांना थानो हाया।

बिबारि बसुमतारिया नाब्ला बसुमतारिखौ

मोजां मोनोमोन। बिसोरनि मोजां मोनज्जायनाया थाम बोसोर जाबायमोन। नाथाय हरखाबनो नाब्ला बसुमतारिया सिरि-सिरयै मिनिस्त्रि स्वर्गीयारिजों मोजां मोनज्जायदोंमोन। बे बाध्राखौ मोनथिनानै, बिबारि बसुमतारिया जोबोद दुखु मोनबाय। बे दुखुखौ सहायनो हायैआव सानसेखालि बियो न'खरआव रावबो गैयै समाव गावखौ फोथेना लादोंमोन। बिबारिया सासे गोजौ थाखोनि MA उथिनाय हिनजावसामोन। बिबारिया गोजौ थाखोनि डिग्रि लानाय हिन्जावसाब्लाबो, बिनियाव गोथौयै साननो हानाय गोहो गैयामोन। MA नि अनगायैबो बिबारिया मेट्रिक, हायार सेकेण्डारि आरो BA आनजादाव मोजां रिजाल्ट खालामनो हादोंमोन। नाथाय साननो गोनां बाध्राया जाबाय स्कुल, कलेजनि आनजादाव मोजाङ्गे उथिब्लाबो, जिउनि आनजादाव उथिनो एबा देरहासार जानो हायाब्ला जोंनि जिउआव बायदिसिना जेंनाफोरा नुजाफैयो। जिउनि लामायाव फिसा-गिदिर बायदिसिना जेंना फोरजों मानसिफोरा मोगा मोगि जानो हानांगोन आरो बेफोर जेंनायाव देरहानो हानांगोन। जिउनि लामायाव मोनबोनाय जेंनाफोरासो थार आनजाद। बे जिउनि आनजादफोराव देरहानो हायाब्ला, फरायसालि, फरायसालिमा, बुहुम फरायसालिनि आनजादफोराव मोजां नम्बर मोनना उथिब्लाबो, जेबो मुलाम्फा गैया। बिबारिनि गावखौ फोथेना लानाया थौले गोसोनिसो नेरसोन। बियो एसेबां लेखा फरायनायाव मोजां हिनजावसा जानाबो, सानसना मोनाखैमोनदि मोजां मोननाय थायोब्ला, ब्रेकआपबो थायो। गुबुन फारसेथिं जाय सेंग्राया बिखौ मोजां मोननायनि फाव खालामदोंमोन, बियो मोजां मानसि नडबो जानो हागौ। बियो गात्रि आखुनि मानसिबो जानो हागौ। बियो थारैनो गात्रि मानसिब्ला, नोंनि जिउनिफ्राय बियो जायखार लांनाया, थारैनो

मोजांसो जादों। सासे गात्रि आखुनि मानसिनि थाखै, गावखौ फोथेना लानायनि जेबो आंथि गैया। बियो थारैनो थौले गोसोनिसो नेरसोन। गुबुन फारसेथिं जानो हागौ, बिबारिनि खायसे आखल आखुखौबो नाब्ला बसुमतारिया मोजां मोनाखैबो जानो हागौ। जायनि थाखै बिबारिखौ गारनानै गुबुन सिख्लार्जों गोसो थोज्जायदोंमोन। बिनि अनगायैबो बिबारिया मोनथियाखैमोन, मानसिफोरनि जोनोम आरो जुलिया मब्ला जागोन, सोरजों जागोन बे बाध्राखौ गसाइयासो थि खालामो होनना मानसिफोरा फोथायो। बिब्दिनो थौले गोसोनि थाखैबो आरो गोथौयै साननो रोडैनि थाखैबो खायसे मानसिया गावबा गावनि बेसेन बहरा जिउखौ फोथेना लायो। बेबादिनो गोबां जाहोननि थाखै मानसिफोरा गावबा गावनि जिउखौ फोजोबना लायो। गावबा गावखौ फोथेना लानायनि जाहोनफोरनि बागै इसे सावरायनाय जाबाय। गावखौ फोथे-नायनि बायजोआरि जाहोना जाबाय गोसोआव दुखु मोननाय, सोरनिबा मायबा बुंनाय बाध्रा आरो मायबा मोनसे खामानि मावनाया जोंनि गोसोआव दुखु होयो, जों आरोबाव गोबां जाहोननि थाखै, गोसोआव दुखु मोनो। आइ-आफार्जों रायजाब्ला, न'खरनि रां खान्थियारि हाल-साला मोजां नडब्ला, मोजां मोननायजों ब्रेकआप खालामजाब्ला, सोरजोंबा अनागारि खालामजाब्ला, मुगैजाब्ला, लाजिफोनांजाब्ला, बे दुखुआ बारा जाब्ला गावबा गावखौ फोथेना लानोबो गिया जायो। गावखौ फोथेना लानायनि गुदि जाहोना जाबाय लोरबां गोसो। गोसोआ लोरबांब्ला सोरनिबा बुंनाय आरो मावनाय खामानिया जोंनि गोसो गोर्बोआव थाबैनो गोहोम खोख्लैनो हायो। जेब्ला सोरनिबा बुंनाय आरो मावनाय खामानिया जोंनि गोसोआव दुखु होयो, अब्ला जोंनि गोसोआव बै दुखु होग्रा मानसिनि

फारसे अजद दैखांआरि गोसो (Complaining Mind) मोनसे जोनोम जायो। अब्ला जों गुबुनखौ रायखोमायो, मुं सुयो, जोबोद रायखोमायो, जों बे मानसिजों रायज्जायनो बायो आरो हारसिं हारसिं थाग्रा जायो। बिब्दिनो हारसिं हारसिं थानायव बायदिसिना गाज्जि साननायफोराबो गोबांनिफ्राय गोबां जायो। बिब्दिनो गोबां सान हारसिं थाबाय थायोब्ला जोबनायथिं थांना थानो लुबैया आरोबाव बिब्दिनो खायसेआ थैमारलाडो। बेखायनो जों बुडो, आमुकआ बिलाइस्त्रिखौ मोनिनि थैबाय, आमखाया कर'नानि समाव कर'नाखौ गिना गावखौ फोथैना लाबाय। थार बाथ्रायाव बिसोर गावबा गावखौ फोथैना लानायनि जाहोना जाबाय बिसोरनि गोसोआ लोरबां। कर'ना आरो ब्रेकआप जानाया बायजोआरि जाहोन। बिसोरनि गोसोआ लोरबां जानायनि जाहोना जाबाय बिसोर जिउनि जेंना-जेंसिखौ उन्दैनिफ्राय एरायखे बोनाय आरो मोगा मोगि जाया लाबानो थाबोनाय।

गुबुन मोनसे गावखौ फोथैनायनि जाहोना जाबाय सिरि-सिरियै मायबा मोनसे समाज बेरेखा मावनाय। बिनि उनाव आं पापनि खामानि मावफलांबाय होत्रा गाव हारसिनो सानै-सानै गावखौ फोथैना लानाय। बेखायनो जों जिउआव मायबाफोर समाज बेरेखा आरो गाज्जि खामानि मावफलांबायब्ला बेखौ गावनि आंगोनिबो आंगो मानसिफोरजों सावरायनाय एबा सोरबा गियानि गुणि मानसिफोरनिफ्राय सुबुरुन लानानै गावबा गावनि बे जेंनानिफ्राय बारग'नो नाजानांगौ। बेबायदिनो जों गावखौनो पापि साननायनिफ्राय उदां जानो हायो। Thomas Joyner नि बादिब्ला ब'जाय (Burdening) सोरनिबा ब'जाय सोरखौबा गावखौनो खायसो खालामनाय बायदि मोनबाय थानाय, समाजनिफ्राय अननाय, मान सन्मान

मोनाब्लाबो, नेवसिजाब्लाबो मानसिया गावबा गावखौ फोथैना लानो गिया। सासे मानसिनियाव गावखौनो गोरों, गावनिया अरायबो गेबें साननाय मानसिफोराबो गावबा गावखौ फोथैना लायो, गोजौआव मख'नाय जौ फाग्ला मानसिबायदि। माब्लाबा गावबा गावनि जिउनि रंगिना-संगिना सिमाडा आबुं जायाब्ला आरो गावबा गावनि सायाव फोथायनाय गैयाब्ला, बिनि अनगाथैबो गावनि सायाव एबा गुबुननि सायाव फोथायनाया बायफलेलांब्लाबो मानसिफोरा गावबा गावखौ फोथैना लायो। समाजारि आरो रांखाथियारि बिथिडाव जेंना जानाय आरो दावराव दावसि जाब्लाबो खायसे मानसिया गावबा गावखौ फोथैयो। गावखौ फोथैनायनि गुबुन मोनसे जाहोना जाबाय सोरबाफोर सोरखौबा बांद्राय दबथायनाय, बांद्राय सामलायनाय, जेराव मानसिया जेबो उदांसि मोना।

खेवनाय गोसो (Open Mind) गैयैआबो गावखौ फोजोबनायनि मोनसे लामा। हरखाब मान-सिफोरनि गेजेराव थानाय सोमोन्दोआ गोमालांनाय, खामानि गोमानाय, फेनाय बेसादफोरनि फारसे लेमलांनाय, आनजादाव उथ्रिनो हायै, गिदिद बेरामाव गोग्लैनाय, ब्रेकआप जानाय बायदिफोराबो गावखौ फोथैनायनि जाहोन।

गावखौ फोथैनायनिफ्राय बारग'नो थाखै, जों जोंनि गोसो गोर्बाआव मा बायदि साननायफोरा फैबाय थायो, बेखौ जों नोजोर होनो नांगोन। मानोना जोंनि साननायफोराव गोबां गोहो-बोलो एरसो खोमाना दं। जोंनि मोनसे गाज्जि साननायानो जोंनि जिउखौ फोजोबस्रानो हायो। बेखाइनो जों जोंनि गोसोनि फुंखाया मा, मानो आंनियाव माबादि सान नायफोरा फैगासिनो दं, बेखौ बिजिरना नायनांगौ। मानोना जों जाय बाथ्राखौ गोसोआव सानो बे बाथ्राया देरलांबाय थायो। बे साननायफोरा मोजांबो

जानो हागौ, गाज्रिबो जानो हागौ। बेखाइनो जॉनि गोसोआव माबादि साननायनि बेगरआ जोनोम जादों बेनि फारसे सांग्रां जानांगौ। बेखाइनो जॉ जॉनि गोसोआव जोनोम जानाय गावखौ फोथैना लानो लुबैनाय, गावनि जिउनि दुखु-दाहाखौ गावनि न'खरनि आंगोफोरजों मोजाडै रायज्जायनांगौ। थार बाथ्राफोरखौ एसेखोमाना रायज्जाय नाडा। मोनसे बाथ्राफोरखौ गोसोआव लाखिनांगौदि मानसिनि गोसोआ बायोब्ला बेयो सोरगिदिं खोमसिजों

साग्लोब जायो, थांना थानो गोसो गैया जायो। बे समाव सानथावै, मिजिं खालामथावै बाथ्राफोरा बिनि गोसोआव गेलेयो। बिब्दिनो बिनि साननाया गोथैनिफ्राय गोथै जालाडो। बेबादि बियो गावनि आरो गुबुननिबो खहा खालामना मुलुगनिफ्राय जोबस्रांलाडो। जोबनायाव बे गावखौ फोथैना लानो लुबैनायाव, गोसो सोलोथाइनि रंगोसार मानसि एबा गोसोनि डाक्टरजों सावरायना थैनायनिफ्राय बारग'नो हायो।

जांख्रिथायाव Emotion आरो Sentiment

माब्लाबाबो देरसिन जानो हाया ।

-जोहोलाव सोमब्ला बसुमतारि

आयदायारि बिथायाव फावथाइनि रुपरीतिनि रोखोम

गुबै (बांला) – उज्जल कुमार मजुमदार
दानस्लायग्रा – अनिल कुमार ब्रह्म

आयदायारि बिथायाव फावथाइनि रुपरीतिनि रोखोमखौ गाहायाव फारियै सावरनाय जाबाय ।

1. र'मान्तिक फावथाइ: समाइनाथि सोरजिनि मादाव सिं-स्राइ साजायनायानो जेरै क्लाछिक थुनलाइनि गुबै बाथ्रा, बेबादिनो सोलिफु गासिबो रोखोमनि नेम खान्थिनि बेरेखायानो र'मान्तिक थुनलाइनि लोखोन। रेनेछौ जुगावनो इलेण्डाव बयनिखुइ बांसिन र'मान्तिक लोखोना रोखा जानानै फैदोंमोन। उनाव जिदाइनाथि जौथाइनि नैथि जिथाइयाव रेनेछौछ-रिफमेंछन जुगानि स्वाभाविक जोबथाइ हिसाबैनो र'मान्तिक सोमावसारनाया जावरिदोंमोन। क्लाछिक नोजोरजों शिल्पनि मादाव जेरै मबेबा सोलिफु सानस्त्रिनि मिछिनाया गनायथि मोनो, बेबादिनो बाइदि बिदैनि मिछिनायाव र'मान्तिक फावथाइनि सोमजिनाय जाखाडो। स्वाभाविक रोखोमै आरो शिल्प साजायनाय, गोमजोरथि आरो फेस्ता, बिसम्बि आरो सिगां गियान, सोलेरारि आरो जिबियारि गांनाय, जिउ आरो थैनाय गासिखौबो मिछिनायै र'मान्तिक फावथाया सोरजि जायो। बेखायनो, थार गुबै ट्रेजेदि एबा थार गुबै कमेदि मोनसेयाबो र'मान्तिक फावथाइनि बुंफरलुवा आलादायै फैया।

जिउनि गुदु आरो गलाइ मोन्देर रुप दिहुननायानो र'मान्तिक फावथाइगिरिफोरनि फावथाइ लिरनायनि थांखि। सम आरो भावनिनि खौसेथिखौबो मानिना जाया आरो जाथाइ रोखोमै गोरोबथाइ खौसेथियाबो थाया। बाइदि सल 'लिं आरो दालाइ जाथाइ, सोमोथाव आरो जावरिथाव जाथाइ, जाथाइनि थद 'नाय गैयै गुदु, हेंथा-हेंथि, गासिबो मिलिनानै मोनसे जेथो गोनां रमान्सनां जावरिखां मिछिनाय सल 'नि फावथाइयानो र'मान्तिक फावथाइ। इलेण्ड आरो स्पेइनाव बे र'मान्तिक फावथाइया बयनिखुइ बांसिन गोसारदोंमोन। स्पेइनाव लप-दया-भेगा आरो बयाल भेरना बे र'मान्तिक फावथाइनि हामसिनखौ लाबोदोंमोन। इलेण्डाव बे रोखोम फावथाइया सेक्सपीयेरनि आखाइयाव साबना-हामना महर मोनदोंमोन। बांला फावथाइ, थुनलाइनि जारिमिनाव गिरिशचन्द्र, अमृतलाल, क्षीरद प्रसद, दिजेन्द्रलाल आरो रबीन्द्रनाथनि आखाइजों र'मान्तिक फावथाइ सोरजि जादों। द्विजेन्द्र नाथनि आखाइजों आरो समाजारि फावथाइयाव जानो हागौ र'मान्तिक

दाथाइया बांसिन दं। आरोबाव क्षीर'द प्रसादनि मेथाइ-फावथाइ, जुनियायै 'आलिबाबा' आरो 'किन्नरी'याव र'मान्टिक आबेगनि दुंग्लोबनाय आरो मोसानाय मेथाइनि दोहौवा लैखो खालाम जाथाव थार। रबीन्द्र नाथनि मेथाइ फावथाइ आरो 'रुद्रचेन्द्र', 'प्रकृतिर प्रतिश'ध' बाइदि खन्थाइ फावथाइया बे र'मान्टिक फावथाइनि सारियाव गोग्लैयो फारियै मेथाइनि गोहोम आरो आबेग दोहौनि थाखाय।

2. क्लाछिक फावथाइ: बे रोखोमनि फावथाइनि मोननै रोखोम मोनाय जादों। गोजाम क्लाछिक फावथाइ आरो गोदान क्लाछिक फावथाइ। गोजाम क्लाछिक फावथाइनि मोननै रूपः ग्रीक फावथाइ आरो र'मान फावथाइ। आयदानि गोरोबनां शिल्प रूपआनो ग्रीक फावथाइनि आखुथाइ। र'मान फावथाइनि मादाव सेनेका (Seneca) नि ट्रेजेदिफ्रानो बयनिखुइ मुंदांखासिन। बेफोर फावथाइफ्राव गोमोथाव (अलौकिक) आरो गिखुंथाल बिदैनि दाथाइफ्रा बांसिन। गोजाव रायनाय (आलाप), जाथाइनि लेहेम खान्थि, गहेनारि बाथ्रा थाफानाय बेफोर ट्रेजेडिफ्रा उननि समफ्राव फ्रान्साव केर्नेइ, रासिन, भलताइयारनि फावथाइफ्रा आरो इटालियाव लाजफियेरिनि फावथाइफ्रा गोहोम खोख्लैदोंमोन। बिसोरनो निअक्लाछिक एबा गोदान क्लाछिक जुगनि फावथाइगिरिनि सल' फैदों जिया गोजाम क्लाछिक फावथाइयाव गैयामोन। गोजाम क्लाछिक फावथाइनि क'राचनि थिसननायाबो बे रोखोमनि फावथाइयाव जायाखिसै। नाथाय गोजाम

क्लाछिक फावथाइनि बादिनो सरासनस्त्रा नडै आखु गोमजोरथि, थावनि-सम-जाथाइनि जेसे हागौ खौसेथि, खास्त्रि-बिस्त्रि जाथाइनि आन्दोनि गौथुम आरो बेनि बिबुंसार आरो गुसु-गुरुं लैखो खालामनाय नुनो मोनो। रबीन्द्रनाथनि 'जामिनी' फावथाइयाव गोबां गोजाम ग्रीक फावथाइनि गोरोबथि दं। आरो जाथाइनि गुरुंथियाबो गैया। बेखायनो 'जामिनी' फावथाइखौ थाखोआरि बिमाराव एसेबाबो गोदान क्लाछिक सारिनि फावथाइ बुंजायो।

3. मोखथाडारि (बास्तब बादी) फावथाइ: बे रोखोमनि फावथाइनि गुदि जैखौआ जादों मोखथां (बास्तब) जिउनि थिक रोखोम उन संनाय। नैथि लैखोआ, फावथिनाय बेलायाव एबा साइनायाव गोरोन्थि गैयै मोखथांनि उनसंनाय। जि मोखथाड सानफ्रामबो दिदोम आरो बिस्त्रि, जुनियायै बै मोखथांखौ दासिम फावथाइयाव आजावनानै लानाय जायाखै होननानै बास्तब बादीफोरा फावथाइयाव बेखौनो दिन्थिफुंनो लुबैयो। खामला, मिस्त्री, कसाइ, दालाल, गलादार, थगायसुला, रोन्दि बाइदि समाजनि नायसन जायै आखुफ्रानो बे रोखोमनि फावथाइयाव बांसिनै बिहिर खालामो। बे बास्तबबादि जोबथा रूपआनो जादों नेचारेलिजिम एबा अनि बास्तबबाद। सल 'मागिरि रमिल जलाया बे अति बास्तबादिनि मख' जाथआव गायसनगिरि। बे मनन्टि बिबुंथिगिरिफोरा फावथाइयाव जिबियारि लुबैनायनि सायावनो बांसिन जर होनाय जायो। एसे जान्द्रिक जिबियारि आरो आबहावा सामलायनाय बादियै बिसोरो

जिउखौ दिन्थिनो सानो। बेनिखायनो मानसिनि गेना गोग्लैसोनाय जुवाननि खालेंखारि जायो आरो हामिया आसारखौ फावथाइयाव दिन्थिनाय जायो। आनि बास्तबबादीफोरनि बे बिस्टि मोखथांनि उनसंनो मोजां मोनग्रा बास्तबबादीफोरनि दोसोआव एसे आमायनाय सोमजि होनायसै आरो बेनि बिजाउनाव बिसायखथि बिथायारि बास्तबबाद (Solective realism) नि जोनोम जानायसै। बास्तबबादनि फावथाइया आबहावाजों सल'नि गावस्त्राथावयि सोमोन्दो फसंनंगौ। आबहावानि सायाव गोजान नोजोर होनायावनो 'दि ल'यार डेपथच' आरो ल'केमिनि 'दिप्लाउ एन्द दि प्तरच' गांन फावथाइया सिखोन नडै आबहावानि मानसिफोरखौ फोथाय थाव खालामना होदों। समाजनि राजखान्थियारि आरो रांखान्थियारि गोहोनि गलाइ-मोन्देर गेहोमा मानसिनि जि आखु आरो थाखो सिनायथि बेरखां होयो बेखौनो गोदान बास्तबबादी फावथाइया फोरमायो। सुबुं मदिन (व्यक्ति सत्ता) नि सोलाय गोबां मानसिया (जायफ्रा गासै समाज आबहावानि थान्दै) ज' फैनानै गोदान फावथाइयाव सोलिनाय एकनायकत्तानि फोसावनायखौ सिफायदों। ब्रैजि जिथाइयाव बिजन भट्टचार्यनि 'नवात्र' फावथाइया बे गोबां मानसिनि थान्दैफोरनि जोहै गासै समाज थादिन (समाज सत्ता) खौनो फोरमायदों। उननि समनि बांला फावथाइयाव बे समाज थादिननि फोरमायथिनाया खोब सरासनस्त्रा जाबोदों।

मोखथाडारि फावथाइया आबेगनिखुइ सोलो-खायदानि सायाव बांसिन अरना होयो।

बिजाउनाव जेंनाखौ बिथा खालामननै तर्क-बितर्कनि थिसननाय दिन्थिफुडे। हेनरिक इब्सेननि फावथाइयाव समाज-सुथिनि फोरमायथिनाया खुनि रायनाय (आलाय) जोंनो बेरखांदों। 'दि डर्लच हाउस' फावथायाव सोलिफु सतीत्वनि सानजानाय 'गोथार' आदर्शनि बेरेखायै न'रा हेलमारा जेब्ला फिसाइनि खाथियाव हेंथा होयो, अब्लानिफ्रायनो गोदान फावथाइनि जोनोम जादों। हेनरिक इब्सेन आरो जर्ज वार्णाइश'नि गोबां फावथाइयाव क्लासिक फावथाइबादि थावनिनि खौसेथि बजाय लाखिनानै आखुनि खुगायाव बाइदिसिना तर्क-बितर्क थिसननानै जाथाइनि (सावरायनाय बिथायाव) जोबथाइ जाबोदों। बे सावरायनायाव फावथाइगिरिनि मोनसे रोखा मतबादाबो बेरखाडे। आखुनि रायनायाव आरबाव गोलाव फावाव (बाणांडशन बादि) फावथाइगिरिया भावनि मतामतखौबो बुंथिदों।

बास्तबबादीफोरनि मादाव जाइफ्रा समाज तत्तवाव फोथायथि लाखिदों बिसोरो रांखान्थियारि फाराखथिनि बिथिंखौ फोरमायना दिन्थिनो सानो, बे फाराखथिनि बिजाउनाव समाजनि मावथि गोहोना (खामला आरो हालुवा) पुंजिबादी गोहोनि खाथियाव माबादि नासय जादों आरो सुसि जादों। बे नासय जानाय आरो लैजा होजानायनि जोहैनो मावथि गोहोआ माबादि खौसे जानानै बिग्रायारि जावरिनाय लाबोदों बेनिनो रोखा इंगित (थिफाय सननाय) फावथाइयाव थायो।

जिगु जौथाइनि नैथि बाहागोआव रांखान्थियारि सुसिनायखौ बिथा खालामनानै

बांलायाव दानि बन्धु मित्त्वा 'नील दर्पन' फावथाइ लिरदोंमोन, बेनि उनसंनायाव गोबां फावथाइ लिरजादोंमोन जायफ्रा समाजारि उदखारनि आइना रोखोम। माइकेलनि 'एकेइ कि बले सभ्यता', दनिबन्धुनि 'सधबार एरादयी', 'जामाइ बारिक' गिरिश चन्द्रनि 'बलिदान', प्रफुल्ल' बाइदि फोरखौबो बास्तवबादी फावथाइ बुंजायो। रबीन्द्र नाथइन 'प्रायश्चित्त', 'मुक्त धारा', रक्त करबी'याव फारियै राजा-फोरजानि द्वन्द, जोन्थोर-मानसिनि द्वन्द्व आरो धोनतन्त्र-सुबुं तन्त्रनि द्वन्द्ववा बेरखांदों। नैथि मुलुग दावहानि समनिफ्राय ब्रैजि जिथाइयाव सुबुं-फावथाइनि थुलुंगायाव थाखो द्वन्द्व बिथायाव गोबां फावथाइ लिरबादों। मन'ज बसुनि 'नमुन प्रभाक', नुलमी लाहिडीनि 'छँडा तार', 'दुः खीर इमान', मन्मथ रायनि 'धर्मघट', दिगिन बन्दपाध्यायनि 'तरंग', उतपल दत्तनि 'लंगार', 'घुम नेइ', 'फेरारी फौज', 'कल्लल' सलिन सेननि 'नातुन इहुदी' बाइदि फावथाइयाव समाजनि बाइदि थाखोनि गावजोंगाव द्वन्द्व, सोमाव सारनाय आरो गोग्लैसोनायनि सावगारि बेरखांदों।

4. महरथियारि (Symbolic)

फावथाइ: महरथियारि सोमावसारनायनि आवथानि खन्थाइगिरिफोरा बिसोरनि जुनिया बेसेन सुथि आरो रीति खान्थिखौ फावथाइनि बेलायाव बाहायनानै महरथियारि फावथाइनि जोनोम होयो। फावथाइनि थाखाय गोबां सौग्रावनाय आरो खरथिया एंगार थावयै बादि नाथाय महरथियारि फावथाइनि लिरगिरिफोरा बे सोलिफु खान्थिखौ गनाया जासे मोनसे सानबोलावरि मुलुग सोरजियो।

आखुफ्राबो नर्ब्यक्तिक आखुथियाव रोखओम रोखोम आरो गोबां गाबनां ओंथि दिखाडो। इयेटचनि फावथाइयाव सल' आरो आखुनि बे रुप गैयैया गोबांखौ आमाय होदों। बे फारसेनिफ्राय जार्मानीनि हाउपट मान आरो रबीन्द्रनाथनि महरथियारि फावथाइया सल'नि दिसाखौ हेव खालामनाय जायाखै। सल'नि गेजेरजों मोनसे इन्द्रिय बादगा मुलुगनि फोरमायथिनाय होनो थानानै बे रोखोमनि खन्थाइ गुना एंगार थावयै जासे फैखायो। जार्मानीनि हाउपट मान आरो आइरिश फावथाइगिरिफोरा सानफ्रोमबोनि मोखथआंनि बाहाय जानाय रायथाखौ एंगारनानै खन्थाइ-खबाम आरो खन्थाइइन बिदैखौ लाबोदोंमोन। रबीन्द्रनाथा नाथाय थिक सिगां समनि फावथाइ लिरनाय फोर्बोनि खन्थाइ-फावथाइखौ एंगारनानै रायथाइयानो लानानै फैनायसै महरथियारि देंखो आरो बे रायथाइया महाकबिनि रायथाइ होननानै रुजुजायै हामजानाय आरो खबमारि। जुनिया रोखओमै 'डाक्टर' आरो 'फानसुनी' यानो रुजुथावयै रायथाइनि आदर्शवारि नोजोर होजाथाव। मेटारलिकनि फावथाइयाबो नआथाय रबीन्द्रनाथनि बादिनो रायथाइजों लिरनाय। थांखिखौ होसोनानै बर्नायनाय जाथाइ आरो आखुनि गेजेरजों गोथौ मबेबा तत्वनि फोरमायथिनाय मोननै बाहागोयै होनो हागौ। महरथियारि एबा महरथिनि हेफाजाबै आरो रुपक ()नि हेफाजाबै। नुसन मोनै मबेबा माव सानस्त्रिखौ रुपनि गेजेराव हमनो नाजायो महरथियारि लिरथाइयाव। आरो रोखा मबेबा बुंफोरथि एबा रुपखौ समान नोयै गोरोबथि

लाखिनानै रुप सोलायनायनि नायनो नाजानाय थायो रुपकआव । गिबियाव सोलोयारि (आध्यात्मिक), इन्द्रिय बाहयाेबा पोरमाय जायै मबेबा दाहाखौ इंगित होनो नाजायो । नैथिया बोसोनथियारि मबेबा सानस्त्रि एबा थांखिनि मेगेरनां महर लाखोमानाय । रबीन्द्रनाथि ' अचलायतन', 'मुक्तधारा', 'रक्त करबी', 'रथेर रथि' फावथाइयाव समान दिगै गोरोबथिनां मोनफा मोनफा ओंथि हयथ' दिहुन जायो । नाथाय थेवब्लाबो बेफोर फुरायै रुपक मिछनाय नडा । जाहोना फावथाइफ्राव गोबां महरथियारि बेसाद एबा महरथि बाहायनाय जादों आरो नुसन मोनै रुप गैयै बिखोमानि इंगित बेफोर फावथाइफोराव मोननाय जायो । पन्चकनि जिउनि गिदिंखन खबामाव, अभिजितनि बोगदात रावनायाव, धनन्त्य बैरागी एबा दादा ठाकुरनि जिउनि बाज्जलखांनायाव नन्दिनीनि गोमोथाव मोब्लितनां इसारायाव आरो रन्जननि बुजिहायै इंगितावनोथ' सोरजिनि जै खालाम जायै बिखोमाया महरथियारि जादों । राजा लाइजाम, मावख' मेसेंनि फोर्बो, फालगुनिया रुप गैयैनि गोजाननि हांखाइनायनिबो इंगित होदों आरो बे महरथियारि इसारनि सल' रुपै मोनसे द्वन्द्व प्राय जेरावबो दं । बे द्वन्द्ववा जादों जिउ धोरोमजों मुवा गोहोनि द्वन्द्व । सपन, पन्चक अभिजित, नन्दिनी मोनहा जिउ धोरोमनि इंगित होदों । बे जिउ धोरोमा फसं जादों मिथिंगानि उदार मुक्तिनि बिथानिफ्राय । बे सामाइनाथिनि बिजिरनाया, खन्थाइगिरिनि हामब्लायनाया इंगिता मोनसे सोमोथाव मुहनाय आबरुनाव, फोरमायथि जोदों । रायनायनि राव-सावगारि, देंखोमु आरो

बुंनाय फावा बे मुहनाय आबरुननि मोनफादेरनाय मुहनाय । इउरपीय महरथियारि फावथाइयाव अबागनारनि देंखोमुवारि फावथाइनि जुनिया गोहोम दंमोन । मानोना देंखोमुवा फुथिमारै बुंन हायै एबा इन्द्रिय बादगा धियान सानदांथिखौ फोरमायनो हायो । महरथियारिया बेखायनो फावथाइयाव देंखोमुखौ बे इंगित गोसार होनाय बाहायाव बाहायदों । रबीन्द्रनाथनि फावथाइयावथ' बे देंखोमुवा मोनसे जुनिया फाव लादों ।

बास्तववादी फावथाइनि थिक रोखोम मोखथां उसंनायनि बिखान्थियाव महरथियारि फावथाइनि नुजाथिनाय फैदोंमोन । जिगु जौथाइनि जोबथा जिथाइयाव । नाथाय साइना (ष्टेज) आरो फावथाइनि खारथिनां आखुजों बे भाव अरनानां रुजु जखायै लेहेम फावथाइ लिरनाय आरो फावथिनाय थाल लाखिनानै सोलिनो हायाखै । बे महरथियारिथिनि हाबफैनाया मुवावादी फावथाइनि फोसावनाय-फोरमायथिनायाव गोबां गोहोम खोख्लैदों आरो गोदान साइना (ष्टेज)नि सोलायनाय बेलायाव महरथि एबा महरथियारि मुवावादी फावथाइयाबो इसारा इंगितनि बिलिरनाय होनानै बास्तववादिनि बिदैयाव गोथौ मोनसे मान दाजाबफानो हादों ।

5. फोरमायथियारिवादी (अभिव्यक्तिवादी)

फावथाइ: बास्तववादी फावथाइनि हेंथा होनयावा जेरै र'मान्टिक आरो महरथियारि फावथाइनि उजि फैदों, बेबादिनो गिबि मुलुग दावहानि एसे सिगांनिफ्राय नैजि जौथाइनि गेजेर जारिमिनहालागै (1920 निफ्रया 1924) बे

फोरमायथियारिबादी फावथाइया नुजाथिदोंमोन जार्मानियाव । इनप्रेछनिचटिक लिरथाइ जेरै बेसाद मुलुगनि गोसोयारि फिन जाथाइनि रुप एक्छप्रेछनिष्ट लिरथाइफ्रा बेबादिनो मुवा मुलुगनि सायाव महरगिरिनि गोसोआरि साननाय-हनाय, भाबनि नोजोरथियारि रुप । गिबि मुलुग दावहानि बिजाउनावदि जोबस्त्रांनाय गिखुंथाव जिउवाव साया खोख्लैदोंमोन, जोन्थोरारि गोसारनाया मानसिनिदि गोदान सौग्रावनाय, मेंग्लिनाय, बोरबनाय सोमजि होदोंमो, बेव राजखान्थियारि आरो रांखान्थियारि जिउनि बिथुना एखेबारे थिरांथा गैयै जाबोदोंमोन । मोखथां जिउवा जेबो अस्थिर आरो बेसेन गैयै जाबोय होमब्ला बेनि थिक रोखओम उनसंनायाबो गोजोनग्लाय जायाखै मोन । बेखायनो फोरमायथियारि वादीम बे सोलायलु बेसाद नायै बेसादनि सायाव गावनि सोलेरारि सानदांथिखौ नोजोर लानानै बेसाद मुलुगनि मानाखौ बाराय होलांनासै । मेगनजों नुनाय मुवाखौनो गाव सानदांथिनायजों गेवसार महरै नायनाया पोरमायथियारिबादीफोरनि लैखोन जानानै फैनायसै । सानबोलावरिनि मुक्ति, सानदांथिनायनि हामब्लायनाय, बांद्राय शिल्प रुप होनाया फोरमायथियारि फावथाइनि आखुथाइ । गोलाव अंकनि सोलाय सुंथाब नुथाइ, एसेल' सोदोबजों रायनाय आरो सानस्रि फोरमायनाय, महरथियारि आखु, गोबां अनजिमानि आखु- बेफोर गोदान फावथाइ रेतियाव मोनसे जुथाइयारि गोहोनि थिसनथाइ होनायसै । सानसुमा सुबुंनि जुथाइ गोहोनि भाव-देंखो आरो बांद्राइ

दिन्थिफुंनाय फावथाइखौ एसे बाइजो मोखाडरि खालामनायसै । जोन्थोर मुगाया साव एबा बोर - जेखियानो जाया, बेखौ जुगनि गोहो हिसाबैनो फोरमायथियारिबादीफ्रा आजवनायसै । बे मतबादनि सिगांग्रोनाय ष्टिन्ड बार्गा गावनि 'ए ड्रिमप्ले' (A Dream Play) फावथाइयाव थावनि आरो समनि सिमा हांखोखौ एंगारनानै जोबरोडै सम बिथुननि गेजेराव गोबां सानस्रि आरो मोनदांथिनि सिमां गोनां रुपखौ दिन्थियासै । नाथाय बे सिमां सुथिनि गेजेराव हामासा आरो रागा बेरखांदोंब्लाबो गेदेमाथिनि मबेवबा रोखा नडै मोनसे सुथियाबो थआंना थानायसै । ष्टिन्ड बार्गनि उनसंनानै जर्ज बाइजार ('ग्यान' आरो 'फ्रम मर्न टिन नाइट' फावथाइ गांनैया मख'जाथाव) आरो आनचट टमास (मान एन्द दि माचेच') बे रोखओम फावथाइ लिरनायाव गावसोरनि रेंसारथिखौ दिन्थिदोंमोन जार्मानिनि बाइयरावनो चेक'ग्लाभाकियानि क्यारेन च्यापेक (Wolfgang Borchert) आमेराकानि हाबार्ड लचन, इउजीन अचीन (अचीननि दि एम्पायार जनल' आरो 'दि हेयारि एप फावथाइ गांनैया मख'जाथाव) एनमार राइच, कफमान कनेलि बाइदि पोरमायथियारि बादीनि फावथाइफ्रा हान्थि दिन्थिदों । नैथि मुलुग दावहानि उनावबो बे रोखोमनि फावथाइ लिरनायनि रेस हमथानानै गालांदोंमोन जार्मान फावथाइगिरि उलफगां बरचार्ट (The quitzider) आ गावनि 'ड्रमेन फर दार त्युर (0 फावथाइयाव ।

6. खन्थाइमायारि एबा एपिक थियेटार: बे मुंखौ एरैबादि मोनसे जुनिया

रोखओमनि फोरमायथियारिबादी फावथाइनि सोमोन्दै बाहायनाय जायो। बि फावथाइयाव खोनासंग्रा एबा नायग्रानि मोनसे जुनिया रोखोमनि सोमोथाइ होनायनि थांखि आरो गुसेब ओंइथयाव बे एपिक थियेटारबो मुंदांखा फावथाइगि बार्टल्ट ब्रेस्ट (Bertelt Brecht) नि फावथाइ आदब आरो फावथाइ खाथिखौनो बुजायो। ब्रेस्टआ साननायमोन, गोदान मुगायाव बोसोनथियारि जेंना आरो माहारियारि मोखथांखौ थारगुबैयै फावथाइ महर होनो थांब्ला एरिष्टलनि थांखिनाय नेमखान्थिनिफ्राय आनज्राय बोनांगोन। बेखायनो सोलिफु फावथाइ रुपनि सयं बेंखनथाइनि गेजेराव फावथाइयारि संनाय जाथाइयारि गोग्लैसोनाय, हरखाब माबेबा रोखोमारि एवखांनाय आरो गेदेर मबेबा नुथाइ लिरनायनि आदबफोरखौ एंगारनानै फेंनांगोन। बे सम्पदफोरा नायग्राफोरनि सानस्त्रि आरो बिसाराव हेंथा सोमजि होयो। बेनिखायनो साइनायाव जि नुथाइनि फावथिनाय जागोन बेनि फावथाइ हाबा आरो आबेगनिफ्राय नायग्राफोरखौ आलादा खालामनो थाखाय ब्रेखटनि फावथाइयाव सल' बेंखननि नुथाइनिफ्राय नुथाइ सोजायनो थआंनायनि गेजेराव अननि फावथाइ हाबानि जाथावनाखौ फिसा खालामनानै गुबै रावबादि होननानै होनाय जादों, जि फावथाइ हाबा घटिदों बेनि बेरेखा माखासे बिबुंथि एबा बे फावथाइ हाबनि सायावनो गरन्थ' होनाय जादों। बांद्रायै नायग्राफोरखौ थांखियै एसे बुंनाय जादों, एबा नुथाइखौ फोजोबल्लानो नायग्राफोरनि सिगाडवनो आइनानि नुथाइ साजायनाय सोलायनायनि हाबा

मावदों- बे गासिबोनि थांखिया नायग्राफोरखौ बुजायनायदि, फावथाइया फावथिनाय, उदाडै नायनानै गावनि बिजिरलु गोसोखौ सांग्रां लाखिनानैनो बियो फावथिनाय नायनाया गाहाम। बिजिरलु गोसोखौ सांग्रां लाखिनानैनो बियो फावथिनाय नायनाना गाहाम। बिजिरलु गोसोखौ सांग्रां लाखिनानैनो बियो फावथिनाय नागरनाया गाहाम। ब्रेखटा बुजायनो नाजादोंदि एपिक थियेटारनि हामब्लायनाया नायग्राफोरनि ओन्थारै फारसे नडा, सोलो फारसेसो। नायग्राफार फावथाइनि जोहोलावजों गोरोबनानै नाजा नाडा, फावगिरिफ्राबो नायग्राफोरजों लोगोसे गोरोब लांफानो नाबा नाडा- जिया ष्टानिस्लभस गायसननाय रीतियाव जाबाय थायो। बरं, जेसेबां जाथाव गोजानाव लानानै उदाडै बिजिरसुना जानो नाजा नांगौ। पंष्टार, स्लाइड प्रतेकछन, खारफु सावगारि बाइदिनि हेफाजाबै सिनायथि नुथाइखौ एसे खन्थाइमायारि रीति बाहायनानै उदभच रोखोमै रोखोमारि खालामनानै साइनानि मुहिनायखौ नष्ट खालामना नांगौ। फावथाइ हाबाया आवगाय लांगोन जाथाइनिफ्राय जाथाइ जानानै एबा गोसोखौ एसे नारखांनानै। नायग्राफ्रा सल'निफ्राय मोखथां जेंनानि उदां बिजिरनायनि जुक्ति दानानै लानांगोन, सावरायनाय बोसोनथियारि जेंनाखौ बुजिनो नाजा नांगोन, सोलोजों गरन्थवाव सौहैनो नागिरगोन।

बे आखुथाइफोरखौ एपिक थियेटाराव ब्रेखटा बाहायनो नागिरदोंब्लाबो ब्रेखटनि रीतियारि सोलायनायनि जागायनायखौ नुनो मोनदोंमोन गेयर्ग व्युकनारनि थेरे थेरे जाथाइ अरनानां थांखि

गोनां फावथाइफ्राव। प्लान्क अपेडेकाइल्डाबो गावनि एफा एफा जेंनानां फावथाइफ्राव। बे रोखोमनि रेजें सानबोलावरि आरो अदभुत बिदैन मिछिनाय खालामदोंमोन। गेयर्ग कइजारनि (Gas-I) (1918) आरो (Gas-II) (1920)–गांनै दावहा बेरेखा फावथाइयाव एसे बादगा मोखथां फेक्टरी नुथाइ आरो दिहुनथाइ फारिलाइ रोखोमनि बिथा नुनो मोननाय जादोंमोन। आरउइन पिसकाट'नि (मोनसे समाव ब्रेख्टनि हेफाजाबगिरि) बे रोखोमनि आरिमु आदबारि गोदानथि बेबादि फोरमायथियारि बादी फावथाइ खान्थिनि लोगोआव मोखथां समाजारि जेंनानि मिछिनाय होनो नागिरदोंमोन।

ब्रेख्टनि बे खान्थिया स्त्रि- जिथाइनि जोबनाय फारसे निफ्राय बांला फावथाइ लिरनाय आरो 'रंग-मन्व' (साइना)खौ जुनिया रोखोमै गोहोम खोख्लैदों। आनन दत्तनि 'एपिक थियेटर' लाइमि आरो एजितेश बन्द'पाध्यायनि ब्रेख्टआरि फावथाइ खान्थिइन बाहायनाय नाजानाया बे बिथिनिफ्राय जुनिया रोखोमनि गोसो खांजाथाव। ब्रेख्टनि थ्रिपेनि अपेरा उनसंनाया 'तिन पयसार पाजा' फावथाइयाव अजितेश बन्द'पाध्याया रुजुजायै हाथिजों लोगोसे ब्रेख्टआरि खान्थि बाहायनानै फोरमान होदोंमोन दि बेसेबांखिनि जाफुंसारनायजों मोनसे गोदान खान्थिखौ साइनायाव बाहायनाया जायो। सरासनस्त्रायै फावथाइ लिरनाय आरो फावथिना बेलायाव ब्रेख्टआरि सानस्त्रि आरो खान्थिया दाइन भावथाइयाव खेब सुबुं अनसाय जानायमोन। दे बे अनसाइ जानाया एसे

सेमनो हमबाय। ब्रेख्टनि फावथाइनि बे एपिक खान्थिनि जिया बांसिन बितर्कनां आयदा बेयो जादों- ब्रेख्ट जेब्लाबो माक्सआरि समाज दर्शनजों एपिक थियेटरख फोनांजाबनो नागिरदों। ब्रेख्टनि जाफुंसारनाया बयनिखुइ बांसिन सोनाबावनो गेवसारदों आरो बिनि फावथाइफ्रादि फेलें जादों बेयो दिदोम राजखान्थियारि फोसावबादी फावथाइ होननानै फेलें जादों।

7. एबछार्ड फावथाइ: बे शताब्दीनि द' आरो स्नि जिथाइनि गेजेराव माखआसे इजर'पीय आरो आमेरिकान फावथाइगिरिफोरा थिक सांग्राडै मबेबा सोमावसारनाय मेनिफेचट' फोसावाखैब्लाबो सरासनस्त्रायै 'सोलेरारि दंग्लोबनाय' फोरमायनानै जिउनि गोनांथि गैयै आरो गैयैनि सायाव जर होनानै माखआसे फावथाइ लिरदोंमोन। एबबार्डबादी फावथाइगिरिया जिउखौ बिथाथि आबुं हिसाबेनो नायो। नाथाय जों पल छान्ते आरो आलबेयार कामुबादि (आलबेयार कामुवा गावनि 'दि मिथ अफ सिसिफास' मुंनि रायथाइयाव (1942) सुबुं जिउनि बे गोनांथि गैयैनि बेखेवनाय बेलायाव 'एबकार्ड' सोदोबखौ जुनिया ओंथियाव बाहायदोंमोन।) एबछार्ड फावथाइगिरिया जुक्तिनि जोहै सुबुडारि हालोदनि खोथा साना, बरं जुक्ति खान्थिखौ एंगारनानैनो बे थांखि गैयै सुबुं जिउखौ फोरमायनो सानो। आयदा बेसादनि गेजेरावनो फावथाइगिरिनि पिथाथि-सुथिया फोरमान जायो आरो आयदा बेसादनि सायाव फावथाइगिरिनि ओन्थोर मुलुगनि फसंनाया फावथाइनि गेजेराव सोर्जिनाय। 'मोखथां

बेरेखा' रुप दानानै होयो। बे मोखथां बेरेखा रुपथीलियानो एबछर्ड फावथाइखौ अस्तित्व बादी फावथाइनिफ्राय आलादा खालामनानै होदों।

एबछर्ड फावथाइनि फुंखाखौ नागिरनो हयथ' इउरिपिदिस एबा एरिक्त फेनिसनि फावथाइनि खाथियाव साफिनांगौ जायो। नाथाय 'थियेटार अब दि एबछर्ड'नि सोरजिया बे समरा समरि जिउ-सानन्थिनफ्रायनो फैदों। जिगु जौथाइनि जोबनाय फारसे फराची फावथाइगिरि आलफ्रेड जारि खौनो एबछर्ड फावथाइनि जोनोमगिरि बुंनाय जायो।

बबेखानि जि जौथाइनि गिबि बाहागोआव जार्मन फावथाइगिरि गेयर्ग बुकलारा गावनि फावथाइयाव एबछर्ड महरनि एफा एनै सिन लाखि लांदों। गोजाम अनुकृतिमुलक मुखा फावथिनाय, क'म्मदिया देल' आर्त, 'भबिश्वत बाद', सुररियेनिजम, सार्काच धोरोमारि एबा मेला धोरोमारि शिल्प, मिउजिक हन रोखोमनि शिल्प आरो सावथुन बाइदि रोखओम रोखओम शिल्प-धोरोमारि थियेटारआव दि एबछर्डनि जोनोम होदों। चेकफ, पिरानदेल्ल', ब्रेख्ट, आर्म'द बाइदि, फावथाइगिरिफोरनि सोलिफु साइना (रंग-मन्च) बेरेखा सानस्त्रिया एबछर्ड फावथाइनि लामाखौ खेंना गालांदों। बेनि अनगायैबो नैथि मुलुग दावहानि गिखुंथाव सिथारग्लुंनो आरो ओंथि गोयै फोजोबस्त्रालु साननायजों दावहानि उननि फावथाइगिरिफोरखौ आथिखाल बे बायफ्लेनाय मुलुगाव मानसिनि हाबा मावनो नाजानायनि गोदान सुमोन्थाइयाव नोजोर होदों।

एबछर्ड फावथाइनि आयदाया सोलिफु फावथाइ सल'नि गोसो बिरोंमा बेखेवनाय खान्थि आरो बोसोनथियारि आरो समाजारि जेंनानि आवथानि बाइजोनि मोनसे आधिबिद्यानि मुलुग (Metaphysical world) मबेबा तत्व एबा आदर्श एबा पितर्कनि गेजेराव एबछर्ड लिरगिरिफोरा थांनो साना। जाथाइ दोरोडाव बुंथि जानाय सल'नि सोलाय मोनसे जुनिया हालोदनि फावथाइस्वनि फारसे बिसोरनि नोजोर। सोलिफु ओंथिइन मबेबा सल' बुंथिनायाबो एबछर्ड फावथाइगिरिनि थांखि नड। मोनथि जानाय स्त्रिं-स्त्राइयै सोलिनाय बे मुलुगाव मानसिनि गुदु-गादा आरो गुदु-गादाया बारायनायखौ जा हायो मानिनां दोरोंजों हमनो नाजानायानो एबछर्डबादीनि थांखि। बेखायनो बे फावथाइया मख'जानाय मबे 'प्लट' एबा आखु गैया जायनि जोहै दुहुखौ फुथिसार होनो हायो। आरो बेनिखायनो सोलिफु ओंथियाव 'फावथाइयारिथि'याबो गैया। बेखायनो गोथों नोजोरजों जि ब्यस्तवा आखुवाव थायो, बे ब्यस्तवा मबेबा फावथाइयारि खरथि सोमजि होआ। रायनायाव जि रावखौ बाहायनाय जायो बेबो फावथाइयारि खरथिनि बेरेखा, ओंथि गैयै गाव बिबुंसार (coliloquy) माखासे मानि बाहायलु सोदोबा, गोथां सोलिफु ओंथि गैयै सोदोब। एरैबादिबाव खुदियानि बुजिहायै रावखौबो बाहायना जायो खालि बेखौनो बुजिनो थाखायदि जि आखुफ्रा साइना (रंग-मन्च)याव बेरायग्लांदों बिसोरनि थांखि आरो फावथाइयारि खरथि खान्थिइन थारैनो जेबो गोनांथि गैया-बिसोरनि

गावजों गाव फोनांजाबनायनि जाफुंसारनाया मा, बेबथिं रोखा नड। बेखायनो आखुफोरजों नायग्रा एबा फरायग्राफोरनि गेजेराव गोरोब लांनायनि सोंथि सिखारा। 'फावथाइयारि' मुंनि आन्दोआव गासै खारबारानो फेस्ला बिदै सोमजि होयो, जुदिअ खन्थाइनि आयदा- बेसादा खोब गोमसोर होनानै सानजायो।

गोबां एबछार्ड फावथाइनि सल' एबा आबहावाया फिन रायखांफिनजानाय, जिनिफ्राइ जाथाइया जागाय जेनो बेवहायनो जाथाइया फैनानै थुंगि फैयो। आरबाव गोबां समाव बबेखानि गुदि आबहावायानो फारियै गुदु जानो जागायो। फिन जाफिननाय जाया। नायग्राफ्रा बे फावथाइखौ नायनानै जेबो सानफुंनाय मोना, बरं जेंनानिफ्राय माखासे सोंथि गोसोआव गोर लाना थायो। आरो फावथाइयारि जि मानखौ फावथाइगिरिया बेरखआं होनो नाजायो बे मानखौ लासै लासै रोखा जागौमानि मोनथिनो लुबैनायखौल' खालि सोमजिखां होयो। जिउ सोमोन्दै जेसेबां गोहैलो, फेस्ला एबा सिबियै फुथिसार जानो, एबछार्ड फावथाइया गुबैयै नाथाय गोदोनि जुगनि ग्रीक ट्रेजेडि एबा गेजेर जुगनि मिष्टेरिप्ले फारसेनो मोखां जानांदों, जेराव मानसिया सहाय मोनाजासे मायानि (नियति)नि सिं जानानै थादों। बबेखानि मुलुगनां मबेबा सोरजि तत्वखौ एबछार्डबादीफोरा फोथाया, बरं गावखौनो एरैबादि मोनसे मिरु बिन्दोआव लाखिनानै जिउखौ नायो जेराव हरखाब थैनाया इसोरनि थाखाय एसेबो आखेब खालामनांगौ गैया। बुंथि जानाय सैथोनि मुसेबो सिं-स्नाइ रुपा बे फावथाइयाव थाया, बरं

जोबथा मोखथां सोमोन्दै फावथाइगिरिनि व्यक्ति सिहाबै सानदांथिया फोरमान जायो। ब्रै जिथाइनि उनफारसे इउजिनि आय 'नेसक'नि 'दि वलफ छ'प्लान' फावथाइनि गिबि एबछार्डबादिनि आबुं महरा मेगनाव गोगलैयो। बेनि उनाव बेमुवेल बेकेटनि 'सयेटिं फर गड' फावथाइनि एबछार्ड महरा फावथाइ मोजां मोनग्राफोरखौ मुहियो। प्राय समरा-समरि जाँ जेने, फानन्दि' आराबान, आथारि आदामम, एप'सार्ड'एलबि, जेक गेलबार, आथारि कपिट, केनेथ कख, जेक रिचार्दचन, आर्नालड उइनष्टाइन, एन एफ छिमछ, हेरल्ड पिन्टार बाइदिनि फावथाइफ्राव बे एबछार्डबादी नोजोरा रोखा जायो। बिसोरनि गोबाडनो उनाव एबछार्डबादी नोजोरखौ एंगारो। आय 'नेसक'ए1नि सानस्त्रिया लासैयै ब्यक्तिगत आरो रुपारि जालाडे। आदाममआबो गावनि सानस्त्रिखौ ब्रेखूटारि एपिक थियेटार फारसे लांदों। बांला फावथाइयाव बादल सरकारनि 'एबं इन्द्रजित' (1965) आरो बाकि इनिहाय' (1967) फावथाइफ्राव आय 'नेक कपिट आरो एलुबिनि रिंखांनाय खोनानो मोनो। रिंखांनाय थाब्लाबो बे हादरनि बायफलेनाय सोमाव बेवस्था आरो जोबोर सिं-स्त्र जाथाव साननाया, जुदिअ नोजोर फारसेनिफ्राय बेनि जाफुंसारनाय सोमोन्दै सोंथि सिखारनो हागौ। स'नेन्द्र चन्द्र नन्दी आरो म'हित चट्टपाध्यायनि फावथाइयाव बे एबछार्ड महरखौ जुनिया रोखोमै लैखो खालाम जायो। जानो हागौ स'नेन्द्र चन्द्र नन्दीनि 'छरप'का' (1961) फावथाइयानो गिबि एबछार्ड सानस्त्रिखौ रोखायै मेगनाव खोख्लैदों।

बराद

-ड० बिजितगिरि बसुमतारी

होमब्ला मोनानि 1:30 रिगासो बाजिबायमोन जानांगौ । 31 नं राजा लामायाव आप एन्ड दाउन गारी खारनायफ्रा होंगो-दोंगोनिफ्राय रासिन जादों । बजाय रोगाग्रा हेभि ट्रकफोरा गावबा गाव लामा लानानै गाब गांनाय सोदोबजों खारलांदों आरो खारलांदोंल' ।

कार्बि आंलंनिफ्राय ट्रेन्सफार जाबोगोदान कसुगाव फरेस्ट रेन्ज अफिसनि रेनजार अनिल सरगियारि बिथाड दानथामसोल' जादों बेवहायनो बिथांखौ मोनथियै आरो सिनायै मानसियानो गैबांला । जेनो बिथांजों आवगायनिफ्रायनो सिनायलायखानायसो । बिथांखौ कसुगाव रेन्स अफिसआव फैजेन्नायनिफ्रायनो बयबो सिनायगौ बिथाड नुनायाव साधा-सिधा नाथाय गोसो गोर्बो सिडव थाखोमानाय हमदां हायै गोसोया गिथावना । बुंनो थाडोब्ला बिथाड सासे करापसन गोनां अफिसार । आसामनि गोबां फरेस्ट रेन्ज अफिसआव बिथाड जेराव थाबोदों बेवहायनो लखेल दादागिरि आरो बसफोरजों आलासि जाबोदों । जेरावबो बिथांखौ पारटि जानाय फर्बफोराव लेंहरालासै थायाखै । बेखाइनो बुंनो थाडोब्ला पारटि जानाया रेनजार सरगियारि बिथांनि हबिसो । हाग्रानि धोन-दौलट आरो समाइना सोरजिआव बिथांनि गोसोया मानोबा बैरेखा । बुंनो थाडोब्ला हाग्रा बिमायानो बिथां आरो बिथांनि फेमेलिखौ खांबोगासिनो दं । होनब्ला बिथाड मानो दिनै हाग्रा बिमाखौ रैखा खालामनायाव फेलें जानांदों । रेनजार सरगियारि बिथाड गोथौयै सान्नायनि समखौनो मोनफेरा । सानफुबाय थानाय समफोरावनो जेरावखि थायाथोंमानो लखेल दादागिरिफोरनि सेराव गोरोबना थानांगौ जायो । बेसेन गोनां दंफां सिखाव, मैखारि सिखाव फलानफोरनि लब-लालस दिन्थिनायखौ रेनजार बिथाड खेबसेबो नेवसिफेरनो हाबोयाखै । बिथाड जेरावखि थायाथों हाग्रा-बिमानि फिसाफ्रा आलाइ-सिलाय जाबोदों । बिथांखौ सासे करापटेट फरेस्ट अफिसार बुंब्लाबो बुंद्रायनाय जानाय नड । बिथाड जेब्ला अरां हाग्रामायाव दंमोन लुंगि गानग्रा मैखारि फलानफोरजों लोब्बा लाखिदों बै समाव मैखारि फलानफ्रा

गाबिन जानाय बुन्दि मैखौ अना-खाना बिथाडनो गावथार होदों। जीउ-थांजासिम सिबाइया फलान फोरनि मोखाडव मिज्लौ-मिज्लौ नायनानै साव होलांदों। बै सावआ रेनजार बिथां सरगियारिनावनो नांदों जानांगौ। जायनि थाखाय बिथाड ट्रेनस्पर खालामहरजादों।

बै दिनखालि कसुगाव रेन्ज अफिसनि लखेल दादागिरिफोरनि पारटि इनभाइटेसनआव हर गेजेर नांजासिम रेनजार बिथाड हुइसकिनि पेक बोहाबनायावनो नांथाबनानै दंमोन। हर गेजेर नांजासिम बिथाड बिसि-फिसाखौ बावगारनानै पारटिआव गोदोहाबना दंमोन। बुंनो थाडोब्ला खुदिया सासेनि बिमा अनिलाया फिसायखौ पारटि जानाय आरो अफिसनि बायदि खामानियाव नांथाबनानै थानांगौ जायो हिसाबै मबाइल फनआव दिगदार होबोफेराखै। न'खर संसाराव हाबनाय बिसिफ्रा फिसायखौ बेबादि खुलायै हगारद्रायनाय आरो हेंथा होयालासै रां-रुपा खामाइनायावल' गोसो होथाबग्रा मोजां-गाज्रिखौ बिजिर रोडै आखलनि मानसिफ्रा आथिखाल मुगायाव थांना थानांगौवा गोब्राब। बिसि अनिलाया फिसायनि आखल-आखुखौ मोनथिगौ हाबा जाजेन्नायनिफ्राय गोबां जायगायाव थावखि गिदिंनय बादिनो फिसायजों गुबुन गुबुन फरेस्ट रेन्स अफिसआव फैफानांदों। फिसायनि गोसो आखलखौ एसे सोदांनो नाजायो मोनब्ला जानो गोनां खैफोद निफ्राय रेहाय मोन्नो हागौमोन बादि नुहुरो नाथाय फिसायनि रां खामाइनायावसो गावखौबो खुदिया सासेनि बिमा जालाइनाबो दब गैयैबादि नुदों। रेनजार

बिथाड बैदिनाव अभारलद जानानै बाज्रेद बाथेद खुनुरोखोम गावनि स्करपिअ' गारियाव गाखोना एकसेलेटरखौ गादोयो आरो गादोयोल' लोगो लोगो जौसे डिग्रि स्पिदाव गारिया थद'या जासे रेन्स अफिसनि लांगोना मोखाडव सौफैयो। दसे उनाव मानिबा गोगोम सोदोब खोनानो मोन्दों। कसुगाव रेन्स, अफिसनि बांलुआ 31नं राजा लामानि साखाथिआव जानायलाय आगसिथिं थारनिं लानाय समावनो फुल सिपिदआव फैनाय हेबिट्राक गारिजों मोगा-मोगि जायो। जाब्रथाइ खालामखांनायनि उनाव ट्राक गारिया हर गेजेरखाय खारखुमा लांनो खाबु मोन्नायसै। गुम सोदोबखौ रेनजार बिसि अनिलायाबो खोनांदोंमोन जानांगौ। बे समाव अनिलाया से खावसे बोसोरनि उन्दै खुदियाखौ बुरखायना फुथुनायनि मुखुब। से धन्टासोनि उनाव फिसायखौ मानो गोबाव जाखो होन्नानै नायहरोब्ला फिसायनि गारिखौ नुहुरो लोगो-लोगोनो खारलांबाय फिसायखौ गोबाखरबनानै होज्रिखावो आरो खाथि-खालानि मानसिफोरखौ गाबै-गाबै लेंहरो नाथाय हरनि समखाय रावबो नुजाफैयाखै अब्ला फिसाय रेनजारनि जीउआ बारग'लांबायमोन जानांगौ। सिबाय रेनजार बिसि अनिलाया फिसायनि गोथै देहाखौ गोबाना हरसे थारला सम थांगार होनांदों।

खाथि खालानि राज्यो-राजाफोरा बुंसोलायनाय बादिब्ला बेयो रेनजार साहाब बिथांनि मोन्नो गोनां बरादखासोमोन बिथाड बे साजाखौ सिगांआवनो मोनबावनांगौसोमोन।

राफोदाइ

-अरन राजा

: माबा बुंनोमोन आइयै? -ओखाम जाखांनानै द'खरा फरायसा आफादनि मावख'सिम थांनो होननानै द्रेस गानफुबाय थानाय समाव बिमाया दरखं मोखाडाव गसंफैनायखौ नुहरनानै सोंदोंमोन अलंबारआ।

: ए, माबा आफा, नोम्फाया माथो देहाखौ बारा मोजां मोनाखैसो बुंदों। ओजों माहाजोना फ'न खालामगासिनो फिसाजोखौ लायथारनांगौमोननो होननानै। बेखायनो नोंखौसो दाखालैनि बादि दिनैबो गारिखौ सालायहैनो हागोन नामा होननानै सोंनो फैंदोंमोन आं।

: आंहादि दिनै आफादनि मिथिसो लादोंमोनलै आइयै। माहाजोननि सोर सासे फिसाजोखौ?

: हावलियाव फरायनाय फिसाजो गेदेरखौसो लायनांगौमोननो गाव थाग्रानिफ्राय।

: आयौ बेखौसो आरो, बेखौलाय आं बोरे लायनांगौ जाखो, लाजिलाय लाडोलां। आफायाबो दिनैसो मानो लोमजानो गोनां जाखोब्रा। जारलालै। गारिखौ सालायनो रॉनानै जारलासो जानायबादि मोनलायलांबाय आं। मालाय माहाजोननि फिसाफोर-खौ लाजिलाय लाडोलै आंहा। आरो बिदि आंजों खेबसे....!!-माबा बुंहां जानानै सिरि थाफिन्दों अलंबारआ।

: खेबसे मा? -सोंफिनदों बिमाया।

: जेबो नडा, थां आफानो खिन्थाहै आंनो लायनानै फैनोसै।- बुंनानै द्रेसखौ खुफिननानै गावनि आलादा लंफेन ग'स्ताखौ गानफिनदों बियो। बिनिक्राय

थुफि गोनां जेकेट गांसे गाननानै खुगायाव माक्स लानानै बिफानि साइकेलजों माहाजोननि न'सिम थांनो ओंखारदों।

पुस दाननि गेजेर नांनाय लोगोनो बोथोरा एसे बांसिन गुसु जादों। फारसेथिं सानथामसोआनो जाबाय स्रो स्रो बार बारनानै फ्रि फ्रि अखा हानाया। दिनैबो अखा हायाखैब्लाबो अखाडाव जोमै साग्लोबदों।

नोगोरनि रिंखांफुरि होननायाव अलंबार बिफा गारि सालायग्रा माहाजोननि न'आ। बोसोरबासोआनो जाबाय बे माहाजोन सासेनियावनो गारि सालायनाया। फार्सक्लास कन्ट्राक्टर महिम ब्रह्म होनब्ला ओनसोलनि रावबो सिनायै गैया बुंलाबो बारा बुंनाय जाया होननाय बादि। रिंखांफुरिनि गेजेर बाहागोआव गां गां थाखोथाम सोरगिदिं इन्जुराव टाइलसजों खोबथेजोबनाय ख्लाब ख्लाब जॉनाय बिल्डिं नुदोंब्ला बेनो महिम ब्रह्म कन्ट्राक्टर बाबुनि। फिसा न'खर महिमनि। बिसि आरो फिसाजो सानैल'। गेदेरा थांनाय बोसोराव हावली बि. एड्स. कलेजाव रांखान्थि बिगियान आयदायाव मेजर लानानै दिग्री फरायनो बरपेटा रोडआव पिजिआव थाहैबाय। उन्दैया दासो नोगोरनि गंसे इंराजी बिजों सोलोंसालियाव थाखो द'आव फरायगासिनो। फिसाजो उन्दैखौ दाबो बांसिनानो बिमायानो स्कुटिजों दोनलांलाय लायलाय खालामखायो। माल्नाबाल' अलंबार बिफाया दोनलांनाय जायो। गेदेर फिसाजो रिम्बाखौ हले पिजिसिम दोनलांनाय आरो लायनायखौ अलंबार

बिफाखौनो खालामहोयो माहाजोनआ। नाथाय दिनै हरनिफ्राय हरखाब गगार्जो लोमजानायासो जालायाव खोख्लैबाय अलंबार बिफाखौ। ओजो माहाजोननि खोथा दाननायाबो गोरलै नडा बिनि थाखै। आरो हरखाब गुबुन द्राइभार मोनब्रबनायाबो जाथाव नंखाया। बेखायनो दिनै गोसो गैयाब्लाबाबो फिसाज्लाखौनो थिननांबाय बिफाया। राहायामालाय बहा अलंबार बिफामोन बादिनि थाखायलाय। गुबुननियाव गावखौ होसोमनानै जिउ खानायनि लामा लानाय हावरिया जिउ। गोनां जायोब्ला गावसिनि जालाखौ फारसे ज्राब दोननानै जिउयै माहामै होसोमनो गोनां जानानै फैयो गावगावखौ। दिनैबो सिबाय फिसाज्ला अलंबारनि गोनांथार हाबाफारियानो नाथ्रोद जानो गोनां जाबाय। बिफाखौ दुखु मोनजानो गिनानै जेबो एंब्रायासै अलंबारआ। नडाब्लालाय दिनैनि मेलाव गावहाबो मैखोम बिबान दंमोन। आथिखालाव दिग्रिखौ गाहामै फोजोबखानायनि उनाव गावनि बांसिन बुब्लिखौनो दख'रा फरायसा आफादिनि नेहाथारि बिबानखौ लानानै नांथाबगासिनो दं अलंबारआ। गुरै माहि आखु अलंबारनि आथिखालसिमनि बुब्लि सफैहोनायनि गुदियावनो दं बिफा अनिरामनि जिउयै माहामै गावखौ होसोमनानै हाबा मावनाय। सेंग्रा समनिफ्रायनो मालायनि गारि सालायबोनानै फिसाज्ला अलंबार आरो बिसि आलारिखौ बोथिसेबो ओंग्रामनि आंखालखौ मोन्दां होबोफेराखै। गुबुनफोरबादि फिसाज्लानो सोलौंथाइ लाफुंहोनो नाजाबोदों। बिनि-खायनो अराय सम राफोद सासे जोहोलाव बिफाया अलंबारनि थाखाय। जेन' बिफायानो गावनि गोजोर थाखुलि अखांबादि। बिफानि फंफ्रामबो बाथा एवा बिथोनानो एंगारहायै अलंबारनि थाखाय। दिनै अलंबारा गावबो आखा-फाखा गारि सालायनायाव। बिबो बिफानिनो फोरोंनाय। गुबुन गोबां समावनो बिफा

हास्लाबैयाव गारि सालायनानै मदद खालामबोखादों अलंबारआ। बेखायनो दिनैबो ओंखारदों बियो बिफानि मावनां बिबानखौ मावस'नाय थांखियै महिम ब्रह्मनि फिसाजो रिम्बाखौ पिजिनिफ्राय लायनो। नाथाय मोनसे बाथायासो एसे खेंखुद मोनहोगासिनो थादों अलंबारखौ साइकेल सालायफुबाय थानायाव लामा लामा। जावले जावले जाखांफैबाय थादों अलंबारनि गोसोआव बै खेबसेखालि रिम्बाया गावनि गोदान स्कुतिजों कलेजाव थानायाव गुबुन सासे दुखुथिया सिग्ल्लासानि साइकेलाव फोनानानै खहा खालामनाय जाथाया। गावनि दायखौ गनायनानै लानो नागिराखैमोन रिम्बाया बै सानखालि। साइखेल बिगोमा हिनजावसानि जानानै बुंनायनि थाखायनो अलंबारजोंसो गुद्दा गुद्धि नांज्लायदोंमोन। मिथियामोन रिम्बाया अलंबारखौ गावसिनि गारि द्राइभारनि फिसाज्ला होननानै। अहं गोसोनि रिम्बाया ओरैनोबाबो रावजोंबो एवा जायखिजाया आफादजोंबो खाथि सोमोन्दो गैयैनि थाखाय अलंबारखौबो गाहामै सिनायनांगौ होननानै सानामोन माल्लाबाबो आरो दिनैसिमबो। बै सानखालिबो साइखेल बायखेबनायनि थाखाय गावनि मानि बेगनिफ्राय गांत्रैसो बाजौ रानि नटखौ बै हिन्जावसानि आखाइयाव गारजाबना होनानै ब्लदसो थांदोंमोन रावनावबो निमाहा बिनांगौ होननानै साना जासे।

: ए बाबु, दिनै माथो नोंसो फैबाय। हा नोम्फायालाय माथो जाखो?- साइकेलखौ न'नि उसुंथिजाय दोननानै अलंबारखौ जिस्त्रिजों गारि बुस्त्रिबाय थानायखौ नुनानै सोंदोंमोन माहाजोन बिसि आलारिया।

: माबा मेडाम, आफाया थानाय हराव लोमजानानै दाबो बारा मोजां मोनाखै होननानै आंखौसो थिनहरबाय।

: बिनिफ्राय नों जोंनि रानि रिम्बा थाग्राखौ नुखाबायमोन फा ?

: आफाया खिनथाहरखाबाय। बेथिंजाय खेबनैसो थांखांखाबायबो आं मेडाम, लोगो सासेनि बिनानाव थायोमोन बेथिंजायनो।

: दे दे होमब्लालाय। बिफायाबो गुवाहाटीयाव थांथारनांगौनो नडाब्लालाय गावनो लायनो हागौमोन। दे लायनानै फेदो होनब्लालाय बाबु। अ नडा होननाया, नैवे फ'न नाम्बारखौ ला न', बेसिम सहैब्ला कल खालामब्लानो जाबाय।

: जागोन दे मेडाम।- बुंनानै रिम्बा बिमानिफ्राय रिम्बानि फ'न नाम्बारखौ लादों आरो गारिखौ गेरेजनिफ्राय दिहुनबोनानै रिम्बानि पिजिसिम थांनो सालायदों अलंबारआ।

से घण्टासोआवनो सहैदोंमोन बियो रिम्बानि पिजिसिम। बिनिफ्राय पिजि मोखाडाव गारिखौ दोननानै रिम्बा बिमाया हरनाय नाम्बाराव कल खालामनायदों। सिनायजानो गिनानै जेकेट थुफि आरो खुगानि माक्सखौ बोखारनानै लायाखैमोन अलंबारआ। ओजों कल मोननानै सोरनि नाम्बार साननानै गोनो गोथो जादोंमोन रिम्बाया। उनाव बिमाया खिन्थाहरखानाय बाश्राखौ गोसोखांनानै रिसिभ खालामबाय बियो। नंगौ, गावसिनि द्राइभारनि फिसाज्जायानो गावखौ लांनो गेटआव दंफैयो होननानै बुंहरदों फ'नाव।। वेखायनो गावनि लानांगौ मुवाफोरखौ लानानै गेटसिम फैबाय रिम्बाया। नंगौ, गावसिनिनो गारि। नुनानै सिनायबाय।

: बिनिफ्राय आदाया सिगांफ्राव गारि सालाय-खायोमोन आरो?- गारिनि उननि सिटआव जिरायनानै सोंदोंमोन रिम्बाया अलंबारनियाव।

: औ सालायो। बिनिफ्राय नोंस्रानि मेडामा खिन्थाहरदों नामा आं लांनो फैनायखौ?

: औ, आइया बुहरदों आयं द्राइभारमोनहानि नों आदायासो लायनो थांगौ होननानै। माबोरैथो हर-

खाबै लोमजाखो आयंआलाय।- फैगासिनो थानाय लामा लामा रायज्जायबोगासिनो थादों बिसोर। गोनो गोथो जादों सिबाय अलंबारासो, मानोना जाय एसेबां अहंकारि रिम्बा, बे मानसियानो बोरै बिदि सासे द्राइभारनि फिसाजों एसेबां गोदै रावै रायज्जायखो साननानै। हे गसाइ, बोरैबा सिनायब्लादि मा जागोन! सिरि सिरि इसोरखौ आर'ज गाबबोबाय थादों अलंबारआ लामा थारैनो। गमामा मादि बियो हावरियानि जिउ। जेराव मोसा बेयावसो हर जानानै होमारो। से घण्टानि जायगायाव खावसे घण्टायावनो रिम्बा मोनहानि न' मोनहैथारथोंसै साननानै सालायबाय बियो गारिखौ बेसेबा गोबारै, गुजि जौसे किल'मिटार स्पीडआव खुगायाव लानाय माक्सखौ बोखारा जासे। जेन' गावखौ रिम्बाया सिनायनो खाबु मोना बै सानसे गावजों गुद्दा गुद्दि नांज्जायनाय मानसियादि गावसिनि द्राइभारनि फिसाज्जा अलंबारानोमोन होननानै।

हवाट ननसेन्स, बे ट्रेइनाबो दासो फैनो मोनबायना। जारलाया जानो लाब्ला जेथिंनिफ्रायबो जामारोसो नामा। सान्दों माब्ला रिम्बाखौ न'सिम दोनहैनानै सिनायजाया लासे गगोन। साल...ला....।- नोगोर गेजेरनि रेइलगेट सफैग्रो मोना बन्द जानायखौ नुनानै दिउ दिउ रागा जॉनानै गोसोजों बुंदों अलंबारआ गावनो गाव।

: बेथिंजायलाय मानोथो फैखो आदा, फ्लाइ अभारजों फैब्लानो जायामोन बे।- उननिफ्राय बुंहरदोंमोन रिम्बाया।

: सानजौफुआव बारा ट्रेइन गैया साननानै फैनायानो गोरान्थिसो जाबाय। सरि आगै।

: जेबो नडा दे।-बुंदोंमोन रिम्बाया। एसेयावनो गावनि गारिनि लुकिं ग्लासआव उनथिंजौय बाइक गंसेयाव गावनि लोगो अरगें आरो खुंखाखौ फैनाय

नुहुरबाय अलंबारआ। हे इसोर.....!! दानिया मा जाबावनांगौ जाखो, आनि मुंखौ बुंनानै गाबज्जिनांगौब्लाथ' थैथारबाय आं दानियाबा। रिम्बायाथ' आनि मुंखौ गाबज्जिब्ला सिनायथारसिगोन खोमा।- साननानै बिखा सिंखोद मोनबाय अलंबारआ। बेखायनो दानुथों साननानै बिसोरनि फारसे नायहरथारासै बियो। नाथाय बहा बोरो??

: बा.... अलंबार नोंथां, दिनै पाइलट नि महराव माथो, बहा थाडाःमोन? दिनै बिफानि जायगायाव नोंथाडासो नामा? -बाइकखौ अलंबारनि गारि खेरखि खाथिथाराव लाबोनानै बुंदों खुंखाया।

: राहा गैयै जादों नोंथां, नै रिम्बा आगै-खौ पिज्जिनिफ्राय लायदोंमोन। -मिनिनानै बुंदोंमोन अलंबारआ।

: करना गैलालै बाबु, माखौ दाबो मास्क लाबाय थाबावखो।-बुंनानै अलंबारनि खुगायाव लानाय मास्कखौ बोख्लाबहरनानै लादों खुंखाजों बाइकनि उनाव जिरायनाय अरगेंआ।

: अरगें अरगें प्लिस। हानहरबायदोंमोन सिबाय अलंबारआ गावनि मास्कखौ। नाथाय अरगेंआ मास्कखौ गावनि सिफियाव श्रोब सोनानै लानायनि थाखाय आरो गारि सिंनिफ्राय बेखौ हानहरथाव जायाखैमोन। रिम्बाखौ गिनायजों मो-खाडा लाहा खि जादोंमोन सिबाय अलंबारनिया। ओजों उननिफ्राय नुबायथादोंमोन बेफोरखौ रिम्बाया। अब्लासो सिनायदोंमोन गावसिनि गारि द्राइभरनि फिसाज्जलायादि गुबुन रावबो नडा। बै सानसे गावजों गुद्दा गुद्धि नांज्जायनाय अलंबारसो। गोसो सिडाव मानोबा बुजिमोनै माबा गोजोननाया सुग्लायहोनायबादि मोन्दोंमोन रिम्बाया। मानोना दिनैसिम सिरि सिरि

नागिरबाय थादोंमोन रिम्बाया बै सानसे नांज्जायनाय राफोदाइया बबेनि सोरमोन। जाय गावनि अहंकारि गोसोखौ दद्रहोबाय बै साननिफ्राय। मिनिस्लुयै उननिफ्राय नायबाय थादोंमोन बियो अलंबारखौ। उसुखुथुनि गेजेरजों माब्ला ट्रेडन बारलांनानै गेट खेवखो मिथिलायाखैमोन अलंबारआ। माबार माबार अरगेंआ आखाइनि मास्कखौ गावनो होनानै थांफिननायखौबो उदिस मोनैबादि जादोंमोन। राहा गैला, गिलुं गिलुं रिम्बामोनहानि न' होनानै सालायदोंमोन अलंबारआ।

:मास्कखौ लालायाबाबो जासिगोन दे आदा।

आं नुबाय नों सोर। बै सानसे बुजिरोडै अहंकारि रिम्बानि गोब्रा गोसोखौ सुद्रायनानै होग्रा राफोदाइनि मोखाडादि बे मास्क सिडाव दंमोन आं सिमाडावबो सानाखैमोन। -मिनिनानै बुंदोंमोन रिम्बाया।

: सरि आगै रिम्बा।- थोथोर बोबोर बुंदोंमोन सिबाय अलंबारआ।

: मानि थाखाय?

: बै सानखालि सासे द्राइभरनि फिसा जानानैबो नोंखौ सोंखारिनायनि थाखाय।

: आं साबायखर होयो आदा। बै सानखालि अहंकारि गुबुन सासे आंखौ नों बिदाया बुंधारामोनब्ला इयुनाव नै बे आंआ माबादि जाहैगौमोन। दे, दहाय गिनानै सालायबोनायबादि सालायलांनानांला गारिखौ जोंनि न'सिम। आं लुबैबायसोमोन लामाया आरोबाव गोलाव जाबावनायखौ।

: मानो रिम्बा आगै?

: गिनाडा, रायनो नडा, अहा अहा रायज्जायनोसो राफोदाइजों।- बुंनानै खै खै मिनिदोंमोन रिम्बाया। अब्लासो खनसे गोलाव हां बोनानै गारि सालायफिननो हादोंमोन सिबाय अलंबारआ।

उन्दै बैसोयाव हाबा लानाय

-उत्तरा बैसोमुथियारी

खारस्त्रो-खारस्त्रो फैथारदों रंगिनाया ।
फैस्लाबनो मोनै हां थोनो थोनो बुंफैबाय-

“मादै..... ! मादै..... ! मादै गैया नामा ?

“सोर..... ? सोर..... ?

इसिडव इखान-सिखान माबा माबि
मावनाया थंभ्लेद बारनबोयो आइरासिया ।

“ए..... ! माथो रंगिनासो ।” जिराय
रंगिना । खामसालियाव बनानै दोनखानाय
सियारखौ थांखिहरनानै जिरायनो थिनो ।

“जिरायला मादै । नोंखौसो दसे नांथारगौ ।
जोंहा न 'खराव जारला जाबाय मादै ।”

“मा जारला जालायखो ?” इसिडव
हाबलांफिननो नागिरनाया थाद 'फिननानै सोंहरो ।

“माबाहाय मादै जोंहा जाइख्लंमोनखौ
बिसि-फिसाइ आरो गथ' गोरलै साथामखौबो
पुलिसफोर थानायाव लाखिबायनो ।”

“थानायाव लाखिबाय ? मानो ?” जेन'
अख्राडसो हायाव गुरलाब गोलैबाय । गोमोनानै
सोंबाय । आइराखिया ।

“गामिनि आसा मावग्रा आरो गावबुरानाव
लेखा सौफैदोंनो । बेखौनो लानानै रायज्जायनो
होननानै दहाय सानसुयाव थानायाव लानानै
थांदोंमोन । नयावबो खिन्थालाडखै । गावसोरगोजा
थांफाबाय दानिया लाखिजाबायसोनो । दासो
गावबुराया फनाव खिन्था हरबाय ।”

“थानायावलाय मानो लिंहरामोननो ।

आरो मानोथो लाखिखो ? फोरदानासो सेंग्रा
मानसि माबाफोर दाय दस मावदों जानो हागौ ।
हा बिहामजोखौलाय मानोथो लाखिनांगौ गोरलै
गोनांखौलाय ।” गोनो-गोथो फोथायनो गोब्राब
मोनबाय आइराखिया ।

“दाया उन्दैयाव हाबा लानायनो मादै ।
दामानि सोरखारा उन्दै बैसोयाव हाबा लानो
मोना होननानै फोसावदों । हिन्जावसाया 18
बोसोर जाथारनांगौ आरो हौवासाफोरा 22 बोसोर
जाथारनांगौनो । सोरखारा फोसावनाय बैसोनि
बारगा जुलि लाब्ला पुलिसफ्रा हमनानै थानायाव
लांनानै जेइलाव सोनानै दोनोनो । जोंनिया बाबु
फोर्दाना 22 बोसोर जायाखैमोन आरो बिसियाबो
18 बोसोर जायाखैमोन । दाया बेनो । गावबुरा आरो
आसा मावग्रामोनहाबो दाबोनो थानायावनो दं ।
रायज्जायगासिनो दं । O.C. साहाबा बिसोर सानैनि
सायावबो केस लगायनानै होनायनि हुमखिसो
होदोंनो । गावबुरा जानानै, आसा जानानै मानो
होबथानो हायाखै होननानै । आफायाबो फनावनो
रायज्जायहरगासिनो दं ।”

“जारला जाबायना दानिया । नयावबो
रावबो गैया । नोमथैयाबो मैयानो गुवाहाटीयाव
थांदों गाबोनसो फैगोन । गथ' सानैया सानैजॉल'
थानो गिगोन ।”

“बिसोरजों आं थाफैगोन मादै । नों माबारल'
ओंखारदो आइमोनहाबो ओंखारगासिनो दं ।”

“दे...! दे...! थाडब्लाथ’ जाखानाय नंला।”
 रंजालिया थानायाव थानो खोथा हरो।
 रंगिनायाबो बिमादैनि फिसाफोरजों थाफैफानो
 खोथा होनानै आथुरै ओंखारलांफिनो। रंगिनाया
 थानायाव लाखिजानाय फोर्दाननि बिब’।
 रंगिनामोनहा बिब’-बिनानाव साथाम आरो
 नाइल’-जाल’ फंबाय सासेल’। बिब’ सासेया
 जुलि जाबाय। रंगिना आरो बिब’ सासेया सानैबो
 कलेज फरायगासिनो दं। बिफाया गामिनि गुदि
 फरायसालिनि गाहाय फोरेंगिरि। नामाव थानानैनो
 साखि मावनाय जेनिबो आंखाल गैया। न’नि
 हा-हु हाल मावदेरानै ग्रोम-ग्रोम माहाजोनथार।
 फिसाजो साथामा बिमा-बिफानि बोसोनजों
 सोलोंथायजों लोगोसे आखल-आखु सोलोंनो
 हाबाय। नाथाय दुइसिन फिसाज्ला फोर्दानखौसो
 हायाखिसै। नांगौ होनब्लानो मोननांगौ। मोनाब्ला
 दुम-दाखाल खालामो। बाइक नांगौ होननायखाय
 बाइक बायनानै होलायबाय दानिया बाइक
 साखावनानै गोसो थोनाय सिख्लाफोरखौ लानानैसो
 बेरायदिंबाय थाग्रासो जाबाय। बेरायदिंनायल’
 नडा लानानैसो फैबावबाय। ओजों फरायनाया
 देगलायसो मेट्रिक फास जादोंमोन। सिख्लायाबो
 थाखो गुआवल’ फरायनाय।

अब्लाबो बुजायबायदोंमोन बोसोरनैसो
 फरायगोरबावदो होननानै। बिब’ सानैयाबो
 बुंबायदोंमोन। बिब’फोरखौ नाखांलायबायसो।
 सिख्लायाबो थडालि-बाडालि मिनि-मिनि
 बुंबायसो आं थांफिननो होननानै फैयाखै।

बिनिखायनो बिमा-बिफाया सानबाय
 फरायनोबो हाखालाब्ला उनावहाय बास-बास
 आवसावसिनसो जागोन सानबाय। हिन्जाव

होब्लासो दब ज’नो हागौ। बारि बागान, हा-हुखौनो
 बेंग्रा जाथोंसै। औवा गोरलैखौ बोदबनो हायो,
 रानायखौ बोदबब्ला बायगोनसो। खाफाला
 मोजां जौ, जुवा, द्रागस जानाय लोंनायाव
 गफबद्रायथ’याखै।

लाबोथारबाय जेब्ला गामिनि गाहेला
 मानसिफोरखौ लानानै जौ बथल, साहा-मुरि,
 गय-फाथै लानानै सिख्लानि नवाव खबिरा थाडे।
 बेवनो सावरायखानायबो जादोंमोन। सोरकारनि
 नेमबादियै उकिल लानानै रेजिष्टर खालामला।
 हाबा गिदिरबो खालामला हाथासुनि खुंनोसै। गामि
 दरनैनि गावबुरा सानैयाबो बोसोन होखाबाय उन्दै
 बैसोनि जुलि जानायाव गावसोरनि साखि-साबोद
 थायोब्ला गावसोरहाबो दाय नांगोन। बेबादिनो
 हाथासुनिया जानानै थाडे।

थेवबो बिब’ सानैया फंबायनि दाय-
 दसखौ नागारनानै हिन्जाव गोदानखौ सैया-सुखुया
 खालामदोंमोन। नाथाय गिनाय लाजिनाय गैया,
 बानाय मथरनाय गैया बाज्रां-बाज्रां बिखुनजो
 जों मावनाय-दांनायाव समान-समान लोगो
 लाफायो। दानि दिनाव रुवाथि-बखालि नागिरनानै
 मोनला फिसाजोफोर कलेजाव थांब्ला हारसिडै
 दोखो-दोखो मावग्राया एसे आखाय गोलांनाय
 मोनबाय। बिब’मोनहानो कलेजाव थानायाव
 मावथै-दाडै हाखु-दाखु जानांला। ओजों-हजों
 थानायावबो बिमाखौ हारसिं मावनांला साननानै
 टेनसन लानांला। बिहावयाबो आलासि दुमसि
 फैब्ला साहा फुदुंनो, गय-फाथै बिहरनो दानिया
 बिहामजोखौल’ गाबज्रिहरग्रा जाबाय। फिसौज्ला
 उजिनानै आरोबाव गोजोनसिनबावबाय बिहाव-
 बिखुनजोया। सख्ल’-बख्ल’ गब्लहांबाय दानब्रैल’

जादों ।

नाथाय दाया नांगारबाय । दानिया गथ' जोनोम जाब्ला गामिनि आसा मावग्राखौ लाफाथारनांसिगौ । गामियाव गथ' उजिनायखौ मुं लगायनानै सोरखारनो खिन्थाहरनांगौ । गथ' गोरलैनि बिमा-बिफानि जोनोम सान, जोनोम जायगा, गसिबो रग'-रग' लिरनांगौ जायो हस्पिटलाव । सोरखारनि गोख्रों अरदार दं । उन्दै बैसोयाव हाबा लानाय, बिहारि लानाय, जिनाहारि खालामनाय बायदिफोरखौ मोननाय लोगो-लोगो हमनांगौ । अननाय-खाननाय गैया । जेइलाव सोनानै दोननांगौ । सरकारि साखि आवलाफोरा मिथिसेयावबो मिथियैबादि थायोब्ला बिखौसो जेइलाव सोनानै दोनगोन ।

हस्पिटलनि डाः, नार्चफोरनि सायावबो अरदार दंखायो । अरदार नालाय अरदार डाः, नार्चफोरबो दाताफोरखौ हरनांगौ जायो । मोनमारबायबो गथ' गोरलैनि बिमा बिफानि बैसोया सोरखारा खानानै होनाय बैसोनि दुइसिनमार । गावबुरा आरो आसा मावग्राखौ बूंहरबाय फोर्दानमोनखौ थानायाव लानानै थांनांगौ होनानानै । बिसोरबो बुजिनो हायाखैमोन मानो लिंहरनाय जादों । थांनानै नुहैबाय बिसोरखौथ' लाखिबाय लाखिबाय गावसोरनि सायावबो केस जाबसिननानै होबावबाय । मिथिसेयावबो थानायाव खौरां हरैनि ।

रहाथ' गैला, सोरकारा 'बेटी बासाव, देश बासाव' होनानानै स्लगान होलायग्राया सासे गथ' गोरलै गोनां बिमाखौ थानायाव माब्रै लाखिनानै दोनखो । केच जाबसिननानै होनो हागौ, जुरिमाना फोनांनो हागौ नाथाय सासे बिमाखौ बेबादिथ' दोननो मोना । गथ' गोरलैया खिसोम-हासुसोम खालामगोन । उखैगोन, उखैब्ला गाबगोन आहार

दौनांगोन बेखौ माब्रै नायनानै थागोन । अननाय-खाननाय गैजारोडा नामा पुलिचफोरनावलाय । सासे बिमाया फिसानो आहार दौनायखौ नायनो लाजिनाय गैया नामा बिसोरहालाय । मानसि ना जुनार जाखो ?

रंजालिया गामिनि सेल्फ-हेल्फ ग्रुपनि माखासे आइजोफोरखौ लिंथुमनानै बेलासिनि ब्रै बाजिसोयाव थाना मोखाडव सौहैबाय । जिजि-जामाव दावरावबो खालामहैबाय । गोसोयाव जेखौ फैयो बेखौनो बूंबाय । सोरखारनि नेम-खान्थिफोरखौ सोंखारिनानै रायबाय । गामाखालि खौरांगिरिफोरा दैदेनगिरिफोरखौल' होसो-होसो खौरां बुथुमो एइदिनखालि खौरांगिरिफोराबो थुबुर जाफैबाय खौरां बुथुमनो ।

दासो सुजुग मोनदों होननायनि रंजालियाबो स्ना-स्ना बूंथारासै-बेफोर आइनफोरखौ जों ट्राइबेलफोरनि सायाव जाबसिननो मोननाय नडा । ट्राइबेलफोरनि सुबुं सानखोया गुबुनफोरनिबादि लोब-लोब बाराया । गथ' सासे-सानैनि बारा खांब्लाबो सोरकारनि सुजुग-सुबिदा दाननानै होयो । नखरनि गनायथि जिखि बैसो जुलि लाया बेखौबो मानो नोजोर होनांगौ । गावबा गाव सुख-सान्थियै राइजो जाब्लानो जायो । बर'नि गोरों-गोरा फोराबो बेफोरनि सायाव गारां दिखानांगोन । सोरखारा ओरै नडा हरै नाखेबलाडेब्ला सहायथाव जानो हाया । जों थाडा दिनै बिसोर फिसा सानैखौ लानानै थांनो मोनाब्ला । नांगौबा जोंबो थानायावनो थाजोबगोन ।''

खौसेयै गारां बोथारबाय बिसोरो बर'फोरहा समाज दं । माबाफोर दाय-दस मावयोब्ला समाजानो बिजिरो, बिसार खुडे । फोर्दानमोनखौ मोनलाडब्ला जों थाडाखि थाडा गोख्रों जासिनो ।

मा दुखु लानाय जाखो ?

-राणी हेलेन

हान्थु लोरफो लोरफो सोमावनानै
साहानि न'आव हाबफै हाबफै.....

गोजां बोथोरनि समाव जेरावबो जेरैबो बयबो ज'ज'थार। नख रै, लोगोफोर, सेंग्रा-सिख्ला जाय जेरै लोगो जानो हायो, बिदिनो ज' जायै जायै लाउखार ओंखाम जाहैनाय। मॅग्लिनाय देहाखौ गोजोनहोनो गोसोखौ थाजिम खालामफिन्नो थाडे रंजानो। जायगाबो नुनाय जायो। जौनि लोगोफ्राबो बिदिनो थांदोंमोन मोनाबिलियाव। आंखौबो लिंदोंमोन। नाथाय आं गोबां अजद दैखानानै थाडाखिसै। मबाइलनि वाटसआप गुपआव नुनाय लोगोफोरनि लाउखार ओंखाम जानाय समाव मोसानायफ्रा आंनि गोसोनि आइनायाव दान्दिसे मोजां मोनहोनायजों लोगोसे दुखुबो मोनहोदों। आं गोलाव हांमा सुरनांदों। मा मावनांगौ इयुन समफ्राव! जौनि फिसा-फिसौफोरनि आमोलाव! मानसिफोरनि गोसोनि सान्नायफ्रा ब्रायैनो सोलायमारबाय। सानो आं बिखौनो, समा सोलायहोखो ना गुस्लायहोखो ना गाव गावनि गोसोखौ होसारखो, हगारसारनानै बिदि जाखो? गाव गाव मा मावदों, मा खालामदों बिखौ एसेसो सान्नांगौमोन, हानांगौमोन। गोसो, खुगाया बार बारनाय बादि। जेरै बारो, बिदिनो थाडे। जेरै खालामो, बिदिनो जायो। जेरैखिजाया गोसोखौ हमथानो हाथारनांगौमोन आंनि सान्नायाव।

मोसादों हाजासे। मिनिदों, जादों, ख'ना लानानै लोंनायबो नुदों। सोरनिबा सोरनिबा स्टेटासआव दादा दिदा मात्रै बिब्दि जाखो, मात्रै खालामनो हाखो? बयबो नुनाय, मिथिनाय। लोगो सासेनाव आं सोंदों --

: बे माब्लानि भिडिअ' जाखो ?

: मैयानि।

: मैयानि! मात्रै जानो हाखो ?

: मात्रै जानो हाया जानांगौ जाखो ? दानि मुगायाव जायै होन्नाय, हायै होन्नाय जेबोआनो गैला, जों खुलुमहरबाय थाग्रा अखाफोरावनो आगान हैनो हाबायब्ला, बेलाइ मासै ?

: धोरोम गैला, नेमखान्थि गैला ?

: धोरोमाबो दड', नेमखान्थियाबो दड'।

नाथाय मानियाब्ला मा खालामनो ?

: बेनोथ' जादों बाथ्राया। बिमा थैनायानो

बाउथ्राखै। सप्ताह मोननैल' जाथारदों।

: नार्जि अरगारनाया मा जाखो ?

: नार्जि अरगारबानो गसिबो बाउनो हायो

नामा ? जाय बिमाया गु दान, गु सान लानानै दुखु- दाहानि गेजेरजों जोनोम होबाय, गावनि जानायखौ दोनथ'नानै जाहोबाय, लोंहोबाय, फेदेरबाय- फोलावबाय, बिफा गैआब्लाबो गावनो बिमा-

बिफानि बिबान बान्नानै फोरेंनानै साखि मोनहोनो हाबाय। दिनै बे फिसाहानो बिमा थैनायनि दुखु दानो जोबो नामा? जौंलाय बिफा, बिबै, बिबौ, बिबथै थैब्लाबो बावनो हाया दासिमबो।

: गासिबो मानसिनि गोसोनि सान्नाया एखे नड। गुबुन गुबुन रोखोम।

: नंनायाथ' नंगौ।

: मा खालामनो! माबाफोर बुंनो हागोन होन्ना दासान। आंनि गोसो होन्ब्लानोथ', गासिबो जोबबाय।

: लेखा गोरों, सोर मा होन्नो? आंनि

सान्नायाव बिमा थैनाय, बोसोरसे हाथाराब्लाबो दानमोनथामनिफ्राय द' दानसिम रंजानाय-बाजानायफोरखौ गोसो हमथानानै थाथ'योब्ला हामगौमोन। मेगननि गोजान जायोब्ला गोसोनिबो गोजान जायो होन्नाया नंथारगौ। दुखुखौबो बोज'बनानै लानो हानांगौमोन। लाउखार जाहैनायनि गुबै थांखियानो रंजानाय-बाजानाय, मिनिनाय-जानाय-लौनाय, मोसानाय। बेफोर गासिखौबो खालामजोबबायब्ला माथो दुखु दड' होन्नानै सान्नानै लानो। बिमानि दाहारखौ सुख'नाय जाथारदों दाबि???

थै दान

-सहाइसुलि ब्रह्म

गुबुन रावारि आइजो सासेया रिजि-रिजि हाथाइखौ दिन्थिनानै बर' रावजोंनो सोंनायसै-
“आब'हा सोरबा लोमजानाय लाबोदों नामा?”

“ए नों मोजाडै-नो बर' राव बुंनो रोंगौ माथो। आं रावबो लोमजानाय लाबोयाखै। बे हस्पितालावनो थै दान होनोसो फैनाय जादों आं।”

“थै दान होनो? आंबोथ' थै दान होनो नो फैदों बेयाव।”

“अ, दे मोजाडनो जादों। नाथाय नोंहा सोरबा बेमारिनो होनो गोनां लाखानाय दं नामा?”

“गैया। आंहा बेबादि रावबो गैया। दासिम आं रावबो बेमारिनो बेबादि थै होनो गोनां जाथ'वाखै। आं थै दोनथुमसालियाव दोनथुमनो थाखायसो दान होनो फैदों।”

“ए....। नों बे खादानि बिबारफोरखौलाय माथो खालामो? फानो नामा?”

“औ आं बेफोरखौ खर'आव रुजुननानै बे जायगा बै जायगा दैथिनानै फानबायो।”

“नोंनि न'आलाय बबेयावथो?”

“बे गासै बहुमानो आंनि न'। बे गासै बहुमावनो आं उदाडै थायो, उदाडै थाडे-फैयो। बयनिबो लोगोयाव खुसि खुसि थायो।”

“आं नोंनि गामिनि मुंखौसो सोंनाय जादों।”

“बे गुवार बहुमानो आंनि गामि, आंनि

न' आरो आंनि गासैबो।”

बिबार फानग्रानि फिनखौ खोनानानै बर' आइजोया सिरि थायो। सानैनिबो गेजेराव दान्दिसे सिरि जायो। दसे उनाव थै बख'नानै लाखिग्रा हस्पितालनि टेक्निसियाना फैयो आरो बिसोरखौ फारियै साफा साफा मुं गाबज्रियो। फारि बादियै सानै गुबुन गुबुन मानसिफोरखौ बख'खानायनि उनाव बै बर' आइजो सासेखौ गाबज्रियो- “रुबुस्त्रि बर'।”

रुबुस्त्रिया सिडव हाबहैयो। थै बख'नायनि सिगां-सिगां टेक्निसियाना आइजोखौ सोडे- “नों मा मावो?”

“आं जेबो मावा। नखरनि आइजो। मैगं-थाइगं फाननानै आं रांखान्थि खामायनायाव आरो नखरखौ खानायाव फिसाइजों लोगोसे बयखौबो हेफाजाब होयो।”

“नोंथाडदि दा थै दान होनो नागिरदों बियो जोबोद बाख्नायथाव हाबाफारि। आइजो माहारियाव बेबादि दान होग्रा मोननाया जोबोद बाडय। नाथाय नोंथाड मैगं फाननानैसो नखर खानांगौ जायो जेब्ला थैखौ बेबादि दान मानो होनो आवगायदों? नोंथानि थैआ नोंथानि थाखायनोथ' बेसेन गोनां जानानै दं नडासै?”

रुबुस्त्रिया अब्ला मिनिस्तु जानानै बुंबाय- “सार, आंहा बेनि जेबो सिन्था खालामनांगौ नडा।

आंहा नखराव जानो लॉनो आरो थै खहा जानायखौ बोखानानै लाफिननो हानाय खाबु दं। आसामनि बिर जोहोलाव लाचित बरपुकननि 400थि जोनोम सानखौ भारत सरखार आरो राइजो सरखारा आजादी का अमृत महोत्सवनि जोहै दिल्लीयाव गाजा-गोमजा ओंथि गोनाडै खुंफुंनो लादों, बेखौ बयबो नुदों नडासै ? बेयो जोबोद रंजाथाव आरो बाख्नायथाव। बेजोंनो लोब्बा लाखिनानै आंबो दिनै नोंथांमोननि आखाइयाव आंनि थैखौ दान होनो ओंखारदों। जेन जोंनि थरथि-थरथि थैआनो इयुन जोलैनि हादर अनफावरि सुबुंफोरनि थुलुंगा जानानै थायो आरो आंनि फेरलेबसे थैनि बिबाडनो माब्लाबा जिउ बारग'नो लानाय एबा दुखुयाव भुगिनांनय सोरबा सासेनि थाखाय थारै खामानियाव नांनय जानानै फैयो।”

“नोंनि बे इसेल’ थैआनो सोरखौबा रैखा खालामनो हागोनसै ?”- टेक्निसियाना बुडे।

“सार, थरथिसे थैनि बेसेनाबो एसेल’ नडा बेखौथ’ थारै नोंथाडाबो मिथिखागौ नडा ना ? जेराव जोंनि बर’फोरा आलादा राइजो मोननो थाखाय जेब्ला सोमावसारदोंमोन अब्ला गावनि देहानिफ्राय थरथि-थरथि थै दिहुननानै थैजोंनो सागान होयै-होयै सोमावसारनोबो गोनां जादोंमोन। अब्ला नोंथांमोननि आखाइयाव दोनथुमनो थाखाय दान होनाय आंनि बे थैआखि सोरबा सासेनि थाखाय सानसेब्लाबो हेफाजाब जाथारनाय नडा ना ? आं सानो थारै जाथारगोन। थानाय बोसोरब्रैनिफ्रायनो आं बेबादिनो बोसोरनि गुबुन-गुबुन समफोराव बेबादि थै दान खालामबोदों। देग्लाय बोसोरावबो बेबादिनो आसामनि हादर अनफावरि बिर जोहोलाव लाचित बरफुकननि बे जोनोम सानखौ

आजादी का अमृत महोत्सवनि जोहै हादरनि मिरु आरो आसामावबो गाजा-गोमजायै खुंफुंजानाय बे फालिथायनि मुडव बेबादि थै दान होनो मोननानै आं जोबोर गोजोननाय मोन्दों।”

रुबुस्त्रिनि बाथ्राखौ खोनानानै टेक्निसियाना बुंबाय- “नोंथांखौ आं सेलुट होबाय। नोंथांनि खाथियाव आंनि गंग्लायनाय जासिबाय। नोंथाड थारै सासे सरसनस्रा आइजोल’ नडा। नोंथाड सासे गेदेमा आइजो। नोंथांखौ नुनायावबो गोरों-गोरा सासे गोजौ थाखोनि गेबें गोसो गोनां आइजोखौनो नुनाय जायो। जानांगौ नोंथांनि मैगं फाननायाबो बेबादिनो। मैगं-थाइगं आबाद खालामनो थाखाय हा-हु गैजायै नोगोरारिफोरखौ आदार जगायनानै जिउखौ खानायाव मदद होयो। नोंथाडा सुबुं समाजनि सासे गोग्गाथाव आरो मानिजाथाव आइजो।”- बुंनानै टेक्निसियाना रुबुस्त्रिनि थैखौ बख’नो लायो आरो बिनिखौ बख’खानायनि उनाव बै गुबुन रावारी आइजो सासेखौ गाबन्नियो-

“जेसिका दास.....।”- गावनि मुं गाबन्निराय खोनानानै आइजोया खथानि सिडव हाबलांनो थाखाय जिरायनायनिफ्राय सिखारो। समावनो बैसो जानाय सासे सिख्ला आदुंगारि आइजोया सोरबा सासेनियाव नों थै फाननो नामा होननानै सोंनायखौ खोनानो मोनो। लोगो-लोगो जेसिकाया दोम गसंथायो आरो बै मानसिनि खाथियाव थानानै सोडो- “नोंनो नांगौ जानाय थैआ मा ग्रुपनि ?”

मानसिया बुडे- “बि पजिटिपनि थै आंनो नांगौ जादों।”

“बि पजिटिप ? आंनि थैआ बि पजिटिप।

र नों बेयाव दान्दिसे गसंना थाथ' । आं सिडव टेक्निसियानजों रायज्जलायना फैनि । बिसोरो आंखौ गाबज्जिनानै दं ।"- बुंनानै जेसिकाया खथानि सिडव हाबलाडो आरो टेक्निसियानखौ गुबुननि थैखौ लाखिग्रोनो थाखाय बुडो । जेसिकाया सिंनिफ्राय ओंखारबोफिननानै बै आइजोजों रायलायफैफिनो-

“दे दानिया नोंथाड बुं । सोरनो थैनि गोनां जादों ?”

“थाखो जिनेआव फरायनाय आंनि आदानि नायल'-जाल' सासेल' फिसाज्जला जांगिलाया थैनि आंखालाव गोब्राब भुगिनांनाय जानानै दं । गोख्रैयै बिनि देहायाव बि पजिटिभ थैनि गोनांथार जादों । दा गिबि गंसे बटल थैनि गोनांथि जादों आब' । ब्लाद बेंकआवबो नांगौ जानाय गोरोबनाय थै मोननाय जायाखै । सोरबा अननानै होयोब्ला जेसेबां नांगौ एसेबां रां होनाय जागोन । रांनि जारला गैया । बेबादि थै गुपनि सोरबा होग्रा दं नामा आब' ?”

“दे नोंनो बेबादि थै आं होगोन ।”

“दे आब', साबायखर आरो गोजोननाय जासिबाय नोंनो ।”

“बेफोरखौ नांथ'वा दे । गिबि मावनांगौ हाबाफोरखौ मावनानै लाग्रोनि थौ ।"- बुंनानै बिसोरो टेक्निसियाननि फारसे थाडो आरो थै बख'नायनि लाहार-फाहार खालामो । बे समाव बै गथ'नि बिफाया हस्पितालाव गैथ'वा । बिमा आरो बिमानैया बेमारिजों लोगोयाव दं । बेमारिनि बिमाया फिसाइनो पन हरनानै बुंहरो आरो एसे गोबां रां बेंकनिफ्राय दिहुननानै लाबोनो बुडो । बिसिनि बुंहरनाय बादिनो फिसाइयाबो दसे उनाव गोबां

रां लानानै स्करपिअ गोसोम गारिजों हस्पितालनि सिथलायाव ओंखारफैयो आरो बेमारि फिसाज्जला जांगिलानि खथायाव हाबहैयो । अब्ला समाव जेसिकानि देहानि थैखौ जांगिलानि थाखाय बख'फुबाय थानानै दंमोन । जांगिलानि बिफा खुंखाया नुबाय गावनि कनट्रेक्टर लोगो रबिन बसुमतारिनि बिसि जेसिका दास । जायजों लोगो नांनानै जि कौटि रांनि मोनसे लामा मावनायनि कन्ट्राक बिसोरो मोन्दोंमोन आरो जि कौटिनि लुबैनायखौ सामलायनो हाथैयाव जुलि लागोदान रबिनखौ सोलो खालामनानै बुथारदोंमोन आरो रांनि मददयै लामानि जाब्र'थाइजों थैनाय बांसावदोंमोन । बै साननिफ्राय जेसिकाया समाजनि नोजोरनिफ्राय, नखरनि नोजोरनिफ्राय, बिमा-बिफा बिदा-फंबायनि बिबाजैफोरनिफ्राय रावनिबो अनसायनाय आरो मान मोनाखैमोन । फारनैबो नखर फारनैबो समाजनिफ्राय गुबुन हारिनि फाराग लानानै मुगैलायनाय दंमोन । जेसिका आरो रबिना गावसोरनि मोजां मोनलायनाय गोसोखौ समाजजों फेर फाथिनानै देरहासार खालामदोंमोन । बेनि थाखायनो दा समाव जेसिकाया रावनिबो अननाय आरो हेफाजाब मोनाखै । नाथाय बियो बेबादिनि गेजेरावबो जेब्लाबो मिनिखुसि । गाव थांनानै थानायनि राहाखौ बियो आरजिनानै लानो गोब्राब मोनाखैमोन नाथाय आरजिनांगौखौ बियो गोनांथि खालामाखै । मानोना बिनि थरथिसे जिउवाव अननाय मोजां मोननाय आरजिनाय गासैबो बियो नंखाय मोन्दांथि जाबाय । दा बियो गावनि गोसोबादियै गावनि उदांस्रियै सोलियो । बिनो दा गोनांथि गैया गंसे ननि, दरसे हानि आरो सोरबा सासे आंगोनि । बिनि थाखाय दा बे दुलाराय

बहुमाव नुनाय मानि गासैबो गावनि। बयनिबो सिथ्लायावनो बिनि न', बयनिबो न'आवनो बिनि दरलबसे हा। हाथाइ-बाजार, लामा-सामा, मानसिफोरनि न'-न', रेल प्लेट-पर्म बायदि जायगाफोराव खादायाव बिबार रुजुनथिनानै फानथिडै-फानथिडै बियो खुसि मोनो आरो गोबां रोखोमनि सुबुं लोगो मोनो। बिसोरनि गोरबोनिबो सिनायथि जालाडो। बै आइजो जेसिकाखौनो गावनि फिसाज्जलानो थै होनाय नुनानै खुंख्राया बागदावनाय बादि जायो। सोमो नांनायजों बियो सिरिथै जेसिकानि मोखाडव नायगोमोयो। दसे नायगोमोनायनि उनाव जेसिकाया मिनिस्लु जानानै बुडो खुंख्राखौ-

“नुनानै सिनायदों नडासै? मानोथो सिनाया जानो, सिनायखागोन। आंनोथ' बै जेसिका नडासै? जाय लांसुनिया लुबैसुला फापिनि फान्दायनायजों बुथारजानाय रबिननि गोथै देहाया रंनि मददयै जाब्र'थाइनि थैनायाव सोलाय लांजादोंमोन? गोसोखांदों नडासै? सिन्था दाखालाम। गिनांगौ गैया। जेसिकाया रावखौबो फिन साजा होग्रा नड। मानोना समानो फिन होखायो जेब्ला आंहा आरो मानो मावनांगौ दंबावो साजानि हाबाखौलाय।”- जेसिकानि बाथ्राखौ खोनानानै खुंख्राया सोमखे मोखांजों बाहेरायाव ओंखारबोयो। खुंख्रानि हिन्जावा बाथ्रानि आन्दोखौ बुजिना मोना जायो। गल'-गथ' जानानै जेबो बुडजासे बियो सिरि थायो। दसे उनाव थै होनाया जोबनानै थाडो। जेसिकाया मिनिस्लु मोखाडै उन्दुनायनिफ्राय लासैयै सिखारनानै बाहेरायाव ओंखारबोनो लायो। अब्ला जांगिलानि बिमाया आखाइयाव हमथानानै बुडो-

“रथ' बिनानाव, दिनै नोंदि आंनि फिसानि खैफोदनि समाव बेबादि हुंखा सुंबाय अबंलाउरिया नोंनि अराय गाहाम खालामथों। बुं बिनानाव दा नोंनो बेसे रां नांगौ?”

“मानि रां आब'?”

“बे थै होनायनि थाखाय?”

“बेयो आंनि खाफाल गोनांसो बाथ्रा आब'। दिनैनि सानाव बेनि थाखाय रां लानाया आंनि इनाय जागोन।”- बुंनानै जेसिकाया सिनिफ्राय ओंखारबोयो। खामसालिनि जिरायग्रा जायगायाव दोनथ'नाय गावनि बिबारनि खादाखौ खर'वाव रुजुननानै लामा फारसे आवगायनो लायो। बे समावनो खुंख्राया बिनि खाथियाव थाडो आरो आखाय खबजबै निमाहा बिनानै बुडो-

“जेसिका आंखौ निमाहा होदो। नोंनि खाथियाव आं जेनबाय। दिनै नोंखौ अराय समनि थाखाय दुखुआव खोख्लैनानै आंनि गोजोन नागिरनायाव आं जेनबाय। गासैबो दंजोबोनि गेजेरावबो आंहा गोबां गैयै जालांबाय। आंनि नायल'-जाल' सानैल' फिसाफोर, हिन्जावसा सासे आरो हौवासा सासेनि गेजेराव आंनि देरसिन फिसाजो देलाइस्त्रिया लामायाव गारिनि जाब्र'थाइयाव जायगायावनो जिउ गोमाबाय। आरोबाव दिनै नायल'-जाल' सासेल' फिसाज्जलायाबो गोब्राब बेमारनि गेजेराव। गोबां नाजासेयावबो मोननो हायै थैखौ दिनै आं नोंथानिफ्राय लानांबाय। बेफोरो गासैबो आंनि फाफनि फिथाइ जेसिका। नंगौ, नंमारगौ। फिननायखौ समानो होयो। नों थार जेसिका। नों सैथो। नों देरहासार आइजो। आं नोंनि खाथियाव जेनबाय। बुं नों बेनि सोलाय आंनिफ्राय मा लुबैयो? हा? न'? रां? नोंथाड जेखौ बुडो

आं बेखौनो होनो नाजागोन ।’

जेसिकाया मिनिस्लुनानै बुंबाय-
“नोंथाड आंनो आंनि फिसाइखौ होफिन। आं
नोंथांनो आंनि जा दं गासैबो होजोबगोन।
हागोनना ?”

खुंखाया गंस्त्रिनानै सिरि थायो।
जेसिकायानो बाथ्राखौ फिन बुंफिनो- “हाया.....,
नों हानाय नड। मिथिबायना बे मुलुगा बेसेदि
समायना। बे मुलुगाव गोबाव सम थानो बयबो
हाथास जायो। थैनाया सोरजनि खान्थिखाब्लाबो
बेखौ गोरलैयै गनायनानै लानो रावबो हाया। नोंबो
हाया। गोरबोयाव बिमानि थैजों बिमानिफ्राय बार
मोननानै जिउ मोननाय गथ’हाबो बे बहुमखौ
नुनायनि हाबिला जायो। रावनिबो जिउखौ जों
होनो हाया जेब्ला सोरनिबा जिउखौ सेनायनिबो
जोंहा मोन्थाइ गैया। नों आंनि फिसाइखौल’
खोमायाखै। आंनि गोरबोनि फिसाइखौबो नों
फोथैदों। जेराव आंनि गाबनाय दुखु मोननायाव
बिबार बादि समायना आंनि उदैनि गथ’आ
थावरिनो हायैयाव मुलुगानि समायनायखौ नुनो
मोनाखिसै। बेनि इनायाव नोंदि दिनै भुगिनांबाय,
दा बेनो आंनो थोजासे जाबाय। मानोना थारै
संसारा इनाय लुबैसुला, धोन गांसुला दुथांफोरनि
जैनि थाखायल’ नड, इसोरा थैयै-थैयै थांनानै
थानायखौ बिसोरनि थाखायबो साजायनानै दोन्दों
बेखौ दिनै आंहा रोखा फोरमान जाबाय। बेनो आंनि
थोजासे जाबाय ।’

खुंखाया फुथ-फुथ गाबनो हमनायसै।

समावनो बिसिया खाथियाव फैनायसै आरो
बाथ्राफोरनि गेजेराव गोनो-गोथो जाफैनायसै।
बियो फिसाइखौ जेसिकानो गाव जेखौ बिदों
बेखौ होनो थिननायसै। जेसिकाया मिनिस्लुनानै
बुंबाय- “नै आब’, दिनै नोंथांनि फिसाज्जलानो
बेबादि थै दान होनो मोननाया आंनि खाफाल
गोनांसो बाथ्रा। मानोना दिनै बे हस्पितालाव आं
थै दान होनोनो फैखादोंमोन। दिनै जोंनि आसामनि
लाचित बरपुकननि 400 थि जोनोम सान नडसै।
बे जोनोम सानखौ आजादि का अमृत महोत्सवनि
जोहै भारत सरखार गाजा-गोमजायै खुंदों, बेखौथ’
बयबो मिथिखासिगौ नडसै ? दिल्लीयावबो
गोबां हाबाफारिनि गेजेरजों बिनि जोनोम सान
फालिथाय खालामदों। बेनिनो खुसियाव आंबो
दिनै हादरनि भुगिनांनाय सुबुंफोरनि थाखाय
एसेब्लाबो माबा मोनसे गाहामनि थाखाय हेफाजाब
होनाय जागोन साननानै थै दान होनो थाखायनो
बेयाव फैखादोंमोन। खाफाला मोजां नोंसोरखौ
लोगो मोननानै थै दान होनो मोननायसै। इसोरा
अनोब्ला थारै आंनि बे थैजोंनो नोंसोरो गावसोरनि
गथ’खौ रैखा खालामनो हागोन। दे थादो। गोबां
सम जाबाय। आंहा लामा-लामा, हाथाय-
बाजार नैबे बिबारफोरखौ फानथिनानै गोजोननाय
मोनो। आंनि बिबारफोरा रोजा सुबुंनि गोसोखौ
गोजोनहोयो। बेखायनो आंबो गोजोननाय मोनो।
”- बुंनानै जेसिकाया बिबारनि खादाखौ रुजुननानै
लासै-लासैयै लामा फारसे थाडे। खुंखा आरो बिनि
हिन्जावा बि थांनाय फारसे बिखौ गल’ नायहरो।

ज'ब्रा

-बादल बसुमतारी

1973 मायथाइयाव आंबो मेट्रिक आन्जाद होदोंमोन। मेट्रिक आन्जाद, थामहिनबा हाइ स्कुल लिभिं चार्टिफिकेट एकजामिनेचन।

बि.ए., एम.ए., बि.एच.चि., एम.एच.चि. एबा डाक्टर-इन्जिनियार इउनावहाय जेखि आन्जादखौनो जेखि गाबजों उथ्रिहैयामानो, लाइमोन बैसोआव होनाय मेट्रिक आन्जादनि बिसम्बिखौ रावबो मेट्रिक आन्जाद होनाय मानसिया बावनो हाया होन्दां! बेखायनोथ' मिथिं-दावथिं, अफिस-मावख', हाबा-पिकनिक, पार्टि-मजलिशफ्राव बोर्बाफोर ज' जानो खाबु जुफिबायोब्लानो गाव-गावनि मेट्रिक आन्जाद होनाय बिसम्बिनि बाथ्रा आवरायग्रा सोद्रोमानि माब्लाबाबो आंखाल जाया।

आंथ' एरैसो बुंनो बोलो होबावोदि— मानसिफ्रा मेट्रिक आन्जाद होनाय समनि सोरगिदिं आवथानि बिथायाव लाइमोन बैसोयाव गोसोजों गोसो जि गंसे गोजोन न' लुनानै लायो, बे न'आवनो उनाव, जिउनि गोदै-गोखै-गोखा-गोफा बायदि बायदि बुब्लिफ्राव सोदयै हाबसोनानै ओलांगा ओलांगा, अहाया अहाया बार-हावआ जायो!

बे मेट्रिक आन्जादखौ जोंबो थारैनो जिउ-लामानि मुंसे थार आरो गोब्राब चलेन्ज बादियैनो लादोंमोन। माब्लाबा हाथाइ-बाजारफ्राव, मिथिं-

दावथिंफोराव, हाबा-हुखाफ्राव जोडे मेट्रिक होलायनाय सोरखौबा लोगो मोनफ्लांलायब्ला, बेखायनोथ' गोसोफ्रा बुंफुंरनो हालायि माबिबा आंगोथि आंगोथि थासारियाव ब्र' हाब्र'नानै खुगाजों रावफ्रानो दहमगासे बारनबोनो रोड रोड जालायो! दान्दिसेमानि मेगनजों मेगन अनलायलायनायनि, आंगो-आंगो मोनलायनायनि नोजोर बिलिरलायो!

हाइ-स्कुलाव जों फोरोंजानो मोन्नाय साथाम-साब्रैसो सारमोनहाबो दाबो दंबावो, आजिरा मोनहां-मोनहाडै। सोरबा सोरबा माखासे सारमोनहा गावसोर फोरोंनाय स्कुलनि खाथि-खालानो न'-बां लुनानै थागुबै थाबाय। नलबारी, पाठशालाफोरनि सोरबा सोरबा सारमोनहा आजिरा मोनखानानै गावबा-गावनि जायगायावनो थांफिनबाय। सानै साथामसोआ बे संसारखौनो अरायनि थाखाय नागारलांबाय! मानो नड जानो, जोंनि बैसोफ्राबो ब्रैजिनि न'खौ बारबोनानै बाजिनि न'खराव द्रोद द्रोद दावखोलांदोंसैआनो।

नाथाय, जिउनि खैदां-खैसि मोन्दांथिफोरनि लामाजों आगान सुरबोगासिनो दंब्लाबो लामायाव बारस'बोनाय एबा बारसोमबोनाय दैमा-दैसायाव सिजानानाय, दै-बेरफ्रावजों सारफ्रावजा रेजेदफ्रावजा नडबालानो जोडे माबोरै आवगायबोनो मोनलायखो!?

आगसि-आगदा, सिगां-उन बोहैथि दैथुन-
दै सारफ्रावनाय-बेरफ्रावनायखौ हायोसे
एरखेजोबनो? बेफोरदि जॉनि जिउ लामानिनो
श्राइ श्राइ इसारा, दिन्थि खुन्थानि दिथा!

बेफोर बाश्राफ्रा माबा मुंसे माया बेन्दोंजों
खाज्रायलायनायसो दं जेन'— जॉनि फरायसालि
आरो जॉनि फोरोंगुरु सारमोनजों! नडबासो
ओरैनो, जोंखौ फोरोंनाय, जॉनि फोरोंगुरु सोरजोंबा
लामा-सामाफ्राव मोगा-मोगि जाबायबायब्ला
जोंफोरनि आइथिं थोंनैया दाबो थोथोर-बोबोर
खम्फिखाडे!/? मोन्दो मोन्दो मोनसे रीद'माव
दुब दुब मावबाय थानाय बिखानि लदबसे मैखुना
हर्खाबै द'मासि बहरनि गाहेन-उवालनि दुल्लुब
दुल्लुब सोदोब दुमखाडे!/? आरो खर'आबो ओरै
गावनो-गाव मोन्थिलायिजासे लयलेत गंग्लायो
सारनि आइथिं-ज'रा होन्नानै!/? साग्रिद साग्रिद
गसंखाडे; जेन', सुबुं, सुबुंस्त्रि आरो बायदि बायदि
गुदु आयदानि सायाव रनसाइ लिरना होफैनो
हायिनि थाखाय रायजानो आरो रायजाखानानै
उनाव अनजाफिन्नो, फोरोंजाबावनोसो लाउग'
सारनि सिगाडव थियारियै गसंदोंसै!

बेफोर नांला-बंसा सान्नायफ्रा
दाखालिनिफ्राइनो आंनि गोसोआव आमाइ-
जुमाइ गेलेफैदों। गयजों-फाथैजों-सुनैजों
जखानि ज'खा मिलायनानै गय खाबारिया जेरै
लामा-सामा, अफिस-मावखुलिफ्राव हासिंडै
ख्लेब-ख्लेब ज्रोम गय-खान्दि सावसुब्बाय
थायो, थुबिलखौ थुंगेजानो गिनानै रावनोबो
जासियाबालानो थ'फ्लानिफ्राइ स्रोद स्रोद बरन
खोमायो, बेदिनो आंबो बे बाश्राफोरखौनो बै

दाखालिनिफ्राइनो स्कुल फरायनाय, लोगोफोर,
फोरोंगुरुफोर, मेट्रिक होनाय, पास जानाय—
बेफोर बाश्राफोरखौनो जावले जावले, रावनोबो
बुडबालानो स्रोद स्रोद सानब्लेबाय थाफ्रांदों!

सपथासेल' जादों। धालिगामिनि थाग्रा
क'वार्तारनिफ्राइ क'क्राझाराव थानो थाखाय
थानाय रबिबारखालि आडे स्कुटार साफ्रेदोंमोन;
बासुगाव जानानै क'क्राझार।

अट'मेटिकयैनोसो जेन'— आंनि
स्कुटारा जेसेखि स्पीडजों खारलाड मानो, राजा-
लामाजों नांजाबनाय बासुगाँव हाइयार सेकेन्दारी
स्कुल मोनहैबाथाय, जेसेखि गोख्रै स्पीडै
फेखाइलाड मानो, आंनि स्कुटारनि स्पीडआ
गावनो-गाव 10-15 आव खारख्लायखागोन-
खि-खारख्लायखागोन; थैथेर' थैथेर'नो! बेनो
जाबाय जोडे गोदो फरायबोनाय बासुगाँव
हाइस्कुलनि जादुनां मुहिनि साग्लोबसारनाय,
जॉनि थामहिनबा आंनि जिउ-सोलेर-गोर्बो सिं-
सायाव! जों फरायनाय बासुगाँव हाइस्कुलआ
देरसिनबाय; दानिया जाबाय बासुगाँव हाइयार
सेकेन्दारी स्कुल।

स्कुटारखौ थैथेर' थैथेर' लासै-लासै
मानबायलांहोनानै सोनाबथिडै नायख्लें नायख्लें
नायजोर नायजोर खुलुमलांदों, अनलांदों आडे
जॉनि आंगो फरायसालिखौ; थाजिमै गाब
गाबावदों गोर्बोआव थिथाबोरै दंड'-दं बिनि
म'हर-मुस्त्रि!

स्कुल-बाउन्दारीनि खोला जोबथानि
रोबै मोनहांसैब्ला स्कुटारनि थैथेर' थैथेर'खौ
गादबलायनानै गुबुं-गोमजोरै आंनि मुड

सोरबा मोन्थिजाखानायबादिजों गाबज्जिजादों—
“गहेल.....!”

आडे अब्लासिमबो जॉनि स्कुलथिडै
खाइथेरा आंनि खर'खौ रावनि फुंखा फार्से
फिदिडसै; स्कुटारनि ब्रेकआबो ऐबासैनो
गादबजादों।

सेरआवनो हर्खाब नुजादों— गोमोन
खानाइ, खान्दा खान्दा दारिजों जॉनिनो
गोदोनि सिबिनां आंगोनां आजिरा जानाय सासे
फोरोंगिरि! संस्कृत फोरोंगुरु शास्त्री सारसो!
आगदा आखाइयाव जलंगा-खुगाजों जोगोनार-
बिजौ बाग्लायबोनाय मैगं-थाइगंनि आंगो-
आंगोयै दैखांजानाय बेदां-दां जलंगाजों खै-खै
गुफुर धुति आरो पान्जाबीजों मिनिस्त्रां मिनिस्त्रां
शास्त्री सार!

“सार... नमस्कार! बाजारनिफ्राइ नामा
सार?”

जाथायनि हर्खाबथि आरो बायसेश्चा
उजिफैब्रबनाय सानरोंनाय सानरोडैनि होंगो-
दोंगोआव आंनि गारानिफ्राइ बे मोनथामसोल'
सोदोबफ्रा थर'-थख्र' बारनबोदों— स्कुटारखौ
फसंनानै, सारनि सिगां फार्से गंग्लायलांब्ला!

“औ... बाजारनिफ्राइनो। बेलायमाथो-
नै, मैगं-थाइगं।”

सारआ आगदा आखाइनि बेदां जलंगाखौ
आंनो एसे दैखाडैनो दंमोन, आडे सिद्ध
गसंखांफिनजासिम!

दान्दिसेमोजां-गाज्जिनिबाश्चा रायज्ज्लायलायदों,
खिन्थालायदों जों। बेनि गेजेरावनो सारआ मोनसे
बाश्चा मोजाडै मोन्थिथारनो लुबैनायबादियै

आंनाव सोडसै—

“गहेल, नॉनि नेवथोन गथ'आ देग्लाय मेट्रिक
आन्जाद होगोन होन्नानै मिथिदोंमोन। होदों, नड
होम्बा? माबोरै जादोंनो बिनि आन्जादआलाय?”

“औ सार... होदों। मैया सानसे जाबाय, बिनि
जोबथा आन्जाद जालांनाया। मोजाडैनो जादों
जानांगौ, आंनि आन्दासाव। गावबो मोजाडैनो
जोबलांबाय आन्जादआ होन्नानै खुसि खुसि बुंदों
माथो!”

“आ-स-सा....दे साबगौ! फरायनायावथ'
मोजांथार होन्नानै आडे खोनाखादों बिखौ।
आन्जादआ गाज्जि जागोननि बाश्चायानो जाखांखाया।
हे-हे.... आडे औरैनोसो सोदों गहेल, दस्त्राफोरखौ
सोंनायबादि। मोजां मोनथारबाय आं, मोजां बाश्चा
मिन्थिनानै, नॉनिफ्राइनो।”

सारआ सोनाबथिडै स्कुलखौनो दान्दिसे
नोजोर हरदों, जेबो बुडबालानो! आमफ्राइ आंनि
मोखाडव अनज्रोम नोजोर दोन्नानै बुंदों—

होम.... गथ' हिसाबै माबादि बिनि 'सेट-
आप'आलाय, गहेल? जेरैबादि दिन-खाल
जालांदों गहेल, देरफुनाय गथ'-गथायफोरखौ
लानानै गिनांगौबादिसो जालांबाय! अबश्ये,
नॉनि गथ'थ'... आंहा गुफुं बिश्वास दं! एकदम
साक्सेस जाथारगोन बियो... लाइफआव!”

बुंनानै एइबाराव सारआ आंनि मोखाडव
ज्रोम ज्रोम नोजोर फुनलादों, लुर-लुर बिनि
गुस्थि ज'राया मिनिस्लुदों गावनि बादियै!

आंबो, गिलुं गिलुडैबाबो, गोख्रों
नोजोरैनो सारनि नोजोरनो फ्राद-फ्रिद माबा मुंसे
फावथुम बाश्चा बुंनो हादोंमोन होन्दां, मिनिस्लु

मिनिस्लु... जायनि नारदोमनायाव सारनि खर'आ लै लै थिखंदोंमोन!

सारहा बुंनांगौ बाश्रा आरो गोबां दंबावोमोन होन्दां! बुंजोबाखैसै; समनि बाश्रा दं, जायगानि बाश्रा दं! आद्रा थानाय बाश्राफोरखौ बियो गावनि मेग'ननि नोजोरजोडै'नो आंनि मेग'नजों थोंजों आंनि गोर्बोआव सोस'न्ना हरबाय हरबाय मोन्नायसै आं!

बुजियाखै नड, गासिब्बो बुजिदोंमोन आडो; सारआ आद्रा दोन्नाय सोंलुफ्रा आंनि थाखायल' नड, आथिखाल जों गोबांनि थाखायबो!

नाथाय, सारनि मखासे सिरि सिरि सोंनायनि फिनखौ फोथायथि गारांजों होनो हानाइयासो आंनि थाखाय जोबोर गुदु-गादा गुदु-गादा आमाइ-जुमाय गेलेदों दायो!

ऐ-खालि गावसालायनोसैब्ला आंखौ जाम्बा जाम्बा— “सार... हे-हे...हे-हे....” जालाबायनायखौ नुनानै सारनि गोसोआव बुरजा बुरजा अनखानायनि दोहौ सोमजिदोंमोन जानांगौ, आंनि बागै! ना थासारिखौसो लाउ लाउ खालामनो सानखो? सारआ सुर सोलायदों—

“You are ever too polite, गहेल! नोडे गोदो जेसेबां polite मोन बोरायनानै दा बांद्रायसिनसो polite जाबाय माथो!? हा-हा-हा-हा....! जाम्बा, आंहाखि सान्नाय गैया, नोंनि गथ'आ माबादि गथ' जाथावगौ? जोबोर मोजां गथ' बियो... जोबोर मोजां गथ'! I mean all round मोजां! थांदो थां, आंबो थांनोसै!”

गसंना थानाय स्कुटारावनो हेलान होनानै

दान्दिसे नायहरबाय थानायसै आं, साहा-जों लासै लासै आगानलानाय सारखौ!

बुजिनो नाजादों— खै-खै गुफुर धुति-पान्जाबीजों लासै लासै आवगायलानाय बै बोराय मानसिया जोंनि सासे फोरोंगुरुल'मोन दाबि? ना, सुबुं-सोदोमस्त्रि, सम-बेसमनिबो सासे अं-गुरुबो!?

ऐ-खालि, थानाय-फैनाय लामा थारै'नो जावले जावले सान्दों आं— 1973 मायथाइयाव आं मेट्रिक होदोंमोन। आरो नै दाखालि, 1998 मायथाइनि एप्रिल दाननि थाम अक्ट'बरखालि आंनि नेवथोन हौवासा गथ'आ मेट्रिकनि जोबथा आन्जाद होखांबाय!

मेट्रिक आन्जाद होनाय समनि लाइमोन बैसोआव आंनि सान्नाय-हनायफ्रादि माबादिमोन... गोसो खाडै खाडै गोसो-सोलेरा रोम रोम मोनखांलायदों! दंजोबो, दंजोबथारो... दाबो, 26 बोसोर सिगां समनि आंनि सान्नाय बाश्राफोरनि बाश्राफ्रा आंनि गोसोआव गासैबो रोखा रोखायै'नो दंजोबो!

आरो, देग्लाय बिफानि समनि 26 बोसोर उनाव बे मेट्रिक आन्जादखौ'नो होनो खाबु मोन्नाय आंनि लाइमोन हौवासा गथ'नि सान्नाय-हनायनि गुथालआ थारै'नो बबे लैथोमानि बिखायाव माबादि दोहौ दैखांदों फालाय— दोहौफ्रा गिदिर, फिसा जिबादियानो जाथों!/? मिन्थिनो जोबोर गोसो जादोंलायो आंहा!

ऐ-खालि मोनायाव बयबो उन्दुस्त्रिजोबब्ला, आडो सिखाव जादों! सिखाव जानानै आडो आंनि लिरलु-लिरला खालामग्रा रुमनिफ्राइ सिरि सिरि ओंखारबोदों! आरो... इन्जुरसेनि आंनि गथ'नि

रुमआव बे-सोदोबै लासै लासै हाबदों!

डिम-लाइटनि गोरलै सोराडव फिसा गथ'आ खांग्रानानै गोदो-गोदो उन्दुलांदों! मोनसे निस्थार मोखाडव जाखांफुदों मुगासे गोजोनै निस्थारै दो-दो उन्दुलानायनि आमै-मै! बेसेदि समायना! बिनि गन्थं हालामनि रेदे रेदे नांस्लित नांब्लित गोबा सिरिसे दारिया जेन' सोरबा महरगिरिनि आसि बिलिरनायाव मोनसे गुदु-गुसु संसारनि लांगोनाफासै, नुनो मोनि दोंसे गोबा आरो थोंगोर आन्थोर बोलांदों!

बे गेबें, गोजोन, निस्थार आरो फाउथुम मोखाडवनो नागिरबायदों नामा आडे आंनि सारनि गुदु आरो गोब्राब सोंलुनि थार फिनखौ?? आडे गावखौनो-गाव बिदि जेरा खालामदों, जेरा जानानै गावनो-गाव थन्थ्र'-मन्थ्र'बो जानांदों!

नाथाय, सारनि सोंलुआखि बिमा-बिफा गैजायि मावरिया? जेबो ओंथि गैया बिनि सोंलुनि? आरो, बियो सोंनाय सोंलुआखि आंनिबो सोंनाय जाथावा? बे सोंलुनि फिनखौ आंहाबोखि मोन्थिनाड!?

नाथाय... बोरै आरो बबाव मोनबावनो बे सोंलुनि थार फिनखौ आं? सोरनाव सोंनो, सोरनिफ्राइ मोन्थिनो मोनबावनो!?

बुंफोरगोन दाबि आंनि गथ'आ आंनि सिगाडव— आं बिनि बिफाया सरा-सनस्त्रायै नुना मोन्नाय, सान्ना मोन्नाय, सुनाइ-दैनाइजों बिखौ दांग्रोमना मोन्नाय बिनि नग्दा म'हरनि आन्दोआव बिहा दंखोमाबायो नामा आरोबाव मुंसे गुबुन म'हर, गुबुन मुस्त्रि!?

गोसोआव आरोबाव बांद्रायसो

सामलायख'हायि होंगो-दोंगो सोंलु-हांखो बांदेरजाबावनानै आडे जेब्ला आंनि उन्दुग्रा रुमफासै फैफिन्नो गिदिंहां जायो, आंनि मेग'नाव थ'ब गोगलैयासै गथ'सानि रिडिं टेबोलाव जोख्लोबनानै दोनजानाय गांसे थिलेब-लेब समायना डाइरी!

गथ'नि डाइरी!/? ख्लाब ख्लाब गोसोजों दसेनो आंनि सान्नाया मस्त्रायखाडसै— औ औ... इउरेका! डाइरी... डाइरीयानो! आंनि गथ'हा डाइरी लिरनाय हुदा दं होन्नानै बिमाया आंनो खनथामसो खिन्थाखांबाय!

'इउरेका'.... इउरेका, मोनबाय!

बाथ्राजों बुंफोरनो हायि, अन्जिमा गैयि माबा मुंसे लुबैनायाव आंनि मेग'न थानैया ऐ-बासैनो टिबोल सानि समायना डाइरीखौ मन'ग्लाबनोबादि ख्लाब ख्लाब जोंखांनाय, जोंखांनाय मोनासै आं!

नाथाय! सासे सुबुनि डाइरीखौ गुबुन सासे सुबुड फरायनो, फरायखोमानो हामा होन्नानै रोखा रोखा बादा होखानाय दंथारोदि! जानो हागौ, गावनि सायाव जिबादि मोनसे निस्थार फोथायथि लानानै सासे डाइरी लिरग्राया गावखौ ख'ना-ख'नला लांदां खालामनानै डाइरीनि बिलाइयाव फज'यो, बेबायदि फोथायथिजोंनो गुबुन सोरबा दस्त्रानि नोजोरनि आन्दोआव डाइरी बिलाइनि बै म'हरा अराय स्त्रोदयै थानो मोनगोनखौ थिनानै, बेबादियै रोखा रोखा बुंथिनाय जादोंखोमा!

नाथाय आंनि लुबैनाय!/? आंनि लुबैनाय!/?/? बोरै सामलायबावनो आंलाय!/?/?

आखाइयाव गथ'नि डाइरीखौ दैमारनानै

फेग्र 'ब-फेथ 'ब आंनि रुमाव हाबफैयासै आडे।

गुसुं सम! सिगांनि बिलाइफोरखौ थाब थाब बोद्लालांनानैल' लिरगोदान माखासे जोबथा बिलाइफ्राव थाथ' थाथ' जाहैयासै आं।

आरो.... जोबथारनाय बिलाइ; लिरगोदानथार! बारा गोलाउ नड, एसेल' लिरदों—

“दिनै 6 अक्ट', 1998! मेट्रिक आन्जादआ दाखालि जोबनानै थांबाय। मोजाडैनो लिरजोबनो हादों आं। बेखायनो मिजिं, रिजाल्टआ मोजाडनो जानांगौ।

फ्रि....! फ्रि...!! दासान्दि आं फ्रि! उदां!

मोनसे उदां गोसोजों दिनै लामायाव ओंखारलादोंमोन आं, बेसेबा गोबाउ रुम, लेखा आरो स्कूलजों सुनञ्जुजाखानानै।

थानानि लांगोना मोनहैब्ला नुदों, ज'खाइथामसो मानसिफोरनि मोखां सोम-सोम थुबुरमा। आरो, थानानि बारान्दायाव दारहाजों खाथ'बना लारि लारि दोनजानाय जखाइनैसो गोथै सह'.... मानसिनि गोथै सह'!

मानसिफ्रा बुंसोदों— गावजों-गाव नांलाय-बुलाय-गावथारलायनानै थैलायनायनि बि सह'फ्रा! मानो नांलायानो, मानो दानख्लाब-सुख्लाब बुलायामोन, मानो गावथारलायामोन रावबो मोजाडैगर मोना!

आडे लामा लामा सानबोदों— नायहर, नायहर नों बुद्ध... बे हादोरा नॉनि! नॉनिनो हादोर, बे हादोरा! नों फैबाव बुद्ध, नों फैबाव... सिद्धार्थ' जानानै!

बिखानि मैखुना सौदाउ सौदाउ जोबोर ख'रै दुल्दुब दुल्दुब मावखांदों आंना! गथ'नि ऐ-खालिनि डाइरी बिलाइनि बियो जोबथा बुंनाय!

आडे दा गावखौ हमदांना मोन्दों, रुगुं नुहुरस 'मोनि लैथोमानि गेजेर बिखायाव आं दं! नाथाय.... आं गब'आखै, आं नाव सायावनो दं! गंसे गोगोम-गिदिर नाव सायाव! बैथा दं.... बैथा! रोजा रोजा फोथायथिनि गाब दासोम दासोम दान्नाय, दान्ना बानायनाय गंसे समायना गोगोम आरो गोख्रों बैथा! बे नावआ माब्लाबाबो गोदोनाय नड! बेयो गोरा फोथायथि आंनि!

डाइरीखौ दल 'रै दोनहैफिन्नो सिरि सिरि गथ'नि रुमआव हाबहैफिनब्ला नुदां— आंनि गथ'आ दो-दो उन्दुलाडैनो दं। मुंसे गोजोन रीद 'माव बिनि गन्थंजों हाबलाय-अंखारलाय बार-खोन्दोफ्रा जेन' रंजा रंजा मोसादों, जिरि जिरि देंखो रिंदों.... !!

आरो... अखोरां गाबनि डीम-लाइटनि सोरां-खोमसिनि मुंसे माया थासारियाव आंनि गथ'आ नुजासारदों— बियो आंनि गथ'ल' नड, बि अरायसमनि सासे सिद्धार्थ'! बियो दा गंसे थौथानि पालंआव मेंखु जिउ-सोलेरजों दो-दो दुन्दुलांदों... गाबोन फुडव सिरि मोननो, थाजिम जानानै सिखारनो!

जायगानि डाइरीखौ जायगायाव दोनफिन्नानै गथ'नि रुमनिफ्राइ स्रोद-स्रोद ओंखारबोनो जेब्ला आडे आगान सुरनो गिदिंख'नो, आंनि गथ'आ ओं-आं गोब्रामनानै आगसिफार्से बेलथायासै!

सुहाबनाय हराव नोंखौनो गोसोखाडे

-जैस्त्रि बर'

गोजांनाया माखौ होनो देग्लायसो जेन रोदा रोदा मोनदांथारदों बिदिन्थाया। बेनि सिगाडव बियो गोजांनायखौ बेबादि मोनदांफेराखैमोन। देग्लाय बिहा मोदोमनिफ्राय गोजांनायानो खारा खारा। गोजांनाया बिदिन्थानि थाखायल' ना बयबो मोनदांदों बेखौबो बियो मिथिसया। नाथाय गुबुनफ्रा गोबा जोमग्रा लानानै बायह्यायव ओंखारदोंब्ला बियो सुवेटार गांसे, सायाव जोमग्रा सि जोमबावदों। आथिडव मुजा, गोदनायावबो आर'नाय मेरायनाय। खर'खौबो बियो जिजों खाख्लोबबावदों। बेबादि गोजांनाया बबेनिफ्राय फेदों एबा मानि थाखाय जादों गावबो जेबो हमसना मोनाखै। जायखिजाया मिथिगौल' बियो, बियो जोबोद गोजांदों। गोजांनायखौ बियो देग्लाय एसेबो फेजेननो हायाखै।

“अर सुबाय आनै....?”

बिमानै हांबुरखौ हारसिं गबथबथब अर सायबाय थानाय नुहरनानै फरायसालिनिफ्राय न'नि लांगोना गाफैनाय बिदिन्थाया सोंहरो।

“औ। नोंलाय मानोथो एसे गोबाव जाबोखो?”

बिमानैया अरखियाव माबा मोनसे थुसोहरनानै बूंहरफिनो।

“औहाय.....माबा गुन'त्सब जालायनोसैनै जोंहा फरायसालियाव। बेनिनो होंगो-दोंगो

खामानियाव। गोजांनायाव आंहा माब्लासो न' मोनफैगोन जादों ओजों आरो खामानियाबो बांदों आरो बांदोंसो। फरायसालिफ्रावनो थांनोसो बालायलांथारबाय आं। मा मा हाबाफारि जालाबाय थायोथाय। आनथोर जवा हाबाफारिनिनो। मोनसेनि उनाव मोनसे।”

दैखराव मोखां-आथिं सुनानै फैनानै बिदिन्थायाबो बिमानैनि सेरावनो अर सेराव खामफ्लाय लानानै जिरायफैयो।

“ओंखामबो जानखांबाय नामासै-?”

अरदाबाव थौ जाननाय नुनानै सोंबाय बियो बिमानैखौ।

“ओंखाम नड, थागुनासो। थुनथ्रि होफेदोंमोन। बेखौनो रुदां।”

“ए...संख्रै होयाखै?”

“होखाबाय। नोमानैखौ फोरोंलायनांगौ होमबा....नोंखौ दानो फानलौ सिफ्लेलायनानै जानो मोजां मोनगोन होननानै नै फानलौबो मेखाबावबायसो आं।”

बिमानैआ फानलौखौ अरखिनिफ्राय गन गंसेजों एरनबोनानै बुडे।

“हाबाब हामथारबायहाय...। गुदुं गुदुं जाथारनोसैबो। ओंखामबो जाखाला आं। बेखौनो बुदां जानोसै आमोखिया। र'सि गानस्लायहैग्रोनोसै आं। आफायालाय बहा थांलायखो बे एसे गुसु

बोथोरावलाय ?”

न’ सिडव हाबहैनाय फावैनो सोडे बियो ।

“नारखोमोननाव थाडखै बे । अमा सिथारदोंमोननो दहाय फुडव । बेनि खाजि जानो होननानै दहाय नारखोनि फिसाज्ला उन्दैखौ लिंफैनाय खोनादोंमोन आं । ओंखामा दा बिबोसो जाफैखानाय नंला अमा खाजिजों माबा माबि गरदनैसो लोंबोब्ला । ओंखामखौनो सडबाबो जासिगोन होमबालाय । आंलाय ओरैनोसो मोनाबिलिनि साहाजों जानो होननानैसो रुदोंमोन ।” मोननाय थागुनाखौ अरदाबनिफ्राय बोख्लायनानै फिननाय हरो हांबुरा ।

बे नवाव साथामल’ मानसिया । बिदिन्था, बिदिन्था बिफा आरो बिमानै हांबुर । जोबोद फिसा नखर । नाथाय बे नखरा सानसे जोबोद ग्रोम ग्रोमथारमोन ।

बिदिन्था बिफा नगेन मास्टारा गामिल’ नड हालामावनो बयजोंबो सिनायजानाय सुबुं । बयबो मानियो गोरों मास्टर होननानै । समाजाव मान दं, फरायसाफोरजों सिबिजानाय-मानिजानाय दं । फिसाज्ला सानै, फिसाजो सासे, बिसि आरो बिनानाव हांबुरखौ लानानै लोगोसे दाहोना सासे रुवाथि सासे लादेरबावनानै आबाद आरो गावनि साखिनि दानबान्थाजों नखरखौ जोबोद ग्रें ग्रें सालायदोंमोन बियो । नगेन मास्टारमोनहा गासै बिदा-फंबाय साथाम, आरो बिनानावफोर सानै दंमोन । हाबा जानायनि उनावनो बिदा-फंबाय जुदा जाजोबदों । बिमा-बिफाया फिसाज्ला उन्दैजों थादों आरो बिनानाव दुइसिनथार हांबुरा आंहा आदा नगेनजों थागोन होननानै थाफैफादों । हांबुर बिब’

निबासिया माब्लाबानो हाबा जालांबाय, नगेनमोन जुदा जानायनि सिगांनो ।

मेगनाव गोनांमोन नगेननि नखरा । फिसाज्ला सानैया फरायनायाव इनायनो मोजांमोन । फिसाजो दुइसिनथार बिदिन्थाया एसेबां मोजां नडब्लाबो गाज्जिथार नडमोन । ग्रोब ग्रोब उथ्रिलाडोमोन । बिदिन्थानि देरसिन बिदा जोंफुंआ बि.ए. फरायफुनाय समावनो हर्खाब सानसे ननिफ्राय गोमादोंमोन । खाराव-माराव नागिरनानै सानसे मिथिबाय जोंफुंआ हाग्रायाव हाबहैबाय । सोरखारनि बेरेखायै बिग्रायनाय हान्जासे बिग्रायारि दोलोनि बिबो सासे जाहैबाय । बिदिन्था बिमाया जोबोद गाबदोंमोन, न’नि फिसा नवाव फैफिन होननानै खुथार खुथार खावलायहरदोंमोन, हाग्रायाव थानानै लोगो हमहैनो नाजाबायदोंमोन । नाथाय गैया....आलादा लामा संखानाय जोंफुंआ माब्लाबाबो गावनि नवाव फैफिननो राजि जायाखिसै ।

सानसे बिदिन्थामोननि नखरखौ पुलिसफोरा सोरगिदिंनिफ्राय बेंखनबाय । बिग्रायारिनि नखर होननानै बिसोरनि सायाव जोबोद इनाय उदखार खालामनाय जाबाय । नगेन मास्टारखौ बुग्लिबाय । बिदिन्थानि बिदा सासेखौ बुयै बुयै थानायाव लानानै थांबाय । बिमानै हांबुर आरो बिदिन्थाखौ जिनाहारि खालामनानै थैहां-बरफहां खालामनानै गालांबाय । सिलाय खुन्दाजों सौजानानै बिदिन्था बिमाया हुस गोमानानै थाबाय । उनाव मिथिनो मोनबाय थानासिम सौहैनायनि सिगांनो बिदिन्था बिदाखौ गावथारनाय जाबाय । दाहाजों-सानायजों गाबनो बावगारनाय बिदिन्था बिमाया बिसिनानिफ्राय आरो

माब्लाबाबो सिखाराखिसै। गंसे ग्रोम ग्रोम नखरा ओरैनो बायग्रबलांबाय।

बे बायग्रबनायनिफ्राय सिखांफिननो बिदिन्थामोननो गोबां सम लाबाय। साननैसो गौथुम-आफादफोरा बिसोरनि दुखुवाव दुखु जाफाफैब्लाबो उनाव बिसोर हमदांनो हाबाय जिउआ बिसोरनिसो। थानानै थानायनि गोब्राब जेनाजों जुजिनांगौआ बिसोरनि गावसिनिसो। बिनिखायनो बिसोर गावसोरनि बाश्राखौ गावसोरनो साननांगोन। गेजेरावनो बिसोर खोनादोंमोन बिदा जोंफुंआ गुबुन हादाबावनो गुबुन हादाबनि हिन्जाव हाबा खालामनानै बैनिनो थागिबि जानानै राइजो जाबाय। बियो आरो दा माब्लाबाबो बेवहाय फैफिनलिया। खुद्रिदोंमोन बिदिन्थानि गोसोआ-मानि थाखायथो बिग्रायनो हांखुर जादोंमोन बिदाया माखौथो खुद्रिनानै हाग्रायाव हाबहैदोंमोन माबोरै दोरोदलांखो बियो गावनि थांखिनिफ्राय सोंनो सोरनाव फिननायखौ सोर होनो गासै साननाय, गासै जेनाखौथ' बिदिन्था मोनहानो रुजुनखाजोबनांबाय। गंसे ग्रोम ग्रोम नखर जोबस्रांलांबाय। दा थांखिया मोनसेल'सै- आद्रा थानाय जिउखौ मोजाडै बारहोहरनाय। बायग्रेबनाय बिफानि थाखाय सुंथागिरि महरै गसंथानाय। बिनिखायनो बिसोर बिमानै-बियानै खोमथा गसंनानै बिफाखौ सुंथानायनि बाश्रा सानबाय, थांखि लाबाय। आरो बेबादियैनो बिसोर जिउनि हान्थियाव आगान सुरबाय।

“आनै, नोंखौ हाबा हरनोसै!”

जाय सानखालि जायगानि गंसे गुदि फरायसालियाव लेडइ फोरोंगिरि महरै थिसनलाइ

मोनदोंमोन बै सानखालिनो बिमानैखौ बुंदोंमोन बिदिन्थाया।

“जाम्बि होन नों.....आनि जिउआव हाबा होननाय मुवा गैया। नोंसोर मुगैब्लाबो मुजुब्लाबो आदा आरो नोंजोंनो सिथाबनानै जागोन।” बिमानै हांबुरा बिखौ गोख्रोडैनो बुंदोंमोन।

बिदिन्थाया नाथाय देरफुनाय बुब्लियावनो नुदोंमोन बिमानै हांबुरहा गोरबोनि अनजालु दंमोन। सम सम बै अनजालुआ बिमानैखौ लोगो हमनो फैयोमोन। बिमामोनखौबो राइदावलाडेमोन। बिदिन्थामोननोबो माबा माबि जाग्रा मुवा होलांनायमोन। माब्लाबा लजेन, माब्लाबा सानासुर भाजा, माब्लाबा आसान मिथाइ। सानसेखालि गोजां बोथोरनि बेबादि अर सायनो बयबो ग्रिद जिरायनाय समावनो बियो सोंदोंमोन बिमानैखौ-

“बै मैया फैनाय सेंग्राया सोरमोन आनै हांबुर? मानो बियो आंनो लजेन होदोंमोन? आइखौ मानो खुलुमदोंमोन? नों मानो बिनो दाखालि सुनाय बिबाराव सिखिरि बालायनाय आगर एरनाय फालिखौ हरखो? आंसो लानो होनदोंमोन बे फालिखौ?”

बिदिन्थानि सोंलुवाव हांबुरा इनायनो लाजिदोंमोन आरो अर सायनायनिफ्राय सिखारनानै बहाबा ब्लद थानानै थाहैदोंमोन। बे समाव बिदिन्थानि सोंनायनि फिननायखौ रावबो होयाखैमोनब्लाबो उन्दुनाय समाव बिमाया बिदिन्थाखौ बुंदोंमोन- “बियो नोंनि आमाय जागोन। नाथाय बाश्राखौ मालायफोरनि सिगाडव दाबुंलाबायदे।”

बिदिन्थाया गोरबोयाव गो सोनानै लादोंमोन ।
बिनि उनाव हांबुर आरो बिदिन्थानि जिउआव
बै जाथावनाडै जाथाया जानानै थांबाय । सिख्ला
देरफुनाय बिदिन्थाया मोजां मोननाया बेखौ
साखिनायनि सिगाडवनो जिनाहारिनि गोखा
दागोखौ गावनि सोलेराव, गावनि जिउआव
फुननानै लानांबाय । बिदिन्थानि जिउआवथ'
रावबो हाबफैनो खाबुखौनो मोनखायाखैमोन,
नाथाय हांबुरनि जिउनि आमथा आमथा मोजां
मोननाय, बिदिन्था उन्दैयाव लजेन होफैनानै बिमानै
हांबुरजों राइज्जायनो खाबु लानाय, बै बिमाय जानो
गोनाड बिदिन्था मोननि नवाव आरो माब्लाबाबो
फैफिनाखिसै, सानसेबो खौरां लाफैयाखिसै
हांबुरनि थासारि, सुफुनो नाजायाखिसै हांबुरनि
जिउनि दाहा, गसंथाफैयाखिसै हांबुरनि दुखुवाव,
बुफैयाखिसै- “नोंनि थाखाय आं दं । नों जिंगा
दासि, नोंहा जेबो जायाखै, नोंनि देहायासो खालाय
जादों, गोसोआथ' जायाखै'”

थार मोजां मोननायाव एसेबां गुसेब
नोजोर ? मानो हायाखिसै गोलैयै बजबनानै लानो
बै मोजांमोननाया जिनाहारिनि बोलि जानानाय
अनजालिखौ ? बेवहायथ' अनजालिनि जेबो
गोरोन्थि गैयामोन ? मानो गसंथानो हायाखिसै,
सुखु-दुखु समानै गसंथागोन होननानै समायखिरा
लानाय बै अनजालु गोर्बोआ सोरबा लांसुनियानि
बोलि जानानाय लोगो लोगो मानो रोजा
रोजा सोलुजों गादबबावखो बै जखम जानाय
अनजालिखौ ? बबाव थांखो बै मोजांमोननाय ?
बबाव थांखो बै सतबांसाफोरा ?

बिमानै हांबुरनि थाखाय थानानै थानाया

गोब्राब जाबावदोंमोन जेब्ला दानब्रै उनावसो हमनो
हादोंमोन जिनाहारिनि बोलि जानानाय हांबुरा बिमा
जानायनि लामायाव । डाकारा दा आरो एबरसन
खालामजाला होननानै आखाय दैखानाय उनाव
गामिनि अजानि मुलि जानानै गोरबोनि फिसाखौ
फोथैनो नाजानाय जादोंमोन । नाथाय बेबो फेलें
जागारदों । दानस्रि जानाय लोगो लोगो सानसे
गोब्राब उदै सानानै सिथ्लायानो बाब्राबदोंमोन
हांबुरा आरो देहा फाहामसालियाव मोनहैनाय
सिगांनो बियो जावजा गोथै गथ'खौ जोनोम
होदोंमोन । मानसिब्लाबो आबुं मानसिनि महर
मोनफुंजोबै बै सानै गथ'खौ नुनानै बिदिन्थाया
जोबोद समखिखांदोंमोन । जानांगौ गोरबोयाव
थानाय बै मानसि सानैखौ फोथैनो नाजानानै
अजानि मुलि जानायनि जाउनावनो बै गथ'
सानैया गिथावना महरनि जादोंमोन । दिनैबो
बिदिन्थानि मेगन सिगाडव थैजों दुगौनाय बिमानैनि
बै महर आरो गथ' सानैनि गिथाव बाथाव महरा
जाखांफैबाय थायो । खास्रि-बिस्रि मोनखाडे
बियो ।

रोंगथिया जिउनि आगानफ्रोमावबो फैदोंमोन ।
बिफा आरो बिमानैखौ सामलायनायनि गासै
बिबाना बिदिन्थानि फाफ्लियाव गोग्लैदोंमोन ।
संसारनि फादुब नोजोरा बिनि थांखिखौ गोख्रोंसिन
खालामदोंमोन आरो बिब्दिनो सौंसिनानै सानसे
फोरोंगिरिनि मासियाव जिरायनानै रानज्रिंलानाय
नखरनि बियो खुन्थिया जानानै गोगोम गसंदोंमोन ।
समाजाव गावसोरनि मासिखौ फसंफिननो
हादोंमोन ।

“नोंनि हाबानि बाथ्रा साननो सम

जाबायमोन आइ।”

सानसे बिफाया बाथ्राखौ दिहुनदोंमोन।

“आनि हाबानि समाथ’ माब्लाबानो बारगलांबाय आफा। दा आरो बेफोरनि थाखाय आंहाबो सम गैला, नोंसोरबो जिंगा दासिसै। हाबानि अनगायैबो जिउआव मावनांगौ गोबां खामानि दं।”

बियो रोखायै बुंदोंमोन बिफाखौ। बै साननिफ्रायनो बिफाया आरो फिसाजोनि हाबानि बाथ्रा दिहुनाखिसै। रोजा सोंलुनि मोगा-मोगि जानो बिदिन्थाया लुबैलिया। मानोना जाय नोजोरजों दासिमबो समाजा बिमानै आरो बिखौ नायो, बै नोजोरफोरखौ एरखेनो बियो माब्लाबानो गोरा समायखिरा लाखाबाय। दाय गैयाब्लाबो दायनिगिरि साजायजायो बिसोर। जिनाहारिनि दागोआ नांहाबनानै थाबाय बिसोरनि मोदोमाव, जेराव जिनाहारि खालामग्राफोरा दासिमबो उदाडैनो दं, रावबो गुमुरखौनो मोनाखिसै सोरबादि गांहाबनाय सियालफोरा दोखो दोखो अरफ्लेलांखो बिसोरनि जिउ-जौमोन, बिसोरनि थानानै थानायनि हाबिला, बिसोरनि समाजाव बयजोंबो गोरोबनानै थानो हानायनि मोनथाइ। जोनोम जोनोमनि दागो फोनांनानै होलांबाय, सेख’नानै लांजोबबाय जिउनि गासै गांनाय-उखैनाय।

सोंलुफोरा गोरबो इसिडव दोहो दोहो खामोब्लाबो बिदिन्थाया दानिया रावनावबो सोंलिया बेफोर सोंलुखौ। मानोना मिथिगौ मानसि होननाय बे आथिं थोंनै जुनादफोरा गासैबो मुखानि आन्दोयाव थानो मोजां मोनो। खालाइ जानाय होननानै बजबनो गोब्राब मोननाय, समाजाव

मान होनो गोब्राब मोननाय बै मुखा गाननाय सुबुंफोरानो स्रोद स्रोद बिदिन्था-हांबुरमोनखौ हरनि खाबु लानानै दरजा बुफैयो, खोमसिनि खाबु लानानै आखाय हमफैयो, खाबु मोनोब्लानो स्रोद सोंखुमायो माबादि मोननायमोन बै समाव जेब्ला लांसुनियाफोरा बिसोरनि देहा सायाव दंमोन, बिसिदोंमोन बिसोर गाननाय जि, बिदा-बिफानि सिगाडवनो लांथिया गसंनानै थानायाव बिसोर माबादि मोनदोंमोन।

सोरनो सोरनि सोंनायनि एबा सोरनि नोजोरनि बेरेखायै अजद होनो.... बिजिरगिरि गैया बे मुलुगाव। दाय जाबनानै होसिननोल’ बयबो मोजां मोनखायो। बिदिन्थायाबो दा रावनोबो जेबो अजद होलिया। सोरनिबा सोंनायनि फिननाय होनांगौ होननानैबो सानलिया। सोरनिबा नोजोरनि फिनजाउन्थाय होनांगौ होननानैबो साना। आथिं आसुगुरनुफ्राय खानाय थिखिनिसिम जिउनि रोंगथि जाखाबाय। अजदआ मोनसेल’.....थैनो होननानैबो थैनो हानाय गोसो मानो हरदिया इसोरा बिनो। गावनि थाखाय जेबो दुखु गैया बिहा। दुखुनि थुफ्लाखौ बियो रुजुनखहाया बिमानैनि थाखायसो। मानोना गोजां बोथोरनि सुहाबनाय बिब्दि हराव बिमानैआ इनायनो गाबखोमायो। मैयाबो नुदोंमोन बियो बिमानैखौ गान्दुखौ गोबाथाबनानै सिरियै मोदै हुगारखुमानाय। दाखालि न’ सिबनाय समाव आस्लि-बिस्लि नुसनफ्लांदोंमोन बियो गान्दुजों खोबनानै दोननाय डायेरियाव बिमानैनि लिरनाय मोननैसो सारि-

“सानसे बेबादि गोजां बोथोरावनो

गुदुं सिमा जानानै गोबाफैदोंमोन नों आंखौ

दुंखांनाय नॉनि हाडव गोदौफानाय आंनि हां
गोजां बोथोरनि खुवामि हरा
मानो गुसुं जायो होननानै नॉनि अजदमोन...”

“नोंबो बुडाखैमोन बाश्राखौ
आंबो बुडाखैमोन
बारावसो गोजावदोंमोन नामा बेफोर बाश्राया
खुन्थ्लाइ जोमै दखरसे
मैया आंनो रादाब होफैदों
खुवामि हराव
बिसम्बिफोरा जायो जोबोद जिउगोथां”

“दुन्दिया सिफ्लेनाय बादि मोदोमदोंमोन
नोंनि अननाय गोजां बोथोरनि फुंबिलियाव
अर सायनायाव मेनाय आलुबादि थावस्त्रेममोन
हर गेजेराव नॉनि दारिनि जोनाय
सिमांनिबो सिमांमोन नाथाय गासै रादाइ...”

आरोबाव गोबां माबा-माबि.... । बिदिन्थाया
फरायजोबनो हायाखैमोन । फरायसालियाव
थांनानै, मेल-मिटिंफोराव थांनानै, माबा माबि
खामानियाव मुखुब थानानै बिदिन्थाया गावनि
माखासे दुखु-दाहाखौ बावगारनो हागौ । नाथाय
बिमानैया सानसेथोलो नवावनो थायो । गामियावबो
रावनावबो थाड । नाथाय सम सम बेबादि दायेरियाव
माबा-माबि लिरखुमानाय नुयो बियो । माब्लाबाबो
बिदिन्थानो दिन्थिफेराखै । बिदिन्थायाबो नायनांगौ

होननानै सानाखैमोन । नाथाय गोजां बोथोराव
बिमानैया बांसिन बेबादि दायेरिजों मुखुब जासिनो ।
हराव जाखां-लोंखां उन्दुनो बिसनायाव बारखोनानै
बिदिन्थाया माब्लासो उन्दुनो मोनगोन जायो ।
नाथाय बे समाव गुबुन गंसे बिसनायाव उन्दुनाय
बिमानैआ मोदै हुगार हुगार दायेरियाव माबा-माबि
लिरनायखौ बियो नायखोमाबाय थायो । बेबादि
दायेरि गांथामसो दं बियो नुदों । बिमानैनि ट्रांकआव
जानांगौ बेबादि गोबां दायेरी दंबावो । माबा मोनसे
खालामथारनांसिगोन । दिनै फरायसालियाव जानो
गोनां गुन'उत्सबनि हाबाफारियाव गावसोरनि
फरायसालियाव फैनो गोनां रोंगसरा सासे लिरगिरि
होननानै खोनानाय लोगो लोगो बिदिन्थानाव मोनसे
बाश्रा सौग्रावफैदों । बिमानैआ लिरनानै दोननाय
बेफोर गुसुं गुसुं मोनदांथिनि फोरमायथिफोरखौ
गांसे खन्थाइ बिजाब महर होजागौ.....

बिमानैनि बेफोर बाश्रा खोनदोखौ नुनानै
बिदिन्थाया दाजाबनो गोसो जायो-

“गोजां बोथोरनि सुहाबनाय हरफोरा
मानो जायो एसेबां निनगोमा ?

दाहानि थफ्लाफोरा जाफैयो मानो एसेबां
लिरदोमा ?

बबेनि निहोर थरथिं सोरजिफैयो मेगनाव
लैथोमा ?

नखर दानायनि सिमां नुहोनानै थाखोमानानै
थाहैयो सोर अनसेमा ।”

नों नडमोनब्ला

-रीम्बा औवारी

“आब’ गइ फिथाइ दोन्नाया दंबावोब्ला बाथौआव होनो थाइब्रैसो लांगौमोन आं।” बेलासि बेलासि आबारिनि सेराव फैब्रबनानै आथुर गारांजों बुंफैदों दनस्त्रिया।

“मानोथो गइ होलायनो ? ना मानिबाफोर मानिनो ?”

“गथ’नि लोमजानाया मुलि जाहोब्लाबो दद्र’थारासै आब’। बाथौआव एसे गाबख’नो आं।”

“हाबाब ! एफाबां बुंबाय आं डाक्टरनाव लांनानै दिन्थिहै होन्नानै। बेबायदि नाइया ह’वा फार्मासिनि मुलि जाहोबाय थानोसै ?

“गाबोन लांनोसै आब’। दिनै बाथौआव एसे मानिनानै दोन्नो सानदों आं।”

“दे सान्नाया मोजां। बिब्दि होन्नानै गोबाव दाखालाम। मानसिनि देहायाव बेमार आजार जानाया इसोरनि आखायावनो थाजोबा। इसोरा जोंनो लामाल’सो दिन्थियो। लामाखौ थाबायनांगौ जों गावबागावनो। इसोरखौबो फोथाइ, मावनांगौ हाबाफोरखौबो समनि गेजेराव मावनानै ला। गइया बै बाखि आगानाव माला सुनानै दोन्नायनिफ्राय बख’नानै लां।”

“आब’.. माबा बुंगौमोन आं।”
दनस्त्रिया मोदै ज्राम-ज्राम जादों। आबारिया

बुजिदों दनस्त्रिनि मेगनाव नायनानै। थोंजोडैसोंदों-

“रां नांगौ ? ना माथो बुंनोमोन ?”

“आब’, बिफाया लोमजानानै खामानि मावनो हाफिन्नाया सान्नेल’ जादोंनो। रां हरनो हाथ’वा। दाखालैसो गथ’नि एदमिसननि थाखाय नोंनियाव एफा बुरजा रां लांथ’नायखाय बिनो गोहो मोनाखै आं। थेवबो नों आब’आनो दक्टरनाव लांनो थिनबाय जेब्ला बे खेबसेखौबो नोंनो अनबावदो आब’। रांजों सुख’नो हायाब्लाबो नों जेखौ थिनो बेखौनो मावना होफैनानै सुख’गोन आं।”

रौआ-रौ गाबदों दनस्त्रिया। दुखु मोनफादों आबारिया।

“सि सि ! जाम्बि बायदि मानो गाबखोसै ? बेसेबांथो नांगोन रांखौलाय ?”

“थैनि आनजादफोर नायनांनो हागौ। बेसेबां नांगोन आंबो रोखायै बुंनो हाया। जायखिजाया नोंनि हिसाबजोंनो हरथ’दो आब’।”

“दे होनब्ला सरकारि हस्फितालावनो लानानै थां। से रोजाजोंनो थोगोन बियो। थोआब्ला हस्फितालनि थोंजों सोनाबहा थानाय “जीउरैखा” होन्नाय मुलि दखानाव आंनि मुंखौ लिरहोनानै मुलिफोरखौ बाखि लाबो। हरा बुडेब्ला आंनाव फन खालामहर। नै बे रांखौ लानानै गाबोन

फुडववो थां।” रांखौ आजावनानै दानदिसे ब’बि बायदि थं गसंनानै थादों दनस्त्रिया। हरखाबै आबारिनि आइथिंआव दानानै खुलुमदों बेनिफ्राय रुखु रुखु गाबनानै बुंदों-

“इशोरा जेब्लाबो नोंनि मोजां खालामथों आब’। नों नडामोनब्ला आंहा मा जागौमोनथाय बुंस’हाया। नोंसो जेब्लाबो इसोर जायो आंनि थाखाय।”

लिलि लाला मोदैखौ हुगारै हुगारै रांजों लोगोसे गयखौ लानानै थादों दनस्त्रिया।

बोसोरबानि सिगां बे दनस्त्रिनि जीउआव जानाय जाथायखौ बावनो हाया दनस्त्रि आरो आबारिया। दनस्त्रिया आबारि बिहावनि फंबायनि बिहामजो। बाहागि बिजावजालि जायो बिसोरो। बिगाब्रैल’ हायावनो आबाद मावनानै नखरखौ थेरथेर दैदेनलांदों दनस्त्रि आरो आलाख’आ। गथ’ साथामखौ लानानैनु खुसि बिसोरो। न’जों लोगोसे गइनि बागानबो खावख्लाबसे दड’। गुबुन फारसेथिंनि दब्लायसेयाव बोथोरनि थाखो थाखो मैगं गाइनानै जायो। जेखौबो बायनो नाड बिसोरहा। गासैबो आबादखौनो जग्र’बफा जग्र’बफा मावनानै दिहुनो। जायगा गुसेबखाय औवाखौ गाइनानै लानो हायाखै। बेयो मोनसे बिसोरनि गोसोआव जेंना लाबोबाय थायो। गामियाव बोरमा अमा मोसौ इनायनो लायो। नाथाय खानायनि गत गैया। मोसौखौ खायोब्लाबो बोरमा अमाखौ आवसारियै हगारथारो। खुनुरुखुम थसे थनै औवा बायनानै थाब्राय- थुब्राय दुमनानै लायो दनस्त्रि मोनहा?

ऐदिन गामि खाथिनि बान्दोखौ

बलायदोंमोन। सिगांलाय गिलु बालु ना मोनथारोमोन बे बान्दोखौ बलायोब्ला। दानिया मेसेंब्लाथाय मुलि होलाय कारेन्ट सेक होलाय खालामबाय थानायखायनो नाफ्राबो थावरिनो हाल्या। दनस्त्रिया फिसायखौ न’आव थानानै बारियाव बोरमा अमा हाबनायखौ नोजोर होनो थिन्नानै गावहा ना गुरनो ओंखार लांदोंमोन। दनस्त्रि थांखांनायनि उनाव नआवनो आस्त्राजे थानायलाय आलाख’वाबो दसेल’ सारनो सान्नानै ओंखारलाडे।

दसे सारनानैनु थोनाय मोन्नानै थाबैनु फैफिनदोंमोन आलाख’वा। नुफैबाय बोरमाफ्रा फालोयैनु बिबार बारफुनाय बानलौखौ अरस’जोब्लाय। ना सारनायनि मेंनायजों हिनजावजों रायजानो गिनायजों रागाजोंनो फिसाज्जलानि दाव गावग्रा लबारजों फ्रात गावहरबाय बियो। मासे बोरमानि मेगनाव अन्थाइया नांहेनानै लोगो-लोगो गाबखावनानै जायगायावनो गोगलैनानै थाबाय। बोरमानि मेगना थाइसे गुबुबाय। दानदिसे थाहाबनायनि उनाव मेगनाव थै लिलिलाला लानानै गाबखाव गाबखाव बाज्जेद बाथेद बिगोमानि न’फारसे थाबायलांदों। गावस्त्राजों गुबुन जानाय बिबाजै खावालिया ना गुरनानै फैनानै आलाख’नि बारिनिफ्राय गाबखाव गाबखाव फैनाय बोरमाखौ थाखथि नुह’रस’नो। बोरमानि मेगनाव थै लिलि-लाला नुनानै खावालिया रागाजों जोब्रेलायना आलाख’नि खाथियाव फैनानै थोंजोडै बुंफैबाय,

“बोरमाखौ मानो मेगन गावख्ल’नानै हरखो आलाख’? जों खस्थ’थै बोरमा अमा फिनानै जानायखौ मानो नायनो हाया जाखो नोंसोरलाय?

एसिबां माहाजोन जानाय मोनथारबाय नोंसोर ?”

“आं बानलौ जानायखाय सिगिनोसो गावला बायहरदोंमोनलै बाजै । बोरैबासो नांफ्लांदों । बोरमा अमाखौ लानानै खानांगौलै बाजै आंहाबो मैगं थाइगंखौ मोनजागोन होन्नानैसो गाइयो ।”

“नोंहा मैगं गाइदों जेवरा दुमनानै लानो हाया नामा ? जोंहा दाव अमा फिनानै जायाब्ला नख'रा माजों सोलिनांगौ... ? नायगोन नोंसोरखौबो खैलाखनि माहाजोन जायो ! बोरमा बायदि गाबै गाबै थैनांगोन नोंसोरबो सानसे !”

बायदि बायला खोनामोनजोबै रायनानै बोरगा बोरगा जालायलांदों बिबाजै खावालिया । आलाख'आ फाहे फुहे जानाय बानलौ बिफांफोरखौ फाहामै फाहामै हारसिडैनो रायज्जलायदों-

“जुनादखौ लानानै मालायनि खेथि जानानै एसे देरबावथों होन्नाय बायदि लावसारै हगारनानै होयो । खानो थिनब्लाबो नांलायहरो, गावनानै बुनानै हरब्लाबो दाइया जायो । गावनिया बोरमाया मेगन गल'बाय फुजा होनो रावबो बायनाय नंल्यानो । फुजानो बाइयाब्ला बुथारनानैथ' जाजायो फानजायो माथो खहा जासोखो ! आंनिया हनै एसेबां मोजां सबाइबिमा थाइखिनाइयाबो जाजाजोब्बाय बानलु बारफुनायखौबो अरस'लांजोब्बाय, गाग्लेम गुग्लेम खालामजोब्बाय बेखौथ' बियो नायलाडासैबो सोंलाडासैबो । बेदरखौ मोनजागोन गोबावजों बोथिसे, मैगंखौदि सानफ्रामबो जाथारनांगौ बेखौनो बुजिरोडा ।” गामसा गिसियैनो मैगं बारियाव हारसिडै बुदुं-बुदुं रायलायनानै माबा मावनायाव मुखुब जानाय फिसाइ आलाख'खौ लामायावनो

थं गसंनानै गल' नायहरबाय थायो दनस्त्रिया । बेनिफ्राय राव हरो-

“आयौ ! हा मा जाजोबखो मैगंआलाय ? आरो गामसा गिसि जालायनाय नासो सारहैमारदों नामा नोंलाय ?”

दाय खालामफ्रानाय बायदि गाहाय गारांजों बुंबाय आलाख'आ,

“बनजारखौ नायथ'नो थिन्नानै दसेल' सारहैदोंमोनलां । गथ'आ लुदु गेलेनानै सिंनिफ्रायनो ओंखारनो रोडाखैनो । बाजैनि बोरमाया फालोयैनो दंफैयोमोन । रागाजों गावला गावलि हरनाया मासेनाव मेगनावनो नांनानै गुबुखो ना माखोथाय.. ? बाजैआ इनाइनो रायफैथारबाय ।”

“समाइलायदों, नोमबाजैजों नोंजों । नाखौ मोनजा दामोनजा नोंखौ बेफोरखौनो नेनो थिनखालांदोंमोन आं । बादा होखानायखौ मा बोरनानै सारहैनाय नोंलाय ? एफा मोजां मोजां खुगायाव हाबनो लागा मैगं थाइगंखौ ना बोथिसेनि थाखायनो बोरमानो जाहोजोब्बाय नोडे ?” रागाजों जाहाबलायथारबाय दनस्त्रिया ।

मोथो मोथो दुखु मोनखुमादों आलाख'आ । ओरै बिबाजैजोंनो रायजादिया ना हिनजावजोंनो रायजादिया ! दिखारजोंनो बे नानि थाखायनो मैगंआबो जाजाबाय हिनजावफोरजोंबो रायजानांबाय सान्नानै खबायनि नाखौ सिथ्लायवाव दावनो लखबनानै होबाय आलाख'आ । दावफ्रा खेखे खुखु होनलायनाय थैफ्रामलायनाय जाबाय । नुनानै ज्रोम अनखांफिनदों दनस्त्रिया । बांद्राय रायफ्रांबाय नामा सान्नानै । गमथा गमथायैनो

थाबाय थादों आलाख'आ राइज्जलायनो गोसो गैया गैया खालामदों ।

मोनायाव ओंखाम जाखांनानै उन्दुनाय समाव गुरैयै बुरखायबाय दनस्त्रिया,

“आं एफाबां गोसा मा बुंखोदे नोंखौ ? माखौ इसिबां दुखु मोनखो नों ?”

“नोंखौ दुखु मोनाखै आं । बाजैनि रायलांनायखौसो गाज्जि मोनदों । बोरमा अमाखौ लानानै खाफेरा बिसोरो । एफाबां मैगं जाग्लिनायखौ नुनानैबो गावनि गोरोनथिखौ बुजिनो नागारै उलथासो रायलांबावो । एसेबो गालगाब गैथारा बे मानसि सासेनियाव ।”

“मा मा होन्नानैथो रायलांनाय बिलाय ?” आलाख'आ बिबाजै रायलांनाय बाथ्राफोरखौ खिन्थाजोबो फारि फारि । दनस्त्रिया गोसोआव खें मोनो ।

“आयौ.. ! मा रोखोमनि रायनाय जाखो बेलाय !! जोहा मानो बोरमा बायदि गाबनानै थैनांगौ जाखो ? रायमालाय बिब्दि राइयो ? दायनामारसो नामासै बिलाय.. ! बिबौवानो आसोल खाथारमोन्नो । मानसिफोरा बुंसोलायो ।”

मोथो मोथो गिखांनाय मोन्दों दनस्त्रिया ।

“माथो गत ! ओरैनो जेरै खावालि एरै खावखाव खुगा गोरा जादोंबि ! उन्दुदो बेफोर बायदि बुजिनो रोडै मानसिखौलाय माथो बुंभावनो..... !!!”

साफेन्नानै गरदस्त्रो लायबाय आलाख'आ । गोसोआव सुखुवा सुखुवा मोनबाय थानाय बाथ्राखौ बिसिनो खिन्थानो मोन्नानै दासो

उदै दुगानाय बायदि सुख मोनबाय जानांगौ बियो । नाथाय दनस्त्रिया नाजाब्लाबो उन्दुलांनो हायाखिसै । ना गुरनायनि मोदोम सानायजों फिसाइ खिन्थानाय खावालिनि रायनाय बाथ्राया बिनि गोसोआव गिदिंबाय थाबाय । सान्नैसो सिगां सासे मानसियाबो खावालिनि सोमोन्दै आलाख' बुंनाय बायदिनो बुंदोंमोन । नांला बंसा सानै सानैनो हर थौनानैसो उनदुलांदों बियो । सिमाडव सैमा गोसोमजों होसो जानानै खारब्लाबो खारख'नो हायैनि मेंग्लियै मेंग्लियै सिरि मोनो । सिमांखौ मोगथांजों रुजुनानै सान्नायनि फाख'नाव देबोर नांबाय दनस्त्रिया । जानो खहाबा लोंनो खहाबा मोदोम खुब-खुब साखांनाय मोनदों ।

बे साननैसोआव गावस्त्रानि फारसे फै थाराखै मोन खावालिया । हैदिन मा लांफै यामोनथाय.... ? दनस्त्रिमोन उन्दुग्रा उसुंथिंनिफ्राय थांफिन्नायखौल' नुज्जिदहरदों । रायदाव हरनोबो गोसो जायाखै बिहा गोसोखौसो स्त्रिव मोनदों । देहाखौ बारानिफ्राय बारसिन सुखुवा सुखुवा मोनबाय बियो । सिमां मोगथां गोब्रामलाबायो

“बोरमा गोसोम होआब्ला गखाथारा नोडो । सोर सानदों नोंलाय आंखौ ? आं नायगासिनो दड' नोंसोरखौ ।”

बायदि बायदि बुजिनो हायै गोब्रामबाय थायो दनस्त्रिया गाव मिथिस्लाबा जासे । सम सम ननिफ्राय खारननोबो नागिरो । मा जाखो जेबोखौनो बुजिनो हायाखिसै आलाख'वा । नुनानै बयबो अजानाव थांनो थिनदों गामिनि मानसिफोरा ।

आलाख'आ ओरै खारलाय हरै खारलाय जायखौ गोरों होन्ना मिथिदों बिनावनो बिसिखौ लायै लायै थादों फाहामथाय लानो थाखाय। थाखो थाखो फुजा होदों अजानावबो न'आवबो। स'क फबनाय दं होन्नानै बुरग्लुंदों। गैया नाथाय हामनायनि लामायाव फैया। अजाया बुंदों दायना राइदों। गोजान्नि नड ख्राथियावनो दड'। गोदान गोदान बान हरफिनबाय थायो। बेनिखायनो हामनो रोड। मानसिजों लोगोसे रांआबो मेंफाबाय। मावनो दांनोबो मोनलिया फैदेरनायबो गैल्या सानफ्रामबो फुजा-फानि आरो स'क बुरनायाव नांनाय गुरलाब गुरलाब रांआ बबेनिफ्राय फैबाय थागोन... ? बिगाफा बिगाफायैनो होदेर होदेर गायग्रा हाखौ बिगाब्रैबो स्लिम बन्दक होनांबाय आलाख'आ।

बिसोरनि बेबायदि हालाय हाफाय अजाजों बेजाजों होंगो दोंगो जाबाय थानायखौ नोजोर होबाय थादों बिदा जालाख'आ। बिसि खावालिनानव सोंदों,

“मा जाबाय थादों बिस्रालाय.... ? मानो एसेबो खबर लादिया ?”

“मिथियाहां। बोरमाखौ गोसोखांब्लानो रागाजों नायनो बाथारो आं मानसि फोरखौनो। फिसाज्जलानाव सोंदोंमोन आं,मोजां खिन्थायाखै। बिमाखौ लोमजादोंल' होन्ना बुंदों,पापफोर नांदोंखोमा।”

फादुबै बुंदों खावालिया। दुखु मोन्नाय गारांजों जालख'आ बुंदों,

“बेबायदि नडबोरा। नोंसोर मानो एसे

एनैखौनो गोसोआव लालायनानै थायो फालाय ? बाथ्राया मोजां नडगोन। माबा हा-हु बनदक होजोबनायसो खोनाबाय आं।”

“नोंलाय सोहैनो हाया ? सोंनो सान्नानै थांब्लाबो मानसिफ्रानो नुजाथियालाय माथो ! गिनायथां माथां एरसोनानैसो थाजोबो।”

खावालिनि बुंनायबायदिनो गावनो खौरां लानो होन्ना थांमारदोंमोन जालाख'आ हैदिनखालि। नाथाय बेवहाय थांनानै खावालिनि बुंनायखौनो रज'नाय नुनानै बुजिस'नो हायाखै बियो। गावखौ नुस्लाबमोनै गथ'फ्राबो सोदोनो बहाबा थांखोमाजोब्बाय। खामसालियाव खावथं जिरायनानै थानाय रानख्रबलांनाय दनस्त्रियाबो सिडव हाबसोनानै थाहैबाय। फैनायखौ साबजानाय मोनाखै आलाख'आ। खायलेंलें गोसो लानानै सोंदों।

“मामोन ? मानो फैदोंमोन ?”

बोरैबा एसेबो सुखुनाय मोनाखै जालाख'आ। मा बुंगोन मा मागोन बुंबाय,

“थांखु दंब्ला हरलै, दखानाव थांनो मोनाखै आं।”

जान्दियाव थेबना लानाय थांखुखौ थिमियैनो हरदों आलाख'आ बेनिफ्राय एसे जानगाराव दाबसेथिं नायख्लेंनानै थादों।

“हा माथो जादों बेवाइफ्रालाय... ? माथो लोमजादों होन्नाय खोनादों ?”

“मानो नांगौ नोंसोरनोलाय ? थांदो जाखांबायब्ला। दा जाबावनोब्ला लांफादो थिमियैनो।”

“हाब मा राव जाखोलैबे ? बायनो हायैसो सानखो ना मा आंखौलाय ? बिबाजैया एरैनो रागा जोंमाराखैलै बिसोरखौ । गावसोरसो आंनि बोरमाखौ मेगन गावख्ल'नानै हरबाय आरो दा गावसोरनो उल्था जोंखौसो रागा जोंबावबाय । मा जादनि मानसिलै नोंसोर ?”

“थांदोल'लै आदा । जोंखौ जेबो दानांजा थारसै । खेबसे दाय मावफ्रानायखौ निमाहा होदो ।” गोजान्निफ्रायनो आखाय खबजबनानै थांनो खावलायथारबाय आलाख'आ ।

जालाख'आ बुजिनानै मोनैजों रागाजों लामा लामा हारसिडै-नो रायबोयो ।

“नख'रनिजों नखर'नि दुखु-सुखुखौ खबर लायाब्लाबो लायाखै होन्ना बुंगोन अन्नानै मा जादों होन्ना खबर लानायाबो दायसो जायो । दे नायनोसै ! नोंसोरनो जोंखौ नांधाराना ?”

जालाख'नि बुंबोनायखौ खोनाजोबदों आलाख'आ । गोसोआव खेबसे सान्दों जायगाखौनो गारनानै बहाबा थाहैनांसिगोन नामा... ?” होन्नानै ।

हामाखै, एसेबो सोलायथाराखै दनस्त्रिनि लोमजानाया । बारानिफ्राय बारासो जाबोगासिनो दड' । मानसि नुब्लानो गिग्रा, गोजांस्त्रिव मोनग्रासो जालांबाय । सम सम ननिफ्राय खार'न्नोबो नागिरो । फारसेथिं जालाख'आबो जौ फेब्लाथाय खोनाथों खोनाथों रायहरो-

“रानथं रुनथं जालांबाय, मा जादोंखौनो सोंनो हामानो जोंहा । अरजानो गियोखोमा जोंखौ मोसाखाय । सानबेसे दैसिडव न'लुनानै थागोन नोंसोरलाय... ? नुगोन र' सानसे ।”

बायदि बायला । जेसेनो बिसोरनि रावफोरखौ खोनायो एसेनो बिसोरनि सोमोन्दै जाथारै जाथारै सान्नाया फाखो गोरसिन जाबोयो । बिसोर जायगाखौनो गारनानै बहाबा थाहैमारनांसिगोन होन्ना सानथारबाय । टाउनाव न'भारा नागिरनो सानबाय । नाथाय सोलिगोन मार्जों ? अजानियावनो रुम बिनानै थाहैथ'नांसिगोन होन्नानैबो सानबाय खेबसे । मैखोम गोनो गोथोआव गोग्लैनानै गामि गेजेरनि लामार्जों थाबायलांगासिनो दड'मोन आलाख'आ । ननि लांगोनायावनो गसंनानै दड'मोन आबारिया । थांखि गोमानाय रानस्त्राव मोखांनि आलाख'खौ नुमारैनो राव होदों,

“बहा थांनो आलाख' ?”

“अ ! आं बै माहाजोन्नावसो थांनो बाजै, रां एसे मोनबावनांगौखौ लायनो ।”

रावनोबो जेबो खिनथाया साननानैबो थाब बुंफ्रांबाय आलाख'आ । दनस्त्रिया बुंदों, “नखरनि खौरांफोरखौ मालायनो लाइ-लाइ दाखिन्था । फेसा मेगननि दायनाफोरा खोमाखौबो जेब्लाबो खखा सानायबायदि सानानै दोनो । थोंजों थांनानै थोंजों फैफिन ।”

“माहाजोन्नाव मानि रां मोन्नांगौ नोंहा आलाख' ? खोनादों, हाखौ नों बिनो नो बनदक होजोब्बाय । मैयासो नोंदा जालाख'आ जौ फेस्त्रोनायजों गाबगुलायनानै खिनथालांदों आंनो । इनाइनो दुखु नांधारदों बियो । माथो जामारदों दनस्त्रिहालाय ?”

“बे सैमाफोरानो जोंखौ बेबायदि हालाय हाफाय खालामदों आरो गाबफ्ला लायफैबावदोंसो

बियो ?”

रागा जोंखांबाय आलाख'आ।”

“मा बुंनाय जादों बुजियाखैसै आं। आं सानो नोंसोर नखरनैनि गेजेराव माबा मोनसे गोरोनथि सान्नाय सोमजि थारदों। खैफोदआव गोग्लैनाय समाव जेंनाफोरखौ गुबुनजों सावरायोब्लासो रहानि लामाया फैयो आलाख'। हारसिडै लाखुमानानै हाया। दनस्त्रिनि लोमजानायखौ नोंसिनाव थानानै खौरां लाहैनोसो सानबाय थादोंमोन आं।”

गामिनि लेखा फरा गोरों हिनजाव आबारिया। गामि आरो समाजनि मोजांनि थाखाय जेब्लाबो सानग्रा गोख्रों साहसनि आइजो बियो। गुबुन्नि निदान सिदानाव गोसो बथाबनानै थानो हाया। गाव हानाय सिबांखौ बयनोबो हेफाजाब होयो।

गोथौ लैथोआव गब'नानै बोरि मोनस'थै मानसिया रोमै-रोमै हाब्रां नुहरुनाय बायदि दावबावनो गांखं रुवाइनाय आलाख'आ सानस्त्रिनो बोलो मोनफिनदों आबारिनि रावाव। दुखु नांनाय गारांजों बुंदों-

“गैलालै बाजै,आंनि संसारा लान्दा-खान्दा जालांजोब्बाय। बे पापि बिदा बिबाजैनि थाखायनो आंनि स'नानि नख'रा थेर बेथेर जाजोब्बाय।”

“मा बुंनाय जाखो आं बुजिनो हामाराखै आलाख'।”

“बुंन्लाबो जारला बुडब्लाबो जायालै बाजै। गावनि असे बिदा बिबाजैआनो इसिग्राब

गाज्जि गोसो लानानै जोंखौ हालाय-हाफाय खालामबाय। साब्रै साबा अजा हमबाय बयबो न'खाथियावनो दड'ल' होन्ना बुडे। बेसेबां स'क बुरबावनो? बुरगासेयावनो रोजा रोजा रां खर'स जायो। बान दानजानाय फुजा फानिनि खरसखौथ' दोन। स'कखौनो गोदान गोदान हरफिनबाय थायो, रांबो मानसिबो मेंगिलजोब थारबाय आं। जायगाखौनो गारनानै थानो गोसो जायो आंहा दिखवार नांन्ला।” बुंनायजों लोगोसेयैनो हांमा सुरस्रोलायो आलाख'आ। आबारिया सानदों, बेयो इनाइ, जोबोद गेदेर इनाइ। जाय गावनि असे बिदा फंबायनि सोमोन्दैबो बेबायदि सान्नाय लाबोयो.....! गुरैयै बुंबाय बियो

“नोंसोर जेबो सानाब्ला आं दनस्त्रिखौ खेबसे नायनो लुबैदों, थु आं नोंजोंनो थांफागोन।”

“बाजै आं माहाजोन्नाव रां लायग्रोगौमोन।” आलख'आ गोनो गोथोयै बुंदों।

“दे बिदिब्ला नों लानानै फैग्रो आं ओंखारनानै थागोन।”

न'आव सफैनानै दनस्त्रिनि हालोदखौ नुनानै जोबोद दुखु मोन्नायजों लोगोसे रागाबो फैदों आबारिनाव। दानि एफाबां जौगानाय सुबुं समाजनि गेजेरावबो बेबायदि सानगोथे नोजोरजों संसारखौ नाइयो...? अजा बेजानि बाथ्रा लानानै डाक्टरनाव थानो गियो सोर आंगो सोर सुथुर सिनायनो रोडै जायो। रानज्जिं खुज्जिं दनस्त्रिनि खाथियाव जिरायनानै गुरैयै सोंबाय बियो,

“दनस्त्रि माब्लानिफ्राय लोमजानाय नों? सोर डाक्टरजों नायजाखो ?”

“डाक्टरनि गोबां मुलि जाफैबाय आब’ हामनोसो रोडखै। लाइनआनो दकटरनि नडनो। मुलि जाब्लानो बारासो जायो। नखराव मैला थायोब्ला मुलिफोरारबो खाथियानो।”

“मुलिखौ दकटरजों नायजानानै जादोंसै नों दनस्त्रि ?

“नायजानायालाय नायजायाखै आब’। हरेस्वर फारमासिनि मुलिजोंनो हामनांगौबा गोबां मानसियानो हामबाय। आंनियाल’ हामनो रोड। मेगन गोसाफ्रानो खस्थ मावनानै जानायखौ नायनो हायाब्ला...आब’। गिलु बालु फुजा होबाय स’क बुरबाय, मालाय गोदान गोदान हरफिनबाय थायोनो। दानि जुगाव नखरनि होन्नानै रावखौबो फोथायनो हालिया”

आबारिया दान्दिसे सिरियै सानहाबदों, मा रावजों बुजायनानै आलाख’ आरो दनस्त्रिनि गोसोनिफ्राय खोमसि फोथायनायखौ होखारनो हागोन बेनि राहा नागिरखोमायो बियो गोसोजों सिरि सिरि। बेनि उनाव लासै लासै बुडे-

“नोंसोर आंनि बाश्राखौ एसे गोसो होनानै खोनासंनायसै दनस्त्रि, खैफोदनि समाव जों बाश्राफोरखौ मोजाडै-सानै हयै खामानिफोरखौ मावनांगौ जायो। नोंसोर अजा बेजानि बाश्राखौ फोथाय दाफोथाय आंहा बुंनंगौ गैया। नाथाय हालोद आरो थासारिखौ नायनानै राहानि जगारखौ सम थासान्दियाव लानो रोंनायासो गोनांथार। नोंनि देहाखौ नायब्लानो बुजिनो हायो नोंनो दा सासे डाक्टरनि गोनांथि दंथारसै। बाइग्रबलानाय देहाखौ डाक्टरनो खेबसे दिनथिनानै बोखानानै लाग्रो। बेनि

उनाव नोंसोर मा खालामो खालामबाय था।”

दनस्त्रिया मेंनायनि गोलाव हांमा सुरनानै बुंबाय-

“आंहा जेबो राहा गैलानो आब’। मोनसे गेदेर फुजा ओंखार बावदों। बेखौ होआब्लानो आं फंबायनि लामाखौसो लासिगोन्नो।”

दनस्त्रिनि फंबाया किटनि गात्रि जानानै थैदों। बेजों दनस्त्रिनि बेमारहालाय मा सोमोन्दो जालायखो ? सानदों आबारिया।

“दानि जुगावबो नोंसोर मानो एफा गिदिर गोरोनथि मावो ? डाक्टरनो बेमारखौ मेसिनाव रोखा रोखा नुब्लाबो बेमारिखौ गोसो फोथांनानै लाखिनो थाखाय थैसिगोन होन्ना खिन्थाफेरा। बे अजाया नोंनि देहा सिडव मा बेमार जादों नुवाजासे बोरै बिदि बुंनो हाखो ? डाक्टरनि अनगायै इसिबां अ’जा होसोयै होसोयै हा-हु मालायनि आखायाव दोनजोब्बाय। नोंसोरनि जीउ संसाराव हाबखावनानै बुंनो आंहा मोनथाइ गैयामोन। अब्लाबो खैफोदखौ नुब्ला आं एरायनानै थानो हाया। दनस्त्रिनि हालोदखौ नायनानै बिनो दा सासे डाक्टरनि गोनांथार आलाख’। सम थानायावनो मोजाडै सान्नानै नाय।”

“आंलाय माथो बुंनो बाजै ? लोमजाग्रायाबा मा सानो.. !”

“नड आब’ फुजा ओंखारनायफोरखौ होग्रो जोबाजासे हाखु-दाखु डाक्टरनाव थाडोब्ला गिनांगौनो। फुजाफोरखौ होस्त्रानानै लाग्रोनोसै।”

दुफायलु गोसोजों बुंदों दनस्त्रिया।

“दे बिदिब्ला नोंसोरनि गोसो।”

“फुजायानथ’ माब्ला जोबगोन! माथो होजोब खांथारब्लाबो गोदान ओंखारफिनबाय थायो।”

आलाख’आ गोसो बायनाय सुरै बुंदों।”

“बेमारा हाम-दाहाम बेमारिया जिउ जोबागौमानि फुजाया बिसोरनि मेगनाव गेलेखांबाय थायो आलाख’। मोनसे समाव आंबो नोंसोर बायदि जानानै मेंग्लिनांदोंमोन। बोराइ बाथौआ अनामोनब्ला आं दाहालागै हाजोंसो गोरुब लांसिगौमोन। बेनिखायनो आं दा इसोरनि अनगायै रावबो अजा-बेजानि खोथाखौ फोथाइया।”

“मा जदोंमोन आब’ नोंहा?” दनस्त्रिया गोसो होनानै सोंफामदों।

“इसोर खौ जों गावबागावनि फोथायनायनि गेजेरजोंसो मोन्नो हायो। जों गोसो गोर्बोंजों गाबजिनो रोडेब्ला जोंहा बयहाबो गावबागावनि न’आवनो इसोर दंखायो। आरो बे इसोरनिखुय देरसिन एबा गोहो गोरसिन रावबो गैया। इसोरखौ गोजोन होनो हायोब्लानो जों गासैबो खैदां खैफोदनिफ्राय बारग’नायनि मोनसे नड मोनसे राहा मोनो। अब्ला जों गावनि नख’रनि इसोरनि सायाव फोथाया जासे गुबुननि सिबिनायाव इसोर नागिरहैब्लालाय बोरैथो इसोरनि अन्नायखौ मोन्नो हानो?”

“जों गाबजिनो रोड आब’ सिबिनो रोड। बोरै सिबियोब्ला इसोरा गोजोनगोन!”

“नोंसोर आंनि बुंनायखौ फोथाइयोब्ला आं नोंसोरनो मोनसे लामाखौ होनो हायो। जाय लामाजों आंबो रैखा मोनदों। मोनथिगौ

नोंसोर? आंनि फिसाज्ला उनदै समाव आंनियाव मोनसे बेमार जादोंमोन। देहानि थैया हारसिडैनो खमायलांबाय थायोमोन। दानब्रै दानबाजों थै सोजाबाय थानो गोनां जायोमोन। गोबां रां गारसेयावबो उनहालागै थै सोनो हानाया गोब्राब जादोंमोन। मानोना थै होग्रा मानसि मोनोब्लासो थैखौ बायनानै मोनो। बेबायदि गोब्राब जेंनाखौ नोंदानि सायाव दोन्नानै थांना थानायखौ खहाबनाय गैलामोन आंहा। फारसेथिं आंनि देहायाव नांगौ समाव थै सोनो हायाब्ला देहाया लोरबां जायो। आंनि बेबायदि गोब्राब बुब्लियाव रुबिला मुंनि सासे मानसिया आंखौ नायनो फेदोंमोन। रायज्जाय होनज्जाय बिनि सिगाडव आं बुंदोंमोन-

“इसोरा सानबेसे लाखिबावो बेनोसै। गथ’ सासे गालांनानायनि दुखुल’ थांफासिगोन आंजों।”

मोदै ज्राम ज्राम आंनि बुंनायाव आख’फाख’ जानानै बियो बुंदोंमोन-

“एफाग्राब गोसो बायनो नाड आब’, नोंनि मुडै आं बाथौ सालियाव मान बावनानै दोनगोन। इसोरा नोंखौ नायफिन थारनांगोन। नायबायल’ था नोडे, नों हामनानै नोंनि बे आखायजोंनो इसोरनो प्रसाद बाउहैथारनांगोन नों।”

बिनि रावखौ मिनिदोंमोन आं। जाथावथारै मोन्नानै। थेवबो बिनि गोर्बो सिंखावनानै आंखौ मोजां मोन्नायनि मुडै मेगनजों उरसिबोनाय रथ’ रथ’ मोदैखौ नुनानै हेंथा होनो लुबैयाखैसै आं।

सानदोंमोन आं, बाराथारब्ला दानसे एबा

दान्नेल' थासिगोन । ब्लद बेंकआव थै जमा होग्रा मानसि मोनैनि थाखाय आंनि देहायाव थै सोनो मोनाखैसै । सोनांगौ समाव थै सोनो मोनाब्ला देहाया जोबोर लोरबां जायो । आंखौ थैजानो गिसोगारोमोन नोंदाया । बियो आंनो गले गले थै होबाय थानायखौ आं हेंथा होसेयावबो खेबसेबाव गावनो थै होनो थाखाय आंखौ जर जुलुम दैखानानै लवार आसामाव लांदोंमोन बियो । आंखौ सेकाप खालामनानै डाक्टरआ गोमोहाब्बाय, बुंबाय-

“गोमोथाव....! थैनि रेन्सआ खमाइयाखिसै । दा सोथ'वाब्लाबो सोलिगोन । थानाय बाराव हरनाय मुलिफोरा खामानियाव नांदों जानांगौ ।”

गोमोबाय जों सानैबो । मुलिफ्राथ' गासैबो एखेयानो, मोनसेल'सो सोलायना हरदोंमोन..! बबेखानि आं देहाखौ लोरबांबो मोनथ' खायाखैमोन । नोंदायासो सम जानाय लोगो लोगो गिनानै लांखाबायदोंमोन ।

न'आव फैनानै नुफैबाय रुबिलाया जोंखौ जोंनि नआव नेगासिनो दड'मोन । जोंखौ नुस्लाबमोनै खुसि खुसि मिनिनानै बुंबाय-

“बाथौसालियाव बोर बिनानै साखि मोन्नाय सासे मानसिया इसोरनो प्रसाद बाउहैदोंमोन आब' । जों सिबियारिफोरनोबो मेथाइ जाहोहैदों । आब'खौ गोसोखानानै जानो खहाब बायगोनखोमा सान्नानै प्रसाद एसे आरो मेथाइ एसे लाबोदों आं ।”

जाथि नड खुरमा नड बि मानसिनि गोथार गोसोजों आंखौ अनसाइनायखौ नुनानै आंनि मेगनाव मोदै गदोंमोन । थानाय बारनि फैनायाव

बिखौ सिनायनो रोंलामोन आं । दा नाथाय बिखौ नुजेन्नायावनो रोखायै सिनायमोनदों ।

“होमब्ला नों आंनि मुडै इसोरनाव आरज गाबहै मारदों रुबिला?” मोदै ज्राम ज्राम सोंदोंमोन आं ।

“औ आब' । नोंदि आंखौ सानसे समाव गेदेर खैफोदनिफ्राय रैखा खालामदोंमोन बेखौ आं बोरै बावनो ! मंगलबार खेबाफ्रामबो आं बाथौसालियाव गय फाथै आरो बिबार बावनानै आर'ज हानजाफोरनि खुगाजों नोंनि मुडै निदाननि आर'ज लाहोबाय थादों । आरो बेल' नड नोंनि थाखाय आं सान मोना बाथौ मोनथिनाजों गाबख'बाय थायो । नों थाबैनो हामगोन आब' । बोराइ बाथौनि सायाव आंहा गोख्रों फोथाइनाय दं ।”

गावनो फरफर बुंलांदों रुबिलाया, मेगनाव मोदै ज्राम ज्राम लानानै । गोमोनायनि अनगायै बुंनो राव मोनाखैमोन आं बैसानखालि । गोसोजों गोसो बेखौल' सानबाय थादोंमोन-

“आंनि देहायाव थै सोनाडैनि गुबै जाहोनाव रुबिलानि इसोर सिबिनाइयानो गोहोम खोख्लैयाखैथ'...!!”

सासाज्राडै नायोब्ला इसोर होन्नाय जेबोआनो गैया । नाथाय नुवाथारिया सैथो आरो गोथार गोसोजों गाबज्रियोब्ला सोरबा सासेनि हेफाजाबै गावनि अननायखौ होयो । गोमोथावदि बेनि उन्निफ्राय आंनि देहायाव फिन थै सोनो गोनाथि जायाखैसै । बै दिननिफ्रायनो आं रावबो मोदाय दावदायखौ खुलुमबोआखै । न'नि सिथ्ला

ख 'नायावनो बाथौ गुदियाव इसोरखौ सिबियो आं । नोंसोर फोथाया जानो हागौ, नाथाय आं जायखि जाया जेंनायाव गोग्लैब्लानो गोसो गोरबोजों इसोरखौ गाबज्रियोब्ला बारग 'नायनि राहाबो मोनो ।

रुबिलाया आं सिख्लायाव जोंहानि हजों नआव रुवाथि थानाय सिख्लासा देलोंलोंमोन । सानसेखालि बेलासियाव रावबो गैथैनि सुजुग लानानै न' खाथिनि बन्दा बालन्दाया रुबिलानि रास्लाबनो मोनै रुइदोब देहानि गोथारथिखौ थेर-बेथेर खालामदोंमोन । लाजिनायखौ सहायनो हायैयाव गोदोनायाव दिरुं खास्रोदनानै थैनो ओंखारदोंमोन बियो । थाखथि नुसन्नानै रैखा खालामदोंमोन आं बिखौ । जिउनि गोबां खोथा बुजायनानै बिनि गोसोआव थाना थानायनि मिजिंक लाबोफिन्नो हादोंमोन । उनाव सासे मोजां सेंग्राजों हाबा जालाडे बिहा । जोबोर अनलायो फोथाइलायो बिसोर सानैजों । बिसोरनि संसारा खुसि । बै समनिफ्रायनो रुबिलाया आंखौ गारनो हाया । बोराइ बाथौखौ मैखोम फोथायो आरो सिबियो बियो । बियो बोराइ बाथौखौ सिबिनायजों गोजोन होनानै गाबख 'यै बिख 'यै आंनि जिउखौ फोथानानै लाखिनो हादों होन्नानैनो आं सानो । नडब्ला मोनथिगौ नोंसोर ? साबैसे अ 'जा दकटर हमाखैमोन आंलाय ? बेसेबां फुजा-फानि होआखैमोन.. ? रैखानि मिजिंखौनो नागारबायमोन आं । नाथाय रुबिलानि इसोर सिबिनाया लवार आसामनि मोनसे मुलिजोंनो गासैबो सोमोनांथाव रोखोमैनो जाफेरै जाथाय फोलिहोदों आंनि जिउआव । बै दिननिफ्रायनो आंबो सानफ्रामबो बोराइ बाथौनि

मुडै आलारि बाथि फोजोंनानै इसोरखौ खुलुमो । जायखि जाया जेंनायाव गोग्लैब्लानो बोराइ बाथौनि मोनथिनाखौ गोसोआव आवराइयै आवराइयै गावखौ इसोरनो बाउसोमनायावनो आं गासै जेंनानिफ्राय बारग 'नायनि राहाफोरखौ मोनबोनो हादों ।”

आबारिया मोदै ज्राम ज्राम जानानै दानदिसे सिरि थायो । आलाख 'आ बुडे,

“बाजैनि बुंनाय बायदिब्ला नोंनि बेमारखौ बोराइ बाथौवासो फाहामदों ?”

“बेबायदि नड आलाख' । गोबां समाव जों इसोरखौ सुंग्रिनो रोडैयाव मा समाव मा मावनांगौ बेनि गियान गोमायो । बेबायदि समाव सैथो गोसोजों इसोरखौ सुंग्रियोब्ला गमामा जों मोनसे नड मोनसे राहानि लामा मोनो आरो बेनो इसोरनि अन्नाय ।”

“नाथाय जों बोरै मोनगोन आब' इसोरनि अननायखौ ? जोंहादि इसोर गाबज्रिनायनि गियानानो गैयाब्ला !”

“नोंसोर आं जेखौ बुडे बेखौ मानिगोन ?”

“मानिगोन आब' ”

“जोंनि बाथौ सालियाव सिबियारिफोरनि गारांजों निदानगिरिफोरनि थाखाय इसोर सुंग्रिनानै आर'ज रोजाबो । नोंसोर फोथायोब्ला नोंनि मुडै गय-फाथै मान बाउनानै नोंनि राहानि थाखायबो गाबख 'गोन । गोथारि, आसारि, दौरिफोरनि इसोरनि मुंजों बानायनाय ल'थानि दै गोथारजोंनो नोंनि सोलेराव नांनाय गासै माया, बान, गाज्रि बार, भाव-फेसन नांनायफोरखौ होखारगोन । बे दै

गोथारखौ नआव लाबोनानै सोरगिदिं सारस्त्रानानै लायोब्लानो जेबो मोदाय-दावराय आरो गाज्जि गोहोफोरा थावरिनो हाया । गोमोथाव गोहो दड' बे दैसान्थियाव । बेनि उनाव नों डाक्टरनाव थांनांगोन नोंनि लोरबां देहाखौ राखां होफिननो थाखाय । नायल' नों गासैबो थिग जागोन ।”

आबारिया बुजिदोंमोन दनस्त्रिया बे समाव थोंजोडै दकटरनाव थांनायनि साश्राखौ गनायनानै लानाय नड । बेनि खायनो बियो गिबियावनो बे हाबाफारिखौ मावग्रोनो नांगोन सानबाय ।

बाथौ सालियाव आर'ज रोजाबगिरिफोरा गावनि निदान्नि थाखाय दुखुथिया गारांजों इसोरनि सेराव गोसो गोर्बो बावसोमनानै आलावरि बिलावरि आर'ज रोजाबनायाव जोबोत गाबदों दनस्त्रिया जेन' गोसोआव माराम जानानै थानाय गासै मैलाया गोर्बोनिफ्राय बोहैखार बोदोंसो दैसानि महर लानानै जिरि जिरि । इसोर सिबिनायनि गासै हाबाफारिखौ फोजोबखानानै दौरिजों लोगोसे सानैसो गोरों गोरा सानसुमै फोरा दनस्त्रि आरो आलाख'खौ गोथौ गोथौ गियान बोसोन होनानै खोमसि फोथायनायनिफ्राय सोराडव लाबोनो हादों । बिसोरनि गोसोआव गिनाय आरो जाथावै साननायफोरखौ होखारनानै थार आरो सैथोखौ लासै लासै बुजिहोनो हादों । गाहाम दकटरजों नायजानो थाखाय गले गले सुबुरुन होदों । बिसोरनि रांखानथिनि जेंनाखौ मोनदांनानै बिसोरनो बयबो जि थाइसे लोगो आव लांफानाय गावसोरनि रांफोरखौ जाय फारा फारि दनस्त्रिखौ दकटरजों नायजानो थिननानै दान हरदों ।

गोसोखौ जोबोत रेजें आरो सोरांनाय मोनदों दनस्त्रिया । दानिया बियो खावालिखौ नुब्लाबो गिलिया । डाक्टरनाव थांफानो आबारिया सोलाबाखैसै । आलाख'आबो गल'-गथ' जेबो रोंथारा । आबारिया बुजायनानै होदों-

“खावालिया हारसाबो गोरों,साहस आरो सोलोबो गोरा, बिखौ लांफानायानो गाहाम जागोन ।”

आबारिनि बोसोन बायदिनो जेबो गोनो गोथो खालामा जासे बिखौनो लांफादों दनस्त्रिया । बेबायदि निदान्नि समाव खावालिया बिया जासेनो दाव, अमा, बोरमा फान्नानै गावनि गोनांथि समनि थाखाय थिनानै दोन्नाय रोजासे रांखौ दनस्त्रिनि बेमार नायनो थाखाय गोसो खुसियै दान होदों । गाव मोनथिस्लाबै मोदै र' गदोंमोन दनस्त्रिनि मेगननिफ्राय । दकटरा थैनि आनजाद नायनानै बुंदों, “टाइपयेड जादों । जनदिसबो एसे दंदेरो । बेबायदि जायोब्ला खायफा मानसिया गोब्रामला बायो आरो गाज्जि गाज्जि सान्नाय फैयो । खायफाया गोसोआव जि सानो बेखौ मेगनजों नुनायबो मोनो ।”

दनस्त्रिनि लोमजानाया हामबाय । टाइप'येड आरो जनदिसआ जारुवा मुलिजोंसो रोदि थैयो होन्नानै खावालियानो गोसो गुदुडै गाव मोनथिखानाय मानसिनिफ्राय मुलि गोथां देनाय लायनानै होफैदों । थाब राखांथों होन्नानै गावनि दावसा देखुराखौनो मानिमुनि, जारि, जोग्लावरि आरो बानलु बोर्दोनजों जेब जेब बिदै फुदुंनानै दुंब्रुद दुंब्रुद लोंहोफैदों । सिमान जाया जासे थानो

हायाखैसै दनस्त्रिया । अजाफोर बुंहरनायखौ लानानै खावालिकखौ गावसोर दायना सानफलांनाय बाश्राखौ खिनथानानै गाबगु खुगु निमाहा बिदों । खोनानानै गोमोहाबबाय खावालिया । मेगन गिदिर गिदिर दिनथिनानै बुंबाय,

“अह! होमब्ला बेनि थाखायसोमोन नोंसोर आंखौ नुब्लानो गिनानै थाखुमाग्राया ? मोनथिगौ नोंसोर खेबसे दायना होन्नानै सानजानाय मानसिनि खाफाला बेसेबां गाज्जि.. ? आबौवा खुगा गोरामोन । बेनि थाखाय मानसिफ्रा न'डगारा बिखौ दायना होन्ना मुं सुबोबाय, अन्नाय खान्नाय गैया जासे खास्त्रि बिस्त्रि बुथारबाय । दायना बुंजाग्राया नड होन्नानै दिनथिनो जेबो फोरमान गैया । बेनिखायनो बियो खेबसे बे बिमुंजों बुंजाब्लाथाय बेखौ हुखोमोरनायनि जेबो राहा मोना । गावनि फिसौ फिथायसिम बे मुड थालाडे । दिनै आबौनि मुंजों जरायनानै नोंसोर आंखौ दायना साजायनाय बायदि सानसे समाव नोंसोरनि फिसाफोरनियावबो बे बिमुंआ फैगौमोन “बिमायंआनो नोगोद गोरों खाथारमोन्नो होन्नानै । अब्ला नोंसोर मा खालामगौमोन.. ? सिंह! नोंसोर आंखौ माबोरै बिब्दि साननो हाखो बेखौसो गोमोबाय आं । जायखौ आं नखरनि सान्नानै अनोबो राइयोबो बिसोरनो आंखौ बिब्दि... सिंह... !”

खुगा हमथुमनानै गाबनानै नफारसे खारलांदों खावालिया । दनस्त्रि आरो आलाख'आ थांफानानै बिनि आइथिंआव हमनानै गाबै गाबै निमाहा बिनानै बुडे-

“दहायलै बाजै स'ना, अजानि

बुंहरनाय बाश्राखौ लानानैनो जों नोंखौ गोरोनथि सानफ्रांदोंमोन । बाजै आबारिया सैथोनि लामाखौ दिनथिनानै गोथार बाथौसालियाव लाडामोनब्ला आडे दनस्त्रिनि जिउखौबो लाखिनो हानाय नंल्यामोन आरो नोंखौबो दायना नड होन्ना फोरमान मोन्नाय नंल्यामोन । नों सैथोलै बाजै, खुगा बाराब्लाबो नोंनि गोसोआ गोथार अनसुलि । निमाहालै बाजै, जों नेहातखौ निमाहा हो । दिनैनिफ्राय बोराय बाथौनि अनगायै रावबो अजा बेजानि खोथाखौ लानानै मोदाय सिबिलिया जों । नोंबो बोराय बाथौखौ फोथाय बाजै, बिसो नोंखौबो दायना साजायनायनिफ्राय रैखा खालामबाय ।”

मेगननि मोदै हुगारनानै गोमजोर गारांजों बुंदों खावालिया-

“आबौनि खास्त्रि बिस्त्रि बुथारजानायनि सावगारिखौ आं दासिमबो बावनो हायाखै दनस्त्रि । एफा गोबाव संसार जाबोनायनि उनावबो नोंसोर आंखौ माबोरै दायना होन्नानैसो सिनायखो ? नोंसोरनि गोसोआ माबोरै इसिबां इनाय बानाय साननो हाखो ?”

“बे दायनि थाखाय नों जोंखौ जिखि साजा होआ जों गनायनानै लागोन आब'थेवबो नों जोंखौ निमाहा होथारनांगोन ।”

बिसोर सानैबो खावालिनि आथिंआव गोग्लैनानै गाबो । खावालिया बिखायाव बोजबनानै बुडे-

“आं नोंसोरखौ फोथायबाय आरो निमाहाबो होबाय । मानोना नोंसोर दा थार बाश्राखौ बुजिनो हानायखायसो बे बाश्राखौ आंनो फोरमायफिनदों ।”

बै साननिफ्रायनो बिसोरो दिनैसिम बोराय बाथौनि सायाव गोख्रों फोथाइयो। लोगोसे गासै निदान सिदान आरो जेंनानि सोमोन्दै आबारिनो फोरमायनानै बिनि बोसोनजों सोलिनो नाजायो। गनै नखर एबा बिदा फंबायनि गेजेराव गोथौ अनलायनाइ फोथाइलायनाय सोमजिफिनो। बनदकआव दोनजानाय हाफोरखौ सुख 'नो थाखायनो आलाख'आ कमपानियाव खामानि मावहैदों। बिगानै सुख 'नोबो हाबाय दा बिगानैनि थाखाय नाजागासिनो दड'।

सिगांनि बेफोर बाथ्राखौ गोसोआव लाबोफिननानै हारसिनो देरहासादनायनि मिनिस्तु मिनिफ्राडे आबारिया।

“मा जाखो? जामबि बायदि माखौ हारसिनो मिनिबाय थाखो?”

आबारि फिसाइ रनसिंआ बिसिखौ हारसिडैबिब्दि मिनिबाय थानाय नुफैनानै सोडे। आबारिया गावनि बेबायदि हालोदखौ फिसाइया नुफैफ्रानायाव एसे लाजिस्तुनानै बुडे-

“एह! दनस्त्रि फैदोंमोन जॉनाव। फिसाजो लोमजानायखौ डाक्टरनाव लानो थिरहरदों आं

रोजासे रां हरनानै। आंखौ गुगुरुब खलुमनानै फेफे-फुफु गाबलांबाय “नों नडमोनब्ला आंहा मा जागौमोन” होन्नानै। जोबोत फोथायो दानिया बिसोरो बोराय बाथौखौ। बाथौआव बाउनो गइ लांफैदोंमोन आंनियाव।

“नंगौ आबारि, सैथो गोसोजों इसोरखौ सुंग्रियोब्ला बियो माब्लाबाबो जॉंखौ नेवसिनो हाया। बेनि फोरमान जानानै दड' नॉनि थांना थानायानो। आरो मानसिया अलखदआव गोग्लैनाय मानसिखौ मदद खालामनो हायोब्ला माबायदि गोजोन्नाय मोनो बेखौ नॉनियाव नुबाय आं। थांदोलाय दे दानिया जॉंहा साहा गोथाव फुदुंनानै लायदोलाय। नॉनि जादुगोनां आखायनि कापसे ज्रोम मोनलोंब्लासो मेंगाथारो आंहा, सानफामानि दिउटियाव जहाबनांनयनि मेंनायखौ।”

“दे! बुरखायनायावलाय नोंजों सोरथो हानो! जिराय जिराय मावनो मोन्नाय दिउटियाव मानोथो इसिग्राब मेंसोयो नोंहालाय?”

अन्नायजों बोराबफलानानै बिसंसालियाव हाबहैयो आबारिया बेलासिनि साहा फुदुंनो थाखाय।

समा फैमारासै

-साधना ब्रह्म

दिनैजों बोसोर थाम आबुं जाबाय फोरोंगिरि बिबाननिफ्राय आजिरा मोननाइया। नाथाय दिनैसिमबो गाव जेरै बायदि लुबैदोंमोन बे बायदि समा फैयासै। देहायासो सानफा एफा रबनो हमबोगासिनो। सानाय-सुनायफ्राबो बांनायनिफ्राय बांबोगासिनो। संसारनिफ्राय आजिरा लालांनो माथो बेसे गोबाव सम दंबावोफालाय! गावनि हान्थुआव भल्लिनि मलम फुनै-फुनै माबा माबि गोसोखां गोसोखां हारसिनो रायज्जायगासिनो अनु रानिया। बेबायदि रायज्जायफुबाय थानाय समावनो अरुणआ मोसौ लाउथिखौ खामसालिनि उखुमाव एगथेब फैयो आरो बिसि अनुखौ थांखिनानै बुंनायसै -

-“हा माथो हारसिनो रायज्जायबाय थाखो बिमा? आंहा हले गारमा रानथाबलायथारबाय। मोसौ खाहैना जोबोद मेंनाय मोनथारबाय आं। मेंगानायनि एसे साहाखौनो स्नाय लोंबावनोसै दे। थां फुदुहैदो थां बिमा।” बिदि बुंनानै दैखराव आथिं आखाय सुनो थांङ्गे अरुणा।

फिसायनि रावखौ खोनानानै जेबो बुंफिनालासैनो ओंखाम संग्रायाव थ्रोब हाबहैयो अनु रानिया, साहा फुदुंनो। गावबो साहा लोंफ्लेबाय थानो मोजां मोनखायो। दिनाव खन्थामा रुटिनखा आरो बेनि गेजेराव सोरबा आलासि - दुमसि

फैब्ला लोंफानाया आउट अफ रुटिन।

साहाखौ कापआव लुनानै लोगोसे फ्लेट गंसेआव एसे मुरि-सिरा लगायना लाना फैबाय अनुआ, खामसालियाव स्त्रें जिरायना लोंनो।

आखाइयाव मुरि-सिराखौ लानानै साहाखौ सुरुदखोनानै बिसि अनुनिथिं नायना बुंबाय अरुणा-

“साला मोसौ दामब्राया माब्लाबानो सिगां सिगां थांनानै थप्सानि बारिनि मैथाथिलियावसो थ्रोब हाबहैदों, खनासेमानि मैथाखौसो जाना होबाय, बिगुमाया नुस्लाबैखायसो, नडब्ला खाव खाव रायहरथारगौमोन बे थप्सानि हिनजावा। बारिनिफ्राय होरनना लाबोनो हालायबाय दानिया, धिरेननि औवासुं बारियावसो थ्रोब हाबहैलायबाय, खुनुरुखुमसो हुरुननो हादों। फोथारावबो गांसोआनो गैलिया, मोसौफ्रामालाय माखौ जाबावनो! लामा जिं जिंआव एसे एनै गांसो दंमोनलाय बेखौबो हनै लामा सेरनि हा बिगुमाफोरा माइ गायनायखौ जाजानो गिनानै हाग्रा थैनायनि मुलि सारना होजोबबाय। मोसौफोरखौनो गांसो गैयैखाय फिनो जारला जाथारबायलै बिमा। नों गाइखेरनि साहा लोंफ्लेबाय थानो मोजां मोनग्रा नड मोनब्लाथ’ माबा लांखायावनो फानजोबना दलर जिरायथारसिगौ आं। ओरैनो देहाफ्रा

बोरायलांबाय, खारनोबो हाला होसोनोबो हाला।”

औ नंथारगौ, आंल’ हारसिं साहा लोंखुबग्राखाय! माथो ओजों हजों दाबसेआव थांना फैब्ला गावहासो साहा लोंनो ख्लाब ख्लाब जाथारोलाय, दालाय माथो मोसौ खाहैनायनि एसे सिगांसो लोंनानै थांखानाय मानसियानो स्राय खनसे नागिरफिनदोंलाय।”

अरुणनि बाथ्रा जोबस्लाबनो मोनैआवनो अनुआ फिसायखौ थांखिना बुंबाय। सानैबो गावजोंगाव मोखांजों मोखां स्राय नायलायना मिनिलाइयो। साहा लोंनाय मुडव सानैजों खें जिरायना बायदि गोसोनि खोथा सावरायलानाय, बेनो बिसोरनि सानफ्रोमबो रुटिनाव थानाय मोनसे गोनांथार आयदा।

अरुणा दिनै मानोबा अनुनि मोखांखौ नायनानै गोजों नुवाखै। बियो मिनिस्लुदोंब्लाबो गुबुन सानफोरनि गेवस्त्रांडखै। जानांगौ अनुहा माबा मोनसे जादों। ना फिसा-फिसौफोरखौसो गोसोखांदों!, ना सिं सिं लोमजाबायदोंसो नामा! बिदिनो माबा माबि सानफुबाय थानायावनो अनुआ बिनि साननायखौ बाइहोयो।

“हा नुफेरै बायदि माखौथो फिसौ-फिथाइ मोनलायनानैबो सेंग्रा गोरलै बायदि मोखांआव गल’ल’ नायबाय थाखो नोंलाय? ना गावखौनो सेंग्रायैनो दं बायदि सानगासिनो नामा नों? दे मा इंखि जानो खिन्थाखादो, थाब फोमोननानै जिरायनांगौ आंहा। सानाय सुनायजों देहाखौ इसेबो मोजां मोनथाराखै आं दिनै।” जंखायनाय फावैनो बुंबाय अनुआ।

“नंमारगौसो आं साननाया! देहाया थिक नंमारा अनुना।” सानदोंमोन अरुणा। थेवबो गोसोखौ स्रां मोनथों साननानै बिसिखौ थांखिना बुंबाय अरुणा- नों सेंग्रा सानब्लानो सेंग्रा, नों बोराय साननालाबानो बोराय। बेयावलाय सोर दं जोंखौ नायग्रा जोंनि बाथ्रा खोनासंग्रा; दड’बोला खालि बे सोरगिदिं बेंखननाय न’बां, खामफ्लाय द’ख्ला। दे बिमा, नों मा संनो गोसो जादों गोसोबादि संदो। अरुणा फिनदोंमोन।

अनुआ लोंखानाय साहा कापखौ लानानै ओंखाम संग्रायाव लासै लासै आगान सुरना थाबाय लाडे। अरुना बिसि थांनायथिं नायहरना आरोबाव गावनि सानस्रिआव ग’ब’फिनो। बेसे गोजोनथावमोन बै बुब्लिया जेब्ला अनुजों आं लोगो मोनज्जलायजेनदोंमोन! गुफुर हाइलो लो, मोखां जंज्जिद-ज्जिद, मुहिनि नांहोनो हानाय मैनि बायदि मेगन, जान्जिसे औवास्लद खानाइजों बेसेदि समायना नुयोमोन ..आय! बेनिखायनोथ’ आं बोदोर जाथारोमोन, जेब्लाबो मोननो हास्थाय खोमायोमोन। बेनि थाखाय सान-हाथखिखौ थुख्लायना होनो सानोमोन। बेखौ नुनानैथ’ सुजुजेननो रोंदोंमोन आंनि गोरबोआ खन्थाइ। मोन्दांनो हादोंमोन माखौ बुडो गोसोथोनाय। हमथाहायै गोसोआ बेखायनो रेबगननि निजोराजों बोहैगलाय होदोंमोन बिनि मुडै खन्थाइनि गेजेरजों मोजां मोनायनि गिबि लाइजाम। जाय लाइजामनि खन्थाइया आंनि मैखुन मावखांनायजों दासिमबो सोमोन्दो दं, जायखौ आं गोसोआव खोख्लैब्लानो गावखौनो बै गारबोनाय बुब्लियाव गसंना थानाय

बायदि मोनो, जायखौ सानहरफिनना गोसोआ रंजाखाडे, गोजोननाय मोनो। आय! मादि बैसोमोन बेयो, बावनो हायै, गोसोआव फैयो दाबो जाबा-जुबा गिबि लिरजेननाय लाइजामनि खन्थाइ सारिफ्रा फारि फारि -

नै अनजालि,
 आनि गोरबोआ लुबैदों लानो नॉनि गोरबोनि रादाब,
 हमदांस' हायाखै-
 बैसोआसो थिनदों,
 ना गोरबोआसो लुबैदों!
 जावलिया बोदोर मोनो गावखौनो मानोबा हाबाब!
 जेब्लाबो जालांदों गोसोआ बेड्ड बेड्ड,
 लांदां गोरबोआ जादों जेरावबो गोजोना गोजोना,
 नागिरबाइयोल' मेगननि नोजोरा जेरैथिंबो नॉनिल' महर।
 माब्लाबा आंगोनि सिमांखुंग्रि जानानै,
 गेलेफैयो सिमांआव नों गुलि गुलि;
 नाथाय, मोगथांआव थायो नों मानो गोजानाव,
 आनि आनदो आनदो लाजिस्तु महरै।
 नोंखौ नुयोबोला सोलेराव आनि बिलिर फैयो सुदेम बार,
 नॉनि राव खोनायोब्ला जेरैथिंबो गोजोन देंखो रिसारो।
 जानांगौ बेखौनो होनो खोमा मोजां मोननाय!
 जानांगौ बेखौनो होनो खोमा गोसोथोनाय!
 बेखायनो आं,
 हास्थाय खोमायो सिरि सिरि
 संसारनि गुवार लैथोआव
 जावलांनो आनि जिउनि दिडाखौ
 गोरबोआव नोंखौ फज'नानै।
 नॉनि गोसोआव दा मा सानो? मिथिनो लुबैयो बे आनि जावलिया गोरबोआ,
 नों गाज्जि मोनोब्ला इसारा हो आंनो,
 गोरबोनि खोथाखौ गोरबोआ बुजिना लागोन ;

फंसे खोथाखौ नाथाय आं बुंना लाखागोन दि -

गैथ'वा दा आंहा साखि-बाखि

दड नाथाय खालि गोरबोआव बुंजासे अननाय आरो अननाय ,

नों जुदि आजावोब्ला

नोंनि अननायनि बोलोजों

सोरजिगोन नांगौमानि आं जेखौबो,

होगोन नोंनो नांनाय मानि गासैखौबो,

लुगोन गोजोन अननायनि देरा जेराव थागोन नों आरो आं लोगोसे जोंनि इयुन संसार”

थिनथ्रिं-थ्रां थ्रां, गोबारै माबा मोनसे गोग्लैनाय सोदोब खोनानानै अरणा बागदावखाडो आरो बेनि सानबोलावरिया हरखाब थुंगेयो। “मा जाखो? मा गोग्लैखो बिमा? आंहासो बागदावगुलायथारबाय, थु थु!” बिदि होनना गावखौनो मुजुफरना लायो अरणा।

बोरायनायखायनो बिख्लो गोबा जामारबाय बे बोराइया। बे काप गंसे आखाइनिफ्राय आगोमोरना गोग्लैनायखौनो, माखौबा एसेबां बागदावनांगौ जाखो! काप बायनायखौ सिबखांना गारनो थाडै-नो फिसायखौ थांखिना बुंबाय अनुआ।

नंगौबो, बोरायबा बुरैबा एसे एनैखौनो बागदावग्रा, गिग्रा, उन्दै गथ'फोर बायदि बोराबग्रा, मोनजायै बेसादखौ जानो लुबैग्रा जालाडो। बे बैसोआव बांसिन फिसा-फिसौफोरजों रंजा-बाजा ग्रोम-ग्रोम समखौ थांहोनो लुबैयो। आंगोफोरनि अननाय नागिरो, गावखौ अनसाय जानो लुबैयो। नाथाय बेबायदि बरादा बयहाबो बहा? बिदिनो बरादा, अरुण आरो अनु मोननाबो- गोजौ फरायसालिनि फोरोंगिरि बिबान मोनखांनायनि उनाव गावसोरनि लुबैनाय

बायदिनो जुलि लानो मोनदोंमोन। जुलिनि बोसोरसे उनावनो फिसाज्ला बारफु आरो बेनि बोसोरथाम उनाव फिसाज्ला, खिलिफु आ जोनोम मोनो। सासे फिसाजो मोनबावगोनखोमा साननानै आरोबाव सासे गथ'खांबावनो गोसोथारमोन सानैहाबो नाथाय खाफाल जुफियासै। बे गथ'सानैखौनो ख'ख' मोस्रोम जोसि जोसि जोथोनै फेदेरबाय, फोरोंबाय इयुनि गोजों सिमां लानानै सानैजों। फिसाफोरखौ गावनि आथिडव गसंथानो हानाय खालामनो नाजानायावनो नाजानायावनो माब्ला माब्ला बैसोफोरा बाबेनलांखो थालखौनो मोनलायथाराखै अरुण मोनहा। जुलि जाखांनायनि दानसे उनाव अनुआ फिसाइनि सिगाडव बिरखं गाखोनानै जेरावखि जाया खेबसेब्लाबो बेरायहैनो गोसो जानायखौ फोरमायदोंमोन। अरुणाबो बिसिनो फुजानि बन्दआव थांगोन होनना खोथाहोदोंमोन नाथाय दानसे उनाव मिथिनो मोनबाय अनुआ मोदोमाव दं, बेराय हैनो साननाया फेलें जाबाय। दानिया सासेनि उनाव सासे गथ'फोरा सानै गोजों समब्रा समब्रि जाबाय, संसार जानाया मुखुबसिन जासिनबाय। देनां गथ'फोर देरब्ला बेरायहैनोसै

सानना थाबाय सानैबो नाथाय गथ 'फोरा देरनानै जेब्ला सहराव कलेज फरायनो सानैबो थाहैयो हारसिं बिफा हारसिंनि दान बान्थाया थोआ थोआ जालांबाय। सहराव कलेज फरायनो थाहैनानै फिसाफोरनि आखल आखुफोरा सोलाय जोबबाय। नांगौआनो जोबनो रेंला। फिसाज्ला गेदेर बारफुआ बि.ए .उथ्रग्रोमोनानो गाव थानाय न' मालिकनि फिसाजोखौ मन्दिराव हाबा खालामना न'आव लाबोबाय, बिहामजोआ उन्दैनिक्रायनो सहराव देरनाय, गामिनि बारहावाजों गावजों खाब जानाय मोनासै, गावनि बिमा बिफानि न'आवसो थाहैफिनबाय, फिसाइयाबो बिसिनि उन उन थांफाबाय। बोसोरनै उनाव फिसौबो मोनबाय अरुण मोनहा। नाथाय फिसाज्लाया बे समहालागैबो साखियानो गैया बेखार, थाखा फैसा आखाइयाव गैयाब्ला बिमा बिफानावसो सोफै सोफै खालामफैग्रा जाबाय। फिसाज्लाखौ अननानै दानफ्रोमबो बिमा-बिफायाबो थाखा फैसाखौ हरबाय थायो। बिमा-बिफाया गोबां खेब फिसौ मोनलायनायखाय गामियाव थाफैफिननो लिंबाय, फिसाज्ला-बिहामजोआ नाथाय थांथारा। फैनो गोसो गैथाराखै नुनानै बिसोरबो बांद्राय नारसिनासै, गोसोआवल' दुखु मोनना थाबाय। फिसाज्ला उन्दै खिलिफुआ बिदानिक्राय साबसिनमोन फरायनायाव, नाथाय बेबो कलेज फरायनो सहराव थाफैनाइया गाज्जि लोगोजों सन्देरफाबाय। साफ्रोमबो जानाय लोंनाय, निसा लानायजों समखौ बारहोनानै गावनि मावनांगौ बिबानिक्राय जानगार जालांबाय। अरुण आरो अनु, फिसाफोरनि

इयुनखौ सानै सानैनो बेमार आजार जालांबाय। फिसाफोरा गावसिनि आर्थिंआव गसंथानो हायासै सानैबो, बेनि जिंगाया अनुनि देहाखौ रासिन नाखेबसिनदों। बेराफारसे फिसाज्लाफ्रा फैसा नांथारगौबाल' फैयो न'आव, मोनग 'खांबाथाय रावबो खोनाला-मोखांबो नुला।

गुममम...., गोसायै माबा मोनसे गिलिर जिनिस गोग्लैनाय सोदोबा अरुणनि खोमायाव हाबफैबाय। माबा मोनसे गाज्जि खैफोदानो जाखाबाय साननानै लोगो लोगो गाव जिरायनाय जायगानिक्राय दुबफुं सिखारनानै बिसिखौ गाबज्जि-गाबज्जि ओंखाम संग्राथिं खारस्लिउ खारस्लिउ थांबाय अरुणा। सिंनिक्राय बिसिआ जेबो राव हराखै। अरुणा बिखा ख्लाब ख्लाब मोनदों, न' सिडव सहैगौमानियानो। इसिंनि नुथायखौ नुनानै अरुणनि आर्थिंनिक्राय जेन' हायानो गिसिखालांबाय- दहमै बियो होखावबाय "बिमा... मा जाखो बिमा?" थाबनो बियो बिसिखौ फाफिलयाव हमना जांखिबाय नाथाय अनुआ जेबो लोरसोर खालामासै। दान्दिसेसो मोजांमोन हरखाब मा जाब्रबखो, साननायजों आगोर मोनै अरुणा हारसिं मा खालामगोन मा मागोन गोबारै होखाव होखाव गाबनो हमबाय। "सिखारदो बिमा, मा जाब्रबखो, आंजों रायज्जलाय.. नों मानो बिदि जाखो? थु डाक्टरनाव थांसै... मेगना खेब बिमा.. आंखौ नाय।" बियो गाबै गाबै दसेनो बिसिनि आखाइखौ नालाय, दसेनो आर्थिंखौ नालाय खालामबाय थाबाय। खाथि खालानि मानसिफोरा अरुणनि गाबनायखौ

खोनानानै सिथ्लायवाव थुबुर जाफैबाय । जाथायखौ नुनानै मानसिफोरा 108 खौ लिनहरबाय । देहा फाहामसालियाव सहैब्ला डाक्टरा अनुनि लोरसोर गैयै देहाखौ दांनानै बेखौ थैबाय होनना बुंबाय । थैनायनि जाहोनखौ डाक्टरा “हार्ट एटेक” होननानै खिन्थाबाय ।

अरुणा हारसिंथार जाबाय । बिसि रुंसार लांनायनिफ्राय सान ना हर, जानांगौ ना लोंनांगौ बिहा जेबो उदिस गैला । इन्जुराव आलायना दोननाय बिसिनि सावगारिजोंनो हारसिं रायज्जायबायल’ थायो । बियो बुडे- नों मानो आंखौ नागारना

थांग्रोखो ? नोंनो खोथा होनाय बायदि आं मावनो हायासै बिमा, नोंखौ आं खनसेबो बिरखंआव गाखोहोनो हायासै, जेरावबो बेरायनो लांनो हायासै, आंखौ निमाहा होदो बिमा.. नोंखौ आं जुलि खालामनानै जेबो रंजा गोजोनखौनो होनो हायासै । आं नोंनि दायनिगिरि ! आंसो थैग्रोनांगौमोन, नों मानो आंखौ नागारना थांग्रोखो ? आंखौबो लांफैदो, नोंनो गैयाबोला माबे गोसोजों आं थांना थागोन ! मोजां सम फैगोनखौ नेयै नेयै बे समा माब्लाबो फैमारासै । बे समा लामा ससेयावनो थुंगेबाय ।

सुथुरखौ फेजेननो हानाय बयनिखुयबो गोरसिन
गोहोआनो जाबाय सोलोंथाइ । -एबसु

जाइख्लं

-ड॰ बारदै सिला नारजारी

“द’ ग्रास इज अल्लवेज ग्रिनार अन दि अदार साइद’” होन्नाया नंमारगौ नामा....? अफिसनिफ्राय ओंखारनानै लामा-लामा द्राइभ खालामना सानबोबाय थाफ्लांदों आं बावैसो इभनिं वाक खालामनो ओंखारबोनाय बिथां ड. बसुमतारीखौ लोगो मोनबोनानै। मालाय इउनिभारसितियाव मावलायनानैबाबो न’खराव सम होसे होनानै इभनिं वाक निबो सम मोनबावो। आंहालाय....सानसे अफिसआव खामानि मावलाय, द’जि, स्त्रिजि employees सामलाइलाय उनाव Treadmill आव खारनानैनो सेस....!!!! ना मिथिंगानि बार मोनजायो...., ना लोगोफोरजों हाइ....हेल्ल’...., ना आमुक-तामुखनि गल्पआनो....

बिबदिनो गोथौ गुवार सिंनि गासै बाथ्राखौ सानालासे सा-सा बिथांखौ नुबोना बाइदिसिना बाथ्रा सानबोना खुदियानि बादि खुद्रिनाय गोसोजों गारि सालायै-सालायै माब्लाबानो देबोरगावनि बड’लेण्ड मारटियारस सिमेट्रि मोनफैलायदों आं....!!!

हरखाब सासे सेंग्रासानि लामा गेजेराव गसंना फारनै आखाइखौ गोजौ दिखांना Stop.... stop.... stop the car please.... होन्नायावसो गुरलाब बाग्दावलायदां। सेंग्राखौ नुनानै दसेयैनो

हाइपारसो जाबायमोन आंहा....गारिखौ लाखिबा बेबादि लामा गेजेराव गसंना लाखिनांगौना सान्ना। माबाफोर जायोब्ला आरो सालाइग्राखौल’ बिजिरनो नागिरो, mannerless youngman.... दसेयावनो जायखिजाया जानो हानायमोन...!!!

कारखौ ब्रेक गाना उइनड’ ग्लासखौ डाउन खालामना, Are you alright बुंस्लाब मोनै ग्लासाव आखाइ मोनैखौ होथाबफैनानै बुंफैबावबायसो सेंग्रासाया....मेडाम....मेडाम, प्लिज आंखौ कारिगावसिम लांफा....आंजेबो गारि मोनाखिसै....आं बड’लेण्ड इउनिभारसितियाव फरायो। जोंहा Departmental freshers program दंमोन, बेवनो लेट जाबाय। बाथ्राखौ खोनासंना ओके बुंनाल दरजाखौ unlock खालामना होबाय आं। जेबो सानासै आंबो फराइसा होनबाथाय जोबोत अनखांनाय फैथारो आंहा बेखायनो जिराय होन्नाल’ द्राइभ खालामफिन्नायसै आं। Music नि volume खौ इसे Low खालामना सोंदों आं सेंग्रानाव, So.... नोंनि Good name आ मा होनो आरो मा Department आव Masters खालामगासिनो दं होन्ना।

जाइख्लं मेडाम, जाइख्लं नारजारि, 1st Semester, Economics Department होन्ना

फिनदों सेंग्राया । आं नोंथांखौ सिनायखायो मेडाम होन्नाबो लारिसेयावनो बुंलांदेरबावदों बियो । Very Good, You know Jaikhleng, Economics आव गोबां scopes दं । फोरोंगिरि जानायनि अनगायैबो नों बेंकार जानो हायो आरो....आं बुंस्लाबमोनै सेंग्रासाया बुंदों....औ मेडाम, आंहा बेंकारखौनो जानाय सिमां दंखायो । दाखालि Entrance लिरनायाबो पास जाना दंमोन । Merit list आंव Top -1 आव दं । बावैसो उनावनो Appointment होगोनि बाश्चा होदों बिफानारि गाहाइआ ।Wow!!! thats great.... Congratulations....होन्ना जाइख्लंनो साबसिन हामब्लाइनाय जासिदोंमोन आं । दसे सिरि थाना बुंफिनबावदों बियो, नाथाइ....आइआसो कलेजनि फोरोंगिरि जाजानो लुगैथारो, बेखायनो खस्तब्लाबो बेयाव एदमिसन लाहोफैथारदों ।

होम....बुंना सिरि थदों आं । बेयावनो जाइख्लंआ बुंबावदों....जोनि न'आ बिषमुरिनि साहा सरलफारा थांग्रा लामायाव । आफा गैला जोंहा, आइ, आं, फंबाइ साथामल' । फंबाइआ बि. ए. 5th Semester आव जारिमिन आयदा Honours लानानै फराइगासिनो । आइआ बोथोरनि फालांगि खालामना न'खर खानायाव फंबाइआ टिउसन फोरोंना मदद होफायो । दासानदि आइआ कारिगावआव भुतान हादरनिफ्राय कमला लाबोना फानो । बेखौनो सानफ्रोमबो

आं क्लासनिफ्राय फैना फान्नो हायै कमलाखौ लांफिन्नाय लाबोनायाव मदद खालामो । दिनै लेट जाबाय.... । अह....आदसा....होन्नानैल' सालाइबाय आं गारिखौ जाइख्लं बिमा आरो आंनि न' होन्ना । दानदिसे उनाव जाइख्लंखौ बिमाजों एंग्लायना Music नि volume खौ इसै High खालामफिन्नानै सालाइबाय आंबो न' फारसे ।

न'आव सौफैना सानफ्रोमबोनि रुटिन बादियै ब्लेक कफि लोंना ट्रेडमिल आव दसे थाबायना इसे फ्रेस जानानै बिसनायाव गोग्लैसोना फेसबुक खेवनाय लोगो-लोगो गासै निउज परटेलआव नुनानै सोमोनांदों आं..... !!!

“उतकारिनि गुलियाव सानै बिमा-फिसा सुबुंनि जिउ खहा । फिसाज्लानि मुझ जाइख्लं नारजारी आरो बिमानि मुंआ सैथोबति नारजारी । फिसाज्लाया बड'लेण्ड मुलुगसोलोंसालिनि सेथि सेमिस्टारनि फराइसामोन होन्ना मिथिनो मोन्नाय जादों....”

.....What.....!!!! होन्ना बिसनायाव जखांना थाबाय आं....दसेनो गोबां सोंलु नांथाफैदों खर'आव,,...आं दहायसो लोगो मोनबोनाय जाइख्लं....जाइख्लं बेंकार,,, जाइख्लं प्रफेशर,,,!! ओह....माइ....गड.....! जाइख्लं.....!!!!

गोदान बर'

...the story of a politician

-गुनेस्वर औवारि

“हेल्ल' नोंथां औवारि, जेननाय दोलोआव मानो थाबाय थाबावनो ? जोंनि सरखारनि दोलोआवनो फ़ैदोना ? मिरामिस जाबाय थानांसिगोन ना नोंथाड नडब्ला ? लोगोजों लोगो नायलायनोसै ना मा होनो ?”

“हे' हे'.. हे' नोंथां, आंनि थाखायथ' दोलो बारस्लायनाया गेदेर बाथ्रा नड सान गोरलै ओंखारनाय बायदिसोखा। ओइ नोंथां, आंथ' दोलोआव हाबगोन बे रोखाखा। नाथाय बे बिलाइया लुबैनाय बादि मोननांगोन।”

“नोंथाडा सासे गोखों दोलोनि दैदेनगिरि ? बेनिखायनो बेनि सानजथाइया आलादा जाखागोन।”

“हे हे हे नायना होदो, आंबो ग'साइगाव बियाबनि बिजाथिमोनना बेखौल' गोसोआव लादो। नडब्ला अरखियाव दांब्र'नायबादि जागोन नोंथां।”

“जागोन, जागोन बेयो। संसार फोरालाय बोरैथो दं ? आं सम मोनब्लानो नोंनि गेस्ट हाउसाव अमा हाहैनो थांगोन। नों थियारिल' जाना था बेवनो गासै खोथाखौ खिनथालायनोसै।”

“जागोन नोंथां खाख्लारि, नाथायबा हले अमा एवनायखौल' जाहोहरगोन आं, लोंग्रा-थोंग्रा

गैया। माने आं लोंखाया नालाय आंनाव जाय फ़ैयो मोनलोंखाया।”

“दाबो बे आखलखौ गाराना नों ? दाबो मिरामिससो जायो नामा नोंथाड ?”

“आं मिरामिस जालिया दाना। गोदान बर'सोना आंबो। खिजों लहाजोंल' बाद खालामसै आं दाना।”

“सेंग्रासोना नोंथाडबो, बेखायनो थाग्राथार।”

लन्दन मावजि सिखारि खाख्लारिया दिनै आंखौ फुस्लायहरबाय गावनि सरखार दानाय दोलोआव हाबनो। आंबो बे खोथाखौ सानगासिनो दंखानाय। जेननाय दोलोआव थाना जेबो मोनखायाब्ला मानो थाबावनो आं ? आं सिरियै गोसोआव रंजानाय मोनबाय। बिसायख'थियाव जेनदोंब्लाबो आं दा देरहानायनि लामायाव दंफिनो। बेखौ आंनि दोलोनि उनसंगिरिफोरा मा मिथिनो ? राजखान्थिया दिनै जेराव रां दं बेयावनो। रांजोंनो राजखान्थिनि गासैबो अंग'फोरा बायजायो फानजायो।

आंनिनो लोगोखा बिथां लन्दन मावजि सिखारि खाख्लारिया। सेंग्रा समाव जों सानैजोंनो फरायबोनाय दारुन लोगो। दिनै बिहा गावनि

बियाबनिफ्राय बिसायख 'थियाव देरहाना सरखार दानायाव बाहागो लाना एम.एल.ए. मन्थ्रिनिफ्राय मन्थ्रि जाना दं। बिसायख 'थि समावबो खौरां लाहरलायग्रा लोगो जों। आं आंनि गारिखौ लानानै इंसिस मिसनाव दोनहैनाय खुदियाखौ खौरां लाहैनो गारि दिहुनना ब्लदबाय।

सावगारिजों लोगोसे लामा सामा खांखाइ राजानि दाबु गोदान सि.इ.एम.नि फोसावलाइ। आंनि मेगना नायै नायै रुबायलांबाय गारि सा सा। सिरि सिरि आंबो मनथ्रि जानायमोनब्ला मिरुनि हरनाय खौथि खौथि सानज'थाइखौ लुथिनानै मोनजाबाय थागौमोन होनना सानलांबाय। आंनि हिनजावा गारियावनो गोदो गोदो उन्दुना गाखोबाय दं। गोगोम होखावसिनबाय आं गारिखौ बिसायख 'थियाव जेननायखौ गोसोखांन दिखारजों। ओरैनोबा आंहा गोबां रां खहा जाबाय बिसायख 'थियाव जेननांनानै। गामिनि रायजोफोरनो हराव बाजौ बाजौ रानना हैनाय, जौ फिथि फिथि रानना हैनाय, अमा जानो बिफैबा हरनाय, फारथिनि मावख' सालायनाय, फोस्त्रावदिंनय आरो गोबां खरसा। आं सिरि सिरि दोलो गोदाननिफ्राय बिरनना लाफिननो सानना लाबाय। होखावनायावनो होखावनाय आंनि गारिया लामायाव सिग्रोमनाय थावनियाव होथेना दोननाय पुलिसनि बेरायाव ग्रां सोग्दावहैबाय। अब्लासो आं गारिखौ दोम लाखिनो बद फैबाय।

खनसे गोसा फ्रेद रेफारि सुनाय आं खोनाबाय। आंनि गारिखौ ग्रिद सिआरफि, पलिसनि मावथिफोरा बेंखनफैबाय। गोसा

गोसा राव होनानै ओंखारनो खोथा बुंबाय। आं दिनै थैखाबाय सानना लाबाय। दाइयाथ' आंनि जाखाबाय आं सानना लाबाय। आंनि हिनजावाबो गिनाय फैबाय जानांगौ, जेबो खोथा बुंलाबायालासे खालि आंखौ ओंखारना रायलायना फैनो बुंबाय।

“अ नोंथां औवारिसो...।” – हाथरखि थरनै गोनां पुलिसनि बिबानगिरिया आंखौ गारिनिफ्राय ओंखारनाय नुना बुंबाय।

“औ नोंथां बसुमतारी। गोरोन्थिया आंनिनो नोंथां, जेसेबां जुरिमाना होनांगौ आं बेखौ होसिगोन। नोंथाड बुंल्लानो जाबाय।”

“नोंथाड जेबो खहाथ' खालामनाय जायासै। बेनिखायनो मान सनमाननि एसे जुरिमिना होल्लानो जासिगोन। जाहाथे पाब्लिकफोरा नोंथानिखौ लायोब्ला आयेनखौ समान बुजियो? ओरैनोथ' नोंथांखौ दोलोनि लिदार होनना मानिखायो।

“जागोन नोंथां। आं सिगाडव दोलोनि लिदार नंगौ? बे बियाबनिबो बिजाथि गसंखांबाय नंगौ। नाथाय आं देरहायाखै बेनिखायनो आं सासे नोगोरारियानो।”

“अब्लाबो नोंथां, गोरोन्थिखौ बयबो मावो नंगौ। जासिगोन दे नोंथां एसे पाब्लिकफोरा फोथायनायबादि जुरिमाना होना थांदो। पाब्लिकफोरनो आराव दाखालामसै। आब्रा खालामनांला नोंथां।” – सेराव लांन आंखौ हाथरखि थरनै गोनां अफिसारा लासै लासै बुंबाय। “जागोन नोंथां, दन्द'खौ पाब्लिकनि सिगाडव लाखिबानो जाबाय होमब्ला।”

“जागोन नोंथां। दा बबेसिम थांगोन नोंथाड?”

“आं दा गथ 'खौ नायनो नागिरदों नोंथां। नोंथांनि खुदिया मारै दं बेसे फरायखो?”

“गथ 'वा थिगानो नोंथां। इंसिस मिसनाव दोनहैना दं।”

पुलिसा आंखौ राजखान्थिनि दैदेनगिरि होनना मिथिनायाव बारा थागिदा होयालासे रायजोफोरनि सिगाडव जाथाइ खालामनायनि एसे जुमिना होननायबादि दिन्थि लाना हगारहरबाय। बेखौनो नोगोरारिफोरा सावगारि सेबखांना मोखां बिजाबावबो होबाय। माखासे इउटुबारफोरा, रादाब फोसावगिरिफोरा आं खुदियानि फरायसालि मोनहैनाय सिगां सिगां फोसावबाय। गोबां मोखां बिजाब बाहायगिरिफोरा आंनि बागै गोबां खोथा लिरना गावबा गाव टाइमलाइनाव सेयार खालाम खालाम फोसावबाय। आं बोद्ला बोद्ला नायबाय। आंनि खर 'वाबो देरगालांनाय मोनबाय।

राजखान्थिनि गोहोआ बिदिसो दिनै आं मिथिबाय। आयेनफोराबो राजखान्थिनि लिदारफोरनि थाखाय जेबो गेदेर जेंना नडा। गोरिब, गामियारि एबा राजखान्थिनि मिथिजानाय नडा बिसोर आयेननि जेयाव नांथाना थानांगौ जायो। बिसोरनि थाखाय पलिस आयेना जम राजाबादि, सानथिं-बाथिंनि रां सिखावबादि, कर्टआ बिसोरनि दाखु गाहाइ बादि। बेयावनो लाख लाख रां गारबाबो फिसा नालिसखौनो बोखांना लानो हाया जायो। बेनो दिनैनि सुबुंखुंथाइ हादोरनि आयेनारि थार बिजिरनाय खान्थि नामा ?

“बिमा, आं मोखानि सरखार दानाय दोलोआव बास्लायलांसै ? नों मा बुडे ? आजिखालि माथो मुडवल 'सो खोथा बुंथिडे दोलोनि दैदेनगिरिफोरा। हा गुरै मोननायावनो खुरना लाखासै नामा ? मैयाबो फुडवनो सोंहरदों आंना लोगो लन्दन मावजि सिखारि खाख्लारिया।”

“बेखौ आंनाव सोंलायनांगौ आरो ? बयबो ओरैनो मोननायखौ, जासिनायखौ लाखाथारो ? समाज सिबिनायनि थाखाय रावबो राजखान्थि दोलोनि दैदेनगिरि जाखालाना। नोंहालाय माथो खर ' साखो नोगोरारिनि खोथा सानना ? बिसोरबा हराव बाजौ रांजोंनो बायजाना भटखौनो नंबां-जाबां बिजाथिनोसो होना देरहा होगारो।”

“बेखौथ' बुंनांगौ नों बिमा ? आंना बे आपेल बागान, लेबु बागान, बैग्रि बागानफोरा बन्दगावसो दंखायो राजखान्थिनि आफाखि गालांनो नाजाना। रायजोनि मोजां मावनाया जेबो बेसेन गैया दिनै, रायजोआनो खिना जुहुदुयोसो मोजां मानसिखौ। बे बन्दगाव थानाय बागानफोरखौ सुख 'ना लाखानांसिगोन बे खेबावनो।”

“गुद आइदिया बेसोदा। थांनाय बारनि सरखारखौथ' गोसोखां, बिसाइख 'थिनि सिगां सिगां खम मोजां मोजां फोसावबाय। राइजो बिप्लांबाय, गिरजायाव हाबबाय, मजजिदाव हाबबाय, गोरिबनि देरायाव दै लोंबाय” बायजाबथु।

दालाय बोरो दिनैसिमबो बे सरखारानो देरहाबावबाय अब्लाबो आगोलनि समाव खोथा होनायखौनो मावखायाखै।”

“बेफोराव नोगोरारिनिबो गाज्जि खामानि थायो। गावनि भटफोरखौ जौ बथलनि, अमा बेदरनि सोलायना फानोब्ला बेदिजों बोरै जानो ?”

“गाहाइ गोरौन्थियानो नोगोरारिनिखाथार। उनावसो सरखारा मोजां खामानि मावाब्ला बखिनो रंगौ। गावसोरनि बिखुनि दागोखौथ’नुवा।”

“औ बिमा, आमफ्राय बे गथ’खौ मा खालाममारनो? बर’रावाथ’ गोथै रावसोखा? रावबो गावनि खुदियाखौ बर’नि सानस्रि सोना होखाला। बेखायनो आंबो बर’नि सानस्रि गैयि खालामनो सानबाय। नों मा सानो ?”

“आंबो बेखौनो सानगासिनो। खुदियाखौ गोमालांनो नागिरनाय एनदेनजार्द बर’खालामनो सानदों। बर’रावजों थानानै थानो हाया रांनि जुगाव बे नडा। बयबो बर’रावनि खोथा बुंनार बर’राव हमथानो फोरोंलाब्ला जों मानोबाव? मालाय खिनायाव गाद्लानाय जागोन जौना नडाब्ला।”

“एनदेन्जार्द बर’खालामनो हायोब्ला उनाव मिउजियामाव दोनजानाय बादि जासिगोन। मुं, आखुथाइफोराल’बर’, रायज्जलायनाय रावफोराल’बर’ बेनिफ्राय बाद बाखिफोरा गासिबो फरेनार। आं सरखार जानायमोनब्ला बे इंसिस मेदियामफोरखौ बुलदजार लागायना सिफायजोबगौमोनलां। बेबो हारिखौ जाखेबनायाव, हारिमुखौ जाखेबनायाव।”

“बेखौनोबा हारिनि मानसिफोरा इंसिस मेदियाम बिलदिं लुनायावसो गोसो होगासिनो। उनाव साख्रिया नांगौ सरकारनि, फरायनायावबा बेसरकारि। आंनिब्ला सरकारि फरायसालियाव

जाय फराया, जायनि मेदियामा राइजोनि नडा बे फरायसालिनि सारटिफिकेटखौनौ गनायथि होनो नाडा। बांद्राय इकुवेल राइटफोराबो मोजां नडा।”

खुदियाखौ जों बर’रावखौ हारसाफोरबादि थथ’-थाथाल’ रायलायनो रौनाय खालामबाय। उन्दैनिफ्रायनो इंसिस मिसनाव लाखिना दा इंराजिनि, हिन्दिनि अनगायै जेबो रौला खुदियाया। मिरुवारि मोखां जालांबाय। बर’नि हारिमुखौ मिथिरोडि जाना दं। भारतनि हारिमु, सोनाबनि हारिमुफोरखौ आंगो खालामना लाबाय गथ’वा। आं आंनि बिसिखौबो बांसिनानो फरेननि टाइट फिटिं गानहोबाय। दख’ना गाननायखौ खमायहोबाय। दख’नाफोरा अर नुविखाय मुहिनायबो मोनगारा बर’फोरा।

सिरि सिरि आं दोलो बास्लायसिगोन बेयो रोखा जाबाय। आं दोलो बारस्लायनायनि उनाव जाहाथे आंनि दोलोआ सिनस्रि बायना थालाडे बेखौ खालामनो थांखि लाखुमाबाय। बेनि थाखाय आं लन्दन माउजि सिखारि खाख्लारिजों स्रोदै सावरायखुमाबाय। सि.एम. खांख्राइ राजानि दाबुजोंबो स्रोद आंनि बैग्रि बागानाव खोथा खाखाबाय। बेरेखा दोलोआव थानानै मोन्थाइनि थाखाय होखावब्ला खुंथाइनि दोलोआ गिनांगौ दं बेखौ सिएमआबो मिथिखानाय। गोदो आंबो फरायसा समनिफ्रायनो फरायसा आफाद, आबादारि आफाद, ट्राइबेल आफादाव गुबुन गुबुन राजखान्थि दोलोनि खामानि मावबोना खर’बुंजासे रोंग’सार जाना फैखानाय।

“इंराजि बिजोंखौ बन्द’खालाम, बन्द’

खालाम।”

“इंराजि बिजोंनि फरायसालिनि गनायथिखौ दानना हो, दानना हो।”

“इंराजि फरायसालिफोरखौ बोखारनांगौ, बोखारनांगौ।”

“सि.एम.नि फिसालाया बर’ बिजों फरायनांगौ, फरायनांगौ।”

“मन्थ्रिफोरनि फिसाफोरा बर’ बिजों फरायाब्ला बर’ बिजोंखौ बन्द’ खालाम, बन्द’ खालाम।”

“बर’ बिजोंखौ गोरिबफोराल’ फरायनाड, फरायनाड।”

“सरखारिफोरनि फिसाफ्रा बर’ बिजों फरायब्ला बर’ बिजोंखौ बुफायजोब, बुफायजोब।”

“न’ सलुसन, न’ रेस्ट।”

“क्लासिफिकेसन अफ इडुकेसन मास्ट बि स्टपड, मास्ट बि स्टपड।”

“उइ निद इकुवेलिटि इन इडुकेसन, इकुवेलिटि इन इडुकेसन।”

“उइ निद इकुवेल जास्टिस इन इडुकेसन, इकुवेल जास्टिस इन इडुकेसन।”

“सरखारा मानियाब्ला इंराजि बिजोंनि फरायसालिखौ जों बुसिजोबगोन, जों बुसिजोबगोन।”

“इंराजि बिजोंखौ नांगौ जायोब्ला दोनना बर’ बिजोंखौ बुसिजोबगोन, बर’ बिजोंखौ बुसिजोबगोन।”

“प्राइभेट फरायसालिनि फरायसाफोरा

सरकारि फरायसालियाव साखिनि मोन्थाइखौ बोखारनांगौ, साखिनि मोन्थाइखौ बोखारनांगौ।”

दाउला खासि दोलो (दिकेदि) नि राइजोनि बिजोंखौ लानानै गेदेर जांखिखांनाय जाबाय। बेयो मोनसे राजखान्थिनि फावथिना बेखौ रावबो मिथिथ’वा। सिएम खांखाइ राजानि दाबु, लन्दन माउजि सिखारि खाख्लारि, आंनि सुजुनाय गेदेर द्रामा फैगौ एमफि बिसायख’थिनि थाखाय। जांखिखांनायनि लोगो लोगो खौरां बिजों, समाजारि बिजोंफोराव आखाय बेरनायबादि बेरफ्रावबाय। जोंनि दाउला खासि दोलोखौ बयबो मेलेमजिबि, फरायसाफोरा सोंखारिबाय। बिजोंनि जेंनायाबो मोनसे गेदेर जाहोन जोंनि रायजोनि। बर’ बिजों मोजां मोनग्राफोराबो जोंनि दाउला खासि दोलोखौ रागा जाबाय। इंराजि बिजों मोजां मोनग्राफोराबो जोंसिजोबबाय।

खौरां बिजोंफोराव दाउला खासि दोलोनि मुं सुनाय, गाज्जि गाज्जि रायजानाय आं नायना खोनाना सिरि सिरि मिनिखुमाबाय। राजाया मालाबाबो गाबा होननायबादि आंबो गाबा। राइजोआव मोनसेल’ बिजों थानायाबो गोनांथि दं। इंराजि बिजोंनि फरायसा आरो बर’ बिजोंनि फरायसानि बिथिडव हरिखौ फोथांनायनि सानस्त्रिफोरा गोरुबलाया। बेखौ सोर साबेसेया मिथियो? बिजोंखौ लाना नेवसिलायनायनि बिसाना बेखायनो जोबथाइ गैया।

दाब दाब ओनसोलाव बिजोंनि खोथा लानानै दाउला खासि दोलोआ आंनि दैदेननायाव जांखिखांबाय। लासै लासै बे दोलोखौ राइजोफोरा

गाज्जि मोनसिनबाय। आं स्रोद स्रोद खुंथाइनि दोलोनिफ्राय खौथि खौथि रांखौ दिहुनबाय? दोलोनि मानसिफोरनो राननानै जांखिखांनो गोहो बारायहोबाय। राइजोनि थै गरमफोरखौ लानानै जांखिखांनायाव रां होनानै बायनानै लांबाय। गिदिंलाबायग्रा मानसिफोरखौ रां होनानै जांखिखांनायाव दसे समनि थाखाय थाहोबाय। दाउला खासि दोलोनि फारसे मुगैनानै सोंखारि सोंखारि गाज्जि गाज्जि खालाइ-दैफोन राव बाहायना इउटुबारफोरा आंखौ रायखावबाय। मोखां बिजाबनि मेलेमजिबिफोरा रायखावबाय। माहारि आफादफोरा सोंखारिबाय। राइजोनि सिएम खांखाइ राजानि दाबुवाबो आंखौ खौरांगिरि मेल खुंना सोंखारिबाय। दोहोरोम आफादफोराबो सोंखारिबाय। अब्लाबो आं सिरि सिरि गोजोन जमबाय दं।

“जायफोर माहारिमरि आफादफोरा जोनि बेरेखा दोलोनि जांखिखांनायखौ गिदों बिसोर राइजो सरखारनिफ्राय लाख लाख रां लानानै हाबाफारि खालामो। बे रांजोंनो गावसोरनि फिसाफोरखौ गेदेर गोलाव खालामो। बे राड राइजोनि जौगानायनि थाखायमोन। बे राड राइजोनि थाखाय बाहायजानायमोनब्ला गोरिब-गुन्द्राफोराबो नोंसोरनि फिसाफोरबादि गोदोनायाव थाइ खानानै इंलिस मेदियामाव फरायहैनो हागौमोन। बिथांमोनानो गोरिबनि रांखौ खेंसालियायै सोबख' सोबख'.....”

“..... हारिखौ एसेबां मोजां मोनग्राब्ला नोंसोर मानो बर' बिजों फराया?

नोंसोर मोजां मोनोब्लानो फिसाया हारि सिबिनाय जायो नामा? गावनि दोहोरोम नेवसिना गुबुननि दोहोरोम लाग्राफोरखौबो गोख्रों रावजों सोंखारियो आं नोंसोरबादि मानसिया मिसनारि, बैष्णब जायै जायै हारिमुखौ नेवसिगारगासिनो दं। गिदिर गिदिर इंलिस मेदियाम खुलि खुलि बर' मेदियाम फोजोबगासिनो दं। बेदियावनो बर' बिजोंनि फरायसाफोरा खमिगासिनो दं।” “इंराजि बिजोडव हगारग्राफोरा बुडे- बर' बिजोडव मोजां सोलोंथाइ होया। नोंसोर साफ्रोमबो न'खरनि बिमा-बिफाया इंराजि फरायसालिनि फोरोंगिरिफोरखौ मोजां फोरोंडब्ला रायहैनो हायो अब्ला बर' बिजोंनि फोरोंगिरिखौ मानो रायहैनो हाया? मानो सरकारि फोरोंगिरिखौ गोख्रों खालामनो हाया? प्राइभेटनिखौल' मानो हायो? मानो हायो हुथुसुरियाफोर?”

“बे सरखारा बर' बिजों फोथांनायनि खोथाल' बुंनो हायो। नाथाय आखाइ गज' सरखारसो बेयो। गावसोरनि फिसाफोरा इंलिस फरायसालिफोराव बबेबा सेनट्रेल फरायसालिफोराव फरायखायो। रोडिनि फिसाफोरा रोडि जाना थानांगौ बिसोरनि मथेब्ला। मानोना गोरिबनि, रोडिनि, आदुवा, जामबा-जामबिनि फिसाफोरा रोडेब्ला गावसोरहा राइजो खुंबाय थानो मोननाय नड। गावसिनि फिसाफोरा साखि-बाखि मोननाय नड। बेखौबो गियो बिसोर जिबौ जादआ। बेनिखायनो बिसोर सरकारि फरायसालिखौ साबस्तां होनो नाजाया।”

“....सोरबा इंलेन्दनि, आमेरिकानि,

सोरबा आफ्रिकानि स्कलारफोरा फैनानै बर'नि बाथौखौ नोंसोरनि फिसाफोरनाव सोंब्ला नोंसोरनि फिसाफोरा फिनगोन— जोंनि दोहोरोमा बाथौ । बोलि बाथौ ना बिबार बाथौ ना जांखाव ? बर'नि बाथौवा ब्रैजि रोखोमनि बारा । बेनि गेजेराव नोंसोर दोहोरोमखौनो थि खालामना लानो हायाखै बबेखौ भुमाव दिन्थिगोन । बेनिखायनो बिथांमोना जोंनि मेदियामनि जेंनाखौ लानानै जांखिखांनायखौ सोंखारिनो मोन्थाइ गैया । दोहोरोमखौ स्र' खालामग्रो बेनि उनाव.... ।”

“.....जाय हरियाव दोहोरोम, राव, हारिमु गैला बि हरिया अन्थाइ मुगायाव ? लंथं— लंथां जिउ खांग्रासो । जेसेबां असमिया, इलिस, हिन्दि फरायदों बिसोरखौ बिमा—बिफाया बर'आव फोरोंग्रो, दोहोरोमफोरा बाथौ लाजोबग्रो बेनि उनावसो जोंनि दोलोनि मावनायखौ सोंखारि । नोंसोरबादि हारिनि उदखारि गुन्जेरफोरा जोंनि दोलोनि खामानि मावनायखौ सोंखारिनो मोन्थाइ गैया ।”

“ओइ मेलेमजिबि, नोंसोरखौ बुंदों आं, नोंसोरखौनो बुंदों उदखारि होननानै । नोंसोर फिसानि बिमा—बिफाखौनो बुंदों आं । नोंसोरनि बेबादि उदखारि खामानिनि थाखायनो बर'नि उन जोलै फिसाफोरा हारिनि उदखारि खामानि मावगासिनो दं । बर'नि सानस्रि गैयि उदखारि जालांदों । बेनिखायनो बुंदों— नोंसोर दिनैनिफ्राय हारिनि उदखारि खामानियाव फिसाखौ नारसोमनायनिफ्राय उद्रायना लाबोयोब्ला आंबो आंनि फिसालाखौ गामिनि सरकारि

फरायसालियाव थिसनगोन । जुदि थिसनाब्ला आं गावनो राइजोनि बर'लेण्ड जौथडाव (Bodoland tower) दादा—दिदा फासि नांना थैनोबो राजि ।.... फिसौ—बियायंफोराबो.... नडि जाहैगोन ।”

खौरां बिजोडाव थाव थाव गुलि गावनायबादि मोगामोगि लानायाव बुंलांबाय आं । राजखान्थि होनब्लाथाय आंबो मोजां गेलेनो रोंथारबाय । आंनि बिसायख'थियाव दोननाय बन्दकनि सम्पथिफोरखौ सुख'ना लाजोबबाय स्रोद स्रोद । बिसायख'थियाव आद्रि जानाय रांनि जौसे गुन बागला । जेननायबाबो आं दा देरहानाय सासे आन्दोनि मनथ्रि । हारिया थैनाय ना थांनाय बेखौ राजखान्थिगिरिया साना । आंनि थाखाय मोजां जाब्लानो जायो बेनो आंबादि गोदान बर'नि साननाय । आंनि खौरां बिजोडाव होनाय बिबुंथिफोरा सोरखौबा सोरखौबा बिखा—थिखा गावसिजोबबाय । आंनि सायाव गुबुन गुबुन दोलोफोरा एरसननाय होबाय । आंनि मुडाव दाब दाब जायगायाव थानाफोराव दा केस जाबाय । आंबादि राजखान्थिगिरिनि थाखाय बे केसफोराबो आखिजों खिखांना खिबु सुनाय बादिसो जाबाय ।

लन्दन माउजि सिखारिया आंजों सिएम खांखाइ राजानि दाबुखौ लाफानानै स्रोद सावरायबाय । बे खोथाखौ आं आंनि बिसिनि अनगायै रावनोबो खिन्थाया । राइजोनि दिजिपि लोगोसे गावनि गोखों हान्जाया आंखौ सोंनाय फिननाय लानो हमनानै लांबाय । बे दिननिफ्राय आंनि खौरांखौ जेरावबो मोनथ'वा जाबाय । खौरांगिरिफोरा आंखौ हमना लांखालि फाग्लाबादि

खारला-खारसि दिजिपिनाव सोंथि सोंदोंमोन ।
गैया नाथाय संदाननायनि उनाव मिथिगोन
होननायनि अनगा जेबो मोनासै ।

दाउला खासि दोलोआ आंनि थाखाय
हमजानायनि हेंथायै गोख्रों राव दिखांबाय । दाब
दाब जायगायाव बन्द' फोसावबाय, टाइयार
सावबाय । आखाइ आखाइ फिरफिला लानानै
हान्जा सुरबाय । आंख्रौ गाज्जि मोनग्रा गोबां
राइजोफोर दंब्लाबो मोजां मोनग्रा राइजोफोरनि
अनजिमाख्रौ बेनिफ्रायनो आं जखा मोनबाय ।
आंनि सिरियै राइजोनि राजथावनिनि दामिसिन
हटेलाव गोजोन जिरोन लाना दं बेख्रौ बिसोर
मिथिया जाबाय । दाउला खासि दोलोनि सानैसो
गोगोम दैदेनगिरिख्रौ आंनि इसारायाव दाइ
गैयालासे हमना जेलाव सोना दोनबाय ।

“सरखारा बर' आरो इंराजि बिजोंख्रौ
नेवसिगारनो हाया । राइट टु इडुकेसन मथे जाय
जिखि बिजोडव फरायनो लुबैया मानो फरायनो
हायो । बेयाव बिजोड जेबो दाइ थाया । बिथांमोननि
दाबिया आयेनारि एबा संबिजिरारि नडा । ? बेबादि
नंबां-जाबां हाबा मावना गोजोन आरो सोलोंथाइनि
जौगानायख्रौ लाबोनो हाया ।”

“बर' बिजोंजों लोगोसे राइजोनि
सोलोंथाइख्रौ गोनांथि होसिननानै जों खामानि
मावनायनि थिरांथाइ लागासिनो दं । मोनफ्रोमबो
फरायसालियाव गाहाय थाखोनिफ्राय लानानै गोजौ
थाखोसिम आयदा बादियै फोरोंगिरि थिसननायनि
हाबाफारि लादों ।..... ।”

“गोदान बिथिंनि फरायसालिनि

आबहावाख्रौ दानायनि हाबाफारिख्रौबो जोंनि
सरखारा लागासिनो दं । मावथांखिख्रौ मावफुंनो
थांनायाव एसेबाबो बुंनायनि लेखा उन जाखायो ।
बेयावनो माखासे गोरों उदां लाइमोनफोरा खामानि
मोनगोन, बेखारनि जेंनायाबो खमिगोन ।”

“बिथां बिबु गोलाउ गोदान बर'
औवारिनि रावफोरा गुदि बिजौ गैयि राव ।
गावनि राजखान्थिनि मुलामफानि थाखाय लानाय
हाबाफारिसो नामा बिथांनि जांखिखांनाया ?
गियाना इंराजि बिजोडनो जा बा बर' बिजोडनो
जा एखेयानो ।.....जाहोन गैया । बिजोंख्रौ लानानै
गावजों गाव हारियाव ? सोंखारिलायनो नाड, बेयो
आदुवाफोरनि खामानिसो ।”

“..... इंराजि बिजोंनि
फरायसाफोराबो हारिनि खामानि मावगासिनो ।
हारिख्रौ फोथांना लाखिनायाव गाहाइ बिफाव
लागासिनो । इंराजि बिजों फरायदों होनना,
मिसनारि जादों होनना बिसोरथ' बर'नि हारिमुख्रौ
नेवसिगाराख्रै । बर' राव रायनो गाराख्रै । बिथांख्रौ
आं खावलायो हारिनि गेजेराव राइजोआव बेबादि
दावराव-दावसि खालामनो बायलाय-फानलाय
खोथा बुंनो नाडा । भारतआ गंसे दोहोरोम
सायख'यि हादोर । बेयाव बाथौ हाबजोबनांगौ बा
मिसनारि जाजोबनांगौ होननानै नारसिननो हाया ।”

खांखाइ राजानि दाबु सरखारा
थासारिख्रौ गुसु खालामनो नाजाबाय । गोरों गोरों
मेलेमजिबिफोरख्रौ लानानै सावरायनाय थिरां
खालामनायख्रौ फोसावबाय । बिथांख्रौ बयबो
राइजो राजाफोरा मोजां मोनसिनबाय । फैगौ एमपि

बिसायख 'थियाव बिथानि दोलोनोनो होनायनि खोथाखौ गामिनि राइजोफोरा सावरायबाय बेखौ मदद होग्रा जरिप खालामग्राफोरनि हिसाबाव मोनबाय । बेनो राजखान्थि ।

आं हमजाना लांजानाय सिगांनो सोलोंथाइ मनश्रिया नागारलाइ होबाय । फैगौ एमपि बिजाथि जागोन बियो । बेखौ राइजो राजाफोरा मा मिथिनो ? सोलोंथाइ मनश्रिया सोलोंथाइनि जेंनाखौ सामलायनो हानाय नंला होननानै नागारलाइ होनायाव बर 'फोरा बर' बिजोंनि मोजां जासिगोन ? नंना खुसि जाबाय । आंखौ हमखांनयनि उनाव दाब दाब जायगायाव सोलोंथाइनि बेसेन मिथियिफोरा फरायसालिफोरखौ बुफायलाबायबाय । दाब दाब जायगायाव बर' बिजों बुफायबाय । दाब दाब जायगायाव इंराजि बिजों बुफायबाय । दोलोनो दुंहाव दुंहाव मानसिफोरखौ सिरि दोननो थाखाय

गावनो सिएम खांखाइ राजानि दाबुवा लोगो हमहैना दोलोआव स्रोद सोना लाबाय । सोरखौबा रां होनानै सिरि खालामबाय । हारिनि थाखाय रां लाखुमायि मानसिखौ हारि सिबिनायनि मुडव खाम्पा लुनो, फोसावदिंनो रां पेकेज फोसावबाय । गाहाय गाहाय सानैसोखौ राइजोआरि दोहोनखौ सेफायनायनि दाइयाव हमना जेलाव सोना सिरि लाखिबाय । लासै लासै आं गैयियाव जांखिखांनायाबो सिरि जाबाय ।

“..... दिनै राइजोनि गोदान सोलोंथाइ मन्श्रिया समायखिरा लागोन । बिथाडनो जादों बिबु गोलाउ गोदान बर' औवारि, बिथांखौ गावनि समाइखिराखौ लानो थाखाय जौसांसिम खावलायनाय जाबाय । “...दानसेनि उनाव राइजो बेंगिरिया समाइखिरा लानाय हाबाफारियाव आंखौ खावलायना बुंबाय ।

बेंगुरानि सोलो

-गुनराज बर'

दाबसे गामियाव बिदा फंबाय साथाम दंमोन। बिदा फंबाय साथामनि गेजेर सासेआ बेंगुरामोन। बेंगुराया ननि खामानिफोराव जेबो उदायैखाय बिदाया बिखौ रागा जॉनानै ननिफ्राय ओंखारलानो थिनदोंमोन। बिनिखायनो बेंगुराया बिदानि सिगाडव बुंदोंमोन आदा आं गुबुन दाबसे जायगायाव फालांगि खालामनो थानो थाखै थाम रोजा रां नांगौ होनना बिदोंमोन। बिनिफ्राय बेंगुरानो बिदाया थाम रोजा रां होदोंमोन। आरो बेंगुराया बिदानिफ्राय थाम रोजा रां लानानै ननिफ्राय ओंखार लानायसै। फागुन सैथ्र दाननि सान्दुनि दुंनायाव बोथोरा रिनदाव रिनसि जादोंमोन। बेंगुराया खासि हाग्रा गेजेर-गेजेर थाबायना थादोंमोन। गुबुन दाबसे जायगानिफ्राय खोथा फानग्रा फालांगि सासे फैनानै आं खोथा फंथाम फानगोन होनना होसिखावनानै फैबाय थादोंमोन। ओइ आदा फंबाइमोन सोरबाफोर बायग्रा मानसि मोन्नाय मोनब्ला आं बाथ्रा फंथामाव थाम रोजा राडव फानगौमोन होनै होनै लामा लामा फैगासिनो दंमोन। सोरबा मानसिनि रोमै-रोमै गोजाननिफ्राय गाबखाव बोनाय सोदोबआ बेंगुरानि खोमायाव रिंखां फैदोंमोन। बिनिफ्राय बेंगुराया खोनानानै दे फंबाय मा खोथा आं थाम रोजा रांआव बायगोन दे होन्ना बुंनायसै। खोथा फानग्रा फालांगिया बुंनायसै अ' आदा अ' फंथाम खोथायाव थाम रोजा रांआव फानगोन होन्ना। खोथा फानग्रा फालांगिया बुंनायसै

दे आदा बिदिब्ला खोनासं दे होन्ना बुंनायसै-

1. से नाम्बाराव दं जानो नागिर नायखौ जानो हो आरो
2. नैथिया जाबाय थैनो नागिरनायखौ रैखा खालाम आरो
3. थामथिया जाबाय गावनि बैसांखौ उन्दुनायनि सिगां सानफ्रामबो मोजाडै नायनानै उन्दु नांगौ''। बिनिफ्राय थाम रोजा रां लानानै खोथा फानग्रा फालांगिया थानायसै। बेंगुराया खोथा फंथाम बायना लाखिनायखौ गोसोआवनो आवराय लांबाय थायो थाबाय लानाय समाव। आं बै फालांगि मानसिनिफ्राय खोथा फंथामखौ गोबां बेसेन होनानै बायनानै लाखिनायखौ आं जेब्लाबो बावगारनो हानाय नडा आरो बेंगुराया बायदि खोथा गोसोआवनो सानलांगासिनो थादोंमोन। आं दि आदानिफ्राय थाम रोजा रां लानानै फालांगि खालामनो फैदोंमोन।

बेनिफ्राय बेंगुराया थाडै-थाडै थानानै मोनसे जोबोद गेदेर हाग्रामा मोननायसै। आरो खाथियाव मासे खासेवआ बालाहा गुदुंआव बाब्राबबाय थानाय नुदोंमोन। बेंगुराया सानबाय बे खासेवआ मानो बाला हा गुदुंआव बाब्राब बाय थादों होनना। बेंगुराया थैनो नागिरनायखौ बासाय होननानै फालांगिनिफ्राय बायनानै लाबोनायखौ गोसो खानानै बै खासेवा बाला हायाव बाब्राबबाय थानायखौ नुनानै अनखांनाय मोननानै गावनि

जि फालियाव बोननानै लादोंमोन। नाथाय, बेंगुराया सान्दुं गोसानि दुंनायाव थानो हायैआव मेंनाय मोनबाय आरो मेंनाय मोननानै दंफां साया नागिरनानै थाइजौ फांसे जावजा थानाय नुहुरनानै दंफां खाथियाव थानानै बेंगुराया जिरायनो हमनायसै।

बे दंफां गुदियाव थायजौ आरो थायगिर दंफां फानैबो मेरायनानै दंमोन। आरो बेंगुराया मेंनायजों दंफां खाथियाव थानानै जिराय हैबाय। बे थायजौ दंफांआवनो बिसिगि फिथिगम जिबौजों आरो दावखा दनदाजों थायोमोन। दा बेंगुराया मेंनायजों दंफां साया सिडव दो दो उन्दु लांनो हमनायसै। बेंगुराया जिबौ आरो दावखा दन्दा दंफां सायाव थानायखौ नुवाखैमोन। दावखा दन्दाया बिसिगि जिबौखौ बुंबाय सुखे बै मानसिखौ नों इसे जखम खालामना होनायसाय होन्ना। आंनि फिसाफोरा दिनै जेबो मोनजायाखै सुखे जिबौखौ बुंहरबाय दावखा दनदाया दंफां सानिफ्राय। जिबौआ बुंबाय नड सुखे जेबो दाय गैयै मानसि सासेखौ जखम खालामनो हाया।

बियो आंनि जेबो दाय खामानि मावाखै आं माबौरै बिखौ जखम खालामनो होन्ना। दावखा दनदाया रागा जोंनानै बुंनायसै होमब्ला नों आंनि खोथाखौ मानिला नामा सुखे? आंनि फिसाफोरा थैनांसिगौ नामा! नोंथाड इसे जखम खालामना होबा मायबा गेदेर खोथा जागोन नामा! बिसिगि दावखानि ब्रा ब्रा थिननायाव जिबौआ मानिना थानो हायैआव बै बेंगुराखौ जिबौआ सौनायसै। जिबौआ सौना होनाय लोगो लोगो बेंगुराया थैनायसै आरो थैखानायनि उनाव दावखा दन्दाया दंफां सानिफ्राय गाहायथिं बाख्लाय बोनो हमनायसै। बेंगुराया

खासेवखौ फालियाव थफ्ला बोनना लानायखौ दावखा दनदाया आखाय लद्रा थफ्ला सानदोंमोन। बिनिखायनो थफ्लाखौ लांनानै फिसाफोरनो राननानै जाहैगौमोन। दावखा दनदाया खासेवनि खर'थिं बोरैबा बाफ्लांदोंमोन आरो खासेवआ दावखा दनदानि आयथिंखौ गोरायै अरथेना लानायसै। दावखा दनदाया खासेवजों अरजानानै सानायजों बाब्राबनानै गाबखावनो हमनायसै। दावखाया जिबौखौ गाबज्रि दोंमोन सुखे आं थैनोसै आंखौ रैखा खालामफै होनना। जिबौआ बुंनो हमनायसै आं नोंखौ दहायनो मा बुंदोमोन सुखे दाय गैयै मानसिखौ बुथारनानै मा मोननो होनना बुंदोंमोन। जिबौआ दावखा दनदाखौ बुंदोंमोन गोरोन्थिया नोंनि ना आंनि होनना। दावखा दनदाया बुंनायसै दे सुखे आंखौ जेबो साननांला आरो जेबो दा बुंसै आंखौ गोखैनो रैखा खालामफैदो।

बिनिफ्राय दावखा दनदाया खुथार खावलायनायाव जिबौआ रैखा खालामनो फैनो गोनां बाध्य जानायसै। जिबौआ गाव सौनाय बिसखौ बोफिननानै लांफिननो हमनायसै। जिबौआ बिसखौ बोफिनना लांनायाव बेंगुराया थांखानायसै। बेंगुराया हामनाय लोगो-लोगो खासेवा दावखा दनदानि आइथिंखौ अरना लानानै बाब्राबनानै खेंखाय खेंखाय गाबनायखौ नुनो मोनदोंमोन। नाथाय खासेवआ दावखा दनदानि अरनायखौ एंगार थाराखैमोन। बै बेंगुराया दावखा दनखाखौ खासेव खुगानिफ्राय रैखा खालामनानै एंगारना होनायसै। दावखा दनदाया बेंगुराजों रैखा खालामजानानै दंफां साजों बिरलांफिननो हमनायसै। नाथाय, बेंगुराया खासेवखौ बिखंडव बाना लानानै थांफिन्नायसै। थाडै थाडै थानानै मथंगा दैसा

मोनसे मोनहैयो आरो खासेवखौ मोजाडै थुखैनानै बि मथंगा दैसायाव खासेवखौ एंगारनानै होनायसै आरो गुबुन मोनसे जायगायाव थांनायसै। बे जायगायाव सासे राजा दंमोन। राजाया फिसाजोनो सानफ्रामबो गोरजिया लाखियो आरो अ'खा नायब्लानो थैनानै थायो। राजाया बिजामादैखौ सानफ्रामबो लाखियो आरो हराव थैनानै थायो। मानि थाखाय बिजामादैया थैनानै थायो रावबो मोनथियामोन। बिनिफ्राय रायजोफोरा सानफ्रामबो राजानि न'आवनो जानांगौ थानांगौ आरो मानसि गोथै गारनांगौ। बिनिफ्राय बेंगुराया बै राजा थानाय गामिसिम सहैदोंमोन। बेंगुराया राजानि जायगासिम सहैनानै सोरबाफोर गोरजिया लाखिबायगोन नामा आदा होनना सोंहैनायसै? बेंगुरानि राव खोनानानै लोगो मोन्नाय मानसिया नों गोरजिया थागौमोन नामा होनना सोंनायसै। बेंगुराया थागोन होनना राजि जायो। सासे राजा दड बिस्रा सासेल' फिसाजो दड सानाव गोरजिया लाखिब्ला हरावनो थैनानै थायो मानि थाखै थैनानै थायो जों मिथिनो मोना। जों गामिनि रायजो राजाया सानफ्रोमबो राजानि बिजामादैनि गोथै सह'खौ गारनो गोनां जायो। बेंगुराया बुंनो हमनायसै होमब्ला खाफालाव दंब्ला आंबो थैनोबो हानाय। दे होमब्ला नों जुदि थामारनोब्ला जों राजानिसिम लांनानै दोनहैनि। बेंगुराया राजि जानायसै आरो गामिनि मानसिया राजानि न'सिम लानानै थांनायसै। बेंगुराया गोजान लामाजों गिदिं गिदा थाबायना फैनानै ओंखाम उखैनयजों मेंग्लिदोंमोन। जेब्ला बेंगुराखौ राजानि नसिम लिंना लानानै थाडे अब्ला स'मा बेलारोम जाबायमोन। बेंगुराया राजानि न' आव मोनहैब्ला मोनानि ओंखामखौ हिनजाव गोदाना ओंखाम

जानो थाखै खुरनानै होयो। ओंखाम खुरना होयोब्ला मासे मावजिया सिगां फैनानै ओंखाम उखैनानै बेंगुरानि खाथियाव मेव-मेव गाबफैदोंमोन। अब्ला बेंगुराया फालांगिनिफ्राय थाम रोजा रांआव बायनानै लाबोनाय फंथाम खोथाखौ मावजि गाबफैनायाव गोसोखांनानै अनखांनाय मोननानै मावजिनो जानो होनायसै। जानो बिनायाव जानो हो होननानै। आं दि खोथा फंथाम थाम रोजायाव बायनानै लाबोदोंमोन। बेंगुराया गाव जाया लासै मावजिनो ओंखामखौ अननानै जानो थाखै होनायसै। मावजिया जेसेबां होदोंमोन होनायखिनिखौ जाजोबनानै उसुं खनायाव थांनानै गावनो बाब्राब बाब्राब थैहैनायसै। मावजिया बाब्राब बाब्राब थैनायखौ नुहुरनानै बेंगुराया ओंखामखौ जाया लासिनो सिखार लांनायसै। बेंगुरानि आरो राजानि फिसाजोनि हाबानि थाखै गामिनि रायजो राजाफोरा हाबा खामानि मावनायफोराव मुखुब जादोंमोन। जेरै मैगं हानाय, मायरं सुनाय, मैगं संनाय, बेदरफोरखौ बुथारनानै बेदर गोदानाय, संनाय खावनाय खुरनाय जानाय लोंनायनि थाखै लाहार फाहार खालामदोंमोन। बेंगुराया उन्दुनाय बैसांखौ मोजां नायनानै उन्दु होननानै बुंनाय बाथ्राखौ गोसो खांदोंमोन।

बेंगुराया सिरि-सिरि थांनानै हिनजाव गोदाननि उन्दुग्रा बैसांआव मा मा दड नायखोमा हैग्रोदोंमोन। नायखोमा हैनायाव बिसनायाव मानसि फुथारनो हाग्रा बायदि सिना आयजें आयला नुनो मोनदोंमोन। उनदुलांनाय समाव मायबा मोनसे होबानो थैनाय मुवाबो दंमोन। बेंगुराया नायखोमा हैग्रोनानै मानसि फुथारग्रा बायदिसिना मुवाफोरखौ गुबुन खथायाव सिरि सिरि दोनखोमाहैदोंमोन।

बिनिफ्राय हिनजाव गोदाना हरनि से रिंगासो स 'माव बिसनायाव माबा नागिरनानै खुसुर मुसुर जादोंमोन आरो कुकुर काक्रा सोदोब खालामदोंमोन। उनाव बेंगुराया इसे आन्दास मोननानै हिनजाव गोदानखौ सोंनायसै नोंहा एफा ह 'रव मा जादों मा नागिरदों नोंलाय होन्ना बुंनायसै। बिनिफ्राय हिनजाव गोदाना बुंफ्लानायसै आं बायजोआवसो ओंखारदोंमोन होननानै थगायनायसै आरो थायै थायै ह 'रा थौनानै सोरां जाबोनो हमनायसै। नाथाय, बे राजानि गामिनि हाल माजिया रायजो राजाफोरखौ लिंहेदोंमोन फैलायदो राजानि बिजामादैनि गोथै देहाखौ गारहैनो होन्ना। उनाव हालमाजिया लिंनायलाय गामिनि रायजो राजाफोरा राजानि बिजामादैनि गोथै स 'हखौ गारनो थाखै बयबो लैहोर-लैहोर राजानि न 'सिम फैनायसै। आरो गामिनि सासे सुबुंआ राजानि बिजामादैनि गोथै देहाखौ नुनो मोनैलाय गोमो हाबनो हमनायसै। आरो बुंनो हमनायसै गोथै देहाखौ थ 'सानफ्रामबो रायजो राजाफोरसो गारनांगौ जायोमोन होनना। गासैबो रायजो राजाफोरा राजानि नसिम फैनानै बेंगुराखौ नुफैनानै गोमो हाबनो हमनायसै।

राजानि गोदान बिजामादैखौ गामिनि सासे सुबुंआ बुंनो हमनायसै। राजाया गोबां बार गोरजिया लाखिबाय नाथाय सासेबो बिजामादैयानो थानानै थायाखैमोन। राजाया सानाव गोरजिया लाखियो आरो हरसे आवनो थैनानै थायो। सानफ्रोमबो फिसाजोनि थाखै गोरजिया लाखिबाय थायो नाथाय

सानसेआवनो थैयो सासेबो थाया जाहोना मा होन्ना बेंगुराखौ गामिनि रायजो राजाफोरनिफ्राय सासे बोराय बैसो गोराया बेंगुराखौ सोंनो हमनायसै। बेंगुरा बुंबाइ- नोंथाडा माबाफोर रोंगौ नामा ? होन्ना सोंनायसै आरो सोंनायाव बेंगुराया फिन होनायसै। दे बिदिब्ला आदामोन खोनासं जों बिदा फंबाइ साथाम दंमोन। आदा सासे, फंबाय सासे आरो आं, आदा गेदेरनिफ्राय थाम रोजा रां लानानै फालांगि खालामनो ननिफ्राय ओंखार बोदोंमोन। फैयै फैयै लामा ससेआव सासे खोथा फानग्रा फालांगिखौ लोगो मोनदोंमोन। फालांगिनिफ्राय फंथाम खोथायाव थाम रोजा रांआव बायनानै लाबोदोंमोन। बे खोथायानो जाबाय थैनो नागिरनायखौ रैखा खालाम, जानो नागिरनायखौ जानो हो आरो उन्दुनायनि सिगां गावनि उन्दुनाय बैसांखौ मोजाडै नायनानै उन्दु नांगौ'' होन्ना बे फंथाम खोथाखौ आं फालांगिनिफ्राय बायनानै लाखादोंमोन।

नाथाय, बेंगुराया रायजो राजाफोरनि सिगाडाव आं जेबो रोडा होनना बुंदोंमोन। बिनिखायनो आंबो उन्दुनायनि सिगां उन्दुग्रा बैसांखौ मोजाडै नायनासो उन्दुदोंमोन। बिनिफ्राय गामिनि रायजो राजाफोर बिजामादै गोदाननिफ्राय रावखौ खोनानै जोबोद गोजोननाय मोननायसै आरो साबायखर बाउनायसै साबगौ नोंथानि बिजामादै गोदाना। राजा आरो राणि सानैबो गोजोननाय फैयो आरो बै दिननिफ्रायसो सानैजों रुजु रुमु अराय दिननि थाखै रायजो जालानो हमनायसै।

सेल्फीनि सोमावसारनाय

-रनजय ब्रह्म

बिथांनि मुंदांखाया बे हादोर नाडैनो बे खेबाव गोसारजोबबाय। मुलुगावबो गोबाडनो बिथांनि मुंखौ खोनानानै मोखास्ट' खालामना लाबाय। गोबाडनो बिथांनि बागै सान-हर सावरायलायनो हमबाय। गोबाडनो बिथांनि बागै सावरायनानैनो बेलाथि जौखौ गंभ्रै-गंभा गाहाम लोंनो हाबाय। बिथांनि गोदोनि लोगोफोरा खुसिजोंनो गोदो गावसोर लोगो मोनलायनाय समफोराव लानाय सेल्फी सावगारिफोरखौ फेसबुकआव हाजार हाजार फस्ट होबाय। फोसावनानै होबाय। केपसनाव लिरनानै होबाय।

माइ इनफ्लुइन्सियेल फ्रेण्ड बिकाम सिफ मिनिस्टार इन डिस इयार। आंनि जिउआव गोहोम खोख्खैनो हानाय लोगोआ बे बोसोराव बे हादोरसानि गिबि मन्थ्रि जाबाय। हार्टिएस्ट कनग्रेसुलेसन्स टु हिम। लं लिभ माइ फ्रेण्ड! गद ब्लेस इउ! बेबादिनो हाजार हाजार गावजों गाव गावसोरनि फेसबुक स्टेटासआव कमेन होलायबाय। बिथांनि टाइमलाइनआव कौति कौति नंद्रायाब्लाबो लाख लाख 'कंग्रेसुलेसन्स' सोदोबा पस्ट होजाबाय। बिथाड जेब्ला गाव सि एम जायो होनबा बिथाड फेसबुकखौ नायनो समानो मोनाखिसै। फारसेथिं बिबा-बि आखाय दाख 'नो आरो गोबाख्रबनो बिनि सेराव दावगानानै

फैबाय। बिथाड सोरजों आखाय दाख 'श्रनो सोरजों गोबाश्रनोसो जाबाय। बिबार माला, मेडेल आरो आर 'नाइ गानहोनो फैनायनि हिसाब गैया। एसे सम मोनोब्ला बियो फेसबुक नायनो सानो नाथाय बिथांनि मबाइल फन आरो कम्पिउटारानो हें जानो गोनां जायो। बेबादिनो जि सानसो बियो फेसबुकखौनो नायनो हायाखिसै। गिबि मन्थ्रि जानायनि सिगां नडब्ला बिथाड नैजिब्रै घन्टा फेसबुक अनलाइन दोनग्रामोन। लोगोफोरनि मेसेज आरो कमेनखौनो दाउब 'आ ना जमनायबादि जमबाय थानो गोनां जायोमोन।

मोनसे समाव सासे मानसिया बिथांनि जोबोद लोगोमोन। बिसोरो लामा-सामा माब्लाबा गोसोथोलायनाय आरो लोंनाय-जानायनिबो बाश्रा सावरायग्रामोन। सम सम खाबसे खाबनै जौ गोजा लोंलायग्रामोन। गंसे सिगारेटखौनो बिसोरो सानैजों सम सम फाला-बदल सोबलायग्रामोन। सम सम बिसोरो सिखाव खावनोबो सानोमोन। नाथाय बि मानसिया बिथां सि.एम.जों एथ 'दिन लोगो मोनलायब्लाबो सेल्फी लानो रोडाखिसै। दिनै बिबो बिथांजों लोगो हमनानै सेल्पी लाबाय।

बियो जोबोद गोजोननाय मोनदों। नंमारगौ मानसि गिदिरफोरजों सेल्फी लानो मोनोब्ला गोजोननाय मोनमारो। गावखौनो मानसि गिदिर

जासिगोन बादि मोनो । बियो गावनि मान आरो सनमानखौ बांसिननाय बादि मोनो । सावगारिखौ बि मानसिया फेसबुकआव आपलड होनाय लोगो लोगो बिथानि जाधि-खुरमा, थिखादार लोगोफोर, गोदोनि क्लासमेट गोबाडानो कमेन होबाय ।

मानसिफोरा बुंसोलायबाय-

लुकिं हेन्डसाम ।

सोरबा सासेया बिथांखौ बुंबाय-

सार ! इउ आर मस्ट हेन्डसाम देन सि एम ।

गुबुन आरोबाव सोरबा सासेया बुंबाय-

आदै, मोजां नुदों नोंखौ । नोंबो सि एम जानो हागोन । नोंखौबो सि एम जानो समायोथ'... ।

नोंखौबो सि एम जानो समायोथ' ।

बे फंसे बाथ्राया बिथानि गोसोआव बिजि सुबाय । बिजि सुजानायाव देहा-सोलेर आरो मेडिसिना खारसार जोबबाय । बिनि गोरबोआव रंगिना गाब नांबाय । बिथाड गमामा सानबाय ।

आंबो बि.ए. पास । आरिमु जालिया उथ्रिनाय । राजखान्थि बिगियान आयदायावनो अनार्स लानानै नैथि थाखोआव उथ्रिनाय । आं मिथिगौ- हवाट इस पलिटिक्स एण्ड पलिट्रिक्स ? आं मानो राजखान्थिगिरि जानो हाया जानो ? आं दा सासे थिखादार । थिखादारनिफ्राइ आं बे हादोरसानि सि एमसिम प्रम'सन लागोन । थिखादारनिफ्राइ राजखान्थिगिरिसिम आं गावखौनो कनभार्ट खालामना लागोन । आंनि लोगोआबोथ' मोनसे समाव राजखान्थिगिरि जानायनि जेबो थांखियानो गैयामोन । बिथाड आइ पि एस नडाब्ला चीना हादोरनि जेक मा बादिसो बिलिनियर अन्ट्रप्रेनार

जानायनि थांखिमोन । आलि बाबा डद कम बादि बिथांहा जि डब्लिउखौ मेनेज खालामनो थांखिमोन ।

जेरैबादि बिथाड गोख्रों थांखि लाबाय । जेरैबादि बिथाड खस्थनि गेजेरजों नाजाथाबबाय । गमामा बियो बे हादोरसानि सि एम जानो हामारबाय । नाथाय सि एम जादोंब्लाबो बियो गावखौनो आसरिथ मोनबाय । बियो फुजा-मेलयाव सोरखि फिदिंन जि रांआवनो बोरमा खासि मोननायबादि नांबाय । बिथानि लोगो आगोलनि सि एमआ बिखौ बुंनो गोनां जाबाय ।

आइ वास बिकेम सि एम अफ डि कान्ट्रि फर फाइभ इयारस । नाउ इउ बिकाम सि एम फर कामिं फाइभ इयारस । कनग्रेसुलेसन्स टु इउ फ्रेण्ड !

टिभि अनलाइन खालामबानो रायजो-राजाफोरनिसिम फैबाय ।

बिथाड जिउ लावथों

जिउ गोलाव जाथों

जिउ लावथों... !

खुसिजोंनो एटम बमा, आसि फरका, रकेट बमा, गोमब्रि बमा गावनाय थुम-थुम, थाम-थाम, थुम-थुम थाम थाम... ।

जोबोद गोजोननाय मोनबाय बिथाड । बियो गावखौनो गाव देरगानायबो मोनबाय । मानोना लाख लाख सुबुंफोरनि मादाव बियो सासेल' जानो हादों बे हादोरसानि सि एम । लाख लाख मानसिफोरादि बिखौ मोजां मोनो बेनि सायाव बिथांहा फोथायनायबो गैयामोन । बेबादि समावनो मस्ट फेमास एण्ड टेलेन्ट खौरांगिरि

बिथांमोना बिथांनि खाखियाव फैनानै सोंफैबाय ।

सार! गिबियावनो गाहाम हामलायनाय बाउबाय । नोंथाडाथ' आगोलाव सासे थिखादारसोमोन । दा नोंथाडा बे हादोरसानि सि एम जाबाय । नोंथाडा सोरनिफ्राइ थुलुंगा मोननानै दा सि एम जानो हाखो ?

बियो जेरै बुंदों बेबादिनो टिभियाव नुनो मोनबाय । एसे मोजाडै मोखांखौ हुस्लिमना बियो मिनिस्लु जाबाय आरो बुंबाय ।

सानसेखालि आं बारग' गिबि मन्थ्रिजों सेल्फी लादोंमोन । बे सेल्फी सावगारियानो आंखौ सि एम जानो थुलुंगा होबाय । बिथाडा जेरैबादि बाथ्राखौ बुंबाय लोगो लोगो बे हादोरसा, हादोर आरो सारा मुलुगनि हादोरफोरावनो मोनसे सेल्फीनि सोमावसारनाय फैबाय । मानसि गिदिर जर 'खायै मटिभेटरफोरा बुंबाय-

मानसि गिदिरफोरजों सेल्फी ला
मानसि गिदिरफोरजों सेल्फी ला
बे सेल्फी सावगारिखौ नायबाय था
सम मोनब्लानो नायबाय था

बे सेल्फी सावगारियानो नोंखौ मानसि गिदिर खालामगोन

मानसि गिदिरफोरजों मोगा-मोगि जा । सें गसं, बेनिफ्राय गावखौ मानसि गिदिरजों एसे रुजुनानै नाय । सों बिसोरनाव बिसोर मा जायो मा लोडे । माब्ला उनदुयो आरो मा समाव सिखारो बेनि बागै सोंनानै ला ।

बेबादिनो रोजा रोजा फरायसाफोरा मानसि गिदिरफोरजों सेल्फी लाबाय आरो मानसि गिदिर जानो हाबाय । बेखौ नुनानै बिथां सि एमआ जोबोद गोजोननाय मोनबाय । बियो दानिया आरोबाव फुरा-फुरि फोथायबाय ।

बेयो सेल्फीनि मुगा । गावनि सिनायथिखौ गावनो होनांगौ बे मुगायाव । गावहादि मेगन दं, गावहादि खोमा दं, गन्थं दं, आखाय दं, खर' आरो खानाय दं बेखौनो गावनो सिनायथि होनांगौ । मेगन थानानै जों मेगनखौ दोनखोमानो नाडा, खोमाखौ दा दोनखोमा, गन्थंखौबो जोथोनै ला । मोखांखौ जोथोनै ला आरो खर 'खौ बाहाय । जेरैबादि मानसि गिदिरफोरा बाहायो... ।

लख्रा देवानिनि बिहामजो मोसा फाखि

-शिबेन्द्र ब्रह्म

गुबै मुडा लद्राइ दैमारि। दा नाथाय बे मुंखौ मख 'नानै रावबो गाबज्रिला एबा मिथिला। लख्रा देवानि बुडोब्लासो बयबो मिथिसै एबा गाबज्रिसै। बे लख्रा देवानि मुं मोन्नायनिबो मोनसे सल ' दड ' सानसे खालि मैहुराव थांनायाव हरखाबै मासे लख्राआ गाग्लोबखादोंमोन नारा-नाथार उल्थां-फाल्थां खमलायनांदोंमोन गावनि जिउखौ रैखा खालामनो। बुरग्लाब जादों-अरग्लाब जादों मोखां-गन्थं गासै देहा सोलेराव। उन थाराव बोरैबा थाखि-थुखि गावनि जान्जियाव खाना लानाय खुखिखौ बख 'ना खायदा मोनफ्लांनानै लख्रानि हाउ-हाउ सिनाय गारामायाव सुखाव हरदोंमोन खुखिया जेसे गोलाव एसेनो। गाबखावखादोंमोन लख्राया सलादेंनो। अब्लासो रैखा। बे साननिफ्रायनो लद्राइनि मुडा लख्रा जायो आरो आगुनिफ्राइनो हिन्जावनि देवानि मावबोनायखाय दैमारि उफादिनि जायगायाव देवानि उफादिखौ जायगा होनाय जायो। बे बाइदिनो लद्राइ दैमारिनि मुडा गोमानानै लख्रा देवानि मुं जायो। दा बे मुंजोंनो पबट्झ 'रानि नास्त्राइ बिलो गामिया मुंदांखासै। लख्रा बुथारनायजौल' मुंदांखा जायाखै- हिन्जाव देवानिजोंसो रासिनै मुंदांखा जादों। जिल्लानि बयजोंबो मिथिजाबाय लख्रा देवानिआ। बे मुंजोंनो दा मुंदांखासै जेरावबो। पबट्झ 'रानि अनगायैबो जिल्लानि

ख 'ना-ख 'नला गासै जायगानिफ्राइ लख्रा देवानिनि न 'खराव बयबो फैयो-थाडो, सान-हर अराय सम। बयनोबो लख्रा देवानिखौ नांगौ, नांथारगौ जायो। जाय-सेंग्रा एबा सिख्लाया हाबा जायाखै एबा गाव-गावनि गोसोनि फसन्द 'बादि जुलि लानो गोसो, जाय बिमा-बिफाफोरा फिसाफोरनि मोजां मोनलायनायखौ साबजानाय मोनाखै एबा बोखानो लुबैदों बेफोरबादि मानसिफोरनो लख्रा देवानिखौ नांगौखि नांगौ, नांथारगौ जायो। जाय बेफोरबादि खामानिखौ लानानै लख्रा देवानिखौ हमफैगोन बेयो खामानिया पाक्का जागोन खि जागोन, जाथारगोन। मादि गोहो दड', जाथावथारै खामानिया जाना फैयो आरो जाखाथारनाय रादायाबो फिन फेलें जाफिनो। आफोद, आफोद मिथिस' हाया, बुजिस 'मोना लख्रा देवानिनि बेफोर गुननि गोहोखौ। सानथ्र 'नो हायै जुलि जाथाउयैखौ जुलि जाहोबाय, सानथ्र 'हायै सेंग्रा-सिख्ला मोजां मोनलायनाखौ बोखाबोना हांमा दोनबाय, गोबाडनो थैनांबाय बेफोरनि फारसे नाथाय उदिस गैया लख्रा देवानिया। जायो लोडे रंजा बाजा थायो। थेलेब-लेब संसार, बिसि-फिसा साब्रैल'। फिसा हौवा सासे आरो फिसा हिन्जाव जासे। हौवासाया क 'क्राइर कलेजयाव फरायो। न' भार लानानै बि.ए. नैथि सेमिस्टार फरायगासिनो दड'। हिन्जावसाया देग्लाय मेट्रिक आनजाद

लिरगोन। खाथियाव थानाय फरायसालियावनो फरायो। हा-हुआ नैजि बिघा दड'। गाव मावनाय जाया। गुबुननो आदि मावनो होयो। देवानि मानसि गावलाय बहा सोलाबनो? साब्रैल' जानाय बेखौनो जाथ्र'नो हाया। मोनबाउयोसो गावनि देवानि मावनायनि गांलाब-गांथाब रां। सासे माहाजोनखौनो बुंनो हायो। बिफानि गांलाब-गांथाब रां मोन्नायखौ नुनानै फिसाज्ला गोमबोर थोया-थोया नादिगार नादिगार रां बिनानै लांथारो। बिनाय मानि हरोबो लखा देवानिआ नाथाय माब्लाबाबो मोजां-गाज्रि खौरां लाफेराखै फिसाज्ला कलेजाव फरायहैनायखौ। फरायहैदों फरायहैदों बेखौल' मिथिगौ लखा देवानिआ गाव खालि देवानि मावै मावै जादों-लौदों, रंजा बाजा समखौ आलो गोजोन हगारहरदों लखा देवानिआ।

सम आरो बोथोर अराय सोलाय सल' जाबाय थायो। बेयो रोखोमसेयै थाबाय थाया। माब्लाबा सान्दुं, माब्लाबा अखा आरो माब्लाबा मिथिस्लाब मोनै सिमब्रेखानाय गिलु बालु बारहुंखा बारखाडे। सुबुंनि जिउयावबो बे रोखोमसेयानो जायो। बे बाइदिनो दिनै लखा देवानिनि फिसाज्ला गोम्बोर दैमारिया क'क्राझाराव बारखानाय बार मोदायजों सिमब्रे जाबोनानै मोना-मोना न'खराव बेसेबा गिदिर गिप्ट लानानै सारप्राइज होफैदों। माने हौवा गोदान म'हरजों हिन्जाव गोदान हाबा खालामनानै नुजाफैदों। हाबा खालामनानै फैदों बुडोब्ला नंखाय बुंनाय जागोन। जबरदस्ति हाबा होजानानैसो, नुजाफैनांदों बुडोब्लासो सैथो बाथ्राखौ बुंनाय जागोन। गावनि आखल आखुयावनो फाखिनि दौलेंनि गोमब्रि हाख'राव

गाब्र' हैना राइजो-राजा आइ आफाफोरजों हाबा खालामनानै हरजादों। गोम्बोरनि बेफोर महरजों नुजाफैनायखौ नुखानानै गोमो हाबदों बिफा लखा देवानिजों लहोसे बिमा फावदुर आरो बिनानाव जारौआ। गोमो खागोन मानो गोमोया जानो? खोथा गैया-बाथ्रा गैया, खबर गैया-दबर गैया हरखाबै बेफोर बादि महरजों फैनायखौलाय सोरथो गोमोया जानो? बयबो गोमोगोन गोमोहाबदों, नुनानै बिफा लखा देवानिआ। नंगौ नड, सान्दों। फोथायनो हाया हाया मोनखांदों।

सिमां ना मोखथां, गावखौनो फोथायनो हायाखै लखा देवानिआ। खर'निफ्राय आथिसिम आरो आथिनिफ्राय खर'सिमल' नायबाय थारों। खर'सायाव हिन्जाव गोदाननि सादोर गुफुर, खाफाल गोजौयाव गोजा सिन्दुर आरो नुबावदों लखा देवानिया हिन्जाव गोदान महरै फैनायनि फारनै आखाइयावबो आसान सांखा। बेफोरखौ गासै नुखानानैसो गोसोयाव मोखथांखौनो सान्नानै लानांबाय। अब्लाबो जेबोखौनो बुंनो रोडाखै। बबा बादि सिरिल्ल' नायनानै थाबाय थारों। बिमा आरो बिनानावा लखाखौ गिनानै लिंथावया-बुंथावा उसु-खुथु जानांबायदों। गिखाथारनांगौबो जेरै मुं बेबादिनो हग्दाव-हग्दाव सोगोमखांथारो। फिसाज्ला गोम्बोराथ' रागा जौब्लाबनो गिखाथारो। गोदो लखाजों अरख्लाब जानाय बुरख्लाब जानाय मोखां गंसेमानि आसि खाराफोर बादि गिदिर गिदिर गोसोम दागोफोरानो रागा जौब्लाथाय गिथाव बाथाव महर नुखांथारो। बिफानि बेफोर हालोदखौ नुनानै गोम्बोरा थोर थोर गिखांदों। नाथाय हिन्जाव गोदान महरै फैनाय फाखि मुसाहारिया गियाखैबो-

लाजियाखैबो। बन्थ' बाइदि गसंबाय थानानानै रागाजों माबासो बुंहां जाबायमोन एसेयावनो गोम्बोरा बिफा आरो बिमाखौ गिबांसिन गुगुरुब खुलुमबाय। खुलुमफानांदों बाबांसिन फाखि मुसाहारियाबो। फिसाज्ला आरो बिहामजोनि गुसु आखाइजों नांजानायावसो मोजांयै हुस मोनखांदों लखा देवानिआ। बिहामजोनि महर मोखांखौ नुनानै दिउ दिउ रागा जोंखांदों। रागाजोंनो गोसोयाव सानखादों महरा मोजां मोनब्ला जेबो अरजालामोन। नाथाय हिन्जाव जाखो ना हौवा जाखो? मा हिन्जावबो नंजोबा हौवाबो नंजोबा राखां-रुखां मोखां हारा गोजौ गोजौ थामथि आथोननि हिजिराफोरबादि हिन्जाव बेलाय? बेबाइदि हिन्जावखौ माबोरै बिहामजो महरै गनायबावनो। रागाजों दुखुजों फिसाज्ला गोम्बोरखौ हब्रा-हब्रा रायनो सान्दोंमोन- बेनो नौनि राजा बादि थोया-थोया रां लानानै कलेज फरायहैनाया? माथो हिजिरा हिन्जावजोंसो बिया पास जाग्रोनानै फेखो? नाथाय माखौबा गोसो खांफ्लानानै गोसोनि जौनाय रागाखौ गोसोयावनो मन फिन्नानै लानांदों। रागा जोंदोंमोनब्लाबो जेबोखौनो बुंनो हायाखिसै लखा देवानिया फारसेथिं खोथा गैया, बाथ्रा गैया, बबा-बबिफोर बादि थं-थं, थां-थां गसंनानै थानायखौ फाखि हिन्जाव गोदाना रागाजोंनो थिखिनि मावगुहैलायबाय। बेसेबांदि सानबोदोंमोन- गोसोआव मिजिं लाना गावखौ बिहामजो महरै बिहाव बिखुनजोया रंजा खुसियै बरायनानै न'मा न'आव थिसन हैगोननि। नाथायबा दा बिनि उल्थासो लाजिफैनांबाय। गोसो गोर्बोयाव रागा जोंखांनाय अरा ब्रायैनो खुगाजों

अर सालाइ बादि ब्लाव जोंब्लाब खांना बुंबाय- “हा, बन्थ मुराफोर बादि खोथा गैया, बाथ्रा गैया, बबा-बबिफोर बाइदि थं-थं, थां-थांथाय गसंलायबाय थानोसै?” बिहामजोनि बे खब्रां रावखौ खोनानानै बिमा फावदुरा बुंनांबाय- ‘ए नडलाय माथो फैंदो आफा फैंदो न'आव लानानै फैंदो। बुंनानै बरायलांबाय न' फारसे। मोसौ खानानै बोलांजानाय बाइदि बिमानि उन उन थांफादों बिसि फाखिखौ लानानै गावनि न'आवनो गिसं गासं दिनै। अब्लासिम रागाजों दुखुजों जेबो बाथ्राखौनो बुंनो हायाखै लखा देवानिआ।

न'सिडाव हाबनो मोनग्रोमोना फाखि हिन्जाव गोदाना बिरा जाखांनानै फिसाइ गोम्बोरखौ थांखिनानै बुंबाय - हाबाब माबोरै सोलिनांगौ हाय? बेफोरबादि नखराव? आंजों हले सोलिनाय नडहाय, बेफोर बादिजों। मा सोदोमस्त्रि गैथारै भुत, फेथाफोर बादि नखर बेलाइ। बिहामजो गोदानखौ माबोरै बरायनांगौ बेफोरनि गियानानो गैथारा माथो।

: सिरि थालै आइ-आफाया खोना हैगोन? गिनानै खाराव माराव बुंबायदों गोम्बोरा बिसि फाखिनि बेफोर बाथ्राखौ खोनानानै।

: मा सिरि थानो, मानो सिरि थानो आंलाय? खोनाहैथों सोर सोर खोना हैयो, खोनाहैथों। खोनाहोखानांगौसो बिसोरनो। रागाजों खोनाथों खोनाथोंसो बुंसिन्दों फाखि हिन्जाव गोदाना। बिसि फाखिखौ गिखांनानै आरो जेबोखौनो बुंनो हायाखिसै। बिसि फाखिखौ मोजांयैनो मिथिखागौ, बे समाव माबा मोनसे राव बुंनाय मानि जौनाय अराव घिउ लुफावनानै होनाय। गोमबोरा दासो गावनि गोरोन्थिखौ सान्नो हादों।

नांगौनि बारा गांलाब गांथाब रां लानानै गाव दिनै मा जानांखो ? लोगोफोर लानानै फाख्रिनि न'आव जौ लोंहैदाव लोंहैदाव मिथिस्लाबमोनै फाख्रिनि सानानै दोन्नाय दौलेंनि गोमब्रि हाखरावसो ब्र' गाब्र 'नो गोनां जादोंमोन । नडामोनब्ला मिथिखा-नुखा गोमबोरबो लाबोथारामोन फाख्रिखौ हिन्जाव महरै । दाथ' जा बाइदि हिन्जावखौ मोनबोनांगौ मोनबोबाय नखराव अर जोंब्लावगोना रोखासै । बिफा लखा देवानियाबोथ' एसेल' नंखाथारा । बिहाव-बिहामजोनि महाभारत दावहा जागोना रोखा नुहुरखाबाय । बिसिजों जानानै गसंनो ? ना बिफाजों जानानै गसंनो ? गावहासो आख' फाख' जानांबाय । गोमबोरनाव गंनैयाव थोंफा फारफा आथिं गानानै फेन्दा गावनायसो जासिगोन । बहा ग'बावनो, गोरोन्थि मावनानैलाय, हायरे खाफाल आंनि खाफाल । गोमबोरनि सानबोलावरि गोसोयाव बाइदि सानफुबाय थानाय समावनो बिनानाव जारौआ कापनै चाह आरो बिस्कुत लाबोनानै गोदै रावयै बुंफैबाय नै आदा आरो बाजै चाह लाबोदों आं लोंदो । बिनानावनि बाथ्रायाव गोजोनग्लायखांनानै अन्नानै गोमबोरा बुंबाय-लोंगोन बिनानाव, लोंगोन । बुंनानै चाह कापखौ हानहरनानै बिसि फाख्रिखौ बुंबाय- लोंदो फाख्रि, बुंफिन्दों बिनानावखौ आरोबाव - मा ओंखि संदों जारौ ?

: अमा बेदर गोरान दड आदा, बेजोंनो थारुनजों संनो नागिरदों आइया ।

: बरिया जाथारबाय दे, थारुन इंखि मोनजायैयाबो गोबावथारसैमोन । खोनाग्रोमोना ब्लाव जोंब्लावनाय अरा दै स' लुसोमजाना

स्रोब गोमोरनाय बाइदि फाख्रि हिन्जाव गोदाननि फादुब जोंनानै थानाय रागाया हाजेउ मिनिखांबाय । फाख्रिनि हाजेव मिनिखांनायनि आन्दोयाव दडमोन पर्वटझ'रानि थारुन इंखि मोनजागोननि खुसिनि गाब बेरखांनानै मिनिखांनाय । आरो बबे अमा बेदर गोरानजोंबाव । ओरैनोब्लाबो पर्वटझ'रानि थारुन बुडेब्लानो नाड-फाड खुदै र' ग'खायो फाख्रिहा ।

हर थौबाय, मोनानि ओंखामखौ स्त्रि-स्त्राय जाखां-लोंखां बयबो उन्दुलायबाय । नाथाय हिन्जाव गोदान फाख्रिनि अनगायै नखरनि रावबो उन्दुनो हायाखै । सोरबाया खुद्रिनायजों सोरबाया दुखुजों सोरबाया अन्नायजों आरो सोरबाया उन दाहा नि सान्नायजों दावहा नाडै नाडै जेन्नानै हरनि समखौ हगारनांदों । बिसोरनि गेजेराव रासिन दावहा होनांदोंमोन लखा देवानिआ । सान्नायजों दावहा नांदों आरो नांदों नांथाबथारदों । नाथाय गले गले जेनबाय थारदों लखा देवानिआ । उन थाराव जेनथारनानै हांमा सुरै सुरै हाया-नागारा गनायनानै लानांदों । अब्लाबो दाहा थाबाय नायथावा-जाथावा, हिन्जावनि महर मोखां गैयै हौवाफोर बादि मोखां गोजौ हारा गोजौ गोजौ राखां-रुखां थामथि आथोननि हिजिराफोर बाइदि बिहामजो मोन्नानै आद्रिनो सिबाइ । बेसेबांदि गोसोयाव मिजिं दडमोन सासे मोजां बिहामजो मोन्नायनि, नायथाव थावब्लाबो जेबो अरजाथारलामोन गोसो जायोब्ला लख्रानो मिनिटसेबो सम नाड बेखौ गारनानै थांफिनहोनो । नाथाय बेफोर पापनि खामानिखौ लख्राआ मावनो सानाखिसै ।

बेफोर बाइदि इनाय पापनि खामानिखौ मावबाय बायैनो पापआ गावनियावनो गोग्लैफैबाय,

बेखौ दिनै लखाया मोजांयैनो सान्नो हादों । फिसा हिन्जाव जारौखौ आरो बेबाइदि पाप नांहोनो हाला । गावनि इनायै मावनानै हरबोनाय अगेन पापनि खामानिखौ उनदाहा लानानै मोदै रथ' रथ' हांमा सुरै सुरै हरसेमानि गाबनांदों लखा देवानिआ ।

अखानायबाय, सानजाहा जारां साना लाजिगुसु महरजों नुजाखांबाय । हरसे मानि दावहा नानानै ओलैस्त्रो मेंहाबनाय देहा सोलेरखौ थाजिम खालामफिन्नो असिलायै ओंखारलांबाय लखा देवानिआ फुंबिलियावनो । अब्ला न'खरनि रावबो राव सिखाराखैमोन । दान्दिसे उनाव बिमा बिनानाव आरो गोमबोराबो सिखारबाय । नाथाय सिखाराखै हिन्जाव गोदान फाखि मसाहारिआ । चाह लौनायनि सम जाबाय, गोमबोरा बिसि फाखिखौ गले गले फोजाहैबाय नाथाय सिरि मोनथाराखैमोन फाखि मसाहारिआ । माबोरै सिरि मोनहोनो हानो ? बाथ्रायावनो दंखाथारो गोदो गोदो उन्दुलांनाय मानसिखौ फोजाखांनो हायो एबा गोलै, नाथाय फावथिनाजों उन्दुप्लानानै थानाय मानसिखौ माब्लाबाबो फोजाखांनो हाया एबा गोब्राब । फाखिनि बेलायावबो बेनो गोरोबफ्लेदों । फोजाब्लाबो हाथारैनि फुनि चाहाखौ गोमबोरा बिमा आरो बिनानावजों जयै लोंफादों । चाहा लौनाय समाव बिमा फाउदुरा गोमबोरखौ बुंदों- हा मानोथो दाबो सिखारदिया फालाइ ? ना लोमजा बायदोंसो, मोजांयै सोंहैयाबालानो ?

: जानारो लाजिखांनायै बुंनांदों गोमबोरा । लाजिबांसिन चाहा लोंखांनायै फोजाहैबावबाय । अब्लासो बाबांसिन सिखारबोना आइलि जाइलि खानाइखौ खाथब लांनायै मोखां गन्थं सुहैबाय । दसे

उनाव देलायखां-जोमखां खामसालिनि चियाराव खाउब' जिरायफैनायै बिबोनां जारौनियाव चाह बिहरनायै सुबा-सुब आरामै लोंबाय जेन' सासे महाराणीसो । फाखिनि बेफोर आखल-आखुफोरखौ नुनानै गन्थं स्त्रो-स्त्रो मोनलायनाय लाजिखांनाय मोन्दों गोमबोरा । दान्दिसे उनावनो नसिडव थ्रोब हाबसोनानै थाहैफिनबावबाय । गोमोखांदों बिमा आरो बिनानाव जारौ मोनहा फाखिनि बेफोर आख'लफोरखौ नुनानै गोसोफोराव सान्नाय फैखांदों- माबोरै संसार जागोनहाय बेफोरबादि आख'ल आखुजों ? महरा जैरै नायथावा जाथावा आख'ल-आखुफोराबो साबा-दाडासो माथो ? फिसाइ गोमबोरखौथ' मा बुंबावगोन । मोदोम गंसे मेवखांजोबबाय । थानो हाथारैनि न'सिडव थांनायै बिसि फाखिखौ सोमजायनाय रावयै बुंहैबाय- फाखि बेबाइदिजों बोरै संसार जालायखो ? नोंथ' दा आलासि नडालाय- न' सिडव हाबसो हाबसो थानो । दा नों बे न'खरनि बिहामजो जाफैबाय मावनाय दांनाय फारसेनिफ्रायनो नोंनिनो सायावसै । बिदिजों बोरै जालायखो ?

फिसाइ गोमबोरनि बेफोर सोमजायनाय रावफोरा फाखिनि खर' मेलेमखौ आवलिखांहोबाय । आइ कालिनि महर लानानै फिसाइ गोमबोरखौ नायहाब नायहाब खाले-खाले रावजों बुंबाय- मा बे न'खराव आं खामानि मावनांगौ ? आं रुवाथि जानानै फैयाखैहाय, नोंनि नोमा नोमफाखौ बे नखराव मावै-दाडै जाहो फैनो । आं बे नखरनि बिहामजो जानानैसो फैदों, बान्दि जानानै नड, मिथिबाय । बाग्दावखांदों बिसि फाखिनि लागाम गैथारै रावखौ खोनानै गोमबोरा । बिमा-बिनानाव

मोनखौ खोनाहैजानो गिनानै बिसि फाखिखौ लासै लासै बुंखोमादों- लासै लासै बुंलै आइमोनहा खोनाहैगोन। खाराव माराव बुंदों- मा आं लासै लासै बुंनंगौ ? मानो लासै लासै बुंनो आंलाय ? हब्रा हब्रासो बुंगोन आं नौनि नोमा-नोमफाखौ गिखागारा माथो आंलाय ? आंखौ एदावनानै दालाखा मिथिबाय, बिसि फाखिनि बे रावआव गोमबोरा संखि होजानाय लेवाद बादि थन्ध्रनानै दलरै सिरि थानांबाय। फाखिनि हब्राखांनाय राव फोरखौ बिमा आरो बिनानावआ खोनाहैना इनायनो गिखांदों गोमबोरनि बिमा आरो बिनानाव मोनहा गोसोयाव दुखुजों सानखांनाय फैदों- गोजोननि संसाराव सुनि हाबफैबाय।

फुंबिलिनि जारां साना गुफुर गोजौसै। हिन्जाव गोदान लाबोनाय खौराडा नास्त्राइ बिलो गामिनि बयनिबो खोमायाव हाबहैजोबबाय। नायनो लुबैदों बयबो गोमबोरनि हिन्जाव गोदानखौ बेखाइनो फैदों बयबो गामिनि गथ' आरो सेंग्रा-सिख्ला, बोराइ-बेन्थ लख्रा देवानिनि न'खराव। लोब-लोब बयबो फैथारदों नायनो लुबैथारबाय फैनानै बुंफैदों- सोरबाया बुंदों- मादै हिन्जाव गोदान नायनो, सोरबाया बुंफैदों- आदा नौनि हिन्जाव गोदानखौ नायनो बोरो ? नायनो, नायनो नायनोल' दावराव जाखांफैथारदों गामिनि गथ'-गोरों बयबो। गोमबोर बिमा फावदुरा लाजिबांसिन बुंनादों- दड'-दड' बयबो नुगोन र' आं खिन्थाहैनि। बुंनानै गिबांसिन न' सिडव हाबलांनानै बिहामजो फाखिखौ नुजाफैनो थाखाय खिन्थानानै फैबाय। नाथाय बिहामजो फाखिआ बिखुनजो फावदुरनि बाथ्राखौ खेर

खेरायाबालानो बिसिनायावसो दलदां उन्दुनानै मबाइल नायनायनि मुखुब। गैया खिन्थाहैनानै गोबाव सम नेब्लाबो दासिम नुवाखै गामिनि आइ-आफामोनहा। बेखायनो फिन दावराव जाखांनानै बुंखांफिन्दों बोरो- हिन्जाव गोदानालाय ? मानो दासिम ओंखारबोया। हालोदखौ नुनानै गोमबोराबो बिसिखौ लिंगैबाय अब्लाबो नुजाफैथारा फाखि हिन्जाव गोदाना। लिंगैबावदों खुथार-खुथार बिबोनां जारौयाबो। नाथाय फैथारैखै एसेबो नांस'थाराखै। नाडा गोदै मबाइलसो नायबाय थादों।

खेबसे नडा खेबनै नडा खेबथामनि लिंगैसेयावबो नुजाफैथारिनि रगाजों बिबाजै नालेबा गोमजोरखौसो थांज्रेम बुंगारबाय- बोरोहाय गोमबोर नौनि महाराणि हिन्जाव गोदाना ? माथो गले गले लिंगैब्लाबो नुजाफैथारा ? बाहादुरि अहंखारिथार नामाबाल, नौनि हिन्जाव गोदानालाय ? सिथोर- बाथोर नुफेरा खोनाफेरा, मुगै-सुगै साबा- दाडा बेफोर बाइदि आखलनि हिन्जावखौ नुफेरबायाखैहाय आं। बेफोर बाइदि हिन्जावखौनो लाबोयो आवसाव। नालेबनि बाथ्राखौ मोजां मोननानै बयबो आफा खब खब खबदों। खुसिजों थानो हायैनि ग्लाब ग्लाब मिनिलायना रंजाखांदों। नाथाय नालेबनि बुंलांनाय फंफ्रोमबो रावानो फाखिनि खर' मेलेमखौ दुंखावहोनानै गलिखां होदों। खब खब आफा खबनानै मिनिग्लाब खांनायनि गोमसारनाय सोदोबा फाखिनि फारनै खोमाया गावनानै आलौखांनाय मोन्दों। खर'नि मेलेमा गलिखांनायजों खोमा गावना आलौनायजों थानो हायैनि थंब्लेद बारनबोना गारामा फुवारनानै

बुंफैदों- नै माथो फाग्ला-फाग्लिफोर आंखौ मा सान्दों नोंसोर? आंखौ मा सान्दों? नोंसोरजों नायफैजानो सिरिया खानानि जुनाद मोसा फाखि जायासै आं? फाखिनि बाथ्राखौ दा खोनाफैना फुल सार्स लड लानानै फैनाय लखा देवानिआ हग्दावखांफैबाय- नों थारखौनो बुंनानै लाबाय हिन्जाव, नों मानसि नंमारा। मासे जुनाद सिरिया खानायाव दोनजाग्रा थारैनो नों मासे मोसा फाखि। मानसिमोनब्ला नों बेफोरबादि राव बुंनाय नडामोन। नों मासे जुनाद नों मासे मानसि जाग्रा मोसा फाखि। बा: बा: बरिया बेफोरसो बिहाव जानो समायो। बुंखांदों राइजोनिफ्राइ सासे सान्दो गोरों मानसियानो। दावराव जाफबदों हिन्जाव गोदानखौ जाय फारा-फारि रायदों। फाखियाबो जेननानै थाग्रा मानसि नंखाया, उल्था-उल्था समान, समान नांलायफा हरदों। दावराव दावसिसो खोनायाखिसै। गोमबोरा जिउ गोयै अन्थाय थाफा जानानै थारों। बिमा-बिनानावा लाजिनायजों दुखुजों गाबखोमा बायदों। दसे उनाव आरोबाव लखा देवानिखौ बुंनाय खोनाबावदों आरो नै मोसाफाखि मोजांयै गोसोयाव लाखा बे नखराव बिहामजो महरै फैबाय जेब्ला बिहामजो बाइदियैनो सोलिनानै था। थिरि बिरिब्ला हले बाथ्राया मोजां जानाय नड। थों बा थों थोडब्ला आं हले देयो बाथोन। नों मोसा फाखिब्ला आंबो लखा देवानिसो। बेखौ हले मोजाडै मिथिना लाखा। बरिया बरिया दासो नुनोसै बिहाव लखा आरो बिहामजो मोसाफाखिनि महाभारतनि दावहा। गेजेरनिफ्राइ सोरबा सासे बुंदों। आदै लख्रासोलै बियो। गुबुन नड बांद्राइब्ला अख्रुब जागोनबो सालिया। गुबुन सासे बुंबावदों।

जाखासिगोन नुखाथारबाय। थौदो-थौ गावसोर मा मा जालायो जालायथोंसै। आरोबाव गुबुन सासेबाव बुंनानै थांलायदों जाय फारा-फारि गाव गावनि न'आव रावनिबो फंसे राव गैया। जानाय लोंनायनिबो गरन्थ गैया स्त्रि-स्त्राय गाव गावबागाव थालायनानै माबा सानहाबदों नाथाय हिन्जाव गोदान फाखिआ बेफोरनिबो जिंगा गैया। बिहावजों लोगोसे राइजो-राजा आइ-आफाफोरजों बिखा-बिख्लो मावखांलायनाय राइजादोंब्लाबो दुखु गैया, जिंगा लाया गाव मैया लाबोफानाय आपेल थाइजौ फिथाखौ थिब्रे उदै बुंजासे जाना सलादें दुलदां-दां उन्दुना थाबाय।

गोमबोरनि न'खराव फाखि फैनाया दिनै जिबा सान जाबाय। बिनि गेजेरावनो फाखिआ फिसाइ गोमबोरखौ फुरायैनो गावनि आथिं सिडव गादबनानै दोन्नो हादों। गाव न'आव जौ फान्दानै दोनथुमनाय रांखौ लाबोफानानै बेजोंनो गेसजों लोगोसे बाइदि रोखोमनि संग्रा खावग्रानि आयजें-आयलाफोरखौ आलादायै बायनानै लादों। आरो बेजोंनो गावसोर थाग्रा न'आवनो फुंनि मोनानि बेदर नडब्ला ना, नडब्ला दावदै सानफ्रोमबो एवखां-सावखां बिसि-फिसाइ जागासिनोसै। न'खरादि बिमा-बिफा आरो बिनानाव सासे दड' बेनि फारसे सान्नायानो फैया। सिगां-सिगां गोमबोरा आसु-सु मोन्दोंब्लाबो दा सर' जाबाय। दागा-मागा बिमा, बिनानावनि सिगांयावनो दायना बिखा बादि नायगार नायगार जानो हाबाउबाय। बिसि फाखिनि एरसन एरसन होनायजों रावफोराबो उल्था उल्थासै। बिफाजों नांलायफानो हाग्रा जाबाउबाय। जाय मानसिया बिफानि फंसे

रावआवनो दावसा मावरिया बादि दद्र जानानै थायोमोन। बिसि फाख्रिनि खोथा लानानै बिनानाव जारौखौ बुनायाबो खेबनै मानिसै। लख्राआ नाथाय फिसाजो जारौ बुजानायखौ मिथियाब्लाबो गासै बाथ्राखौनो मिथिजोबखाबाय एबा नुबायबो। बिसोरनि फुंनि मोनानि बेफोरबाइदि जानायखौ गाव जानो लुबैयाखै। नाथाय बिमा बिनानावमोननो एफा एनै हरजानो लुबैदोंमोन। नाथाय दायना बिखाबादि सानफ्रोमबो फुंनि-मोनानि नायगार नायगार जाबाय थानायखौ नुनानै उन्दुनाय समाव रागा दिउ-दिउ जौनानै थाखादों आरो बेखौबो सान्नानै थाखादों- नायनि अखानायग्रोथोंसै। मा खालामनो हायो।

अखानायबाय लख्रा देवानिआ फुंनि चाहखौ लोंखांबाय गयबो जाखांबाय। खामसालियावनो जिरायनानै माखौबा नेबाय थादों। मोखां गमथा था सिरि। मेगनल' ख्लाब ख्लाब गिथाव बाथाव महर। दान्दिसे उनाव बिहामजो थाग्रा ननिफ्राइ से...व मोनसे सोदोब खोनाखांफैदों लख्रा देवानिआ। जाय सोदोबखौनो लख्रा देवानिआ नेबाय थादोंमोन। खोनाग्रो मोना दुफुं सिखारलांना बिहामजोनि न'आव थ्रोब हाबहैबाय। बिहामजोआ अमब्लेत एवफुंनायखौ साबख' हैनानै थावाखौ खिरखिजों फिनज्राब गारहरखांनानै रागाजों हब्रा हब्रा बुंबाय- बे बाइदि सानैनिल' मोनग्रा संग्रा खावग्राखौ मानो नांगौ? बेयो मा मा सानैल' संजायो, जालायो, मा मा बेसाद दड' गारहरजोबना बुंनानै गारहरदों आरो गारहरदों। फारसेनिफ्राइनो जा दंमोन गारहरजोबनानै होबाय। नुनानै दिनैसो गिखांदों बिहामजो मोसा

फाख्रिआ बिहाव लख्रा देवानिनि रागा जौनायखौ। सिरिल' गिनानै थानांदों लख्रा देवानिनि रागाया बेजौल' गोजोनाखै रागाजों बुंभावदों- ओंखारलां बे न'निफ्राइ गोखै ओंखारलां दिनैनो दानो ओंखारलां। नोंसोरनि थाखाय बे नख'राव जायगा गैया। बुंनानै लोगो लोगोनो गारनहरदों मोनसेनि उनाव मोनसे जि-जोम गानग्रा जोमग्रा लोगोसे नआव थानाय गासै मुवा बेसादखौनो। नुनानै थोर थोर गिखांदों। लख्रानि गुबै महरखौ फाख्रिआ दासो नुदों। गोमबोराबा बिफाखौ मिथिगौमोनब्लाबो दिनैनि बाइदि महर लानाय नुफेराखैमोन। बिफा लख्राखौ खुलुमखांदों सानैबो आथिं हमै हमै निमाहा बिदों- निमाहा हो आफा आं दा बहा थानो? आं आरो बे बाइदि गोरोन्थि मावलिया। लोगोसे बुंफादों महाराणि फाख्रिआ। औ आफा जों दा गोदाव सोराव बहा थांभावनो? बे खेबसेनि दायखौ निमाहा होथारदो। नाथाय रागाजों अन्थाय जानानै थानाय लख्रानि गोसो गोबोंखौ आवलिखांहोनो हायाखै। जोंफुनाय रागाजों बुंभावदोंसो- निमाहा निमाहानि फिसाफोर। ओंखारलां दानो ओंखारलां बे नख'राव नोंसोरहा जायगा गैया। बुंनाय लोगो लोगोनो सानैखौबो नाज्रेद सरज्रेद लांगोना बारहो हरबाय। ना गाननो मोनखो ना जोमनो मोनखो। जेरै गान्दों बे बायदियैनो ओंखार लांनांबाय सानैबो। थानाय समाव मोदै रथ' रथ' बिमा आरो बिनानावखौ मिज्लौ मिज्लौ नायलांदों अन्थाव बाथावनो गोमबोरा। थानो हायैनि बिनानाव जारौआ गाबै गाबहै बुंहरदोंमोन आदा....! लोगोसे बिमा फावदुरनि थेरनाय गारां आय' फिसा.....।

हरगेजेरनि हसिख्रावनाय

-प्रमद कुमार ब्रह्म

आइऔ आइऔ आइऔ
हरगेजेरनि हसिख्रावनाय। दावसि बिलो गामिनि
आइ आफाया सि बसिहाबदों, रावनिबो फंसे
सोदोब गैया। खर'सुबाव मोनदों, गिनाय मोनखांदों।
बिमाफ्रा गाबख्रावनाय खोनानाय लोगो लोगोनो
गावनि फिसाफोरखौ गोरबोयाव बोजबनानै सि स्राय
लेब खम्बल सिडव उब्रेदों। रावनिबो गुजुस्रोमनाय
एबा बाथ्रा रायज्लानाय खोनाया दरसि खोमसि
निजोम हर।

सम सम बिदिनो बे दावसि बिलो
गामि गेजेरनि दैख'र गोजामनिफ्राय हसिख्रावनाय
खोनायो। बे हसिख्रावनायखौ खोनाबाथाय गथ'
गथायफ्राबो गिनायजों बिमा बिफाफोरखौ गोबाख्रब
बायनानै एब्रेहैदों। बे दैखर गोजामाव हरगेजेराव सम
सम हसिख्रावनाया बिदिनो बोसोरनैसो जाबाय।
मैनाया बे दैख'राव बाजुमनानै थैनायनिफ्रायनो
बिदिनो हसिख्रावग्रा जादों। बिदिखायनो सान जा हर
जा रावबो थांला बे दैखर सेराव। आसुसु गोसोयाव
ओलैस्रो गिखांनाय फैयो। “बे गथ'या सोरगो
मोना फाथालबो मोना दिन्दां जानानै थाबायलै,
आद्रि आद्रि। माब्लादि उदां जालांगोन बे गथ'नि
जिउमाया। अन्नाय खालाम थारबाय नालाय, साला
हुथुसुरियाआ। हे! गसाइ, हे! गसाइ” गामिनि गागि
बोराय गाहायफ्रा सम सम बिदिनो रायज्लायो।
गामिनि राइजो गोरों गोर बयबो मैनानि बै थाबथानानै
थानाय दुखुनांथाव बिखा खामथाव जानायखौ
लानानै मेल मिथिंफ्राव सावरायो। मैनानि जिउमाखौ
उददार खालामनानै बे आसुसु जायगाखौ मोहो मोहो

सुबुं गौमा खालामनायनि बिथांखि लायो। आसुसु
मोनग्रा बे जायगाखौ गोसोयाव गिनाय गैयै गोसो
स्रां खालामनायनिबो थांखि आजावो। बे सोमोन्दै
सरकारजों सावराइनानै माबा मोनसे खालामनाय
जासिगोन।

बै समाव मैनामोननि बयनिखुइबो देरसिन
आलासि होनब्ला अरगायानोमोन। गामिनिनो दंख्ला
माहाजोननि फिसाज्ला दंख्ला माहाजोना हा-हु
माय-दै, न'-बां आरो साग्लोबसार चाहा बागाननि
बिगोमा।

सादा सिदा गोसोनि आजोलि सिख्ला
मैनाया अरगाजों मोजां मोनलायनाया गोबावसैमोन।
ओंखाम गोरलै होन, दाव अमा सिथारनाय होन,
इखान-सिखान फोरबो होन अरगायानो मैनामोननि
बयनिखुइ गोनांसिन देरसिन आलासि मोन। बैफोर
गासैयावबो मैनाया सिगां सिगां अरगाखौनो लेंहर
ग्रोयोमोन।

मेला-फुजा, सभा-जथुम्मा, हाथाइ बाजार
टाउन सहर जेरावबो सानैजों स्रें स्रें थाडोमोन
अरगाजों मैनाजों। बिदिनो सानफा एफा गोथौनिफ्राय
गोथौंसिन जालांदोंमोन। थैस' थांस'नि जुलि
लालायनायनि सथबांसाबो लालायदोंमोन सानैजों।
मैनानि फिफा गोमबारु बिमा गयसि आरो सासेल'
बिदा अनजालु न'खरनि बयबो गनायनानै लादोंमोन
बिसिनि अनलायनाय मोजां मोनलाइनायखौ।
गोथौवै फोथायदोंमोन सानसे बेलासे बिसिनि जुलि
जागोन, सानैजों ग्रें ग्रें रायजो जागोन।

गुबुन फारसेथिं अरगा फिफा देख्ला

माहाजोनाबो खोनानानै गोसोखौ मोजां मोन्दों । हाजारहख गावनि गामियावनो मैनाखौ नुबोनाय महराव जेना आखल-आखु लेखा फरा जेरावबो जेना, मोजाडानो जागोन । देख्ला माहाजोननि बिसि थुखोयाबो जोबोर बिहामजो फसायखायोमोन मैनाखौ ।

बिदिनो दिन थांदों, दान थांदों बोसोरा बाग्लायलांदों, बोहैथि समफ्रा बोहैलांदों । सानसे खालि अरगाया सासे जारौरौ टाउननि बिउथि महरगोसा सासे सिख्लाखौ कर्ट मेरिज खालामनानै नवाव थिसनफैयो “न”, माथो मैना गरानिया जोदला जाबाय हाय नै जोंहा हिनजाव गोदान नायनो थांनोसै”-लामाजों गिरजाब गिरजाब थांनाय सिख्ला आयथाफ्रा मैनाखौ बिगाब बिगाब बुंलाडे । अब्बालाय अरगाया गुबुनखौ हाबा लाबाय । बाश्राखौ मिथिनानै मैनाया गाव सि दाबाय थानाय इसान सालियावनो गुगुबनानै हुस गैयै जादों । अरगाया इसिबां गिदिर फोथायखेबस खालामबाय । दान्दिसे उनाव हुस मोनखांब्ला मैनानि बिमा-बिफा, बिदा बयबो मैनाखौ बुजायदों-“गोसोखौ हमथा मैना, गोसोखौ हमथा, इसोरा दं, सानसे इसोरा थारैनो बिजिरगोन ।

बिदिनो समफ्रा बोहैदों, बोहैलांबावदों । मैनाहा जानाय, थानाय, उन्दुनाय, दुगैनाय जेबो थि गैयै जालांबाय । माब्लाबा गोरबोयाव अर जोंब्लावयो, माब्लाबा बिखाया थेर-बेथेर जायो, माब्लाबा दाहा-दिखार दुखु, जेरैबो जेरावबो गोजोन गैयै जायो ।

बिनि गेजेरावनो गाव दान्दैनि आगोल इन्टारभिड होनाय एपयेन्टमेन्ट मोन्नानै बिदा अनजालुवा पुलिस साखियाव थाडे ।

दुखु-दाहानि गेजेरजों मैनानि जिउ दिडया

बोहैलाडे । सानसेखालि हर गेजेराव दाहा आरो दिखारजों अरगाखौ साव होयै होयै मैनाया दैख'र गोजामनि गोथौ खोमसियाव बाजुमनानै जिउ गारलाडे । बे बुहुमखौ नेउसिलाडे ।

नै दाखालिसो, दानसे जाबाय । बि.टि.आर. नि इ.एम. बयजोंबो अनजाग्रा, बयजोंबो मानिजाग्रा मानगोनां मुस्ति सिमांसा मोसाहारि बिथांया बे दवस्ति बिलो गामियाव लुफुनाय समायना उइभिं ट्रेनिं सेन्टार न'खौ बेखेवफैदों । बे गामिनि गोरों गोरा, राइजो राजा, हिनजाव हौवा बयबो दैखर गोजामखौ बुलदजारजों एरखुनानै बे थावनियावनो मैनानि जिउमानि उददारनि थाखाय गिदिर जैगो होस्त्रांदों । बेउबो उइभिं ट्रेनिं सेन्टार न'खौ लुनाय जादों । दा बे थावनिखौ रावबो गिला, आसुसु मोनला । होंगो दोंगो अरायबो मानसिनि थांलाय फैलाय सरकारि जायगा जाबाय ।

बिनि बोसोरसे उनावनो अरगाया मोनसे गिख्रंथाव जाब्रबथाय जानानै मथरा बायफ्ले लाडे । अरगा बिसिया बेवनो थैयो । अरगाया दा आथिं हासजानाय सासे लेंग्रा बेंगुरा जानानै खुनुमुथे थांनानैल' दंसै ।

मैनानि सावआ अरगानाव नांमारबाय । इसोरा थारैनो दंमारो । दुस्ट, दुथां, थगायसुला फोथायखेबस 'फोरखौ अबं गसाइया साजा होयो ।

ओजोंहाय बै मैनानि जिउमानि उददारनि थाखाय जैगो होनाय आरो उइभिं ट्रेनिं सेन्टार बेखेवनाय समा थाम बोसोर बारलांबाय । मैनानि जिउमाया गोथार जानानै सोरगोयाव आलो आलो जिरायहैबाय जानांगौ । गमामा बे बोसोरथामनि गेजेराव इसोर इसोर रावबो खोनाफेरखिसै हर गेजेरनि हसिखावनाय ।

दालालि

-फैलाव ब्रह्म

सासे मानसिखौ खामानियाव सहाय खालामनो जुनै आं अफिसाव जमा होनाय गावबुरानि फोरमान बिलाइखौ जेब्ला चारकेल अफिसआ रिजेक्ट खालामदोंमोन अब्ला आं फोरमान बिलाइखौ गावबुरानिफ्राय लाबोफिननो जुनै गावबुरानि न'आव थांदोंमोन। गावबुराखौ आं बुहैदोंमोन-

“गावबुरा आदा, बे बायदि लिरनायखौ अफिसआ नाड बुंदों, नैबे बायदिसो लिरहोनानै लानो होदों।”

अफिसआ लुबैनाय बाश्राखौसो आं खिन्थादोंमोनल'सो नाथाय गावबुरा बिथाड गावखौ फोरमान बिलाइ लिरनो फोरोंनाय बायदि मोन्नानै आंखौ रागाजों बुंबाय-

“दालालि, नों आंखौ फोरोंनो फैदों नडछै? आंखौ नों फोरोंनो नाड। आं 20 बोसोर गावबुरानि खामानिखौ मावबोबाय। आं नोंनि सायाव दालालि खालामनायनि केच होगोन।”

सानसेखालि बाकसा डि.चि. अफिसआव गोबां बोसोर गारसोनानै दोन्नाय मोनसे खामानिनि खौरां लानो थानानै खामानिया आवगायैनि जुनै आंनि गोसोआ बायनाय मोनो आरो बे खामानिनि बिबानाव थानाय सासे अफिसारखौ आं बुडे-

“गासै कागज जमा होनायनि उनावबो

नोंथाड खामानिखौ दाबो मानो मावाखै?”

अब्ला बिथाड रागा जोंनानै आंखौ बुंबाय-

“नों बायदि दालालिया लुबैनाय बायदि जों हाबा मावा। अब्ला आं बुंफिनदोंमोन-”

“नंगौ, आं थानानै थानो जुनै गरसे गरनै रां बुथुमनाय थांखिजों गुबुननि हाबा मावनो नोंथांमोननिसिम लाबोदों। आंनि मावनाय खामानिया दालालि जादोंना मा आं मिथिया। नाथाय जाय खामानिखौ आं मावदों बे खामानिखौ नखरनि मानसिफोरा मावनानै लानो हायैनि जुनै गारनानै दोनदोंमोन। मानोना नखरनि मानसिफोरा बेखौ मावनो रोड एबा दानफायाव 10 बार अफिस गाफैनानै नोंथांमोनखौ एखथुफैबाय थानो बिसोर हाया। आं गर्से गरनै रां लानानै बिसोरखौ सहाय खालामनाया जुदि दालालि जादोंब्ला नोंथाड फुंनि 9 बाजिनिफ्राय 4 बाजिसिम मानि थाखाय अफिसआव जफैखो? रांनि जुनै नड जानो? नोंथाडबो रांनि जुनै बेयाव जफैदोंब्ला आंबो रांनि जुनैनो बेयाव फैदों। आंनि हाबाया जुदि दालालिब्ला नोंथानि हाबायालाय मा? मानि थाखाय हाबा मावफैदों??”

सलाइ खाथिखौ अरखियाव फोनांब्ला जेरै जोंब्लावो थिग बिदिनो बिथाड आंनि रावाव अर बायदि जोंब्लावखानानै गार्डखौ लिंहरो आरो

आंखौ रुमनिफ्राय दिहुनहरो ।

बड'लेण्ड मुंख्लंफोरनि फारिलाय खालामनाय समाव सानैसो मानसिफोरखौ आं सहाय खालामदोंमोन । मानोना बड'लेण्डसोमावसारनायाव बिसोरनि नख'रनिफ्राय बुथारजादोंमोन । नाथाय दुखुनि बाश्राया जादों फारिलायाव मुं थिसननो समाव थैनायनि फोरमाननि कागज लांनो जुनै बिसोरनि नख'राव रावबो फैयाखैमोन । नख'रनि मानसिफोरनिफ्रायबो बेफोरखौ खौरां लाथाव मानसि गैयामोन । बाश्राखौ मिथिनानै आं गावि एसे सार्थ लाफानानै बिसोरनि न'वाव नुजाहैयो आरो गोनां गोनां कागजफोरखौ लाबोनानै खारथिं खारथिं फारिलाइ खालामग्राफोरनि आखायाव गथायनानै हैयो । दा मुंख्लं फारिलायाव मुडा हाबबाय । सानसेब्लाबो नख'रा बा लाख रां मोनसिगोन । आंनोबो माबा मोनसे होगोन होन्नानै खोथा होदोंमोन । आंबो दा रादाय खानाय बायदियै माबा मोनसे रां मोन्नायनि मिजिडव नेनानै दड'मोन । नाथाय मुंख्लं फारिलायाव मुं हाबनाय साननिफ्रायनो नख'रा आंखौ एरा एरा खालामनो लानायखौ हमनो हानानै आं सानसेखालि बिसोरनि न'आव नुजाहैदोंमोन । मुंख्लंनि बिसि आरो बिजामादैया आंखौ बुंदोंमोन-

“दालालिनि गोनांथि गैयानो, ओरैनो जाखासिगोन होन्नानै बयबो बुंदों ।”

आं बिसोरनि बाश्राखौ बुजिनो आद्रा थायाखिसै । बिसोर बिखुनजो आरो बिजामादै लोगो लालायनानै आंखौ दालाली सानबाय आरो आंखौ दालालि साननानै बिसोर आंनि सायाव

दालालि खालामबाय । ओंखारबोनाय समाव आं बिसोरखौ बुंबोदोंमोन-

“नोंसोर मुंख्लंनि मुडाव बा लाख रां मोन्नायाव आंहा बाजानाय गैया । नाथाय आंनि नाजानायजों जानाय मुंख्लं फारिलायनि जोहै नोंसोर बा लाख रां मोन्नायखौ आं बाजायो । मानोना आंजों जानाय रादायखौ सिफायनानै आंखौ नोंसोर फोथायखेबस' खालामनो थांगासिनो दड' । आं खारथिडामोनब्ला मुंख्लं फारिलाइयाव नोंसोरनि नख'रनि मुंख्लंनि मुडा मुंख्लं फारिलाइयाव गाखोआमोन ।”

गुबुन सासेनि गारि एक्सिडेनाव मोननांगौ थानाय रांनि खामानिखौ जाफुंसार होनो जुनै आं बोसोरथाम खारथिंदोंमोन । खामानिया जानायनि सिगां सिगां सानफायाव खेबनैब्लाबो आंखौ फन खालामनानै नख'रा खबर लाग्रामोन । बिसोरनि नखरजों आं बाहाय बाहागिफोर बायदि खाथि सोमोन्दो जाना फैदोंमोन । आंनि नाजानायजों सानसेखालि नै लाख रां नख'रनि एकाउन्टआव हाबबायनि मोजां रादाबखौ फन खालामनानै आं नख'रनो खिन्थाहरदोंमोन । सानदोंमोन आंनो हरनांगौ रांखौ आंनो हरनो बिसोर आंखौ थाबैनो लिंहरसिगोन । नाथाय बिसोर लिंहरनायखौ सानथाम-सानब्रै नेनानैबो मोनैनि फिन फन खालामब्ला बिथांमोना बुंहरबाय-

“बेंक एकाउन्टखौनो सेक खालामनो सम मोनाखै ।”

जाय नख'रा सानफायाव खेबनै गाहाम फन खालामनानै खामानि जादों जाया खबर

लाग्रामोन बै नख 'रा सानथाम सानब्रैहालागै बेंक एकाउन्ट सेक खालामनो समय मोनाखै होन्नानै बुंनायाव आं बिसोरनि सायाव सन्देह जायो। आं फन खालामबाय थानायलाय सबथासेनि उनाव आंनो हरनांगौ रांखौ लांफै होन्नानै बिसोर आंखौ लिंहरो आरो आंनि आखायाव नैजि रोजा रां होन्नानै बुडो-

“बेखिनि रांखौ नांगौब्ला लानानै थां आरो जदि नाड अब्ला थाबैनो ओंखारलां।”

आं बिसोरनि बिदि आखुवाव सोमोनांखांदोंमोन। मानोना बयबो बिदि आखु दिन्थिनो हाया। मुंख 'जायोदि खारथिंनाय आरो अफिसाव भेटि होनायावनो आंनि आखायनिफ्रायनो नैजिबा रोजानिबो बांसिन खर्चा जादोंमोन। आंनि आखायनिफ्राय खर्चा जानाय राडनो आंहा फैफिनाखैसै। ओंखाम उखैजा दै गांजा खाथिनानै दालालि बुंजानायफोरा आंनिया ओरैनो दैयाव थांबाय।

गुबुनखौ सहाय खालामनानै एबा दालालि खामानि मावनानै जिउआव मोनसे सोलोंनो हाबायदि खायसे मानसिफोरा दालालि खामानिखौ मुगैयो नाथाय बिसोर दालालिनि सायाव दालालिबो खालामबावो। गावसोर मावनो हायै खामानिखौ सोरनोबा मावहोन्नानै गावसोरखौ सहाय खालामग्रा मानसिखौनो बिसोर फोथायखेबस' खालामो। थामहिनबा दालालिनि सायावनो बिसोर दालालि खालामनानै लाभ खालामो। बिसोर गावसोरखौ सोद्रोम दिन्थिनो नाजानानै बयनिखुइबो लेथ्रासिन हाबाखौनो

बिसोर मावनानै दालालिनिबो बिफा सिनायथिखौ गावसोरनो होयो।

आंनि मोनदांथियाव दालालिनि सोदोबनि बुंफोरलुवा जादों-“सोरखौबा सहाय खालामनानै बै सहाय मोन्नाय मानसिनिफ्राय सहाय खालामग्राया माबा मोनसे मुलाम्फा लानाय।”

अफिस-आदालतफोराव महरि आरो उकिलफोरा सोरनोबा आर 'ज बिलाइ लिंरनानै आरो आइनाव हेफाजाब खालामनानै बिनिफ्राय माबा मोनसे रां आर्जिनायनिफ्राय हमनानै राजखान्थिनि दैदेनगिरिसिम गासैबो आरो गासैयावबो माबा मोनसे मुलाम्फानि जुनैनो हाबा मावगासिनो दड'। बिदि गुबुनखौ सहाय खालामनाया जदि दालालिब्ला एबा बिदि हाबाया गांजिब्ला अब्ला बेखौनो मुलुगा मावगासिनो दड'। दैदेनगिरिफोराबो आथिखालाव समाज सिबिनायनि मुडव खामायो। समाजखौ सिबिनायनि मुडव समाजनिफ्राय जानानै बिसोरबो खामायो। समाज सिबिनो ओंखारजेन्नाय समाव जाय दैदेनगिरिफोरनि न'-बाड गिजि-गब्लंमोन बिसोरनि न'-बाडबो जिबौ गुस्लाइनाय बायदि गुस्लाइनानै गुफुर जायो। बेनिखायनो नेताफोराबो मावनायनि मुडव जायो। बेनिखायनो दैदेनगिरिफोराबो बिदिब्ला दालालि। सरकारी अफिस स्टाफफोराबो दालालि। फोरोंगिरिफोराबो रां आर्जिनायनि थांखिजों गथ' फोरोंनो फरायसालियाव थाडो। बेनिखायनो फोरोंगिरिफोराबो दालालि। जों बयबो दालालि। रां आर्जिनो हाबा मावनाया जदि दालालिब्ला, सोरखौबा सहाय खालामनाया जदि गांजिब्ला

अब्ला जों बयबो दालालि आरो जों बयबो गाज्जि। जोंनि जिउवानो दालालि। जिउनि आगानफ्रोमावबो माबा मोनसे मोन्नायनि सोलाय मानसिया हाबा मावो। बेनिखायनो जों बयबो दालालि। दालालि सोदोबखौ गाज्जि मोनग्राफोरासो गाज्जि मानसि। मानोना दालालिनि गुबै ओंथिखौ बिसोर बुजिरोड। गाज्जिया अब्लासो जायो-जेब्ला जों जखानि बारा मोन्नो लुबैयो। रादायनि बारा लायो आरो मावाब्लानो मावनायनि मुडै मुलाम्फाखौ लायो। सरकारी साकरी मावग्राफोरा गावनि मावनो गोनां हाबाखौ आबुडै मावाब्लानो सरकारनिफ्राय आबुडै रां लायोब्ला अब्ला बिथाड गाज्जि दालालि। उकिलआ बिजिरनाय होआब्लानो रांल' लायोब्ला अब्ला उकिलआ गाज्जि दालाली। दैदेनगिरिया भटारफोरनो होनाय जबानखौ मावफुंनो हायाब्ला आरो भटारफोरनि

दुखुखौ सुखुआव सोलायनो हायाब्लानो दैदेनगिरिनि न'-बाडल'सो सोलायोब्ला बै दैदेनगिरिया गाज्जि दालालि।

दालालि सोदोबखौ गोबाड गाज्जियै बाहायनो हागौ। नाथाय दालालिखौ मुगैग्रा बै सुबुंफोरा दालालि नडब्ला सोलिनो हाया। मानोना मानसिया गावनि जुनै गाव थोजासे नड। गावनि गासैबो हाबाखौ गाव मावजोबनानै लानो हाय। थामहिनबा गासैबो हाबायाव जों रोंखा राखा नड। सोरनोबा आंखौ गोनांथि दड' आरो आंनो सोरखौबा गोनांथि दड'। बेनिखायनो सोरबा आंनि जुनै दालालि जायो आरो आं सोरनिबा जुनै दालालि मावो। बयबो दालालि। जिउवानो दालालि। सोरखौबा मुगैनांगौ आरो सावरायनांगौ गैया।

अदालगुरिनिफ्राय क 'क्राझार बड'लेण्ड बासआव

-सोमबा ब्रह्म

गोजां बोथोर फुंबिलिनि ददेरे समाव गोमबोरा लंपेन्ट, जुथा, जेकेट, आरनाइ गानफब जोमफब क 'क्राझारआव थांनो बड'लेण्ड बास गाखोनो साबखायथिनिफ्राय अदालगुरि थावन फारसे थाबायलांबाय थादों। क 'क्राझारआव थांग्रा बड'लेण्ड बासआ बेल...बेले...बेले...बेले...हरन (बेल) दामनानै साहानिफ्राय खोला मोखां जानानै फैदों। इसे सिगाडव टारनिंआव गिदिंफैनानै साहा फारसे मोखां जाफिननानै लाखिफैदों। दसे सम दोम लाखिफैनानै क 'क्राझारआव थांग्रा पेसेनजारफोरनि बाहेरायाव थानाय माल माथाफोरखौ गारिनि दिखि (बाकसु) सिडव सोबाय थादों। बास द्राइभारा गोजांनाय मोननानै देहाखौ इसे दुंखांहोनो बास लाखिनाय खाथियावनो मोनबारिमोननि साहा ग'लायाव कापसे साहा लोडे। गोमबोरा बेल दामनाय खोनानानै बिखा ख्लाब ख्लाब मोननायसै...खारग' लांजानो गिनानै खारस्लिउ खारस्लिउ बिखुडव बेग बानाय आखायाव जानबुं (मबाइल) लानानै बासनि खाथियाव मोनहैनायसै। क 'क्राझार थांग्रा बड'लेण्ड बासआ फुंबिलिनि 6:40 रिंगायाव अदालगुरिनिफ्राय खारो। गोजान लामा दावबायनायाव उखैनो हागौ साननानै, बासआ खारथ 'थैखाय मोनबारिमोननि साहा

ग'लायावनो साहा कापसे एनथाव गुरनै जाबाय- लोंबाय । बास द्राइभारा साहा लोंखानानै गारियाव गाखोहैनायसै आरो गारिखौ स्टार खालामनानै बेले...बेले,...बेले...बेले... दामनायसै। बाहेरायाव थानाय पेसेनजारफोरा बासआव जाफा-जाफि गाखोनायसै। गाखोख'नो हायैफोरखौ सेकार (हेनदिमेन) आ नारखोनानै होनायसै। बास कनदाक्टरा बायजोआव सोरबाफोर दंबावो नामा नायथिंहरनायसै। सेकारा दरजा सेरनि इन्जुराव द्राम द्राम द्राम बुनानै बासखौ खारनो होनायसै। मानोना बासआव सानै द्राइभार थायो। सासेया स्टारिं हमग्रा द्राइभार आरो गुबुन सासेया इनजुर द्राइभार। माब्लाबाबो सेकारा बासनि इन्जुरखौ दामनानै सिगनेल होवा लाबासिनो बासआ खारा। बियो जाबाय बास द्राइभार आरो कन्दाक्टरनि बुजा-बुजि आखुखा। बासआ खारजेननो हमनायसै। सेकारा लामा लामा स'कफोर मोनोब्लानो क 'क्राझार क 'क्राझार क 'क्राझार बुंलांनायसै। पेसेनजारफोरा गाव गावनि टिकेटखौ आखायाव लानानै नाम्बार नायै नायै सिट नागिरदों होंगो दोंगो। बास कनदाक्टराबो नागिरनानै होफादों। मालाय गोमबोरा सालाक सेंग्रा (36 बोसोर बैसोनि) गावनि सिट नाम्बारखौ नागिरनानै

खावब' जिरायनानै सिरि थाहैनायसै ।

गोमबोरा सानदों इसिबां गोजानाव बेबायदि होंगो-दोंगोआव माब्ला क'क्राझार मोनहैनांगौलै...! जिरायग्रा सिटआ थु बाय थि (2x3) सानै आरो साथाम जिरायजाग्रा । गोमबोरआ सानदों- "आंजों लोगोआव सोरबा आइजो हाइलुरि गुफुर गावदां समायना नायनो मोजां सिख्ला जिरायफैबा हामगौलै...। बायदिसिना सानहाबबाय थानाय बुब्लियावनो.....! दसे समनि उनाव 46/47 बोसोर बैसोनि सासे आइजोआ गावनि जलंगाखौ आं जिरायनाय सिटनि सिडव एब्रेहरनानै आंजों लोगोआव जिरायफैफानायसै"। अब्ला गोमबोरा बिखा ख्लाब मोनबाय । माबा मोनसे सानदों...माबा मोनसे फैदों । गोमबोरा लुबैदोंमोन सोरबा सासे समायना सिख्ला जिरायफैजानो, नाथाय साननाया बबाव जाजोबनो..... ! गोजान लामा हान्थिनायाव बायदिसिना बाथ्रा रायज्जायलानो लोगो मोनोब्ला मोजां जायो । लामायाव खस्थ मोननायफोरखौ बावगारलानो । गोमबोरा गावजों लोगोआव जिरायफानाय आइजोखौ सोंबाय.....बबाव थानो आबैया ? आइजोआ फिनबाय क'क्राझार । बेनिफ्राय फंसेबो लामायाव रायज्जायलाडसै । बे समावनो द्राइभारा खारबाय थानाय बासखौ स्पिद ब्रेकार मोननानै ग्रेद ग्रेद ग्रेद होनलायजासे ब्रेक गानायसै गारिखौ लासै खालामनो थाखाय । बासआ खारदों आरो खारदों- स्पिद ब्रेकार मोनब्ला ग्रेद ग्रेद ग्रेद होनलायनाय ब्रेक गादों । बबेबा सक, बबेबा ग'ला मोनब्लानो पेसेनजारफोरखौ दैखोनो ग्रेद

ग्रेद ग्रेद होनलायनाय ब्रेक गादों । पेसेनजारफोरखौ दैखोदों आरो दैखोदों..ओजों गोमबोरा होंगो दोंगोनि उसु-खुथु मोनदों । बेराफारसेथिं गावजों लोगोआव जिरायफाग्रायाबो रायज्जायफायाबो बिनि सायाव सिख्लाबो नंबावा । लामा ससेयावनो बासनिफ्राय ओंखारग्रा पेसेनजार गैथवा ।

बड'लेण्ड बासआ खारबाय थादों.....मोनसेनि उनाव मोनसे सका, ग'ला, जिलाफोरखौ बारलांदों- पेसेनजारफोरा नारथाब लानाय । पेसेनजारफोरा सोरबा उखुम मुदानि मान्दालियाव सोरबाया बेग दोनग्रा बाकसआव, सोरबाया सोरनिबा फाफ्लियाव हमथादों बाज्ज'नायनिफ्राय रैखा मोननो । बे समावनो बास कनदाक्टरा बुंनायसै- "पिस पाले मेला जागा आसे", पिस पाले जा...पिस पाले जा । नारथाबलायनाय आइथिं आगान होनो जायगा गैया । जायगा दंब्लाबो गैयाब्लाबो बे बायदि बाथ्रा बुंनाया साफ्रोमबो बास कनदाक्टरफोरनि एंगारनो हायै आखुखा । थुम थुम पेसेनजार मोनब्लानो दैखोनानै लांनायसै । गोमबोरा साननायसै ए.....मा बुंनाय जादों लै बे.....जायगायानो गैया बेखौनो सोदामलाबाय थाब्ला मा जाबावनंगौलै । गोमबोरनि उनथिंजाय होंगो दोंगोखौ सहायनो हायैनि उन्दै ग'थफोरनि गाबखावनाय ए...उ.....आ, मा...मा, ...मा...मा....., बा....बा,..... बा...बा बायदि बायदि । बेफोरबायदिब्लाबो गोमबोरा जेबो सानाखै गावहा सानसे सिगां टिकेट बुकिं खालामनानै लाखानाय नालाय । गावनि सिटआवनो सिरियै जिरायनानै माबा माबि

साननानै थांबाय थादों। माब्लाबा थेनथदों माब्लाबा नायग्लांदों। बास द्राइभारनि ग्रेद ग्रेद ग्रेद ब्रेक गानाय समाव गोमबोरा थेनथलांदों..नायग्लांदों मा जायगा मोनहैदों बेफोरखौ मिथिया। लामा ससेल' दावबायग्राफोरनिफ्राय कनदाक्टरा होंगो दोंगोब्लाबो पेसेनजारफोरनिफ्राय ना थुरिबायदि उब्रेनानै रां खांदों। उनथिंजाय सोरबा बर' बुरिया गुबुन सासे पेसेनजारखौ होंगो दोंगोनि गेजेराव हारसा भासाजों बुंदों- "सेपता ह...सेपता ह., तिथिया हले जागाथु खुलाब" बायदि बायदि बुंदों जायगाखौ थोहोनो थाखाय। गोमबोरा सानबाय-मानसियाबो सेपता जाजायो ना...लै। गोसो सिडव मिनिस्तु जाबाय गोमबोरा। थेवबो माथो खालामनो होंगो दोंगोनि गेजेरावनो बायदिसिना बुंलायब्लाबो गोरोबनानै थांदों। गोमबोरा बासनि सिडव बबे खनायाव मा जादों बेफोरखौ उदिस लागासिनो।

बड'लेण्ड बासआ क'क्राझार फारसे खारगासिनो....गोमबोरा थेनथनाय समावनो माब्लाबानो रडिया मोनहैबाय। बास द्राइभारनि ग्रेद ग्रेद ग्रेद ब्रेक गानायजों आरो पेसेनजारफोरनि दावराव-दावसिजों गोमबोरा सिरि मोनखांनायसै। सेकारा पेसेनजारफोरनो मिथिहोनो पातसाला पातसाला पातसाला, बरपेटा बरपेटा बरपेटा, सिरां सिरां सिरां, क'क्राझार क'क्राझार क'क्राझार बायदि बायदि बुंलांबाय थानायसै दरजानि लहायाव हमनानै। रडियानिफ्राय सानै बर' बुरि गाखोनायसै। सासेया बाजिबा (55) बोसोर बैसोनि गुबुन सासेया बाजिथाम (53) बोसोर

बैसोनि जागोन। बासआव गाखोखांनायनि उनाव जिरायनो सिट नागिरला बायबाय। नाथाय सिटआ खालि गैला आबुं गोजा। बाजिबा (55) बोसोर बैसोनि बर' बुरिया बासनि गेजेर खलबाव जिरायनो सिट नागिरनानै एब्रेलांबाय थानायावनो दा नुसनहैनायसै- गेजेराव बांगाल हौवा खखाबाव दारि गोलाव खर'आव टुपि एरै सेर...हरै सेराव गावनि हिन्जावफोर खर'आव सारि खाख्लुमनानै गनथंआव लिलि..लाला न'लर गाननानै गय गोजा जालायनाय सावसुबनानै जिरायफादों। गेजेराव फिसाय बांगाल हौवा बोराया खावब' जिरायनानै दड। बांगाल बोराय बिफाजों सासे गथ', बिमा सासेजों सानै गथ' आरो गुबुन सासे बिमाजोंबो सानै गथ' बामजानानै मे मे, ...मु मे... जिरायदों। बर' बुरिया बिसोरखौ नुनानै थानो हाबावगौ दाबि.....? बेखौ नुनानै बाजिबा (55) बोसोर बैसोनि बर' बुरिया बुंनायसै- "आयु... ! सेर सेराव हिन्जाव सानै सानै लानानै जिरायलायबावदों गावहा गेजेरावलायबावसो" हा हा हाय होन्नानै मिनि खाख्लाय लायबाय बुरिया।

बाजिथाम (53) बोसोर बैसोनि बर' बुरियाबो बोरो होन्नानै नायनायसै। बाजिबा (55) बोसोर बैसोनि बुरिया सिगां जादोंमोन बेखायनो बियो नुग्रोदों। बाजिबा (55) बोसोर बैसोनि बर' बुरिया बुंबावनायसै- "बिसिना सुबुं अनजिमाया गोबां जाबाय नालाय.....बेखायनो सानै साथाम हिन्जाव लायो"।

बाजिथाम (53) बोसोर बैसोनि बर' बुरिया बुंनायसै- "सानै साथामल नड हाय...दस

(10) जन गाहाम मोनोनो बिसिना”। हे...हे... हे...मिनिनायसै..... ।

बाजिबा (55) बोसोर बैसोनि बर’ बुरिया बुंबाय- “बिसिना सुबुं अनजिमायानो बारा नालाय.....बाहागआनो जालाय लाड दां... बिनिखायनो उन्दै उन्दै हिन्जावसाफोरानो बोराय बोराय फिसायफोरखौनो जयोनो”।

बाजिथाम (53) बोसोर बैसोनि बर’ बुरि- “बिसिना माबा.....गथ’फोरखौ खांखाथारनांगौनो। गथ’खौ गारोब्ला फाब जायोनो....गथ’खौ गारोब्ला आल्लाया निमाहा होवानो”।

बाजिबा (55) बोसोर बैसोनि बर’ बुरियाबो बुंवावनायसै- “मुलि जानानै गारबानो जायो दक्टरनाव थांबानो जायो”।

बाजिथाम (53) बोसोर बैसोनिया बुंलायबाय- “माबा.....बिसोरनिया बिदि..... जाब्ला गथ’खौ गारनो मोनानो फाब जायोनो”। न’आवनो जोनोम होहोथारनांगौनो। दक्टरनाव लांनो मोनानो।

बाजिबा (55) बोसोर- “बिसोरो आसामखौनो सेनानै लानो हासिगोन हाय। जेथिं थाडो बेथिंजायनो बिसोरखौल नुयो। बिसोरनिया उन्दैयावनो माबा... हास’योनो हे हे हे। बिदिखायसो नामाथाय.... ! हिन्जाव बुरजा लानो हायोनो। सानैजों बड’लेण्ड बास सिडववनो खै खै खै मिनिलायदों।

बिसोर सानैजों बड’लेण्ड बास सिडवव बायदिसिना रायज्जायलांबाय थादोंमोन। बिसोरनि

बेफोरबायदि बास सिडवव बाथ्रा रायज्जायनायखौ गोमबोरा खोमा गावराव जानानै खोनासंदों। मिनिनोबो ओंखारदों असुबिदाबो मोनदों। गोमबोरा सानदों- “बबे हाग्राबारियाव रायज्जायनाय बायदि मोनखोब्रा बिसोरलाय होननानै, ए....बर’ बुरिफोरा बिदिसो रायज्जायो”। गोजां बोथोरनि सम गारियाव जिरायथुमनाय गोजान लामा दावबायनाय, गोमबोरा खिफिनोबो ओंखारदों आरो हासुनोबो ओंखारदों। बिसोरनि बेबायदि बाथ्रा सावरायनायखौ खोनानानै सम मोनसे हासुनो ओंखारनायखौ बावदों। थेवब्लाबो खायदा लानानै खिफिनो ओंखारनायखौ लाखिनो हायैनि खिरखिनि ग्लासआव आखाय खेरखानिजों नारथानानै इसे सिखारसोनानै फारसेथिंजाय लासै हगारखुमानायसै। अब्लासो गोमबोरा उदै दुराव दुराव मोननायखौ स्रां मोननायसै। मानोना गोमबोरा फुडववनो दै दुंबुद गिलास से लोंखादों। जानांगौ बिनिखायनो उदैया दुखांनानै हासुनो ओंखरनाया बारा जादों। मानोना खिफिनाय आरो हासुनो ओंखारनायखौ हमथानानै लाखिनो गोब्राब। बास गारि गाखोनानै गोजान जायगा थांनो होनोब्ला गोमबोरा खिनाय, हासुनायखौसो जिंगासिगोरखायो।

राजा लामा ब्रै दों लामा मोनहैनाय लोगो लोगो पेसेनजारफोरा साफा साफा ओंखारनानै बासआ खालि जानो हमनायसै। दालाइ लामायाव गोबां होंगो दोंगो भिर मोन। ससे खारब्लानो मानसि लोगो मोनब्लानो दिखांनानै लादोंमोन। गोमबोरा थेनथनाय समावनो मा मा जायगा

मोनहैखो उदिसखौनो मोनलायासै । बाजिबा (55) आरो बाजिथाम (53) बोसोर बैसोनि सानै बर' बुरिया बबे जायगायाव ओंखारखो गोमबोरा मिथिस्लाबासै । राजा लामायाव बड'लेण्ड बासआ ब्रां ब्रां ब्रां होनलायनाय जोबोर गोख्रै खारलांदों । माब्लाबानो क'क्राझारआव बेलासेनि 12:10 मिनिटआव मोनहैनायसै । बे समावसो गोमबोरजों गाखोफानाय 46/47 बोसोर बैसोनि बर' आइजोवा गोमबोरखौ सोंनायसै- बबाव ओंखारगोन बाबुवा... ? गोमबोरा फिननायसै मालदांफारायाव ।

जेब्ला बड'लेण्ड बासनिफ्राय गोमबोरा मालदांफारायाव ओंखारो, अब्ला बियो सानबाय.... ! आंनासो सोमोन्दो लिंनाया गोरोन्थि जाबाय नामाब्रा.... !!! हारा गैयै सालायब्रा । आंनाबो माखौबा बुंनांगौ माबासो बुंफलांबायदां । आब', मादै, बाजै, लिंबानो जायोमोन । मा सोमोन्दो लिंनांगौ मा लिफलांखो दायानो जामारबायसो । आंबोथ उन्दै बैसोनि नंला- सानजौफु जानायसो, थामजिद' (36) बोसोर बैसो जानाय राग' सेंग्रा ।

गोमो हाबनानै- बाबु...आंखौ बाबु होनबाय दसे सानहाबनायसै । बिनि उनाव बाजै हटेल फारसे सानजौफुनि आदार जानो थाबायलांनायसै । जाया- जालायबाय बाजै हटेलवाव थेब्रे उथुमै गावदां जालायनाय गोमबोर सेंग्राया । हटेलवाव जाखानानै गोमबोरा क'क्राझारनि मालदांफारायाव नै (2) किल'मितारसो गोजानाव थाबायलांनानै बिबाजै फावदुरमोनहानि न'आव मोनहैनानै आयथिं, आखाय, मोखां सुनानै बिसिनायाव उन्दुगलांनानै सानफलांबाय थानायसै । बर' बुरिफोरनि बास गारि सिडव बायदिसिना बाथ्रा रायज्जलायनायफोरखौ बिसिनायाव गोलांनानै दोरफो दोरफो सानबाय थाबाय । बिसोरनि बुंनाय बाथ्राफोराथ' थारानोमार- बांगालफोरा आसामाव सागलोबमारबाय, गथ' गथाय खांनायफोरखौ बन्द' खालामनाय गैया नालाय । सानै साथाम लानाय, सेकार, कन्दाक्टर, द्राइभारफोरनि, पेसेन्जारफोरनि आख'लफोरखौ गोसोखांबाय थायो । मेंनाय देहा आरो बायदिसिना साननायजों गोमबोरा दो उन्दुलांनायसै ।

गोमानाय सुयेटार

-सानसुमै खुंग्रि बसुमतारि

जिसि बिसोर बैसोनि दिमोल बिफा सन्थलाया गोमानाय आखाय खान्दा सुयेटारखौ दिनैसो मोनदों। बेसेरा नागिरना मोनै सैमाफोरसो अरथिंबाय सान्दोंमोन। न'निनो सिथलायाव लामनाय दान्दानिफ्राय गोमादोंमोन। एसेबां सान नागिरना मोनैलाय बारजों गोग्लैबायनायाव सैमा फिसाफ्रासो अरथिंलांबाय सान्दोंमोन। गोजां बोथोरनि सैमा फिसाफ्रा जथा सेन्देल हिस्त्रि-हिंसा अरथिंबायो होन्नालाय। बेखायनो माव दाबाव मालाबा बिगोमाफोरजों होजायो दाय। बालथिंआव दै लानानै बेखौनोथ' बुनो नागिरदोंमोन सन्थलाया।

“आबौ! आबौ! मामिया नोंखौ गायखेर लायनो थिन्दों। ओमफ्राय गायखेरखौ दिनै एसे बुरजा मोनगोन्नो। बे जग गिदिरखौ लांफानो थिन्दों।”

सन्थलाया गिसि खालामनाय गस्लाखौ बुनो सार्फ इक्सेल साबोन फोनहां हानो जल्दब दोनथनानै फिसौ होनाय जगखौ लाना गामियाव गायखेर लायनो ओंखारलाडो। थिका लानाय दं फुंनि बेबायदि समावनो सानफ्रोमबो लायखायो। नाथायब्ला गोबां बिसोर जाबाय सन्थलाहा बिहामजो फुदुंनय गायखेरनि साहा मोनलोडैया। बोराइ मानसि होन्नालाय, एखनब्ला लोंनो जानोफोर लुबैयो। गोथाव थावै गोसोखाडो। मोखां

नायलायनाय न'नि सिथलायाव स्यायहै रायज्जलायनो गोसो जायो। नाथायब्ला बे आबहावाया गैया सन्थलामोननियाव।

सानै गथ'फोरनो होना आग्लायनाय गायखेरखौ साहा फुदुंन लोडा नडा लोडो जानांगौ बिहामजोआ। गावलाय बुंन लायो लोडो होन्ना गायखेर फावदारनिसो साहा। सन्थलाया बिदिखौ लोडालाय आरो। दाक्टरनि होबथानाय। गावबो उदैयाव गेस बाडो बिखा आलौवो होन्ना गिखानाय मोनो। नाथायब्ला सन्थलाया मिथिगौ गायखेर फावदारनि साहाब्ला बिहामजो लोंनाय कापनि लोबोराव बिज्ला दाखोन सिथाबा होन्ना।

बुंनो थांब्ला सन्थलाया गावनिनो न'खराव नेहाद सासे दाहोना बायदि। गोसो बायदि थानो हाया। हाथाइ बाजार थानो मोना। न'खराव आलासिफोर नुजानो मोना रायदावनो हाया। जा होनब्ला जानाय; उन्दु होनब्ला उन्दुनाय। गावलाय गोबां दुखु-दाहा सहायनासो फिसाफोरखौ फेदेरदोंमोन। हा-हु बुरजा नडामोनखायनो आदि थिखा मावनानैसो न'खरखौ बेंदोंमोन। फिसाफोरनि खुसियानो गावनिबो होन्ना गोदैं सिमां रनसायदोंमोन।

नाथाय सान्नायफोरा बयनिबो जाफुंमारा। सन्थलाया जाहोनखौ दिनै मिथिया फिसाज्ला

बिहामजोआदि गावखौ मानो सुखुवा। सिगांथ' बिदि नडा मोन। बिमा थानाय समाव बयबो अनलायो मोन। निसा बेसाद जाया लोडा न'खराव जेबो दावराव गैया मोन। संसारा स'नानि मोन।

सन्थलाया गोसोखांहरनो हाया, बिसि गोमालांनाय उनाव जोबथा माब्लादि बियो फिसाज्ला बिहामजोनिफ्राय जि-जोम मोना। दायोथ' बैसागो फोरबो सफैब्ला जाथि बंस'नि हाबा आथिमंगलफोर जाब्ला मानाव मोन्नाय गामसा फालि गेन्जिजोनों बोसोर सौहा हरसै। खालि गोजां बोथोरब्ला जोमनाय गुदुं गस्लानिलसो जिंगा। बेखायनोथ' दानसे सिगां गोमानाय आखाय खान्दा सुयेटरनि थाखै खमसो दुखु मोनाखै मोन बियो। बेसारा नागिरना मोनै खाराव माराव जालायथारदों मोन।

गोसो बायग्लिनाय सन्थलाया गायखेर लायनो थांनाय लामा थारैनो बायदि खोथा सानलांगासिनो दड। थारैनो बे सानखौ माब्लाबाबो बावगारनाय नंला। बुंनो थाडोब्ला गोमानाय गस्लाखौ मोनफिननाय उनाव खुसिसो मोननांगौ मोन बिहा। नाथाय उल्थासो जादों। सानदों बियो-मोनफिनोब्लानो थानायानो साबसिनमोन होन्ना। नडाब्ला जानो हागौ बियो लेथ्रा जायगायाव एबा हाखर हाला बारि बागाननि मैला जामफैफोराव मोन्नायमोनब्लाबो रंजागौमोन होन्ना। मोसौ मोसाफ्रा अरना अरफ्लेना गलिफोराव गारनायखौ खनखांनो मोन्नायमोनब्लाबो जेबो नंलासैमोन होन्ना। नाथाय;

जाहोना औरै-गामिनि अन्जना होन्नाय

सिख्लासाया लिंहरब्ला बिदिनो माब्लाबा सन्थला मोननियाव खामानि मावफैयो। दिनैबो फैदों। फुडावनो जि-जोम जाबसांना-बेमा जे न'बिथा लिस्त्रां हुगारस्त्रां खालामफैदों। गथ'नि जोनोम सान फालिगोनलाय हाद्रि बाला नांनाय न'सिंनि आइजें आइलाफोरखौ बिहामजोवा बाहेराव दिहुनदों। गोजां बोथोरलाय अन्जनायाबो जथा सेन्देल दोननाय स्टिलनि रेगखौ सन्थला सानदुं सायनाय खाथियावनो दलर गसंना बुस्त्रफैयो। बे समावनो सन्थलानि दुखुथिया मेगना जथा सेन्दलजों गोरोबना थानाय गंसे बेसर बिबार गाबनि उल जियाव गोग्लैयो। बेखायनो बिखा ख्लाब मोन्नानै अन्जनाखौ बुंनायसै बियो।

: आबै! नै अबे जिखौ आं आंनि गस्ला बायदि नुदों।

: होय आबौ नडाहाय बे नोंनि जुथा हुगारा जिखौनो। नुवाखै नों मैलासो। मालाय आदा दिमोला जथासे हुगारो बिजों।-अन्जनाया सन्थला थांखिनाय उल जिखौ खननै दिन्दां दां देखायो। खोथायाव दं, मैखौ मै होन्ना खियावनो सिनायो। अमाखौ अमा होन्ना। गावनि जिनिसखौ सिनाया सोरथो। जिथों जिफ्लेथों। हाजारखि जामनानै गाबानो गुलांथों, थेवबो सिनायो। सन्थलाया अन्जनानिफ्राय गस्लाखौ लाना आखाय फारनैजों दास्त्रिद दास्त्रिद नायो। दानसे सिगां गोमानाय गस्लाखौ मोनफिनना मिनिस्लुयो। ओहो गस्लाया जेबो गात्रि जायाखै। जियाखै, जिखानायबो नडा। गस्लाया गोगोम आरो रोजाखा। जुथा सेन्दल हुगार जानायलाय एसेल बौरैबा थन्थ्रलांदों। कासमिरि

उल खुन्दुनि कुरसाजों हेबनाय । जुथा फालिसनि नांलानाय थावसो । एसे दाग्ला दाग्लि आथा नांहांदों । जेबो नडा, बुब्लानो खारगोन ।

बा: गस्लायाबो खमसो गोबाव जोराखै । सुमुबोथ' ओंखारनो रेंखाया । फिसाफोरा गोदो लजिं थाहैब्ला एफा एनै सम मोननायफ्राव हेबदोंमोन सोरगोयारि बिसिया । बेखानायनो गोजामब्लाबो बे गांसे गस्लाजों बावगार हायै नागार हायै सोमोन्दो दड सन्थलाहा ।

सन्थलाया गस्लाखौ दसे बिखायाव गोबानानै गोलाव हंमा सुरो हरखाबै उसिफाव मेगन फिथाय साग्लोबनाय ज्राम- ज्राम मोदैखौ एरसोफिनना लायो । सोदोब ओंखारै सिंनि गाबनायाव देहाखौ दान्दिसे लोरबांसिन मोनो । दहाइ !

सन्थलाया गावनि सायाव बाहायनाय फिसाज्जलानि गासै गोरोन्थिखौनो मेगन मेसेबना सिरि थादोंमोन । नाथाय दिनै मानोबा बिनि गोरबोया बिग्रायखांदों ।

सन्थलाहा गोदो फिसाज्जला दिमोलनि सायाव गोबां आसागैया नडा दडमोन । उन्दैयाव फिसाफोरनि मादाव बिनि सान्नाय हनाय बिमा-बिफाखौ फुजिनाया आलादासिनमोन । फरायसालियाव फोरोंगिरि आरो नायदिंगिरिफोरनि गोसो जै खालामनो हाग्रामोन । मान लाखिनो गोरोंमोन । नंखाय बाथ्रा बुडमोन । नों देरना सोर बायदि जागोन-सोंब्ला फिनखौ बियो-“आं महात्मा गान्धि बायदि जागोन” होन्ना फिनग्रामोन । गामिफ्रावबो मालायनि दुखु दाहाखौ नुना आय'

होनफानो रेंदोंमोन । नाथाय दिनै बियो थारलायैनो सोलायबाय । बिफाजों रायज्जलाया, जाजाबा, नायजाबा । मोखांजों मोखां जाब्लानो नायख्लेंग्रासै । जेब्लानिफ्राय न'खरनि बिबानखौ फुरायै रुजुनदों बै समनिफ्रायनो दिमोलनि सान्नाय हनाया गुस्लाय लांदों । जेसेनो मानसिजों सिनाय जादों एसेनो अहंखार जादों । जेसेनो बारि बागान ग्रोम ग्रोम जादों एसेनो हिन्जाव फिसा सुखुयै जादों । दा बियो बायदिसिना फालांगि खालामनायजों हारि सिबियारिबो जाबाय । खम समनि गेजेरावनो गिदिर बिबानबो मोनबाय ।

बुंनो थांब्ला, सन्थलाया दिनै गावनि बे बैसो सिम गोबांथार सोलायनाय नुबाय । जेरै-आंगोनि, गामिनि, न'खरनि, समाजनि, सान्नाय हनायनि, मावनायनि आरो गोबां । एना-एनि नंखायनि, गावजों-गाव सैलायै, आवसारि राजखान्थि सानथ्रहायै जेंसि । बोराइदोंब्लाबो सन्थलाहाबो आंगो हारिनि फारसे माब्लाबा समाव गाबखांनाय फैयो । माबा-माबि सानप्लाडो । असे फिसानिनो नंखाय हारि सिबिनायखौ नुना अलखदखौ सेराव सौफैसि मोनो । मानोना बिहा सन्देह जायो । न'खर गंसेखौनो मोजाडै दैदेननो हायै मानसिया मा बोरै समाजनि दैदेनगिरि जादों होन्ना । गिखां हरो, फैबाय थानाय इउन जोलैखौ अम्बासिनि फल'न्थआव नाथ्रोद हराथ होन्ना । मुगैखाडो, थौले मेलेमजों धोन आरजिनो हादों होन्ना । सासे जोनोमगिरि बिफा जानानै फिसाज्जलानि सोलिनायखौबोथ हमदां हागौआनोसै ।

नाथाय दिमोल बायदि सासे अहंजों

सोलिफुनाय गोरा मानसिखौ जेबो बुंनो हाथ 'वा । खुनु-रोखोम बेलानैनि बोथिनै मोनजादों, थानो न' मोन्दों बेनोथ थोजासे । फिसाज्लाखौ गोथों लामाजों आगान सुरनो थिनोब्ला सन्थलानि गोदान खुलिया बै 'अनाथ आश्रम' । बेखायनो राहा गोमाजा बे जोबथा बुल्लियाव फिसाज्लाखौबो बुजायनो बियो हानाय नंला । बिनि रावा बेसेन गैलिया । नंमारगौ दिनैनि बे जुगाव आखायाव रां-रुफा गैयाबोला गावनिनो न'खरावनो जानाडे बान्दा ।

लामाथारैनो बायदि बायला सान्नानै सन्थलाया न'नि लांगोना गाफैफिनो । आखायाव लानाय गायखेर जगखौ करिडरनि दाइनिंआव दोन्ना ओंखारफिनब्ला उनथिंनिफ्राय बिहामजोआ खोनाहोहरो ।

“आफाया दिनै अल'कामोननियाव थांना फै । लावगोदै थायनैसो लांफा । एन्जरासो जाफ्लेजोबदोंसै स्थर रुमाव दोनै दोनै । अंगन बादिनि दालिबो एसे जमा जाना दं लाना थांफा । हरथाबो । गारिभारा हरगोन आं । गाबोनफोर बेलासे सफैनाय फै ।

अलकाया सन्थलानि हाबा हरनाय फिसाजो । बिहावखौ थांखिना बुंनाय बिहामजोनि रावा जोबस्लाबैयावनो फिसौला रन्दिबआ बिबौखौ बुंहरो-“आबौ ! आबौ ! दिनै थांनाडलै जेरावबो । आंनि फिफ्ट बार्थदे दड । आंनि लोगोफोराबो

फैगोन । दा मोनायाव ।

: नोंनि बार्थदेनि केकखौ आं जानो हायालै आबौ ! हाथाय सायो । गोदै मुवा आं मनोजाया ।

न'निफ्राय आनज्रायथनांगौनि बिबोथ एबा ओंथिखौ बुजि मोन्नाय सन्थलाया गोजौ फारसे एसे नायदावना थरायहां गाराडै फिसौखौ एदावथि बुंफिन्ना दैख'र मोखां ग्रोब थाबाय लाडे ।

सन्थलाया बे खेबाव जलदब गालांथनाय सार्फ एक्सेल साबोनखौ बाल्टिं सेराव नुफैफिनाखसै । बाथ रुमाव सिनथायनो नायख्रंखियो । ओरैबा गामाखालि बाथ रुमनि दरजाखौनो दांफेरखायामोन बियो । ओरै-हरै दैख'र सेरनि थाथावना मोनथावना जायगाफोराव नागिरथिं बायो ।

: मा नागिरदों आबौ अन्जनाया सन्थलाखौ खाथियाव फैना सोडे ।

: नै लै आबै ! आं बे-खि-नि-याव-नो जि बुनाय साबोनखौ दोनदोंमोन । बहा थांखो ! ना आं बहाबासो गालांफ्लांबाय ! गोसोआवनो फैला । -गंददयै मोखां सोमफबनाय सन्थलाया खर'खुरलु खुरलुयै फिनो ।

: ए आबौ ओमबा- बे साबुना गोमायाखै । बाजैनिसोमोननो । पार्सनेल । बाजैया दांला दांसिखौ बायोनो । नोंखौ बोराइ पेन्सननि मोन्नाय रांजोंनो स्नाब साबोनखौ बायना लानो थिनदों । बाजैया आंखौ बुंनो थिनदों ।

माष्टारसो

-जनिल कुमार ब्रह्म

थिबाव माष्टारा दिनै फुडावनो बिसि जोंख्लिखौ बुंलांदोंमोन- “दिनै गेवलांफुरि बाजारनि दिन। स्कुलाबो शंकरदेबनि बन्द’। ओंखामा फोमोनग्रोना दोन। अमा बेदर बायनानै थाबैनो लाबोगोन आं। सप्तायाव खेबसेल’ बाजार। बेदर इंखिजों फिसा-फिसौ बोथिसे ज्रोम जानि।”

बिब्दि बुंनानै थिबाव माष्टारा बाजारथिं बलत अंखारलाडो। फिसाइ बुंलांनाय लेखा जोंख्लियाबो बेरेफुं जानि ओंखाम फोमोन्ना नख’रनि सिथ्ला सिबनाय, जि-जोम सुनाय हाबाफारखौ फारियै मावनो साखा-फारा खालामो। समा रावखौबो नेया। जोंख्लिया नखरनि हाबा मावगौमानि साना दूलाय दावखोबाय माब्लाबानो बेदर लाबोनो बुंलांनाय थिबाव माष्टारा नाथाय दाबोनो सफैयाखिसै।

जोंख्लिया नाथाय फिसाय थिबाव माष्टारनि आखलखौ रोदानिफ्राय बिजौ दालाइनि बिलाइ गोरलैसिम मिथिखागौ। थिबावआ माब्लाबा माब्लाबा जोंख्लिखौ गोदै मिलौदो राव बुंनानै जौनि फुखि बेदरनि आलियाव लोहाबहैना साननिफ्राय हर हरनिफ्राय सान न’आव सफैरोडा। बेखौनो सान्ना जोंख्लिया मैया हराव एवफ्रामना दोन्नाय औवा-बुरखानि मेउवाइजों दालि इंखि संब्रबना गथ’ सानैनो जाहोग्रोना दोनो।

जोंख्लिया फिसाइखौ नेयैनो नेयैनो

सानासो देदेनलांबाय। थेवबो थिबाव माष्टारा न’आव सफैरोडाखिसै। जोंख्लिया दुखुजों हांमा गोलाव सुरना सान्नानै लाबाय- दिनैलाय स्कुल बन्द। स्कुल गोनाडवनो लोथो लोथो जौ फेनानै नखराव दुम दुखाल खालामफैयो। थिख सोरनिबा जौ दखानाव गोजोमहैलायबाय बियो। बेखौनो सान्ना जोंख्लिया दुखुनि गेजेरजों खबनैसो ओंखाम जानो ओंखाम संग्रा न’आव थ्रोब हाबलाडो।

उनथाराव जोंखिल सान्नायानो जामारदोंमोन। थिबावआ हाथाइयाव अमा बेदर बायहां जानाय समावनो बिसिगि आमाव माष्टारा थिबावनि थाफिलयाव थाब बुनानै बुडो-“सुखे फाग्ला, दिनै स्कुल बन्दनि दिन। मा खालामनो सान्दों नोंथाडालाय?” थिबावआ उनथिंजाय मोखां जानानै फिनो- “थोत फाग्ला, सप्तायाव खनसेल’ गेवलांफुरि बाजार। बिनिखायनो दिनै अमा बेदर एसे बायना बिसि-फिसाजों मोखां नायलाय नायलाय बोथिसे ज्रोम बेदर इंखि खनजानो सान्दोंलै सुखे। बिनिखायनो बेदर एसे लानो सान्दों।” “रथ’ र’ सुखे, सानानो दाबो जौखोयाखै। दाबो फुडै’नो दं। मोनसे कनफिडेनसियेल बाथा दं।” होन्ना आमाव माष्टारा बिसिगि थिबावखौ फावगालिनि जौ दखानाव बोना लाडो।

गेवलांफुरि बाजारनि खाथि-खालायाव

गोबां जौनि दखान दं। नाथाय एमफौ नानाय मेलेमखौ सुग्लायहोनो थाखाय फावगालिनि एमावनि बिलोयावनो बांसिन जुमाय खुंगुरफ्रा गोजोमहैसिनो। मानोना फावगालिया देश-बिदेश जेरावबो सोर्खिना फैनाय फिसाइ गैजायै नायनो समायना रान्दि आइजो। खायदा बुद्धि गोरों बर' आइजो। जौजों लोगोसे ना-बेदरनि खाजिबो होफायो। बिनिखायनो गलायावनो सान्ध्र 'हायै जुमाय खुंगुरफोरनि आन्धोरजआ। अमर खायेमनि आड्डु। इथ ड्रिंक बि मेरि। टुमर' इउ उइल दाइ। थिबाव आरो आमाव माष्टारमोनहा अमर खायेमनि बे बाथ्रा खोन्दोखौनो लाना अराय सम लौलायो जालायो फावगालिनि जौनि दखानाव फुर्थि खालामो। साना माब्ला हाबलाडे- हरा माब्ला सोराडे बिनि उदिस लानो सम गैया बिसोरहा।

फावगालिया फरायलाय-गारलाय मेट्रिक थाखोसिम स्कुल फरायदोंमोन। बोराय बुरि बिमा-बिफाहा खिफि एवजानोबो लाय-लथर जेबो गैजाया। बिदा सासे दंमोन। बिबो हिन्जाव लाग्रोमोनानो गुबुन जादोंमोन। थेवबो लेखा रोडखै होन्नानै एबा आखाइयाव रं-रुपा जेबो गैजायाब्लाबो फावगालिया न'आव एरैनो थाया। बोरैबा बोरैबि राहा खालामना फावगालिया लेखआ गारनायनिफ्रायनो दिनै क'क्राझार गाबोन गसाइगाव संफोर गौरिपुर टाउनाव सामफ्रामबो अमा उरग्रा सर दंखायोमोन। जेबो गैजायाब्लाबो फावगालिनि सैमा आथिं जरासेखौ रावबो बोबथानो हाया। फावगालिखौ रावबो खाबथानोबो हाया। समायना महरनि देरफुनाय जारौ रै सिख्ला

फावगालिखौ सामफ्रामबो बास गाखोना ओजों-ओजा थांग्राखाय बासनि सेखारफ्राबो फावगालिखौ सिनायफ्लेथारनानै बासनि भारखौनो लायाजासे सातगुन माफ होयोमोन। बिब्दियावनो फावगालिनि खर'आ लुन देरसिनो। सामफ्रामबो फुडावनो दुगैस्त्रां-दैलोबस्त्रां समायना देलायना साखि मावग्राबादि गावनि दैलि रुटिनमते जेराव-मेराव अंखारलाडे फावगालिया।

बिब्दिनो फावगालिया दिनैबो अंखारलादोंमोन बैग्रिबारि हाथाइसिम। हरखाब लोगो मोनहैदोंमोन गामि खाथिनि सासे बिगुमै सोमोन्दो जानाइ सिलडव साखि मावग्रा जायलाराम ब्रह्मखौ।

जायलाराम ब्रह्माया सोंदोंमोन फावगालिनियाव- “बहा थानो फावगालि? नोंखौ नुयैया गोबावसै। नों मोजां दंना आगै?” जायलारामनि बाथ्राखौ खोनाना फावगालिया फिनदोंमोन- “जोंबादियालाय बहा मोजां जाबावनो गुमै। आं दा लामा गोमाजानाय दावब'फोरनि गेजेराव मेगन गैजायै मासे खानि दावब'। बोराय बुरि बिमा-बिफा दड। नाथआय बोथिसे ओंखामनि थागिदा। माब्लाबा मोनजायो माब्लाबा रसा नानानै आलाइस्त्रो उन्दुना थायो। आंहा दा न' गैया। लामा-सामानि बंफां-लाइफांनि साया-साइख्लुमानो आंनि न'। आंखौ दा साया होनो रावबो गैया।” बिब्दि होन्ना फावगालिया मोदै हुगारो। फावगालिनि बाथ्राखौ खोनानानै जायलारामा दान्दिसे खुगा बबा जायो। जायलारामनि बिखायाव हायैनि जोनो जोनो

अर खामब्लाउवो । अन्नायनि बोहैनाय दाहारखौ थेबथानो हायैनि जायलारामा फावगालिखौ बुडे- “बुजिबाय, मिथिबाय फावगालि आगै । नोंजों लोगोसे आंहाबो मोदै गफाबाय । बिखायाव अरगेंनि उखुन्दै खुबाय । बिब्दिब्ला नों आंजों बेरायहैनो सिलडव थांफानो ?”

जायलारामनि बाथ्राखौ खोनाना फावगालिया गंस्त्रिना गावनि आग्दा आर्थिनि आसि बिमाजों हाद्रिबालाखौ एरलु एरलु खालामना फंसेल' बाथ्रा बुडे- “औ, नों अन्नानै लांफायोब्ला आं थांगोन ।” उर, बेब बेब.... । एसेआवनो सिलडव थांनाय मटरा फैयो । सानैबो मटर गाखोना सानजा लामाजों सिबसनलाडे ।

उनथाराव जायलारामा फावगालिखौ बेरायहैनो लांफानायनि थांखिखौ गोसोम खालिजों खोमोरना स्रोतयै हाबासो लाखोमाहैयो । फावगालियाबो जेबो अजत होयाखैमोन । बिब्दिनो बोसोरसे खावसे सुखु गोजोनै सिलडव रइजो जायो जायलाराम आरो फावगालिमोनहा । फावगालिया बेखिनि समाव सिलं सहरखौ गिदिं गिदिं नायदों । नुदोंमोन बियो सिलंनि खासिया हारिनि हिन्जावफ्रा एरैनो जनानै थाया । माबा नडा माबा मोनसे फालांगि खालामो । बिसोरनि गेजेराव माखासेया जौ-बेदरनि दखान होयो ।

मानसिफ्रा बुंसोलायो- सुनिया जायनाव हाबबाथाय हाबबाय थाब नागाररोडानो । फावगालिनि खाफालावबो बिब्दिनो जाबाय । सिबाय फावगालिया एरैनो खाफाल हावरियाखा । बिनि सायाव जोमै गैलायाबा दिनै फावगालिनि

खर'-माथायाव सारअन्थाइनि गावखुबनाय दांखब । “गैलिया, गैलिया.... । फावगालिनि फिसाइ जायलारामनि जिउआ गैलिया दिनै । जायलारामा अफिसनि हाबा लाना सिलंनिफ्राय गुवाहाटीयाव थांदोंमोन । लामा गेजेरावनो मटरनि जाब्रबथायजों जायगायावनो जिउ गोमाबाय ।” बाथ्राखौ फावगालिनो खिन्थाना अफिस पियना ब्लद ओंखारलांफिनदोंमोन । फिरिगासे सोमावगुंनाय अरगेंनि उखुन्दै खुनाय गुदुं अरखिया फावगालिनि जिउखौ खामदलाबहोलाडे । गोर्बोया उसाव बादाव जायो । बि दिननिफ्रायनो फावगालिया रान्दि महरै हाजोनिफ्राय हायेनाव ओंखरबोना जौनि दखान होफैयो ।

बिसिगि थिबावखौ फावगालिनि जौ दखानसिम बोलाडे आमाव माष्टरा । थिबावखौ बुंदोंमोन-“दिनै बन्दनि दिन सुखे । सानैजों एफा एफा सुनजुमदिनि ।” .. धेत, नाडालै सुखे । आंहा जबान थैखाना फैनाय । न'आव अमा बेदर लांथारनांगौ । नडाब्ला दानो जोंखिलिया आंखौ सैमा सौनायबादि अरहां अरहां सोंगोन ।” थिबाव माष्टरनि थतगोनां राव । थेवबो आमावआ बुंबावबाय- “ओइ सुखे, नोंथाडा हिन्जावनि गलाम नामा ? हिन्जावखौ इसिबां गिनो ? जाम्बा जाम्बा । नोंथानि हिन्जाव जोंखिलियाथ' बिरात मोजां थानदा हिन्जावबावसो । आंनि हिन्जाव थिंज्रेबाथ' बिरात खाथ्रा हिन्जाव । दानो लावथि लाना फैबावगोनसो बियो । गावनि फिसाइखौनो खथबार बुबाय बियो... । थेवबो आं जेबो साना । नोंथाडालाय मानोथो हिन्जावखौ इसिबां गिखो ?

भयफादुरा.....।” आमावनि बाथ्रायाव थिबावआ बुंनो लामा मोना जायो। खर’ गंग्लायना बुडे बियो- “देलै सुखे, बिब्दिल्लालाय। सिखासे लौना थांदिनि।” बिसिगि थिबावनि खर’ गंग्लायनायाव आमावआ फावगालिनियाव बिहरो हाफ फाइल लाबोदोलै फावगालि आगै पलिअ’खौ।

दानि मुगायाव जुमाय फाग्लफ्रा हाथाइ- बाजाराव जौ होन्नानै बुंलिया। जौ बुडेब्ला रइजो- राजाफ्रा गाज्जि खोनायो। बिनिखायनो बिसोरो दा पलिअ’ होन्नानै बुडे। बियो बर’ समाजनि जौ सोबग्राफोरनि गोदान मुं। गोदान मुगा, गोदान बोथोरनि मोनसे आन्दोनि राव।

आमावनि बिहरनायाव फावगालिया हाफ फाइल जौ लाबोना बुंफैयो- “बारा दालोंसै नोंसोर। नोंसिनि महर मोखांफ्रा जौ लोडै लोडै बुजोब्बाय। मोदोमाव थै गैलिया। आमाव माव जालांबाय। नोंसोर लेखा गोरों मानसि। समाजनि मेगनाव बनजार दिन्थिग्रा आगोमा माष्टर। नोंसोरनो बिब्दिल्लालाय जौनि समाजा बोरैथो थांबावनो? नोंसिनि महर मोखाड माबादि जाखो सम मोनोब्ला आयनायाव एसे नाय नोंसोर। अब्लानो नुगोन नोंसिनि मोदोमा बुजोब्बाय।

फावगालिनि बाथ्राखौ खोनाना आमावआ फिन होयो- “होत फाग्लि फाग्लि फावगालि आगै। माष्टर स्कुलावसो माष्टरलै फाग्लि। दैयाव हागुडाव सोर्गोआव-फाथालाव, हाथाइआव- बाजाराव अराय माष्टर जाबाय थानो हायो नामा? जोंबो मानसिसोलै फावगालि आगै।” आमावनि बाथ्रायाव फावगालिया बुंनो लामा मोना

जाना सिरि थायो। उनाव आमावआ गुरै रावजों बुंहरबाउदों- “मा खालामनोब्रा फावगालि आगै। हराव गाबोननिफ्राय लोंथारला नडे। नाथाय फुं जाब्लाथाय फिलौयानो मानिया।”

बे समावनो दुन्दियाबारिनि खाजेव मादा माष्टरा हाबफैयो। गावसिनि लोगोफोरखौ फावगालिनि दखानाव लोगो मोन्नानै देरगाखांनाय मोनो बियो। बुडे खाजेव मादाया- “नै नै, माथो नोंसोरसो आंनि सिगां लोहाबफैग्रोबाय? लोंनाय जानायावब्ला खम नंमारासोलै नोंसोर। अ’ दुर्गा फुजानि एडभान्स दानबान्था मोन्दोंथ’....। दे दे आंनोबो एसे। पलिअ’ मोदोमना सालाइनि खदैफ्रासो र’ र’ गनो हमबाय।” एसेआवनो फावगालिया गिलास गंसे आरो जौ बटलसे लाबोना होफैबाउवो। गुबुन गुबुन दखाननि जौया बारा दहख गोनां नड। नाथाय फावगालिया जौआव मा मा होदेरोथाय। लोंहां जाब्लाबनो गन्थं गुदुडाव खारखोलाडे। लोंब्लानो गारामा बोब्रालाडे। बिब्दियाव जौ गोजाखौ मालाय बोरै लोंलायखो? एसे लिमोनहोनांगोन गारामाखौ। बिनिखायनो खाजेवआ फावगालिनियाव अमा बेदरनि खाजिबो बिहरबाउवो। फावगालिया अमानि खाजि लाबोना होफैयो।

थिबाव माष्टरा हर्खाब गोसो खांना बुडे- “हेत, आंहा नआव अमा बेदर लांथारनांगौमोनलै। आं थांनोसै नामा।” थिबावनि बाथ्रायाव आमावआ होथेहरो- “अमा बेदरखौ जोंहाबो लांनांगौलै सुखे। रथ’ र’ दसे लोंबावदो। बे बटलसेखौ फोजोबदिनि।” लोडै-नो लोडै-नो साथामनिबो

खर' मेलेमाव पलिअनि एमफौफ्रा ब्लिउ ब्लाउ मानखोहैबाय। मेगन सेर सेर सांग्रेमाफ्रा दुहुम बिरबायनो हमबाय। थेवबो खाजेव मादानि जोलोन्दोरा थोआ थोआ। गांगानाय मोनश्राखै बिहा। बिनिखायनो फावगालिनियाव आरो बटलसे बिरबाउवो खाजेव मादाया।

खाजेवनि बिहरनाय लेखा फावगालियाबो आरो बटलसेबाव लाबोना बुडो-“हामबायसै, थोबाय। नोंसोर माष्टर मानसि समाजनि नोंसोर गोरों-गोरा मानसि। बांद्राय जौ लोडै लोडै नोंसिनि महर मोखांफ्रा नायजालिया। उदैफ्रा थिंखिलखिल देरनो हमबाय। मोखांफ्रा बुफबजोब्बाय। बिब्दि महर मोखांफोरखौ लानानै गथफोरखौ बोरै लेखा फोरोडे नोंसोरलाय?” फावगालिनि बाथ्राखौ खोनानै फिनो खाजेवआ - “हेत, फावगालि आगै नों.... जोंखौ असन्मान बाथ्रा बुंबाय थानो नाडलै। बियो स्कुल नडा। नोंनि जौ दखानसो। जौलाय माष्टरखाबो। आसल माष्टर होनोब्ला आर सोरथो दंबावो? जानोसै। नडाहोमबा थिबाव, आमाव बाहायमोन।” साथामबो ग्लाब ग्लाब मिनियो। नंगौलै नंथारगौ खाजेव बाहाय।

बटलसे बटलनै बटलथाम। गोबां जौ लोंनानै बिसोरनि खर' मेलेमाव आवलिहैबाय। खुगायाल' थेव थेवसै। आथिड बत मोना मोना जाना सिखारनो हाया हाया जाबाय। खाजेव मादाया गारामा उग्लि मोन्नानै साउवा साउ गोबाबाय। साथामबो फावगालिनि खामसालियावनो मानज्रंबायना गादै लायै लायै खुग्लुबना दो उन्दुलाडे। बिब्दिनो साना देदेनहां जाबाय।

दिनै मुलुगनां जौ होबथा सान। सासे

माष्टर जानानैबो थिबाव खाजेवमोनहा बे सानखौ खिफुद्दबो मिथिग्राड। फावगालियाथ' आरो जेबो मिथिसिनबाउवासो।

हर्खाब हाथाइथिंजायनिफ्राय फष्टर, बेनार लाना हासा-बर' गोबां आइजोफ्रा जै-धोनि होयै होयै हखावबोदों। लोगोयाव पुलिसफोरबो दंफायो। 'जौ दालों। जौ दाफान। जौखौ मुलु संसारनिफ्राय ध्वंस खालामनांगौ।' बायदि बायदि स्लगानजों होगदवबोदों आइजोफ्रा लामाथारैनो।

फावगालिया गेट मोखांजों नायहरखोमादों। नुहुरदों बियो जागालाय सोमगालाय गोबां आइजोफोरा लामा गिदिंदों। 'जौ फान्नो मोना। जौ लोंनो मोना।' बायदि बायदि स्लगानजों गोमसार होबोदों। लामा-सामा, हाथाइ-बाजाराव जेरावबो। फावगालिया उदिस मोन्ना ननि दरखौ थाला होनानै औवाबारियाव बलत खारखोमालाडे।

बिब्दिनो हान्जा सुरै सुरै आइजोफ्रा मब्लाबानो फावगालिनि जौ दखानखौ मोनहैयो। गेटनि सिडव हाबना नुहैबाय फावगालिनि न'आ थाला मारिनाय। नाथाय साथाम मानसिफ्रा जौ बेदर आरो गोबादैजों गादै लाना फावगालिनि खामसालियावनो खुग्लुबसोना दं। आइजोफ्रा सिनायनो मोनबाय। बिसोरनो जाबाय थिबाव, आमाव आरो खाजेव मादा। साथआमबो स्कुलनि माष्टरसो। पुलिसफ्रा आइजोफोरनियाव सोंबाय- “सोर जाखो बिसोरलाय?” “सार, बिसोर साथामबो जोंनि खाथि-खाला गामिनि माष्टरसो।” आइजोफोरनि गेजेरनिफ्राय सन्थलिया फ्रात खिन्थाहरो। दारगा बाबुया गावनि दायेरियाव माबा-माबि लिरो।

समनि आगान

-अजित कुमार ब्रह्म

सानसेखालि बेलारोम समाव गोथै सालियाव थांनानै आदाराम बोराया खदालसे खदालनै सानै सानै गावनि नोरजिया सोलेरखौ लानानै खदालजों हाखर जावगासिनो दडमोन। आदाराम बोराया गावनि जिउयाव गोखा गोखै आगान सुरबोनाय फिथाइखौ लानानै थैनोसै समखौ मिथिखानानै बिमा बिफाखौ फबनाय साखाथियावनो गावनि फबजागोन हाखरखौबो लासै लासै जावनानै लाखादोंमोन बियो गावनि सोलिबोनाय जिउयाव समजों लोगोसे आगान सुरफानो हायैनि थाखाय मोननांनय गासैबो दुखु दाहाफोरखौ गुबुन मानसिफोरनो फोरमायलानो इनायनो गोसो जादोंमोन। मानोना गाव सुबुं संसारनि नेम खान्थिखौ नेउसिनानै दुखु दाहानि गेजेरजों सोलिनांनय सासे सुबुं।

बे समावनो गोथैसालियाव मोसौ गुमफैनाय रेना आरो थेना सानै लावखार गथ 'फोरा बोरायनि बुदुं बुदुं बुंनय रावखौ खोनानानै बिनि खाथियाव फैयो, आरो सोफैयो। ऐ आबौ आदाराम, नोंलाय बे गोथै सालियाव मा खदालसे खदालनै सानबाय थादोंब्रा ? मेगन नुयैयालाय माबोरैथो हारसिडैनो खदाल जावबाय थानो हाखो ना नों हारसिडै बारसोमनानै थैनोसो फुखि जावदों नामा ? अब्ला आदाराम बोराया गावनि नु बांसिनै मेगननि नोजोरजों नायनानै बुंनयसै सोर रेना आरो थेना आबौमोन नामा ? रेना आरो थेनाया खाथियाव थांनानै हाखरखौ नायनानै बुंनयसै औ आबौ, जोंसो। नोंनि बुदु बुदुं बुंनय रावखौ खोनानै सोरबाफोर अजा आरो दायनाफोरासो गोथैसालियाव मोन्थोर रायसनफैदों नामा साननानै फैदों जों। अब्ला आदारामा बुंनयसै नड आबौमोन आंसो, गामियाव मानोना आंहा सम जाबाय बे गोदान गामियाव फैनायनि। बे गामियाव फैनानैसो आं समायना गंसे देरा लुनानै हाबा लाना आलो गोजोनै रायजोखौ जाहैनोसै। बे सुबुं संसारावथ' आन्दायनांबाय आं। जेराव आबै आबौ, आय-आफा आरो आदै मादैमोन दड बेयावसो हाबा जानानै आलो गोजोनै रायजोखौ जाहैनोसां। अब्ला रेनाया बुबाय, हाब आबौ थैनानैलाय माबोरै हाबा जाबावनो नोंलाय ? बे सुबुं संसारावसो मोजां

मोजां सिख्लाफोर थायो । बिसोरखौसो जायखि जाया सासे मोजां नायनानै हाबाखौ जानांगौमोन नों । बेनोथ' आबौमोन मानसि जानानै दावफोर बायदि खुखुर खाना नांबाय आं बे संसाराव । अब्ला थेनाया सोंनायसै माथो खुखुर खाना नांखो नोंहा आबौ ? ना माबाफोर सुख'नो हायै गिदिर फाफनि खामानिफोर मावदोंमोन नामा नोंलाय ? खोनासं आबौमोन फै खाथियाव जिरायफै । रेना आरो थेनाया बोरायनि खाथियाव जिरायनानै थानाय ।

मोनसे समाव आंबै नुहरनाय मैनागुरि गामिनि रमेन आरो मैनाथिनि गोरबोयाव जोनोम मोननाय नैथि गेजेर फिसाज्जलामोन । आय आफाया आंखों गेजेर फिसाज्जा होननानै इनायनो दाव दाव अन्दोंमोन । नख'र लानानै आय-आफाया हा हु, बारि-बागान, न-बां आरो रोहो रोहो धोन दौलदनि बिगोमामोन । बे बायदि समायना नख'रावनो आं सानसे इसोरनि अननायाव जोनोमखाँ मोन्दोंमोन । नाथाय आय आफानि मोजां बोसोनखौ नेउसि गारनायनि थाखायनो आं दिनै बे आलाय सिलाय दांग्रोम नांनायनि गोखा फिथाइखौ मोनजानांदों । आफानि बुंथाब-थुथाब फोरोंनायावसो आं बा बांसिनै डाइन थाखोसिम फरायनो हादोंमोन । आंनि फरायनाया मेघालयाव खौरां बिलाइ आरो लाइसि फरायनायनि थाखायल' जादोंमोन अब्ला थेनैया सोंनायसै आबौ नों बिदिब्ला मेघालयावसो फरायदोंमोन नामा ? ना आबौमोन आं सनाजुलि गामिनि । गोजौ फरायसालियावनो डाइन थाखोसिम फरायदोंमोन । बे समाव आंनि मदद

जांगिला महर मोखांखौ नुनानै गोबां सुबुंफोरानो आंखो इनायनो मोजां मोनोमोन आरो जुलि लानायनि गोबां बाश्राबो फोसावयोमोन । नाथाय आं आंनि नख'र आरो महर मोखांखौ लानानै बै समाव आंहा गोबां गौरब आरो गोगगानाय दडमोन । गोबां मानसिफोरनि बेफोर बायदि सुदेम गोदै रावफोरखौ आं गासैबो नेउसिगारबोदोंमोन ।

फरायनाय गारनानै उदां उदां थानाय आरो हाल खदालाव एसेबो आखाय होयैखौ नुनानै आंखौ सानसे आयआ बुंदोंमोन, फिसा गयबारि गामिनि थरेन माहाजोननि फिसाजो जिलिमाखौ बिहामजो लाइनोसै । बैसोआबोथ' जाबाय नोंहा । हनै नोंदायानोबा मालाय हाबा लानानै जुदा जाना थाबाय । नोंनानाव रुफाहाबो मालाय मास्टार साखि मावखानाय सेंग्रायानो मोजां मोननानै दंखायो । नोंनोबो बे बोसोरावनो हाबाखौ होनोसै फिसा । जोनोमनि उनाव हाबा हुखा जायाब्ला जिउयाव बोराय बुरि जायोबोला सोरथो अननो, सोरथो फिनो । नख'रखौ सोरथो बेंनो । दोहोरोमनि बान्दो बायदि इसोरा जोंनो दोरसि, जोनोम हाबा, बोरायनाय आरो थेनाय गासै मोनबा बान्दोखौ हरखादों । बे बान्दोफोरखौ समजों लोगोसे मोनफा मोनफा फालिलाडबोला थबस्र' बोसनानै गारोबोला सुबुड जिउनि संसार जालांनायाव खाना नाडे फिसा । दिनै नों बैसोखौ लानानै समजों लोगोसे आगानखौ सुरलाडेबोला दुखु सहायनांगौ जागोन । जोंबोथ' बोराय बुरि जाबोबायानोसै । नों हाबा लानानै ग्रें ग्रें बे नख'र संसारखौ बेंनानै जोंखौ फियाबोला सोरथो

फिबावनांगौ आफा? बेफोर गासैबो संसारनि माया फिसा, ना नों मा बुझे?

अब्ला आं बुंदोंमोन, आं बेफोरखौ जेबो मिथिया आयै। आं जोनोम मोनबाय, बैसो मोनबाय आरो महर मोखां मोनबाय बेजोंनो आडे उदां उदां थानानै सोलिलांगोन। हाबा जानानै बिसि फिसानि गिलिर बिबानखौ खर'आव रुजुननाने आं बे संसाराव थानानै थानो लुबैया। आंनि गोसोया उदां आयै आरो आडे उदां उदांयैनो थागोन। आं रावखौबो हाबा लाया आरो रावनिबो गोसोयाव दुखु होनो गोसो गैया। बे समाव खाथियाव जफानानै थानाय आफाया आंखों बुंदोंमोन- खोनासं फिसा, नों दा जेबो सानसनो हानाय नड। जायहा मोदोमाव साजादों बिसो सानायनि ओंथिखौ बुजिदों। जायहा मंगनाव मोदै गदों बेसो मिथिदों दुखुआ माखौ बुडे। मालायनाव आखाय फोलावयोब्ला सोंखारि जायो आरो गुबुननो दान होनो हायोबोला बाखाय जानायखौ मोनो। बिनिखायनो जाय सुबुडा जोनोमनि उनाव गावनि बेसेन गोसा दान्दिसे बे जिउनि ओंथिखौ बुजिनानै समाजनि खान्थि, दोहोरमनि खान्थिजों सोलिनानै समजों लोगोसे आगान सुरफानो हायाबोला बे सुबुनि जिउ सोलेरा दैन सायाव गोजावनानै थानाय बिलाइ गोरानफोर बायदि जायो फिसा। गोदाव सोराव हालाय हाफाय जावलिया बारजों बुबथिं जानो गोनां जायो। नों नोमानि बुंनाय रावफोरखौ गोथौयै सानखानो नाजा फिसा। नडब्ला बे गोमोथाव मायानि सुबुं संसाराव जिउ आत्माखौ

लानानै खाना नांगोन। मानोना इसोरजों सोरजि जानाय सुबुंनि जिउआ दान्दिसेल' जायगा मोनो बे मुलुग संसाराव आफानि बेफोर रावफोरखौ खोनानै जेबो फिन होया जासे आं आंनि उन्दुग्रा खथायाव हाबनानै थाहैदोंमोन।

बे हरखालिनो आंखौ हाबा होजानो गिनानै आय आफानि बेसेन गोसा बुंनाय रावफोरखौ आं सानस' हायैआव गासैखौबो नेउसिगारनानै आंनि उदां गोसोखो गोजोन होनो थाखाय आय-आफानि मेगनाव हाद्रि बाला सारनानै हरजों हर मेघालयनि खैला खनियाव खारखमा लांदोंमोन। बे समाव जौमोन बैसोनि देहा सोलेरखौ लानानै बिमा बिफानि मेगनाव दुखुनि मोदै फुगारनांनायखौ बावगारनो आंनि थाखाय गोब्राब जायाखैमोन। मानोना आडे आंनि देहा मोदोमनि गोहो बोलोखौ लानानै गोब्राब खामानिफोरखौ मावनो थाखाय आं रावनिबो एसेबो उन जानानै थायाखैमोन। गुबुन मानसिफोरा सानसेयाव खनसेल' खैला रोगानो हायोबोला आं सानसेयाव खेबथाम रोगानो हायोमोन आरो आं गोबां रांफोरखौबो मोननो हादोंमोन बै रांफोरजोंनो आडे थिर खेला गेलेनाय, जौ, जुवा, बिरि-सिगारेत आरो गासै दंनायमानि मेघालयनि निसाफोरानो आंनि थाखाय आंगो जाजोबदोंमोन। बे ओनसोलनि गासैबो रोखोमनि मोजां गात्रि गोजोननायफोरखौ लानानै आं सोलिबोदोंमोन। बे बायदिनो आडे मेघालयाव नैजिबा बोसोर बिमा बिफा आरो गामिजों जेबो सोमोन्दो गैया जासे उदां उदां जिउखौ खुंबोदोंमोन

नाथाय जेब्ला आंनि देहा सोलेरा लासैनो नोरजिया जाबोयो अब्ला आंनि मेगननि नुनाय गोहोयाबो खमायलाडे। मानोना आंनि सोलेराव नागारनो हायै निसा बाहायबोनाया बारा जालांबायमान। जायनि थाखाय हरखाबै आंनि मेगनि नुनाय गोहोया गोबां खमाय लांबायमोन। बे समावसो आंनि गोसोया आय-आफा आरो नख'र, गामिमोन होनानै गोसोयाव सानखांनाय फैदोंमोन बे बायदिनो आं गुबुन मानसिफोरनि मदद लानानै सानसे गावनि आंगो गामियाव सौफै फिनदोंमोन। नाथाय बे समाव आं मोनथिनो मोनबाय मैनागुरि गामिनि महर मुस्त्रिया सोलायनायजों लोगोसे जोंनि नखराबो सिलिंखार जालांजोबबायमोन आरो आय-आफा मोनहाबो बे संसारनिफ्राय रुंसारि जालांबायोन। आंनि नुफा माफा मेगननि नोजोरजों आं आदा-बाजै आरो बिनानाव रुफाखौल' एसे एसे सिनायनो हायोमोन। आं गामियाव फैनायनि उनाव आदाया आंखो दान मोनसे अनदोंमोन आरो जाहोदोंमोन। नाथाय बाजैनि इनाय सोंखारिनाय आरो मुगैनाय आखुजों आदायाबो आंखों फंबाय होनानानै अननायखौ बावगारलानो गोनां जादोंमोन। बिनि उनाव आंनि बिनानाव रुफायाबो आंखौ दान मोननैसो गावनि बिदा होनानानै अनफैदोंमोन। नाथाय बिबोनांनि गोखा नोजोराव बिबो आंखौ अननो बावगारनो गोनां जादोंमोन गामिनि मानसिफोरा आंनो थानो थाखाय गंसे फिसा देरा लुनानै होदोंमोन आरो माखासे समसिम आंनो जानो मुवाफोर बायदि बायदि होफैदोंमोन। नाथाय दिनै गामिनि गासैबो

सुबुंफोरानो आंनि देरायाव खि हासुदै मोनामो होनानानै रावबो फैला। आंनो रावबो जानाय होफैला। आंखौ रावबो अनसायफैला। खब'से जानो मानसिफोरनि नखर नखर थाडोब्ला आंखौ सैमा बायदि सै सै खालामसै बयबो। सुबुंनि जिउ लानानै आं बे संसाराव मासे सैमानिखुइबो बांसिन मुगै जासिननाय जाबाय फिसौफोर (मेगनाव मोदै फुगारनानै)। अब्ला रेना आरो थेनायाबो बोरायनि मेगनाव मोदै गनायखौ नुनानै गावसोरहाबो मोदै फुगारो। थेनाया दुखु गोनाडै सोंनायसै बिदिब्ला आबौ नोंहा दिनै बे संसाराव नोंनि आंगो होननाय रावबो गैला? जोबोद दुखु गोनां जाबाय आबौ नोंहा जिउआव।

नंगौ फिसौफोर, जोनोमनि उनाव दोहोरोमनि बान्दो बायदियै थामथि हाबा बान्दोखौ नेउसि गारोबोला बाथि थैनाय बान्दोखौ फालिनायाव गोबां दुखु मोननांगौ जायो। आं दिनैसो फारि फारि बुजिलांबाय, मानसिया सुबुं जिउ संसाराव होखानाय मोनबा बान्दोनि गेजेरजों गावखौ दैदेन लानो रोडबोला थैनोसै समाव लैथोनि बिखायाव बार हुंखाजों बुबथिं जाना बैथा गोयै गोजावनानै थानाय दिड बायदि जानाडे फिसौफोर। बे बायदिनो आं दिनै थामथि बान्दोखौ फालिबोनो रोडैयाव आंनि बाथि बान्दोआ रायखसि दै बानाजों खुरखा जानानै सिमब्रेनाय दै दाहारजों बुखार लांजानानै मारुआव सोखांनानै थानांनाय रानसाव गोथै देहानि सोलेर आं। जायनि देहा सोलेरखौ अखाडव बिरथिं बायनाय सिगुन सिलाफोराबो जालांला आरो

सैमाफोराबो रावबो खाथियाव जानो फैला। आं दिनै दैसा सेरनि मारुआव सोखानानै थानानाय गोथै देहानि सोलेर बायदि फिसौफोर। बेफोर गासिबो आंनि सानस' हायै जौमोन बैसोनि उदां गेलेनायाव दैथिंजानाय आरो मेघालयनि गोजोन सुदेम गोजोननायखौ बिखायाव गोबानानै लानायनि थाखाय दिनै आं बेफोर गासैबो दुखुनि बिदैखौ फसरनादें। बिनिखाइनो नोंसोर समजों लोगोसे थामथि बान्दो बायदियै हाबा जानायखौ फालिथारनांगोन। अब्लासो नोंसोरबो आलो गोजोनै थैलानो हागोन फिसौफोर नोंसोर बे बान्दोखौ फालिथारनांगोन (बोराया मेगनाव मोदै फुगारनानै)।

अब्ला रेनाया मेगनाव मोदै हुगारनानै बुंनायसै आबौ नोंनि बुंनाय गासै रावफोरखौ खोनानानै जोंनि देहा मोदोमाव रोदा रोदा हाबलांजोबबाय। नोंनि दुखु सहायनांनायाव जोंहाबो गोसोया बायग्लिलांबाय। आं हाबाखौ खालामथारगोन आबौ, नडब्ला जिउआव आंबो

दुखु सहायलांनंगोन। बे समाव थेनायाबो हरखाबै बुंनायसै आंहाथ' मोजां मोननाय देखायो आबौ। बोराया नायस्रानानै बुंवावनायसै नाथाय बैसो जानानैसो हाबाखौ लानांगोन फिसौफोर, नडब्ला संसार जानायाव उल्थासो दुखुखौ सहायनांगोन। बे समावनो रेना आरो थेना सानैबो दुफुं सिखारनानै बुंनायसै- थादो आबौ, जों थानोसै, सानाबो हाबनोसै। मोसौ होलांनंगौ। जों गाबोन फैफिनगोन आबौ। बिदि बुंनानै सानैजों फैनायसै आरो बिसोर गावजों गाव खोनाफा माफा आं हाबाखौ लाथारगोन, आंबो हाबाखौ लाथारगोन बायदि बायदि राव बुंनानै फैनायसै।

अखानायै मोसौ होबोनाय फुंनि सम, रेना आरो थेनाया बोरायखौ मांखर सालियाव लोगो हमनो फैफिननायसै नाथाय फैनानै नुफैनायसैदि बोराया गाव हारसिडै-नो गावनि जावखानाय हाख'राव उन्दुनानै थैलानायसै बिसोर बोरायनि गोथै सोलेरखौ नुनानै दुखु खालामनायसै आरो गामिनि रायजो राजाफोरखौ लेंथुमनो फैनायसै।

सोलोंथाइनि मुगाया बादायारि मुगा

(दिनथिगासे भावथाइ)

-सभाराम बर'

भावगिरिफोर-

गोसोखां : खैला दख 'रा फरायसा आफादनि आफादगिरि ।

जांखिखां : खैला दख 'रा फरायसा आफादनि नेहाथारि ।

सुजुगिरि : खैला ओनसोलनि मासथार डिग्रिआव फरायनाय फरायसा ।

सानहर : खैला गामिनि एम.एस.सि. फरायनाय फरायसा ।

सोदोमस्त्रि : खैला ओनसोलनि इनजिनियार फरायनाय फरायसुलि ।

दावगास्त्रि : खैला गामिनि बि. कम फरायनाय फरायसुलि ।

गोजोनस्त्रि : खैला गामिनि एम. ए. उथ्रिनाय फरायसुलि ।

(सानजुफुनि 12.00 रिंगा । खैला ओनसोलनि सेंग्रा जोहोलाव आफादनि न'आव गोसोखां, जांखिखां, सुजुगिरि, सानहर, सोदोमस्त्रि, दावगास्त्रि, गोजोनस्त्रि ओनसोलनि गाज्रि आबहावा, गाज्रि जेंनाफोरखौ लाना सावरायलायगोन ।)

गोसोखां : (थेबुलनि सोरगिदिं जिरायना) नेहाथारि नोंथां, जौनि खैला दख 'रा फरायसा आफादा थांनाय बैसागो फोरबो खुंनायनिफ्रायनो खनसेबो आफाद जथुमनाय जायाखै । गोलोम बोथोरनि बनद' सानाव जोंहा फंबाय बिनानाव मोनहा न'आव फैदों । गामोन फंबाय बिनानावमोनखौ थांगोन होनना खोनानायलाय आं दिनै जयै मोजां-गाज्रि सावरायलायनो होनना नोंसोरखौ लाइजामजों लिंहरनाय जादों । जोंहा जौनि ओनसोलनि बागै सावरायलायनांगौ गोनां गोबां दं । दा जौनि ओनसोलनि माखासे गाज्रि आबहावा सोमजिनाय, गाज्रि जाथाय सोमजिनाय बाइदि-बाइदि गाज्रि जाथायफोरखौ सावरायलायनो आंनि गोसो गोरबोनिफ्राय खावलायनाय जाबाय ।

जांखिखां : नंगौ आफादगिरि नोंथां । जौनि ओनसोलाव माखासे गाज्रि आबहावा, गाज्रि जाथायफोर जागासिनो दं । दा जों बेफोरखौ होबथानायनि राहाखौ सावरायलायनांगौ । फंबाय, बिनानावमोनहाबो सावरायलायनायनि गेजेरजों

जोंनि ओनसोलनि जेंनाफोरखौ सुस्रानायाव बाहागो लाफानांगोन। अब्लासो जोंबो जेंनाखौ सुस्रानायाव बोलो मोनगोन आरो रइजोफोरबो जोंखौ हेफाजाब होगोन। दा जोंनि ओनसोलाव सोमजिनाय जाथायफोरखौ फारि-फारियै बुंलांनो फंबाय बिनानावमोनखौ खावलायनाय जाबाय। गिबि-गिबियावनो सुजुगिरि फंबायखौ बुंग्रोनो आं खावलायबाय।

सुजुगिरि : मानाव गेदेद थेबुलनि सोरगिदिं जिरायनाय आदामोन आरो आंनिनो आंगो फरायसा लोगोफोर। आथिखालनि मुगाया सोलोंथाइनि मुगा। सोलोंथाइनि मुगायानो बादायारि मुगा। बादायारि मुगाया नड बियो बर' फरायसाफोरनि गाबनाय, मिनिनाय, रंजानाय, गिनाय बानाय, लाजिनाय। आथिखालनि गुन गोनां सोलोंथाइयाव जौगालांनोब्ला जों गिबियावनो निसा मुवा एबा फेग्रा मुवाखौ नेवसिग्रोनांगोन। अब्लासो जों गुनगोनां सोलोंथाइनि डिग्रिआव उथ्रिलांनो हागोन। आं खोनानो मोननाय बादिब्ला जोंनि ओनसोलनि उनदै-उनदै लाइमोन फरायसाफोरा थांखु, बिरि, सिगारेट, जौजों गब'ना थायो होनना आं खोनानो मोनदों। बिसोरखौ गोथारजुलि, सोरनिबा सारादुफोराव हरफामानि लोडे जायो, सोबो होनना सोरबा-सोरबा आंनो खिनथादों। बिसोरनि अनगायैबो माखासे सेंग्राफोरखौबो ड्रगस सोबो, जायो, इनजेक्सन लायो, होननानैबो आं खोनानो मोनदों। निसा मुवाया सुबुं माहारिनि जिउ समफथि खहा खालामो। बेखायनो जों उनदै-उनदै फरायसाफोरखौ निसा मुवानिफ्राय गोजानाव थानो

खावलायनांगौ। अब्लासो आथिखालनि उनदै-उनदै फरायसाफोरा गुनगोनां सोलोंथाइयाव जौगालांनो हागोन। ड्रगस जाग्रा, सोबग्रा संग्राफोरखौबो जों होबथानो नाजानांगोन। आथिखालाव बर'फोराबो ड्रगसनि फालांगिआव हमजागासिनो दं। ड्रगस जाना, सोबना सोरखौबा सोरखौबा लामा सामायाव गिदिंलाबायनाय मिनिलाबायनाय आंबो नुनो मोनदों। सोरबाबा जेलावबो थाहैनांनाय आं खोनानोबो मोनदों। बेखायनो जों निसा मुवाखौ होबथानो सांग्रां जानांगोन। निसा मुवानि सोमोनदै बेखिनिखौनो आं बुंथिनानै होबाय।

गोसोखां: साबायखर थाबाय फंबाय सुजुगिरिनिसिम। फंबाया निसा मुवानि सोमोनदै जोंनो बुंथिनानै होबाय। फंबायनि बुंनायखौ आं जोबोद गोजोननाय मोनबाय। दायो सानहर फंबायखौ नों नुनाय जाथायखौ लाना बुंनो आं खावलायबाय।

सानहर : मानाव गेदेद फरायसा आफादनि आफादगिरि, नेहाथारि आदामोन आरो आंनिनो आंगो, फरायसा लोगोफोर। आं दायो बुंनो सानदों जोंनि ओनसोलाव जाथाय जाबाय थानाय रं नाम्बार। लाइमोन सेंग्रा सिख्लाफोरनि रं नाम्बार जानायखौ आं जेबो सानाखै। नाथाय दुखु नांथाव जुलि जाखांनायनि उनावबो सोरबा हौवा, हिनजावा गुबुनजों रं नमबर जाना दोनखारलायोब्ला बियो जोंनि बर' माहारिनि जोबोद लासिंसिं, लाजिथावना। सोरबा-सोरबा बेंगालर, केरेला, टामिलनाडुफोराव खामानि मावनो थाहैनाय हौवाफोरा गावनि बिसि, फिसाखौ गारना हिनजाव

लाना दं होननानैबो आं खोनानो मोनबाय थायो। खायसे हिनजावफोराबो कम्पानियाव थाहैना फिसाइया रं खामायना हरसेयावबो गुबुन हौवाजों रं नाम्बार जाना दोनखारलांनायखौबो आं खोनानो मोनदों। थारैनो बेफोर जाथायफोरा जोंनि ओनसोलावबो जागासिनो दं होनना आं मिथिनामोनदों। बेखायनो जों बेफोरबादि गात्रि जाथाय जानायखौ होबथानांगोन। नडाब्ला इयुनावबो बे जाथाया जाबाय थागोन होनना आं सानो। दिनैनि सावरायलायनायाव आं बेखौनो बुंनानै फोरमायनाय जाबाय। मिजिं खालामदों बेफोरखौ सावरायलायनायनि गेजेरजों होबथानायनि राहाखौ लागोन आरो ओनसोलनि बयबो सांग्रांजागोन।

गोसोखां : साबायखर थाबाय सानहर फंबायनिसिम। फंबायाबो थार जाथायखौनो जोंनो फोरमायना होदो। मबाइल, टि.भि. फोरावबो बेफोर जाथायखौ आंबो नुबाय थायो। बुंनो थाडोब्ला बेबो मोनसे सुबुंनि बादायारि जाथायबो होनना बुंजायो। जेसेनो नुदों खोनादों एसेनो बारानिफ्राय बारसो जालांदों। अब्लाबो जों बेफोर गात्रि जाथायखौ होबथानांगोन। होनब्लासो इयुन जोलैनि सुबुंफोरा गात्रि जाथायनि खैफोदाव गोग्लैनाय नड। साबायखर थाबाय फंबायनिसिम। दानिया बिनानाव सोदोमस्त्रिखौ नों गावनो नुनाय जाथायखौ जोंनो फोरमायना होनो आं खावलायनाय जाबाय।

सोदोमस्त्रि : जोंनि खैला दख 'रा फरायसा आफादनि मानिजाथाव आफादगिरि, नेहाथारि आदामोन आरो आंनिनो फरायसा लोगोफोर।

आं दायो बुंनो सानदों जोंनि ओनसोलाव जाबाय थानाय उनदै-उनदै लाइमोन सेंग्रा, सिख्लाफोरनि जुलि जालायनाय। आथिखालाव जोंनि ओनसोलनि लाइमोन सेंग्रा सिख्लासाफोरा उनदै-उनदै बैसोआवनो जुलि जालायगासिनो दं उनदै बैसोआव जुलि जानाय समाजनि बादगा खानथि। सरकारनि आयेनावबो बियो बेरेखा खानथि बेखायनो जों उनदै बैसोआव जुलि जानायखौ होबथानांगौ। उनदै बैसोआव जुलि जायोब्ला बायदि-बायदि सोलेरारि नोरजिया जायो। सोलेरारि नोरजिया जायोब्ला बायदि रोखोमनि बेरामाव भुगिनोगोनां जायो। बेरामाव भुगिनाडोब्ला रांखान्थिनि आंखालाव गोग्लैयो। समाव रांखानथिनि आंखालाव जिउ जोबनो गोनांबो जानो हागौ। बिनिखायनो जों उनदै बैसोआव जुलि जानायखौ होबथानो सांग्रां जानांगौ। बेखिनिखौनो बुंनानै आंनि बुंनायखौ आं एसेयावनो फोजोबबाय गोजोनथों।

गोसोखां : गोजोननाय थाबाय बिनानाव सोदोमस्त्रिनििसिम। बिनानावाबो थार जाथायखौनो बुंदों। नंगौ जोंनि ओनसोलाव उनदै-उनदै बैसोआवनो जुलि जानायखौ जों नुगासिनो दं। बेखायनो जों लाइमोन सेंग्रा सिख्लासाफोरनि उनदै बैसोआव जुलि जानायखौ होबथानांगोन। अब्लासो आथिखालनि उनदै-उनदै फरायसाफोरा गुनगोनां सोलेंथाइनि डिग्रिआव उथ्रिलांनो हागोन। अब्ला जों उनदै बैसोआव हाबा जानायखौ होबथानो सांग्रां जानांसिगोन। दानिया दावगास्त्रि बिनानावखौबो गाव नुनाय जाथायखौ जोंनो फोरमायना होनो

आंनि गोसो गोरबोनिफ्राय खावलायनाय जाबाय ।

दावगास्त्रि : मानिजाथाव थेबुलनि सोरगिदिं जिरायनाय फरायसा आफादनि आफादगिरि, नेहाथारि आरो आंनिनो आंगो फरायसा लोगोफोर । आंनि नुनायाव आं बिखौनो बुडोदि-आथिखालाव जौनि ओनसोलनि बर' बिजनि फरायसालिया जोबसांलांनो हमनायखौ आं नुगासिनो दं । जौनि ओनसोलनि बर' बिजौनि फरायसालिफोरा सरकारजौं गनाय जादौंमोनब्लाबो आथिखालाव जोबसांलांगासिनो दं । जौनि ओनसोलाव गं 5 सो आपग्रेट जानाय इ.जि.एस फरायसालिफोराव सासेबो फोरौंगिरि गैलिया । जाहोनाव फरायसालिनि फरायसाफोरा गुबुन प्राइभेट फरायसालियाव फरायहैनो गोनां जाबाय । दा बेफोर फरायसालिफोरा फोरौंगिरि फरायसा गोयैयाव थैलांनो हमबाय । बिनि अनगाथैबो सरकारि बर' बिजौनि फरायसालिफोराबो फारि-फारि जोबसांलांनो हमगासिनो दं । सरकारि बर' बिजौनि फरायसालिफोराव सोरबा फोरौंगिरिया रुंसारि जाबाय सोरबा फोरौंगिरिया आजिरा मोनबाय । रुंसारि जानाय, आजिरा मोननाय फोरौंगिरिफोरनि लांदां मासिखौ सरकारा बर' बिजौनि फरायसालिफोरखौ नायफिनलिया । हागौमानि फोजोबसांलायावसो दंसै । आरोथ' गंनै गंथामजौं गंसे फरायसालि सरजाबनायखौबो जौं नुगासिनो दं । बेफोरनि थाखायनो जौं सरकारि बर' बिजौनि फरायसालिखौ फोथांना लाखिनो नाजानायजौं सांग्रां जानांसिगोन । आं बेखिनिखौनो फोरमायना होना आंनि बुंनायखौ आं एसेयाव

फोजोबबाय जोगोनथौं ।

गोसोखां : साबायखर थाबाय बिनानाव दावगास्त्रिनिसिम । बिनानाव दागावस्त्रिया सरकारि बर' बिजौनि फरायसालिनि जोबसांलांनायखौ जौंनो फोरमायदौं । नंगौ आथिखालाव सरकारि बर' बिजौनि फरायसालिफोरा जोबसांलांनो हमनायखौ जौं नुगासिनो दं । बेखायनो जौं बर' बिजौनि फरायसालिखौ फोथांना लाखिनो सांग्रां जानांसिगोन । बर' बिजौनि फरायसालिखौ फोथांना लाखिनो सांग्रां जानांसिगोन । बर' बिजौनि फरायसालिफोरा थांना थाब्लासो बर' रावआबो थांना थागोन । बर' रावआ थांना थाब्लासो बर' हारियाबो थांना थागोन । बिदिब्ला जौं बर' बिजौनि फरायसालिखौ फोथांना लाखिनो बयबो सांग्रां जादो । दायो गोजौंस्त्रि बिनानावखौ गाव नुनाय जाथायखौ लाना जौंनो फोरमायना होनो आंनि गोसो गोरबोजौं खावलायनाय जाबाय । नुथारनाय जाथायखौ फोरमायना होदे गोजोनस्त्रि बिनानाव ।

गोजोनस्त्रि :- दिनैनि सावरायलायनायाव बाहागो लानाय फरायसा आफादनि आफादगिरि, नेहाथारि आरो फरायसा लोगोफोर । दिनैनि सावरायलायाव आं बेखौनो बुंनो सानोदि, जौनि बर' माहारिनि आइजोफोरा दानाय-लुनायखौ नेवसिनो हमबाय । बर'नि आइजोफोरा दखना, गामसा, फासा, आर'नाइ दालिया । न'खराव खुनुदुंनि जि सौंना हिसान सालियाव जि दानाय रावखौबो नुनो थालिया । बियो बर' आइजोफोरनि दुखु नांथाव जाथाय । आथिखालनि फरायनाय सिख्लाफोरा जि दानो रौंलिया । बिमायानो

दखना, फास्त्रा, आरनाइ गामसा, दायाब्लालाय फिसाफोरा बोरैथो रॉनो। बेखायनो जो जॉनि ओनसोलनि आइजोफोरखौ जि दाहोफिननायनि हाबाफारि लानांसिगोन होनना आं सानो। जों लेखा गोरों जाना बर'नि हारिमुखौ फोथांन लाखियाब्ला आरोथ' सोर दंबावो। बेखायनो जों गावजों गाव सांग्रां जानांसिगोन। गामिनि सिख्लाफोरखौबो जि दानो फोरोंनांसिगोन। जॉनि ओनसोलनि सिख्लाफोरा गुबुनारिनि लंफेन, गस्ला, गानना लामा-सामा, गामि, नोगोर हाथाइयाव बेरायथिंबाय थायो। बिसोरखौ नुनानै उन्दै-उन्दै फरायसा जालायफोराबो गानै-जोमै थाबायग्रा जाबाय। इयुनाव बिसोरबो सि दानायाव उदायरोडै जालांगोन। बेफोरखौ होबथानोब्ला गिबियाव जोंनो बर'नि हारिमुजों गानै-जोमै दिनथिग्रोनांगोन। जोंनो जि दाना दिनथिग्रोनांगोन। अब्लासो इयुन जोलैनि लाइमोन सिख्लासाफोरा जोंखौ नुनानै सि दानो सोलोंगोन। बर'नि हारिमु गाननाय, जोमनायजों, लोगोसे बर'नि हारिमु दामनाय-देनायाबो गोमालांनो हमबाय। गोदोनि दिनाव खाम, जथा, सेरजा, सिफुं, गरखाजों बर'फोरा बैसागो फोरबो मोसायोमोन। बाथौफोरबो बाइदि बाइदि आफादफोराव बर'नि गोमो, गोथां, बाथ'गानि दखना, फास्त्रा आर'नाइ, गानै-जोमै खाम, जथा सेरजा, सिफुं, गरखा दामना मोसानाय नुनो मोनोमोन। आथिखालाव दा बेफोर बर'नि हारिमुवा लासै-लासै गोमालांनो हमदोंसै। बेखायनो जों बेफोरखौ बुरखांफिननो सांग्रां जानांसिगोन। आंनि नुनाय जाथायखौ

फोरमायनाया एसेनोसै। मिजिं खालामदों जाथायनि जेंनाफोरखौ सुस्त्रांगोन।

गोसोखां : बिनानाव गोजोनस्त्रिनिसिम साबायखर थाबाय। बिनानाव गोजोनस्त्रियाबो थार जाथायखौ जॉनि सिगाडव फोरमायना होबाय आरो जेंनाफोरखौ सुस्त्रांनो जोंखौ खावलायबाय। दा नेहाथारि नोंथांखौबो थालांनय माखासे जाथाय आरो जेंनाफोरखौ सुस्त्रांनयनि बागै फोरमायना होनो आंनि गोसो गोरबोजों खावलायनाय जाबाय।

जांखिखां : मानाव गेदेद थेबुलनि सोरगिदिं जिरायनाय खैला दख'रा फरायसा आफादनि आफादगिरि नोंथां आरो जॉनि ओनसोलनि फरायसा सोद्रोमा, सोद्रोमाजो फंबाय, बिनानावमोन। दिनैनि सावरायलायनायाव फंबाय, बिनानाव मोनहा माखासे जॉनि ओनसोलनि जाथायफोरखौ लाना जॉनि सिगाडव फोरमायना होबाय। नोंसोरनि फोरमायनाय जाथायफोरा थारैनो नंगौ। दा बेफोर जाथायफोरखौ सावरायलायना सुस्त्रांनंगौआ जॉनि सायावनो सोनारबाय। दा जॉनि ओनसोलाव माखासे जेंनाफोरा बेखार फरायसाफोरनि गेजेराव मोगा-मोगि जागासिनो दं। जॉनि, ओनसोलाव गोबां बि.ए. एम.ए. उथ्रिनाय लाइमोन सेंग्रा, सिख्लाफोर दं। बिसोर जेरावबो उदायरोडै जानो हमबाय। मावनानै जानोबो बिसोरनाव लाजिनाय फैबाय। बेखायनो जों बिसोरखौ ओरैनो थास्लायस्लाय आबादारि, फालांगि, खालामना मावनानै जानो गियान, बोसोन, सुबुरुन होयोब्ला मोजां जागोन होनना आं सानदों। मानोना जॉनि ओनसोलनि सेंग्रा,

सिखलाफोरा बिमा-बिफा मावनायखौ ओरैने उदां-उदां जानाय जों नुगासिनो दं। आंनि बादिब्ला आफाद लिंनानै बिसोरखौ मोजाडै बुजायला सोरबा सासे सानैब्लाबोथ' आबादारि, फालांगि खामानियाव आगान सुरगोन बियो थार। आथिखालाव आबाद मावनानै गोबां रां आरजिनो हायो। आबादारि जाना रां आरजिनाय जोंनि बर' फोरनि गेजेराव गोबां दंसै। आं नुनायाव जायगा-जायगा सेंग्राफोरा ज' जयै मैगं-थाइगं मावनाय, गय बागान, लिसु बागान, साहा बागान, रबार बागान, मावनाय आं नुदों। सिख्लाफोरखौबो जि दाग्रा उइभिं गायसनना जि-जोम दानाय आं नुनो नोनदों। बेखायनो जोंबो फालांगियाव बाहागो-लाहोना आबादारि, फालांगिखौ मावहोनाया मोजां जागोन नामा? ना माबोरै आफादगिरि?

गोसोखां : नेहाथारि नोंथां, नों थार बाथाखौनो बुंदों। जोंनि ओमसोलाव गोबां बेखार लाइमोन सेंग्रा, सिख्लाफोर दं। सरकारनि साखिनागिरनायाव सोरबा-सोरबा MLA, MP मनथ्रि, अफिसारफोरजों गोबां रां जाजानायबो खोनाबाय। बिमा-बिफाया फरायनायावबो गोबां खरसा खालामबाय आरो सरकारनि साखि नागिरनायावबो गोबां रां गारबाय। नाथाय दुखुनांथाव दिनैसिम सासेबो सरकारनि साखिखौ मोननो थाडाखै। बियो जोंनि थाखाय जोबोद दुखु नांथाव। बेखायनो सरकारनि साखिखौ नागिरना रां गारस्लायस्लाय आबादारि, फालांगि, जानै रां आरजिनायानो साबसिन होनना आंबो सानो। बिदिब्ला आबादारि, फालांगिनि खामानि

मावनायाव जोंबो बाहागो लाफानोसै। जों मावनानै दिनथिजेनब्लासो इयुननि उनदै-उनदै फरायसाफोराबो आबादारि, फालांगियाव गोसो होगोन आरो रां-खावरि आरजिनो हाहैगोन। बिदिब्ला जों बेखार लाइमोन सेंग्रा सिख्लाफोरखौ आबादारि, फालांगि खालामनायनि राहाखौ लानाय जाथोंसै। जोंनि ओनसोलाव दा बावैसो जों सावरायलायनायनि अनगायै माखासे जाथाय जानाय, एबा माखासे जेंनाफोर दंबावो नामा? जुदिसो दं अब्ला गोसोखांना फोरमायना होनो आं फिन खनसेबाव खावलायनाय जाबावबाय। आं मिजिं खालामदों नोंसोर फंबाय बिनानाव मोननि हेफाजाब, थुलुंगा, गियान, बोसोन, सुबुरुन होनायजों जों जोंनि ओनसोलनि जाथाय जानाय, जेंनाफोरखौ सुस्रानो हागोन। दे दानिया सोर बुडे बुंग्रोलाय?

सुजुगिरि : आफादगिरि, नेहाथारि आदामोन जोंनि ओनसोलाव माखासे राइजोनि रां जाखलगा बाथा देवानि दं होनना आं खोनानो मोनदों बाथा देवानिफोरा, बोराइ फेनसन आरो रानदिफोरनि न' लुनायनि रां जागासिनो दं होनना आं मिथिना मोनदों। खामानिफोरखौ मावदों ना मावाखै रावबो खिनथानो रोड। रांखौब्ला हले बियै बियै लांगासिनो थायोनो। सोरबा मोनदों सोरबा मोनाखै होनना गावजों गाव बुंलायबाय थायो। बेफोरखौबो जों सुलाद लानानो बोराइ फेनसन आरो रानदिफोरनि ननि जेंना जाथायफोरखौ सुस्राना होयोब्ला मोजां जागोन होनना आं सानो, बेनिखायनो आं बुंथिना फोरमायना होबावबाय।

सानहर : मानिजाथाव आफादगिरि नेहाथारि आदामोन जॉनि ओन्सोलाव सानैसो राजखानथि हानजानि रां जाख्ल'ग्रा गुनजेद दं होनना आं खोनानो मोनदों। बिसोर इलेक्सन समाव MLA, MP नि लिडारफोरजों गिदिंफाना राइजोफोरनि रां जायो होनना आं खोनानो मोनबावदों। बिसोर राइजोनि फसंथान, लामा-सामा आबादारिफोरनि ट्रेक्टर बाइदि बाइदिनि मुडै रां खांना लाडोनो। नाथाय दिनैसिम जों मोनसेबो खामानि मावनानै जाफुंनायखौ नुनो मोनाखै। जानोहागौ बिसोर गाव-गावनि न'खर गाव-गावनि उदैखौल' सुफुंगासिनो दं। बेखायनो जों बेफोरखौबो सं दाननानै होब्थानायनि राहाखौ लानांगौ। अब्लासो गैजारोडै न'खर राइजोफोरा रां जाख्ल' जानायनिफ्राय रैखा मोनगोन। बेखिनिखौनो आंबो आदामोननो फोरमायना होबावबाय।

गोसोखां : साबायखर थाबाय सुजुगिरि, सानहर फंबायमोननिसिम। फंबायमोनहा माखासे थालांनाय जाथायफोरखौ फोरमायथिनानै होनायनि थाखाय आंनि गोसो-गोरबोनिफ्राय रोजा-रोजा साबायखर जासिनाय थाबावबाय। दाबावैसो सावरायलायनाय जाथाय जेंनाफोरखौ सुस्त्रांलायनो मोनसे थि गरनथ'आव थानोसै। गिबियावनो नेहाथारिखौ जॉनि ओनसोलनि जाथायनि जेंनाफोरखौ सुस्त्रांनो मा राहा लायोब्ला मोजां जागोन बेखौ फोरमायथिनो आं खावलायनाय जाबाय।

जांखिखां : मानिजाथाव आफादगिरि,

फं बाय, बिनानावमोन आं दा बावैसो सावरायलायनाय जॉनि ओनसोलनि जाथाय जेंनाफोरखौ सुस्त्रांना फोजोबस्त्रांनोब्ला आं बेखौनो बुडोदि- बेफोर जेंनाफोरखौ सुस्त्रांना फोजोबस्त्रांनोब्ला गिबियाव जों खौसे जाग्रोनांगोन। खौसे जाना थुनलाइ आफाद, आइजो आफाद, सेंग्रा जोहोलाव आफाद दोहोरुम आफाद आरो जॉनि फरायसा आफाद जथायै आफाद हांखाइनानै आफाद जथुमना सावरायनांगोन। अब्लासो जों जॉनि ओनसोलनि खना-खनला जाथाय जानायफोरखौ मिथिना मोनगोन आरो सावरायलायनो खाबु मोनगोन। आं बाराखौ बुंलिया सानसे दिन लानानै जों मोनफ्रोमबो आफादखौ लाइजामजों हांखाइना आफाद खुंनायनि राहाखौ लानाय जाथोंसै।

गोसोखां : साबायखर थाबाय नेहाथारिनिसिम। बिदिब्ला जों सानसे दिन लानानै खैला ओनसोलनि मोनफ्रोमबो आफादखौ लाफानानै आफाद खुंनाय जाथोंसै फंबाय बिनानावमोन आथिखालनि मुगाया सोलोंथाइनि मुगा। सोलोंथाइनि मुगायानो बादायारि मुगा। सोलोंथाइनि मुगाया बादायारि मुगा होनना जों सोलोंथाइखौल' लाब्ला जानाय नड। सोलोंथाइजों लोगोसे जॉनि मावनो गोनां खामानिफोरखौ जों मावलांनगोन। आबादारि, फालांगि, रांखान्थि जौगानायावबो जों बादायारि जाना बाहागो लानांगोन। फंबाय बिनानावमोन नोंसोरनि गेजेरावनो सोरबा सासेब्लाबो IPS, ICS, APS, ACS जानो हाथारनांगोन। नोंसोरनि फंबाय बिनानावमोनखौ

MLA, MP मन्थ्रि, हाकिम, उकिल, डाक्टर, इनजिनियार खालामनो नाजाथारनांगोन । अब्लासो जॉनि ओनसोला फारफ्रोमबो बिथिडव जौगालांनो हागोन । आथिखालनि उन्दै-उन्दै फरायसाफोरानो हादरनि इयुननि गोग्गो नोगोरारि । बेखौ नोजोर होनानै जॉनि ओनसोलनि गात्रि आबहावा, गात्रि, जाथाय जेंनाफोरखौ जों सुस्त्रांना फोजोबस्त्रांनांगोन । नेहाथारि, फंबाय, बिनानावमोन जों दिनै ओनसोलनि जाथाय जेंनाफोरखौ लानानै गोबां सावरायबाय । जेंनाफोरखौ सुस्त्रांना फोजोबस्त्रांनायनि राहाखौबो लानाय जाबाय । दिनैनिफ्राय जों बर' माहारिनि आंगो राव, हारिमु, थुनलाइखौ फोथांना लाखिनो नाजानांगोन । नख'र, समाज, हादरखौ जौगाहोनो नाजानांगोन ।

जॉनि ओनसोलाव आबुथिगोनां गोजोन थासारि सोमजिहोनांगोन । अब्लासो जॉनि ओनसोलनि राइजोफोरा सुखु-गोजोनै रुजु-रुमु रायजो मोनजागोन । बे फैलाव बहुम बिखायाव जुगे-जुगे थांनानै थाबाय थागोन । बिदिब्ला जों दिनैनि सावरायलायनायखौ एसेयावनो फोजोबनोसै । फोजोबनायनि सिगां दे जों दोंसे मेथाइ रोजाबनि - (बयबो जनायनिफ्राय गसडो) मेथाइ-

आथिखालनि मुगाया सोलोंथाइनि मुगा सोलोंथाइनि मुगाया बादायारि मुगा बादायारि मुगाया नड बियो बर' फरायसाफोरनि गाबनाय, मिनिनाय रंजानाय, गिनाय, बानाय लाजिनाय । हनै नायहर गुबुन गुबुन हादरनि फरायसाफोरा मुगानि गुनगोनां सोलोंथाइनि डिग्रिजों आगान हैदों अखां बिखानि अखाफोराव गाखोलांदों एभारेष्ट हाजो थिखिनायाव बिरबायदों अखां बिखानि सा-सा बांग्ला, बिलडिं लुदों लैथो बिखायाव । दागि दाफावसाय आगानसेबो दादोरोद फै जोंबो खौसेयै जयै गोरुबलायना आखायाव बिजाब, रेबगन लाना आगान सुरलानि मुगानि गुनगोनां गिलु-बालु सोलोंथाइनि दावहाथिलियाव । देरहासार जाना सिनायथि होनि दे जोंबो मुगानि गुनगोनां सोलोंथाइनि डिग्रिआव बहुमनि जोंबोसो जौस्त्रां- देरस्त्रां आबादारि, फालांगि, रांखान्थि, राजखान्थि न'खर, समाज, हादर, दोहोरोम बहुमनि जोंबोसो जौगा बर' माहारि । (फैसालि खोबो)

नों मिथिखायो रुमबाडा आंनि गोसोथोनाय

-जनक उजिर

आं थानो हाया
रुमबां नडाबा,
आरो नों सोंनाडा
आं नडाबाथ' रुमबाडा थैलांगोन ।

जानजि, बिखा
बिनि मेगन, खानाय
आं फाग्ला जायो बियो गाबोब्ला
फाग्लासिन जायो मिनिब्ला
सानस्त्रिनो हायो लैथोयावबो ।
नायनायसाय नों
माबादि बिखा आंनि ।
बेखायसो नोंखौबो मोजां मोनो
बरायबाबो
नों आंखौ मोन्नो हायाखिसै ।

बिनि दखना फास्त्रा
फारौ मेगन दिंखिया आग'र
गोदै राव बिनि
सिबिं बह्हा फिता एन्टाव ।
बिखा थुफ्लंनाय देंखो
बागुरुमबा रुमबांनि
सान हाबसि हाबसि
आंखौ गोमाजानो गिनानै
बेसरबारियाव रेजेदूलानाय गाब बिनि
ना बे थैनो हायो
ना आं नागारनो हायो
ना नों आंखौ बरायनो हायो ।

आं दा आं जाबाय

-धीर्ज्यु ज्योति

आंथ' लुबैखाया नॉनि मोखां नायनो
बोराबनायबो गैया
नाथाय....
मिजिं मुंनि रुजुनख'हायै गिलिर
नों आंनो होलांनायानो थोजासे जाबाय जिउनि
आंनि खारलुं गोरबोआ दा गिख' नंला
दाहार नांगौ दाहार नांगौ होननानै
असेखौ फानखोमाग्रा आडा
इसोरखौबो दासो सिनायबाय
नों होलांनाय अरखि सेरेबखौ अर फोजोंनो हाबाय

फेलेंखौ बुद्दु बुद्दु लेर लेर नों गावजों लांफानायनि उनाव
आं सिथ्लायव रज'नाय गोथां गांसो साजों रिमोनद्लायै थाबायनो
हाबाय....निहोरखौ गोसोथोनो रोंबाय
मायदि बरहा सोरजिखौ सिनायनो मेगन गेवबाय
इस दासो मिथिबाय...दाउसा मावरियाया मानो मालायनि बिमाजों होसो
जायो

गोजाम इन्जुरनि सल'बाथा
नों खोनासंहोनाय समाव...गुन अरनायनि बाश्राखौ आं सानाखैमोन
मानोना बे समाव समा आंनो उदांस्त्रि होआखैमोन
बेखायनो सानस्त्रियाव हावरियामोन गोरबोआ

जोलैनि गेजेरावबो अर जोडे होननानै नों फोरमायनाय समाव
आं सोरनि जोलै...बेखौ मिथियाखैमोन
मानोना देबोर नांनायखौ सिनायामोन

गंसे साथानि सिडाव मोननै गोरबोनि रमान्सनि बाथ्रा
नों सिमाडाव फोरमायबाय थाब्ला
आं मोखथांनि रमान्सनि अराव खामग्लिगासिनो दंमोन
बेखायनो आद्रा जादों ...नुनाय सिमां

दा नों गारलांबाय
दा फैसै
बोराबाखै

फोरोंबाय
सोलोंबाय
आरो मोनबाय

आं दा आं जाबाय

संदान होसोनानै

-रश्मि चौधुरी

गोमसारनाय सोदोबनि मेला
उदांस्त्रि होसो होसो
मोनथाइ संदान संदान
बेसेबांदि गोलाव लामाया

सैथोथिनि माला
उन जोलैनो
जारिमिन आरो सानरेब

रुगुं
खब्ला खब्लि गाथोन
गुदु हाग्रा
जाबोर सु जाम्फै

आरो बेसे गोलाव
बेसेबां बारहुंखा
सारअन्थाइ अखा
हाद्रि बाला

गोमसारनाय सोदोबफोरनि
जोबथा गाराड माब्ला
जोबथा आगाना बबेयाव

नों खोनादोंना आंनि हज्जिनाय
खोनादोंना आंनि गाबनाय

नुहुरदोंना जारिमिन सुजुनो
रेबगन दैनाय आखाइया थोर थोर मावनाय

नुहुरदोंना आइनि थेरनाय रावाव
थाद 'नाय आखाइ

गोजांस्त्रिव बिमानि लांदां बिखा
बिसिनि लान्दां खाफाल
सिनाय रोडै 'देग्र' मेगन..
जायबुं खानाय...

थाद'नाय गैयै आगान
जुजिनाय
सिमां मोगथां

गारांसेयै होसिख्रावनाय
गारांसेयै गाबखावनाय
थै...गोलोमदै
जिउ...सानस्त्रि... मावथाइ...
जेराव जखा सुनाय जायाखै...बिहोमा

बे लामाजोंनो हानथि नांगोन
मोननाय आरो खोमानायनि
जखा सुयै सुयै
हिसाब खालाम खालाम
सानरेबाव लिरथुम लिरथुम
मोगथांनि जारिमिन
गोनांथिनि संदान होसोनानै

आबुं मिजिं

-सोमखोर शीला

गोथां बुब्लिनि एमआव
उन्दुसोनानै दं....
गोबां सिमां गोथै सहफोर बादि
बारलांदों आनि निन साजों
सिमां गैयि गोबां हर
 आं बावगाराखै नाथाय
 सिमांफोरखौ फोजानो
 सेवालि बिबारनि मोदोमफुनायजों
 बिलिर बिलिर सिरिमोनहोगोन आं
 बुब्लिनि लेफे गोरबोआव
 बेंगुरा जालानो हमनाय
 आगोमा सिमांफोरखौ...
दुब्रि बिलाइयाव बनानै दोननाय
जोंथि जोंथि निहिरनि साजों
आगान सुरगोन आनि सिमांफ्रा
आलायारननि लामाजों
आरो....
आं देलाइहोगोन फुंबिलिनि आबिरजों
 आं मिथिगौ
 बे लामाजोंनो फागुना फैथारगोन
 सिमांफ्रा लाइमोन जाफिनगोन
 आरो अब्लानो...
 सिमांजों सिमां राइज्जलायगोन
 गोसोजों गोसो गोरबलायगोन
 गोरबोजों गोरबो मोन्दांलायगोन
 मोगथाड मिजिंजों आबुं जागोन...

जिउ आरो आं

-सोरांस्त्रि गयारी

हमदांस' हाया बोथोर माब्लादि सोलायो !
समनि बिलिरनायाव
हालो दैलो बारलाडो
थासारिनि उन संना ।
माब्लाबानो-
बारगलांबाय जिउनि उन्दै समफोरा
आन्दो फैसालिनि उन उन
मिजिंनि थांखि होसोबायना ।
हरनानै दोननाय जिउनि उवाल घड़ीआव
बायदि बायदि मोन्दांथिजों आबुं
जाफुनाय जाफुडै मोनफुनाय मोनफुडै
जुजिनांनयनि गोथां जारिमिन ।
दिनै बे थासारियाव
सुग्रोम निजोम हरनि समाव
आन्दायनांनय आं आरो आंनि सानस्त्रिफोरा
राव गैयै बबि गोरबोजों
गले गले बबि गोरबोजों
जिउनि गोथां मोन्दांथिफोराबो
नक खालामो गोरबोआव
गोजावलांहोयो फेलेंनि देंखो हुरा हुरा-
दायो आं-
सानबोलाउरिनि उदां अखांआव नायगिरखोमादों
माखासे हास्थाइनाय सौलुफोरनि फिननाय-फारिलाइ ।
जेराव
आरोबाव दाजाबफादेरगोन
जिउ आरो आंनि
माखासे जथाइ सिमांफोरनि फारिलाइ ।

सरस्वतिनि बिस्व सुन्दरि

-मेफि र'जे बर'

जानुवारी दाननि गोजां बोथोर
सम आरो बोथोरजों मिलायफ्लेना
जोबोर स्रो स्रो गोजांनाय
सम बेलासिनि ब्रै बाजि
दोमैलु अखा हास्रो बोथोर
गुसुवा गानफबदोंब्लाबो आगोर मोनाखै
बयनिबो अफिस खालायखांना
नब 'थिथिं गिदिंफिननायनि सम
गामाखालिनि बादि उइंगार हमदों
मानोना इसे जिरायलांनो मोनब्ला
सानसेनि खस्थखौबो बावो
आखुवा आंहाबो इसे गाज्रिदब
खिरखि जिंथिं जिराय मोनाबा खर' सायो
बै दिनखालि खाबु मोनाखै
उननि सितआवसो गेजेराव थोन थोन
साब्रै जिरायनांबोदों ।
गेजेराव साब्रै सिख्ला जिरायदों
बिनिनो सासेया दर खाथिनि सेराव
एइदिन सरस्वति फुजा
College आव फुजा होना न'थि गिदिंफिनदों
गारियाबो जेब्ला अजन जाबाय
अब्ला मोखां नुस्लाबै बिरसोयो
थिग बेबादिनो ढालिगाव Main Town
निफ्राय सिबसन लायनाय खारनो हमो ।
आं आरो आंनि लोगो गेजेराव थोन थोन

औरै जिं जिं हौवा बैसो जानाय सानै
 Daily पेसेनजार रायलायाबो सिनायलायो
 गावनि खर' सानायखौ लानानैबो आं
 खोरखि जिंनि फारसे जिरायनाय सिख्लाखौ
 नायहरफ्लांबाय थायो
 गारिनि speed जों बिनि देलायनाय
 मुस्त्रि बादि ब्लाउस, खानाय हसारनाय
 Net नि फास्त्रा
 दानियाबा दावहा जानायसै
 हगारनाय खानाया जेसेबां हायो एसेबां
 उननि सितनि बैसो जानाय हौवानि
 मोखाडव बिरलांगासिनोसै
 बुंनोबो हाया दांनोबो हाया जागासिनो
 बिरजाग्रा खानाय मालिकाबो हमथाबाबो
 हमथानो हायासै
 गुसुनि बार बुब्राबनाय दाहाराव
 गोजांनायखौ स्रो स्रो होबथानो ना
 Net गोनां फास्त्राखौ होबथानो ना
 खानायखौ होबथाना लाखिनो
 बे समावनो फोरला फोरथा फिउ बिरबोबाय
 आंनि खाथि हौवानि लंपेन्टआव ज्राव

हौवाया सोमोनांनानै सासे लोगोनाव सोंबाय
 लोगो लोगो बिनि आखाइनिफ्राय बिफिनना
 बै सिख्लासानो नै जारौ नौना... होनना हरफिनो आं
 गुसुनि बाराव गोजा खावलाइया गोलोमस्त्रावजोबना
 ओंखार नाडै जायगायाव ओंखारना
 लोगोफ्राबो जरजबजस्ति बुजिस्लाबै
 ओंखारलाडे ।
 जानोहागौ सहैनो 20 मिनिटनिल' लामासैमोन
 बिसोर ओंखारखांना गारियानो
 मिनिग्लाबनायजों गोमजोबो
 मानोना बै बिरबोनाय जिरादा जेबो नडा मोन
 सरस्वति फुजानि Make up
 लगायना फुननाय नकल मुसुगुरा
 जाय उननि हौवानि फेन्दायाव बारजों
 बुब्राब जाना फिउ बिरबोदोंमोन
 सरस्वति फुजानि बिस्व सुन्दरि ।

समफ्रा दा आंनि मुडै

-जे. भार्जिन

गारियानि गारि,
गोहैलौयैनो गिदिंनायनि गुमुर
गुबुंसार होनायनि फेरलेबबो फुन्दि गैदेरथारा
खिगार लांजानायनि उनावबो....

बुंनो सान्नाय बाथ्राफोरखौ बुंनो मोननायनि
गोजोननायानो आलादा देरगानाय,
बिनि उल्था जायो नाथाय
सिखोमानो नंनाया सालाइ सिलिबलाडेबा ।

समफ्रा दा आंनि मुडै
लिरजानानै गैया ।

मेंनायनि सुंथाब सुंथाब बोनाय हां
रावनोबो मोन्दांहोनो एसेबो लुबैयाखै
दुब दुब खर खरै बुफ्लामनाय बिखा
सोरबा दांनायथों नंबायाखै
फैमालनि सुरहाबनाय दुंबुद हांमा
गुबुनफोरा खोनासंथों सानफेराखै
हुगैनो बारनबोनाय मु गोलाव सियाइफ्लेनायनि देंखो
मुर्जि बायजासे हाखुवा रुबायफाहोनो रावखौबो
बोदेराखै ।

संसार दावहायाव हाथियार हमप्लानायनि दावथुरफ्रा
रुइनानै गोमोरलांहां हां जानायावनो

जायगा बारस्लायनानै गोदानै दावथुर सोमजिनायाव
मोनसे बदनाम गोसारलांनायासो
हाल एवफुनायाव उन्दुसोग्रा मोसौ अलसियानो
लान्जाय साफ्रेना आख 'ल सोलायहोनो साबेसेनाव सोलो दं

लिरजानानै गैया
समफ्रा दा आनि मुडै
एखथेब जायाबो जान्जियाव, दबायाव ।

फिसिनानै दोननाय उसानि उदै थाइसे
गांगारोडै लां लां गोसो मोनसे
सुफुनायनि मोखां सोमथाबनायाव
बिलिरै बुरखायनोबा सोर ?

दआयनाय बैसो-
रादाय बिलाइ बिसिफ्लेनो एसेबो समायथारलिया
बाख्यायना खर' फेदेरनायाव लावथाइ जानो साबजालिया
दिलिन दालान दाय गनायनि इसादि थाथावथारलिया
थुनजि खान्जायना दाथाबनाय दिसखाथा सुजुब जालिया ।

गोथां निसान सिबलानाय हान्थिनि लामायाव
आदै बेलथायनाय, दावखा खामफ्लाय जानायाव
दहाय इसोर! दहाय इसोर!! स्रोद स्रोद गाबजिखोमानायखौ
दल दामबायनो मुजिथारसिन बावलिया, मानो होनोबा
समफ्रा दा आनि मुडै
लिरजानानै गैया ।

आइनि राव

-कौशल्या ब्रह्म

आयै..... आयै

नों बबाव.....

आयै नॉनि रावानो आंनि राव

जोबोद मोजां मोनो आं

गोदै-गोथाव नॉनि रावखौनो

दड' आंनि गोसो गोर्बोआव

अन्थाइनि हांखो बादि रोखा रोखा

आयै आं रायज्जायो नॉनि रावजोंनो

फोरमायो आं.....

सुखु-दुखु गाबनाय मिनिनाय गांनाय-उखैनाय

मावनाय-दांनाय खैफोद-आफोद

आयै नॉनि रावनि सोदोबफोरा

जोबोरै मेहेर गोनां.....

मिनि मिनि ग्लाब ग्लाब मिनि

मिनि मिनि मिनिस्तु मिनि

मिनि मिनि मिनिखैरे मिनि मिनि

आरो दड'- मोनसे सोदोबनिफ्रायनो अंखारनाय गोबां सोदोब
बेफोर जाबाय- अर, अरखा, अरखाव, अरसि, अज्रित ज्रित ज्रित
दान, दानख', दानखाव, दानसि, दानस्लिम स्लिम स्लिम
नाय, नायदाव, नायगं, नायलां, नायदिं, गिदिं गिदिं
बिर, बिरदाव, बिरख्लाय, बिरग्लां; जो, जोगदाव बायदि बायदि
बे रोखोम सोदोबफोरनि जोबनो गैया
आइनि रावाव

आयै नॉनि रावखौ

फोथानानै लाखिगोन जों

फोजौगोन फेहेरगोन गोसारहोगोन बुहुम नाडै

होफैगोन जों- नॉनि दरसि मोखाडव

गावदां अखाफोरनि स्नाय मिनिनाय

बेनो थांखि आयै

नॉनि बे फिसाफोरनि ।

बोरै सहायनो दे नोंनो बुं ?

-मोगथां बसुमतारी

दोंसे लामामोन बियो रिउ रिउ
अखाबो जुब जुब हादोंमोन जों हानथिखालि
नों बिख्रौ गोसोयाव दडना गैला.... ??
गंसे लोरबां साथा सिंआव जोंदि अखा होथेबायदोंमोन
आखाय फारफा फारफा साथा देनथायाव हमना ।

जोंथ' अखाख्रौ होथेनोनो हाखायाख्रैमोन
बाराबोथ' दहमै स्रो स्रो इनायनो बारदोंमोन
थारैनो सोलेर गंसे नोंबो आंबो थिंख्लाब सिजादोंमोन ।

नै रजे.....
नोंनि बिरनो हायै गिसिखानाय
मुसुगुराव जोंथि गसंनाय थरथिंसे दै
गिसि गिसि मोदोमनाय दखना फास्त्रा
लायमोन लायमोन मोदोमनाय जरासे गुस्थि
गोजांनायजों थोर थोर मावनाय देहा
आं मानोदि नायबाबो अहाथाराख्रै नोंख्रौ ।

नोंनि लायमोन मुस्त्रिनि हायनायाव
देबोर नांनाय आंनि सानस्त्रिआ
मानोदि लुबैयो.....
रिउ रिउ लामा
जुब जुब अखा
गंसे लोरबां साथा !

नों बिफोरख्रौ बावबाय ना.... ??
मेगनाव मेगनजों नायनाय
आखायाव आखायजों हमनाय
आगानाव आगान गोरुबहोनाय
बिदिनथानि अनथाइ बिखा जाहोनख्रौ
बोरै सहायनो दे नोंनो बुं..... !!

लिमारिक

-बड'सा ब्रह्म

1.

जिग' जिग' गुबुनखौ बुजायदों
गावसोरनो बर' बिजोंखौ नेवसिदों
मेल मिथिडाव लेक्सार होनाय
हारि दानायनि बाश्रा फोसावनाय
सोंनोसो गोसो जायो नोंलाय बबे बिजोंआव फोरोंदों।

2.

गुफुरसाफोरा भारतखौ नागारनानै थांबाय
बर'फ्रासो आरोबाव बान्दा जानांबाय
राव, हारिमु फोथांनायनि बाश्रा
बयबो सावरायो बिसोरनि खोथा
गेदेर गोलावफ्रासो मालाय मुलाम्फा मोननाय।

3.

राज्योफोरनि खुगा खुगा खोनासोदों
बयबो हारि फोसाबनायनि बाश्रा बुंसोदों
अखा नायब्लानो थांलाय-फैलाय
सोरनिबा थाखाय सोरबासो बुंजानाय
समाज दानायनि बाश्राखौ बिसोरबो बुजिदों।

4.

गोरों गोरानि फिसाफ्रासो फरायदों इंराजि बिजोंखौ
बिसोरसो सांग्रांथि होबावदों राज्यो-राजाखौ
बेनो बर'फोरनि राजखान्थि
गेदेर गोलावनि आसार-खान्थि
रोंबावगोनदा बर'नि राव, हारिमु, थुनलाइखौ ?

5.

खाबु फलानफोरा राजखान्थिनि आखायाव
हारि दानायनि खोथाया बिसोरनि सालाय बिजौवाव
गोदै गोदै बाश्रा बुंफ्लायो
नुयोब्ला मोखाडाव मिनिस्तु दिन्थियो
रांखान्थिनि गोहोआ बिसोरनि आखायाव।

बड'लेण्ड नों माबोला....

-आलेरा बर'

मुंख्लंआरिनि थैजों सोरजिजानाय
 गंफ्रोमबो बर' न'खरनि गोजोन्थि
 बड'लेण्ड नों, माबोला उदां जागोन.. ?
 इनायनि फानजारिखौ थबस्त' बस'ना.....
 सिखिरि सुबुंनि अगेन आखुखौ नेवसिना,
 नों माबोला फैगोन बड'लेण्ड
 बर'नि उदां अखोराडव... !!

साफ्रोमबो बर' सुबुंनि
 गोगाथावनि नेरसोन
 बर' हारिमु, आसार खान्थिनि
 गोजोन बिदिन्थि.....
 मुंख्लंआरि बड'फा आरो
 रोजा रोजा बिर
 जोहोलावफोरनि गोथार सिमांखौ
 मोखथाडव जाफुंहोनो
 नों माबोला फैगोन बड'लेण्ड
 बर' बिमानि मोदैखौ हुगारनो
 बर' बिमानि उदां अखोराडव !!

नों फैयैयाव हालाय-हाफाय
 हनै बर'फोरा, गावनि
 हायावनो गोजोनै थानो मोना !
 नोंखौ मोन्नो जाबायदों हांखुर
 नोंखौ बरायनो..... गोर्बो गोथारै.....
 नोंनि मददथिजों बहुमाव जों
 खौसेयै थानो, नेनानै दं नोंखौ,
 गेरेमसा बर' माहारि दानो !
 बर' हारिमुखौ बहुमाव गोसार
 होनो, नाथाय..., बर'नि अखोरांनि
 अखाफोर गावदांखौ गोलेर
 दान'बा मन'नाय हरखौ
 सोरां खालामनो नोंसो
 माबोला फैगोन बड'लेण्ड ॥

सानफोरा माब्लाबा बिसोरनि जानानै थार्थों

-लतास पि. नार्जारि

जिउ बाथिया गोबां साननि लैखोन गैयाब्लाबो
हानथिनांगौ लामाया गोबांधार
बबेबा मोनसे खोन्दोखौ सोरजिदोंमोन जानांगौ हरखाब आंगो बायदियै
नडब्ला लुथिजानाय नडमोन गोबां सम

बे नोगोराव होंगो दोंगो गोबां सुबुंनि हाथायसालि
नाथाय बिखा सिंनि उसिग्लाबनाय दुखुखौ फैसालि सिंनि बिस बेदरासो रासिनै सोलाबो
सं दाननानै सोबग्लिनो
गोदोलांनाय गारां बिखावनि रावफोरा जोबोद गिलु बालु
बरादनि थासारि समखिनानै

गंसे दिडा
दावबायारिफोरनि थांलाय फैलाय
सोरनि सल' खोनासंथ्रनो
खायसेनि बाय बाहागिनि सल'
खायसेनि लाय लथरनि सल'
खायसेनि सिखाव सेरेफनि सल'
खायसेनि दावहानि सल'
खायसेनि बरादनि सल'
आरो
आरो खायसेनि
बोलि जानाय आइजो माखासेनि सल'
जाय मोनालासेखौ मोननाय बादि मोननांनानै थांनानै दं

अखाफोरनि जग्रबसे हाग्रा बादि दाहाखौ
इनजुर गिजियाव थेबखुमानानै

थं गैजायै जिउनि गाथोन
सिनाय हायि मोखांफोर
गावनि मैलागोनां सिफिफोर फिस्रिनानै बेयाव नेफैदों
माब्लाबानि मोननांगौ मोननांथैनि दाजाब दानख' आरजिनाय मिजिं
खारसुमै समा थगायलांगोनसो नामा
गावखौ गथायखांजोबनायनि उनाव ?
नंगौ बियो सोदोमस्रिनि फावथिना

थाद 'वालासे सिनायथि होनो गियोथ'
बिसोरनि जंखायलु गुस्थिनि भावा
थैनायनिफ्राइ गाज्रिसिनथार
गिथाव मेगनफोरा सोलेरखौ माब्लाबानो जिनाहारि खालामो
जं जानानै बिखा बिखा सुग्लियो
आरो जेखि जाहोनानो जायार्थों मानो
गले गले नेवसिजायो
जिउआ जिउ जोंनो
बिनिखायनो आं बुडे
गोबां दावहा थांखांनायनि उनावब्लाबो
समफोरा बिसोरनि जानानै थाथों

आंनि जिउनि लोगोरि प्रतिमा बसुमतारी नोंखौ आं थैजासिम जेब्लाबो गोसोखांगोन

-बानेस्वर बसुमतारी

आंनि जिउनि लोगोरि प्रतिमा बसुमतारी
नोंखौ आं थैजासिम जेब्लाबो गोसोखांगोन ।
नोंदि आंखौ आरो गथ'फोरखौ नागारलानानै
हरखाब आरो अबथिरा थैलांबाय
नोंथ' बुरि गाहेलायानो जायाखैमोन !!!
नाथाय मानो हरखाब आरो अबथिरा थैलांखो ???
फाहामथायनि गोरोन्थिआव - ना
थैनांगौनि सम सनायाव ??
आं सानब्लाबो सानस'नोनो हायाखिसै ।
आंनि जिउनि लोगोरि प्रतिमा बसुमतारी
नोंनि हरखाब आरो अबथिरा थैनायाव
आंनि गोसोआ दान्दिफा दान्दिफा समावनो जादों
जोंनाय अरगेडव
घि लुसावनायाव जोंनाय बादि ब्लाउ ब्लाउ
साल सिरि बननि अरखि बादि रोहो रोहो
जुजाइनि अर खामनाय बादि दोहो दोहो
गोसोआ एखेबारे बायग्लि लाडे
बिष लागायनाय बोरला थिर हाबनाय बादि मोनो

साक्कार आरो निराकारै मोदै
रथ'रथ' गाबनो ओंखारो ।
आंनि जिउनि लोगोरि प्रतिमा बसुमतारी
नों थांनानै थानाय समाव न'खर बेंनायाव
जि बायदि आंनि नख'राव बिहोमा होलांबाय
बेनि दाहारखौ आं सुख'नो हानाय नंलिया
नोंनि महर, आख'ल गुन गरिमानि सोमोन्दैबो
बुंनानै फोजोबनो हाया आं स'ना माइनाव
सिसिरि सिया सिबा सिडव बादि
आं दा साननायनि लैथोमायाव गब'नानै दड।
आंनि जिउनि लोगोरि प्रतिमा बसुमतारी
नोंखौ आं थैजासिम जेब्लाबो गोसोखांगोन ।

न', सिथ्ला आरो दंफांनि सल'

अभिजित गगै

रावस्लायगिरि- माइनावस्त्रि दैमारि

बेरेफुंजानि बाश्रा
जोबोर गोबारै जाख्रिसे बार बारदों
बारियाव थानाय बिफां दालाइफोराबो देमग्लायदों
गांफा-गांनै बिलायफोरा सिरिदों
दान्दिसे समनि उनाव सिथ्ला गंसे बिलाइ आरो बिलाइ

न' सिंनिफ्राय बिगोमाया होस्त्रिखावहरदों
बार बारदों
मोजाडानो जादों
बिलाइफोरखौ सिबथुमनानै खनाफारसे दोन
मोनाबिलायाव सावनानै जों गोजांनायखौ होखारनो नांगोन

आं बुंबाय- जागोनदे बिगोमा

आखाइयाव थानाय हासिबजों फिन सिबनो जुरिनानै
बिफां सायाव नायदावहरबावदों आं
जेन' गोदानै आरोबाव बिलाइ सिरिगोन

आखाइ आथुमा आथुमैनो थाबाय
माब्लादि सिबथुमनाय बिलाइफोरा
न' गंसे जाखो
आं मोन्दांस्लाबाखिसै

साना सोनाब फारसे दोबैबोला
बिगोमाया फैनानै
गोमोहाबबाय
आरो बुंबाय
एसेबां गेदेर बिलाइनि न'
आं माब्लाबाबो नुफेराखैमोन
बेयो मोनसे मोजां खामानि जाबाय
(दान्दिसे सानहाबनायनि उनाव)
नेरसोन महरै बे बिलाइनि न'वा थाथोंसैदे
बिब्दिनो...

आथिखालाव बिगोमाया गोजाम न'खौ गारनानै
बिलाइनि गोदान न'आव उन्दुयोसै
सिमाडाव बिलाइफोरा बिलिरनानै बुडे—
बिलाइनि आंगोथिखौ मोननो गोरलै
थेवब्लाबो गाब सोलायो दिगफोरा

आंहासो खामानिनि बजाया बांबाय
हर हरसे नेनांनानै
मेगन मोदै जादों
राहा गैया

आंखालनि आदार
खैफोदनि राव
रोदा सुब्रेनानै दं बिखायाव...

मोनदांथि

-माधबि बर'

सुबुंथि आरो बेसेनथिनि दावहा खुंदों
जिब्रालटरनि अन्थाइबादि
गोगोम आरो निजोम बुहुमाव
सुबुंनि गोर्बो गोर्बो
मोन्थाइ नागिरना ।

गोथां सानस्त्रिनि
मोनसे गाथोनाव मार्केटनि
दिमाण्ड आरो साप्लाइ ।

सुबुंथि गोमादों
मोनसे गाथोनाव
बेसेन आरो मोनदांथिनि मुडै
बै सानस्त्रिफोरा
जुदा जुदा अट्टालिकानि न'मायाव ।

गोदान बुहुम संसार
नोंनि आंनि जोंनि फावथिनासालि
सानफोरा हर
हरफोरा सान
बेनि उनाव बै
मोनफा मोनफा मर्दानिजिम;
बेसेनथिफोराबो दा गुबुन गुबुन महर
जेराव नोंनि मोखां आंनि मोखां
गुबुन गुबुन
मोनसे बेसेन
मोनसे मोनदांथियाव
मर्दानिजिमनि सेर सेर ।

मुखुब बुब्लिनि जौसाडाव

-जिंकिरि बर'

मुखुब बुब्लिनि जौसाडाव
सानखौ आंगो खालामै खालामै
उखुम मुदाजों हाथरखि नुजालांबाय
आरो उसुं गोदायाव लेवा मानफबलांबाय ।
आंगो आंगो मोदोमनाय
हानि मोनदांथिखौ
जों दा खोमाबाय,
आगदा आखाइयाव सोरांनि रोदाजों दाउबोनाय
गुफुर फारौखौ हमथुमना
थेवबोनो जों दा बेथाल ।
जों दा गावनि सिथ्लायानो
खावरि नायलायबाय थायो
आरो दायना साजायना बुथारलायो ।
गावनि आंगो मोखांफोरखौ दोनखोमाना
जों दा मुखा गानना सोलियो
गावनि फोथारखौ नागारना
गुबुननि फोथाराव हाथर बुखुबनो ।
बिमा लोमजानायखौ दोनथ'ना
बिमा बाथुलनि खौरां लानो
जों दा जोबोर उसु-खुथु
मुखुब बुब्लिनि जौसाडाव ।

देहा फाहामसालि आरो बेनि गुबुन मोनसे महर

-बुद्धदेब नाज्जिरि

ट्रेयाव लाबोनाय मुलिफोरानो बिसोरनि सिनायथिमोन
जेन' बिसोरहा बिजोंनो आलादा आलादा मुं दंमोन
जों थैनायखौ गियो
नाथाय गुफुर जिजोंनो बिसोर जोंनो गोदान जिउ होयो ।
जों गावनि देहानि सोमोन्दै बायगर
जों बावसिया
जों बेखायनो नोरजिया जानाडे
बेनिखायनोथ' डाकटार नार्सफोरा सहायनाडे
जोंनि थाखाय
सान आरो हरनि मेंनायखौ मिथियाजासे ।
सानफा थोलो,
मोनफा बुब्बि,
हर मोनसे,

थेवबो आखायनि मुथियाव आंखौ हमथाना बिसोर बुंदों
नों दागि थैनाया नोंजों नड
थाना थानायासो नोंजों दावहा नेगासिनो दं

बे हरखौ आं गोजांस्त्रिव मोनदोंमोन
नाथाय बेयावनो दंमोन खाथियाव साफिनाय सैमा बिलाथि मासे
गले गले बियो आंखौ खुदुमफ्लेबाय थादोंमोन
लानजाय सोलास्त्रिब सोलास्त्रिब
आंनि साखांनायखौ बेयावनो फोजोबदोंमोन
सोरबाया बेयावनो गले गले दाखाय दाखाय गाबदोंमोन
स्ट्रेसारजों लांजानाय सोलेरा बेयावनो सलादेँयै उन्दुलांदोंमोन
दसेनो लागै थिफ्लिंगासे जिउ बेनि माहायबा गोमालांदों
जानांगौ दा बेनि हांमायाव नख 'रनि बयबो मोदै हुगारदों

बेखायनोथ' महाभारताव लिरना गालांदों
मानसिनि जिउआनो खैफोटजों दाजाखानाय
खैदां खैफोटजों जुजिनोनो जों बे बहुमाव बयबो उजिफैदों
बेखायनोथ दुखुखौ दुखु सानना लाबाय थानो जोंखौ फोरोंलाडाखै
दुखु जाब्ला हब्राना गाबनांगौनो
नडब्ला मोदैया हांमा गालाडेनो
मानोना बयबो खोनानाय गाबनाया मोदैखौ फोराननो हायोनो
नै दासो रिप मुंनि हांखोजों गोबां मुं सुसोदों
बियोलायनो गावनो गावनि देहानि फारसे थाल गैयामोन
सोरबाया बुंदों जानांगौ जिउआनो बेनोखासैमोन बेना ।

नै बेयाव आरोबाव दासो गोदानै लाबोफिनदों
मोदोम गोरलै जाफुथारनाय हिन्जावसा सासे
हब्रा हब्रा गाबदों थांना थानो
बिसोरनि आखायावनो आहार बिबायदों खुदिया सासे
दावहायाव बारसोमनो बेयावनो जोनोम जाफिनदों
बिनि सोलेरा नै दासो गोदान जिनिरजों दाजानाय
जानांगौ बेनावनो हारिनि थैनि सिनायथि दंथारो

बेनिखायनोथ' फाहामसालियानो जोंनि गोथार मन्दिर
बेयावनो जायो गोदाननि जोनोम आरो गोजामनि मुरुलांनाय
बेयावनोथ' जायहा बेनि सोमोन्दै बुजिनाय गैया
जोबलाडे

गावनि गासै मोनसा,

अन्नाय,

बोराबनाय,

हिंसानाय,

मुगैनाय,

जिउनि गासै बिदैफोर....

नाथाय जाय बुजियो बेयावनोथ' मोनफिनो बायखोन्दा आयनानि गुबै महर,

गावखौ मिनिस्तु होफिननो,

गावखौ मोगथां मुलुगजों थांना थानो सिनायथि होफिननो ।

मागोयाव फैमारगोनदा नों जोंनि गामियाव ?

-अनिला बसुमतारी

नोगोरनि अनसेमा रजे

मागोयाव फैमारगोनदा नों

जोंनि गामियाव ?

फैनोब्ला संक्रान्तियावनो फैखादे....

मागोनि संक्रान्तिखौ मिथिगौसै नों ?

पुष दाननि जोबथा सानखालि,

ओइदिनखालि जोंहा गामिनि

बयहाबो उवाल गायहेनजों

माइब्रा मायरंनि अन सौगोन

नोंनि लेटेष्ट मडेलनि आइपनजों

आंनि अन देनायखौबो

मोजां रिलस बानायना होनो हागोन,

ओइदिनखालिनो

एन्थाब एवगोन, सिथाव एवगोन

नालेंखर हगोन, लारु बानायगोन

मा जालु, नों जानानैनो उदैसो दुलायगोन ।

फैमारोब्ला फुडववनो मोनफैनाय बादि फै

आदा, आफामोनहा गय-खान्थाल-थायजौ

बायदिसिना न'नि फिथाइ थायग्रा बिफांफोरखौ

माय देंखाजों खागोन

नों अहा-अहा भिडिव लानो हागोन

माय दांग्रियाव बुरजा माय फिथाइ थानायबादि

फिथाइ बुरजा थाइनायनि मिजिं थिनायनि बागै

मोजां कनटेन्ट हगारनानै होनो हागोन ।

बेनोल' नंबावा

जोंहानि आइआ ओइदिनखालि

गोबोरखि गोथारजों

सानजानि बाखिखौ सान लिरथेगोन

मानो लिरथेयो बेखौबो मोजाडै सोंनानै लानो हागोन ।

बेलासे-बेलासे गामिनि बेलागुर थिलियाव

दान्दिसे नुजाहैनो हागोन

लाउखार गथ 'फोरनाव सोंनानै लानो हागोन

लाउखार माने मोसौ गुमग्रा लाउखार नड हलेबा

बेलागुर हुंग्रा गथ 'साफोरनि मावथि हान्जासो

बेलागुर राजा-राणी, सान्थि गाहाइ, लेडइ सान्थि गाहाइ

बान्दा-बान्दि, लाउखार, दायनाया बबे-बबे ?

बिसोरखौ माब्ला सावनाय जायो,

माबोरै सावनाय जायो इखान-सिखान...

मोनाबिलियाव नों

जोंहानि सिथ्लायव

गुम-गुम अराव एबा

रोहो-रोहो अरखियाव अर सायनानै

मागोनि हान्थु मावलाइनाय सुहाबनाय बुब्लियाव

अरनि थावनाया बेसे गोथाव साखिनायनो हागोन...

आरो जेबो हेंथा गैयाजासे

खोमाखौ खखा सानानै दोन्नो हागोन....

यै होब्बै बैया...

यै होब्बै बैया...

जों गामिनि मोसौआ गं मेना-मेनि जाथों

गलि गंसेया गलि गंनै-गंथाम जाथों...

यै होब्बै बैया...

यै होब्बै बैया...

मालाय गामिनियाव लोमजा-साजा जादोंब्ला

जों गामियाव दाजाथों,

यै होब्बै बैया...

यै होब्बै बैया...

नोंहाबो गोसो सिंजों माबाफोर मोन्नो हास्थायनाय दंब्ला

लाउखार गथ 'फोरखौ बेलागुरनि अराव

बोर बिख 'होनानै लानो हागोन

मानोना लाउखारफोर बिख 'नानै होयोब्ला

मोनफुडे होन्नानै जोंहा गामि नाडैनो फोथायो ।

लाउखार गथ 'फोर एन्थाब मागिफैनायखौ नेथाव-थाव

हर थौजाफा एन्थाब एवनाय बाजै

सोरांफा-माफा दाउखा मासे सिखारनायनि सिगां

दुगैस्त्रां लोबस्त्रां दिवा-दिवा लामा सिबस्त्रांनाय

नों गावनि मेगनजों नुब्ला गोमोहाबलायगोन ।

मागोनि से खालारखालि फुंजा-सानजा

मोसौ गोरलैनि गाइखेरजों फुंदुंनाय

काप सं-सं गोमो साहाजों

एन्थाब, सिथाव, लारु

बेसे जानो हागौ जा नों

फिथाखौ हले दालुबै

मानोना लुबैब्लाबो नों मोनजाखानाय नड,

मागोयाव फिथा जायोब्ला

मोसौनाव दुमाल जायोनो ।

सानजौफुनि ओंखामखौ

दुन्दिया गोरलैजों मोदोमफु संनाय

थोरसि बेंखननाय बायबुरुस खाजाजों

नों थेत्रे जानो हागोन,

ओंखाम जाखांनायनि उनाव

दान्दिसे जिरायनानै

नों नोगोराव थांफिन्नो ओंखारोब्ला

बयबो गाहामानो मोनगोन

मानोना जोंहा गामियाव राइजोयैनो

मोखां नायलाय-नायलाय बोथिसे ज' जालायो

आलासि-दुमसि थाब्ला

एसेब्लाबो दिगदार जायो

बेखौ रावबो बुडब्लाबो

नों गावनो बुजिनो नांगोन

आरोथ' बेलासेयाव आंबो

लोगोफोरजोंसो गामि बिजौआव ओंखारलांगोन

बिसिना सारानि फैसाजों खाना जानो,

बिसिना साराखौथ' नों मिथिखानाय नड

आं नोंनो उनाव खिन्थासिगोन ।

दे, गोलावसो जालाइबाय

नों मागोयाव फैमारगोनदा जोंनि गामियाव ?

फैयोब्ला संक्रान्तिखालिनो फैदे ।

जों सिबिगोन जोंनि हादर

-ग 'पीनाथ हाज 'वारी

उदां जोंनि हादर भारतबर्ष
हारि धोरोम फोलेर बासिलायनाय गैयै
थानो हानाय थाथिलि खौसेथियै
राव हारिमु धोरोमारि
समाजारि आसार खान्थि
दं गोबां गावबा गाव हारिनि
थेवब्लाबो दड' खौसेथि गोसोयै
जों बयबो उदां से भारतबासि
हाजो हाजोमा जौयेन हायेन
दैमा दैसा लैथो लैथोमा
हाग्रा बंग्रा अरनबारि
दं सोरगिदिं समायफ्लेना
बाइदि बाइदि बिबारजों दाजानाय
गंसे समायना बिबार बागान बादि
उदां जोंनि हादर भारतबर्ष
जौगासार होगोन मोनफ्रोमबो बिथिं
थि मोनसे जांख्रिथाइनि गेजेरजों
दावगा लांगोन गोनोखोआरियै
जौगासार हादर महरै होगोन सिनायथि
जों सिबिगोन जोंनि हादर

उदां जोंनि हादर भारतबर्ष
बीर जोहोलाव जोहोलावजो
हारि अनफावरि हादर सिबियारि
मुंख्ळंफोर गोथार गोसोनि
अराय सिबिगोन नोंसोरखौ
जों गोसो गोथारै
थाम गाबआरि हारिमायारि फिरफिला
बिरहोगोन मान होनानै
दिन्थिफुंगोन गासै बुहुम
खौसेथि जों बयबो उदां से भारतबासि ।

जांखिखांदो

-इभा रानि दैमारि

खोमसिनि आन्दोआव मोलेले सेरेगानि साथिनायाव थाखोमाना

जिउनि बेसेन गोसा समखौ

नोंलाय मानो एसेबां आद्रि खालामदों... ?

सम नड बियो आगुनि

बोरला बाथुलजों गेलेनायनि

हाखर-खिखरजों दिन थांनायनि

समसो बियो रेबगननि हाथियार

मेलेमनि हाथियारजों फेर नांनायनि

बोथोरजों जुजिनायनि

जांखिखांनायनि बुब्लिसो बियो

गाव आंगो हारि उदांस्त्रिनि ।

बोथोरनि बारखौ सिनायनो हायाबोला

जौ जुवानि फुखियाव गब 'नानै

चिगारेटनि उखुन्दैजों मुजिफ्लेनानै

गावखौ बावलाडेब्ला,

गुबुननि मावनायखौल ' नोजोर होनानै

हाखर दबानि एमबु बंगलाबादि

एब अं एब अं दुसिबाय थायोब्ला

जालांगोन जिउआ जेथिंबो लान्दा-खान्दा

जाथिनि सिमाड आस 'खान्दा ।

दंबोला नोंहाबो हारि हादर मोजां मोन्नाय

जाथिखौ सिबिनाय

आवगायबो सिगांग्रो

गावजों गाव सोंखारिनाय

हिंसा खालामनायखौ ज़ाब गार

हारि हादरखौ सिबिनाय फोजौनाया

फोथायथि आरो हाबा मावनायजोंसो

बियो नों आं बै बयनिबो बिबानसो ।

नोंनि उखैनायखौ गुबुना दौफैया

नोंनि देहानि सानाया गुबुन्नाव गोहोम गोग्लैया

नोंनि सोंखारिनायजों हादरा जौगाया

गुबुननि फान्दायनाय रावआव गोजावनाड

गोथौयै सानहाबनाय गुवारै बुजिनाय

बांसिनै मावनायनि समसो बियो ।

उन्दुगादुरा गादुरि दाजासै

सम नंला एमाव सिमां नुनायनि

आगान सुरदो जान्जि खाफ्रादो

मोगथांखौ बरायदो

थांना थानायनि जिउ लामायाव

सुबुंनि गाहाम हाबा मावना

नोंबो सासे गोगो राफोद सुबुं जाना

मुलुग दरबाराव गावखौ बिदिन्थि होदो ।

आइ आरो आफानि सिला नोजोर

-सिबिसन नारजारि

आइ आरो आफा
 नोंसिनि सिला नोजोरा
 ओरैनो नडामोन
 लावखारफोरजों बिरि सोबफानायाव
 सावरियाव जौ लोंखुमानायाव
 आइया नायखुमा हैना
 खोमायाव खेबनानै न'आव लाबोनायाव
 आफाया आंखौ खानायाव हमनानै
 उल्थां फाल्थां सोबायामोनब्ला
 दा आं जोंनि उन्दैनि लोगो
 हंला मास्थारनि फिसाज्ला बायदि
 ड्रगस एडिकटेट जानानै
 रिहाबावसो थानांसिगौमोन ।
 फरायसालियाव थाडैनि
 आइया सज्जद सज्जद दोनलांब्ला
 लामा ससेयाव एमब्रा एमब्रा
 हायाव उन्दुनानै गाबनायाव
 आफाया
 फैदो आफा फैदो दिनै दाथांसै
 न'आव फैफिनदो आफा
 मानोथो अखा खालामबाय थाखो बिमायालाय
 होननानै बुरखायना लिनहरनायखाय
 आयखौ दोखो रागा जोंनानै
 खुसि जानानै न'आव फैनायाव
 आखायाव हमनानै उखुमाव
 थेबना दोननाय मोसौ लावथिजों

आदै बेरगावनो नागिरलायनाय
 सेरला सेरला बिखुं गंसे
 मानजा होजायामोनब्ला
 आखाय दाखनानै फरायसालियाव
 हारसिनो खारलांनाय नडामोन
 सानफ्रोमबो फरायसालियाव
 हारसिनो थांबाय थानाय नडामोन
 आरो दा आं
 आंनि गामिनि लोगो लावगा नारखोमोनबायदि
 सोरांबानो गुबुननि नखराव
 हाजिरा मावनांसिगौमोन ।
 सानसेखालि आफानि
 गान्दु सिंनिफ्राय नै रां
 खावनानै मारबल बायनानै
 गेलेहैनायाव
 आइया खोमायाव खेबना लायनानै
 आफाया आसि देखुबजोबनो होननानै
 औवा दालायजों
 आसि जनो नागिरलायनाय
 बुनायाव
 आइया
 “दिनैनिफ्राय मालायनि जेबो लाखुमाया,
 आं सिखाव जाया”
 होनहोना खोमा खेबहोनानै
 जलाय सिखारलाय खालामना

समाय लाहोवामोनब्ला
 आं दा सिखाव जानानै
 बुथारजासिगौसोमोन
 नडब्ला जेलखानायावसो
 थाहैनांसिगौमोन ।
 थाखोबायाव फरायब्ला
 गामिनिनो बिबारिनो
 गोसोथोनायनि लाइजाम हरनायखौ
 मिथिखुमाना
 मोनायाव ओंखाम संग्रायाव
 अनला ओंखि संबाय थानायाव
 अनला साखिनायनो होनना
 लिंहरनानै
 आखायाव हमथाना
 खादौजोंनो दोखो दोखो
 दामामोनब्ला
 जानांगौ आं उन्दै बैसोआव
 हाबा जानानै हाया हाया
 ट्रेक्टराव थांफाना बेलसा मारिनांसिगौमोन
 नडब्ला हिनजाव गुनदा जाना
 खानाय लान्था हजाना
 दोखो दोखो मानजिजानानै
 सिन्देलनि माला गानहोजासिगौमोन ।
 आं जेब्ला मेट्रिक आन्जादखौ उथ्रियो
 कलेजाव थांनो बाइक बिनानै मोनैनि
 नआव हाबसोनानै थाब्ला
 आइया आंखौ न' सिडव
 “मा खालामनो आफा
 जों गोरिबनि नखराव जोनोम मोनबाय नों
 नोमफाबो मावरिया आंबो मावरिया
 मालायनाव थाबायबायनानै

माहाजोनफोरजों हाबा होजाबायनाय
 जोंनि खाफाल आफा,
 नोमफाया बन फानाब्लानो
 बोथिसे ओंखामखौनो मोनजानाय नड
 बेबायदियाव नोंनो माजों बाइक होनो हानो आफा,
 नों गुबुन माहाजोन नखरनिजों
 गावखौ दारुजु आफा
 जोंहा नोंनो बाइक होनो हानायनि जेबो राहा गैया
 नों मोजाडै फरायनानै देनां गोरों जाब्ला
 साखि मोनब्ला बायनानै ला
 मा बाइकल' गारि गिदिरखौनो बायनानै लानो हागोन''
 बिखा बिख्लो नांहाबनाय
 आइनि दुखु गोनां रावफोरा
 आंखौ थार लामाजों लाबोनो
 हामारदोंमोन
 जानांगौ आंनोबो आइ आफाया
 बै समाव बाइक होमारनायमोनब्ला
 आंबो आयं उखिलनि फिसाज्ला
 मेब्ला बादि बाइकजों एक्सडेन्ट जानानै थैखांसिगौमोन ।
 आइ आरो आफा
 नोंसिनि रायनाय बुनाया
 ओरैनो नंमारामोन
 नोंसिनि सिला नोजोरनि
 दिथायानो आंखौ
 सैथो आरो थार लामाजों
 आगान सुरहोबोदों
 आंनि सिबिनाय अनसायनाया
 नोंसिनि खाथियाव
 अराय थागोन

कार्बि हाजोनि फैलाव बिखायाव

-बुद्धिराम बसुमतारी

आं थायो बै हाजोनि साखाथि हायेनाव
बड'लेण्ड रायजोनि सानजाहा थानाय कार्बि हाजोनि फैलाव बिखायाव ।

गय खान्थाल थाइजौनि बारि बेसेदि समाइना
जिरि जिरि बोहैबोनाय हरखाथि दैसानि दै ।

जों थायो बेयावनो हारि-माहारि गोरोबलायना
गावबा-गावनि राव हारिमुखौ साखि लाना ।

सुखु-दुखु गाबनाय-मिनिनायजों समायफ्लेहोबोदों
बेनि बैसोमुथिआवनो गोबां रोखोमनि आबादजों बुंफबहोबोदों ।

बेसेदि समाइना बेसेदि रमायना सोरगिदिं हाजो
बेनिनो सेर सेर ग्रोम-ग्रोम बर' गामि गय, खान्थाल थाइजौनि बारि ।

जेबोदि फाराग गैथारा जोंबोदि बर' दिनैसिमबो
दं राव, धोरोम, हारिमु बर'निनो गाननाय जोमनाय ।

दिनैबो दं गामोनबो थागोन जेब्लायबो थागोन
जोंदि कार्बि हाजोनि हायेननिनो थागिबि बर' सुबुं ।

रंजानाय मोसानाय-मुसुरनाय बर'नि बायदि फोर्बो
फालियो जों बोथोर नायै बोथोर बैसागु, मागो-दमासि ।

जों थायो कार्बि हाजोनि सेर सेर फैलाव हायेनाव
मिथिंगाजों बुंफबनाय दैमा-दैसा स्नाय-स्नाय बर' गामिआव ।

अरनबारियाव सुबुं माहारि

हाबिलास

-बिजय गयारि

-बिनाराम बसुमतारी

इयुन फोजोब फोजोब,
दा सुबुंफोरा बासा बोबाय ।
अननाय दड'ना नोंसोर हा ?
मिथिंगानि सोरजिनाय सम्पदफोरा
दा बैथा हमै हमै गाव हारसिडै मेंबाय ।
बेनिखायनो फै जों सुबुंफोरा
मिथिंगाजों लोगोसे बैथा हमनि,
गोगो बारहावा, गोगो मिथिंगा
दानायनि सिमां सुबुडानो सुजुयो आरो
सुबुडानो फोथायखेबस' खालामो ।
बेनिखायनो जों रैखाथि होनांगोन अरनबारि,
गोदान गामि सोरजिनायनि मुडव
दा फोजोबस्त्रांसै अरनबारि ।
सोलों अननो बिफां लाइफां आरो
मिथिंगाखौ सिबिनो आरो अननो,
मोनफ्रोमबो बिथिंजों जों जोनि इयुननि
थाखाय सोरजिलांनो नाजानायानो
सुबुं जिउनि सायख'नानै लानाय साबसिन थांखि ।
सोरजिनो हायाब्ला फोजोबस्त्रांनयखौ जों
बयबो गि, जाय नों बिखौ बिख'नानैबो मोनफिना,
बेनिखायनो जों गोदान हादाब नागिरनानै
हाग्रामाखौ दा फोजोबस्त्रां,
इयुन समाव थरनि महरा नुजाथिगोन ।
फै जों बयबो रैखाथि होनि,
फैगौ समनि बैसांखौ जों बयबो गोथां गोथां
मिथिंगानि सावगारिखौ साजाय होनि
आरो बिफां लाइफां गायनि साफा फुल्लारि बर' फरायसा आफाद

दं बयहाबो गोबां थांखि
दं बयहाबो गोबां हाबिलास,
बे बुहुमाव जोनोम लानानै
सुबुं माहारिया फैयो
गोबां खामानि मावनो,
गोबां सोलोंनो गोबां रेंनो ।
जायहानो बे बुहुमाव
जोनोम लानानैबो
जेबो थांखि गैया जेबो हाबिलास गैया
बे सुबुंआ बे बुहुमाव थांना-थानानै मुलाम्फा गैया!
मोनसे न' सिंनि जिउ गैथै मुवाजों रुजुजागोन ।
हास्थायनाय-लुगैनाय बे सुबुंनि आखुखा,
मोननाय मोनै बे नोंनि सायावनोसोखा
मोनथावखौ मोनगोन नों मोनथावयिखौ मोनाय नंड,
बोथोरा थांगोन समा बारगोन बैसोआ जागोन
सुबुंनि हाबिलासा बारायगोन ।
बुहुमा-बुहुमैनो थाबाय थागोन
नाथाय सुबुंनि साननाय-हनाय मावनाय बारायगोन
हा, दै, अखां गासैयावबो बेरायगोन,
बेनोथ' हाबिलास बेनोथ' लुबैनाय बेनोथ' थांखि ।

जुजिनांगौआ थारैनो जोबनो गैया

-बिमल मोसाहारि

जुजिनांगौआ थारैनो जोबनो गैया
जुजिनांगौआ थारैनो जोबनो रोड
बारहुंखाजों मोगा-मोगिखौ जों जाखाबावनांगोन
सारअन्थाइजों मोगा-मोगिखौ जों जाखाबावनांगोन
जोंनि जुजिनायनि जारिमिना गोलाव जोबोद गोलाव

जुजिनायनिफ्राय जों सोलोंबाय
जुजिनायनिफ्राय जों सोलोंबाय
जोबनो रोड मेगन गोसा सुथुरनि खैसारि
जोबनो रोड सोलो गोरा सुथुरनि फान्जारि

गले गले जोंखौ नारख्लायो
गले गले जोंखौ सरसोमो
थेवबो समनि हांखायनायाव जों सिरिमोनखाडे
थानानै थानायनि सोमावसारदिनि फै जों बयबो ।

उदानि बैसागि आगर

-बिरनजय मोसाहारि

बिखा सुहाबनाय गोजांनायनि उनाव
उदाड हांखुर जाबोबाय,
थैरिं गोरान मिथिंगाया
खराननि सावनिफ्राय उदां जाबाय ।

गोदानथिनि बोर मोननाय
मिथिंगानि गुरै गोरबोआव
गोदान मिजिंजों बैसागनि दालाय-दालाय
गोरलै बिथ 'राइ रोदोमखांबाय ।

बोथोरनि थान्दै खौऔनि गाराडव
रिंखांदोंसै गोदै खबामनि दोंसे मेथाइ,
उसिफावनाय मिजिंखौ लाना रामोन्दायाबो
गोदान नबथिनि सिमां नुदों ।

आबै-आबौनि खखेब खावलायाव हादेदे मिनिनाय,
बैसोनि सिमा बावगोमाहोदों बिसोरखौ,
थफिनाय बिबारफोरा गेवलां-गेवथाडै
बैसागनि आबिराव हायना सारफावदों ।

मैनाथिया मुखुब मानोबा हांखुर
इसाननि गोरबोआव आगर एरखांदों,
फालि दाना र 'जेनो हरनो
उदाड बैसागि आगर एरखांदों ।

हारिखौ अननायनि मुडव गोरबोनि खन्थाइ

-राजेश बर'

थोजासे जाबाय
आरोबाव एना-एनि दाजासै
बिमानि मोदैखौ मानो दासिमबो नुवासै.. ?

दुखुथिया बर' बिमाया
फिन दावहा नायनो लुबैयाखै
सिथ्ला गंसेयावनो
गावजों-गावनि गेजेराव
थैनि आबिर गेलेनायखौ नागिराखै

गावनि फिसाफोरखौ
फिन खनसेबाव दाउ, अमाफोरबादि बुथारजानो लुबैयाखै
दाइ गैयै आइजोफोरखौ
फिन खनसेबाव जिनाहारिनि बोलि जाजानो लुबैयाखै
फिन खनसेबाव रान्दिनि मोदै हुगारजानो लुबैयाखै

मुलुगाव गुबुन हारिफोरा सोलोंथाइनि जांख्लाजों
गोजौ सिरियाव सौहैबाय
जोंहा माथो गावजों-गाव सोंखारिलायनायावनो समा बारलांबाय

दा समा नड हाथियारजों गेलेनायनि
बेल 'नो लामा नड उदांसि मोननायनि
जों जांख्रिथाइ लाबोनांगोन सोलोंथाइनि
जों जांख्रिथाइ लाबोनांगोन थुनलाइनि
जों जांख्रिथाइ लाबोनांगोन हारिमुनि
जों जांख्रिथाइ लाबोनांगोन आबादनि
जों जांख्रिथाइ लाबोनांगोन गेलेमुनि
जों जांख्रिथाइ लाबोनांगोन गोजोन आबहावा सोरजिनायनि

बेफोरनो लामा जागोन उदांस्त्रिनि
 बेफोरनो खौरां लाबोगोन गोजोननायनि
 बेफोरनो दुगाथाव मुं लाबोगोन हारिनि
 बेफेरजोंनो नुगोन बिमानि मेगनाव खुसिनि मोदै ।

बेखायनो बुंबाय
 खौसे जानांगौनि सम जाबाय
 दो-दो उन्दुना
 सिमां फुरियाव सिमां सुजुना
 दाथासै बयनिबो उन जानाजाना

सिखांदोदे सांग्रां जादो
 बयबो दावगानायनि फारिखौ लालायदो
 हिंसा-हिंसि जालायना
 गावजों-गाव हाब्रु सारलायना
 माथो मोनगोन नायदो बयबो सानना ।

गोसोजों गोसो गोरोबना
 बयबो गावनिनो असे सानलायना
 फैदो फै खौसेथिनि दौलेडाव
 ज' जालायदोनि गेरेमसा हारि दानांगौनि सार्थआव
 नों दा नागार आं दा नागार
 फोसाबनांगोन हारिखौ जेंना जेंसि बोखार ? बोखार ।

जोंहालाय मानिथो आंखाल
 दाजासैल' गावजों-गाव दुम दाखाल
 दंजोबथारो आंगो, राव हारिमु, सोदोमस्त्रि
 माबोरैथो खोमाना लानो खास्त्रि बिस्त्रि बिस्त्रि.. ?

फैदो फै सोरजिदिनि गोजोन थासारि
 रायजो जानो हानायबादि लारि लारि फारि फारि
 फोथानानै लाखिनांगोन राव, थुनलाइ, हारिमु
 अरायबो बहुमनि बिखायाव रुजु-रुमु
 सिनायथि होनो हारिखौ मुलुग दरबाराव
 दैखांलांनो हारिखौ जौगानायनि गोजौ सिरियाव ।

गारांसेयै रोजाबनांगोन जों खौसेथिनि मेथाइ
 हारिखौ अननायनि मुडाव
 बेनो आंनि गोरबोनि खन्थाइ ।

जोंनो नांगौ सुबुंनि सोमावसारनाय

-सैनेन बसुमतारि

“बे हायाव जेसेबांखि गोथौसिम जावा मानो,
जोंनि आबै-आबौनि बेगेंखौनो मोनगोन”
बेसेबां ओंथि गोनां दैदेनगिरिनि बे रावा,
सुबुंनि गोबोंआव थैरोडि बायदि माहारिबाद सोमजिहोयो ।
रोजा-रोजा सुबुंनि सोमावसारनाय
अख्रां नांगा-नांगा होस्त्रिखावनाय
जै बर'हारिनि, जै बड'लेण्डनि ।
गोसोखांबा गोजांस्त्रिउ मोनो बै थासारिखौ....
दिनैबो जोंनि हिंसायारिफ्रा जोंखौ मिनिदों
जोंखौ बिमा बाथुल नोजोरजों नायदों,
नाथाय हारिखौ जोंनो दानांगोन
जारिमिनखौ जोंनो सोरजिनांगोन
आरो जोथोनैबो लाखिनांगोन ।
जारिमिनखौ बोलानानै नाय बर'फोर.....
सोमावसारनायनि अनगा जों
ओरैनो माबा मोनसे मोनफेरदोंना ?
ओहो, मोनाखै मोनाखै....
जारिमिना रावखौबो फोलाया ।
सोमावसारनायजों बर'फोरा
माबा नड माबा मोनसे मोनबोदों,
नाथाय बेनि देरसिन फिथाइया जादों-
सोमावसारनाया खौसेथिनो बेन्दोंखौ गोरसिन खालामदों ।
सुबुंनि माहारिबादखौ गोख्रोंसिन खालामदों ।
“थां आरो थांनानै थानो हो” मोन्थोर फोरेंबोदों,

मुलुग दरबाराव सिनायथि होबोदों,
जायनि दारै दिनै बर'फोरा बे थाखोआव सौफैबाय ।
फारसेथिं हाथियारनि सोमावसारनायजों
जेसेबां फिथाय थायोदों,
बेनि बांसिन बर'फोरा खहासो जादों, मानोना
जों समाव गोरोन्थियै गावनिखौनो खोमाना लाबोदों ।
जों समाव गोरोन्थियै गावनिखौनो खोमाना लाबोदों ।
बेनिखायनो, नांगौ जोंनो सुबुंनि सोमावसारनाय ।

थुफिनाय गोसोनि बिबार

-मिथिसार ब्रह्म

जोनोमगिरि बिमानि
दुंबुद बोसोनाव
थुफियो गोसोनि रंगिना बिबार ;
जेराव सारफ्रावयो सोरांनि फुंखा
बेवहायनो जोनोम मोनो
जोबरोडै गोसोनि थुलुंगा ।
सानस्त्रिफोरा गोसो गोनां
जाय मिथिंगानि गोबां
मोखथां फोरमानथिनि बिदिन्थि ।
बिनि मोनफा जाथायनि थडव
जिउनि दिंग्रायबिन्दोआ बरायो
बुहुमलुर इसानसालिआव
रेगे-रेगां आगर सुखाडे
बेवनो उसिफावयो
आबुंसे जिउनि गाथोन ।
जोनोमगिरि बिमानि
गोदान सानदांथिआव
मिजिंबह्म अखां दाहैनायनि
बाणगोनां बोहैथि रादाइफोरा
सोदोमस्त्रिनि रोसिगोनां आखु ,
बोहैथि हालुरनि गुबुंले बारहावा
बिरथिंलांगोन थिउ जोमै दाखा ।
खारसुमै जिउनि आगानखौ
गाखोमोरगोन सोर माबोरै ?
अरखि, अरखि बियो अरखि
रोहो-रोहो अरखि ;
साल बन्थ 'नि !
आइनि बेस्त्रां मेगननि !!

दावबायारि

-दिपक बसुमतारि

आगानसे आगाननै
आवगायलाडे आं अरायबो
सानफा दफा आगानफा
नाजाथाबो जुजिलाडे आं
फासयफिना जेन्नानै ।

जिउनि दिडा बेयो
जेन्नायनि उनाव देरहानाय
दिनै दुखुब्ला गाबोन सुखु
इसे गाबनाय, इसे मिनिनाय ।

जिउवा मोनसे दावबायथि
दान्दिसेनि थाखुलि
जिउवा जेरै मोनाबिलि, फुंबिलिबो जिउवा
थायो आं मिनिस्लुयैनो
दुखुनि जोमैया साग्लोबो जेबोला ।

आंजों रावबो थाफायाब्ला
दंफायो आंनि गोदै सिमां
जेराव दान्दिसेनि दुखुनि थावनि
दंफायो फार्से सुखुनि सायख्नुम ।

जिउनि गोजौ गाहाय लामा
गोजानथार आंनि मावथांखि
सुनि गेजेरजों दावबायोब्ला
संदांगोन सानसे समायना मोदोमफु बिबार ।

आं गिया

-जेनेभा मुछाहारि

फिथिगमखौ आं गिया
 खोमसियाबो आंखौ सिगिया
 नुस 'हायै गोहोखौ आं गिया
 गोथैखौबो आं गिया
 नाथाय
 गोरबोजों गेलेग्रा अनसेमानि
 गाब सोलाय-सोलाय अननायखौ
 आं थोर-थोर गियो ।
 गोदै-गोदै रावजों
 गोसो फेलेमग्रा
 बैफोर सुबुंखौ आं गियो ।
 लोगोसेयै गोदै सिमां रनसायना
 लामा ससेयाव आखाय मुथिखौ
 ज्राब नारखारना गुबुन लामा लाग्रा
 बैफोर सुबुंखौ आं गियो ।
 गिख्रंथावना मोसा-लखाया आंखौ सिगिया
 लामानि खारलांनाय सैमा फाग्लायाबो
 आंखौ होसोया ।
 गुदुं बालानि खामनाय आफानि
 ज्रोम-ज्रोम आलौनाया आंखौ सोगाबा
 नाथाय

दानि सोलिनाय सुबुंस्त्रिया
 आंखौ संखिहोयो
 गोरबो फिसानि गाबखावनाया
 रिहाबनाय खोनायै खोमाखौ,
 आं मुगैयो ।
 थासारिया आंखौ संखिहोयो
 आय' मुगाया बबे लामाजों ?

गोरबोनि बिसम्बि (चनेट)

-कामेस्वर बसुमतारि

लामानि गोरान अनथाइबादि
 जिउ गैयै गोरबोबादि
 नेनानै दं बै लामानि गेजेर दथ 'खायाव
 बोहैहोना मोदै दैमुनि गोरबोयाव

गोरबोनाय गैयै गोरबो, बिषसो जिउनि
 गोसो गैयैजों हानथिनाय, लामा जिवनि
 गोरबो उसिफावनाय मिजिं, हाबिलासयै
 अनजालिनि बिथं नागिरै नागिरै...

बुफ्लेजाबाय गोरबो फाखनजों हरै
 थेर बेथेर जालांबाय जिवनि लाइथुन एरै
 बिसम्बिआव सेबखांजायै सल 'न्थाइमा

गोजावलांबाय अनजालिनि दाहारजों हांमा
 फैफिननायनि इसारा दंबोला जानानै ना खुरसा
 गोमजोरयै नेगोन अराय नोंखौ बै गाथोनाव

लाइमोन

(सनेत)

-मनमहन बसुमतारी

टिक टिक गिदिडे सान हर
जिरायनाय गैया मेंनो रोड
बेसेबा बोलो गोर सेंगोरा
रुजु जाया बेनि समायना महर।

खायफाया रेंगौ, खारफायो फाराफारि
इसाननि गेलेनाय माखु बादि
बिलिरो सिमांनि रंगिना आलि
रेगे रेगां आरो गोबां सानबोलावरि।

नाथाय बेरेफुंजानि असे सुखेया
एरायबाय सिखावै रोमै रोमै गोजानाव
बेलासेनि रिनाय जोबया फाव
थारै बेयो मानि इसारा ?

बेलासे गैया समनि जौमोन
गुबुंले जाया, बेयोदि लाइमोन।

सावगारि

-हरेश्वर नार्जारी

दागो फोनै फोनै
सोदोब जथाय जथाय
जेब्ला जिनिर फोनो
अब्ला सायख्लुमाबो नॉनि जानानै थाया
आबुंसे जामुंजों
उदै बुंफबनाय
दोगोन थांहोनो बेसे आंखाल समा
आखाइ मुथुम मुथुम
आसि खेबथाब खेबथाब
सायख्लुमजों सायख्लुमाव
सावगारिनि आग 'र
गान्दै फोलोम फोलोम
एखोमा एखोमा आजावो बावथोब
दोगोन जायो गलियो
बेयाव दा
गोबां मुसुखानि मेला
आगाननि आफाखि
गोरोबलांनाय हाद्रियाव
सोदोबा दामो दामजु
सायख्लुमफोरा गेलेयो
सिमांफोरा मोसायो
थांखिखौ गोबाना
लामानि आन्थोर गाग्रोमनानै।

मोनसे आद्रा सिमां

-खोदोम बसुमतारी

आं गोबाव समसिमहालागै नेदों
 समफोरा सानसे साननै बेबादिनो बारलांदों
 बारलांफादों गासैबो मिर्जिनि हाबिलासफोराबो
 आंनि आद्रा सिमांनि साया नागिरनानै
 समायना दैदाक हाजोनि हायेनाव
 उदांस्त्रिनि मुसुखा गायसननो ।
 नोंनो गिबि, थारैनो नोंनो गिबि
 सुथुरनि गुलियाव बिखा फोरदानदों
 जेन' आगोमा जिउवा
 गावनि थाखाय बेसेन गैया
 बेसेनथिया नैबे हारिनि थाखायसो ।
 आंनि मोनसे आद्रा सिमां
 नोंनो मुगानि थान्दै
 अमर जिउ, अमबृतनि रोसि
 नों मुंख्लं जोहोलाव ।
 आंनि मोनसे आद्रा सिमां
 साननि उनाव हर, हरनि उनाव सान
 नैबे लामाजोंनो हान्थियो
 आंनि आरो जों गासैनिबो साया नागिरनानै
 दैदाक हाजोनि हायेनाव
 उदांस्त्रिनि मुसुखा गायसननो ।

गुबै जेन्नाय

-रुबिला बसुमतारी

सुबुंनि देरसिनथार जेन्नाया बै समाव जायो
 जेब्ला गाव थार गेबें जानानैब्लाबो
 गोरान्थि सुबुंनि खाथियाव गंग्लायनाडे ।

आजोलि सुबुंनि देरसिनथार गोरान्थिया बेनो-
 सालाखि सुबुंनि आंगो दिन्थिनायाव फोथायब्रेयो
 गावनि आत्मा फोथायथिखौ बावगारलाडे ।

इसिबांमानि नों आजोलि दाजासै
 बाखनाय लानायजों दागलिसै
 गावखौनो नेहाद खालामना दालासै ।

जों साफ्रोमबो मोनफा गेदेमा आत्मा
 जों जायखौ फारियाव मोन्दों मावनां हाबा
 बेखौ रावबो गुबुना साबसिनै मावनो हाया ।

इसेल' ग्यानजों अहंकार दाजासै
 रागाजों गावखौ दाखामग्लिहोसै
 खैसारिनि सोदोबफोरजों दागाद्लिनसै ।

सानख' हायै दुखु

-मनिका गयारि

मोनथिया आं
 बहानिफ्राय बबेनिफ्राय
 सानख'हायै दुखुआ
 हरखाबै साग्लोबफैखो आंखौ,
 सानगौ आं आसि बिजौआव
 नाथाइ आं सानख' हाया ।
 हाजोनिफ्राय दै बाजरुमनाय बादि
 जिरि जिरि बोहैसै
 दुखुआसो आंनि जिउआव ,
 आं मोनथिया मा दायनि
 साजा होखो आंखौ ।
 माब्लाबा
 गावखौनो दुखुनि गेजेराव
 हारसिंयै साग्लोबजानायसो
 मोनसै,
 आं सानसै मुलुगाव दुखुथिया
 आंल' रावबो गैया दुखुनि आन्दोआव ।
 गुबुननि मोखांआव सुखुनि
 गोजों जायगा दं,
 नाथाइ आंनि गोर्बोआव
 खिनथाख' हायि दुखुनि
 बान्दोलासो बुंफबनानै दं ।

गोरोन्थि आरो सोदांनाय

-निर्मला नार्जारि

गोरोन्थि आरो सोदांनाय
 बे मोननैआ बिमाव ।।
 गोरोन्थिआव सैनांगोन नों दुखु-दाहा ।।
 सोदांनो हाब्ला मोनगोन नों नागिरना
 रंजा-बाजा,
 गोरोन्थिनिफ्रायनो संनानै मोनगोन नों सुखु
 गोजोन
 गावखौ सोदांनो रेंब्ला ।
 गोरोन्थिया जाफ्लाडो
 बियो दि सैथो ।
 नाथाइ,
 खायसेया गोरोन्थिखौनो थोंजों मावथारनो
 थांखियैनो मावथारसै दाना ।।
 आथिखालाव गावनि गोरोन्थिखौ सिमान ? जाग्र
 मानसिखौ आखाइनि आसि बिजौआवनो साननो
 हासै दाना ।।
 खायफायाथ' गोरोन्थि मावनानै गोरोन्थिखौ नो
 सिमान जाखाया,
 आसि थुना दिन्थिब्ला जाखाबायसो
 दान्थे-बिदान्थेया ।।
 गावखौनो गाव सोदांनायाथ' गोजाननि बाथ्रा ।।

आंनि आइआ नोरजिया नाख्रेबजानाय

-रैसुमै बर'

आंनि आइया दा फेरलेबसे थिलि गैलिया
असे फिसाफोराबो दा मानोबा सैया सैया,
आंनि आइआ नेवसिजानानै मोदै हुगारनाडो
दा बिसोर जायगा होयो गुबुन फिसाफोरनि बिमा
आंनि आइखौ अनोबोला दा बिसोर मिनिग्रा जाबाय ।
आंनि आइया नोरजिया नाख्रेबजानाय
बाश्रा बुंनो हाया
दिल्ली गेदेर गेदेर नोगोर मेल मिथिं दावबायनाय
बिमानि गोदै राव खोनासंनो मोना
बिमानि मिलौहाब सिफुंनि देंखो खोनानो मोनलिया
आइनि जोनोम गामियाव,
गावनि फिसाफोराबो दा जायगा होलिया
गामि सहर फोरबो मेला
नेवसिनो सोलोंबाय आइनि गोदै राव
नागारनो हमबाय आइनि हारिमु खसाब,
गुबुन बिमानि खसाब रावाव
गोदोहाबनानै गोथौसिनाव सानस्त्रियो
आइया मोदै हुगारै हुगारै आगोर मोना जाबाय
खोनासंलिया आइनि गोदै रोजाबनाय देंखो
रायज्लाया आइनि गोदै राव
सिनायलिया आइनि समाइना दख 'ना आगर आखाय ।

नोंनि मोखांसे महराव

-जोंमा ब्रह्म

नोंनि महरसे महराव
गोरोबफानो गोसो जायो
गोथां बिलाय गोरलै बिथ 'राइफोरजों
गाब गोनां महरफोरबायदि
गोजोन निजोम जोंब्लावरिनि जोंथाय
हुस मोनै गोरबोआ
सोरां फारसे आवगायफानो गोसो जादों ।
मुलुग दरख 'डव नोंनि महरसे गाबजों
आबुं गोसोनि सानायखौ फोरमायनो
जायगा होनो
सानाय मोनसे हांखुरजों
सिनायथि होनो
सोरजिनि गाब गोनां फैसालिआव
खहाब गोनां सल' बाथानि बाश्रा,
मोनदांथिनि बाश्रा
निजोम खनथायनि बाश्रा ।
जाखांफैयो गोरबोसे
हांमायाव...
अब्ला जाखाडो नोंनि महरनि
महरसे गाबा
बोदोर बावलि हांमायाबो
सम दानै दानै जायगा लायो
गोरोबसे जानो जुजिबायदों
नोंनि महरसे जिउ बुब्लिआव ।

मिथिखा

-मनिराम बरगयारी

आरो बेसे गोबाव ?
 नों दं होनना आंजों
 बायलं गोसोखौ गोजोन होनो,
 बुजिस' हायै दासान, गुमुरखौ मोनबाय आंबो,
 हमदांसआखै नॉल'सो जानांगौ सानदों ।
 नाथाय.....
 सम बुल्लियाव
 आंबोदि साखाफारा
 बेखौ थिना ला ।
 गोसो दायेरियाव दं
 आंजे फोरमायदों- मिथिहोदों
 जाय बुल्लियाव नों रुखु-रुखु गाबनाय,
 हांमा सुरहाबनाय,
 आनदायनायजों सोमखे महर नों
 थिदोंमोनब्ला सिबबायाव
 गोसोखां फारि फारि ।
 बिजिरदोंना खोलि जुग ?
 दिनै मोहेरदों आंखौनो,
 नाथाय मिथिखा
 माराम जाफबनाय सिखा-गाजोलनि बिसखौ ।
 नोंनावल' गैयाना ?
 रोहो रोहो जोंनाय बन्थनि अरा
 बेखौ मिथिखा ।
 जुजिगोन अराय जुजिलांगोन
 नोंजोंल' नड्ड
 मुलुगावनो थाना थानो गोदान मुगाजों
 देरहासारनाय आरो जाफुंसारनायखौ सिगाड्डव लाना ।

जुजायनि अर

-सुदेमा बरगयारी

दडमोन आंहाबो मोजां मोननाय
 जोंनि कलेज आवनो फरायनाय
 फोरमायनोसो नाथाय हाया जाबाय
 बुंस्लाब मोनै गुबुनखौ बेहा सायख'बाय ।
 मानसियालाय नड्डमोन महर गोसा
 नाथाय गोसोआव बेल'मोन साया माया
 मिथिलांगोन सानदोंमोन आं आंनि अननाय
 नायफिन थारासै नाथाय आंनि थिंजाय ।
 माब्लाबा रागाजों बुंनो सानगारो आं
 आदा स'नालाइ माखौथो देखाय थारोसि
 नोंलाय आजां गाजांलाय
 आंनि मोजां मोननायखौ मिथिथारैलाय ।
 नाजायो गोसोआ दाबोनो
 मोजां मोननाय गोनांखा नड्डबा बेजोंनो
 थाबथायो नाथाय आंनि उनावबो
 सेंग्रा मोजां मोजां मेरला दंखायबो

गाहाइ नेहाथारिनि बोसोरारि फोरमायथि बिलाइ, 2022-23

55थि बोसोरसालिया जथुम्मा, दुलाराय बर' फरायसा आफाद

थावनि : बड'लेण्ड फोथार, रौता, अदालगुरि, बि.टि.आर.

अक्ट' : 27, 28 आरो 29 जानुवारी, 2022

गिबियावनो दुलाराय बर' फरायसा आफादनि जानानै जांख्रिथायारि गाहाम हामब्लाइनाय बाउहरप्रोबाय । दिनैनि बे दुलाराय बर' फरायसा आफादनि अदालगुरि जिल्लानि बड'लेण्ड फोथार रौतायाव जथुमनाय 55थि बोसोरसालिया जथुम्माजों लोब्बा लाखिनानै जथुमनाय थान्दै मेलाव मानगोनां नोंथांमोन गासैखौबो बरायबाय आरो नुजाफैनायनि थाखाय साबायखर होबाय । दिनैनि बे ओंथि गोनां थान्दै जथुमखौ सामलाइनाय थान्दै मेलनि मानगोनां बुंथिगिरि मुस्त्रि जनक कुमार उजिर बिथां, थान्दै मेलावनो नुजानो हानाय दुलाराय बर' फरायसा आफादनि मानगोनां आफादगिरि मुस्त्रि दिपेन बर', मानगोनां बोसोनगिरि मुस्त्रि खुंखा स्वर्गियारि बिथां आरो आफादनि थान्दै मेलखौ बेखेवनो होननानै हांखाइनाय बायदि नुजाफैनो हानाय थान्दै मेल बेखेवगिरि मानगोनां क'क्राझार सोरकारि फरायसालिमानि एस'सियेट प्रफेसार ड० कमल बड'सा बिथां, 55थि बोसोरसालिया जथुम्मानि बान्जाइ आफादनि आफादगिरि मानगोनां मुस्त्रि रबिन्द्र मुसाहारी आरो नेहाथारि मुस्त्रि जोंसार दैमारी बिथांमोनखौ एबसुनि आरो बान्जाइ आफादनि जानानै गोसो गुदुडै बरायो आरो मान बाउयो । बे मेलाव बाहागो लानो हानाय मिरु एबसुनि मानगोनां लोगो आफादगिरि फारियै मुस्त्रि खोरोमदाव वारी आरो मुस्त्रि रोमदोन बसुमतारीजों लोगोसे मिरुनि गासै दैदेनगिरि बिथांमोन, गुबुन गुबुन जिल्ला, राज्यो आफाद, मुलुगसोलोंसालि दालाइनफ्राय थान्दै महरै बाहागो लाफैनो हानाय मानगोनां थान्दै लोगो नोंथांमोन गासैखौबो बरायनाय जाबाय ।

मानगोनां थान्दै लोगो नोंथांमोन, दुलाराय बर' फरायसा आफादनि संबिजिदआ होनाय खान्थि बायदि आं दिनै आफादनि गाहाइ नेहाथारि बिबान थानायलाय आफादनि गासै हाबा मावनायनि फोरमायथिफोरखौ होनो नाजादों ।

नोंथांमोनहा मिथिगौ आथिखालनि मिरु एबसुनि माव समा थांनाय 2022 मायथाइनि फेब्रुवारी दाननि 2 अक्ट'निफ्राय जरिनानै दिनैसिम नोंथांमोननि मदद आरो रायजो-रजानि मददजों बर' हरिनि माहारियारि बाद, खौसेथि, थामोन्थाइ आरो जौगाथाइनि थाखाय जेसे हायो हाबा मावबोदों। बेबायदिनो आफादनि मावथांखि जेरै-आदब आरो गुन गोनां सोलोंथाइ मावथांखि, बड'फा गोजोरथियारि सोलायनाय मावथांखि, राव, थुनलाइनि गुबुन गुबुन हाबाफारिफोरखौ राइजो आफाद, मुलुगसोलोंसालि दालाइ आफाद, जिल्ला आफाद, दख'रा आरो दालाइ आफादफोरनि गोख्रों नाजानायनि गेजेरजों हाबा मावबाय थारों आरो 2020 मायथाइनि 27 जानुवारी खालाराव जालांनाय बि.टि.आर. गोरुबथानि दफाफोरखौ मावफुंनो थाखाय गोख्रोंडै हाबा मावबाय थारों। आफादनि समायखिरा लाखांनाय आरो बिबान रुजुनखांनायनि उननिफ्राय जेसेबां हायो मिरु एबसुनि दैदेनगिरिफोरनि हेफाजाबजों लिरथुमनानै दोननाय गासै हाबाफारिफोरखौ बे गाहाइ नेहाथारिनि बोसोरारि फोरमायथि बिलाइनि गेजेरजों नोंथांमोननो जेसे हायो फोरमायनो नाजानाय जादोंब्लाबो गोबां रायखांजायि एबा थालांनाय हाबाफारिफोर, थुनलाइनि गोदैं रावनि आंखाल आरो गोरुन्थि बानानफोर थागोना रोखा। बेनिखायनो नोंथांमोननि खाथियाव गोरुन्थिफोरनि थाखाय निमाहा बिग्रोनानै आरो इयुनाव सोदांनाय मिजिंखौ लानानै बे आंनि फोरमायथिलाइनि गेजेरजों 2022 मायथाइनि 17 फेब्रुवारीनिफ्राय 2023 मायथाइनि 23 जानुवारी खालारनि गेजेराव मावफुंनाय हाबाफारिफोरखौ गाहायाव फोरमायथिनाय जाबाय।

17 फेब्रुवारी, 2022: एबसुनि जारिमिन लिरथुम आफादनि 2थि सावराय जथुम लानाय।

एबसुनि जारिमिन लिरथुम आफादनि मासिगिरि मानगोनां ड० सुरथ नार्जारीनि मासि लानानै दैदेननायाव जारिमिन लिरथुम आफादनि 2थि सावराय जथुमखौ एबसुनि गाहाइ मावख' बड'फा हाउस बागानसालियाव लानाय जायो। सावरायलायनायनि गेजेरजों बयनिबो बिबुंथि आरो थांखिजों एबसुनि जारिमिन लिरथुम आफादनि इयुन समाव मावलांनो गोनां हाबाफारिनि सायाव गुवारै सावरायलायो।

बे सावराय मेलान एबसुनि आफादगिरि मानगोनां मुस्त्रि दिपेन बर'जों लोगोसे, लोगो आफादगिरि खोरुमदाव वारी, गाहाइ नेहाथारि खनिन्द्र बसुमतारी, बुंथिगिरि जनक उजिर, सुबुं फोनांजाब नेहाथारि दिनेस ब्रह्म आरो गेलेमु नेहाथारि गनेस बसुमतारी बिथांमोनाबो बाहागो लायो।

17 फेब्रुवारी, 2022: चिरां जिल्ला एबसुनि बानजायनायाव जिल्ला सिंनि गुबुन-गुबुन फरायसालिमानि फरायसाफोरखौ लानानै सावरायनाय।

चिरां जिल्ला एबसुनि बानजायनायाव बासुगाव कलेज, बासुगाव जुनियर कलेज आरो बासुगाव हायार सेकेण्डारिनि बर' फरायसाफोरखौ लानानै बर' माहारियारिबादनि सायाव सावराय मेल खुडो। बे सावराय मेलखौ मासि लानानै दैदेन्दोंमोन चिरां जिल्ला एबसुनि सोलोंथाइ नेहाथारि

मुस्त्रि थेबासोन ब्रह्म बिथाड। बे सावराय मेलावनो हांख्रायनाय लेखायै मिरु एबसुनि गाहाइ नेहाथारि मुस्त्रि खनिन्द्र बसुमतारीया गाहाइ बुंथिगिरि महरै बाहागो लायो। सावराय मेलावनो मिरु एबसुनिफ्राइ फारियै गेलेमु नेहाथारि गनेस बसुमतारी, सुबुं फोनांजाब नेहाथारि अबित नार्जारी, बासुगाव कलेजनि गोरायुं ड० रनेन चन्द्र मुसाहारी आरो चिरां जिल्ला एबसुनि दैदेनगिरिफोरा बाहागो लायो।

22 फेब्रुवारी, 2022: बि.टि.आर. गोरोबथानि 5.2 दफा बादियै आसाम सरखारनि प्रिन्सिपाल सेक्रेटारिनि बानजायनायाव एबसु, बि.टि.सि. सरखार आरो आसाम सरखारनि गेजेराव एडभाइजारि कमिटिनि सावरायनायाव बाहागो लाहैनाय।

बि.टि.आर. गोरोबथानि 5.2 दफा बादियै आसाम सरखारनि प्रिन्सिपाल सेक्रेटारिनि बानजायनायाव एबसु, बि.टि.सि. सरखार आरो आसाम सरखारनि गेजेराव एडभाइजारि कमिटिनि सावरायनाया सनितपुर जिल्ला डि.चि. मावखुल्लिनि कनफारेन्स हलआव जायो। आसामनि केबिनेट मन्थि मानगोनां मुस्त्रि उर्खाव गोरा ब्रह्मआ मासि लानानै दैदेननाय सावराय मेलाव गाहायै सनितपुर आरो बिस्वनाथ जिल्लानि हा-हु जेंनानि सायाव गुवारै सावरायलायनानै मोननैबो जिल्लानि दि.सि., दि.एफ.अ. आरो माखासे अफिसारफोरखौ थाबैनो सुस्त्रांनो बिथोन होनाय जायो।

बे सावरायनायाव मिरु एबसुनि आफादगिरि मानाव गेदेद मुस्त्रि दिपेन बर'नि दैदेननायाव फारियै बोसोनगिरि खुंख्रा स्वर्गियारी, नेहाथारि बिरदाव बर', सुबुं फोनांजाब नेहाथारि अबित नार्जारी, सोलौंथाइ नेहाथारि सोमावसार बसुमतारी, सनितपुर आरो बिस्वनाथ जिल्ला एबसुनि दैदेनगिरिफोर, बर' थुनलाइ आफादनि गाहाइ नेहाथारि प्रसान्त बर', मोननै जिल्लानि बर' थुनालाइ आफादनि दैदेनगिरिफोर, सनितपुर जिल्ला एबसुजों दाजानाय जिल्ला एफ.आर.चि.नि आफादगिरि आरो नेहाथारिआबो बाहागो लायो। लोगोसे बि.टि.आर. सरकारनिफ्राय गाहाइ मावफुं सोद्रोमा मानगोनां मुस्त्रि प्रमद बर', डेपुटि चिफ गबिन्द' बसुमतारी, फरेस्ट बिफाननि इ.एम. रन्जित बसुमतारी, बि.के.डब्लिउ.ए.चि.नि गाहाइ मावफुं सोद्रोमा मिहिनिस्वर बसुमतारी, डेपुटि चिफ रमिअ पि. नार्जारी, सनितपुर आरो बिस्वनाथ जिल्लानि डि.चि. मोननै जिल्लानि डि.एफ.अ., मोननै जिल्लानि ए.डि.चि., रेभिनिउ आरो डिजास्टार मेनेजमेन्ट/इडुकेसन, मोननै जिल्लानि डिभिज'नेल फरेस्ट अफिसारफोर आरो बि.टि.चि.नि प्रिन्सिपाल सेक्रेटारि नरेन चन्द्र बसुमतारीआबो बाहागो लायो।

2 मार्च, 2022: बड'लेण्ड दाबि सान फालिनाय।

जारिमिनारि बड'लेण्ड दाबि सान (BODOLAND DEMAND DAY) जों लोब्बा लाखिनानै मिरु दुलाराय बर' फरायसा आफादआबो आफादनि गाहाइ मावख' बड'फा हाउसआवनो फुंबिलिनि गोथार आर'जखौ जागायनानै आफादनि फिर्फिलाखौ बिरहोयो एबसुनि लोगो आफादगिरि मानगोनां

मुस्त्रि खोरोमदाव वारीआ आरो बड'फानि सावगारियाव बिबारखौ बाउजेनो बुंथिगिरि जनक उजिर बिथाड।

3, 4 आरो 5 मार्च, 2022: एबसुनि 54थि थान्दै जख'न्थाइ खुंफुनाय।

मिरु एबसुनि 54थि थान्दै जख'न्थाइया सान्थामनि मेहेरगोनां हाबाफारिजों कार्बि आंलं जिल्लानि लांहिन नोगोराव थानाय हाजोआरि फोथाराव 3 मार्च, 2022 खालारनिफ्राय जागायो। मिरु एबसुनि बुंथिगिरि मानगोनां मुस्त्रि जनक उजिर आरो लोगो बुंथिगिरि बिबारि बर'आ मासि लानानै दैदेननाय थान्दै मेलखौ बेखेवनानै होदोंमोन बि.आर.एम. सरखारि आयेन फरायसालिमानि एसिस्टेन्ट प्रफेसार ड० प्रहलाद ब्रह्म बिथाड।

नैथि साननि गिबि हाबाफारि बायदियै फुंबिलिनि गोथार आर'जखौ जागायनानै एबसुनि गोथार फिर्फिलाखौ बिरहोयो मानाव गेदेद आफादगिरि मुस्त्रि दिपेन बर'आ। थिखानाय हाबाफारि बादियै बड'लेण्ड मुंख्खंफोरनो बिबारखौ बाउजेनो एबसुनि बोसोनगिरि मानगोनां मुस्त्रि खुंखा स्वर्गियारिआ आरो बर'नि गेदेमा अलंबार सुबुंफोरखौ मान बाउनानै आलारि बाथिखौ फोजोंजेनो साहित्य' अकाडेमि बान्था मोनगिरि मानगोनां ड० प्रेमानन्द मोसाहारीआ।

मिरु एबसुनि लोगो आफादगिरि मानगोनां मुस्त्रि खोरोमदाव वारीआ मासि लानानै दैदेननाय “गोदान सोलोंथाइ बिखान्थि 2020 आरो बिमा रावनि बिजोंजों गुनगोनां सोलोंथाइखौ जौगाहोनायाव जुजिनां बिथिं” आयदानि सायाव गेवलां सावराय मेलनि बेखेवगिरि महरै बाहागो लायो आसामनि सोलोंथाइ मन्त्रि मानगोनां ड० रनुज पेगुआ। हाबाफारियाव जर'खा आलासि महरै बाहागो लायो मुंदांखा लिरगिरि, ससियेल इन्टाप्रेनारसिफ, चाइनटिस्ट आरो ए.पि.जे. आबदुल कालाम चेन्टारनि चि.इ.अ. आरो क'-फाउण्डार श्रीजन पाल सिंआ। बे हाबाफारियाव बुंथिगिरि महरै बाहागो लाफैयो मुस्त्रि जगदिश प्रसाद ब्रह्म (ए.इ.एस. सोलोंथाइ बिथोनगिरि, बि.टि.सि.), मुस्त्रि कृष्ण गपाल बसुमतारी (बिथोनगिरि इड.एन.एकाडेमि, क'क्राझार) आरो थांखिजानाय बुंथिगिरि महरै बाहागो लायो ड० समुज्जल कुमार भट्टाचार्य (गाहाइ बोसोनगिरि, आसु) बिथांमोनहा।

गुबुनफारसे, गौहाटी मुलुगसोलोंसालिनि सुबुं हारिमु बिजिरसं बिफाननि, बिफान गाहाइ, प्रफेसार अनिल बर' बिथांनि मासि लानानै सामलायनाय जर'खा खन्थाइ जथुम हाबाफारिखौ आसामनि केबिनेट मन्त्रि मुस्त्रि उर्खाव गोरा ब्रह्म बिथाड बेखेवनानै होयो। बे हाबाफारियावनो सानजा क'क्राझार बियाबनि एम.एल.ए. मानगोनां लरेन्स इसलारी, गागि थुनलाइगिरि फारियै साहित्य अकाडेमी बान्था मोनगिरि ड० प्रेमानन्द मुसाहारी, बर' थुनलाइ आफादनि बारग' लोगो आफादगिरि बिशेश्वर बसुमतारी, साहित्य अकाडेमी बान्था मोनगिरि अरबिन्द उजीर, रीतुराज बसुमतारी आरो गोबां खन्थाइगिरि बिथांमोनहा बाहागो लानानै हाबाफारिखौ जाफुंसार खालामो।

थामथि साननि हाबाफारि: थामथि साननि हाबाफारि बादियै हारिमुवारि हानजा सुरनाय हाबाफारिखौ फ्लेग अफ खालामनानै होदोमोन साहित्य अकाडेमि बान्था मोनगिरि मुस्त्रि अरबिन्द उजिरा ।

जथुम्माजों लोब्बा लाखिनानै खुंनाय गेवलां मेलखौ मासि लानानै दैदेनो दुलाराय बर' फरायसा आफादनि मानाव गेदेर आफादगिरि मुस्त्रि दिपेन बर' आ आरो गेवलां मेलखौ बेखेवना होयो आसामनि केबिनेट मन्त्रि मानगोनां मुस्त्रि उर्खाव गोरा ब्रह्मआ । मेलआवनो गाहाइ आलासि महरै बाहागो लायो के.के. हेन्दिक स्टेट अपेन इउनिभारसिटिनि बरग' भाइस सेनचेलर ड० हितेश देकाया आरो जरखा आलासि महरै बाहागो लायो आसामनि गिबि मन्त्रि मानगोनां ड० हिमन्थ बिश्व शर्माया ।

8 मार्च, 2022: मुलुगनां आइजो सान फालिनाय ।

मिरु आरो क'क्राझार जिल्ला एबसुआ जथायै सा क'क्राझार दख'रा एबसुनि बेन्दोडव थानाय इरागदाव नब्लांआव 8 मार्च मुलुगनां आयजो सानखौ **“Gender Equality Today for a Sustainable Tomorrow”** आयदाखौ बिथा खालामनानै सानसेनि मेहेरगोनां हाबाफारिजों खुंफुनाय जायो । हाबाफारि बादियै फुंबिलिनि गोथार आर'जखौ जागायनानै आफादनि गोथार फिरफिलाखौ बिरहोयो एबसुनि नेहाथारि थरायना रंगिना बरगयारीआ । मुंख्लं खाम्फायाव बिबारखौ बाउजेनो लोगो बुंथिगिरि थरायना बिबारि बर'आ आरो मुंख्लं गाइदे बसुमतारीनि सावगारियाव बिबार बाउजेनो लोगो हारिमु नेहाथारि थरायना कनिका बर'आ । मुंख्लं हेलेना बसुमतारीनि सावगारियाव बिबार बाउजेनो आइजो लिरगिरि गौथुमनि गाहाइ नेहाथारि मुस्त्रिमा धीज्यु ज्योति बसुमतारीआ । बे गेवलां सावराय मेलवाव गाहाइ आलासि महरै बाहागो लायो जनता फरायसालिमानि लोगो बिबुंगोरा ड० चिर'थि स्वर्गियारीआ आरो बुंथिगिरि महरै बाहागो लायो बर' आयजो लिरगिरि गौथुमनि आफादगिरि मुस्त्रिमा उत्तरा बैसोमुथियारी बिथाड ।

11 मार्च, 2022: सेबानि सेयारमेन आर.चि.जैनजों सावरायनाय ।

मिरु एबसुनि आफादगिरि मानाव गेदेद मुस्त्रि दिपेन बर'नि दैदेननायाव मिरुनि मोनसे थान्दै हानजाया मेट्रिक आनजादनि सायाव सेबानि सेयारमेन मानगोनां मुस्त्रि आर.चि.जैनजों सावरायलायदों । आर.चि.जैनखौ लोगो हमनानै 15 मार्चनिफ्राय जानो गोनां मेट्रिक आनजादखौ मोजाडैनो खुंफुनाय, 2022 नि मेट्रिक आनजादा 60 जौखोन्दो सेलेबासनि सायावनो जानाय, कभिड-19 जों गाग्लोबजानाय फरायसाफोरखौ आलादा ख'थायाव आनजाद लिरहोनाय, आनजाद समाव जाहाथे कारेन्टआ दसेबो थाड बिनि थाखाय ए.पि.डि.चि.एल.नो लाइजाम हरनानै राहा खालामनाय आरो मोनफ्रोमबो आनजाद हलआवनो चि.चि.टि.भि. खौ आबुडै होजोबनाय आइदाफोरखौ लानानै गुवारै सावरायलायो ।

13 मार्च, 2022: बि.टि.सि. नि सोलोंथाइ बिफाननि बान्जायनाय सावराय मेलआव बाहागो लाहैनाय ।

बि.टि.सि. नि सोलोंथाइ बिफाननि बान्जायनायाव सोलोंथाइनि गोबां गोनां-गोनां आयदाखौ लानानै दिनै बि.टि.सि. सेक्रेटारियेटनि कनफारेन्स हलाव सावरायनाय जादोंमोन । बे सावराय मेलआव सोनाब बंग' (West Bengal) राज्योआव इं 2015 माइथायनिफ्रायनो बर' राव सोलोंनाय मिरु (Bodo Language Learning Centre) नि सोमोन्दै गुवारै आरो गेबेडै सावरायनायजों लोगोसेनो School Amalgamation आरो School Merger नि सायावबो गुवार आरो गोथौयै सावरायनाय जायो । लोगोसे Backlog posts, OBB teachers appointment, drop post आरो फरायसालिमाफोराव थालांनाय बिफानफोरखौ regular खालामनाय बायदि बायदि गोबां गोनां-गोनां आयदाखौ लानानै सावरायनाय जायो ।

बे सावरायनायाव मिरु दुलाराय बर' फरायसा आफाद, मिरु बर' थुनलाइ आफाद, सोनाब बंग' बर' थुनलाइ आफाद, सोनाब बंग' दुलाराय बर' फरायसा आफाद, सोनाब बंग' बर' समाज आरो क'क्राझार, चिरां, बाक्सा आरो अदालगुरि जिलानि IS बिथांमोना बाहागो लानानै सावरायनायखौ दैदेनदोंमोन बि.टि.सि. नि सोलोंथाइ बिफाननि सेक्रेटारी अमर ज्योति बर्मन, ACS बिथाड । बे सावराय जथुमाव बि.टि.सि. नि गाहाइ मावफुं सोद्रोमा मुस्त्रि प्रमद बर' बिथाडबो online नि गेजेरजों सावरायनायाव बाहागो लायो ।

हाबाफारियाव मिरु एबसुनिफ्राय फारियै मानगोनां आफादगिरि मुस्त्रि दिपेन बर', लोगो आफादगिरि खोरोमदाव वारी, गाहाइ नेहाथारि खनिन्द्र बसुमतारी, लोगो गाहाइ नेहाथारि दिनेश ब्रह्म, सुबुं फोनांजाब नेहाथारि सरनजित नार्जिनारी आरो सोलोंथाइ नेहाथारि सोमावसार बसुमतारी बिथांमोना बाहागो लायो ।

25 मार्च, 2022: भारतनि केबिनेट मन्थ्रि मुस्त्रि अर्जुन मुण्डाखौ लोगो हमहैनाय ।

दुलाराय बर' फरायसा आफादा दिल्लीआव बर'नि माहारियारि फोर्बो आगु रंजालि बैसागु फालिनो थाखाय गाहाइ आलासि महरै बाहागो लाहोनायनि थांखिजों भारतनि केबिनेट मिनिस्टार मुस्त्रि अर्जुन मुण्डा (मिनिस्ट्र अफ ट्राइबेल एपेयार्स) खौ लोगो हमनानै हांखायलाइखौ गथायनाय जायो । बे हांखायलाइ हैनायाव मिरु एबसुनि मानाव गेदेर आफादगिरि मुस्त्रि दिपेन बर'जों लोगोसे लोगो आफादगिरि खोरामदाव वारी आरो नर्थ इस्ट इउथ फाउण्डेसननि फाउन्दार रन्जन कुमार बरुवायाबो बाहागो लायो ।

30 मार्च, 2022: जोहोलाव बालिराम बर'नि 26थि मुंख्लं सान फालिनाय ।

जोहोलाव बालिराम बर'नि 26थि मुंख्लं सानखौ देग्लाय मिरु आरो अदालगुरि जिल्ला एबसुआ

जथायै देउलगुरिनि हरिसिंगा माल्टि पार्पस हिनजावसा गोजौ फरायसालिनि गेलेग्रा फोथाराव सानसेनि हाबाफारिजों खुंफुंनाय जायो । हाबाफारि बायदियै जोहोलाव बालिराम बर'नि मांख'रसालियाव बिबार बाउजेनो एबसुनि लोगो आफादगिरि मानगोनां मुस्त्रि खोरोमदाव वारीआ आरो जोहोलाव बालिराम बर'नि बिमानि मांख'रसालियाव बिबार बाउजेनो फिसाजो मुस्त्रिमा मनमति बर'आ ।

हाबाफारि बायदियै दुलाराय बर' फरायसा आफादनि फिरफिलाखौ ससे बिरहोयो एबसुनि आफादगिरि मानगोनां मुस्त्रि दिपेन बर'आ । बेजोंनो लोब्बा लाखिनानै खुंनाय गेवलां मेलखौ बेखेवनानै होयो एबसुनि बारग' लोगो आफादगिरि मुस्त्रि रबिन्द्र मुसाहारीआ आरो मेलआव जर'खा आलासि महरै बाहागो लानानै आसामनि केबिनेट मन्थ्रि मुस्त्रि उखाव गोरा ब्रह्म बिथाड जोहोलाव बालिराम बर'नि मुडव सेबखांजानाय “**मुंख्लं बालिराम बर**” बिजाबखौ बेखेवनानै होयो ।

एबसुनिफ्राइ फारियै लोगो आफादगिरि मुस्त्रि रोमदोन बसुमतारी, गाहाइ नेहाथारि खनिन्द्र बसुमतारी, लोगो गाहाइ नेहाथारि दिनेस ब्रह्मजों लोगोसे नेहाथारि आनान्द दैमारि, लोगो बुंथिगिरि थरायना बिबारि बर' सुबुं फोनांजाब नेहाथारि बिरखां नार्जारी आरो थुनलायारि नेहाथारि समित नार्जारी बिथांमोना बाहागो लाहैयो ।

31 मार्च, 2022: बड'फानि गोथार जोनोम सानखौ फरायसा सान महरै खुंफुंनाय ।

बड'फानि गोथार जोनोम सान “फरायसा सान” खौ मिरु आरो क'क्राझार जिल्ला एबसु जथायै क'क्राझार जिल्लानि सिडव थानाय दत'मानि थुलुंगाफुरियाव जथायै सानसेनि मेहेरगोनां हाबाफारिनि गेजेरजों फालियो । हाबाफारि बदिद्यै आफादनि गोथार फिरफिलाखौ बिरहोयो मिरु एबसुनि आफादगिरि मानाव गेदेद मुस्त्रि दिपेन बर' बिथांआ आरो बड'फानि मुसुखायाव बिबार बाउजेनो इउ.एन.एकाडेमि क'क्राझारनि बिथोनगिरि कृष्ण गपाल बसुमतारीआ । बड'फानि खाम्फायाव बिबारखौ बाउजेनो बड'फा उपेन्द्र'नाथ ब्रह्मनि बिबाजै मुस्त्रिमा बिमला ब्रह्मआ आरो गोजोन आरो खौसेथिनि थाखाय फारौ आरो बेलुन बिरहोयो क'क्राझार फरायसालिमानि आजिरा मोननाय गोरायुं ड० बिनय कुमार ब्रह्मआ ।

फरायसा सानजों लोब्बा लाखिनानै “**बड'फानि सान्थौ आरो सानस्त्रिजों माहारिबाद, सोलोंथाइ, बिगियानारि, समाजबाद आरो रांखान्थि बिथिंखौ जौगाखांहोनानै बर' हारिखौ गेरेमसा माहारि गाइसननायाव बर' लाइमोनफोरनि बिफाव**” आयदाखौ लानानै खुंनाय गेवलां सावराय मेलखौ बेखेवनानै होयो क'क्राझार सरखारि फरायसालिमानि आजिरा मोननाय गोरायुं ड० सुरथ नार्जारीआ ।

बे सावराय मेलव जर'खा आलासि महरै बाहागो लायो फारियै एबसुनि बारग' लोगो गाहाइ नेहाथारि मुस्त्रि अनसुला गोरा बड'सा, एबसुनि बारग' लोगो आफादगिरि सनाराम बाग्लारी, एबसुनि

बारग' गाहाइ नेहाथारि परमेस्वर ब्रह्मजों लोगोसे आगुनि गोबां दैदेनगिरिफोरा बाहागो लायो।

10 आरो 11 एप्रिल 2022: गोदान दिल्लीनि दिल्ली हाटआव आगु रंजालि बैसागु फोर्बो फालिनाय।

बर'नि हारिमु, दोरोडारि आरो बर'नि माहारियारि फोर्बोखौ जौगासारहोनाय लोगोसे हादरनि आरो मुलुगनि सुबुंफोरनो मिथिहोनाय नोजोर आरो थांखिखौ लानानै हादरनि राजथावनि गोदान दिल्लीनि दिल्ली हाटआव, दुलाराय बर' फरायसा आफादा साननैनि मेहेरगोनां हाबाफारिजों “आगु रंजालि बैसागु” खुंफुं हैनाय जायो। बे हाबाफारियाव क'क्राझार सरखारि फरायसालिमानि बारग' गोरायुं ड० सुरत नार्जारी, बि.टि.आर.नि गाहाइ मावफुं सोद्रोमा मुस्त्रि प्रमद बर', आसामनि केबिनेट मन्थ्रि उर्खाव गोर ब्रह्म, दिल्लीनि एम.एल.ए. मुस्त्रीमा आतिचि मारलेना, लक सभानि एम.पि. मानगोनां दिलिप चइकिया, राज्य' सभानि एम.पि. रोनगोर नार्जारी, एम.एल.ए. जयन्त बसुमतारी, बि.टि.आर. नि मावफुं सोद्रोमा रनजित बसुमतारी, ड० निलुत स्वरगियारी आरो गोबां समाज सिबियारि, लिरगिरि, मुंदांखा देंखोगिरि, महरगिरि, मेलेमजिबि आरो जिल्ला, दख'रा एबसुनि बिबानगिरिफोरजों लोगोसे रायजो-राजाफोरा बाहागो लाहैयो।

बेजोंनो लोब्बा लाखिनानै गोदान दिल्ली राजघाटनि गान्धी हिन्दुस्तानी साहित्य सभा अडिट'रियाम हलआव “बड'लजि”नि सायाव जर'खा सावराय मेलबो खुंफुंनाय जायो। दुलाराय बर' फरायसा आफादनि मानगोनां आफादगिरि मुस्त्रि दिपेन बर'नि मासि लानानै सामलायनाय बे हाबाफारियावनो क'क्राझार सरखारि फरायसालिमानि बारग' गोरायुं ड० सुरत नार्जारी, बि.टि.आर.नि गाहाइ मावफुं सोद्रोमा मुस्त्रि प्रमद बर', आसामनि केबिनेट मन्थ्रि उर्खाव गोर ब्रह्म, राज्य' सभानि एम.पि. रोनगोर नार्जारी, एम.एल.ए. जयन्त बसुमतारी, बि.टि.आर.नि मावफुं सोद्रोमा रनजित बसुमतारी, ड० निलुत स्वरगियारी आरो गोबां समाज सिबियारि आरो लिरगिरि बिथांमोनहा बाहागो लायो।

15 एप्रिल, 2022: रंजालि बैसागु फोर्बो फालिनाय।

दुलाराय बर' फरायसा आफादआ क'क्राझार जिल्ला एबसुजों जथायै गोदान बोसोर रंजालि बैसागुखौ बरायनानै क'क्राझारनि के.डि.एस.ए. गेलेग्रा फोथाराव सानसेनि मेहेरगोनां हाबाफारिजों खुंफुंनाय जायो। हाबाफारि बादिथै फुंबिलिनि गोथार आर'जखौ जागायनानै आफादनि गोथार फिरफिलाखौ बिरहोयो मिरु एबसुनि आफादगिरि मानाव गेदेद मुस्त्रि दिपेन बर'आ। बैसागुनि फिरफिलाखौ बिरहोयो जनता फरायसालिमानि गोरायुं ड० सुबुं बसुमतारीया, गोजोन आरो खौसेथिनि थाखाय फारौ बिरहोयो एबसुनि गाइसनगिबि सोद्रोमा आरो ट्राइबेल संघनि बारग' आफादगिरि मानगोनां

मुस्त्रि रन्जित बरगयारीआ। बे रंजालि बैसागु फोर्बो फालिनाय हाबाफारियावनो आसामनि केबिनेट मन्त्रि मानगोनां मुस्त्रि उर्खाव गोरा ब्रह्म, राज्य' सभानि एम.पि. रोनगोरा नार्जारी, सिदली समस्टिन एम.एल.ए. जयन्त बसुमतारीया बाहागो लाफैदोमोन। लोगोसेनो देंखोनि राजा बिग्राय ब्रह्म, बुदां बुलब ब्रह्म, ड० गोमोथाव ब्रह्म, जोंदाव बड'सा, फुंजा मोसाहारि, मेन'का बसुमतारीजों लोगोसे गोबां देंखोगिरि आरो बर' सावथुननि महरगिरिफोर आरो राइजो राजाफोरा बाहागो लायो।

16 एप्रिल, 2022: सनितपुर जिल्ला एबसुनि रंजालि बैसागु फालिनायाव बाहागो लानाय।

सनितपुर जिल्ला एबसुआ सोनाब तेजपुर दख'रा एबसुनि हेफाजाबजों खुंनाय गोदान बोसोर रंजालि बैसागुनि गिदिरफोरखौ खुलुमनाय, मान बाउनाय, उन्दैफोरखौ अनसाइनाय आरो रंजानाय हाबाफारियाव मिरु एबसुनिफ्राय बाहागो लायो फारियै मानगोनां बोसोनगिरि मुस्त्रि खुंखा स्वर्गियारी, नेहाथारि बिरदाव बर' आरो सुबुं फोनांजाब नेहाथारि अबित नार्जारी बिथांमोना।

22 एप्रिल, 2022: एबसु, बर' थुनलाइ आफाद आरो इंग्लिश टिचार एश'चियेशन जथायै बि.टि.आर.नि गाहाइ मावफुं सोद्रोमा मानगोनां मुस्त्रि प्रमद बर' बिथांजों सावरायनाय।

बि.ए.चि.नि गाहाइ मावफुं सोद्रोमा मानगोनां मुस्त्रि कन'केश्वर नार्जारीनि समाव बि.ए.चि.आ सा 400 इंग्लिस फोरोंगिरिफोरखौ कन्ट्रेक्टआव थिसननाय जादोंमोन। गोलाउ सम बि.टि.चि. सरकारखौ इंग्लिस फोरोंगिरि गौथुमा गावसोरनि साखिखौ रिगुलार खालामनो थाखाय गोबां खावलाय बोसेयावबो जाफुडैनि बि.टि.आर.नि गाहाइ मावफुं सोद्रोमा मुस्त्रि प्रमद बर'जों सावरायनाय जायो। बे सावरायनायाव एबसुनि सोलोंथाइ नेहाथारि मुस्त्रि सोमावसार बसुमतारी, गेलेमु नेहाथारि गनेस बसुमतारी आरो थुनलायारि नेहाथारि समित नार्जारीयाबो बाहागो लायो।

1 मे, 2022: बड'फा उपेन्द्र' नाथ ब्रह्मनि 32थि रुंसारि सान फालिनाय।

बड'फा उपेन्द्र' नाथ ब्रह्मनि 32थि रुंसारि सानखौ मिरु आरो क'क्राझार जिल्ला एबसु जथायै दत'मानि थुलुंगाफुरियाव फालिनाय जायो। हाबाफारि बादियै फुंबिलिनि गोथार आर'जखौ जागायनानै एबसुनि गोथार फिरफिलाखौ ससे बिरहोयो मिरु एबसुनि मानाव गेदेद आफादगिरि मुस्त्रि दिपेन बर'आ। बड'फानि मांख'रसालियाव बिबार बाउजेनो मिरु एबसुनि बारग' गाहाइ नेहाथारि मुस्त्रि परमेस्वर ब्रह्मआ आरो बड'फानि खाम्फायाव बिबारखौ बाउजेनो जनता फरायसालिमानि गोरायुं ड० सुबुं बसुमतारीया।

बड'फानि 32थि रुंसारि सान फालिनायजों लोब्बा लाखिनानै क'क्राझार गोजौसिन थांखिगोबां फरायसालिनि गेवलां गेलेग्रा फोथारनिफ्राइ जागायनानै क'क्राझार टाउनाव थानाय बड'फा चिल्ड्रेन

पार्कसिम गोजोन आरो खौसेथिनि थाखाय हानजा सुरनाय जायो। बे हानजा सुरनायखौ फ्लेग अफ खालामनानै होयो क'क्राझार सोरकारि फरायसालिमानि आजिरा मोननाय गोरायुं मानाव गेदेद ड० सुरथ नार्जारीया। गोजोन आरो खौसेथिनि थाखाय हानजा सुरनाय हाबाफारिनि थांखि आरो नोजोरखौ बेखेवनानै होयो मिरु एबसुनि आफादगिरि मानाव गेदेद मुस्त्रि दिपेन बर'आ। हानजा सुरनाय हाबाफारियाव बर'नि गुबुन-गुबुन माहारियारि आफादनि दैदेनगिरिफोरजों लोगोसे, मेलेमजिबि, राइजो राजाफोर, फरायसाफोरजों लोगोसे चि.चि.बि.टि.आर.नि दैदेनगिरिफोराबो बाहागो लायो।

8 मे, 2022: सिलं दालाइ एबसुनि गोदान मावफुं आफाद दाफुंनायाव बाहागो लाहैनाय।

सिलं दालाइ दुलाराय बर' फरायसा आफादनि गोजाम मावफुं आफादखौ सिफायनानै गोदानै मावफुं आफाद दाफुंनाय हाबाफारियाव गाहाय आलासि महैरै बाहागो लायो दुलाराय बर' फरायसा आफादनि बाथ्रा दाथ्ये नेहाथारि दिपज्योति कछरी बिथां आरो बिथांजों लोगोसे बाहागो लाफायो गुवाहाटी जिल्ला दुलाराय बर' फरायसा आफादनि आफादगिरि अनजालु मुसाहारी बिथाड।

12 मे, 2022: गाइदे हेलेनानि मुंख्लं सान फालिनाय।

दुलाराय बर' फरायसा आफादआ आफादनि गाहाइ मावख' बड'फा हाउसआवनो गिबि आयजो मुंख्लं सानखौ फालियो। हाबाफारि बादियै, एबसुनि गोथार आर'जखौं जागायनानै एबसुनि गोथार फिरफिलाखौ ससे बिरहोयो मिरु एबसुनि मानाव गेदेद लोगो आफादगिरि मुस्त्रि खोरोमदाव वारीआ आरो मुंख्लं गाइदे बसुमतारीनि सावगारियाव बिबार बाउजेनो मिरु एबसुनि गाहाइ नेहाथारि मुस्त्रि खनिन्द्र बसुमतारीया। लोगोसे मुंख्लं हेलेना बसुमतारीनि सावगारियाव बिबार बाउजेनो नेहाथारि थरायना रंगिना बरगयारीया।

मिरु एबसुनि नेहाथारि रंगिना बरगयारीनि दैदेननायाव मिरुनि मोनसे हानजाया क'क्राझार जिल्ला एबसुजों जथायै जमदुवार दख'रा एबसुनि बेन्दोडव थानाय सराइबिल आरो मथामबिलाव थानाय मुंख्लं गाइदे बसुमतारी आरो हेलेना बसुमतारीनि मांख'रसालियाव बिबार बाउहैयो। बे हाबाफारियावनो बाहागो लाहैयो मिरु एबसुनि थुनलायारि नेहाथारि समित नारजारी, लोगो थुनलायारि नेहाथारि मनिराम बरगयारी, मावख' नेहाथारि बुद्धिराम बसुमतारी बिथांमोना बाहागो लाहैयो।

16 मे, 2022: गुवाहाटी नोगोरमानि चच'ल ओनसोलनि चिलसाकु बिलआव न' लुनानै अरायथायै राइजो जानाय सुबुंफोरा इभिकशन खालामजानाय थावनियाव खौरां लाहैनाय।

13 मे, 2022 अक्ट'आव गुवाहाटी नोगोरमानि VIP Road साखाथियाव थानाय चच'ल ओनसोलनि चिलसाकु बिलआव न' लुनानै अरायथायै रायजो जानाय सुबुंफोरखौ दिसपुर रिभिनिड

सार्कल, गुवाहाटी नोगोरमायारि जौगाखां खुंथाइ आफाद आरो कामरुप जिला खुंथाय आफादनि जथायै बान्जायनायाव न' -बां सिफायनानै होखार हरदोंमोन बेखौनो एबसुनि दैदेननाय मोनसे हान्जाया खौरां लाहैयो । खौरां लाहैनायाव गुवाहाटी जिल्ला एबसुनि आफादगिरि आरो गाहाइ नेहाथारि बिथांमोनहाबो बाहागो लायो ।

17 मे, 2022: दुलाराय बर' फरायसा आफादा बेसेन नाडै फोरोंगिरि थिसननाय ।

दुलाराय बर' फरायसा आफादआ “आदब आरो गुनगोनां सोलोंथाइ मावथांखि 2021-2025” खौ बिथा खालामनानै लाथिख' आरो सासेल' फोरोंगिरि थानाय बर' बिजोंनि गुदि फरायसालिफोराव फोरोंगिरि थिसननानै “बेसेन नाडै फोरोंथाइ” होनाय हाबाफारिखौ जथायै बाक्सा जिल्ला आरो जपादं दख'रा एबसुनि हेफाजाबाव “जपादं बापुजि गुदि फरायसालि” आव बेखेवजेननाय जायो ।

बे हाबाफारियाव मिरु एबसुनिफ्राय लोगो आफादगिरि मुस्त्रि रोमदोन बसुमतारी, लोगो गाहाइ नेहाथारि दिनेश ब्रह्म, नेहाथारि निजोम बसुमतारी, सुबुं फोनांजाब नेहाथारि बड'सा ब्रह्म, सरनजित नार्जिनारि, बिरखां नार्जारी, गेलेमु नेहाथारि गणेश बसुमतारी, बाथ्रा दान्थे नेहाथारि दिपज्योति कछारी, सोलोंथाइ नेहाथारि सोमावसार बसुमतारी, लोगो सोलोंथाइ नेहाथारि रमिअ कु. बसुमतारी, मावख' नेहाथारि बुद्धिराम बसुमतारी बिथांमोना बाहागो लायो ।

18 मे, 2022: अदालगुरि जिल्लायवाव बेसेन नाडै फोरोंगिरि थिसननाय आरो बर' बिजों सान फलिनाय ।

दुलाराय बर' फरायसा आफादआ अदालगुरि जिल्लानि बेसेन नाडैफोरोंगिरि थिसननानै बेसेन नाडै फोरोंथाइ बादाखौ अदालगुरि जिल्ला आरो खाग्राबारि दख'रा एबसुनि हेफाजाबाव खाग्राबारि दख'रानि “434 नं बताबारि गुदि फरायसालि” याव बेखेवजेननाय जायो । बे बेखेवजेननाय हाबाफारिजोनों लोगोसे 18 मे “बर' बिजों सान” खौबो दुलाराय बर' फरायसा आफादनि बानजायनायावनो रोखोमसे थावनियावनो खुंफुंनाय जायो । बे हाबाफारियावनो एबसुनि मानगोनां आफादगिरि मुस्त्रि दिपेन बर' बिथाड गाहाइ आलासि महरै बाहागो लायो ।

बे हाबाफारियावनो मिरु एबसुनिफ्राय बोसोनगिरि मुस्त्रि खुंखा स्वर्गियारि, गाहाइ नेहाथारि खनिन्द्र बसुमतारी, लोगो गाहाइ नेहाथारि दिनेश ब्रह्म, नेहाथारि निजोम बसुमतारी, आनान्द दैमारी, सुबुं फोनांजाब नेहाथारि अबित नार्जारी, बड'सा ब्रह्म, सरनजित नार्जिनारि, बिरखां नार्जारी, गेलेमु नेहाथारि गणेश बसुमतारी, बाथ्रा दान्थे नेहाथारि दिपज्योति कछारी, थुनलाइयारि नेहाथारि समित नारजारी, लोगो थुनलाइयारि नेहाथारि मनिराम बरगयारी, सोलोंथाइ नेहाथारि सोमावसार बसुमतारी, लोगो सोलोंथाइ नेहाथारि रमिअ कु. बसुमतारी, मावख' नेहाथारि बुद्धिराम बसुमतारी बिथांमोना बाहागो लायो ।

20 मे, 2022: क'क्राझार जिल्लायाव बेसेन नाडै फोरोंगिरि थिसनलाइ होनायनि हाबाफारिखौ बेखेवनाय ।

क'क्राझार जिल्लानि बेसेन नाडै फोरोंगिरि थिसननायखौ क'क्राझार जिल्ला एबसुनि मददआव सालाखाति दख'रा एबसुनि बेन्दोडव थानाय सालाकाटि जलपाइगुरिनि 356 नं नादांगारि गुदि फरायसालियाव बेखेवजेननाय जायो । बेजोंनो लोब्बा लाखिनानै लानाय सावराय मेलखौ बेखेवनानै होयो मिरु एबसुनि लोगो आफादगिरि मानगोनां मुस्त्रि खोरोमदाव वारीया आरो सावराय मेलव गाहाइ आलासि महरै बाहागो लायो मिरु एबसुनि आफादगिरि मानव गेदेद मुस्त्रि दिपेन बर'आ । बे हाबाफारियावनो बुंथिगिरि महरै आं मुस्त्रि खनिन्द्र बसुमतारीयाबो बाहागो लानायजों लोगोसे मिरुनिफ्राइ फारियै सोलोंथाइ नेहाथारि सोमावसार बसुमतारी आरो मावख' नेहाथारि बुद्धिराम बसुमतारीयाबो बाहागो लायो ।

20 मे, 2022: इभिकशन खालामनायनि हेंथायै धर्ना होनाय ।

13 मे, 2022 अक्ट'आव गुवाहाटी नोगोरमानि VIP Road साखाथियाव थानाय चच'ल ओनसोलनि चिलसाकु बिलआव न' लुनानै अरायथायै राइजो जानाय सुबुंफोरखौ दिसपुर रिभिनिउ सार्कल, गुवाहाटी नोगोरमायारि जौगाखां खुंथाय आफाद आरो कामरुप जिला खुंथाय आफादनि जथायै बान्जायनायाव न' -बां सिफायनानै होखार हरनाय दुखुनांथाव जाथायखौ 20 मे 2022 खालाराव गुवाहाटी जिल्ला दुलाराय बर' फरायसा आफाद, गुवाहाटी जिल्ला अल आसाम ट्राइबेल संघ, गुवाहाटी जिल्ला मिसिं मिमाक, गुवाहाटी जिल्ला टाखाम मिसिं परिं खेबां आरो अल आसाम ट्राइबेल इयुट लिग जथायै 2 घन्टा खुद्रिनाय दिन्थिफुंनाय हाबाफारि लानाय जादोंमोन ।

बे धर्नायाव मिरु एबसुनिफ्राइ फारियै लोगो गाहाइ नेहाथारि मुस्त्रि दिनेस ब्रह्म, सुबुं फोनांजाव नेहाथारि बिरखां नार्जारी आरो थुनलायारि नेहाथारि समित नार्जारीमोनजों लोगोसे गोबां जिल्ला एबसुनि बिबानगिरि बिथांमोनहाबो बाहागो लायो ।

23 मे, 2022 बेसेन नाडै फोरोंगिरि थिसननायखौ सनितपुर जिल्लायाव बेखेवनाय ।

आदब आरो गुण-गोनां सोलोंथाइ मावथांखिखौ बिथा खालामनानै आसाम नाडै बर' बिजोंनि गं 1000 गुदि फरायसालियाव बेसेन नाडै फोरोंथाइ होनाय थांखिजों मिरु एबसुआ सनितपुर जिल्लायाव बेसेन नाडै फोरोंथाइ होनाय बादाखौ सनितपुर जिल्ला एबसुनि मददआव सा-ढेकियाजुलि दख'रा एबसुनि बेन्दोडव थानाय बातासिपुरनि बिलासिगुरि गुदि फरायसालियाव बेखेवजेननाय जायो ।

बेसेन नाडै फोरोंथाय बादाजों लोब्बा लाखिनानै खुंनाय सावराय मेलखौ बेखेवनानै होयो एबसुनि बोसोनगिरि मानगोनां मुस्त्रि खुंखा स्वर्गियारीया आरो सावराय मेलव गाहाइ आलासि महरै

बाहागो लायो मिरु एबसुनि गाहाइ नेहाथारि आं मुस्त्रि खनिन्द्र बसुमतारीया । आंजों लोगोसे हाबाफारियाव मिरुनिफ्राय फारियै सोलोंथाइ नेहाथारि मुस्त्रि सोमावसार बसुमतारी आरो सुबुं फोनांजाब नेहाथारि अबित नार्जारी बिथांमोनाबो बाहागो लायो ।

24 मे, 2022 इभिकशन खालामनायनि सायाव एबसु आरो CCTOA या आसाम सरखारजों सावरायनाय ।

दुलाराय बर' फरायसा आफाद आरो CCTOA नि गोखों नारसिन्नायनि थाखाय आसाम सरखारआ 13 मे, 2022 खालाराव गुवाहाटीनि बरबारियाव इभिकसन खालामनायनि सायाव दिसपुरआव ओंथि गोनां सावरायनाय जायो । आसाम सरकारनि सोलोंथाइ बिफाननि मन्थ्रि ड० रनज पेगुआ मोननै आफादजों सावरायनायनि गेजेरजों इभिकसन खालामजानाय नख'रफोरनो हा एप्लाइ (Apply) खालामनो थाखाय बिथोनबो होनाय जायो आरो थानो थाखाय हाखौ गुवाहाटी मेट्रआवनो थानो मोननायनिबो सुबिदाखौ आसाम सरखारा गोख्रैनो मावफुंनो थाखायबो खोथा होनाय जायो । सावरायनायनि गेजेरजों ड० हिमन्त बिश्व सर्मानि दैदेन्नाय आसाम सरखारा इभिकसन खालामजानाय नखरफोरनो न' -बां बुफायजानायाव खहा जानांनायफोरनि थाखाय गोदानै न' -बां लुना लानो हानायबादियै राडरि अनसुंथाइ होगोन होन्नानैबो आसामनि मन्थ्रि ड० रनज पेगुआ रोखायै मिथिहोदोंमोन ।

सावरायनायाव आसाम सरखारनि जानानै आसामनि केबिनेट मन्थ्रि ड० रनज पेगु आरो मुस्त्रि उखाव गोरा ब्रह्म बिथाडबो बाहागो लानायजों लोगोसे एबसुनिफ्राय दुलाराय बर' फरायसा आफादनि मानगोनां आफादगिरि मुस्त्रि दिपेन बर', नेहाथारी आनान्द दैमारि बिथांमोना बाहागो लायो ।

25 मे, 2022: बेसेन नाडै फोरोंगिरि थिसननाय हाबाफारिखौ बिस्वनात जिल्लायाव बेखेवजेननाय ।

आदब आरो गुण गोनां सोलोंथाइ मावथांखि बादियै आसाम नाडै बर' बिजोंनि गं 1000 गुदि फरायसालियाव बेसेन नाडै फोरोंथाइ होनायखौ बिस्वनात जिल्ला एबसुनि मददाव न'दुवार दख'रा एबसुनि बेन्दोडव थानाय देलाइस्त्रिनि रोमै रोमै गुदि फरायसालियाव बेखेवना होयो । सावराय मेलनि थांखि आरो नोजोरखौ बेखेवनानै होयो मिरु एबसुनि गाहाइ नेहाथारि खनिन्द्र बसुमतारीया आरो सावराय मेलाव गाहाइ आलासि महरै बाहागो लायो मिरु एबसुनि आफादगिरि मानगोनां मुस्त्रि दिपेन बर' बिथाड ।

हाबाफारियावनो मिरु एबसुनिफ्राय फारियै नेहाथारि निजोम बसुमतारी, आनान्द दैमारी, सोलोंथाइ नेहाथारि सोमावसार बसुमतारी, सुबुं फोनांजाब नेहाथारि अबित नार्जारीजों लोगोसे सनितपुर

जिल्ला एबसुनि आफादगिरि राजेस बसुमतारीयाबो बाहागो लायो ।

25 मे, 2022: बिस्वनात जिल्ला दुलाराय बर' फरायसा आफादनि बानजाइनायाव न'दुवारनि अलंबार गेजेर आरो गोजौ फरायसालियाव बर' बिजोनि फोरोंगिरि आरो अंगनबादि मावथिफोरजों सावरायनाय ।

बिस्वनात जिल्ला दुलाराय बर' फरायसा आफादनि बानजायनायाव न'दुवारनि अलंबार गेजेर आरो गोजौ फरायसालियाव बर' बिजोनि फोरोंगिरि आरो अंगनबादि मावथिफोरजों सावरायलायो । बे हाबाफारियावनो गाहाइ बुंथिगिरि महरै बाहागो लायो मिरु एबसुनि आफादगिरि मानाव गेदेद मुस्त्रि दिपेन बर' बिथाड । बे सावराय मेलावनो मिरु एबसुनिक्राय आं खनिन्द्र बसुमतारीजों लोगोसे नेहाथारि निजोम बसुमतारी, आनान्द दैमारी, सोलोंथाइ नेहाथारि सोमावसार बसुमतारी, सुबुं फोनांजाब नेहाथारि अबित नार्जारी, सनितपुर जिल्ला दुलाराय बर' फरायसा आफादनि आफादगिरि राजेस बसुमतारी बिथांमोना बाहागो लायो ।

29 मे, 2022: अदालगुरि जिल्लानि गं 9 फरायसालिमानि दालाइ एबसु आरो फरायसा आफादफोरनि बिबानगिरिफोरजों जर'खा सावरायनाय ।

अदालगुरि जिल्ला एबसुनि बेन्दोंआव थानाय गासै गं 9 फरायसालिमानि दालाइ एबसुनि बिबानगिरि आरो फरायसालिमानि फरायसा आफादफोरनि बिबानगिरिफोरखौ लानानै फरायसालिमाफोराव बर' फरायसाफोरा गुन गोनां सोलोंथाइ लानायाव मोगा-मोगि जानाय जेंनाफोर आरो इयुनाव हारिनि गेजेराव नुजानाय माखासे समाजारि जेंनाफोर, बेफोरखौ सुस्त्रांनाय बिथिंफोरखौ बिथा खालामनानै उदालगुरि फरायसालिमानि नब्लांआव मोनसे “जर'खा सावरायनाय” हाबाफारि लानाय जायो । हाबाफारिखौ बेखेवनानै होयो एबसुनि लोगो आफादगिरि खोरुमदाव वारी बिथाड आरो गाहाइ आलासि महरै बाहागो लायो एबसुनि आफादगिरि मानगोनां मुस्त्रि दिपेन बर' बिथाड ।

सावरायनायाव मिरु एबसुनि लोगो गाहाइ नेहाथारि मुस्त्रि दिनेश ब्रह्म, नेहाथारि आनान्द दैमारि, लेडइ बुंथिगिरि थरायना बिबारि बर', लोगो सोलोंथाइ नेहाथारि रमिअ कुमार बसुमतारी, सुबुं फोनांजाब नेहाथारि बिरखां नार्जारी, लोगो थुनलायारि नेहाथारि मनिराम बरगयारी बिथांमोना बाहागो लायो ।

31 मे, 2022: क'क्राइर जिल्लानि सिडव बेसेन नाडै फोरोंगिरि थिसननाय हाबाफारियाव बाहागो लाहैनाय ।

आदब आरो गुनगोनां सोलोंथाइनि मावथांखि बायदियै क'क्राइर जिल्लानि सिडव थानाय

खोला क'क्राझार दुलाराय बर' फरायसा आफादनि आवथायाव थानाय 189 नं थारायबारि गुदि फरायसालियाव उफ्रा फोरेंगिरि थिसन्नाय हाबाफारियाव दुलाराय बर' फरायसा आफादनि मानगोनां बुंथिगिरि मुस्त्रि जनक उजिर बिथाड गाहाइ आलासि महरै बाहागो लानो हायो ।

31 मे, 2022: लाइमोनफोरनि जथुमाव बाहागो लानाय ।

कार्बि आंलं जिल्ला दुलाराय बर' फरायसा आफादनि बानजायनायाव लांहिन सरखारि गेजेर खलब फरायसालियाव खुंजानाय लाइमोनफोरनि जथुम हाबाफारियाव दुलाराय बर' फरायसा आफादनि मानगोनां आफादगिरि मुस्त्रि दिपेन बर' आ गाहाइ आलासि महरै बाहागो लायो ।

3 जुन, 2022: बाक्स जिल्लानि सिडव थानाय गुबुन गुबुन फरायसालिमाफोरनि फरायसाफोरजों सावरायनाय ।

फरायसालिमाफोराव बर' फरायसाफोरा गुन-गोनां सोलोंथाइ लानायाव मोगा-मोगि जानाय जेंनाफोर आरो इयुनाव हारिनि गेजेराव नुजानाय माखासे समाजारि जेंनाफोरखौ सुस्त्रांनाय बिथिंफोरखौ बिथा खालामनानै के.चि. फरायसालिमानि नब्लांआव मोनफ्रोमबो फरायसालिमानि फरायसा आफाद आरो दालाइ एबसुनि बिबानगिरिफोरखौ लानानै 3 जुन, 2022 खालाराव मोनसे “जर'खा सावरायनाय” हाबाफारि लानाय जायो । हाबाफारिखौ बेखेवनानै होयो एबसुनि मानगोनां लोगो आफादगिरि मुस्त्रि रोमदोन बसुमतारी बिथाड । सावरायनायाव गाहाइ आलासि महरै बाहागो लायो एबसुनि मानगोनां आफादगिरि मुस्त्रि दिपेन बर' बिथाड । बे जर'खा सावरायनायाव मिरु एबसुनि लोगो गाहाइ नेहाथारि मुस्त्रि दिनेश ब्रह्म, थुनलायारि नेहाथारि समित नार्जारी, लोगो गेलेमु नेहाथारि मिनिसोरां ब्रह्म, के. चि. फरायसालिमानि गोरायुं जौस्त्रां बर' बिथांमोना बाहागो लायो ।

4 जुन, 2022: क'क्राझार जिल्लानि सिडव थानाय गुबुन-गुबुन फरायसालिमा आरो मुलुगसोलोंसालिनि फरायसाफोरजों जर'खा सावराय मेल खुंनायाव बाहागो लानाय ।

क'क्राझार जिल्ला एबसुआ जिल्लानि सिडव थानाय गुबुन-गुबुन फरायसालिनि फरायसा-फरायसुलि बिथांमोनखौ लानानै सानसेनि मेहेरगोनां हाबाफारिजों 4 जुन, 2022 खालाराव क'क्राझार हिन्जावसा फरायसालिमानि नब्लाडव जर'खा सावरायमेल लानाय जादोंमोन । बे सावराय जथुमावनो सोलोंथाइजों सोमोन्दो थानाय जेंनाफोरनि सायाव आरो गुबुन-गुबुन समाजारि, रांखान्थि सोमोन्दो थानाय गोबां जेंनानि सायावबो गुवारै सोंनाय फिन्नाइ लोगोसे गोथौयै सावरायनाय जायो । हाबाफारिखौ बेखेवनानै होयो मिरु एबसुनि लोगो आफादगिरि मुस्त्रि खोरोमदाव वारीआ आरो मेलआव गाहाइ आलासि महरै बाहागो लायो मिरु एबसुनि मानावगेदेद आफादगिरि मुस्त्रि दिपेन बर' आ ।

सावरायमेलआव मिरु एबसुनिफ्राय नेहाथारि थरायना रंगिना बरगयारी आरो सुबुं फोनांजाब नेहाथारी सरनजित नार्जिनारी बिथांमोनाबो बाहागो लायो ।

5 जुन, 2022: मुलुगनां आवहावा सान फालिनाय ।

“मुलुगनां आबहावा सान”खौ देग्लाय मिरु एबसुआ चिरां जिला आरो जिथि दुवार दख’रा एबसुनि बानजायनायाव बुहुर सालबारियाव से रोजानिबो बांसिन बिफां फुलि गायनायजों फालिनाय जायो । बेजोंनो लोब्बा लाखिनानै जिथि दुवार दख’रानि हिरिम्बा नब्लांआव सानसुमै आरो दिथागिरिफोरखौ लानानै रोंगौसाफोरनि सावराय मेलबो लानाय जायो । बे सावरायनायाव बर’ हारि दानाय आरो हारिनि गोबां जेंना सुस्त्रांनयनि सायाव गुवारै सावरायनाय जायो । बे सावराय मेलआव गाहाइ आलासि महरै बाहागो लायो मिरु एबसुनि मानगोनां आफादगिरि मुस्त्रि दिपेन बर’आ ।

बे रोखोमसे हाबाफारि बायदिनो कारबि आंलं जिला एबसुनि बानजायनायाव लांहिन मानिकपुर बर’ गोजौ फरायसालियाव खुंफुंनय मुलुगनां आबहावा सानआव एबसुनि मानगोनां लोगो आफादगिरि मुस्त्रि खोरोमदाव वारि बिथाड बाहागो लायो ।

बै सानखालि गासै मोन 34 जिल्ला आफाद एबसु, मोन 191 दख’रा आफाद, मोन 8 मुलुगसोलोंसालिफोर आरो 2000 निबो बांसिन दालाय आफादफोरा गुदि, गेजेर, गोजौ, जौसिन फरायसालि आरो फरायसालिमाफोराव फिथाइ थायनाय बिफां फुलि गायनायजों “मुलुगनां आबहावा सान” खौ मैखोमै फालिनाय जायो ।

6 जुन, 2022: एबसु आरो बर’ थुनलाइ आफादा जथायै थानाय 19 दिसेम्बर, 2021 खालारखालि गिबि मन्थ्रिजों सावरायनाय माखासे माइनुटसफोरनि सायाव सावरायनाय ।

दुलाराय बर’ फरायसा आफाद आरो बर’ थुनलाइ आफादा जथायै गुवाहाटीनि गरसुकआव थानाय साहित्य सभा कमफ्लेक्सआव थानाय 19 दिसेम्बर, 2021 खालारखालि गिबि मन्थ्रिजों सावरायनाय माखासे माइनुटसफोर फारियै- स्कूल आरो फरायसालिमानि प्रभेनसियेलायजेसन, बर’ रावखौ HS थाखोआव बिजों महरै थिसननाय, गोदान गोजौ फरायसालि गायसननाय आरो बायदि-बायदिनि सायाव गुवारै सावरायज्जलायनाय जायो ।

बे सावरायनायाव मिरु एबसुनि मानाव गेदेद आफादगिरि मुस्त्रि दिपेन बर’जों लोगोसे गाहाइ नेहाथारि आं खनिन्द्र बसुमतारी, लोगो आफादगिरि खोरोमदाव वारी, लोगो गाहाइ नेहाथारि दिनेश ब्रह्म, सुबुं फोनांजाब नेहाथारि अबित नार्जारी आरो सोलोंथाइ नेहाथारि सोमावसार बसुमतारीयाबो जयैनो बाहागो लायो ।

12 जुन, 2022: 35थि बड'लेण्ड मुंख्लं सान फालिनाय ।

35थि बड'लेण्ड मुंख्लं सानखौ देगलाय एबसुआ धेमाजि जिल्लानि बेन्दोडव थानाय एस.बि. बड' गोजौ फरायसालिनि गेलेग्रा फोथाराव सानसेनि हाबाफारिजों खुंफुंनाय जायो । हाबाफारि बायदियै फुंबिलिनि गोथार आर'जखौ जागायनानै आफादनि फिरफिलाखौ स'से बिरहोयो मिरु एबसुनि मानाव गेदेद आफादगिरि मुस्त्रि दिपेन बर'आ । बड'लेण्ड मुंख्लंफोरनो बिबार बाउजेनो एबसुनि बोसोनगिरि मानगोनां खुंख्रा सर्गियारीया आरो सुजित नार्जारीनि सावगारियाव बिबार बाउजेनो बि.के.डाब्लिड.ए.चि. नि लेडइ चि.इ.एम. मुस्त्रि रमिअ' पि. नार्जारी बिथाड । गोजोन आरो खौसेथिनि थाखाय फारौ आरो बेलुन बिरहोयो मानगोनां मुस्त्रि रजत रामसियारी (गाइस'नगिबि गाहाइ नेहाथारि, लखिमपुर जिल्ला एबसु) आरो ललित चन्द्र बर' (बारग' गाहाइ फोरोंगिरि, एस.बि. बड' गेजेर फरायसालि) आ । लोगोसे मुंख्लं सानजों बिफां फुलिखौ गायजेनो खौसेथि बर' सुबुं आफादनि आफादगिरि मुस्त्रि मनुरन्जन बसुमतारी बिथाड ।

बेजोंनो लोब्बा लाखिनानै मिरु एबसुनि आफादगिरि मानगोनां मुस्त्रि दिपेन बर'आ “**बर' माहारियारिबाद आरो बड'लेण्ड मुंख्लंफोरनि बिहोमा**” आयदाखौ मासि लानानै दैदेननाय सावराय मेलखौ बेखेवनानै होयो बर' थुनलाइ आफादनि मानगोनां गाहाइ नेहाथारि मुस्त्रि प्रसान्त बर'आ आरो थांखिजानाय बुंथिगिरि महरै बाहागो लायो बि.के.डाब्लिड.ए.चि.नि चि.इ.एम. मानगोनां मुस्त्रि मिहिनिस्वर बसुमतारीया ।

13 जुन, 2022: क'क्राझार जिल्लानि मेट्रिक आनजादाव सेथि मासि आवग्रिनो हानाय फरायसाफोरखौ बरायनाय हाबाफारियाव बाहागो लाहैनाय ।

क'क्राझार जिल्लानि सिडव थानाय मेट्रिक आनजादाव सेथि मासियाव उथ्रिसार जानो हानाय फरायसाफोरखौ बरायनाय हाबाफारियाव दुलाराय बर' फरायसा आफादनि मानगोनां लोगो आफादगिरि मुस्त्रि खोरोमदाव वारी बिथाड गाहाइ आलासि महरै बाहागो लायो । बे हाबाफारियावनो आलासि महरै बाहागो लानो हाबावो मिरु एबसुनि मानगोनां बुंथिगिरि मुस्त्रि जनक उजिर, नेहाथारि थरायना रंगिना बरगयारी आरो बि.टि.सि.नि सोल्लोथाइ बिफाननि मानगोनां बिथोनगिरि जगदिश प्रसाद ब्रह्म बिथांमोनहा ।

14 जुन, 2022: 16थि कमल कुमार ब्रह्म देरहासात बान्था मान बाउनाय हाबाफारि खुंफुंनाय ।

एबसुआ देगलाय “**16थि कमल कुमार ब्रह्म देरहासाद बान्था-2022**” नि मान बाउनाय हाबाफारिखौ सिरां जिल्ला बेंटलनि जांखिखां फोथाराव सानसेनि मेहेरगोनां हाबाफारिजों खुंफुंनाय जायो । थिखानाय हाबाफारि बायदियै फुंबिलिनि गोथार आर'जखौ जागायनानै रुंसारि कमल कुमार

ब्रह्मनि सावगारियाव बिबार बाउजेनो हाबाफारिनि गाहाइ आलासि पाटशाला सिक्सापित आदर्श गोजौ फरायसालि, बरपेटानि गोरायुं मानगोनां मुस्त्रि उत्पल बरकाक'टि, बिथाड।

एबसुनि आफादगिरि मानगोनां मुस्त्रि दिपेन बर'आ मासि लानानै दैदेननाय 16थि कमल कुमार ब्रह्म देरहासाद बान्था-2022 नि मान बाउनाय हाबाफारिखौ बेखेवनानै होयो बि.टि.चि. सोलोंथाइ बिफाननि बिथोनगिरि मानगोनां मुस्त्रि जगदिश प्रसाद ब्रह्मआ। बे हाबाफारिजों गासै सा 13 बर' बिजोंनि फरायसाफोरा गोग्गाथाव 16थि कमल कुमार ब्रह्म देरहासात बान्थाखौ नाजावनो हायो। हाबाफारियाव गाहाइ आलासि महरै बाहागो लायो पाटशाला सिक्सापित आदर्श गोजौ फरायसालि, बरपेटानि गोरायुं मानगोनां मुस्त्रि उत्पल बरकाक'टि, बिथाड। लोगोसे हाबाफारियाव बुंथिगिरि महरै बाहागो लायो फारियै सिदली समस्तिनि एम.एल.ए. मानगोनां मुस्त्रि जयन्त' बसुमतारी आरो बि.टि.आर.नि इ.एम. मुस्त्रि रनजित बसुमतारीया। हाबाफारियावनो माननि आलासि महरै बाहागो लाबावो फारियै मुस्त्रि थानेस्वर ब्रह्म दैमारी, गाहाइ नेहाथारि, दुलाराय बर' गुदि फोरोंगिरि आफाद, रन्जन कुमार बरुवा, डाइरेक्टर, नर्ट इस्ट इयुट फाउण्डेसन आरो ड० रन्जित कुमार नार्जारी, गोरायुं, बेंटल फरायसालिमा।

16 जुन, 2022: दै बानाजों लोमसावनाय ओनसोलफोरखौ नायगिदिं हैनाय।

मिरु एबसुनि आफादगिरि मानगोनां मुस्त्रि दिपेन बर'आ अदालगुरि जिल्लानि सिडव दै बानाजों ख'हा जानाय ओनसोलफोरखौ नायगिदिं हैनानै बिथांड आसामनि दै बानाखौ हादोरारि जेना महरै फोसावनो थाखाय मिरु सरखाखौ खावलायो। लोगोसे आसामाव भुगिनांनाय सुबुंफोरखौ थाबैनो मदद होनो मिरु सरकारखौ खावलायनानै गोबां अखा हानायनि जाउनाव दै बाना जानाय, हा-गिसिखानाय, हा-खुरखानाय, गोबां दालांफोरा ख'हा जानायजों लोगोसे गोबां सुबुंफोरनि धोन-सम्पटि खहा जानांनायखौ गाइसनफिननो हानाय लेखायै पि.एम. फाण्डनिफ्राय 20,000 खौटि रां आसामाव दैथायहरनो थाखाय एबसुनिफ्राय मिरु सरकारखौ प्रेस बिबुंथिनि गेजेरजों दाबि खालामनाय जायो।

19 जुन, 2022: तामुलपुर जिल्लायाव दै बानाजों खहा जानांनाय नख'र आरो ओनसोलफोरखौ खौरां लाहैनाय।

थाद'नाय गैयै अखा हानायनि जाउनाव आसामजों लोगोसेनो बि.टि.आर.नि मोनबा जिल्लायावबो मैखोमैनो ख'हा लाबोदों। बेखौनो मिरु एबसुनि आफादगिरि मानाव गेदेद मुस्त्रि दिपेन बर'नि दैदेननायाव मिरु आफादनिफ्राय सिनिगाव गेजेर फरायसालि, 2 नं दंगरगाव गुदि फरायसालि, 2 नं दंगरगाव मायनाव अन्थाइबारि गामियाव थानाय रेलिप केम्पफोराव थानानै खौरां लाहैनाय जायो। लोगोसेनो बर' नदि दैमाया गुवाबारि, हस्तिनापुर गामिजों लोगोसे गोबां गामिखौ ख'हा खालामनाय

जायगाखौबो नायगिदिं हैयो । बे दै बाना नायदिंनाय हाबाफारियाव मिरु एबसुनिफ्राय फारियै लोगो आफादगिरि मुस्त्रि खोरोमदाव वारी, गाहाइ नेहाथारि आं खनिन्द्र बसुमतारी, लोगो गाहाइ नेहाथारि दिनेस ब्रह्म आरो सुबुं फोनांजाब नेहाथारि अबित नार्जारीजों लोगोसे, बागसा जिल्ला एबसुनि दैदेनगिरिफोर, नाग्रिजुलि दख'रा एबसुनि दैदेनगिरिफोरजों लोगोसे आरोबाव आगसु आरो बर्मन कचारीनि मिरु आरो जिल्ला आफादनि दैदेनगिरिफ्राबो बाहागो लायो ।

बेराफार्से, सनितपुर जिल्लानि बेन्दोडव थानाय आमगुरि आरो नर्ट खाग्रिजान गामिनि सुबुंफोराबो साननैसो सिगांनिफ्रायनो रेलिपआव थानांदोंमोन । बेखौबो एबसुनि बोसोनगिरि मानगोनां मुस्त्रि खुंखा सर्गियारिनि दैदेननायाव सनितपुर जिल्ला एबसुआ रेलिफआव थानांनाय सुबुंफोरनो रेलिफ मुवा राननानै हैनाय जायो ।

20 जुन, 2022: ब्रैथि दख'रा एबसुनि बान्जायनायाव बर' बिजोडव फरायनानै सेथि थाखोआव उथ्रिसार जानो हानाय फरायसाफोरखौ बरायनाय हाबाफारियाव बाहागो लाहैनाय ।

सानसेनि मेहेरगोनां हाबाफारिजों ब्रैथि दख'रा दुलाराय बर' फरायसा आफादा 2022 मायथाइयाव बर' बिजोडव फरायनानै सेथि थाखोआव उथ्रिसार जानो हानाय फरायसाफोरखौ रुपनाथ ब्रह्म' गोसोखां गोजौ फरायसालियाव बरायो । बे हाबाफारिखौ बेखेवनानै होयो क'क्राझार जिल्ला एबसुनि गाहाइ नेहाथारि मुस्त्रि काम्फा बसुमतारीआ आरो गाहाइ आलासि महरै बाहागो लायो मिरु एबसुनि गाहाइ नेहाथारि आं खनिन्द्र बसुमतारीया ।

बे हाबाफारियावनो मिरु एबसुनि सुबुं फोनांजाब नेहाथारि मुस्त्रि अबित नार्जारी आरो थुनलायारि नेहाथारि समित नार्जारीयाबो बाहागो लायो ।

20 जुन, 2022: गसाइगाव दख'रा एबसुनि बान्जायनायाव बर' बिजोंआव फरायनानै सेथि थाखोआव उथ्रिसार जानो हानाय फरायसाफोरखौ बरायनाय हाबाफारियाव बाहागो लाहैनाय ।

गसाइगाव दख'रा दुलाराय बर' फरायसा आफादनि बानजाइनायाव जारागुरि गोजौ फरायसालियावबो बर' बिजोंजों फरायनानै सेथि थाखोआव उथ्रिसार जानो हानाय फरायसाफोरखौ बरायनाय जायो । बे हाबाफारियाव मिरु एबसुनि लोगो गाहाइ नेहाथारि मुस्त्रि दिनेस ब्रह्मआ गाहाइ आलासि महरै बाहागो लाहैयो ।

20 जुन, 2022: तामुलपुर जिल्लायाव दै बानाजों खहा जानांनाय नखर आरो ओनसोलफोरखौ नायगिदिं हैनाय ।

एबसुनि आफादगिरि मानगोनां मुस्त्रि दिपेन बर' बिथांजों लोगोसे लोगो आफादगिरि खोरोमदाव

वारी आरो आं खनिन्द्र बसुमतारीया बागसा जिल्ला आरो महरिपारा दख'रा एबसुनि मददजों गरेश्वरनि महरिपारा आरो बालाबारि गामियाव थानानै दै बानाजों खहा जानानाय नख'र आरो सुबुंफोरखौ खौरां लाहैयो ।

21 जुन, 2022: चिरां जिल्ला एबसुनि बानजाइनायाव हानजा सुरनाय हाबाफारियाव बाहागो लाहैनाय ।

चिरां जिल्ला एबसुनि बेन्दोडव खनले खनले हाथियार दिन्थिनानै धोन लुथिनाया दानसेयावनो खनब्रैनिबो बारा जानायलाय चिरां जिल्ला एबसुआ जाथायनि हेंथायै हान्जा सुरनाय हाबाफारि लायो । मख'नो गोनांदि, बेबायदिनो थानाय 4 जुनआव आमठेकानि अनिल इस्वारीखौ दाखायटफोरा गावनाय, बिनि सिगाडव गेजेर कमारपारा गामियाव सिखावफोरा सासे लाइमोनखौ गावथारानाँ गालानायजों लोगोसे, मालिभितानि आनान्द आरो आमतेकायाव फिसा फालांगि मावनाँ गावनि जिउखौ दैदेनग्राफोरनि नख'राव दाखायत जानायजों लोगोसे 18 जुनआव काचिकत्रायाव पार्मासि होग्रा बिरन बसुमतारीनि नख'रावबो दाखायत जादोंमोन आरो दाखायतफोरा बिथानि नख'रनिफ्राय गोबां रांजों लोगोसे सना रुफा लानानै थांडे । बेखौ नोजोर लाखिनानैनो सिरां जिल्ला एबसुनि बानजायनायाव हानजा सुरनाय हाबाफारि लानायनि गेजेरजों चिरांनि जिल्ला बेंगिरिनि गेजेरजों बैफोर गासैबो जाथायनि सायाव गोजौ थाखोनि नायबिजिरनो, दायनिगिरिखौ थाबैनो हमनानै साजा होनाय आरो सरासनस्त्रा सुबुंनि जिउ आरो धोनखौ रैखाथि होनांगौनि मोन्थाम दाबिफोरखौ लानानै आसामनि गिबि मन्त्रि ड० हिमन्त बिस्व शर्मानिसिम गोसोखां बिलाइ दैथायहरनाय जायो । बे हानजा सुरनाय हाबाफारियावनो बाहागो लायो मिरु एबसुनि गाहाइ नेहाथारि आं खनिन्द्र बसुमतारीया ।

बे हानजा सुरनाय हाबाफारियाव मिरु एबसुजों लोगोसे सिरां जिल्ला बर' थुनलाइ आफाद, ट्राइबेल संघ, बाथौ गौथुम, आसु (AASSU), आख्रासु, आरो बेंगलि फेडारेसननि दैदेनगिरिफोरा बाहागो लादोंमोन आरो हाबाफारियाव 31 नं सिदली समस्टिनि एम.एल.ए. मुस्त्रि जयन्त बसुमतारी बिथाडबो बाहागो लायो ।

22 जुन, 2022: दै बानाजों खहा जानानाय नख'र आरो ओनसोलफोरखौ एबसुनिफ्राय नायगिदिहैनाय ।

थाद'नाय गोयै गोबां अखा हानायनि जाउनाव आसामजों लोगोसेनो बि.टि.आर. नि मोनबा जिल्लायावबो मैखोमैनो ख'हा लाबोदोंमोन । बेखौनो एबसुनि आफादगिरि मानगोनां मुस्त्रि दिपेन बर'नि दैदेननायाव बागसा आरो तामुलपुर जिल्लानि सिडव थानाय खावैमारि, बग्रिबारि आरो मानास बेकि दैमानि साखाथि ओनसोलफोरखौ नाइगिदिं हैयो । बे नायगिदिं हैनायाव मिरु एबसुनि लोगो आफादगिरि मुस्त्रि रोमदोन बसुमतारीयाबो बाहागो लायो ।

24 जुन, 2022: सनितपुर जिल्ला एबसुआ बर' बिजोंनिफ्राय जिल्लानि गेजेराव गिबि 10थि मासि आवग्रिनो हानाय फरायसाफोरखौ बरायनाय हाबाफारियाव बाहागो लाहैनाय ।

सनितपुर जिल्ला दुलाराय बर' फरायसा आफादा बर' बिजोंनिफ्राय जिल्लानि गेजेराव गिबि 10थि मासि आवग्रिनो हानाय फरायसाफोरखौ आबै सेन्टारनि आबै पुर्णिमा गेजेर आरो गोजौ फरायसालियाव सानसेनि मेहेरगोनां हाबाफारिजों बरायनाय जायो । बेनिनो हाबाफारिखौ बेखेवनानै होयो एबसुनि बोसोनगिरि मानगोनां मुस्त्रि खुंग्रा सर्गियारी बिथांआ ।

बै बरायनाय हाबाफारियावनो गाहाइ आलासि महरै बाहागो लायो मिरु एबसुनि लोगो आफादगिरि मुस्त्रि खोरोमदाव वारी आरो हाबाफारियावनो मिरु एबसुनिफ्राय नेहाथारि बिरदाव बर', सुबुं फोनांजाब नेहाथारि अबित नार्जारी, लोगो गेलेमु नेहाथारि मिनिसोरां ब्रह्म बिथांमोनहा बाहागो लायो ।

24 जुन, 2022: बर' बिजोंनि जेंनाफोरखौ सुस्त्रांनाय थांखिजों आसामनि सोलोंथाइ मन्त्रि डा० रनुज पेगुजों सावरायनाय ।

थांनाय 19 डिसेम्बर, 2021 मायथाइयाव बि.टि.आर गोरोबथानि 6.3 दफानि गेजेरजों बर' बिजोंनि जेंनाफोरखौ अरायथा सुस्त्रांनो थाखाय आसामनि गिबि मन्त्रि डा० हिमन्त बिस्व शर्माजों अफिसियेलै सावरायदोंमोन । बै सावरायनायनि गेजेरजों गासै 29 दफानि माइनुट्सबो दिहुननाय जादोंमोन । बै माइनुट्स आरो सावरायनायखौनो बिथा खालामनानै एबसु आरो बर' थुनलाइ आफाद जथायै बर' बिजोंनि जेंनाफोरखौ सुस्त्रांनाय थांखिजों आरोबाव आसामनि सोलोंथाइ मन्त्रि मानगोनां डा० रनुज पेगुजों सावरायो । बै सावरायनायाव बि.टि.आर.नि गाहाइ मावफुं सोद्रोमा मुस्त्रि प्रमद बर' आरो आसामनि आर्बान मन्त्रि मुस्त्रि अशक शिंहाल बिथांआबो बाहागो लायो ।

बै सावरायनायाव मिरु एबसुनि आफादगिरि मानावगेदेद मुस्त्रि दिपेन बर', लोगो आफादगिरि रोमदोन बसुमतारी, गाहाइ नेहाथारि खनिन्द्र बसुमतारीजों लोगोसे लोगो गाहाइ नेहाथारि दिनेश ब्रह्म, नेहाथारि आनान्द दैमारी सोलोंथाइ नेहाथारि सोमावसार बसुमतारी बिथांमोनहाबो बाहागो लायो ।

25 जुन, 2022: UPSC/APSC Civil Service आरो Indian Forest Service examination नि Special Orientation Programme खुंफुंनाय ।

दुलाराय बर' फरायसा आफादआ बान्जायनायाव आरो BEACON IAS Institution, Delhi नि हेफाजाबाव UPSC/APSC Civil Service आरो Indian Forest Service examination नि Special Orientation Programme खौ 25 जुन, 2022 अक्ट'निफ्राय 30 जुन 2022 अक्ट'सिम गुबुन गुबुन जिलायाव थिखानाय थावनि आरो अक्ट'आव लानो थाखाय थि खालामनायबादिनो गिबि बेखेवनाय हाबाफारिखौ क'क्राझार जिल्लानि Science College Auditorium आव जागायजेननाय

जायो। जर'खा फोरोंथाइ हाबाफारिखौ बेखेवनानै होयो Prafulla Kumar Hazoary, ACS, former Commissioner and Secretary, Welfare of Plain tribes and backward Classes Department; Mines and Minerals, Govt of Assam & former member of APSC बिथाड। हाबाफारियाव जर'खा आलासि बुंथिगिरि महरै BEACON IAS INSTITUTION, DELHI नि Director मुस्त्री जितेनदार कुमार भरद्वाज बिथाड बाहागो लायो। हाबाफारियाव क'क्राझार जिल्लानि SP मुस्त्री Thube Prateek Bijay Kumar, IPS बिथाडबो बाहागो लानानै गोबां reference होनायजों civil services नि थाखाय बिजाथिफोरखौ encourage खालामो।

25 जुन, 2022: मेथ्रिक आरो हायार सेखण्डारि आनजादाव उथ्रिसार जानाय फरायसाफोरखौ बरायनाय हाबाफारियाव बाहागो लाहैनाय।

नगाव जिल्लानि सिडाव थानाय बरबिल दख'रा एबसुनि बानजायनायाव गनेसपुर मायनावस्त्रि बरबिलाव मेथ्रिक आरो हायार सेखण्डारि आनजादाव उथ्रिसार जानो हानाय फरायसाफोरखौ बरायनाय हाबाफारियाव गाहाइ आलासि महरै बाहागो लायो दुलाराय बर' फरायसा आफादनि लोगो गाहाइ नेहाथारि मुस्त्रि दिनेश ब्रह्म बिथाड आरो बिथांजों लोगोसे बाहागो लायो एबसुनि लोगो सोलोंथाइ नेहाथारि रमिअ कुमार बसुमतारी बिथाड।

26 जुन, 2022: क'क्राझार इउ.एन. एकाडेमिनि बान्जायनायाव फरायसालि आरो फरायसालिमायाव फरायनाय फरायसाफोरखौ लानानै सोलोंथाइ सांग्रांथि मेलाव बाहागो लानाय।

क'क्राझार इउ.एन. एकाडेमिनि बान्जायनायाव चन्द्रपारानि रेचिदेनचीयेल फरायसालि आरो फरायसालिमायाव फरायनाय फरायसाफोरखौ लानानै 26 जुन, 2022 खालाराव सोलोंथाइ सांग्रांथि मेल लायो। बे मेलाव गाहाइ आलासि महरै बाहागो लायो एबसुनि आफादगिरि मानाव गेदेद मुस्त्री दिपेन बर'आ आरो बुंथिगिरि महरै बाहागो लायो BEACON IAS Institution, Delhi नि बिथोनगिरि जितेन्दर कुमार भरद्वाज। बे हाबाफारियाव मिरु एबसुनि लोगो आफादगिरि मुस्त्रि रोमदोन बसुमतारीजों लोगोसे क'क्राझार जिल्ला एबसुनि गाहाइ नेहाथारि काम्फा बसुमतारीयाबो बाहागो लायो।

26 जुन, 2022: नैथि साननि UPSC ORIENTATION नि हाबाफारि खुंफुनाय।

थिखानाय खालार बादिथै सिरां जिल्लानि सिडाव थानाय बिजनी फरायसालिमानि बिरेन्द्रगिरि बसुमतारी नयुडाव सानसेनि मेहेरगोनां हाबाफारिजों खुंफुनाय जायो। मिरु एबसुनि आफादगिरि मानाव गेदेद मुस्त्रि दिपेन बर'बिथांआ UPSC ORIENTATION नि सायाव थांखि आरो नोजोरफोरखौ गुवारै

फोरमायनानै होयो। चिरां जिल्लानि बिजनी फरायसालिमानि Auditorium आव UPSC/APSC CIVIL SERVICES नि SPECIAL ORIENTATION PROGRAMME हाबाफारियाव गाहाइ आलासि महरै बाहागो लायो एबसुजों हांखाइनानै लाबोजानाय दिल्ली बिकन आइ.ए.एस. एकाडेमिनि बिथोनगिरि मुस्त्रि राजेन्द्र कुमार भरद्वाज बिथाड। लोगोसेनो हाबाफारियाव बुंथिगिरि महरै बाहागो लायो नरेन्द्र कुमार शाह, IAS (जिल्ला बेंगिरि, चिरां), नरेन चन्द्र बसुमतारी, ACS (सेक्रेटारि, बि.टि.आर.) आरो रन्जन कुमार बरुवा (फाउण्डार, नर्ट इस्ट इउथ फाउण्डेसन) बिथांमोनहा।

27 जुन, 2022: थामथि सानखालि, गियानपिठ दिग्रि कलेजआव UPSC/APSC Orientation हाबाफारि खुंनाय।

Civil Service आनजाद होनो गोसो जानाय फरायसाफोरनि थाखाय बागसा जिल्लानि सिडव थानाय गियानपिठ दिग्रि कलेज, निकासिनि नब्लांआव दुलाराय बर' फरायसा आफादनि मानगोनां लोगो आफादगिरि मुस्त्री खोरोमदाव वारी बिथांनि मासि सामलायनायाव UPSC/APSC Orientation हाबाफारियाव बराय बिबुंथि लाखियो दुलाराय बर फरायसा आफादनि मानगोनां आफादगिरि मुस्त्रि दिपेन बर' बिथाड। बे हाबाफारिखौ बेखेवना होयो बागसा जिल्लानि जिल्ला बेंगिरि आयुस गारग बिथाड आरो गाहाइ आलासि महरै बाहागो लायो दिल्ली बिकन IAS नि बिथोनगिरि मुस्त्री जितेन्द्र कुमार बिथाड। बे हाबाफारियावनो जरखा आलासि महरै बाहागो लायो बागसा जिल्लानि एसिस्टेन कमिसनार निजोरा बर आरो रन्जन कुमार बरुवा बिथांमोना।

28 जुन, 2022: ब्रैथि साननि UPSC ORIENTATION हाबाफारि।

अदालगुरि जिल्लानि सिडव थानाय अदालगुरि फरायसालिमानि नब्लांआव सानसेनि मेहेरगोनां हाबाफारिजों UPSC ORIENTATION खौ खुंफुंनाय हाबाफारिखौ बेखेवनानै होयो अदालगुरि जिल्लानि जिल्ला बेंगिरि ड० पि उदाय प्रबिनआ। बे हाबाफारिनि सायाव थांखि आरो नोजोरफोरखौ गुवारै फोरमायनानै होयो मिरु एबसुनि आफादगिरि मानावगेदेद मुस्त्रि दिपेन बर' बिथांआ। अदालगुरि जिल्लानि UPSC ORIENTATION हाबाफारियाव गाहाइ आलासि महरै बाहागो लायो दिल्ली बिकन आइ.ए.एस. एकाडेमिनि बिथोनगिरि मुस्त्रि जितेन्द्र कुमार। मिरु एबसुनि लोगो आफादगिरि मानगोनां मुस्त्रि रोमदोन बसुमतारीया दैदेननाय हाबाफारियावनो मुस्त्रि रन्जन कुमार बरुवा (फाउण्डार, नर्ट इस्ट इउथ फाउण्डेसन) आबो बुंथिगिरि महरै बाहागो लायो।

28 जुन, 2022: DID Little Masters Season 5 नि देरहासाद जानाय नबजित नार्जारीखौ बरायनाय।

मिरु एबसु आरो क'क्राझार जिला एबसुनि जथायै बान्जायनायाव DID Little Masters

2022 Season 5 आव देरहासाद जानाय नबजित नार्जारीखौ क'क्राझार जिल्ला गेलेमु आफादनि इन्दुर स्टेडियामाव मान बाउनाय जायो। बर' हारिनि सिनायथिखौ हायुडरि थाखोआव सिनायथि होनानै गेवलांसार होनायनि थाखाय गोग्गानाय आरो गोजोत्रायजों बरायनानै दुलाराय बर' फरायसा आफादनिफ्राय नबजित नार्जारीनो मान बाउनाय जायो। बे हाबाफारियावनो नबजित नार्जारीनि बिफा मुस्त्री उपेन बर', बिमा मुश्रीमा अनु नार्जारी आरो नबजित नार्जारीनि मास्तार थरायना दिपिका माझी बिथांमोनखौबो बरायनाय जायो।

29 जुन, 2022: तेजपुराव UPSC ORIENTATION हाबाफारि खुंफुंनाय।

सनितपुर जिल्ला आरो बिस्वनात जिल्लानि UPSC ORIENTATION हाबाफारिखौ तेजपुराव थानाय बान थियेतार नब्लाडव सानसेनि मेहेरगोनां हाबाफारिजों खुंफुंनाय जायो। बे हाबाफारिनि आलारि बाथिखौ फोजोंजेनो एबसुनि बोसोनगिरि मानगोनां मुस्त्रि खुंख्रा सर्गियारीया आरो UPSC ORIENTATION हाबाफारिखौ बेखेवनानै होयो सनितपुर जिल्लानि लोगो जिल्ला बेंगिरि कबिता फांसु (ए.चि.एस) बिथांआ आरो हाबाफारिखौ मासि लानानै दैदेनो मिरु एबसुनि लोगो आफादगिरि मानगोनां मुस्त्रि खोरोमदाव वारी बिथाड।

हाबाफारियाव गाहाइ आलासि महरै बाहागो लायो दिल्ली बिकन आइ.ए.एस. एकाडेमिनि बिथोनगिरि मुस्त्रि जितेन्द्र कुमार बिथाड आरो मुस्त्रि रन्जन कुमार बरुवा (फाउण्डार, नर्ट इस्ट इउट फाउण्डेसन) आबो बुंथिगिरि महरै बाहागो लायो।

30 जुन, 2022: गुवाहाटीयाव PSC/APSC Orientation हाबाफारि खुंनाय।

गुवाहाटी ओनसोलाव थानाय Civil Service आनजाद होनो गोसो जानाय फरायसाफोरनि थाखाय Kumar Bhaskar Natya Mandir Auditorium नब्लांआव दुलाराय बर' फरायसा आफादनि मानगोनां आफादगिरि मुस्त्री दिपेन बर' बिथांनि मासि सामलायनायाव PSC/APSC Orientation हाबाफारि लायो। गाहाइ आलासि महरै बाहागो लायो दिल्ली बिकन IAS नि बिथोनगिरि मुस्त्री जितेन्द्र कुमार बिथाड आरो जर'खा आलासि महरै ADGP (SB) हिरेन नाथ IPS बिथांआबो बाहागो लायो। हाबाफारियाव मिरु एबसुनि मानगोनां लोगो आफादगिरि मुस्त्री खोरोमदाव वारी, सुबुं फोनांजाब नेहाथारि सरनजित नारजिनारी आरो सोलेंथाइ नेहाथारि सोमावसार बसुमतारी बिथांमोनहाबो बाहागो लायो।

6 जुलाइ, 2022: महरिपारा दख'रा एबसुनि HSLC आरो HS आनजादाव सेथि थाखोआव उथ्रिसार जानो हानाय फरायसाफोरखौ बरायनाय हाबाफारियाव बाहागो लाहैनाय।

बागसा जिल्ला दुलाराय बर' फरायसा आफादनि सिडव थानाय महरिपारा दख'रा दुलाराय

बर' फरायसा आफादनि बानजायनायाव इं 2022 मायथाइनि HSLC आरो HS आनजादाव सेथि थाखोआव उथ्रिसार जानो हानाय ओनसोलनि बर' फरायसाफोरखौ बरायनाय आरो मान बावनाय हाबाफारि लानाय जायो। बेयावनो गाहाइ आलासि महरै बाहागो लायो मिरु एबसुनि मानगोनां लोगो आफादगिरि मुस्त्रि खोरोमदाव वारीआ।

बे हाबाफारियावनो मिरु एबसुनि लोगो सोलोंथाइ नेहाथारि रमिअ' कु. बसुमतारी, बागसा जिल्लानि एबसुनि बिबानगिरिफ्रा।

07 जुलाइ, 2022: बागसा जिल्ला एबसुआ मेट्रिक आरो गोजौसिन गेजेरारि आनजादआव जिथि मासि आवग्रिनो हानाय फरायसाफोरखौ बरायनाय हाबाफारियाव बाहागो लाहैनाय।

2022 मायथाइनि मेट्रिक आरो गोजौसिन गेजेरारि आनजादाव सेथि थाखोयाव उथ्रिनानै बागसा जिल्ला एबसुनि जिथि मासि आवग्रिनो हानाय फरायसाफोरखौ बागसा जिल्ला एबसुआ गाजा-गोमजायै सानसेनि हाबाफारिनि गेजेरजों बरायनाय जायो। हाबाफारिखौ दुलाराय बर' फरायसा आफादनि लोगो आफादगिरि मानगोनां मुस्त्री रोमदोन बसुमतारीया बेखेवनानै होयो आरो गाहाइ आलासि महरै बाहागो लायो दुलाराय बर' फरायसा आफादनि गाहाइ नेहाथारि आं खनिन्द्र बसुमतारीया।

8 जुलाइ, 2022: आसाम एग्रिकालचार मुलुगसोलोंसालिनि लेडाइ गिसिया ड० बिद्युत चन्दन देकाजों सावरायनाय।

BTR ओनसोलाव Organic एग्रिकालचार मुलुगसोलोंसालि गाइसननाय आरो BTR जों लोगोसे आसामनि गोबां ट्राइबेल ओनसोलफोराव आबादनि गेजेरजों रांखान्थिखौ जौगाहोनाय थांखिजोंनो मिरु एबसुनि आफादगिरि मानाव गेदेद मुस्त्रि दिपेन बर'बिथाडा गुवाहातिति काहिकुचियाव थानाय हरतिकालचार रिचार्च चेन्टाराव आसाम एग्रिकालचार इउनिभारसिटिनि लेडाइ गिसिया ड० बिद्युत चन्दन देकाजों लोगोसे सेनियर साइन्टिस्ट ड० चरत सइकियाखौ लाफानानै गोबां गोरायुंफोरजों गुवारै सावराय लायो।

09 जुलाइ, 2022: क'क्राझार सरखारि फरायसालिमा दालाइ एबसुनि बरायनाय हाबाफारियाव बाहागो लाहैनाय।

क'क्राझार दख'रा आरो क'क्राझार सरखारि फरायसालिमा दालाइ एबसुआ जथायै 2022 इं मायथाइनि आसाम हायार सेख'ण्डारि इदुखेसन काउनसिलजों खुंजानाय 12 थाखोनि आन्जादाव बिगियान आरो आरिमु आयदायाव फरायनानै बांसिन जौखोन्दो मोननो हानाय सानै फरायसाफोरखौ बरायनाय आरो मान बाउनाय जायो। बे हाबाफारियावनो गाहाइ आलासि महरै मिरु एबसुनि आफादगिरि

मानगोनां मुस्त्री दिपेन बर' बिथाड बाहागो लायो ।

हाबाफारियावनो क'क्राझार सरखारि फरायसालिमानि गोरायुं ड० बनबिना ब्रह्म, गौतम मुसाहारी, एस'चियेट प्रफेसार, अनजु नार्जारी, बिफान गाहाइ Physics बिफान, लखनात गयारी, एस'चियेट प्रफेसार, दिमासा दैब्रां मुसाहारी, एस'चियेट प्रफेसार, कमल बड'सा, एस'चियेट प्रफेसार, दिपक बसुमतारी, एसिस्टेन्ट प्रफेसार, मिरु एबसुनि लोगो सोलोंथाइ नेहाथारि रमिअ कु बसुमतारी, रांगिरि सिमन्त बसुमतारी, लोगो गेलेमु नेहाथारि मिनिसोरां ब्रह्म बिथांमोनहाबो बाहागो लायो ।

10 जुलाइ, 2022: गुवाहाटीनि स्त्री स्त्री माधवदेव इंटरनेशनल अडिटरियामाव जर'खा मावफुं मेल लानाय ।

मिरु एबसुनि मानगोनां आफादगिरि मानगोनां मुस्त्रि दिपेन बर'आ मासि लाना सामलायनायजों स्त्री स्त्री माधवदेव इंटरनेशनल अडिटरियामाव जर'खा मावफुं मेल लानाय जायो । बे मावफुं मेल 9 आरो 10 थाखोनि गोलोम बोथोरनि बेसेन नाडै फोरोंथाइ होनाय, गुदि फरायसालिफोराव फोरोंगिरि आंखाल जानायफोराव Voluntarily Teacher फोरोंगिरि थिसननाय, बि.टि.आर. नि दफा मावफुंनाय, आफादारिनि सायाव, दै बानाजों हा-खुरखाजानाय बायदि बायदि गोनां आयदानि सायाव सावरायनाय जायो, जेराव मिरु एबसुनि गासैबो बिबानगिरि आरो जिल्ला एबसुनि गासै बिबानगिरि बिथांमोना बाहागो लायो ।

11 जुलाइ, 2022: SUPER 50 नि सायाव बि.टि.आर. सोलोंथाइ बिफाननि बिथोनगिरि जगदिश प्रसाद ब्रह्म आरो बि.टि.आर. सोलोंथाइ बिफाननि अ.एस.दि. बिथांमोनजों सावरायनाय ।

मिरु एबसुनि लोगो आफादगिरि मानगोनां मुस्त्रि खोरोमदाव वारीनि दैदेननायाव मिरुनि मोनसे हानजाया BTR सरखारा खुंनो लानाय SUPER 50 नि सायाव बि.टि.चि. सोलोंथाइ बिफान बिथोनगिरि (ए.इ.एस.) मुस्त्रि जगदिश प्रसाद ब्रह्म आरो बि.टि.चि.नि सोलोंथाइ बिफाननि अ.एस. दि.जों गुवारै सावरायलायनाय जायो ।

11 जुलाइ, 2022: IB नि डाइरेक्टर मुस्त्रि तपन कुमार देकाखौ दिल्लीयाव बरायनाय ।

मिरु एबसुनि आफादगिरि मानगोनां मुस्त्रि दिपेन बर'नि दैदेननायाव भारतनि गोदानै बिबान मोननाय IB नि डाइरेक्टर मुस्त्रि तपन कुमार देकाखौ दिल्लीयाव बरायनाय जायो । आसामनि फिसा मुस्त्रि तपन कुमार देका बिथाड बर'फोरनि थाखाय BTC आरो BTR गोरोबथायाव मैखोमैनो बिहोमा होबोदोंमोन । लोगोसे बिथांनो एबसुनिफ्राय BTR गोरोबथानि दफाफोरखौ थाबैनो मावफुंनो थाखायबो गोसोखां बिलाइ ग'थायनाय जायो ।

बे बरायनाय हाबाफारियाव मिरु एबसुनि गाहाइ नेहाथारि आं मुस्त्रि खनिन्द्र बसुमतारीजों लोगोसे एन.डि.एफ.बि. (पि)नि बारग' गाहाइ नेहाथारि आरो आथिखालनि हरिसिंगा बियाबनि एम.सि.एल.ए. मुस्त्रि सन्जय सर्गियारि बिथाडबो बाहागो लायो ।

12 जुलाइ, 2022: बरमा दख'रा एबसुनि बान्जायनायाव मेट्रिक आरो हायार सेख'ण्डारियाव सेथि मासि आवग्रिनो हानाय फरायसाफोरखौ बरायनाय हाबाफारियाव बाहागो लाहैनाय ।

बरमा दख'रा दुलाराय बर' फरायसा आफाद आरो बरमा गुदि बर' थुनलाइ आफाद जथायै बानजायनायाव बर' बिजोंजों फरायनानै मेट्रिक आनजादाव सेथि थाखोआव उश्रिसार जानो हानाय आरो हायार सेखण्डारि (HS) (Arts, Science and Commerce) आनजादआव सेथि थाखोआव उश्रिसार जानो हानाय फरायसाफोरखौ बरमानि बाथौ आस्त्रम गोजौ फरायसालियाव सानसेनि मेहेरगोनां हाबाफारिजों बरायनाय जायो । बरायनाय हाबाफारिखौ बेखेवनानै होयो बरमा समस्टिनि एम.एल.ए. मुस्त्रि भुपेन बर'आ आरो हाबाफारियाव गाहाइ आलासि महरै बाहागो लायो मिरु एबसुनि गाहाइ नेहाथारि आं खनिन्द्र बसुमतारीया ।

14 जुलाइ, 2022: “आसाम गौरव बान्था” मोनगिरि कल्पना बर'नि रुंसारि जानायखौ खौरां लाहैनाय ।

बर'नि सासे फुंखा सुबुं, सांग्रां आंगनबाडी मावथि, 2021 माइथायनि “आसाम गौरव बान्था” मोनगिरि कल्पना बर' बिथाड गोब्राब बेरामजों नाखेब जानानै थानाय 10 जुलाइ, 2022 अक्ट'आव फुंबलि 3:53 रिंगायाव 45 बोसोर बैसोआवनो रुंसारि जायो । बिथानि अबथिरा रुंसारि जानाय खौरांखौ मोननानै एबसुआ गोथौ दुखु मोन्नाय फोरमायनायजों लोगोसे रुंसारि बिथानि न'खराव थानानै बाय बाहागिफोरखौ लोगो हमहैनाय जायो ।

14 जुलाइ, 2022: समाज सिबियारि हिरण्य पाटवारीनि रुंसारि जानायखौ खौरां लाहैनाय ।

दुलाराय बर' फरायसा आफादनि आलादा राज्यो बड'लेण्ड सोमावसारनायनि बायदिसिना माखासे गण'तानत्रिक हाबाफारिफोराव गोसो गुदुंयै बाहागो लानानै बर'फोरनि मोन्थाइनि थाखाय बाथा बुंग्रा अदालगुरि जिलानि हरिसिंगा दख'रानि पति गामिनि समाज सिबियारि हिरण्य पाटवारी बिथाड 4 जुलाइ, 2022 अक्ट'आव हरखाबै रुंसारि जायो । बेखौनो दुलाराय बर' फरायसा आफादनि मानिनां आफादगिरि मुस्त्रि दिपेन बर' बिथानि दैदेन्नायाव एबसुनि लोगो गाहाइ नेहाथारि दिनेश ब्रह्म, सुबुं फोनांजाब नेहाथारि बिरखां नार्जारी बिथामोना खौरां लाहैयो ।

15 जुलाइ, 2022: जोलुर बादायलायनाय हाबाफारियाव बाहागो लाहैनाय ।

ग'वालपारा जिल्ला दुलाराय बर' फरायसा आफादजों खुंजानाय गिबि खेब रुंसारि महत चन्द्र हाजवारी गोसोखां जोबथा जोलुर गेलेनायखौ दुधनै फरायसालिमानि गेलेग्रा फोथाराव खुंनाय जायो । बेयावनो गाहाइ आलासि महरै बाहागो लायो मिरु एबसुनि गेलेमु नेहाथारि गनेश बसुमतारि बिथाड आरो बिथांजों लोगोसे बाहागो लायो एबसुनि रांगिरि सिमन्त बसुमतारी बिथाड ।

16 जुलाइ, 2022: डा. रनुज पेगुआ CCTOA नि दैदेनगिरिफोरजों सावरायनायाव बाहागो लाहैनाय ।

माखासे साननि सिगाडव आसामनि गिबि मन्त्रि मानगोनां ड० हिमन्त बिश्व सर्माया आसामनि राजथावनिखौ सानजाहा जागिर'द, सोनाबहा फलासबारि आरो साहा तामुलपुरसिम लांनाय जासिगोन होननानै खौरां बिजोंडव बुंदोंमोन । बे बिथिडव CCTOA निफ्राय हेंथा होनायलाय आसामनि सोलोंथाइ मन्त्रि डा० रनुज पेगुआ CCTOA नि दैदेनगिरिफोरखौ दिसपुरनि जनता भबनाव थानाय आसामनि फाइनान्स डिपार्टमेन्टआव हांखायहरनानै सावरायलायो । बे सावरायलायनायाव CCTOA या ट्राइबेल हारिया जौगानायनि बेरेखा नंडा नाथाइ ट्राइबेल बेल्ट एण्ड ब्लकखौ ख'हा खालामनानै राजथावनि गाइसननायखौ गनायनो हाया आरो आसामाव राइजो जानाय ट्राइबेलफोरा जेरावखि थायामानो बै ओनसोलफोरखौनो थाबैनो हानि पाट्टा होनांगौ थांखिफोरखौ लानानै गुवारै सावरायनाय जायो । बे सावरायनायाव एबसुनिफ्राय लोगो गाहाइ नेहाथारि मुस्त्रि दिनेश ब्रह्म, सुबुं फोनांजाब नेहाथारि अबित नार्जारी आरो क'क्राझार जिल्ला एबसुनि गाहाइ नेहाथारि काम्फा बसुमतारीजों लोगोसे CCTOA नि लोगो आफादफोरा बाहागो लायो ।

18 जुलाइ, 2022: UBPO नि 9थि गाइसन्थाइ सान फालिथाइ हाबाफारियाव बाहागो लाहैनाय ।

खौसेथि बर' सुबुं आफाद (UBPO) नि 9थि गाइसन्थाइ सानखौ गुवाहाटीनि श्रीमन्त' शंकरदेब कलाखेत्रयाव सानसेनि मेहेरगोनां हाबाफारिजों खुंफुनाय जायो । बे हाबाफारियाव बुंथिगिरि महरै बाहागो लायो मिरु एबसुनि लोगो आफादगिरि मानगोनां मुस्त्रि रोमदोन बसुमतारी बिथाड ।

19 जुलाइ, 2022: आसामनि गिबि मन्त्रि मानगोनां ड० हिमन्त बिश्व शर्माया करेन्द्र बसुमतारीनि नख'राव थांनानै खौरां लाहैनाय ।

एबसुनि आफादगिरि मानाव गेदेद मुस्त्रि दिपेन बर'नि खावलायनाय बादियै आसामनि गिबि मन्त्रि मानगोनां ड० हिमन्त बिश्व शर्माया रौता चारिआलियाव थानाय एबसुनि बारग'आफादगिरि, जांखिथाइयारि दैदेनगिरि, बारग' एम.एल.ए. मुस्त्रि करेन्द्र बसुमतारीनि नख'राव थांनानै खौरां लाहैयो ।

गिबि मन्त्रि ड० हिमन्त बिश्व शर्माया करेन्द्र बसुमतारीनि देहाखौ खौरां लानानै अनसुंथाइनि सेक होनायजों लोगोसे आबुडै फाहामथाइ होनो थाखाय खोथा होयो ।

24 जुलाइ, 2022: अदालगुरि जिल्ला एबसुनि 13 बोसोर बैसो सिंनि जोलुर बादायलायनाय हाबाफारियाव बाहागो लाहैनाय ।

अदालगुरि जिल्ला एबसुनि बानजाइनायाव खुंनाय 12थि 13 बोसोर बैसो सिंनि जोलुर बादायलायनायखौ माजबातनि राजीब गान्धी मिनि स्टेडियामाव सानसेनि मेहेरगोनां हाबाफारिजों खुंफुनाय जायो । हाबाफारि बादियै गोजोननि थाखाय फारौ आरो बेलुन बिरहोयो फारियै एबसुनि नेहाथारि आनान्द दैमारीया, बड'फानो बिबार बाउजेनो मिरु एबसुनि लोगो गाहाइ नेहाथारि दिनेश ब्रह्म बिथाड आरो मुंख्लं खाम्फायाव बिबार बाउजेनो मिरु एबसुनिनो गेलेमु नेहाथारि गनेश बसुमतारी बिथाड । बे हाबाफारिनि जोबथा जोलुर बादायलायनायखौ बेखेवनानै होयो मिरु एबसुनि आफादगिरि मानाव गेदेद मुस्त्रि दिपेन बर' बिथाड । हाबाफारियावनो मिरु एबसुनिफ्राय लोगो सोलोंथाइ नेहाथारि रमिअ बसुमतारी , आरो बि.टि.आर.नि इ.एम. ड० निलुत स्वर्गियारी बिथांमोनहा बाहागो लायो ।

25 जुलाइ, 2022: आइ.अ.चि.एल. बडइगाव रिफाइनारिनि सिफ जेनेरेल मेनाजार आरो रिफाइनारि सिफ नयन कुमार बरुवाजों सावरायनाय ।

बडइगाव रिफाइनारि मुंखौ सोलायनानै बड'लेण्ड रिफाइनारि बिमुं खालामनांगौखौ लाफानानै गासै मोनब्रै दाबिफोरखौ लानानै एबसुआ आइ.अ.चि.एल. बडइगाव रिफाइनारिनि सिफ जेनेरेल मेनाजार आरो रिफाइनारि सिफ नयन कुमार बरुवाजों लोगोसे आइ.अ.चि.एल. नि अफिसारफोरजों सावरायलायो । मख'जायोदि, बडइगाव रिफाइनारिया सिक्स सिडुल बिटिआरनि सिडव गोग्लैयो । बेखायनो मिरु एबसुनि आफादगिरि मानावगेदेद मुस्त्रि दिपेन बर'नि दैदेननायाव एबसुनि मोनसे थान्दै हानजाया बडइगाव रिफाइनारि मुंखौ सोलायनानै बड'लेण्ड रिफाइनारि बिमुं होनांगौ, रिफाइनारिनि सिडव 4थि थाखोनि साखिखौ ओनसोलनि सार्थआव ओनसोलनि सुबुंफोरा खाबु मोननाय बादियै आनजादखौ जायगायावनो खुंनाय, CSR फाण्डखौ बाहायनायाव ओनसोलनि सुबुंफा बेसेबां मुलाम्फा जादों बिनि सायाव गेबें खेंफोरथि आरो बडइगाव रिफाइनारिखौ 2.7 MMT निफ्राय 5 MMT याव थाव दिहुननो हानायनि थाखाय आपग्रेड खालामनायनि मुंडव 315 एकर हा लानो नागिरनायखौ बर' आरो ट्राइबेल थानाय हाखौ लानो मोननाय नड होन्ानै फोरमायो ।

बे सावरायनायाव मिरु एबसुनिफ्राय फारियै लोगो आफादगिरि खोरोमदाव वारी, गाहाइ नेहाथारि आं खनिन्द्र बसुमतारीया बाहागो लायो ।

25 जुलाइ, 2022: बिजनी दख'रा एबसुनि बानजायनायाव "फोरोंगिरिफोरनि जथुम" (Teachers' Meet) हाबाफारियाव बाहागो लाहैनाय ।

बिजनी दख'रा दुलाराय बर' फरायसा आफादनि बानजायनायाव बिजनीनि सम्बारु बसुमतारी गोसोखां माहारियारी न' बरलागावआव खुंजानाय "फोरोंगिरिफोरनि जथुम" (Teachers' Meet) हाबाफारियाव गुदि, गेजेर आरो गोजौ फरायसालिनि फोरोंगिरिफोरखौ लानानै आथिखालाव जानाय बर' बिजोनि जेंना, बर' बिजो फरायनानै आसामनि जिथि मासि आवग्रिनो हानायनि थाखाय फोरोंगिरि, बिमा-बिफा आरो एबसुजो लोगोसे गुबुन-गुबुन समाज सिबियारी बिथांमोननि बिबान आरो बर' बिजोखौ फोथानाय आरो जौगाहोनायनि सायाव सावरायलायनाय जायो ।

हाबाफारियावनो गाहाय आलासि महरै बाहागो लायो मिरु दुलाराय बर' फरायसा आफादनि आफादगिरि बिथां दिपेन बर' बिथाड । मेलावनो सिरां जिल्लानि ADC, BEEO, मिरु एबसुनिफ्राय गेलेमु नेहाथारि गनेश बसुमतारी, थुनलायारि नेहाथारि समित नार्जारी, सुबुं फोनांजाब नेहाथारि बिरखां नार्जारी, लोगो थुनलायारि नेहाथारि मनिराम बरगयारी, लोगो गेलेमु नेहाथारि मिनिसोरां ब्रह्म बिथांमोना बाहागो लायो ।

26 जुलाइ, 2022: बर' रावखौ HS थाखोआव बिजो महरै थिसननो AHSEC जो सावरायनाय ।

बर' हारिनिनो गोबाव समनि दाबि बर' रावखौ HS थाखोआव बिजो महरै थिसननो गुवाहाटीनि बामुनि मैडामयाव थानाय AHSEC नि कनफारेन्स हलाव सावरायनाय जायो । AHSEC नि नेहाथारि पुलक पाटगिरिया मासि लानानै दैदेननाय सावराय मेलाव गोथौ आरो गुवारै सावरायलायनायनि गेजेरजो नुजाथिनाय बर'नि माहारियारि आफादफोर आरो फुंखा सुबुंफोरनि थांखि बादियै आरो AHSEC नि सेयारमेन रुकमा गहाइ बरुवानि बिथोन बादियै फैगौ 2023 इं माइथायावनो बर' रावखौ HS थाखोआव बिजो महरै थिसननो थाखाय थांखि लायो । बेनिखायनो मोफ्रोमबो फराफारि आयदानि सायाव रोंगौथि गोनां फोरोंगिरि आरो रावस्लायगिरिमोननि सुजु आफाद दानाय, फराफारि आयदाफोरनि सायाव मावबादा जथुमनाय, फराफारि बिजाब दिहुननाय बायदि बायदि गोनां जानाय माखासे हाबाफारिफोरखौ बर' थुनलाइ आफाद आरो दुलाराय बर' फरायसा आफादनि गेजेरजो थाबैनो मावफुंनो थाखाय सावराय मेलाव थांखि लानाय जायो ।

बे सावरायनायाव एबसुनिफ्राय मानिनां आफादगिरि मुस्त्री दिपेन बर'जो लोगोसे मिरु एबसुनिफ्राय गाहाइ नेहाथारि आं खनिन्द्र बसुमतारी, लोगो गाहाइ नेहाथारि दिनेश ब्रह्म, सुबुं फोनांजाब नेहाथारि सर'न्जित नार्जिनारी, अबित नार्जारी, लोगो सोलोंथाइ नेहाथारि रमिअ कुमार बसुमतारी, गेलेमु नेहाथारि गनेश बसुमतारीजो लोगोसे दिल्ली दालाइ एबसुनि इन्वार्च उर्खाव बर'आबो बाहागो लायो ।

26 जुलाइ, 2022: एबसु आरो बर' थुनलाइ आफादा जथायै गुवाहाटीनि खानापारायाव थानाय बड'लेण्ड गेस्ट हाउसआव BTR गोरोबथानि 6.3 दफानि सायाव सावरायनाय ।

आसामनि गिबि मन्त्रिआ फोसावनाय 6 थाखोसिम सानखान्थि आरो बिगियान आयदाखौ इंराजि बिजोंजों फरायनांगौ होननाय आरो सोलोंथाइ मन्थ्रिया आगस्ट' दाननिफ्राय गंसेबो फरायसालिफोरखौ सरखारि खालामनाय जानाय नंला होननायै खौरां बिजोडव फोसावनाय जादों । बैफोर बाथ्राफोरखौ लानानै एबसु आरो बर' थुनलाइ आफादा जथायै गुवाहाटीनि खानापारायाव थानाय बड'लेण्ड गेस्ट हाउसआव गुवारै सावरायलायनायै बर' राव आरो बिजोंनि थाखाय इयुनाव जथायै माखासे हाबाफारि मावलांनो थांखि लायो ।

29 जुलाइ, 2022: हाउलिनि मानास कन्यायाव CCBTROनि जर'खा सावराय जथुमा खुंफुंनाय ।

CCBTRO नि जर'खा सावराय जथुमा 29 जुलाइ, 2022 खालाराव हाउलिनि मानास कन्यायाव लानाय जादोंमोन । लिंथुमगिरि आफाद महरै एबसुनि आफादगिरि मानावगेदेद मुस्त्रि दिपेन बर'आ मासि लानानै दैदेननाय सावराय मेलाव CCBTRO नि गासैबो सोद्रोमा आफादफोरा बाहागो लायो । गोथौ आरो गुवारै सावरायलायनायनि गेजेरजों CCBTRO नि लोब्बा आफादनि दैदेनगिरिफोरनि थांखि बादियैनो गुबुन-गुबुन थांखिफोरजों लोगोसे बि.टि.आर.आव राइजो जानाय हारि हारिसाफोरनि सार्थआव 2022 मायथाइनि आगस्ट' दानाव बि.टि.आर. सरकारजों सावरायनो थाखाय थांखि लानाय जायो ।

30 जुलाइ 2022: “उदखारि बेरेखा सान” फालिनाय ।

दुलाराय बर' फरायसा आफादआ जोहोलाव सोमब्ला बसुमतारीनि थैनाय सानखौ “उदखारि बेरेखा सान” महरै बोसोरफ्रोमबो फालिबोदों । देग्लाय मिरु आरो सिरां जिल्ला एबसु जथायै जोहोलाव सोमब्ला बसुमतारीनि 26थि थैनाय सानखौ सिरां जिल्लानि गयबारियाव थानाय जोहोलाव सोमब्ला बसुमतारी पार्कआव सानसेनि हाबाफारिजों खुंफुंनाय जायो । हाबाफारि बादियै फुंबिलिनि गोथार आर'जखौ जागायनायै आफादनि फिरफिलाखौ ससे बिरहोयो एबसुनि आफादगिरि मानाव गेदेद मुस्त्रि दिपेन बर' बिथाड । जोहोलाव सोमब्ला बसुमतारीनि मांख'रसालियाव बिबार बाउजेनो जोहोलाव बिथानिनो आंगो बिसि मुस्त्रिमा भानुमती बसुमतारीया ।

थिखानाय हाबाफारि बादियैनो गोजोननि थाखाय गुफुर फारौ आरो बेलुनखौ बिरहोयो फारियै बर' थुनलाइ आफादनि लोगो आफादगिरि मुस्त्रिमा रमिला इस्लारी आरो साहित्य अकाडेमि बान्था मोनगिरि नारायन खाख्लारीया । “उदखारि सान फालिनाय” खौ मदद होनायै सागानखौ होजेनगोरो मिरु एबसुनि बारग' लोगो आफादगिरि आरो सिदली बियाबनि एम.एल.ए. मुस्त्रि जयन्त बसुमतारी बिथाड ।

मिरु एबसुनि मानाव गेदेर आफादगिरि मुस्त्रि दिपेन बर'आ मासि लानानै दैदेननाय “इनाय दाय मावनाय, फेग्रा बेसादखौ बाहायनाय, मानसि लांखारनाय आरो रां-रुफा दाबिनाय गाञ्जि जाथायफोरा सुबुं समाजनि खौसेथिखौ दिदोमथि गोयै खालामो आरो बेफोर गाञ्जि जाथायफोरखौ फोजोबस्त्रानायनि राहा लामा” आयदानि सायाव सावराय मेलखौ बेखेवनानै होयो मिरु एबसुनि बारग' आफादगिरि, बि. टि.आर. नि सागानगिरि आरो बि.टि.आर.नि गाहाइ मावफुं सोद्रोमा मानगोनां मुस्त्रि प्रमद बर' बिथाड। मेलाव गाहाइ आलासि महरै बाहागो लायो बर' थुनलाइ आफादनि आफादगिरि मानगोनां मुस्त्रि तरेन बर' बिथाड। जर'खा आलासि महरै बाहागो लायो एबसुनि बारग' आफादगिरि ड० दिपक कुमार बसुमतारीया आरो थांखिजानाय बुंथिगिरि महरै बाहागो लायो आसामनि स्पिसियेल ब्रान्चनि एडिसनेल डि.जि.पि. मुस्त्रि हिरेन नाथ बिथाड।

हाबाफारियावनो बि.टि.आर. नि सागानगिरि, एबसुनि बारग' गाहाइ नेहाथारि आरो सानजा क'क्राझार बियाबनि एम.एल.ए. मुस्त्रि लरेन्स इसलारी, बि.टि.आर. नि मावफुं सोद्रोमा मुस्त्रि रनजित बसुमतारी, गागि दैदेनगिरिफोर, समाज सिबियारी आरो मेलेमजिबि बिथांमोनजों लोगोसे रायजो राजाफोरा गोसो गोथारै बाहागो लायो।

31 जुलाइ, 2022: एबसुनि जारिमिनारि लिरथुम आफादनि मावफुं मेल खुंनाय।

क'क्राझार NIBनि मावख'आव दुलाराय बर' फरायसा आफादनि जारिमिनारि लिरथुम आफादनि मावफुं मेलखौ ड० सुरथ नारजारीनि मासि सामलायनायाव जारिमिन लिरनायनि बाहागो राननायनि सायाव गुवारै सावरायलायनाय जायो। हाबाफारियाव दुलाराय बर' फरायसा आफादनि मानगोनां आफादगिरि मुस्त्री दिपेन बर' बिथांजों लोगोसे लोगो आफादगिरि मुस्त्री खोरोमदाव वारी, गाहाइ नेहाथारि आं मुस्त्री खनिन्द्र बसुमतारी, बुंथिगिरि मुस्त्री जनक उजिरजों लोगोसे माखासे बिबानगिरि बिथांमोनहाबो बाहागो लायो।

1 आगष्ट', 2022: आसाम केबिनेटा सोलोंथाइनि सायाव लानाय माखासे थांखिफोरखौ बिथा खालामनानै एबसु, आसु, बर' थुनलाइ आफाद आरो असम साहित्य सभानि जथायै मेल आरो खौरां मेल खुंनाय।

आसाम केबिनेटा सोलोंथाइनि सायाव लानाय माखासे थांखिफोरखौ लानानै गुवाहाटी नोगोरमानि हटेल प्राग कनतिनेन्तेलाव एबसु, आसु, बर' थुनलाइ आफाद आरो असम साहित्य सभानि जथाय मेल आरो खौरां मेल खुंनाय जायो।

बे मेलआव सरखारि नडै-फरायसालिफोरखौ सरखारि खालामनाय नंला होत्राय थांखिखौ जथाय मेलनि गेजेरजों हेंथा खालामनाय जायो आरो गासै सरखारि नडै-फरायसालिफोरखौ थाबैनो सरखारि

खालामनांगौनि थाखाय सरखारखौ नारसिनहरनायनि थांखि लानाय, थाखो 3 निफ्राय थाखो 12 सिम सानखान्थि आरो बिगियान आयदाखौ इराजी बिजौनि खालामनो थांखि लानायखौ हेंथा खालामनाय, सोलिफु सोलौंथाइ फराफारिनि समाज बिगियानखौ बोखारनायजों लोगोसे रांखान्थि बिगियान फरा आरो राजखान्थि बिगियान फराखौबो गैया खालामनानै जारिमिन आरो भुमखौरां आयदाल' खालामनो नागिरनाय थांखिखौबो हेंथा खालामनाय, बर' आरो असमीया Both Medium थानाय सरखारि गोजौ फरायसालियाव इराजी बिजों सोस'नबावनो लानाय आसाम सरखारनि थांखिखौ हेंथा खालामनाय, गंफ्रोम जिल्लानिफ्राय गं 5/10 थाखानाय सरकारनि गोजौ फरायसालिफोरखौ CBSE आदर्श इराजी बिजों फरायसालि खालामनो नागिरनाय आसाम सरखारनि थांखिखौ हेंथा खालामनाय, गासै आसामनि 126 गं एम.एल.ए बियाबआव गंफायै थाखानाय सरखारि गौजौ फरायसालिखौ CBSE आदर्श इराजी बिजों फरायसालि खालामनो लानाय थांखिखौ हेंथा खालामनाय, बर'आरो असमीया बिजौनि खैफोद गोनां आसाम सरखारा लानाय थांखिखौ बोखानानै लाफिनांगौनि थाखाय आसामनि गिबि मन्थि ड० हिमन्त बिश्व शर्मा बिथानिसिम जथायै दाबि बिलाइ दैथायहरनो थांखि लानाय, बर' आरो असमीया बिजौनि खैफोद गोनां आसाम सरखारा लानाय थांखिखौ लानानै आसामाव थानाय गुदि फरायसालिनिफ्राय मुलुग सोलौंसालिसिमनि गासै फोरोंगिरि गौथुमफोरजों जथायै सावरायनो थांखि लायो आरो बर' आरो असमीया बिजौनि खैफोद गोनां आसाम सरखारा लानाय थांखिखौ लानानै आसामनि गुबुन-गुबुन फरायसा आरो माहारियारि आफादफोरजों जथायै सावरायनो थांखि लानाय जायो ।

2 आगष्ट', 2022: आसाम केबिनेटनि सोलौंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनायनि सायाव सुबुं सांग्रांथि मेल लानाय ।

अदालगुरि जिल्लानि सिडव थानाय भेरगाव बाजारआव बर' थुनलाइ आफाद आरो दुलाराय बर' फरायसा आफादा जथायै आसाम केबिनेटनि सोलौंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनायनि सायाव सुबुं सांग्रांथि मेल लानाय जायो । हाबाफारियावनो एबसु आरो बर' थुनलाइ आफादा थाखो 3 निफ्राय थाखो 12 सिम सानखान्थि आरो बिगियान आयदाखौ इराजी बिजौनि खालामनो थांखि लानायखौ माब्लाबाबो गनायनानै लानो हानाय नड होन्नानैबो बुंथियो एबसुनि आफादगिरि मुस्त्रि दिपेन बर' आरो बर' थुनलाइ आफादनि मानगोनां आफादगिरि मुस्त्रि तरेन बर' बिथाड ।

3 आगष्ट', 2022: दुलाराय बर' फरायसा आफाद आरो बर' थुनलाइ आफादा जथायै आसाम केबिनेटआ सोलौंथाइनि सायाव लानाय थांखि आरो बि.टि.आर. गोरोबथानि 6.3 मावफुंनायनि

सायाव सुबुं सांग्रांथि मेल लानाय ।

सिरां जिल्ला दुलाराय बर' फरायसा आफादनि मावख'आव बर' थुनलाइ आफाद आरो दुलाराय बर' फरायसा आफादा जथायै आसाम केबिनेटआ सोलोंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनायनि सायाव सुबुं सांग्रांथि मेल लानाय जायो ।

4 आगष्ट', 2022: दुलाराय बर' फरायसा आफाद आरो बर' थुनलाइ आफादा जथायै आसाम केबिनेटआ सोलोंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनायनि सायाव सुबुं सांग्रांथि मेल लानाय ।

क'क्राझार जिल्लानि सिडव थानाय Science College नि नब्लांआव दुलाराय बर' फरायसा आफाद आरो बर' थुनलाइ आफादा जथायै आसाम केबिनेटआ सोलोंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनायनि सायाव सुबुं सांग्रांथि मेल लानाय जायो । बे सांग्रांथि मेलाल एबसुनि आफादगिरि मानगोनां मुस्त्रि दिपेन बर' आरो बर' थुनलाइ आफादनि मानगोनां आफादगिरि मुस्त्रि तरेन बर' बिथांमोना गाहाइ बुंथिगिरि महरै बाहागो लायो ।

5 आगष्ट', 2022: दुलाराय बर' फरायसा आफाद आरो बर' थुनलाइ आफादा जथायै आसाम केबिनेटआ सोलोंथाइनि सायाव लानाय थांखि आरो बि.टि.आर. गोरोबथानि 6.3 मावफुंनायनि सायाव सुबुं सांग्रांथि मेल लानाय ।

बागसा जिल्लानि सिडव थानाय बरमा हिन्जावसा गोजौ फरायसालिनि नब्लांआव बर' थुनलाइ आफाद आरो दुलाराय बर' फरायसा आफादा जथायै आसाम केबिनेटआ सोलोंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनायनि सायाव सुबुं सांग्रांथि मेल लानाय जायो । सांग्रांथि मेलआवनो एबसुनि आफादगिरि मुस्त्रि दिपेन बर', बर' थुनलाइ आफादनि आफादगिरि मुस्त्रि तरेन बर' बिथांमोना गाहाइ बुंथिगिरि महरै बाहागो लायो ।

6 आगष्ट', 2022: सनितपुर जिल्लानि बेन्दोडव थानाय राडपारा माइनावस्त्रियाव थानाय बिहुराम बर' गेजेर आरो गोजौ फरायसालियाव आसाम केबिनेटआ सोलोंथाइनि सायाव लानाय थांखि आरो बि.टि.आर. गोरोबथानि 6.3 दफा मावफुंनायनि सायाव सुबुं सांग्रांथि मेल लानाय ।

आसाम केबिनेटआ सोलोंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनायनि सायाव सुबुं सांग्रांथि मेल लानायखौ सनितपुर जिल्लानि बेन्दोडव थानाय राडपारा माइनावस्त्रियाव थानाय बिहुराम बर' गेजेर आरो गोजौ फरायसालियाव बर' थुनलाइ आफाद आरो दुलाराय बर' फरायसा आफादा जथायै खुंफुडे । बर' थुनलाइ आफादनि लोगो आफादगिरि

मुस्त्रि सिताराम बसुमतारीया मासि लानानै दैदेननाय सांग्रांथि मेलनि गुबै थांखिखौ बेखेवनानै होयो बर' थुनलाइ आफादनि गाहाइ नेहाथारि मानगोनां मुस्त्रि प्रसान्त बर' बिथाड। गाहाइ बुंथिगिरि महरै बाहागो लायो मिरु एबसुनि लोगो आफादगिरि मानगोनां मुस्त्रि खोरोमदाव वारी आरो बर' थुनलाइ आफादनि नेहाथारि मुस्त्रि हरेस्वर नार्जारी बिथांमोना।

बे हाबाफारियावनो दुलाराय बर' फरायसा आफादनिफ्राय लोगो आफादगिरि रोमदोन बसुमतारी, नेहाथारि आनान्द दैमारी, बिरदाव बर', सुबुं फोनांजाब नेहाथारि अबित नार्जारी, लोगो सोलेंथाइ नेहाथारि रमिअ कु. बसुमतारी, लोगो गेलेमु नेहाथारि मिनिसोरां ब्रह्मजों लोगोसे जिल्ला एबसु आरो बर' थुनलाइ आफादनि दैदेनगिरिफोर आरो दख'रा आरो प्राइमारिनि दैदेनगिरिफोराबो बाहागो लायो।

6 आगष्ट', 2022: गुवाहाटीनि प्राग कनटिनेनटेल हटेलआव आसाम केबिनेटआ सोलेंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनंगौनि सायाव सावरायनाय।

दुलाराय बर' फरायसा आफाद, बर' थुनलाइ आफाद, आसाम साहित्य सभा, आसाम फरायसा आफादनि हांखायनायजों गुवाहाटीनि प्राग कनटिनेनटेल हटेलआव सानसेनि ओंथिगोनां मेलनि गेजेरजों आसाम केबिनेटआ सोलेंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनंगौनि सायाव गोथौ आरो गुवारै सावरायनाय जायो। सावरायमेलावनो आसामनि गुबुन-गुबुन आफाद जेरै- गौहाटी मुलुगसोलोंसालि फोरोंगिरि आफाद, दिब्रुगड मुलुगसोलोंसालि फोरोंगिरि आफाद, कटन मुलुगसोलोंसालि फोरोंगिरि आफाद, बड'लेण्ड मुलुगसोलोंसालि फोरोंगिरि आफाद, आसाम फरायसालिमा गोरायुं आफाद, आसाम फरायसालिमा फोरोंगिरि आफाद, आसाम जुनियर करम'चारि आफाद, दुलाराय आसाम गोजौसिन गेजेरारि फरायसालि फोरोंगिरि आरो खामानि मावग्रा आफाद, आसाम गोजौ फरायसालि फोरोंगिरि आफाद, आसाम गेजेरारि इराजी फोरोंगिरि आफाद, दुलाराय आसाम गेजेरारि फरायसालि फोरोंगिरि आफाद, दुलाराय आसाम सरखारि गुदि फरायसालि फोरोंगिरि आफाद, आसाम रायजो गुदि फोरोंगिरि आफाद, दुलाराय बर' गुदि फोरोंगिरि आफाद, बर' बिफान फोरोंगिरि आफाद। मख'नो गोनांदि गुबुन-गुबुन आफादनि बाहागो लानायजों ओंथि गोनां सावरायमेलनि गेजेरजों आसाम सरखारआ बिमा रावनि हेंथायै बिथांखि लानाय आरो आसामनि गुबुन-गुबुन बिमा रावखौ फोथैनो खैसार खालामनायखौ गनायनानै लानो हाया होन्नानै जथायै थांखि लायो। सावरायमेलावनो आसामनि बर' बिजोंनि सरखारि नडै फरायसालिफोरखौ थाबैनो बि.टि.आर. गोरोबथानि 6.3 दफाखौ दहाय होनानै थाबैनो सरखारि खालामनांगौनि थाखाय मेलनि गेजेरजों आसाम सरखारखौ खावलायो।

दुलाराय बर' फरायसा आफादनिफ्राय मानगोनां आफादगिरि मुस्त्रि दिपेन बर', आं गाहाइ नेहाथारि मुस्त्रि खनिन्द्र बसुमतारी, गेलेमु नेहाथारि मुस्त्रि गनेश बसुमतारी, सुबुं फोनांजाब नेहाथारि सरन्जित नार्जिनारी बिथांमोना बाहागो लायो।

6 आगष्ट', 2022: बि.टि.आर. सरखारजों खुंफुंजानाय जोहोलाव निलेस्वर ब्रह्मनि देंखोनि गाथोनाव, मोनसे गुमुर हाबाफारियाव बाहागो लाहैनाय।

जोहोलाव निलेस्वर ब्रह्मनि देंखोनि गाथोनाव मोनसे गुमुर बर' हारिमुआव जोहोलाव निलेस्वर ब्रह्मनि बिहोमा आरो बिथांनि देंखोखौ गोजोर खालामनायनि थांखिजों बि.टि.आर. सरखारनि बानजायनायाव मोनसे सावराय मेल लानायजों लोगोसे हारिमु दिन्थिफुंनाय हाबाफारिखौ Refinery Club Cum Community Centre, IOCL, BRPL Township, Chirang आव खुंफुंनाय जायो। थिखानाय हाबाफारि बादियै आलारि बाथिखौ फोजोंजेनो मिरु दुलाराय बर' फरायसा आफादनि नेहाथारि रंगिना बरगयारी बिथाड। हाबाफारिखौ बेखेवो सान्जा क'क्राझार बियाबनि एम.एल.ए. मानाव गेदेद लरेन्स इस्लारि, बिथाड।

बे हाबाफारियावनो बि.टि.आर.नि गाहाइ मावफुं सोद्रोमा मानाव गेदेद प्रमद बर', आसाम बिधान सभानि बुंथिगिरि बिस्वजित दैमारी आरो बि.टि.आर.नि गासै एम.एल.ए., इ.एम., एम.चि.एल.ए. बिथांमोन आरो मिरु दुलाराय बर' फरायसा आफादनि थुनलायारि नेहाथारि समित नार्जारी, लोगो थुनलायारि नेहाथारि मनिराम बरगयारी आरो मावख' नेहाथारि बुध्दिराम बसुमतारी बिथांमोनाबो बाहागो लायो।

7 आगष्ट', 2022: दुलाराय बर' फरायसा आफाद आरो बर' थुनलाइ आफादा जथायै मोननै जिल्ला फारियै ग'वालपारा आरो लखिमपुर जिल्लायाव आसाम केबिनेटआ सोलोंथाइनि सायाव लानाय थांखि आरो बि.टि.आर. गोरबथानि 6.3 दफाखौ मावफुंनांगौनि सायाव सुबुं सांग्रांथि मेल लानाय।

दुलाराय बर' फरायसा आफाद आरो बर' थुनलाइ आफाद जथायै 7 आगष्ट, 2022 खालाराव मोननै जिल्ला फारियै ग'वालपारानि बर' बार'दल नि गाहाइ मावखुलि, आमजंगा आरो बर' थुनलाइ भबन, बगिनदि, लखिमपुरआव आसाम केबिनेटआ सोलोंथाइनि सायाव लानाय थांखि आरो बि.टि.आर. गोरबथानि 6.3 दफाखौ मावफुंनांगौनि सायाव सुबुं सांग्रांथि मेल लानाय जायो। बे सांग्रांथि मेल आव गाहाइ बुंथिगिरि महरै बाहागो लायो एबसुनि लोगो आफादगिरि मानगोनां मुस्त्रि खोरमदाव वारी बिथाड।

लखिमपुर जिल्लानि हाबाफारियाव एबसुनि नेहाथारि मुस्त्रि आनान्द दैमारि, नेहाथारि निजोम

बसुमतारी आरो बर' थुनलाइ आफादनि गाहाइ नेहाथारि मानगोनां मुस्त्रि प्रसान्त बर', लोगो आफादगिरि चिताराम बसुमतारी, नेहाथारि हरेश्वर नार्जारी आरो गोबां बिबानगिरिफोरजों लोगोसे जिल्लानि मेलेमजिबि बिथांमोनाबो बाहागो लायो।

07 आगष्ट', 2022: 2थि 13 बोसोर बैसो सिंनि (Under 13 Football Tournament) जोलुर बादायलायनायनि बेखेवनाय हाबाफारियाव बाहागो लाहैनाय।

“बड'फा गोजोरथियारि सोलायनाय मावथांखि” खौ बिथा खालामनानै क'क्राझार जिल्ला दुलाराय बर' फरायसा आफादा 2थि 13 बोसोर बैसो सिंनि (Under 13 Football Tournament) जोलुर बादायलायनाय हाबाफारिखौ सिमबोरगाव गोजौसिन गेजेरारि फरायसालिनि गेलेग्रा फोथाराव बेखेवजेननाय जायो।

बेखेवनाय हाबाफारियावनो मिरु दुलाराय बर' फरायसा आफादनि गाहाइ नेहाथारि आं खनिन्द्र बसुमतारीया गाहाइ आलासि महरै बाहागो लायो। हाबाफारियावनो बि.टि.आर. नि गाहाइ मावफुं सोद्रोमा मुस्त्रि प्रमद बर'नि फलिटिकेल एडभाइजार मुस्त्रि बेरलाव के कार्जि, मिरु एबसुनि बुंथिगिरि मुस्त्रि जनक उजिर, लोगो बुंथिगिरि थरायना बिबारि बर', नेहाथारि थरायना रंगिना बरगयारी, मोनसे समनि मिरु एबसुनि रांगिरि मुस्त्रि जस'मानिक ब्रह्म, गुबुन-गुबुन आफादफोरनि बिबानगिरि, एबसुनि गोबां बारग' बिबानगिरिफोरजों लोगोसे आनसोलनि गोबां मेलेमजिबि बिथांमोना बाहागो लायो।

08 आगष्ट', 2022: बि.टि.आर. गोरोबथानि दफाफोरखौ मावफुंनंगौनि थाखाय गोदान दिल्लीनि नर्थ ब्लक (North Block) आव पियुश गयेलजों सावरायनाय।

बि.टि.आर. गोरोबथानि दफाफोरखौ मावफुंनंगौनि थाखाय गोदान दिल्लीनि नर्थ ब्लक (North Block) एम.ओइस.ए. (MHA) आव एबसु, एन.डि.एफ.बि. (P), एन.डि.एफ.बि. (RD), एन.डि.एफ.बि. (S) आरो इड.बि.पि.अ. जुथायै भारत सरखारजों गोथौ आरो गुवारै सावरायलायनाय जायो। सावरायनायाव बि.टि.आर. गोरोबथानिनो आद्रा थाबावनाय माखासे दफाफोरखौ थाबैनो मावफुंजोबनांगौनि थाखाय North-East नि Additional Secretary Piyush Goyal आरो Advisor to North-East A.K. Mishra बिथांखौ लोगो हमनानै मोन 12 आयदाफोरखौ थाबैनो मावफुंनंगौनि थाखाय गुवारै सावरायलायनाय जायो। सावरायनायव एबसुनिफ्राय फारियै मानाव गेदेर आफादगिरि मुस्त्रि दिपेन बर', लोगो आफादगिरि खोरोमदाव वारी आरो रोमदोन बसुमतारीया बाहागो लायो।

10 आगष्ट', 2022: आसाम केबिनेटआ सोलोंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनंगौनि सायाव सुबुं सांग्रांथि मेल लानाय।

बर' थुनलाइ आफाद आरो दुलाराय बर' फरायसा आफादा जथायै सिरां जिल्लानि सिडव थानाय बिजनि महकुमानि सिडव थानाय बिजनी फरायसालिमानि बिरेन्द्रगिरि बसुमतारी नमायाव आसाम केबिनेटआ सोलौंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनंगौनि सायाव सुबुं सांग्रांथि मेल लानाय जायो।

बे सांग्रांथि मेलव गाहाइ बुंथिगिरि महरै बाहागो लायो बर' थुनलाइ आफादनि मानगोनां आफादगिरि मुस्त्रि तरेन बर', दुलाराय बर' फरायसा आफादनि मानगोनां लोगो आफादगिरि मुस्त्रि खोरोमदाव वारी आरो गाहाइ नेहाथारि आं मुस्त्रि खनिन्द्र बसुमतारीया।

11 आगष्ट, 2022: सुबुं सांग्रांथि मेलव बाहागो लानाय।

कामरुप जिल्ला एबसु आरो रडिया बर' थुनलाइ आफादनि बानजायनायाव रडिया हरदत्त बिरदत्त भबनाव खुंनाय सुबुं सांग्रांथि मेलव आं खनिन्द्र बसुमतारिया गाहाय आलासि महरै बाहागो लायो आरो आंजों लोगोसे बाहागो लायो मिरु एबसुनि लोगो आफादगिरि मुस्त्रि खोरोमदाव वारी आरो बर' थुनलाइ आफादनि आफादगिरि तरेन बर' बिथाड।

12 आगष्ट', 2022: बि.टि.आर.नि दफाफोरखौ थाबैनो मावफुंजोबनांगौनि थाखाय गौहाटि कानापारायाव थानाय बड'लेण्ड आलासि जिरायसालियाव सावरायनाय।

बि.टि.आर.नि गासै दफाफोरखौ मावफुंजोबनांगौनि थाखाय बि.टि.आर.नि सिफ मानगोनां मुस्त्री प्रमद बर' बिथानि दैदेननायाव गौहाटि कानापारायाव थानाय बड'लेण्ड आलासि जिरायसालियाव सावरायनाय जायो। बे सावरायनाया दुलाराय बर' फरायसा आफाद आरो बि.टि.आर. सरखारनि गेजेराव जायो। सावरायनायाव दुलाराय बर' फरायसा आफादनि मानाव गेदेद आफादगिरि मुस्त्रि दिपेन बर'जों लोगोसे मिरु एबसुनि गाहाइ नेहाथारि आं खनिन्द्र बसुमतारी,लोगो आफादगिरि खोरोमदोव वारी, रोमदोन बसुमतारी, नेहाथारि आनान्द दैमारीयाबो बाहागो लायो।

14 आगष्ट', 2022: 55थि बोसोरसालिया जथुमानि बान्जाय आफाद दाफुंनाय।

दुलाराय बर' फरायसा आफादनि 55थि बोसोरसालिया जथुमाखौ लांहिन हाजोआरि फोथारनि थान्दै मेलव थांखि लानाय बादियै अदालगुरि जिल्लानि बेन्दोडव थानाय रौतायाव खुंफुंनो थाखाय थि खालामनाय जायो। जिल्लानि बेन्दोडव थानाय गं 13 दख'राफोरनिफ्राय हांखायनानै लाबोजानाय मेलेमजिबि आरो राइजो राजाफोरनि गेजेरनिफ्रायनो मुस्त्रि रबिन्द्र मोसाहारीखौ आफादगिरि, मुस्त्रि जोंसार दैमारीखौ गाहाइ नेहाथारि आरो दैमालु मोसाहारीखौ फाइनेन्स साब कमितिति सेयारमेननि बिबान होनानै 55थि बोसोरसालिया जथुमानि बानजाय आफादखौ रौतायाव थानाय “बड' इण्डिजिनेयास

कालचारेल कमप्लेक्स (BICC) नब्लाडव दाफुंनाय जायो ।

16 आगष्ट 2022: आसाम सोरखारनि केबिनेट आरो सोलोंथाइ बिफाना सोलोंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनांगौनि सायाव सुबुं सांग्रांथि मेल लानाय ।

बर' थुनलाइ आफाद आरो दुलाराय बर' फरायसा आफादा जथायै अदालगुरि जिलानि सिडव थानाय उदालगुरि फरायसालिमानि नब्लांआव आसाम सरखारनि केबिनेट आरो सोलोंथाइ बिफाना सोलोंथाइनि सायाव लानाय थांखि आरो बि.टि.आर. गोरोबथानि 6.3 दफाखौ मावफुंनांगौनि सायाव सुबुं सांग्रांथि मेल लानाय जायो । बर' थुनलाइ आफादनि मानिनां आफादगिरि मुस्त्री तरेन बर' आ सामलायनाय सांग्रांथि मेलआव बुंथिगिरि महरै एबसुनि मानिनां आफादगिरि मुस्त्री दिपेन बर' बिथाड बाहागो लायो ।

18 आगष्ट', 2022: दिसपुर जनता भवनाव डा. रनुज पेगुजों सावरायनाय ।

दिसपुर जनता भवननि ब्लक F नि ग्राउण्ड फ्लुराव थानाय फाइनेन्स डिपार्टमेन्तनि हलाव आसामनि मानिनां सोलोंथाइ मन्त्रि डा. रनुज पेगुजों एबसु, बर' थुनलाइ आफाद, आसु आरो आसाम साहित्य सभानि दैदेनगिरिफोरा जथायै आथिखालाव आसाम सरखारनि केबिनेट आरो सोलोंथाइ बिफाना सोलोंथाइनि सायाव लानाय माखासे थांखिफोरनि सायाव गुवारै आरो गोथौयै सावरायनाय जायो । बाहागो लानाय मोनब्रै माहारियारि आफादनि बिबानगिरि बिथामोना आसाम सोरखारनि केबिनेट आरो सोलोंथाइ बिफाना सोलोंथाइनि सायाव लानाय थांखिफोरनि सायाव अजद दैखाडे आरो सोरखारनि थांखिफोरखौ थोंजोंयै गनायना लाया होननानै रोखायै फोरमायनानै होयो आरो सोरखारनि थांखिफोरखौ बोखांनानै लानो खावलायो ।

सावराय मेलआव मिरु एबसुनि मानिनां आफादगिरि मुस्त्री दिपेन बर', लोगो आफादगिरि फारियै खोरोमदाव वारी, रोमदोन बसुमतारी, गाहाइ नेहाथारि आं खनिन्द्र बसुमतारी, लोगो गाहाइ नेहाथारि दिनेश ब्रह्म, गेलेमु नेहाथारि गनेश बसुमतारी, सोलोंथाइ नेहाथारि सोमावसार बसुमतारी बिथामोना बाहागो लायो ।

21 आगष्ट', 2022: गांधी हिन्दुस्तानी साहित्य सभानि बान्जायनाय हाबाफारियाव बाहागो लाहैनाय ।

गांधी हिन्दुस्तानी साहित्य सभानि बान्जायनायाव गोदान दिल्लीनि राजघाटआव थानाय गांधी हिन्दुस्तानी साहित्य सभानि मावख' आव हारियाना कैथलनि महर्षि बाल्मीकि संस्कृत मुलुगसोलोंसालिनि

भाइस चेन्सेलर प्रो. रमेश भरद्वाज बिथानि आफाद सामलायनायाव भारत उदांसिनि सासे गागि मावथि, समाज फोसाबगिरि, गागि खौरांगिरि आरो महात्मा गान्धीनि सान्थौ आरो सानस्त्रिखौ गोथौयै फोथायग्रा आरो सिबिग्रा “आचार्य काकासाहेब कालेलकर” बिथानि 42थि थैनाय सानखौ फालिनायजों लोब्बा लाखिनानै बिथानि जिउ आरो अबदानखौ बिथा खालामनानै “गोसोखां सावरायनाय” हाबाफारि लानाय जायो ।

सानसेनि ओंथिगोनां आरो मेहेरगोनां हाबाफारियाव हांखायनाय बादियै दुलाराय बर’ फरायसा आफादनि मानिनां आफादगिरि मुस्त्रि दिपेन बर’, लोगो आफादगिरि खोरोमदाव वारी आरो गाहाइ नेहाथारि आं खनिन्द्र बसुमतारीया बाहागो लाहैयो ।

22 आगष्ट’, 2022: एबसुआ भारतनि बिसायखथि आयगनो गोसोखां बिलाइ गथायनाय ।

एबसुनि आफादगिरि मुस्त्रि दिपेन बर’नि दैदेननायाव एबसुनि मोनसे हान्जाया बियाब दाफाम आयेन (Delimitation Act) 2002 नेमखान्थिनि गेजेरजों 2001 मायथाइनि सुबुं सानखोखौ बिथा खालामनानै सा-सानजा भारतनि मोनब्रै रायजोफोर जेरै आसाम, अरुनाचल प्रदेश, नागालेण्ड, माणिपुराव गोदानै थाबैनो बियाब दाफुंनंगौनि थाखाय एबसुआ गुबैयै मोनथाम गाहाइ आयदाफोरखौ लानानै गोदान दिल्लीआव बिसायख’थि आयगनो गोसोखांलाइ गथायनाय जायो । भारत संबिजिरनि द’थि फारिलाइनि सिडव बि.टि.आर. गोरोबथा खालामनाय लेखायै क’क्राझार लक सभा बियाबखौ आरो आसाम एसेमब्लिआवबो बियाब दाफामनायाव द’थि फारिलाइनि नेमखान्थि बायदियैनो रिजार्भेसनखौ जुनियायै लाखिनानै मावफुंनो थाखाय भारतनि बिसायख’थि आयगखौ खावलायनायजों लोगोसे गोसोखां बिलाइबो गथायनाय जायो ।

मख’नो गोनांदि 2020 माइथायाव बि.टि.आर. गोरोबथानि गेजेरजों बि.टि.चि.नि दथि फारिलाइ काउन्सिल लेजिसलेथिप एसेमब्लिनि बियाबफोरखौ बारायनाय आरो गोदानै दाफुंजानाय बि.के.डब्लिउ.ए.चि. नि बियाबफोरखौबो थाबैनो दाफुंनयनि गेजेरजों आबुडै मावफुंनानै होनो थाखाय भारतनि बिसायख’थि आयगनि गाहाइ बिसायख’थि आयगगिरिनो गोसोखां बिलाइ गथायो । गोसोखां बिलाइ गथायनायावनो मानगोनां आफादगिरिजों लोगोसे लोगो आफादगिरि मुस्त्रि खोरोमदाव वारी आरो गाहाइ नेहाथारि आं खनिन्द्र बसुमतारीया बाहागो लायो ।

23 आगष्ट’, 2022: 13 बोसोर बैसोनि सिंनि जोलुर बादायलायनायनि जोबथा बादायलायनाय हाबाफारियाव बाहागो लाहैनाय ।

क’क्राझार जिल्ला दुलाराय बर’ फरायसा आफादनि बान्जायनायाव सिम्बोरगाव गोजौसिन गेजेरारि फरायसालि गेलेग्रा फोथाराव 2थि खेब “बड’फा गोजोरथियारि सोलायनाय मावथांखि”

बिथांखिजों 13 बोसोर बैसोनि सिंनि जोलुर बादायलायनायनि जोबथा (Final) बादायलायनाय खुंफुंनाय जायो। हाबाफारियाव मिरु दुलाराय बर' फरायसा आफादनि लोगो आफादगिरि मानगोनां मुस्त्रि रोमदोन बसुमतारीआ गाहाइ आलासि महरै बाहागो लाहैयो। बेवहायनो ज'रखा आलासि महरै बाहागो लायो मिरु दुलाराय बर' फरायसा आफादनि बुंथिगिरि जनक उजिर, थुनलायारि नेहाथारि समित नार्जारी, लोगो गेलेमु नेहाथारि मिनिसोरां ब्रह्मआ।

24 आगष्ट, 2022: “मिसन फिन रोदोमखां” नि सायाव सावरायनायाव बाहागो लाहैनाय।

बि.टि.आर. सोरखारनि बानजाइनायाव बारग' एन.डि.एफ.बि. नि सोद्रोमाफोरखौ लानानै “मिसन फिन रोदोमखां” नि सायाव सावरायनायखौ अदालगुरिनि बि.डि.एफ नब्लाडव लानाय जायो। बे सावरायनायाव जर'खा हांखायजानाय आलासि महरै बाहागो लायो मिरु एबसुनि आफादगिरि मानाव गेदेद मुस्त्रि दिपेन बर'आ। बेयावनो आद्रा थाबावनाय बारग' एन.डि.एफ.बि. नि सोद्रोमाफोरनो थाबैनो अनसुंथाइखौ गथायनो बि.टि.आर. सोरकारजों लोगोसे हांखायजानाय जर'खा आलासि महरै बाहागो लाफैनाय आसामनि ए.डि.जि.पि. ड० हिरेन चन्द्र नाथखौबो खावलायो।

25 आगष्ट' 2022: 2थि बड'लेण्ड मुंख्लं जोबथा जोलुर बादायलायनाय हाबाफारियाव बाहागो लाहैनाय।

“बड'फा गोजोरथियारि सोलायनाय मावथांखि” खौ बिथा खालामनानै 13 बोसोर बैसो सिंनि 2थि बड'लेण्ड मुंख्लं जोबथा जोलुर बादायलायनायखौ सिरां जिल्ला एबसुआ काजलगाव दख'रा एबसुनि सिडव थानाय बिरहांगाव गोजौ फरायसालिनि गेलेग्रा फोथाराव खुंफुंनाय जायो।

हांखाइनाय लेखायै हाबाफारियावनो मिरु एबसुनि गाहाइ नेहाथारि आं खनिन्द्र बसुमतारीया गाहाइ आलासि महरै बाहागो लायो। जोबथा जोलुर बादायलायनाय हाबाफारियावनो ओनसोलनि गोबां समाज सिबियारी, राज्यो सभानि एम.पि. मानगोनां मुस्त्रि रोनगोरा नार्जारी, सिदली बियाबनि एम.एल.ए. मुस्त्रि जयन्त बसुमतारीयाबो बाहागो लायो।

26 आगष्ट', 2022: 13 बोसोर बैसो सिंनि जोलुर बादायलायनाय हाबाफारियाव बाहागो लानाय।

धेमाजि जिल्ला दुलाराय बर' फरायसा आफादनि दैदेननायाव बड'फा गोजोरीथियारि सोलायनाय मावथांखि बादिथै 13 बोसोर बैसो सिंनि जोलुर गेलेनाय बादायलायनायनि जोबथा बादायलायनायाव गाहाइ आलासि महरै बाहागो लायो दुलाराय बर' फरायसा आफादनि नेहाथारि निजोम बसुमतारी बिथाड आरो बे हाबाफारियाव बाहागो लायो बि.के.डब्लिउ.ए.सि. नि गाहाइ मावफुं सोद्रोमा मानगोनां मिहिनिस्वर बसुमतारी बिथाड।

27 आगष्ट', 2022: बि.के.डब्लिउ.ए.सि. ओनसोलनि जिल्ला एबसुजों सावरायनाय ।

गुवाहाटी नोगोरमानि गरचुक बाथौफुरियाव थानाय बर' थुनलाइ आफादनि नब्लांआव बि. के.डब्लिउ.ए.सि ओनसोलनि सिडव थानाय गासै जिल्ला एबसुनि दैदेनगिरिफोरखौ लानानै मोनसे गोनांथार सावराय जथुम लानाय जायो । दुलाराय बर' फरायसा आफादनि आफादगिरि मानगोनां मुस्त्रि दिपेन बर'नि मासि लानानै दैदेननाय सावराय जथुमाव बि. के.डब्लिउ.ए.सि. ओनसोलनि सिडव थानाय गुबुन-गुबुन जेंनाफोरनि सायाव गुवारै सावराय लायनानै जेंनाफोरखौ थाबै सुस्त्रांनो थांखि लानाय जायो ।

29 आगष्ट', 2022: 2थि 13 बोसोर बैसो सिंनि जोबथा जोलुर बादायलायनाय हाबाफारियाव बाहागो लाहैनाय ।

2थि 13 बोसोर बैसो सिंनि जोबथा जोलुर बादायलायनायखौ बागसा जिल्ला एबसुआ सालबारि दख'रा एबसुनि सिडव थानाय सालबारि फरायसालिमानि गेलेग्रा फोथाराव खुंफुनाय जायो ।

हाबाफारियावनो मिरु एबसुनि लोगो आफादगिरि मानगोनां मुस्त्रि खोरोमदाव वारीआ गाहाइ आलासि महरै बाहागो लानायजों लोगोसे हाबाफारियावनो मिरु एबसुनिफ्राय फारियै लोगो आफादगिरि रोमदोन बसुमतारी, सुबुं फोनांजाब नेहाथारि बिरखां नार्जारी, थुनलायारि नेहाथारि समित नार्जारी, बि.टि.चि. नि एम.चि.एल.ए. मन्तु बर' आरो गुबुन-गुबुन आफादनि बिबानगिरि, समाज सिबियारि, मेलेमजिबि बिथांमोनहाबो बाहागो लायो ।

30 आगष्ट', 2022: सनितपुर जिल्ला एबसुनि 13 बोसोर बैसो सिंनि हौवासाफोरनि जोबथा जोलुर बादायलायनायाव बाहागो लाहैनाय ।

सनितपुर जिल्ला एबसुनि बानजायनायाव खुंनाय 13 बोसोर बैसो सिंनि हौवासाफोरनि जोबथा जोलुर गेलेनाय बादायलायनायखौ बालिपारा दखरा एबसुनि सिडव थानाय सालबारि गोजोन फोथाराव खुंनाय जायो । बे हाबाफारियाव गाहाइ आलासि महरै बाहागो लायो मिरु एबसुनि गेलेमु नेहाथारि गनेश बसुमतारि बिथां आरो बिथांजों लोगोसे माननि आलासि महरै बाहागो लायो सुबुं फोनांजाब नेहाथारि अबित नार्जारी आरो क'क्राझार जिल्ला एबसुनि गेलेमु नेहाथारि महिम बसुमतारी बिथाड ।

1 सेप्टेम्बर, 2022: सोरबां सुबुं मुंख्लं बिहुराम बर'नि 81थि जोनोम सान फालिनायाव बाहागो लाहैनाय ।

सोरबां सुबुं मुंख्लं बिहुराम बर'नि 81थि जोनोम सानखौ बर' थुनलाइ आफादा अदालगुरि जिल्लानि रौता फोथार गोदानारिनि बिहुराम बर' फोथायफुन्जि मावथांखिसालि नब्लाडव मेहेरगोनाडै

खुंफुंडे ।

जोनोम सान फालिनायजों लोब्बा लाखिनानै “बर’ राव थुनलाइ हारिमुनि फार्से सोरबां सुबुं मुंख्लं बिहुराम बर’नि बिहोमा” आयदाखौ लानानै खुंनाय सावराय मेलाव जर’खा आलासि महरै बाहागो लायो मिरु एबसुनि आफादगिरि मानगोनां मुस्त्रि दिपेन बर’ बिथाडा ।

3 सेप्टेम्बर, 2022: हा-हु आरो बिसायख’थिनि बियाब आरो सिमा दाफामनाय आयदानि सायाव जर’खा सावरायनाय ।

एबसुनि बानजाइनायाव हा-हु आरो बिसायख’थिनि बियाब आरो सिमा दाफामनाय आयदानि सायाव मिरु एबसुनि गाहाइ मावख’ बड’फा हाउसआव जर’खा सावरायमेल लानाय जायो । एबसुनि आफादगिरि मानगोनां मुस्त्रि दिपेन बर’नि मासि लानानै दैदेननाय सावराय मेलाव फुंखा सुबुं महरै बाहागो लायो फारियै मानगोनां मुस्त्रि आदित्य खाख्लारी, General Secretary, All Assam Tribal Sangha, शब्द’ राभा, Senior Advocate, Gauhati High Court, बेरलाव के. कार्जि, Associate Professor, Kokrajhar Govt. College आरो BTR Govt. नि नेहाथारि नरेन चन्द्र बसुमतारी बिथांमोना ।

हाबाफारियाव बि.टि.आर.नि गंभा जिल्लाजों लोगोसे, सनितपुर, बिस्वनात जिल्लानि मेलेमजिबि, कार्बिआंलं आरो बि.के.डब्लिउ.ए.चि.नि जिल्लाफोरनिफ्राय गोबां मेलेमजिबिफोरा बाहागो लायो ।

4 सेप्टेम्बर, 2022: मिरु एबसुनि बानजायनायाव गेलेमु आयदानि सायाव जर’खा सावराय मेल लानाय ।

गेलेनायनि गेजेरजों बर’ हारिखौ बुहुमाव सिनायथि होनाय थांखिजों एबसुआ क’क्राझारनि बागानसालियाव थानाय बड’फा हाउसआव गेलेमु आयदानि सायाव जर’खा सावरायमेल खुंनाय जायो । मिरु एबसुनि आफादगिरि मानावगेदेद मुस्त्रि दिपेन बर’आ मासि लानानै दैदेननाय सावराय मेलाव फुंखा सुबुं महरै बाहागो लायो हेमेन्द्रनाथ ब्रह्म, Secretary, Assam Football Association, सुभाष बसुमतारी, Former Regional Director, SAI, प्रदिप नार्जारी, DSO, Kokrajhar, सोमदोन मसाहारी DSO, Odalguri बिथांमोना ।

5 सेप्टेम्बर, 2022: फोरोंगिरि सान फालिनाय हाबाफारियाव मिरु एबसुनि बिबानगिरिफोरा बाहागो लाहैनाय ।

हादोरनाडैनो 5 सेप्टेम्बर ड० सर्वपल्ली राधाकृष्णननि जोनोम सानखौ फोरोंगिरि सान महरै

फालिनाय जायो। बेबादिनो मिरु एबसुनि आफादगिरि मानाव गेदेद मुस्त्रि दिपेन बर'आ गावनि उन्दै समाव फरायनानै बारग' लांनाय अदालगुरि जिल्लानि बेदोडव थानाय बर' बाजार गोजौ फरायसालिनि फोरोंगिरि सान फालिनाय हाबाफारियाव बाहागो लाहैनानै फोरोंगिरिफोरनो हामलाइथि बाउहैनयजों लोगोसे बर' बाजार गोजौ फरायसालिनि लांगोनानिफ्रायनो बड'लेण्डजों लोगोसे आसामनि साफ्रोमबो फोरोंगिरिफोरनो गाहाम हामलाइथि बाउहरो।

हादरनाडैनो फालिजानाय ड० सर्बल्ली राधाकृष्णन नि जोनोम सान थामहिनबा “फोरोंगिरि सान” खौ क'क्राझार जिल्लानि सिडव थानाय रामफलबिल दख'रा एबसुनि बानजायनायाव गाहाय आलासि महरै बाहागो लाहैयो मिरु एबसुनि लोगो आफादगिरि मानगोनां खोरोमदाव वारी बिथाडबो।

8 सेमेम्बर, 2022: बि.के.डाब्लिउ.ए.चि. नि जेंनाफोरखौ लानानै गुवाहाटीनि बड'लेण्ड गेस्ट हाउसआव इउ.बि.पि.अ. आरो बि.के.डाब्लिउ.ए.चि. नि इ.एम. फोरजों सावरायनाय।

एबसुनि बानजाइनायाव बि.के.डाब्लिउ.ए.चि. नि जेंनाफोरखौ लानानै गुवाहाटीनि खानापारायाव थानाय बड'लेण्ड गेस्ट हाउसआव एबसु, इउ.बि.पि.अ. आरो बि.के.डाब्लिउ.ए.चि. नि इ.एम. फोरजों जथायै सावरायलायनाय जायो। एबसुनि आफादगिरि मानगोनां मुस्त्रि दिपेन बर'नि मासि लानानै दैदेननायाव जानाय सावरायलायनायाव बि.के.डाब्लिउ.ए.चि. खौ खम-समनि गेजेरावनो आबुडै महर होनाय आरो इयुनाव गोरोबथा बादियै बि.के.डाब्लिउ.ए.चि. खौ जाय सानस्त्रिजों दादोंमोन बै सानस्त्रिजोंनो आबुडै महर होनायानो सावरायलायनायनि गुबै थांखिमोन। बे सावरायनायाव बि.के.डाब्लिउ.ए.चि. नि डिपुटी चिफ रमिअ पि. नार्जारीजों लोगोसे बिथानि लोगो इ.एम. फोर, इउ.बि.पि.अ.नि बोसोनगिरिफोर, इउ.बि.पि.अ.नि आफादगिरि मनुर्न्जन बसुमतारी आरो गाहाइ नेहाथारि पिताम्बर ब्रह्मआ बाहागो लायो।

लोगोसे बे सावरायनायाव मिरु एबसुनिफ्राय फारियै लोगो आफादगिरि खोरोमदाव वारी, रोमदोन बसुमतारी, सुबुं फोनांजाब नेहाथारि अबित नार्जारी, बिरखां नार्जारी आरो बाथ्रा दान्थे नेहाथारि दिपज्यीति कछरीजों लोगोसे धेमाजि जिल्ला एबसुनि बोसोनगिरि शिबराम बसुमतारी आरो कामरुप जिल्ला एबसुनि बोसोनगिरि बल'राम बर'आबो बाहागो लायो।

09, सेमेम्बर, 2022: 22थि अल इन्डिया जोहोलाव बालिराम बर' गल्ड काप फुटबल सेमपियनसिफ बादायलायनाय हाबाफारियाव बाहागो लाहैनाय।

अदालगुरि जिल्लानि सिडव Harisinga Anchalik ABSU & Harisinga Sports Association नि जथायै बानजायनायाव हरिसिडानि रबि कछरी मिनि स्टेडियामाव 22थि अल इन्डिया जोहोलाव बालिराम बर' गल्ड काप फुटबल सेमपियनसिफ बादायलायनाय गेलेनायखौ जागायजेननाय

जायो। हाबाफारि बायदियै मुंख्लं बालिराम बर'नि मुसुखायाव बिबार बाउजेनो मिरु एबसुनि गेलेमु नेहाथारि मुस्त्रि गनेश बसुमतारी बिथाड। लोगोसेनो बिबार बाउफायो मुंख्लं गेदेमा बिथां बालिराम बर'निनो आंगो बिनानाव लाबायन' बर' बिथाड।

11 सेप्टेम्बर, 2022: बनगावनि रडिया आनसलिक जनजाति उन्नयन संगआव 7थि मिरु रोंगौसा सायख' आनजाद खुंनंगौनि थाखाय खुंफुं आफादनि मेल लानाय।

कामरुफ जिल्लानि सिडाव थानाय बनगावनि रडिया आनसलिक जनजाति उन्नयन संगआव 7थि मिरु रोंगौसा सायख' आनजाद खुंनंगौनि थाखाय खुंफुं आफादनि मेलखौ लानाय जायो। सावरायमेलाव मिरु रोंगौसा सायख' आनजादनि खुंफुंनय आरो सोंथि बिलाइ खालामनांगौनि सायाव गोथौ आरो गुवारै सावरायलायनाय जायो। मख'नो गोनांदि बै सावरायमेलनि गेजेरजोंनो 27 नभेम्बर, 2022 खालारखौ मिरु रोंगौसा आन्जादनि थाखाय थि खालामनानै लानाय जायो। लोगोसे आनजाद होगोरि साफ्रोम फरायसाफोरा 30 राडै Registration Fees होनांगोन होन्नानैबो सावरायमेलनि गेजेरजों थांखि आज्ञावनानै लानाय जायो।

सावरायमेलावनो मिरु रोंगौसा सायख' आनजाद खुंफुं आफादनि मासिगिरि, मानगोनां मुस्त्रि बि. सोमखोर बसुमतारी, आनजाद सामलायगिरि एबा एबसुनि लोगो आफादगिरि मानगोनां मुस्त्रि रोमदोन बसुमतारी, एबसुनि लोगो गाहाइ नेहाथारि मुस्त्रि दिनेस ब्रह्म, सोलोंथाइ नेहाथारि मुस्त्रि सोमावसार बसुमतारी, सुबुं फोनांजाब नेहाथारि मुस्त्रि बिरखां नार्जारी आरो लोगो गेलेमु नेहाथारि मुस्त्रि मिनिसोरॉ ब्रह्म बिथांमोनजों लोगोसे मोनफ्रोमबो जिल्लानिफ्राय सोलोंथाइ नेहाथारि, लोगो सोलोंथाइ नेहाथारि आरो मिरु रोंगौसा सायख' आनजादनि सोद्रोमा बिथांमोना बाहागो लायो।

14 सेप्टेम्बर, 2022: सोलोंथाइ सांग्रांथि मेलाव बाहागो लाहैनाय।

लांहिन दख'रा आरो कारबि आंलं जिल्ला दुलाराय बर' फरायसा आफादनि बानजायनायाव लांहिननि मानिकपुर बड' गोजौ फरायसालियाव सोलोंथाइ सांग्रांथि मेलनि हाबाफारि लानाय जायो। बे हाबाफारियावनो दुलाराय बर' फरायसा आफादनि गाहाइ नेहाथारि आं खनिन्द्र बसुमतारीया हांखायनाय लेखायै गाहाइ आलासि महरै बाहागो लायो। बे हाबाफारियावनो दुलाराय बर'फरायसा आफादनि गेलेमु नेहाथारि गनेश बसुमतारी, सुबुं फोनांजाब नेहाथारि, बिरखां नार्जारी आरो लोगो सोलोंथाइ नेहाथारि रमिअ' कु. बसुमतारीयाबो बाहागो लायो।

14 सेप्टेम्बर, 2022: गौहाटी मुलुगसोलोंसालि दालाइ एबसुनि गोजाम मावफुं आफादखौ सिफायनाय आरो गोदान मावफुं आफाद दानाय हाबाफारियाव बाहागो लाहैनाय।

गौहाटि मुलुगसोलोंसालि दालाइ दुलाराय बर' फरायसा आफादा गौहाटि मुलुगसोलोंसालिनि Boy's common room आव गोजाम मावफुं आफादखौ सिफायनानै गोदान मावफुं आफाद दानाय हाबाफारि लायो । बे हाबाफारियावनो बड'फानि सावगारियाव बिबार बावजेनो मिरु एबसुनि मावख' नेहाथारि बुद्धीराम बसुमतारीआ । हाबाफारियाव दुलाराय बर'फरायसा आफादनि लोगो आफादगिरि खोरोमदाव वारी बिथाड गहाइ आलासि महरै बाहागो लायो । बिथानि नुजाथिनायावनो गोजाम मावफुं आफादखौ सिफायनानै सुदेम बसुमतारीखौ आफादगिरि आरो गोमसार बर'खौ गहाइ नेहाथारि बिबान होनानै गोदान मावफुं आफादखौ आबुडै दाफुंनानै लानाय जायो ।

बे हाबाफारियावनो दुलाराय बर' फरायसा आफादनिफ्राय थुनलाइ नेहाथारि समित नार्जारी, लोगो थुनलायारि नेहाथारि मनिराम बरगयारी, लोगो गेलेमु नेहाथारि मिनिसोरां ब्रह्म आरो गौहाटि IIT, Technical Superintendent तेनिसन बसुमतारी, गौहाटि मुलुगसोलोंसालिनि Ph.D. Scholars फरायसाफोरजें लोगोसे बारग' फरायसाफोर आरो मुलुगसोलोंसालिनि फरायसाफोरा बाहागो लायो ।

14 सेप्टेम्बर, 2022: हारिमुवारि मावबादा फोजोबनाय हाबाफारियाव बाहागो लाहैनाय ।

बागसा जिल्लानि सिडव थानाय खुमारिकाता दख'रा दुलाराय बर' फरायसा आफादनि हारिमुवारि मावबादा फोजोबनाय हाबाफारियाव गाहाय आलासि महरै बाहागो लायो मिरु एबसुनि नेहाथारि रंगिना बरगयारी बिथाड ।

19 सेप्टेम्बर, 2022: CCTOA नि गोनांथार सावराय मेलाव बाहागो लानाय ।

गौहाटि गरचुक बाथौफरियाव थानाय बर' थुनलाइ आफादनि नब्लां स'सिअ लितारेरि कमप्लेक्साव CCTOA नि गोनांथार सावराय मेल लानाय जायो । बे हाबाफारियाव बाहागो लायो दुलाराय बर'फरायसा आफादनि मानगोनां आफादगिरि दिपेन बर' आरो बाश्त्रा दान्थे नेहाथारि दिपज्यति कछारि बिथामोना ।

21 सेप्टेम्बर, 2022: एबसु, बर' थुनलाइ आफाद, आसु, आरो असम साहित्य सभा जथायै हतेल प्राग कनटिनेन्टेलनि कनफारेन्स हलाव सावरायमेल लानाय ।

दुलाराय बर' फरायसा आफाद, बर' थुनलाइ आफाद, All Assam Students Union आरो Asom Sahitya Shabha नि जथाय हांख्रायनायाव आसामनि जन'जातिफोरनि फरायसा आफाद आरो गुबुन-गुबुन आफादफोरखौ लानानै आसाम सोरखारनि केबिनेट आरो आसामनि सोलोंथाइ बिफाना सोलोंथाइनि बिथिडव लानाय आयदाफोरनि सायाव गुवाहाटीनि हतेल प्राग कनटिनेन्टेलनि कनफारेन्स हलाव सावरायमेल लानाय जायो । बे सावरायनाय हाबाफारियाव गासै 30 निबो बांसिन आफादफोरा

बाहागो लार्दोमोन। दुलाराय बर' फरायसा आफादनिफ्राय मानगोनां आफादगिरि मुस्त्री दिपेन बर', लोगो गाहाइ नेहाथारि दिनेश ब्रह्म, सोल्लोथाइ नेहाथारि सोमावसार बसुमतारी, थुनलायारि नेहाथारि समित नार्जारी, लोगो सोल्लोथाइ नेहाथारि रमिअ कु. बसुमतारी बिथांमोना बाहागो लायो।

23 सेप्टेम्बर, 2022: भेन्सार फरायसालिमानि गोरायुंफोरखौ लानानै सावरायनायाव बाहागो लाहैनाय।

एबसु आरो बर' थुनलाइ आफादनि बाहागो लानायजों बि.टि.आर. सोरकारनि बानजाइनायाव बि.टि.आर.नि बेन्दोडव थानाय भेन्सार फरायसालिमानि गोरायुंफोरखौ लानानै गुवाहाटीनि खानापारायाव थानाय बड'लेण्ड गेस्ट हाउसआव गोथौवै सावरायलायनाय जायो। सावराय मेलखौ आफादगिरिनि मासि लानानै दैदेनदोमोन बि.टि.आर.नि गाहाइ मावफुं सोद्रोमा मानगोनां मुस्त्रि प्रमद बर' बिथाड। लोगोसे बि.टि.आर. सोरखारनिफ्राय फारियै अमर ज्योति बर्मन (सेक्रेटारी, इडुकेसन), जगदिस प्रसाद ब्रह्म (डाइरेक्टर अफ इडुकेसन, बि.टि.आर.) आरो निलतपल कैशब (अ.एसडि, इडुकेसन) आ बाहागो लायो।

एबसु आरो बर' थुनलाइ आफादा गोबाव समनिफ्राय भेन्सार फरायसालिमाफोरखौ प्रभिनचिएलाइस खालामनो दाबिबोनायखौ गनायनानै 6 सेप्टेम्बर खालाराव आसाम सरकारा क'क्राझाराव जानाय केबिनेट मिटिनि गेजेरजों बि.टि.आर. गोरोबथानि 6.3 दफा बादियै सिगांग्रो गं 10 फरायसालिमाफोरखौ सरखारि खालामनो थांखि लाग्रोनायनि सायाव गुवारै सावरायनायजों लोगोसे भेन्सार फरायसालिमाफोरनि जेनाफोरनि सायावबो गुवारै सावरायलायनाय जायो। बे सावरायनायाव एबसुनिफ्राय मानाव गेदेद आफादगिरि मुस्त्रि दिपेन बर'नि दैदेननायाव मिरु आफादनिफ्राय फारियै लोगो आफादगिरि खोरोमदाव वारी, गाहाइ नेहाथारि आं खनिन्द्र बसुमतारी, सुबुं फोनांजाब नेहाथारि अबित नार्जारी आरो सोल्लोथाइ नेहाथारि सोमावसार बसुमतारीयाबो बाहागो लायो।

24 सेप्टेम्बर, 2022: ट्राइबेल बेल्ट आरो ब्लकखौ रैखाथि होनाय आरो हा हुनि जेनाफोरखौ लानानै सावरायनाय हाबाफारियाब बाहागो लानाय।

क'क्राझार जिल्ला एबसु आरो गसाइगाव दख'रा एबसुनि जथाइ बानजायनायाव ट्राइबेल बेल्ट आरो ब्ल'कखौ रैखाथि होनाय आरो हा हुनि जेनाफोरखौ लानानै दावागुरि गेलेग्रा फोथाराव गेवलां सावराय मेल लानाय जायो। मेलावनो गाहाइ आलासि महरै बाहागो लानानै मिरु एबसुनि आफादगिरि मानावगेदेद मुस्त्रि दिपेन बर' बिथाड हा-हुनि जेनाफोरा थानाय गोलाउ समाव सुस्त्रांजायाखैमोनब्लाबो फैगौ समाव थाबैनो बे जेनाया सुस्त्रांजाजोबसिगोन होननानै फोरमायथियो।

24 सेप्टेम्बर, 2022: मेलेमजिबि जथुमाव बाहागो लाहैनाय ।

रामफलबिल दख'रा एबसुनि बानजाइनायाव बड'फा गोजोरथियारि सोलायनाय मावथांखि बादियै मेलेमजिबि सावरायमेलखौ सेरफांगुरिनि जनता फरायसालिमायाव खुंनाय जायो । बे हाबाफारियाव गाहाइ बुंथिगिरि महरै बाहागो लायो मिरु एबसुनि गाहाइ नेहाथारि आं खनिन्द्र बसुमतारीया ।

हाबाफारियाव ओनसोलनि राइजो-राजा आरो मेलेमजिबिफोरजों लोगोसे मिरु एबसुनिफ्राय फारियै गेलेमु नेहाथारि मुस्त्रि गनेश बसुमतारी आरो लोगो थुनलायारि नेहाथारि मनिराम बरगयारी बिथांमोनाबो बाहागो लायो ।

25 सेप्टेम्बर, 2022: दिमाकुसि दख'रा दुलाराय बर' फरायसा आफाद आरो दिमाकुसि स्पर्टस एससियेसननि बानजाइनायाव खुंजानाय बड'लेण्ड गेलान्टस गल्ड काप टुरनामेन्टयाव बाहागो लाहैनाय ।

दिमाकुसि दख'रा दुलाराय बर' फरायसा आफाद आरो दिमाकुसि स्पर्टस एस'सियेसननि बानजाइनायाव खुंनाय बड'लेण्ड गेलान्टस गल्ड काप टुरनामेन्ट 2022 आ 13 साननि उनाव दिमाकुसि गेलेग्रा फोथाराव जोबथा बादायनाया खुंफुंजायो । दिमाकुसि दख'रा दुलाराय बर' फरायसा आफाद आरो दिमाकुसि स्पर्टस एस'सियेसननि बानजाइनायाव खुंजानाय बड'लेण्ड गेलान्टस गल्ड काप टुरनामेन्टया 25थि बोसोराव आगान होनायलाय बानजाइगिरिफोरा देग्लाइनि बोसोरखौ रुपाथि मायथाइ महरै सानसेनि मेहेर गोनां हाबाफारिजोंबो मैखोमै खुंफुंजे । बे रुपाथि मायथाइ फोरबो फालिथाइजों लोब्बा लाखिनानै दिहुनजानाय 17थि मोखां लाइसिखौ बेखेवनानै होयो मिरु एबसुनि गाहाइ नेहाथारि आं खनिन्द्र बसुमतारीया ।

26 सेप्टेम्बर, 2022: गुवाहाटी जिल्ला एबसुनि गोजाम मावफुं आफादखौ सिफायनानै गोदान मावफुं आफाद दानाय हाबाफारियाव बाहागो लाहैनाय ।

गुवाहाटी जिल्ला दुलाराय बर' फरायसा आफादनि गोजाम मावफुं आफादखौ सिफायनानै गोदान मावफुं आफाद दानाय हाबाफारिखौ गुवाहाटीनि उजान बाजाराव थानाय बिवेकानन्द केन्द्र'आव सानसेनि हाबाफारिजों खुंफुंनाय जायो । हाबाफारि बादियै गोथार आलारि बाथिखौ फोजोंजेनो एबसुनि लोगो आफादगिरि मानगोनां मुस्त्रि खोरोमदाव वारी बिथाडा आरो बड'फानि मुसुखायाव बिबार बाउजेनो गाहाइ नेहाथारि आं खनिन्द्र बसुमतारीया । गुवाहाटी जिल्ला एबसुनि आफादगिरि अनजालु मोसाहारीया मासि लानानै दैदेननाय थान्दै मेलाव गाहाइ आलासि महरै बाहागो लायो मिरु एबसुनि लोगो आफादगिरि मानगोनां मुस्त्रि खोरोमदाव वारी बिथाडा आरो बुंथिगिरि महरै बाहागो लायो मिरु एबसुनि गाहाइ नेहाथारि आं खनिन्द्र बसुमतारीया ।

बे हाबाफारियावनो मिरु एबसुनिफ्राय फारियै सुबुं फोनांजाब नेहाथारि अबित नार्जारी, बिरखां नार्जारी, लोगो सोल्लोंथाइ नेहाथारि रमिअ' कु. बसुमतारी आरो लोगो थुनलायारि नेहाथारि मनिराम बरग'यारी बिथांमोना नोजोरबोआरि महरै बाहागो लाहैयो ।

27, सेसेम्बर, 2022: Bathou Kherai Family Resort आव माखासे समाज बेरेखा सोलिनाय हाबानि हेंथायै खुद्रिसारनाय आरो हान्जा सुरनाय हाबाफारि लानायाव बाहागो लानाय ।

सिरां आरो क'क्राझार जिल्ला दुलाराय बर' फरायसा आफादनि जथायै बानजायनायाव थांनाय 17 सेसेम्बर, 2022 खालारखालि सिरां जिल्लानि सिडव थानाय Bathou Kherai Family Resort आव माखासे समाज बेरेखा नायथावजायै गाज्जि थासारि सोमजिहोनायनि हेंथायै खुद्रिसारनानै हान्जा सुरनाय हाबाफारि लानाय जायो । हान्जा सुरनायाव गाहाइ बुंथिगिरि महरै बाहागो लायो मिरु एबसुनि लोगो गाहाइ नेहाथारि मानगोनां दिनेस ब्रह्म बिथाड । हाबाफारियावनो मिरु एबसुनिफ्राय बाहागो लाबावनो हायो मावख' नेहाथारि बुध्दीराम बसुमतारी, लोगो थुनलायारि नेहाथारि मनिराम बरग'यारी, लोगो गेलेमु नेहाथारि मिनिसोरां ब्रह्म बिथांमोनहा ।

29 सेसेम्बर, 2022: बड'लेण्ड मुलुगसोलोंसालि दालाइसा एबसुनि गोदान बर' फरायसा बराय फोरबो हाबाफारियाव बाहागो लाहैनाय ।

बड'लेण्ड मुलुगसोलोंसालि दालाइसा दुलाराय बर' फरायसा आफादनि बानजायनायाव गोदान बर' फरायसा बराय फोरबो फालिथाइ लोगोसे 15थि बोसोरारि जथुम्मा हाबाफारिखौ बड'लेण्ड मुलुगसोलोंसालिनि गेलेग्रा फोथाराव सानसेनि मेहेरगोनां हाबाफारिजों खुंफुनाय जायो । बे हाबाफारिनि फुंबिलिनि हाबाफारियाव मुंख्लंफोरनो बिबार बावजेनगिरि महरै बाहागो लाहैयो मिरु एबसुनि लोगो आफादगिरि मानगोनां खोरोमदाव वारी बिथाड । बड'फानि मुंख्लं खाम्फायाव बिबार बाउजेनो मिरु एबसुनि लोगो थुनलायारि नेहाथारि मनिराम बरगयारी बिथाड । 15थि बोसोरारि जथुम्मानि Delegate Session आव गाहाइ आलासि महरै बाहागो लायो गाहाइ नेहाथारि आं खनिन्द्र बसुमतारीया ।

बेजोंनो लोब्बा लाखिनानै खुंनाय गेवलां मेलआव मेल बेखेवगिरि महरै बाहागो लायो बड'लेण्ड मुलुगसोलोंसालिनि रेजिस्ट्रार मानगोनां ड० सुबुं बसुमतारीया आरो गाहाइ आलासि महरै बाहागो लायो दुलाराय बर' फरायसा आफादनि आफादगिरि मानाव गेदेद दिपेन बर' बिथाड ।

बे हाबाफारियावनो दुलाराय बर' फरायसा आफादनिफ्राय बाहागो लायो फारियै थुनलायारि नेहाथारि समित नार्जारी, लोगो गेलेमु नेहाथारि मिनिसोरां ब्रह्म, सोल्लोंथाइ नेहाथारि सोमावसार बसुमतारी आरो लोगो सोल्लोंथाइ नेहाथारि रमिअ' कु. बसुमतारी बिथांमोना ।

2 अक्ट'बर, 2022: माहात्मा गान्धीनि जोनोम सानजों लोब्बा लाखिनानै खुंनाय मुलुगनां अहिंसा सान फालिनायाव बाहागो लाहैनाय ।

सिरां जिल्ला एबसुआ काजलगावआव थानाय आफादनि गाहाइ मावख'आव माहात्मा गान्धीनि जोनोम सानजों लोब्बा लाखिनानै मुलुगनां अहिंसा सानखौ फालियो । बे हाबाफारियावनो माहारिनि बिफा माहात्मा गान्धीनि सावगारियाव बिबार बाउजेननायजों लोगोसे गेवलां सावराय मेलाव हांख्रायनाय लेखायै गाहाइ आलासि महरै बाहागो लायो दुलाराय बर' फरायसा आफादनि गाहाइ नेहाथारि आं खनिन्द्र बसुमतारिया । बे हाबाफारियावनो मिरु एबसुनिफ्राय फारियै सुबुं फोनांजाब नेहाथारि अबित नार्जारी, थुनलाइयारि नेहाथारि समित नार्जारी, लोगो थुनलाइयारि नेहाथारि मनिराम बरगयारी आरो लोगो गेलेमु नेहाथारि मिनिसोरां ब्रह्म बिथांमोनहाबो बाहागो लायो ।

बागसा जिल्ला दुलाराय बर' फरायसा आफादाबो माहात्मा गान्धीनि जोनोम सानजों लोब्बा लाखिनानै मुलुगनां अहिंसा सानखौ बरिमाखायाव थानाय जाउलिया देवान फोथाराव खुंफुंनाय जायो । बे हाबाफारियाव गाहाइ आलासि महरै मिरु एबसुनि बोसोनगिरि मानगोनां मुस्त्रि खुंख्रा सर्गियारी आरो बुंथिगिरि महरै मिरु एबसुनि लोगो आफादगिरि रोमदोन बसुमतारी बिथांमोना बाहागो लायो ।

गुबुन फार्सेथि क'क्राझार जिल्ला दुलाराय बर' फरायसा आफादाबो माहात्मा गान्धीनि जोनोम सानजों लोब्बा लाखिनानै मुलुगनां अहिंसा सानखौ बासबारि दख'रा एबसुनि लांगोनायाव फालिनाय जायो । बे हाबाफारियाव गाहाइ आलासि महरै बाहागो लायो मिरु एबसुनि लोगो गाहाइ नेहाथारि मुस्त्रि दिनेस ब्रह्म बिथाड आरो बुंथिगिरि महरै बाहागो लायो मिरु एबसुनि बुंथिगिरि मुस्त्रि जनक उजिर बिथाड ।

8 अक्ट'बर, 2022: बन'रगाव दख'रा एबसुनि बानजायनाय मेलेजिबि जथुमआव बाहागो लाहैनाय ।

बनरगाव दख'रा एबसुनि बानजायनायाव ओनसोलनि मेलेजिबि, फोरोंगिरि आरो राइजो राजाफोरखौ लानानै दख'रानि मावख'यावनो मेलेमजिबिफोरनि जथुम खुंनाय जायो । बे मेलेमजिबिफोरनि जथुमखौ बेखेवनानै होयो मिरु एबसुनि बुंथिगिरि मुस्त्रि जनक उजिर बिथाड आरो गाहाइ आलासि महरै बाहागो लायो मिरु एबसुनि गाहाइ नेहाथारि आं खनिन्द्र बसुमतारीया । बे सावराय मेलाव मिरु एबसुनिफ्राय सुबुं फोनांजाब नेहाथारि अबित नार्जारी, थुनलायारि नेहाथारि समित नार्जारी, लोगो थुनलायारि नेहाथारि मनिराम बरगयारी बिथांमोनाबो बाहागो लायो ।

11 अक्ट'बर, 2022: क'क्राझार, बागसा आरो सिरां जिल्ला एबसुजों सावरायनाय ।

सिरां जिल्ला एबसुनि मावखुलियाव एबसुनि मानगोनां आफादगिरि मुस्त्रि दिपेन बर'नि मासि

लानानै दैदेननायजों मोनसे गोनांथार जर'खा सावरायमेल लानाय जोयो जेराव मिरुनि आरो मख'नाय जिल्लानि बिबानगिरिफोरा बाहागो लायो। बे मेलाव 13 बोसोर बैसो सिंनि जोलुर बादायलायनाय, बि.टि.आर. गोरोबथा मावफुंनाय, माहारियारि आयदा आरो बड'फा गोजोरथियारि मावथांखिनि सायाव इयुनाव खामानि मावनाय, हा-हुनि सांग्रांथिनि आरो आथिखालनि थासारिनि सायाव गुवारै सावरायनाय जायो।

12, अक्ट'बर, 2022: 16थि Kanakeswar Narzary Memorial Football Trophy, 2022 नि बेखेवजेननाय हाबाफारियाव बाहागो लाहैनाय।

रामफलबिल दख'रा दुलाराय बर' फरायसा आफाद आरो रामफलबिल दख'रा गेलेमु आफादनि जथायै बान्जायनायाव दुलाराय बर' फरायसा आफादनि गायस'नगिबि गाहाइ नेहाथारि, रुंसारि कन'केस्वर नार्जारीनि 19थि थैनाय सान फालिनायजों लोब्बा लाखिनानै 16थि Kanakeswar Narzary Memorial Football Trophy, 2022 नि बेखेवजेननाय बादायलायनायखौ 12 अक्ट'बर, 2022 खालारव RNB Memorial Field, Ramfalbil आव गाजा गोमजायै खुंफुंनाय हाबाफारियाव गाहाइ आलासि महरै बाहागो लायो मिरु दुलाराय बर' फरायसा आफादनि लोगो आफादगिरि मानाव गेदेर रोमदोन बसुमतारी बिथाड।

12 अक्ट'बर, 2022: बारग' एन.डि.एफ.बि.नि केस आरो जोबथेसालियाव थानांनाय जेंनाफोरनि सायाव सावरायनाय।

मिरु एबसुनि गाहाइ मावखुलि बड'फा हाउसआव एबसुनि मानगोनां आफादगिरिनि मासि लानानै दैदेननायाव एन.डि.एफ.बि. रन्जन दैमारी आरो गुबु गुबुन सोद्रोमाफोरनि केस आरो जोबथेसालियाव थानांनाय जेंनाफोरनि सायाव सावरायनाय जायो। बे मेलाव बि.टि.आर.नि गाहाइ मावफुं सोद्रोमा मानगोनां मुस्त्रि प्रमद बर', सानजा क'क्राझार बियाबनि एम.एल.ए. मुस्त्रि लरेन्स इसलारी, बि.टि.आर.नि इम रनजित बसुमतारी, एम.सि.एल.ए. सावरायगोरा बिथांमोना बाहागो लाफैयो। बे सावरायमेलावनो बारग' एन.डि.एफ.बि.निफ्राय फारियै अनजालु बसुमतारी, सिला बसुमतारी, दानसोरां नारजारी, जायख्लं बसुमतारी, दमिनित इसलारी, नायस्रां वारी, बिनायसा ब्रह्म, रिमिनलां बसुमतारी बिथांमोनाबो बाहागो लायो। बे सावरायमेलावनो मिरु एबसुनिफ्राय फारियै लोगो आफादगिरि खोरोमदाव वारी, बुंथिगिरि जनक उजिर, आं गाहाइ नेहाथारि खनिन्द्र बसुमतारी आरो लोगो गाहाइ नेहाथारि दिनेश ब्रह्म बिथांमोना बाहागो लायो।

13 अक्ट'बर, 2022: एबसु आरो ट्राइबेल संघ जथायै डा० रनुज पेगुजों सावरायनाय

हाजोयारि जिल्लायाव थानाय बर'फोरा हारिनि फोरमान बिलाइखौ आथिखालाव अनलाइनजों मोननो हायै एबा एप्लाइ खालामनो हायैनि जेंनाखौ लानानै आसाम सरखारनि केबिनेट मन्थि डा० रनुज पेगुजों दिसपुरनि गावनि सरखारि थाग्रा न'आवनो सावरायनाय जायो। बे सावरायनायावनो एबसुनि मानगोनां आफादगिरि मुस्त्रि दिपेन बर', ट्राइबेल संघनि गाहाइ नेहाथारि आदित्य खाख्लारी, कार्बि आंलं जिल्ला एबसुनि दैदेनगिरिफोरजों लोगोसे जिल्लानिनो गुबुन गुबुन आफादफोरखौ लाफानानै गुवारै सावरायनायजों लोगोसे हाजोयारि जिल्लानि बर'फोरनो हारिनि फोरमान बिलाइखौ थाबैनो होनांगौ दाबिजों गांसे गोसोखां बिलाइबो गथायनाय जायो।

15 अक्ट'बर, 2022: दिब्रुगड़ मुलुगसोलोंसालि बर' फरायसा आफादनि 10थि गोदान बर' फरायसा बराय फोर्बो आरो गोजाम बर' फरायसा बिदाय फोरबो हाबाफारियाव बाहागो लाहैनाय।

दिब्रुगड़ मुलुगसोलोंसालि बर' फरायसा आफादनि बानजाइनायाव 10थि गोदान बर' फरायसा बराय फोर्बो आरो गोजाम बर' फरायसा बिदाय फोरबोखौ सानसेनि मेहेरगोनां हाबाफारिजों मुलुगसोलोंसालिनि बर'राव फरायसं मिरुआव प्रफेसार अनसाइ बाथौ बसुमतारीया मासि लानानै दैदेननाय हाबाफारियाव गाहाइ आलासि महरै बाहागो लायो मिरु एबसुनि लोगो गाहाइ नेहाथारि मुस्त्रि दिनेश ब्रह्म बिथाडा (बे हाबाफारियाव मिरु एबसुनिफ्राय सुबुं फोनांजाब नेहाथारि अबित नार्जारि, धेमाजि जिल्ला एबसुनि आफादगिरि लखेन बसुमतारीजों लोगोसे गेलेमु नेहाथारि सन्जय बसुमतारी बिथांमोनहा बाहागो लायो।

15 अक्ट'बर, 2022: अदालगुरि, बिस्वनाथ, सनितपुर, नलबारि, कामरुप आरो बरपेटा जिल्ला एबसुजों जरखा सावरायनाय।

अदालगुरि जिल्ला एबसुनि मावखुलियाव एबसुनि मानगोनां आफादगिरिनि मासि लानानै दैदेननायजों मोनसे गोनांथार जर'खा सावरायमेल लानाय जायो जेराव मिरुनि आरो मख'नाय जिल्लानि बिबानगिरिफोरा बाहागो लायो। बे मेलाव 13 बोसोर बैसो सिंनि जोलुर बादायलायनाय, बि.टि.आर. गोरोबथा मावफुंनाय, माहारियारि आयदा आरो बड'फा गोजोरथियारि मावथांखिनि सायाव इयुनाव खामानि मावनाय, दिल्लीयाव खुंफुंजानो गोनां बर' थुनलाइ आफादनि गायसन्थाइ सान फालिथाइ हाबाफारियाव बाहागो लाहैनाय, हा-हुनि सांग्रांथिनि आरो आथिखालनि थासारिनि सायाव गुवारै सावरायनाय जायो।

16, अक्ट'बर, 2022 : Bodoland Ocean Cultural Development C.S.Ltd जों खुंजानाय Bodoland Got Talent नि Session-2 Mega Audition आव बाहागो लाहैनाय ।

Bodoland Ocean Cultural Development C.S.Ltd जों खुंजानाय Bodoland Got Talent नि Session-2 Mega Audition खौ उदालगुरि फरायसालिमानि नब्लांआव खुंफुंजानाय हाबाफारियाव गाहाइ आलासि महरै बाहागो लाहैयो मिरु दुलाराय बर' फरायसा आफादनि मानगोनां आफादगिरि मानाव गेदेद दिपेन बर' बिथाड।

16 अक्ट'बर, 2022: बारग' एन.डि.एफ.बि.नि केस आरो जोबथेसालियाव थानांनाय जेंनाफोरनि सायाव सावरायनाय ।

तामुलपुर फरायसालिमायाव मिरु एबसुनि मानगोनां आफादगिरिनि मासि लानानै दैदेननायाव एन.डि.एफ.बि. रन्जन दैमारी आरो गुबु गुबुन सोद्रोमाफोरनि केस आरो जोबथेसालियाव थानांनाय जेंनाफोरनि सायाव सावरायनाय जायो । बे मेलाव बि.टि.आर.नि लोगो गाहाइ मावफुं सोद्रोमा मानगोनां मुस्त्रि गबिन्द बसुमतारी, सानजा क'क्राझार बियाबनि एम.एल.ए. मुस्त्रि लरेन्स इसलारी, एम.एल.ए. जलेन दैमारी, बि.टि.आर.नि इ.एम. रनजित बसुमतारी, एम.सि.एल.ए. सावरायगोरा बिथांमोना बाहागो लायो । बे सावरायमेलाव बोजोबनि बोसोनगिरि अनजालि दैमारी, बि.टि.सि. सोरखारनि उकिल सबद'राम राभा, बारग' एन.डि.एफ.बि.निफ्राय फारियै अनजालु बसुमतारी, सिला बसुमतारी, दानसोरां नारजारी, जायख्लं बसुमतारी, दमिनित इसलारी, नायस्त्रां वारी, बिनायसा ब्रह्म, रिमिनलां बसुमतारी बिथांमोनाबो बाहागो लायो । बे सावरायमेलावनो मिरु एबसुनिफ्राय फारियै लोगो आफादगिरि खोरोमदाव वारी, बुंथिगिरि जनक उजिर, आं गाहाइ नेहाथारि खनिन्द्र बसुमतारी आरो लोगो गाहाइ नेहाथारि दिनेश ब्रह्मआबो बाहागो लायो ।

19 अक्ट'बर, 2022: TERI सावरायमेलाव बाहागो लाहैनाय ।

TERI नि हांख्रायनाय लेखायै एबसुनि आफादगिरि मानाव गेदेद मुस्त्रि दिपेन बर' आरो ट्राइबेल संघनि गाहाइ नेहाथारि आदित्य' खाख्लारिया TERI नि डाइरेक्टर जेनेरेल ड० भिबा दावान (Dr. Vibha Dhawan, Director General, TERI), ड० जे.बि.शर्मा (Dr J V Sharma, IFS (Retd), Program Director, Land Resources Division), ड० अमित ताकुर (Dr. Amit Thakur, Head, CSR) आरो ड० दिपांकर सहरिया (Dr. Dipankar Saharia, Director) जों जर'खायै सावरायलायनाय जायो ।

सावरायनायजों लोगोसे बिथांमोनहा मावबाय थानाय बिथांखिफोर जेरै- Advanced Agriculture Technology, Nano- Technology, Green House, Rural development आरो गोबां बिजिरसं गुदिफोरखौ नाइगिदिंफायो । TERI आ बि.टि.आर. आरो आसामाव अरायथा जिउ राहा आरो

गामि ओनसोलखौ जौगाहोनो थाखाय फरायसा आरो आबादारिफोरजों खामानि मावनो हाबाफारि लायो ।

22 अक्ट'बर, 2022: रडिया फरायसालिमा दालाइ दुलाराय बर'फरायसा आफादनि बानजायनायाव Get Together Cum Youth Motivation Programme हाबाफारियाव बाहागो लाहैनाय ।

रडिया फरायसालिमा दालाइ दुलाराय बर'फरायसा आफादनि बानजायनायाव Rangia College Auditorium Hall आव Get Together Cum Youth Motivation Programme खौ मेहेरगोनाडै खुंफुंनाय हाबाफारियाव गाहाइ आलासि महरै बाहागो लायो मिरु दुलाराय बर'फरायसा आफादनि गाहाइ नेहाथारि आं खनिन्द्र बसुमतारीया । लोगोसेनो बाहागो लाफायो मिरु दुलाराय बर'फरायसा आफादनि सोलोंथाइ नेहाथारि सोमावसार बसुमतारी, सुबुं फोनांजाब नेहाथारि बिरखां नार्जारी, कामरूप जिल्ला एबसुनि आफादगिरि बिथांमोना ।

22 अक्ट'बर, 2022: सिलं दालाइ दुलाराय बर' फरायसा आफादनि सनाथि फोर्बो फालिथाइ आरो 49थि गोदान बर' फरायसा बराय फोर्बो हाबाफारियाव बाहागो लाहैनाय ।

सिलं दालाइ दुलाराय बर' फरायसा आफादा स'नाथि मायथाइ फोर्बो फालिथाइ आरो 49थि गोदान बर' फरायसा बराय फोर्बोखौ मेघालय राज्योनि सिडव थानाय NEHU मुलुगसोलोंसालिनि Convocation नब्लाडव सानसेनि मेहेरगोनां हाबाफारिजों खुंफुंनाय हाबाफारियाव दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड गाहाइ आलासि महरै बाहागो लायो ।

सनाथि फोर्बो फालिथाइ आरो 49थि गोदान बर' फरायसा बराय फोर्बोयावनो गोबां बारग' फरायसाफोर आरो प्रफेसार आरो सरकारि साखि मावग्राफोरजों लोगोसे गोबां संजिरगिरि आरो फरायसाफोरा बाहागो लायो ।

26 अक्ट'बर, 2022: क'क्राझार सरखारि फरायसालिमा फरायसा आफादा खुंनाय गोदान बर' फरायसा बराय फोर्बोयाव बाहागो लाहैनाय ।

क'क्राझार सरखारि फरायसालिमा फरायसा आफादा गोदान बर' फरायसा बराय फोर्बोखौ फरायसालिमानि फोथाराव सानसेनि मेहेरगोनां हाबाफारिजों खुंफुंनाय हाबाफारियाव दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड माननि आलासि महरै बाहागो लायो । लोगोसे दुलाराय बर' फरायसा आफादनिफ्राय सुबुं फोनांजाब नेहाथारि मुस्त्रि बिरखां नार्जारी,

लोगो सोलोंथाइ नेहाथारि रमिअ कु. बसुमतारी बिथांमोना बाहागो लायो ।

28 अक्ट'बर, 2022: गोरोबथा मावफुंनायनि सायाव जर'खा सावरायनाय ।

दुलाराय बर' फरायसा आफादनि मानगोनां आफादगिरिनि मासि लानानै दैदेन्नायजों एबसुनि गाहाइ मावखुलियाव बि.टि.आर. गोरोबथानि दफा मावफुंनायनि सायाव गुवार आरो गोथौयै सावरायनाय जायो । बे मेलाव बि.टि.आर. नि गाहाइ मावफुं सोद्रोमा मुस्त्रि प्रमद बर', आसामनि केबिनेट मन्थ्रि उरखाव गोरा ब्रह्म, राज्यो सभानि एम.पि. रोन्गोरा नारजारी, एम.एल.ए. लरेन्स इसलारी, इ.एम. रनजित बसुमतारी बिथांमोना बाहागो लायो । बे सावरायनायाव एबसुनिफ्राय लोगो आफादगिरि रोमदोन बसुमतारी, बुंथिगिरि जनक उजिर, लोगो गाहाइ नेहाथारि दिनेश ब्रह्म आरो आं खनिन्द्र बसुमतारीया बाहागो लायो ।

29 आरो 30 अक्ट'बर, 2022: साननैनि हाबाफारिजों एबसुआ बानजायनाय सुबुं सांग्रांथिनि मथर साइखेल हानजा सुरनाय ।

माहारियारि मोनथाइ आरो समाजारि थार बिजिरनायनि थाखाय दुलाराय बर' फरायसा आफाद आरो सिरां जिल्ला एबसुनि जथाय बानजायनायाव मथर साइखेल हानजा सुरनाय हाबाफारिखौ रौमारि देरहासाद गेलेग्रा फोथाराव एबसुनि आफादगिरि मानगोनां मुस्त्रि दिपेन बर'आ बेखेवना होयो । हा-हु, ट्राइबेल बेल्ट आरो ब्लकनि हाखौ रैखाथि होनाय, FRA आयेनखौ मावफुंनाय: दुलाराय बर' फरायसा आफादा जोनोम जानायनिफ्राय दासिमबो थाद'आलासै खामानि मावनायखौ गुबै बिथा खालामनानै बे बाइक रेलि हाबाफारिखौ लानाय जायो ।

बे हाबाफारियाव मिरु एबसुनिफ्राय फारियै लोगो आफादगिरि मुस्त्रि खोरोमदाव वारी, गाहाइ नेहाथारि आं खनिन्द्र बसुमतारी, नेहाथारि बिरदाव बर', सुबुं फोनांजाब नेहाथारि बिरखां नार्जारी, बड'सा ब्रह्म, गेलेमु नेहाथारि गनेश बसुमतारी, रांगिरि सिमन्त बसुमतारी, थुनलायारि नेहाथारि समित नार्जारीजों लोगोसे मावख' नेहाथारि बुद्धिराम बसुमतारी बिथांमोना बाहागो लायो ।

30 अक्ट'बर, 2022: आसाम दाउन टाउन इउनिभारसिटिआव गोदानै दालाइ आफाद दाफुंनाय हाबाफारियाव बाहागो लानाय ।

गुवाहाटी जिल्ला दुलाराय बर' फरायसा आफादनि दैदेनायाव गुवाहाटी नोगोरमायाव थानाय आसाम दाउन टाउन इउनिभारसिटिआव गोदानै दालाइ आफाद दाफुंनाय हाबाफारियाव गाहाय आलासि महरै बाहागो लायो दुलाराय बर' फरायसा आफादनि बाथ्रा दान्थे नेहाथारि दिपज्योति कछारी बिथाड ।

1 नभेम्बर, 2022: मुगानि आगदारि बानेस्वर बसुमतारिनि 80थि जोनोम सान फालिनाय ।

मिरु आरो बागसा जिल्ला दुलाराय बर' फरायसा आफादनि जथायै बानजायनायाव बागसा जिल्लानि चि.के.दख'रानि सिडव थानाय 1 नं खख्लाबारि एम.इ.फरायसालियाव "मुगानि आगदारि बानेस्वर बसुमतारि"नि 80थि जोनोम सानखौ मेहेरगोनाडै फालिनाय जायो ।

हाबाफारियाव आफादनि फिरफिलाखौ बिरहोयो मिरु एबसुनि आफादगिरि मानगोनां दिपेन बर' बिथाड। लोगोसे मुगानि आगदारि बानेस्वर बसुमतारिनि मुसुखायाव बिबार बाउजेनो बिथानि अनजालि बिसि मुस्त्रिमा फुलेस्वरी स्वर्गियारिया। हाबाफारियाव बि.टि.आर. नि बुंथिगिरि खाथिराम बर', एम.सि.एल.ए. मनतु बर', फोरोंगिरि, मेलेमजिबि आरो रायजो राजा बिथामोननि बाहागो लानायजों हाबाफारिया मेहेरगोनाडै जाफुंसार जायो ।

1 नभेम्बर, 2022: कारबि आंलंनि बर'फोरनि हाजोयारि एस.टि. इसुनि सायाव सावरायनायाव बाहागो लानाय ।

बि.टि.आर.नि गाहाइ मावफुं सोद्रोमा मानगोनां मुस्त्रि प्रमद बर'नि मासि लानानै दैदेन्नायाय गुवाहाटीनि बड'लेण्ड गेस्ट हाउसआव मोनसे गोनांथार सावरायमेल लानाय जायो । बे सावरायमेलाव एम.एल.ए. लरेन्स इसलारी, इ.एम. रनजित बसुमतारी आरो कारबि आंलं काउनचिलनि इ.एम. बिलिमहन खाख्लारी बिथामोना बाहागो लायो । बे मेलावनो मिरु दुलाराय बर' फरायसा आफादनिफ्राय लोगो आफादगिरि खोरोमदाव वारी, आं गाहाइ नेहाथारि खनिन्द्र बसुमतारी आरो गेलेमु नेहाथारि गनेश बसुमतारी, कारबि आंलं जिल्ला एबसुनि आफादगिरि जनास बसुमतारी, गाहाइ नेहाथारि खोदोम बसुमतारी बिथामोनाबो बाहागो लायो । लोगोसेनो कारबि आंलं जिल्लानि बर' मोखां आफादनि सोद्रोमा आफादनि दैदेनगिरिफोरबो सावरायनायाव मैखोमै बाहागो लायो ।

2 आरो 3 नभेम्बर, 2022: एबसुनि बानजायनायाव सुबुं सांग्रांथिनि मथर साइखेल हानजा सुरनाय

दुलाराय बर' फरायसा आफाद आरो क'क्राझार जिल्ला एबसुनि बानजायनायाव बाइक रेलिखौ बासबारि गोजौसिन गेजेरारि फरायसालिनि गेलेग्रा फोथाराव एबसुनि आफादगिरि मानगोनां मुस्त्रि दिपेन बर'आ बेखेवना होयो ।

हाबाफारियावनो मिरु एबसुनिफ्राय फारियै लोगो आफादगिरि मुस्त्रि रोमदोन बसुमतारी, गाहाइ नेहाथारि आं मुस्त्रि खनिन्द्र बसुमतारी, लोगो गाहाइ नेहाथारि मुस्त्रि दिनेस ब्रह्म, बुंथिगिरि मुस्त्रि जनक उजिर, सुबुं फोनांजाब नेहाथारि बिरखां नार्जारी, सोलोंथाइ नेहाथारि मुस्त्रि सोमावसार बसुमतारी, थुनलायारि नेहाथारि मुस्त्रि समित नार्जारी, मावख' नेहाथारि मुस्त्रि बुद्धिराम बसुमतारी बिथामोना बाहागो लायो ।

3 नभेम्बर, 2022: Handique Girls' College आव दालाइ एबसु आफाद दाफुंनाय ।

गुवाहाटी जिल्ला दुलाराय बर' फरायसा आफादनि दैदेननायाव गुवाहाटी नोगोरमायाव थानाय गुवाहाटी प्रेस क्लबआव गोदानै Handique Girls' College दालाइ एबसुखौ दाफुंनाय जायो ।

4 नभेम्बर, 2022: खुंगा 5थि खौसेथि ट्रपि आरो 3थि बिरगोस्त्रि काबादि सिम्पियनसिप बादायलायनाय हाबाफारियाव बाहागो लानाय ।

गुवाहाटी जिल्ला दुलाराय बर' फरायसा आफादनि दैदेननायाव गुवाहाटी मुलुगसोलोंसालियाव खुंगा 5थि खौसेथि ट्रपि हौवासाफोरनि जोलुर बादायलायनाय आरो हिनजावसाफोरनि 3थि बिरगोस्त्रि काबादि सिम्पियनसिप बादायलायनाय हाबाफारियाव बेखेवगिरि महरै बाहागो लायो दुलाराय बर' फरायसा आफादनि बाथ्रा दान्थे नेहाथारि दिपज्योति कछरी बिथाड ।

4 आरो 5 नभेम्बर, 2022: दुलाराय बर' फरायसा आफादनि 13 बोसोर बैसो सिंनि जोलुर बादायलायनायखौ मोनब्रै ओनसोल (Zone) आव खुंफुंनाय ।

“बड'फा गोजोरथियारि सोलायनाय मावथांखि” खौ बिथा खालामनानै मिरु दुलाराय बर' फरायसा आफादा 4 आरो 5 नभेम्बराव खुंफुंनाय 1थि खेब 13 बोसोर बैसो सिंनि जोलुर बादायलायनाय, 2022 खौ मोनब्रै ओनसोल (Zone) फारियै- गवालपारा, बाकसा, बिस्वनाथ आरो कार्बि-आलंआव खुंफुंनाय जायो । कार्बि-आलं जन (Zone) नि सर्गाति गेलेग्रा फोथाराव दुलाराय बर' फरायसा आफादनि फरफिलाखौ बिरहोयो गाहाइ नेहाथारि आं खनिन्द्र बसुमतारीया, बड'फानि सावगारियाव बिबार बाउजेनो कार्बि आलं जिल्ला बर' थुनलाइ आफादनि आफादगिरि मानगोनां सान्थिराम बसुमतारी बिथाड आरो 13 बोसोर बैसो सिंनि जोलुर बादायलायनायखौ बेखेवना होयो कार्बि आलं अटनमास काउनसिलनि मावफुं सोद्रोमा मानगोनां बिलिमहन खाख्लारी बिथाड ।

गवालपारा Zone नि रंजुलि, पकिरपारा गेलेग्रा फोथाराव जानाय बादायलायनायाव एबसुनि फिरफिलाखौ बिरहोयो बुंथिगिरि मानगोनां जनक उजिर बिथाड, लोगोसे बड'फानि सावगारियाव बिबार बाउजेनो गवालपारा जिल्ला बर' थुनलाइ आफादनि आफादगिरि जयन्त पातगिरि बिथाड । बराय बिबुंथि लाखियो मिरु एबसुनि लोगो गाहाइ नेहाथारि बिथां दिनेश ब्रह्म आरो गेलेनायखौ बेखेवजेनना होयो एबसुनि बारग' हारिमु नेहाथारि, धुदनै बर' सुबुं हारिमु जौगाखां सरैखाथि आफादनि गाहाइ नेहाथारि कनिसक' हाजवारी बिथाड ।

बाकसा Zone नि मेदाघाट गेलेग्रा फोथाराव जानाय बादायलायनायाव एबसुनि फिरफिलाखौ बिरहोयो लोगो आफादगिरि मानगोनां रोमदोन बसुमतारी बिथाड लोगोसे बड'फानि सावगारियाव बिबार बाउजेनो Baksa District Sports Association नि गाहाइ नेहाथारि नकुल ब्रह्म बिथाड ।

गेलेनायखौ बेखेवजेनना होयो बि.टि.आर.नि इ.एम. राकेस ब्रह्म बिथाड।

बिस्वनाथ Zone नि दैमालु गेलेग्रा फोथार, गहपुर आव जानाय गेलेनाय बादायलायनायाव एबसुनि फिरफिलाखौ बिरहोयो नेहाथारि मानगोनां आनान्द' दैमारि बिथाड लोगोसे बड'फानि सावगारियाव बिबार बाउजेनो मिरु एबसुनि नेहाथारि मानगोनां बिरदाव बर' बिथाड। गेलेनायखौ बेखेवजेननानै होयो मिरु एबसुनि बारग' लोगो थुनलायारि नेहाथारि, बिस्वनाथ जिल्ला एबसुनि बोसोनगिरि मानगोनां बिबेकानन्द' बिथाड।

5 नभेम्बर, 2022: सनितपुर जिल्लानि बर' सुबुंफोरनो हानि पाट्टा राननायाव बाहागो लानाय।

BTR गोरोबथानि 5.3 दफा बादियै गोबाव सम दिन्दां जानानै थानाय हानि जेंनाखौ फरेस्ट राइट एक्ट 2006 आयेननि गेजेरजों सनितपुर जिल्ला ढेकियाजुलि समस्टिनि बेन्दोडव थानाय ढेकियाजुलि फरेस्ट रेन्जनि सिडव बातासिपुर ओनसोलनि राइजोफोरनो 1301 न'खरनो हानि टाइटोल चार्तिपिकेतखौ होग्रोजेननाय जायो।

बे हाबाफारियाव गाहाइ आलासि महरै बाहागो लानानै हानि टाइटोल चार्तिपिकेतखौ रानजेननानै होयो आसामनि केबिनेत मिनिस्टार मानगोनां मुस्त्रि उर्खाव गोरा ब्रह्मआ। बेयावनो थांखिजानाय आलासि महरै बाहागो लायो केबिनेट मिनिस्टार मुस्त्रि अशक सिंहाल आरो बि.टि.आर.नि गाहाइ मावफुं सोद्रोमा मानगोनां मुस्त्रि प्रमद बर' बिथाड। हाबाफारियाव जर'खा आलासि महरै बाहागो लायो दुलाराय बर' फरायसा आफादनि आफादगिरि मानाव गेदेद मुस्त्रि दिपेन बर' बिथाड। जर'खा आलासि महरै बाहागो लानानै बिथाड BTR गोरोबथानि 5.3 दफा बादियै गोबाव सम दिन्दां जानानै थानाय हानि जेंनाखौ फरेस्ट राइट एक्ट 2006 आयेननि गेजेरजों सुस्त्रानानै होनायनि थाखाय भारत आरो आसाम सोरखारनिसिम एबसुनिफ्राय बर' हारिनि जानानै साबायखर बाउहरनानै इयुनाव थाबैनो होनो गोनां आद्रा थाबावनायखौ मावफुंनो आसाम सोरखारखौ खावलायबावयो एबसुनि आफादगिरि दिपेन बर' बिथाड।

बे हाबाफारियावनो बाहागो लाबावो एबसुनि बोसोनगिरि खुंखा सर्गियारी, सुबुं फोनांजाव नेहाथारि अबित नार्जारी, बि.टि.आर.नि डिपुटी चि.इ.एम. गबिन्द चन्द्र बसुमतारी, सिध्ली समस्टिनि एम.एल.ए. जयन्त बसुमतारी, एम.चि.एल.ए. सन्जय बसुमतारी, बारग' एम.एल.ए. चन्दि बसुमतारी बिथांमोना बाहागो लायो।

07 नभेम्बर, 2022: दुलाराय बर' फरायसा आफादनि बान्जायनायाव 2 घन्टा मुलुगसोलोंसालि घेराव हाबाफारि लानाय।

बड'लेण्ड मुलुगसोलोंसालिआव दुलाराय बर' फरायसा आफादनि बान्जायनायाव 2 घन्टा

बड'लेण्ड मुलुगसोलोंसालि घेराव हाबाफारि लानाय जायो। बड'लेण्ड मुलुगसोलोंसालिया आनडार ग्रेजुवेटनि थामथि सेमिस्टारनि आनजादनि फिथायखौ थांनाय 31 अक्ट'बर, 2022 खालाराव फोसावदोंमोन नाथाय आन्जादनि फिथायखौ लानानै बड'लेण्ड मुलुगसोलोंसालि आवथायाव थानाय गुबुन-गुबुन फरायसालिमानि फरायसाफोरा गोजोत्राय मोनाखै एबा आनजादनि फिथायखौ गनायनानै लानो हायाखै। बिनिखायनो दुलाराय बर' फरायसा आफादाबो बड'लेण्ड मुलुगसोलोंसालियाव माखासे दाबिफोरखौ लानानै मुलुगसोलोंसालिनि मोखाडव 2 घन्टा घेराव हाबाफारि लानाय जायो।

7 नभेम्बर, 2022: 13 बोसोर बैसो सिंनि जोलुर गेलेनाय बादायलायनायनि सेमि फाइनाल खुंफुंनाय।

दुलाराय बर' फरायसा आफादनि बानजायनायाव खुंफुंजानाय गिबि खेबनि 13 बोसोर बैसो सिंनि जोलुर गेलेनायनि सेमि फाइनालखौ मोननै ओनसोल फारियै क'क्राझार जिल्लानि सिडव थानाय देबोरगाव गोजौसिन गेजेरारि फरायसालिनि गेलेग्रा फोथार आरो सनितपुर जिल्लानि सिडव थानाय खावब्ला सेन्तारनि गेलेग्रा फोथाराव खुंफुंनाय जायो।

कक्राझार जिल्लानि सिडव थानाय देबोरगाव गोजौसिन गेजेरारि फरायसालिनि गेलेग्रा फोथाराव दुलाराय बर' फरायसा आफादनि मानगोनां आफादगिरि मुस्त्रि दिपेन बर', लोगो आफादगिरि मुस्त्रि खोरुमदाव वारी आरो आं गाहाइ नेहाथारि खनिन्द्र बसुमतारीजों लोगोसे मिरुनि माखासे दैदेनगिरि बिथांमोनाबो बाहागो लायो।

सनितपुर जिल्लानि सिडव थानाय खावब्ला सेन्तारनि गेलेग्रा फोथाराव दुलाराय बर' फरायसा आफादनि मानगोनां लोगो आफादगिरि मुस्त्रि रोमदोन बसुमतारी, बोसोनगिरि खुंखा स्वरगियारिजों लोगोसे मिरुनि माखासे दैदेनगिरि बिथांमोनाबो बाहागो लायो।

8 नभेम्बर, 2022: बर' थुनलाइ आफादनि गाइस'नथाइ सान 16 नभेम्बर आरो गान्धी हिन्दुस्तानी साहित्य सभानि रुफाथि फोर्बो फालिथाइनि गाहाइ आलासिनि थाखाय गनायथि लाहैनाय।

बर' थुनलाइ आफादनि गाइसनथाइ सान 16 नभेम्बरखौ गोदान दिल्लीनि गान्धी हिन्दुस्तानी साहित्य सभानि भवनाव गान्धी हिन्दुस्तानी साहित्य सभानि रुफाथि फोर्बो फालिथाइजों जथायै सानसेनि हाबाफारिजों खुंफुंनो थाखाय थि खालामनाय जायो। बिनिखायनो ड. के. श्रीनिबासराव बिथांखौ साहित्य अकाडेमीनि मावखुलियाव थांनानै हाबाफारियाव गाहाइ आलासि महरै मोननो थाखाय गनायथि लाहैनायाव बर' थुनलाइ आफादनि गाहाइ नेहाथारि मुस्त्रि प्रसान्त बर', एबसुनि नेहाथारि मुस्त्रि आनान्द दैमारीजों लोगोसे प्रफेसार रमेश भरद्वाज बिथांमोना थाफायो।

9 नभेम्बर, 2022: एबसुनि गिबि खेब 13 बोसोर बैसो सिंनि जोलुर बादायलायनायनि जोबथा बादायलायनायखौ खुंफुंजाय ।

दुलाराय बर' फरायसा आफादनि बानजायनायाव बड'फा गोजोरथियारि सोलायनाय मावथांखिखौ बिथा खालामनानै खुंफुंजाय 13 बोसोर सिंनि जोबथा जोलुर बादायलायनाया अदालगुरि जिल्लानि नलबारि गेलेग्रा फोथाराव खुंफुंजायो । हाबाफारि बादियै बड'फानि मुसुखायाव बिबार बाउजेनो एबसुनि बारग' बानस' आफादगिरि मानगोनां मुस्त्रि प्रदिप कुमार दैमारीया आरो बराय बिबुंथिखौ लाखियो दुलाराय बर' फरायसा आफादनि आफादगिरि मानगोनां मुस्त्रि दिपेन बर' बिथाड । हाबाफारियाव गाहाइ आलासि महरै बाहागो लानानै गेलेनायखौ बेखेवनानै होयो ड० सुभाष बसुमतारी (बारग', रेजिनेल डिरेक्टर, SAI) बिथाड ।

मख'नो गोनांदि जोबथा बादायलायनायाव चिरां जिल्ला एबसुआ कार्बिआंलं जिल्ला एबसुखौ 1-0 गलआव फेजेनानै सेथि 13 बोसोर बैसो सिंनि जोलुर बादायलायनायनि देरहासाद बान्थाखौ आजावनो हायो ।

10 नभेम्बर, 2022: करेन्द्र बसुमतारीनि गोथार सारादु खुंफुंजाय ।

दुलाराय बर' फरायसा आफादनि बारग' आफादगिरि, बिपिचिनि बारग' चैयारमेन, बड'फा दैदेननाय आलादा राइजो बड'लेण्ड सोमावसारनायनि सासे गोख्रों दैदेनगिरि, हारिखौ अराय जौगाजानो लुबैग्रा, हारिखौ अराय मोजां मोनग्रा, हारि अनफाउरि, हारिमु सिबिसुला, लिरगिरि, गेलेगिरि, फाव दिन्थिगिरि, देंखोगिरि, पानेरि आरो माजबात बियाबनि बारग' एम.एल.ए. रुंसारि करेन्द्र बसुमतारीनि गोथार सारादुखौ गेदेमानि नखर, एबसु आरो बानजाय आफादा जथायै खुंफुंजायो । हाबाफारि बादियै रुंसारि बिथांनि नख'राव गायसननाय मुसुखाखौ बेखेवनानै होयो दुलाराय बर' फरायसा आफादनि आफादगिरि मानाव गेदेद मुस्त्रि दिपेन बर' बिथाड आरो रुंसारिनि मुसुखायाव बिबार बाउजेनो देरसिन फिसाज्ला मावसुंग्रा बसुमतारी बिथांआ ।

एबसुनि गोथार आर'जखौ जागायनानै रुंसारि करेन्द्र बसुमतारीनि सावगारियाव बिबार बाउजेनो आंगो बिसि मुस्त्रिमा साबासि बसुमतारीया । थिखानाय हाबाफारि बादिनो रुंसारि करेन्द्र बसुमतारी गेदेमाखौ गोसोखानानै गुबुन-गुबुन धोरोमारि आर'जनि हाबाफारिबो लानाय जायो ।

11, 12 आरो 13 नभेम्बर, 2022: हारियारि मोन्थाइ आरो समाजारि थार बिजिरनायनि थाखाय सुबुं सांग्रांथिनि मथर साइखेल हानजा सुरनाय ।

दुलाराय बर' फरायसा आफाद आरो बागसा जिल्ला एबसुनि बानजायनायाव हारियारि मोन्थाइ आरो समाजारि थार बिजिरनायनि थाखाय सुबुं सांग्रांथि बाइक रेलि (People Awareness

Rally for Community Right and Social Justice) खौ सान्थामनि हाबाफारिजों बागसा जिल्ला सामथायबारिनि अन्थाइबारि गेलेग्रा फोथारनिफ्राय जागायो। हाबाफारि बादियै फुंबिलिनि गोथार आर'जखौ जागायनानै मटरसाइकेल रेलिखौ फ्लेग अफ खालामनानै होयो मिरु एबसुनि आफादगिरि मानाव गेदेद मुस्त्रि दिपेन बर' बिथाड। बे हाबाफारियाव मिरु एबसुनिफ्राय फारियै गाहाइ नेहाथारि आं खनिन्द्र बसुमतारी, नेहाथारि बिरदाव बर, सुबुं फोनांजाब नेहाथारि अबित नारजारी, बिरखां नारजारी, लोगो थुनलायारि नेहाथारि मनिराम बरगयारी आरो मावख नेहाथारि बुद्धिराम बसुमतारी बिथांमोना बाहागो लायो।

12 नभेम्बर, 2022: आसामनि सोलोंथाइ मन्त्रि डा० रनुज पेगुजों सावारायनाय।

बड'लेण्ड मुलुगसोलोंसालिनि आन्जादिनि जेंना, बड'लेण्ड मुलुगसोलोंसालिनि सिडव गोगलैनाय गुबुन-गुबुन फरायसालिमाफोरनि जेंनाफोर, सरखारि फरायसालिफोराव बर' बिजोंनि लानदां जानानै थानाय मासिफोरखौ आबुं खालामनाय आरो बि.टि.आर. ओनसोलनि गुबुन-गुबुन फरायसालिमाफोरनि जेंनाजों लोगोसे सोलोंथाइजों लोब्बा थानाय जेंनाफोरखौ थाबैनो सुस्त्रांनंगौनि थाखाय दुलाराय बर' फरायसा आफादिनि आफादगिरि मानगोनां मुस्त्रि दिपेन बर'नि दैदेननायाव मिरुनि मोनसे हान्जाया सोलोंथाइ मन्त्रि डा० रनुज पेगु बिथांजों क'क्राझारनि CIT नि कनफारेन्स हलाव सावरायो। सावरायमेलावनो एबसुनिफ्राय फारियै बुंथिगिरि मुस्त्रि जनक उजरि, सोलोंथाइ नेहाथारि सोमावसार बसुमतारी, थुनलायारि नेहाथारि समित नारजारी आरो बि.टि.आर.नि गाहाइ मावफुं सोद्रोमानि अ.एस.डि. ड० सांग्रां ब्रह्म बिथाडबो बाहागो लायो।

13 नभेम्बर, 2022: चनदिगड़ दालाइ एबसआ गोदान बर फरायसाफोरखौ बरायनाय हाबाफारियाव बाहागो लानाय।

चनदिगड़ दालाइ दुलाराय बर' फरायसा आफादा 6थि बोसोरारि जथुम्मा आरो गोदान बर' फरायसा बराय फोरबोखौ पान्जाब महालिनि हिल परेष्ट रिजर्ट नयागाव आव सानसेनि मेहेरगोनां हाबाफारिजों खुफुंनाय जायो। बे हाबाफारियावनो दुलाराय बर' फरायसा आफादिनि मानगोनां लोगो गाहाइ नेहाथारि मुस्त्रि दिनेश ब्रह्म बिथाड हांखायनाय लेखायै गाहाइ आलासि महरै बाहागो लायो। हाबाफारियावनो माननि आलासि महरै लोगो सोलोंथाइ नेहाथारि मुस्त्रि रमिअ कुमार बसुमतारी बिथाडबो बाहागो लायो।

15 नभेम्बर, 2022: दिल्ली दालाइ दुलाराय बर' फरायसा आफादखौ दाफामनाय।

दिल्ली दालायसा एबसुनि सोलिफु बानस' आफादगिरि मुस्त्रि उर्खाव बर'आ मासि लानानै

दैदेननायाव दिल्ली दालाइ एबसुनि गोदान मावफुं आफादखौ साउथ दिल्ली कैलाश कल'नीयाव थानाय बड'लेण्ड गेस्ट हाउसनि कनफारेन्स हलाव मुस्त्रि बिस्वजित नार्जारीखौ आफादगिरि आरो हादुंगोरा नार्जारीखौ गाहाइ नेहाथारिनि बिबानखौ होनानै आबुडै दाफुंनाय जायो।

बे गोदान मावफुं आफाद दानाय मेलाव गाहाइ आलासि महरै बाहागो लायो मिरु एबसुनि आफादगिरि मानाव गेदेद मुस्त्रि दिपेन बर' बिथाड। बे हाबाफारियावनो बर' थुनलाइ आफादनि गाहाइ नेहाथारि मुस्त्रि प्रसान्त बर', दिल्ली बड' एस'सियेसननि आफादगिरि मेनन कुमार ब्रह्म, बि.के डब्लिउ.ए.चि.नि लोगो गाहाइ मावफुं सोद्रोमा रमिअ' पि. नार्जारी, नर्ट इस्ट इयुट फाउण्डेसननि डाइरेक्टर रन्जन कुमार बरुवाजों लोगोसे मिरु एबसुनि गोबां बिबानगिरिफोरा नोजोरबोआरि महरै बाहागो लायो।

16 नभेम्बर, 2022: बर' थुनलाइ आफादनि 70थि गायसन्थाइ सान फालिनायाव बाहागो लाहैनाय।

70थि बर' थुनलाइ आफादनि गायसन्थाइ सानखौ गोदान दिल्लीनि हिन्दुस्तानी साहित्य सभानि मावख'आव बर' थुनलाइ आफाद, दुलाराय बर' फरायसा आफाद आरो हिन्दुस्तानी साहित्य सभा जथायै गाजा-गोमजायै सानसेनि हाबाफारि लानानै खुंफुंनाय जायो।

हाबाफारि बादियै बर' थुनलाइ आफादनि फिरफिलाखौ बिरहोयो बर' थुनलाइ आफादनि आफादगिरि मानगोनां मुस्त्रि तरेन बर' बिथाड आरो मुंख्खंफोरनो बिबार बाउजेनो मिरु एबसुनि आफादगिरि मानावगेदेद मुस्त्रि दिपेन बर' बिथाड। बर' फरायसं मिरुखौ बेखेवनानै होयो बि.टि.आर.नि गाहाइ मावफुं सोद्रोमा मानगोनां मुस्त्रि प्रमद बर' बिथाड। थिखानाय हाबाफारि बादिनो बर' थुनलाइ आफादनि गायस'न्थाइ सानजों लोब्बा लाखिनानै खुंनाय गेवलां सावराय मेलखौ मासि लानानै दैदेनो बर' थुनलाइ आफादनि आफादगिरि मानगोनां मुस्त्रि तरेन बर'आ आरो गेवलां मेलखौ बेखेवनानै होयो बि.टि.आर. गाहाइ मावफुं सोद्रोमा मानगोनां मुस्त्रि प्रमद बर'आ आरो बराय बिबुंथिखौ लाखियो गान्धी हिन्दुस्तानी साहित्य सभानि आफादगिरि प्र. रमेश भारद्वाज बिथाड। बिसम्बिखौ बेखेवनानै होयो आसामनि केबिनेट मिनिस्टार आरो साहित्य अकाडेमि बान्था मोनगिरि मुस्त्रि उर्खाव गोरा ब्रह्म बिथाड। हांखायजानाय आलासि महरै बाहागो लायो भारत सोरकारनि हादोरसा मन्त्रि मानगोनां मुस्त्रि रामेस्वर टेलिया आरो गाहाइ आलासि महरै बाहागो लायो साहित्य अकाडेमिनि नेहाथारि मानगोनां प्र. के. स्त्रेनिभाषा राव बिथाड।

बे हाबाफारियावनो मिरु दुलाराय बर' फरायसा आफादनिफ्राय फारियै मानगोनां बोसोनगिरि खुंखा स्वर्गियारी, लोगो आफादगिरि खोरोमदाव वारी, आं गाहाइ नेहाथारि खनिन्द्र बसुमतारी, बुंथिगिरि जनक उजिर, लोगो गाहाइ नेहाथारि दिनेश ब्रह्म, नेहाथारि बिरदाव बर', आनन्द दैमारी, सुबुं फोनांजाब

नेहाथारि अबित नारजारी, बड'सा ब्रह्म, बिरखां नार्जारी, थुनलायारि नेहाथारि समित नारजारी, रांगिरि सिमन्त बसुमतारी, लोगो सोलौंथाइ नेहाथारि रमिअ कु. बसुमतारी, मावख' नेहाथारि बुद्धिराम बसुमतारी बिथांमोनहा बाहागो लायो।

18 नभेम्बर, 2022: सोनाब बेंगलाव राज्यो जानाय गुबुन-गुबुन जेंनाफोरखौ लानानै सोनाब बेंगलनि माहारियारि आफादफोरा बि.टि.आर. सरखारजों जथायै सावरायनाय।

बि.टि.आर. नि गाहाइ मावफुं सोद्रोमा मानगोनां प्रमद बर' बिथाड मासि लानानै दैदेननायाव सोनाब बेंगल (West Bengal) आव राज्यो जानाय बर'फोरनि राव, हारिमु आरो थुनलाइखौ रैखा खालामनो आरो जौगाहोनो थाखाय बर' रावखौ फोरोंनाय, फरायसालियाव बिजों महरै थिस'ननायनि फारसे नोजोर होनानै सिलिगुरिनि Bodoland Guest House आव BTR सरखारनि लिंथुमनायाव मोनसे गोनां सावरायलायनाय जायो। लोगोसेनो बे हाबाफारियाव बाहागो लायो BTCLA नि बुंथिगिरि खातिराम बर' आरो BTC नि Education Director जग'दिश प्रसाद ब्रह्मजों लोगोसे सेक्रेटारि अमरज्यति बर्मण बिथाड। सावरायनायाव मिरु एबसुनिफ्राय बाहागो लायो फारियै मानगोनां लोगो आफादगिरि खोरोमदाव वारी, सुबुं फोनांजाब नेहाथारि सरन्जित नार्जिनारि, लोगो गेलेमु नेहाथारि मिनिसोरां ब्रह्म आरोबाव सोनाब बेंगल राज्यो आफाद एबसुनि मावथि बिबानगिरि, सोनाब बेंगल राज्यो बर' थुनलाइ आफादनि बिबानगिरि, सोनाब बेंगल राज्यो दुलाराय मेच समाजनि बिबानगिरि आरो माखासे दैदेनगिरिफोराबो बाहागो लायो।

20 नभेम्बर, 2022: 19थि उपेन्द्र' नाथ ब्रह्म सुबुंथिनि फाइखि बान्था 2022 खौ गथायनाय।

उपेन्द्र नाथ ब्रह्म ट्राष्ट (UNBT) आरो दुलाराय बर' फरायसा आफादा 19थि उपेन्द्र नाथ ब्रह्म सुबुंथिनि फाइखि बान्था 2022 (19th UPENDRA NATH BRAHMA SOLDIER OF HUMANITY AWARD 2022) खौ बि.टि.आर.नि क'क्राझार चान्दामारियाव थानाय बड'फा कालसारेल कमफ्लेक्साव सानसेनि मेहेरगोनां हाबाफारिजों इमेनेन्ट जानालिस्ट, कलामनिस्ट, हिउमेन राइट एक्टिविस्टिस रेमण्ड मेकसेसे बान्था मोनगिरि मुस्त्रि पालागुम्मि साइनातनो गथायो।

हाबाफारि बादिथै आसामनि केबिनेट मिनिस्टार मानगोनां मुस्त्रि उर्खाव गोरा ब्रह्म बिथाड मासि लानानै दैदेननाय हाबाफारियाव बान्था राननाय हाबाफारिखौ बेखेवनानै होयो बि.टि.आर. नि गाहाइ मावफुं सोद्रोमा मानगोनां मुस्त्रि प्रमद बर' बिथाड आरो हाबाफारियाव गाहाइ आलासि महरै बाहागो लाफैयो ड० समन्द्र गुप्ता काष्याप (State Information Commissioner, Assam) आ। हाबाफारियाव कि नट एड्रेसखौ होयो मिरु एबसुनि आफादगिरि मानावगेदेद मुस्त्रि दिपेन बर' बिथाड। थांखिजानाय बुंथिगिरि महरै बाहागो लायो बर' थुनलाइ आफादनि आफादगिरि मुस्त्रि तरेन बर', इउएनबि ट्राष्टनि

सेयारमेन ड० सुबुं बसुमतारी आरो राज्य स'भानि एम.पि रोनगोरा नार्जारी बिथाड।

21 आरो 22 नभेम्बर, 2022: हारियारि मोन्थाइ आरो समाजारि थार बिजिरनायनि थाखाय बाइक रेलि खुंफुनाय।

दुलाराय बर' फरायसा आफाद आरो अदालगुरि जिल्ला एबसुनि बानजायनायाव हारियारि मोन्थाइ आरो समाजारि थार बिजिरनायनि थाखाय सुबुं सांग्रांथि रेलि (People Awareness Rally for Community Right and Social Justice) खौ 21 आरो 22 नभेम्बर, 2022 खालाराव साननैनि हाबाफारिजों खैराबारि चिनाखना गोजौ फरायसालि गेलेग्रा फोथारनिफ्राय जागायो।

हाबाफारि बादियै फुंबिलिनि गोथार आर'जखौ जागायनानै मटरसाइकेल रेलिखौ फ्लेग अफ खालामनानै होयो मिरु एबसुनि आफादगिरि मानाव गेदेद मुस्त्रि दिपेन बर' बिथाड। साननैनि हाबाफारिजों खुंनाय हारियारि मोन्थाइनि मथर साइकेल रेलिखौ बरस'ला दख'रायाव फोजोबहैयो।

24 नभेम्बर, 2022: एबसुनि मिरु रोंगौथि सायख' आनजाद बर्ड-2022 नि सोद्रोमा बाबुराम बसुमतारीनि रुंसारि जानायखौ खौरां लाहैनाय।

एबसुनि मिरु रोंगौथि सायख' आनजाद बर्ड-2022 (Central Talent Search Examination Board- 2022) नि सासे गोखों सोद्रोमा, बरपेटा हाडलियाव थानाय बि. ओइस. कलेजनि राजखान्थि बिगियान बिफाननि एस'सियेट प्रफेसार मुस्त्रि बाबुराम बसुमतारीआ फुंबिलि समाव गुवाहाटी नोगोरमायाव थानाय Apollo Excel Care Hospital आव रुंसारि जायो। बेखौनो मिरु एबसुनि लोगो गाहाइ नेहाथारि मुस्त्रि दिनेस ब्रह्मनि दैदेननायाव मिरु आफादनि मोनसे हानजाया दुखुथिया नख'राव खौरां लाहैनानै रुंसारि बिथानि जिउमाखौ सोर्गोआव अराय आलो गोजोनै लाखिनो अबं गसाइनि खाथियाव आर'ज गाबनानै बिदाय होयो।

27 नभेम्बर, 2022: 7थि मिरु रोंगौथि सायख' आनजाद (Central Talent Search examination) खौ खुंफुनाय।

एबसुनि बानजाइनायाव बोसोरफ्रोमबो खुंबोनाय बायदिनो देग्लायबो 2022 मायथाइनि मिरु रोंगौथि सायख' आनजादखौ मिरु एबसु आरो मिरु रोंगौथि सायख' आनजाद बर्ड (Central Talent Search Examination Board) नि सामलाइनायाव 7थि मिरु रोंगौसा सायख' आनजादखौ देग्लाइ गासै गं 17 जिल्लानि गं 198 आनजाद मिरुयाव आनजाद खुंफुनाय जायो।

मख'जायोदि, देग्लाइ बड'लेण्ड आरो आसाम नाडै गासै 18740 बिजाथिफोरनि गेजेराव सा 9404 फरायसाफोरा गु थाखो आरो सा 9336 फरायसाफोरा जि थाखोनि आनजादखौ लिरनाय जायो।

27 नभेम्बर, 2022: गौहाटी मुलुगसोलोंसालि दुलाराय बर' फरायसा आफादनि गोदान बर' फरायसा बराय फोरबो आरो गोजाम फरायसा बिदाय फोरबो हाबाफारियाव बाहागो लाहैनाय ।

गौहाटी मुलुगसोलोंसालि दुलाराय बर' फरायसा आफादा 28थि गोदान बर' फरायसा बराय फोर्बोखौ सानसेनि मेहेरगोनां हाबाफारिनि गेजेरजों खुंफुंजानाय हाबाफारियाव दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड गहाइ आलासि महरै बाहागो लायो । हाबाफारि बायदिनो गौहाटी मुलुगसोलोंसालि एबसुनि 16थि बिसान “सानरेगा” खुगा लाइसिखौ बेखेवनानै होयो गौहाटी मुलुगसोलोंसालिनि प्रफेसार अनिल बर' बिथाड लोगोसेनो गेवलां मेलखौबो बिथाडनो बेखेवनानै होयो । बड'फानि सावगारियाव बिबार बाउजेनो गौहाटी मुलुग सोलोंसालिनि बिबुंगोरा ड० फागुना बरमहलिया बिथाड । गोदान बर' फरायसा बराय फोर्बोखौ बेखेवनानै होयो पानडु फरायसालिमानि बिबुंगिरि ड० प्रनप ज्योति नारजारी बिथाड । हाबाफारियावनो 2020 माइथाइनि APSC आनजादाव उथ्रिनो हानाय गोबां बिजाथिफोरा गोसो गुदुडै बाहागो लायो आरो फरायसाफोरनि थाखाय थुलुंगा होनाय सुंद' बिबुंथि लाखियो । मख'नो गोनांदि गोदान बर' फरायसा बरायनाय हाबाफारियावनो गोबां प्रफेसार, समाज सिबियारी, बारग' फरायसा, संजिरगिरि आरो गौहाटी नोगोरमानि गुबुन-गुबुन फरायसालिमानि फरायसा फरायसुलि बिथांमोना बाहागो लायो ।

28 नभेम्बर, 2022: मुंख्लं सुजित नार्जारीनि आंगोनि बिफा मुस्त्रि मंगलसिं नार्जारी (65) प्रेसार स्ट्रक जानायखौ देहा फाहामसालियाव खौरां लाहैनाय ।

गिबि मुंख्लं सुजित नार्जारीनि आंगोनि बिफा मुस्त्रि मंगलसिं नार्जारी (65) आ फुंबिलिनि 6 रिंगासोआव बातिपारायाव थानाय गावनि न'आवनो हर्खाब प्रेसार प्ठ्रकनि गाग्लोबनायाव गोब्राबै नोरजिया जानायनि जाउनाव बिथांखौ बडइगावनि लवार आसाम देहा फाहामसालियाव थिसनहैनाय जायो । बेखौनो दुलाराय बर' फरायसा आफादनिफ्राय गहाइ नेहाथारि आं खनिन्द्र बसुमतारी आरो लोगो आफादगिरि मानगोनां खोरोमदाव वारी, लोगो गहाइ नेहाथारि दिनेश ब्रह्म, सुबुं फोनांजाब नेहाथारि अबित नारजारी आरो बिरखां नारजारीयाबो बडइगावनि हसपितालाव थांना खौरां लाहैयो ।

1 डिसेम्बर, 2022: मुंख्लं सुजित नार्जारीनि बिफा रुंसारि मंगलसिं नार्जारी (74) खौ बिदाय होनाय ।

बड'लेण्ड सोमावसारनायनि गिबि मुंख्लं सुजित नार्जारीनि आंगोनि बिफा मुस्त्रि मंगलसिं नार्जारी (74) आ थांनाय 28 नभेम्बर 2022 खालाराव फुंबिलिनि 6 रिंगासोआव बातिपारायाव थानाय गावनि नआवनो हर्खाब प्रेसार स्ट्रकनि गाग्लोबनायाव गोब्राबै नोरजिया जानायनि जाउनाव बिथांखौ बडइगावनि लवार आसाम देहा फाहामसालियाव थिसननाय जादोंमोन । नाथाय जोबोद

दुखुनांथाव, बिथाड 30 नभेम्बर, 2022 खालाराव फाहामथाइ लाबाय थानाय समावनो मोनाबिलिनि 8:30 रिंगायाव बहुमखौ अरायनि थाखाय नागारनानै रुंसारि जायो। बेखौनो दुलाराय बर' फरायसा आफादनिफ्राय गाहाइ नेहाथारि आं खनिन्द्र बसुमतारी, लोगो आफादगिरि खोरोमदाव वारी, बुंथिगिरि जनक उजिर, लोगो गाहाइ नेहाथारि दिनेस ब्रह्म, सुबुं फोनांजाब नेहाथारि अबित नारजारीजों लोगोसे थुनलायारि नेहाथारि समति नारजारी जयै थांनानै दुखुथिया नख'राव दुखुनि बाहागोदारि लाहैफानायजों लोगोसे रुंसारि बिथांखौ बिदाय हैयो।

बेजों लोगोसेनो दुलाराय बर' फरायसा आफादआ गासै रायजो, जिल्ला, दख'रा आरो दालाय आफादफोरनि मावखुलियाव एबसुनि बिबानगिरि आरो सानसुमैफोरखौ लानानै रुंसारि जिउमानि गोजोननि थाखाय आलारि बाथि फोजोंनाय जायो।

4 डिसेम्बर, 2022: केबिनेट मेल लानाय।

मिरु एबसुनि गाहाइ मावखुलि बड'फा हाउसआव मानगोनां आफादगिरि बिथांनि मासि लानानै दैदेन्नायजों मिरु एबसुनि केबिनेट मेल लानाय जायो, जेराव मिरुनि गासैबो बिबानगिरि बिथांमोना बाहागो लायो।

05 डिसेम्बर, 2022: थामथि खन्थाइ सान फालिनाय हाबाफारियाव बाहागो लाहैनाय।

क'क्राझार जिल्ला बर' थुनलाइ आफाद आरो दत्तमा गुदि बर' थुनलाइ आफाद जथायै ब्रजेन्द्र कुमार ब्रह्म बिथांनि थैनाय सान 05 डिसेम्बरखौ दत्तमानि बाथाबारि (लडबाडि) आव सानसेनि मेहेरगोनां हाबाफारिनि गेजेरजों खुंफुंजाय जायो। बिथांनि थैनाय सानजों लोब्बा लाखिनानै “थामथि खन्थाइ सान फालिथाइ” हाबाफारियाव बाहागो लायो दुलाराय बर' फरायसा आफादनि बुंथिगिरि मानगोनां मुस्ति जनक उजिर बिथाडबो।

8 डिसेम्बर, 2022: बागसा जिल्लानि बोसोरसालिया जथुम्मानि थान्दै मेलाव बाहागो लाहैनाय।

बागसा जिल्लानि सिडव थानाय कुमारिकाता, बाथौगरियाव खुंफुंजानाय बागसा जिल्ला दुलाराय बर' फरायसा आफादनि बोसोरसालिया जथुम्मानि थान्दै मेल बेखेवगिरि महरै बाहागो लायो दुलाराय बर' फरायसा आफादनि मानगोनां बुंथिगिरि मुस्ति जनक उजिर बिथाड।

9 डिसेम्बर, 2022: दुलाराय बर' फरायसा आफादनि 55थि बोसोरसालिया जथुमानि गाहाइ खुन्थिया (लाइ खुन्था) गायसाननाय।

दुलाराय बर'फरायसा आफादनि 55थि बोसोरसालिया जथुमाखौ 26, 27, 28, आरो 29

जानुवारी 2023 खालाराव सानब्रैनि मेहेरगोनां हाबाफारिजों अदालगुरि जिल्लानि सिडव थानाय रौतानि बड'लेण्ड फोथाराव खुंफुनो थाखाय थि खालामनाय लेखायै 55थि बोसोरसालिया जथुम्मानि गाहाइ खुन्था (लाइ खुन्था) खौ गुबुन गुबुन धोरोमारिफोरनि गोथार आर'ज गाबनायनि गेजेरजों गायसननाय जायो । लाइ खुन्था गायसननायखौ जागायजेनो मिरु दुलाराय बर'फरायसा आफादनि आफादगिरि मानगोनां मुस्त्रि दिपेन बर'बिथाड ।

हाबाफारियाव बाहागो लाबावनो हायो बि.टि.आर.नि Deputy Chief गबिन्द चन्द्र बसुमतारी, मावफुं सोद्रोमा फारियै रन्जित बसुमतारी, दावबायसा बर', ड० निलुत स्वरगियारी आरो आसामनि एम.एल.ए. फारियै मुस्त्रि जयन्त बसुमतारी, लरेन्स इस्लारी, जिरन बसुमतारी, जलेन दैमारी आरो ओनसोलनि गोबां गोरों गोरा, रायजो राजाफोराबो हाबाफारियाव बाहागो लायो ।

10 दिसेम्बर, 2022: बागसा जिल्ला दुलाराय बर' फरायसा आफादनि खुंगा 18थि बोसोरसालिया जथुम्मायाव बाहागो लाहैनाय ।

बागसा जिल्ला दुलाराय बर' फरायसा आफादनि खुंगा 18थि बोसोरसालिया जथुम्मा आरो कुमारिकाटा दख'रा दुलाराय बर' फरायसा आफादनि 49थि थान्दै जख'न्थाइनि गेवलां मेलखौ मेहेर गोनां हाबाफारिजों कुमारिकाटा दख'रानि सिडव थानाय बाथौगुरिनि हायेनफुरि गेवलां फोथाराव गाजा-गोमजायै खुंफुडे । बे गेवलां मेलनि हाबाफारियाव गाहाइ आलासि महरै बाहागो लायो दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड ।

10 दिसेम्बर, 2022: कामरूप जिल्ला एबसुनि खुंगा 40थि बोसोरसालिया जथुम्मा आरो क'क्राझार जिल्ला एबसुनि 54थि बोसोरसालिया जथुम्मानि थान्दै मेलाव बाहागो लाहैनाय ।

कामरूप जिल्ला दुलाराय बर' फरायसा आफादनि खुंगा 40थि बोसोरसालिया जथुम्मानि थान्दै मेलखौ बेखेवनानै होयो मिरु दुलाराय बर'फरायसा आफादनि गाहाइ नेहाथारि आं खनिन्द्र बसुमतारीया ।

11 दिसेम्बर, 2022: दुलाराय बर' फरायसा आफादनि बारग' लोगो आफादगिरि, समाज सिबियारि रुंसारि दनेन्द्र ब्रह्मनि गोथार सारादुआव बाहागो लाहैनाय ।

दुलाराय बर' फरायसा आफादनि बारग' लोगो आफादगिरि, फोरोंगिरि आरो गागि समाज सिबियारि रुंसारि दानेन्द्र ब्रह्म बिथानि गोथार सारादुआव दुलाराय बर' फरायसा आफादनिफ्राय गाहाइ नेहाथारि आं खनिन्द्र बसुमतारीनि दैदेन्नायाव मोनसे हान्जाया बाहागो लाहैयो । रुंसारि दनेन्द्र ब्रह्म बिथाड तामुलपुर जिल्लानि सिडव थानाय सुक्लाइ सेरफां हालामनि जाब्रांपारा गामियाव 1मार्च, 1957

खालाराव जोनोम मोनो आरो 29 जुलाइ, 2022 खालाराव बिथाड रुंसारि जायो। गेदेमा बिथांनि गोथार सारादुआव आंजों लोगोसे दुलाराय बर' फरायसा आफादनि सुबुं फोनांजाब नेहाथारि बिरखां नारजारी, लोगो थुनलायारि नेहाथारि मनिराम बरग'यारी बिथांमोनाबो बाहागो लायो।

11 डिसेम्बर, 2022: क'क्राझार जिल्ला दुलाराइ बर' फरायसा आफादनि 54थि बोसोरसालिया जथुम्मानि गेवलां मेलाव बाहागो लाहैनाय।

क'क्राझार जिल्ला दुलाराइ बर' फरायसा आफादा 54थि बोसोरसालिया जथुम्माया 9, 10 आरो 11 डिसेम्बर, 2022 खालाराव सालाकाटि दख'रा एबसुनि सिडव थानाय जेरेंगा फोथार, दगरफारा-कानथालगुरिआव सानथामनि मेहेरगोनां हाबाफारिनि गेजेरजों गाजा गोमजायै खुंफुडे। बे जथुम्मानि गेवलां मेलाव दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड गाहाइ आलासि महरै बाहागो लायो। गेवलां मेलखौनो बेखेवनानै होयो क'क्राझार जिल्ला बर' थुनलाइ आफादनि आफादगिरि मानगोनां मुस्त्रि बानेस्वर बसुमतारीया। बे हाबाफारियाव मिरु एबसुनिफ्राय फारियै नेहाथारि थरायना रंगिना बरगयारी, बुंथिगिरि जनक उजिर, हारिमु नेहाथारि दिलिप नार्जारी, थुनलायारि नेहाथारि समित नार्जारी, मावख' नेहाथारि बुद्धिराम बसुमतारी बिथांमोना बाहागो लायो।

12 दिसेम्बर, 2022: एबसुनिफ्राय लोगो हारिमु नेहाथारि रुंसारि कनिका बर'खौ जोबथा बिदाय होनाय।

मिरु दुलाराय बर' फरायसा आफादनि मेंरोडै गोख्रों आरो सांग्रां लोगो हारिमु नेहाथारि, गौहाटी मुलुगसोलोंसालि बर' बिफाननि संजिरगिरि (Ph.D Research Scholar), गरेस्वरनि गुरमौ गोजौ फरायसालिनि लोगो फोरोंगिरि मुस्त्रीमा कनिका बर' बिथाड 11 दिसेम्बर, 2022 खालाराव मोनाबिलि 7.00 रिंगायाव गारिनि हरखाब जाब्रबथायजों अबथिरायै जिउ गोमायो। बिथांनि रुंसारि देहाखौ सापागुरि कक्लाबारि दख'रानि सिडव थानाय रानदनिपारा गामियाव गावनि आंगो फिसायनि न'निफ्राय जोबथा बिदाय होयो। बे बिदाय होनाय हाबाफारियाव मिरु दुलाराय बर' फरायसा आफादनि मानगोनां आफादगिरि मुस्त्रि दिपेन बर', गाहाइ नेहाथारि आं मुस्त्रि खनिन्द्र बसुमतारीजों लोगोसे मिरुनि गासै मावथि बिबानगिरि बिथांमोना बाहागो लायो।

12 दिसेम्बर, 2022: बिस्वनाथ जिल्ला दुलाराय बर' फरायसा आफादनि 6थि बोसोरसालिया जथुम्मानि थान्दै मेलाव बाहागो लानाय।

बिस्वनाथ जिल्ला दुलाराय बर' फरायसा आफादनि खुंगा 6थि बोसोरसालिया जथुम्माया 12

आरो 13 दिसेम्बर, 2022 खालाराव साननैनि मेहेरगोनां हाबाफारिजों खुंजानाय थान्दै मेलखौ बेखेवनानै होयो मिरु दुलाराय बर' फरायसा आफादनि नेहाथारि मुस्त्रि निजोम बसुमतारी बिथाड।

13 दिसेम्बर, 2022: बिस्वनाथ जिल्ला दुलाराय बर' फरायसा आफादनि 6थि बोसोरसालिया जथुम्मा आरो न'दुवार दख'रा एबसुनि 36थि बोसोरसालिया जथुम्मानि गोवलां मेलाव बाहागो लाहैनाय।

बिस्वनाथ जिल्ला दुलाराय बर' फरायसा आफादनि खुंगा 6थि बोसोरसालिया जथुम्मा आरो न'दुवार दख'रा एबसुनि खुंगा 36थि बोसोरसालिया जथुम्माखौ 12 आरो 13 दिसेम्बर, 2022 खालाराव साननैनि मेहेरगोनां हाबाफारिजों खुंफुंजानाय गोवलां मेलाव गाहाइ आलासि महरै बाहागो लायो मिरु दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड। बे हाबाफारियाव दुलाराय बर'फरायसा आफादनि बोसोनगिरि खुंख्रा स्वरगियारी, सोलोंथाइ नेहाथारि सोमावसार बसुमतारी, नेहाथारि निजोम बसुमतारी बिथांमोनहा बाहागो लायो।

14 दिसेम्बर, 2022: सनितपुर जिल्ला दुलाराय बर' फरायसा आफादनि 50थि बोसोरसालिया जथुम्मानि थान्दै मेलाव बाहागो लाहैनाय।

सनितपुर जिल्ला दुलाराइ बर' फरायसा आफादनि 50थि बोसोरसालिया जथुम्मा आरो "स'नाथि मायथाइ फोर्बो फालिथाइ" आ 13, 14, 15 आरो 16 दिसेम्बर, 2022 खालाराव लखेस्वर ब्रह्म बड' गेजेर आरो गोजौ फरायसालिनि गोवलां गेलेग्रा फोथार, राडपारायाव साननैनि हाबाफारिजों गाजा-गोमजायै खुंफुंजायो। जथुम्मानि थिखानाय हाबाफारि बायदियै सेथि "थान्दै मेल" खौ बेखेवना होयो दुलाराय बर' फरायसा आफादनि गाहाइ नेहाथारि मुस्त्रि खनिन्द्र बसुमतारी बिथाड। हाबाफारियावनो आंजों लोगोसे मिरु एबसुनिफ्राय फारियै नेहाथारि आनान्द दैमारी, बिरदाव बर', निजोम बसुमतारी, सुबुं फोनांजाब नेहाथारि अबित नार्जारी, बिरखां नार्जारी आरो थुनलायारि नेहाथारि समित नार्जारी बिथांमोना बाहागो लायो।

16 दिसेम्बर, 2022: सनितपुर जिल्ला दुलाराय बर' फरायसा आफादनि 50थि बोसोरसालिया जथुम्मानि गोवलां मेलाव बाहागो लाहैनाय।

सनितपुर जिल्ला दुलाराय बर' फरायसा आफादनि खुंगा 50थि बोसोरसालिया जथुम्मा लोगोसे सनाथि मायथाइ फोर्बो फालिथाइखौ साननैनि मेहेरगोनां हाबाफारिजों राडपारानि लक्षेस्वर ब्रह्म गेजेर आरो गोजौ फरायसालिनि गोवलां गेलेग्रा फोथाराव खुंफुंजायो। जथुम्मानि गोवलां मेलखौ बेखेवनानै होयो दुलाराय बर' फरायसा आफादनि बोसोनगिरि मानगोनां मुस्त्रि खुंख्रा सर्गियारी

बिथाड। बे हाबाफारियावनो गाहाइ आलासि महरै बाहागो लायो मिरु दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड।

17 दिसेम्बर, 2022: रुंसारि दैखं खुंगुर बसुमतारीनि 6थि थैनाय सानाव बाहागो लानाय।

क'क्राझार जिल्ला दुलाराय बर' फरायसा आफाद आरो क'क्राझार जिल्ला दुलाराय बर' हारिमु आफादा जथायै “दैखं खुंगुर बसुमतारीनि 6थि थैनाय सानखौ” दत्तमानि गयबारीयाव गाजा गोमजायै खुंफुनाय जायो। हाबाफारि बायदियै बिबार बाउजेनगिरि आलासि महरै बाहागो लायो सानजा क'क्राझार बियाबनि एम.एल.ए. मानगोनां मुस्त्रि लरेन्स इस्लारी बिथाड। हाबाफारियाव मिरु एबसुनिफ्राय फारियै बुंथिगिरि मुस्त्रि जनक उजिर आरो सोलोंथाइ नेहाथारि सोमावसार बसुमतारीया बाहागो लायो।

17 दिसेम्बर, 2022: नोलोबारि दख'रा दुलाराय बर' फरायसा आफादनि मावथिफारिया जथुमाव बाहागो लानाय।

नोलोबारि दख'रा दुलाराइ बर' फरायसा आफादा बिहुराम बर' गेजेर फरायसालियाव दख'रा आफादनि बिबानगिरि बिथांमोनखौ लानानै मावथिफारिया मावबादा (Workshop) लानाय जायो। बे मावबादा हाबाफारियाव गालाइ आलासि महरै बाहागो लायो मिरु दुलाराय बर' फरायसा आफादनि लोगो आफादगिरि मानगोनां मुस्त्रि खोरोमदाव वारी बिथाड। बे मावबादायावनो दुलाराय बर' फरायसा आफादनि गाहाइ नेहाथारि आं खनिन्द्र बसुमतारीजों लोगोसे लोगोसेनो मिरु एबसुनि गेलेमु नेहाथारि गनेश बसुमतारी, सुबुं फोनांजाब नेहाथारि बिरखां नार्जारी, थुनलायारि नेहाथारि समित नार्जारी बिथांमोना बाहागो लायो।

17 दिसेम्बर, 2022: सिरां जिल्ला काजलगावनि सिडव थानाय उपेन्द्र नाथ ब्रह्म फरायसालिमायाव जानाय खुंगा 21थि हायुडारि सावरायमेल, 2022 आव बाहागो लाहैनाय।

सिरां जिल्ला काजलगावनि सिडव थानाय उपेन्द्र नाथ ब्रह्म फरायसालिमायाव जानाय खुंगा 21थि हायुडारि सावरायमेल- 2022 बर' बिफान फोरोंगिरि गौथुम, बड'लेण्ड मुलुगसोलोंसालिनि बर' बिफान, उपेन्द्र नाथ ब्रह्म फरायसालिमानि बर' बिफानजों जथायै खुंजानाय हारिमु बादायलायनाय हाबाफारियाव “बेखेवगिरि आलासि” महरै मिरु दुलाराय बर' फरायसा आफादनि बुंथिगिरि मानगोनां मुस्त्रि जनक उजिर बिथाड बाहागो लायो।

18 दिसेम्बर, 2022: धेमाजि जिल्ला दुलाराय बर' फरायसा आफादनि खुंगा 28थि बोसोरसालिया जथुम्मानि थान्दै मेलाव बाहागो लाहैनाय।

धेमाजि जिल्ला दुलाराय बर' फरायसा आफादनि खुंगा 28 बोसोरसालिया जथुम्माया 16, 17 आरो 18 दिसेम्बर, 2022 खालाराव सानथामनि मेहेर गोनां हाबाफारिजों गेजेर ज'नाइ दख'रानि सिडव थानाय बगरिगुरिआव खुंफुंजायो। बेनिनो थान्दै मेलखौ बेखेवना होयो मिरु दुलाराय बर' फरायसा आफादनि लोगो आफादगिरि मानगोनां मुस्त्रि रोमदोन बसुमतारिया। थान्दै मेलआव मिरु एबसुनिफ्राय नोजोरबोयारि महरै बाहागो लायो फारियै नेहाथारि मुस्त्रि आनन्द दैमारि आरो निजोम बसुमतारी बिथांमोना।

18 दिसेम्बर, 2022: धेमाजि जिल्ला दुलाराय बर' फरायसा आफादनि 28थि बोसोरसालिया जथुम्मानि गेवलां मेलाव बाहागो लाहैनाय।

धेमाजि जिल्ला दुलाराय बर' फरायसा आफादनि खुंगा 28थि बोसोरसालिया जथुम्मा आरो गेजेर ज'नाय दख'रा एबसु आरो गेजेर ज'नाय दख'रा आबोफनि 28थि बोसोरसालिया जथुमाया 16, 17 आरो 18 दिसेम्बर खालाराव सानथामनि मेहेरगोनां हाबाफारिजों बग'रिगुरि बड' थांखि गोबां फरायसालिनि गेवलां गेलेग्रा फोथाराव खुंफुंजायो। जथुम्मानि गेवलां मेलाव गाहाइ आलासि महरै बाहागो लायो दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड आरो गेवलां मेलखौ बेखेवनानै होयो बि.के.डाब्लिउ.ए.चि.नि गाहाइ मावफुं सोद्रोमा मानगोनां मुस्त्रि मिहिनिस्वर बसुमतारी बिथाड। बे हाबाफारियाव मिरु एबसुनि सुबुं फोनांजाब नेहाथारि बड'सा ब्रह्म बिथाडबो बाहागो लायो।

18 दिसेम्बर, 2022: लक्षिमपुर जिल्ला दुलाराय बर' फरायसा आफादनि खुंगा 33थि बोसोरसालिया जथुम्मा आरो लक्षिमपुर जिल्ला बर' थुनलाइ आफादनि 39थि बोसोरसालिया जथुम्मानि गेवलां मेलाव बाहागो लाहैनाय।

लक्षिमपुर जिल्ला दुलाराय बर' फरायसा आफादनि खुंगा 33थि बोसोरसालिया जथुम्मा आरो लक्षिमपुर जिल्ला बर' थुनलाइ आफादनि 39थि बोसोरसालिया जथुम्माखौ लक्षिमपुर जिल्लानि सिडव थानाय बगनदिनि बड' साहित्य भवन आव 17 आरो 18 डिसेम्बर, 2022 खालारखालि खुंफुंजायो जायो। बेनिनो गेवलां मेलनि हाबाफारियाव बुंथिगिरि महरै बाहागो लायो दुलाराय बर' फरायसा आफादनि मानगोनां लोगो आफादगिरि मुस्त्रि खोरोमदाव वारी बिथाड।

20 दिसेम्बर, 2022: दुलाराय बर' फरायसा आफादनि 2021-22 माव समनि जोबथा मिरु

मावफुं मेल लानाय ।

दुलाराय बर' फरायसा आफादनि 2021-22 माव समनि जोबथा मिरु मावफुं मेलखौ दिनै अदालगुरि जिल्लानि रौतायाव थानाय बड' इण्डिजेनियास कालसारेल कमफ्लेक्सयाव खुफुंनाय जायो । एबसुनि आफादगिरि मानाव गेदेद मुस्त्रि दिपेन बर'नि मासि लानानै दैदेननाय मावफुं मेलान माहारिनि जेंना सुस्त्रानायनि सायावबो गुवारै सावरायलायनायजों लोगोसे फैगौ बोसोरनि 26, 27, 28 आरो 29 जानुवारी, 2023 खालाराव खुंफुंनो गोनां मिरु दुलाराय बर' फरायसा आफादनि खुंगा 55थि बोसोरसालिया जथुम्मानि सायावबो गुवारै सावरायलायनाय जायो ।

हाबाफारियाव खुंगा 55थि बोसोरसालिया जथुम्मानि बानजाय आफादनि मासिगिरि मानगोनां मुस्त्रि रबिन्द्र मोसाहारी, बोसोनगिरि रेंगोना ब्रह्म आरो कनभेनर जोंसार दैमारी बिथांमोनहाबो बाहागो लायो ।

20 दिसेम्बर, 2022: कार्बिआंलं जिल्ला दुलाराय बर' फरायसा आफादनि 52थि बोसोरसालिया जथुम्मानि थान्दै मेलाव बाहागो लाहैनाय ।

कार्बिआंलं जिल्ला दुलाराय बर' फरायसा आफादनि खुंगा 52थि बोसोरसालिया जथुम्मा लोगोसे स'नाथि मायथाइ फोर्बो फोजोबनाय फालिथाइखौ 20, 21 आरो 22 दिसेम्बर खालाराव सानथामनि मेहेरगोनां हाबाफारिजों हिरिम्बा बर' बिजों फरायसालिनि गेवलां गेलेग्रा फोथाराव खुफुंनाय जायो । बेनिनो थान्दै मेलाव बेखेवगिरि आलासि महरै बाहागो लायो मिरु एबसुनि लोगो आफादगिरि मानगोनां मुस्त्रि रोमदोन बसुमतारी बिथाड । बे थान्दै मेलाव मिरु आफादनिफ्राय नोजोरबोआरि महरै बाहागो लायो फारियै नेहाथारि निजोम बसुमतारी, बिरदाव बर', सुबुं फोनांजाब नेहाथारि अबित नार्जारी, गेलेमु नेहाथारि गणेश बसुमतारी आरो मावख' नेहाथारि बुद्धिराम बसुमतारी बिथांमोना ।

21 दिसेम्बर, 2022: 7थि मिरु रेंगौथि सायख' आनजादनि फिथाइ फोसावनाय ।

दुलाराय बर' फरायसा आफादनि मानगोनां लोगो गाहाइ नेहाथारि मुस्त्रि दिनेश ब्रह्म, सोलौंथाइ नेहाथारि मुस्त्रि सोमावसार बसुमतारी, लोगो सोलौंथाइ नेहाथारि रमिअ कु. बसुमतारीनि दैदेननायाव मिरु एबसुजों खुंजानाय 7थि मिरु रेंगौसा सायख' आनजादनि फिथाइखौ दुलाराय बर' फरायसा आफादनि गाहाइ मावख' बड'फा हाउसआवनो मोनसे प्रेस मिट लानायनि गेजेरजों फोसावनानै होयो ।

22 दिसेम्बर, 2022: कार्बिआंलं जिल्ला दुलाराय बर' फरायसा आफादनि 52थि बोसोरारि जथुम्मानि गेवलां मेलाव बाहागो लाहैनाय ।

कार्बिआंलं जिल्ला दुलाराय बर' फरायसा आफादनि 52थि बोसोरारि जथुम्मा लोगोसे सनाथि

मायथाइ फोर्बो फोजोबनाय फालिथाइआ 20, 21 आरो 22 दिसेम्बर खालाराव सानथामनि मेहेरगोनां हाबाफारिजों हिरिम्बा बर' बिजों फरायसालिनि गेवलां गेलेग्रा फोथाराव खुंफुनाय जायो। बेनिनो गेवलां मेलाव गाहाइ आलासि महरै बाहागो लायो दुलाराय बर' फरायसा आफादनि आफादगिरि मानोगोनां मुस्त्रि दिपेन बर' बिथाडा।

23 दिसेम्बर, 2022: सालाखाथि एबसुनि समाजनि सरैखाथिनि थाखाय मुंख्लं जानानाय रैखाथिनि फायखि बिथांमोननि गोसोखांथियाव मुंख्लं खाम्फायाव बिबार बावनाय हाबाफारियाव बाहागो लाहैनाय।

क'क्राझार जिल्लानि सिडाव थानाय सालाखाथि दख'रा दुलाराय बर' फरायसा आफादनि मावख'आव हारि आरो समाजनि सरैखाथिनि थाखाय मुंख्लं जानानाय रैखाथिनि फायखि बिथांमोननि गोसोखांथियाव दख'रा आफादा बिथांमोननि मुंख्लं खाम्फायाव बिबार बाउनाय हाबाफारि लायो।

बिथांमोननि मुंख्लं खाम्फायाव बिबार बावजेनो नख'रनि सोद्रोमा बिथांमोना। बिबार बाउनाय हाबाफारियाव दुलाराय बर' फरायसा आफादनि गाहाइ नेहाथारि आं खनिन्द्र बसुमतारीयाबो बाहागो लानानै मानगोनां मुंख्लं बिथांमोननि गोसोखां खाम्फायाव बिबार बाउयो। आंजों लोगोसेनो दुलाराय बर' फरायसा आफादनि नेहाथारि बिरदाव बर', नेहाथारि निजोम बसुमतारी, थुनलायारि नेहाथारि समित नार्जारी, लोगो थुनलायारि नेहाथारि मनिराम बरगयारी, क'क्राझार जिल्ला एबसुनि गाहाइ नेहाथारि खाम्फा बसुमतारी आरो बिथांनिनो मावथिफोरा बाहागो लायो।

26, 27, 28 आरो 30 दिसेम्बर, 2022: एबसुनि जारिमिन सुजु आफादनि दावबायनाय।

दुलाराय बर' फरायसा आफादनि जारिमिन सुजुनायखौ आबुं महर होनो जारिमिन सुजु आफादनि सुजुगिरि बिथांमोना बारग' एम.एल.ए. मानगोनां मुस्त्रि परमेस्वर ब्रह्म, एम.एल.ए. मुस्त्रि जिरेन बसुमतारी, मुस्त्रि बेरलाव के कारजि, अनित्य बसुमतारी आरो मुस्त्रि राखाव ब्रह्म बिथांमोनखौ लोगो हमहैनानै एबसुनि जारिमिन आरो बिहोमानि सायाव गुवारै सावरायो।

28 दिसेम्बर, 2022: बड' चिने आर्टिस्ट एस'सियेसन (BCCA) नि 4थि बड' सावथुननि बान्था फोर्बोआव बाहागो लाहैनाय।

बड' चिने आर्टिस्ट एस'सियेसन (BCCA) नि 4थि बड' सावथुननि बान्था फोर्बोखौ देग्लाइ बि.चि.चि.ए. आ बागसा जिल्लानि बरमा ओइस.एस. गेवलां गेलेग्रा फोथाराव सानसेनि मेहेरगोनां हाबाफारिजों खुफुडे। बेजोंनो लोब्बा लाखिनानै बि.चि.चि.ए.नि “सावथुन बानायनायनि आदब आरो बेनि गोनांथि” आयदाखौ लानानै खुंनाय सेमिनारखौ मासि लानानै दैदेनो बि.के.डाब्लिउ.ए.चि.नि

डेपुटि सिफ मानगोनां मुस्त्रि रमिअ पि. नार्जारीया । बे सेमिनारावनो बेखेवगिरि आलासि महरै बाहागो लायो मिरु एबसुनि आफादगिरि मानाव गेदेद मुस्त्रि दिपेन बर' बिथाड ।

29 दिसेम्बर, 2022: अल आसाम ट्राइबेल संघनि बानजाइनायाव मिसन बासुन्धरा 2.0 आव ट्राइबेल सुबुंफोरनि नुजानाय जेंनाफोरनि सायाव गुवारै सावरायलायनायाव बाहागो लानाय ।

अल आसाम ट्राइबेल संघनि बानजाइनायाव मिसन बासुन्धरा 2.0 नि गेजेरजों हा पाट्टा मोननांगौनि थाखाय आर'ज बिलाइ गथायनायाव ट्राइबेल सुबुंफोरनि नुजानाय जेंनाफोरनि सायाव गुवारै सावरायलायनायें जेंनाखौ सुस्त्रांनो हानाय लेखायै डिसपुरनि पि.डब्लिउ.डि. कनभेनसन आरो ट्रेनिं चेन्टाराव सावराय मेल खुंफुंनाय जायो । गुबैयै बे सावराय मेलाव चि.चि.ट'वा (CCTOA), इट्चा (ITSSA) आरो ट्राइबेल गावखुंथाय काउनचिलफोरखौ लानानै खालामनाय जायो ।

बे सावराय मेलाव हांखायनाय लेखायै मिरु दुलाराय बर' फरायसा आफादनि आफादगिरि मानाव गेदेद मुस्त्रि दिपेन बर' बिथाड बाहागो लायो ।

1 जानुवारि, 2023: गोदानै दाजानाय तामुलपुर जिल्ला दुलाराय बर' फरायसा आफादनि समायखिरा लानाय हाबाफारियाव बाहागो लाहैनाय ।

गोदानै दाजानाय तामुलपुर जिल्ला दुलाराय बर' फरायसा आफादनि समायखिरा लानाय आरो बिबान रुजुन्नाय हाबाफारिखौ जिल्लानिनो नर्थ रडिया दख'रा दुलाराय बर' फरायसा आफादनि सिडव थानाय हाग्रामारि कमिउनिति नब्लांआव लानाय जायो । हाबाफारियावनो बड'फानि सावगारियाव बिबार बावजेननायजों लोगोसेनो गाहाइ आलासि महरै बाहागो लायो दुलाराय बर' फरायसा आफादनि गाहाइ नेहाथारि आं खनिन्द्र बसुमतारीआ । दुलाराय बर' फरायसा आफादनि मानगोनां लोगो आफादगिरि मुस्त्रि रोमदोन बसुमतारी बिथाड सामलायथ' आफादगिरिनि बिबान लानानै तामुलपुर जिल्लानि गोदान आफादगिरि मुस्त्रि बानेस्वर नार्जारीखौ समायखिरा लाहोयो । समाइखिरा लानाय हाबाफारियाव आंजों लोगोसेनो सुबुं फोनांजाब नेहाथारि बिरखां नार्जारी आरो लोगो थुनलायारि नेहाथारि मनिराम बरग'यारी बिथांमोना बाहागो लायो ।

02 जानुवारि, 2023: रुंसारि कन'केस्वर नार्जारी बिथानि 80थि जोनोम सान फालिथाइ हाबाफारि खुंफुंनाय ।

दुलाराय बर' फरायसा आफादनि बानजायनायाव आरो क'क्राझार जिल्ला आरो रामफलबिल दख'रा एबसुनि हेफाजाबजों क'क्राझार जिल्लानि सिडव थानाय लक्षनाबारि तिनालि गेजेर फरायसालिनि गेलेग्रा फोथाराव एबसुनि गायस'नगिबि गाहाइ नेहाथारि रुंसारि कन'केस्वर नार्जारी

बिथानि 80थि जोनोम सान फालिथाइ हाबाफारिखौ खुंफुंनाय जायो ।

बे हाबाफारिजों लोब्बा लाखिनानै दुलाराय बर' फरायसा आफादनि गोथार फिरफिलाखौ बिरहोयो मिरु दुलाराय बर' फरायसा आफादनि मानिनां लोगो आफादगिरि मुस्त्री खोरोमदाव वारी बिथाड । लोगोसे गेदेमा रुंसारि कन'केस्वर नार्जारीनि मुसुखायाव बिबारखौ बाउजेनो बिथानि जिउनि अनजालि बिसि मुस्त्रीमा हिराबाइ नार्जारी बिथाड । हाबाफारिजोंनो लोब्बा लाखिनानै बिफां गायनाय हाबाफारियाव गायजेनगिरि महरै बाहागो लायो एबसुनि बारग' गाहाइ नेहाथारि आरो गसाइगाव बियाबनि बारग' MLA मुस्त्री परमेस्वर ब्रह्म बिथाड ।

02 जानुवारि, 2023: त्रिपुरा सरकारनि रिभिनिउ आरो परेस्ट मन्थि रुंसारि नरेन्द्र चन्द्र देबबार्मा बिथांखौ जोबथा बिदाय होनायाव बाहागो लाहैनाय ।

Indigenous People's Front of Tripura (IPFT) नि आफादगिरि आरो त्रिपुरा सोरकारनि रिभिनिउ आरो परेस्ट मन्थि नरेन्द्र चन्द्र देबबार्मा बिथाड ब्रेइन स्ट्रोक जानानै Govind Ballabh Pant Medical College and Hospital आव फाहामथाय लाबाय थानाय समाव 1 जानुवारी, 2023 खालारखालि बेलासि 2:47 रिंगायाव जोबथा हां बोयो । बिथानि रुंसारि जानायनि खौरांखौ मोननानै दुलाराय बर' फरायसा आफादा गोथौ दुखु फोरमायनायजों लोगोसे बिथां रुंसारिनि नख'राव मिरु दुलाराय बर' फरायसा आफादनिफ्राय नेहाथारि मुस्त्रि आनान्द दैमारि बिथाड थानानै खौरां लाहैनानानै गेदेमा बिथानि रुंसारिनि गोथै देहायाव बिबार बाउहैयो ।

5 जानुवारि, 2023: नैथि थुनलाइयारि फोरबोजोंनो लोब्बा लाखिनानै बिजाब मेला/गला खुंनायखौ बेखेवनाय हाबाफारियाव बाहागौ लाहैनाय ।

बि.टि.आर. सोरखारनि दैदेनायाव 2023 मायथाइनि “क'क्राझार नैथि थुनलाइयारि फोरबो” खौ 6, 7 आरो 8 जानुवारी, 2023 खालाराव खुंफुंजायो । नैथि थुनलाइयारि फोरबोजोंनो लोब्बा लाखिनानै लानाय बिजाब मेला/गला (Book Fair) खौ बि.टि.आर. नि लेडइ गाहाइ मावफुं सोद्रोमा आरो आसामनि एम.एल.ए. मुस्त्रि गबिन्द चन्द्र बसुमतारी बिथाड बेखेवनानै होयो । बेखेवनाय हाबाफारियावनो मिरु दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाडबो बाहागो लायो । हाबाफारियावनो क'क्राझार सानजा बियाबनि एम.एल.ए. मुस्त्रि लरेन्स इसलारी, बि.टि.आर. नि मावफुं सोद्रोमा मुस्त्रि दावबायसा बर', ड० निलुत स्वरगियारी, बि.टि. चि. नि नेहाथारि मुस्त्रि नरेन चन्द्र बसुमतारी, मिरु एबसुनि थुनलायारि नेहाथारि मुस्त्रि समित नार्जारी, क'क्राझार जिल्लानि जिल्ला बेंगिरि बरनालि देखा आरो गोबां प्रफेसार बिथांमोना बाहागो लायो ।

7 जानुवारी, 2023: देलिमितेसन (Delimitation) खौ लानानै बर'नि माहारियारि आफादजों लोगोसे गुबुन-गुबुन राजखान्थि हानजानि दैदेनगिरिफोर आरो राजखान्थिजों सोमोन्दो गैयै आफादनि दैदेनगिरिफोरखौ लानानै गुवारै सावरायनाय ।

दुलाराय बर' फरायसा आफादनि बानजायनायाव चिरां जिल्लानि गाहाइ मावख' काजलगावआव देलिमितेसनखौ लानानै बर'नि माहारियारि आफादजों लोगोसे गुबुन-गुबुन राजखान्थि हानजानि दैदेनगिरिफोर आरो राजखान्थिजों सोमोन्दो गैयै आफादनि दैदेनगिरिफोरखौ लानानै गुवारै सावरायलायनाय जायो ।

सावरायनाय हाबाफारिखौनो मासि लानानै दैदेनो दुलाराय बर' फरायसा आफादनि आफादगिरि मानगोनां मुस्त्रि दिपेन बर' बिथाडा । बे सावराय मेलाव बर' थुनलाइ आफादनि आफादगिरि मुस्त्रि तरेन बर', गाहाइ नेहाथारि प्रसान्त बर'जों लोगोसे बर' थुनलाइ आफादनि दैदेनगिरिफोर, अल आसाम ट्राइबेल संघनि आफादगिरि सुकुमार बसुमतारी, राज्य सभानि एम.पि. मुस्त्रि रोनगोरा नार्जारी, बि.टि.आर.नि गाहाइ मावफुं सोद्रोमानि राजखान्थि बोसोनगिरि ड० बेरलाव के कारजी, बड' बिफान फोरोंगिरि गौथुमनि आफादगिरि आरो गाहाइ नेहाथारि, दुलाराय बर' गुदि फोरोंगिरि गौथुम आसामनि आफादगिरि आरो गाहाइ नेहाथारि, इउनाइटेड फराम फर एक्स एनडिएफबिनि आफादगिरिजों लोगोसे बिथांमोननि दैदेनगिरिफोर, अल बड'लेण्ड डिजिटेल जार्नालिस्ट एस'सियेसननि आफादगिरि आरो गाहाइ नेहाथारि, बर' इयुट राइतार फरामनि बोसोनगिरि, आफादगिरि, गाहाइ नेहाथारि, एम.एल.ए. लरेन्स इस्लारी, जयन्त' बसुमतारी, जिरन बसुमतारी, गसाइगावनि बारग' एम.एल.ए. आरो आसाम पुटबल एस'सियेसननि गाहाइ नेहाथारि हेमेन्द्रनाथ ब्रह्म, बिजनीनि बारग' एम.एल.ए. कमलसिं नार्जारी, एबसुनि बारग' गाहाइ नेहाथारि आरो बारग' एम.एल.ए. परमेश्वर ब्रह्म, बि.टि.चि. आयेन आफादनि बुंथिगिरि काथिराम बर', बिजेपि राजखान्थि हानजानिफ्राय एम.चि.एल.ए. मुस्त्रि प्रभाद बसुमतारी आरो बिथांमोननि दैदेनगिरिफोर, कंग्रेजनि दैदेनगिरिफोर, बि.टि.आर.नि गं 4 जिल्लानि बर'नि माहारियारि आफादफोरजों लोगोसे गुबुन-गुबुन राजखान्थि हानजानि दैदेनगिरिफोर आरो राजखान्थिजों सोमोन्दो गैयै आफादनि दैदेनगिरिफोरा बाहागो लायो ।

7 जानुवारि 2023: सिरां जिल्ला एबसुनि 18थि बोसोरसालिया जथुम्मानि थान्दै मेलाव बाहागो लाहैनाय ।

सिरां जिल्ला दुलाराय बर' फरायसा आफादनि 18थि बोसोरसालिया जथुम्माया 7 आरो 8 जानुवारि 2023 खालाराव साननैनि हाबाफारि लानानै रनछाइधामनि गेवलां गोजौ फरायसालि गेलेग्रा फोथाराव खुंफुंनाय थान्दै मेलखौ बेखेवनानै होयो दुलाराय बर' फरायसा आफादनि लोगो आफादगिरि मुस्त्रि खोरोमदाव वारि बिथाडा ।

थान्दै मेलावनो दुलाराय बर' फरायसा आफादनिफ्राय बुंथिगिरि महरै बाहागो लायो आं खनिन्द्र बसुमतारीया। लोगोसे थान्दै मेलावनो नोजोरबोआरि महरै बाहागो लायो फारियै लोगो गाहाइ नेहाथारि मुस्त्रि दिनेस ब्रह्म, रांगिरि सिमन्त बसुमतारी, लोगो गेलेमु नेहाथारि मिनिसोरां ब्रह्म आरो लोगो थुनलाइ नेहाथारि मनिराम बरगयारी बिथांमोना।

8 जानुवारी, 2023: मिरु एबसुनि लोगो हारिमु नेहाथारि रुंसारि कनिका बर'नि गोथार स्रादु खुंफुनाय।

दुलाराय बर' फरायसा आफादनि लोगो हारिमु नेहाथारि रुंसारि कनिका बर'नि गोथार स्रादुखौ मिरु एबसु, बागसा जिल्ला आरो रुंसारि न'खरजों जथायै खुंफुनाय जायो। बेनिनो हाबाफारि बादियै एबसुनि गोथार आर'जखौ जागायनानै रुंसारि कनिका बर'नि साउगारियाव बिबार बाउजेनो बिथांनिनो आंगो फिसाइ हांगामा बर' बिथाड। दुलाराय बर' फरायसा आफादनि आफादगिरि मानाव गेदेद मुस्त्रि दिपेन बर' बिथांनि मासि लानानै दैदेननाय सावराय मेलाव रुंसारि कनिका बर'नि जिउ खौरां बिजाबखौ बेखेवनानै होयो आसामनि केबिनेट मन्त्रि मानगोनां मुस्त्रि उर्खाव गोरा ब्रह्म बिथाड।

लोगोसे हाबाफारियाव बुंथिगिरि महरै बाहागो लायो प्रफेस्वर स्वर्ण प्रभा चैनारी (गौहाटी मुलुगसोलोंसालि) आरो बर' थुनलाइ आफादनि लोगो आफादगिरि सिताराम बसुमतारी बिथांमोना।

8 जानुवारि, 2023: सिरां जिल्ला दुलाराय बर' फरायसा आफादनि 18 थि बोसोरसालिया जथुम्मनि गेवलां मेलाव बाहागो लानाय।

सिरां जिल्ला दुलाराय बर' फरायसा आफादनि खुंगा 18 थि बोसोरसालिया जथुम्मा लोगोसे बासुगाव दख'रा एबसुनि खुंगा 54थि थान्दै जख'न्थाइया 7 आरो 8 जानुवारी 2023 खालाराव साननैनि मेहेरगोनां हाबाफारिजों रणछाइधामनि गेवलां गोजौ फरायसालि गेलेग्रा फोथाराव खुंफुझे। बेनिनो गेवलां मेलखौ बेखेवनानै होयो सिरां जिल्ला बर' थुनलाइ आफादनि आफादगिरि मुस्त्रि नगेन नार्जारीया आरो गेवलां मेलनि हाबाफारियाव गाहाइ आलासि महरै दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड। बे हाबाफारियाव माननि आलासि महरै बाहागो लायो दुलाराय बर' फरायसा आफादनि गाहाइ नेहाथारि आं खनिन्द्र बसुमतारीजों लोगोसे फारियै सुबुं फोनांजाब नेहाथारि अबित नार्जारी, गेलेमु नेहाथारि गनेस बसुमतारी, लोगो थुनलायारि नेहाथारि मनिराम बरगयारी आरो मावख' नेहाथारि बुद्धिराम बसुमतारी बिथांमोना।

9 जानुवारी, 2023: अन्थायगोरा बड'सानि 28थि थैनाय सान फालिनाय हाबाफारियाव बाहागो लाहैनाय ।

अन्थायगोरा बड'सानि 28थि थैनाय सानखौ खाग्राबारिनि पानिचिलियाव सानसेनि मेहेरगोनां हाबाफारिजों खुंफुंनाय जायो । बे थैनाय सानजोंनो लोब्बा लाखिनानै खैराबारि फरायसालिमानि एसिस्टेन्ट प्रफेस्वर ड० बिबुंसार सर्गियारीनि मासि लानानै दैदेननायाव “बड'लेण्ड सोमावसारनायाव मुंख्लं अन्थायगोरा बड'सानि बिहोमा” आयदानि सायाव सावराय मेल खुंनाय जायो । बे सावराय मेलानो गाहाइ आलासि महैरै बाहागो लायो मिरु एबसुनि आफादगिरि मानगोनां मुस्त्रि दिपेन बर' बिथाड ।

10 जानुवारी, 2023: बि.टि.आर. गोरोबथानि दफाफोरखौ आबुडै मावफुंनायनि सायाव गोदान दिल्लीनि नर्थ ब्लक आव थानाय मिनिस्त्रि अफ हम एपेयार्सआव सागानगिरि आफाद, भारत सरकार आरो आसाम सरखारनि गेजेराव थाम ख'नायारि सावरायलायनाय ।

गोदान दिल्लीनि नर्थ ब्लक (North Block) आव थानाय मिनिस्त्रि अफ हम एपियार्स (Ministry of Home Affairs) आव बि.टि.आर. गोरोबथानि मावफुंबावनो गोनां आद्रा थाबावनाय दफाफोरखौ गोख्रै मावफुंनांगौनि थाखाय सागानगिरि आफाद, भारत सरकार आरो आसाम सरकारनि गेजेराव थाम ख'नायारि सावरायलायनाय जायो । बे सावरायनायाव एबसुनिफ्राय फारियै मुस्त्रि दिपेन बर', कुसुम कु. सर्गियारी, खोरोमदाव वारी, बारग' एन.डि.एफ.बि.निफ्राय अबिराम बसुमतारी, दिलरन्जन नार्जारी, सायखं बसुमतारी, चिला बसुमतारी, खौसेथि बर' सुबुं आफादनिफ्राय मनुरन्जन बसुमतारी, पिटाम्बर ब्रह्म, BTR सरकारनिफ्राय गाहाइ मावफुं सोद्रोमा मानगोनां प्रमद बर', लेडइ गाहाइ मावफुं सोद्रोमा गबिन्द' बसुमतारी, बि.टि.चि.नि प्रिनसिपाल सेक्रेतारि अनुराग गवेल, सेक्रेतारि नरेन चन्द्र बसुमतारी, बि.के.डब्लिउ.ए.चि.निफ्राय गाहाइ मावफुं सोद्रोमा मिहिनिस्वर बसुमतारी, लेडइ गाहाइ मावफुं सोद्रोमा रमिअ पि. नार्जारीजों लोगोसे राज्य' सभानि एम.पि. रोनगोरा नार्जारी आरो एम.एस.ए. लरेन्स इस्तारी बिथांमोना बाहागो लायो ।

थाम ख'नायारि सावरायनायाव आसाम सरकारनिफ्राय ए.डि.जि.पि. हिरेन नाथजों लोगोसे अफिसारफोर आरो भारत सरकारनिफ्राय नख'र मन्थ्रिनि जानानै सा-सानजा भारतनि एडिसनेल सेक्रेतारी पियुश गवेलजों लोगोसे गोजौ थाखोनि अफिसारफोराबो बाहागो लायो ।

10 जानुवारी, 2023: ग'लाघाट जिल्ला एबसुनि खुंगा 40थि बोसोरसालिया जथुमानि थान्दै मेलाव बाहागो लानाय ।

गलाघाट जिल्ला दुलाराय बर' फरायसा आफादनि खुंगा 40थि बोसोरसालिया जथुमाया 10, 11 आरो 12 जानुवारी 2023 खालाराव सान्थामनि मेहेरगोनां हाबाफारिजों उरियामघाट जयन्तिपुरनि

रंजालि नोगोराव खुंफुंजायो। बे 40थि बोसोरसालिया जथुमानि थान्दै मेलखौ बेखेवनानै होयो मिरु एबसुनि गाहाइ नेहाथारि आं खनिन्द्र बसुमतारीया।

थान्दै मेलाव नोजोरबोआरि महरै बाहागो लायो मिरु एबसुनिफ्राय फारियै सुबुं फोनांजाब नेहाथारि बड'सा ब्रह्म, अबित नार्जारी, बिरखां नार्जारी आरो गेलेमु नेहाथारि गनेस बसुमतारीजों लोगोसे क'क्राझार जिल्ला एबसुनि रांखान्थि नेहाथारि महिम बसुमतारीयाबो।

10 जानुवारी, 2023: हजाय जिल्ला दुलाराय बर' फरायसा आफादनि खुंगा 3थि थान्दै जखन्थाइयाव बाहागो लाहैनाय।

हजाइ जिल्ला दुलाराय बर' फरायसा आफादनि खुंगा 3थि थान्दै जख'न्थाया 10 आरो 11 जानुवारी 2023 खालाराव साननैनि हाबाफारिजों हजाइ लालमातिनि बेलस्त्रियाव खुंफुंजायो। सेथि साननि गिबि हाबाफारि थान्दै मेलखौ बेखेवनानै होयो दुलाराय बर' फरायसा आफादनि मानगोनां लोगो आफादगिरि मुस्त्रि रोमदोन बसुमतारी बिथाड।

12 जानुवारी, 2023: ग'लाघाट जिल्ला एबसुनि खुंगा 40थि बोसोरसालिया जथुम्मानि गेवलां मेलाव बाहागो लानाय।

ग'लाघाट जिल्ला दुलाराय बर' फरायसा आफादनि खुंगा 40थि बोसोरसालिया जथुम्माखौ 10, 11 आरो 12 जानुवारी 2023 खालाराव सानथामनि हाबाफारिजों रेंमा दखरानि सिडव थानाय रंजालि नोगोर, जयन्तिपुराव खुंफुंजायो जायो। बे हाबाफारिनि गेवलां मेलाव गाहाइ आलासि महरै बाहागो लायो दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड आरो बिथांजों लोगोसे बाहागो लायो सुबुं फोनांजाब नेहाथारि मुस्त्रि बिरखां नारजारी बिथाडबो।

20 जानुवारी, 2023: गवालपारा जिल्ला एबसुनि थान्दै मेलाव बाहागो लाहैनाय।

गवालपारा जिल्ला दुलाराय बर' फरायसा आफादनि खुंगा 34थि बोसोरसालिया जथुम्मानि थान्दै मेलाव बेखेवगिरि आलासि महरै बाहागो लायो दुलाराय बर' फरायसा आफादनि मानगोनां बुंथिगिरि मुस्त्रि जनक उजिर बिथाड। लोगोसेनो दुलाराय बर' फरायसा आफादनि मावख' नेहाथारि मुस्त्रि बुद्धिराम बसुमतारी बिथाडबो बाहागो लायो।

21 जानुवारी, 2023: गवालपारा जिल्ला एबसुनि गेवलां मेलाव बाहागो लाहैनाय।

गवालपारा जिल्ला दुलाराय बर' फरायसा आफादनि खुंगा 34थि बोसोरसालिया जथुम्मानि गेवलां मेलाव दुलाराय बर' फरायसा आफादनि मानगोनां आफादगिरि मुस्त्रि दिपेन बर' बिथाड गाहाइ आलासि महरै बाहागो लाहैयो।

22 जानुवारी, 2023: सिरां जिल्ला बर' थुनलाइ आफादनि 18थि बोसोरसालिया जथुम्मानि गेवलां मेलाव बाहागो लानाय ।

सिरां जिल्ला बर' थुनलाइ आफादा 18थि बोसोरसालिया जथुम्माखौ चम्फाबटि गेजेर फरायसालिनि गेलेग्रा फोथाराव खुंफुडे । बेनिनो गेवलां मेलाव जर'खा आलासि महरै बाहागो लायो मिरु एबसुनि गाहाइ नेहाथारि आं खनिन्द्र बसुमतारीया आरो आंजों लोगोसे माननि आलासि महरै बाहागो लायो मिरु एबसुनि नेहाथारि निजोम बसुमतारि, गेलेमु नेहाथारि गनेश बसुमतारी आरो सुबुं फोनांजाब नेहाथारि बड'सा ब्रह्म बिथांमोनहा ।

23 जानुवारी, 2023: गसाइगाव जिल्ला बर' थुनलाइ आफादनि 30थि बोसोरसालिया जथुम्मानि गेवलां मेलाव बाहागो लानाय ।

गसाइगाव जिल्ला बर' थुनलाइ आफादा 30थि बोसोरसालिया जथुम्माखौ दैमुगुरिनि कचुगाव हिनजाव गोजौ फरायसालियाव खुंफुडे । बेनिनो गेवलां मेलाव थांखिजानाय जर'खा आलासि महरै बाहागो लायो मिरु एबसुनि गाहाय नेहाथारि आं खनिन्द्र बसुमतारीया आरो आंजों लोगोसे बाहागो लायो मिरु एबसुनि सुबुं फोनांजाब नेहाथारि बड'सा ब्रह्म बिथाड ।

मानगोनां थान्दै लोगो नोंथांमोन, गोजौआव फोरमायथिनाय गाहाइ नेहाथारिनि बोसोरारि फोरमायथि बिलाइआव बेरखांनाय हाबाफारिफोरनिफ्राय बुंनो हायोदि दुलाराय बर' फरायसा आफादआ दिनै माहारिनि मोनसेल' गोख्रों आरो रफोद गोहोनि आफाद जानानै 1967 मायथाइनि 15 फेब्रुवारीनिफ्राय गोख्रोडै हाबा मावबोदों आरो हारिनि रैखाथि, खौसेथि आरो थामोन्थानि थाखाय हाबा मावलांबाय थानांगोन । एबसु बायदि माहारियारि आफादआव सोद्रोमा जानो मोननानै आंबो दिनै बर' हारिखौ गेरेमसा दाफुंनायनि, बर' हारिनि गोजोरथियारि सोलायनाय आरो जौगानाय, माहारियारि बादनि गेजेरजों हारि दानाय आरो गुबुन गुबुन हाबा मावनो मोननाया गोजोन्थाव आरो गोग्गाथाव होननानै आं सानो । बेफोर गासै हाबाफोरखौ मावनायाव थोजासे मददगिरि आरो बोसोनगिरि जानानै आंखौ लामा दिन्थिनाय आथिखालनि एबसुनि आफादगिरि मानगोनां मुस्त्रि दिपेन बर', बोसोनगिरि मुस्त्रि खुंख्रा सरगियारि आदा बिथांमोनखौ खुलुमनायजों लोगोसे साबायखर बाउबाय लोगोसे मिरु एबसुनिनो गासैबो बिथिडव मदद होग्रा दैदेनगिरिफोर फारियै मानगोनां मुस्त्रि खोरोमदाव वारी आरो मुस्त्रि रोमदोन बसुमतारी, मिरुनि गासै दैदेनगिरि बिथांमोननोबो साबायखर बाउबाय आरो सम आरो बोथोरजों खाब जानानै आफादनि मावनो लानाय थांखिनि हाबाफारिफोरखौ गोख्रोडै मावफुंनायजों लोगोसे आंखौ आरो मिरु एबसुखौ मदद होबोनायनि थाखाय रज्यो आफाद, जिल्ला आफाद, मुलुगसोलोंसालि दालाइ आफाद आरो दख'रा आफादनिफ्राय आंखौ एबसुनि हाबा मावनायाव मदद

होबोनायनि थाखाय साबायखर आरो खुलुमनाय बाउहरनानै आंनि से बोसोरनि मावफारि बिलाइ फोरमायथिनायखौ एसेयावनो फोजोबबाय ।

गोजोन्थों-

दुलाराय बर' फरायसा आफाद थानानै थार्थों-

बर' हारि जौगासारथों-

जै बर' हारिनि जै-

नोंथांमोननि फोथायजाथाव



(खनिन्द्र बसुमतारी)

गाहाइ नेहाथारि

दुलाराय बर' फरायसा आफाद ।



गिबिनिफ्राय दासिम दुलाराय बर' फरायसा आफादन
आफादगिरि आरो गाहाइ नेहाथारिफोरनि फारिलाइ

फारिनं	बोसोर	आफादगिरिनि मुं	गाहाइ नेहाथारिनि मुं
1थि	1967-72	मुगानि आगदारि बानेश्वर बसुमतारी	सोरगोआरि कनकेश्वर नार्जारी
2थि	1972-74	सोरगोआरि दमबरुधर ब्रह्म	मुस्त्री राजेन्द्र नाथ ब्रह्म
3थि	1974-76	मुंख्लं अभिराम बर'	मुस्त्री गबिन्द बसुमतारी
4थि	1976-79	मुस्त्री गबिन्द बसुमतारी	सोरगोआरि प्रेमसिं ब्रह्म
5थि	1979-81	मुस्त्री सन्थला बसुमतारी	मुस्त्री परमेस्वर ब्रह्म
6थि	1981-83	मुस्त्री दिपक कु: बसुमतारी	मुस्त्री राजेन खाख्तारी
7थि	1983-86	सोरगोआरि करेन्द्र बसुमतारी	मुस्त्री सानसुमा खुंगुर बैसोमुथियारी
8थि	1986-90	बाड'फा उपेन्द्र नाथ ब्रह्म	मुस्त्री रबिराम ब्रह्म
9थि	1990-93	मुस्त्री सानसुमा खुंगुर बैसोमुथियारी	मुस्त्री रबिराम ब्रह्म
10थि	1993-95	सोरगोआरि गारला बाथा बसुमतारी	सोरगोआरि महेश्वर बसुमतारी
11थि	1995-96	जोहोलाव सोमब्ला बसुमतारी	मुस्त्री इमानुवेल मोसाहारी
	1996-97	मुस्त्री उर्खाव गोरा ब्रह्म (बानस')	मुस्त्री इमानुवेल मोसाहारी
12थि	1997-99	मुस्त्री उर्खाव गोरा ब्रह्म	मुस्त्री नाथुराम बर'
13थि	1999-01	मुस्त्री उर्खाव गोरा ब्रह्म	मुस्त्री नाथुराम बर'
14थि	2001-03	मुस्त्री रबिराम नार्जारी	मुस्त्री लोमस्त्राव दैमारी
15थि	2003-05	मुस्त्री रबिराम नार्जारी	मुस्त्री रोम गोरा नार्जारी
16थि	2005-07	मुस्त्री रोम गोरा नार्जारी	मुस्त्री गौतम मुसाहारी
17थि	2007-09	मुस्त्री रोम गोरा नार्जारी	मुस्त्री गौतम मुसाहारी
18थि	2009-11	मुस्त्री प्रमद बर'	मुस्त्री जिरन बसुमतारी
19थि	2011-13	मुस्त्री प्रमद बर'	मुस्त्री जिरन बसुमतारी
20थि	2013-15	मुस्त्री प्रमद बर'	मुस्त्री रमिअ पि. नार्जारी
21थि	2015-17	मुस्त्री प्रमद बर'	मुस्त्री लरेन्स इस्तारी
22थि	2017-19	मुस्त्री प्रमद बर'	मुस्त्री लरेन्स इस्तारी
23थि	2019-20	मुस्त्री प्रमद बर'	मुस्त्री लरेन्स इस्तारी
24थि	2020-21	मुस्त्री दिपेन बर'	मुस्त्री लरेन्स इस्तारी
25थि	2021-23	मुस्त्री दिपेन बर'	मुस्त्री खनिन्द्र बसुमतारी
26थि	2023-25	मुस्त्री दिपेन बर'	मुस्त्री खनिन्द्र बसुमतारी



गिबिनिफ्राय दासिम दुलाराय बर' फरायसा आफादनि
थुनलाइयारि नेहाथारि आरो मुगानि साखि खुगा लाइसिनि
गाहाइ सुजुगिरिफोरनि फारिलाइ

फारि नं	बोसोर	थुनलाइयारि नेहाथारिनि मुं	गाहाइ सुजुगिरिनि मुं
1थि	1997	मुस्त्री मुकुत प्रसाद बर'	मुस्त्री कृष्ण गपाल बसुमतारी
2थि	1998	मुस्त्री प्रबिन बर'	मुस्त्री कृष्ण गपाल बसुमतारी
3थि	1999	मुस्त्री प्रबिन बर'	मुस्त्री कृष्ण गपाल बसुमतारी
4थि	2000	सोरगोआरि खोरोरमखां बर'	मुस्त्री कृष्ण गपाल बसुमतारी
5थि	2001	सोरगोआरि खोरोरमखां बर'	मुस्त्री कृष्ण गपाल बसुमतारी
6थि	2002	मुस्त्री अनिप चन्द्र बसुमतारी	मुस्त्री कृष्ण गपाल बसुमतारी
7थि	2003	मुस्त्री अनिप चन्द्र बसुमतारी	मुस्त्री उश्चिसार खुंगुर बसुमतारी
8थि	2004	मुस्त्री अनिप चन्द्र बसुमतारी	मुस्त्री उश्चिसार खुंगुर बसुमतारी
9थि	2005	मुस्त्री अनिप चन्द्र बसुमतारी	मुस्त्री उश्चिसार खुंगुर बसुमतारी
10थि	2006	मुस्त्री रुपनाथ औवारी	मुस्त्री उश्चिसार खुंगुर बसुमतारी
11थि	2007	मुस्त्री रुपनाथ औवारी	मुस्त्री दिपेन बर'
12थि	2008	मुस्त्री धनजय नार्जारी	मुस्त्री धनजय नार्जारी
13थि	2009	मुस्त्री धनजय नार्जारी	मुस्त्री निलुत नांजा सरगियारी
14थि	2010	मुस्त्री मिहिर कुमार ब्रह्म	मुस्त्री निलुत नांजा सरगियारी
15थि	2011	मुस्त्री मिहिर कुमार ब्रह्म	मुस्त्री मिहिर कुमार ब्रह्म
16थि	2012	मुस्त्री निलुत नांजा सरगियारी	मुस्त्री निलुत नांजा सरगियारी
17थि	2013	मुस्त्री निलुत नांजा सरगियारी	मुस्त्री निलुत नांजा सरगियारी
18थि	2014	मुस्त्री भन्द्रेस्वर बसुमतारी	मुस्त्री भन्द्रेस्वर बसुमतारी
19थि	2015	मुस्त्री भन्द्रेस्वर बसुमतारी	मुस्त्री भन्द्रेस्वर बसुमतारी
20थि	2016	मुस्त्री भन्द्रेस्वर बसुमतारी	मुस्त्री भन्द्रेस्वर बसुमतारी
21थि	2017	मुस्त्री भन्द्रेस्वर बसुमतारी	मुस्त्री भन्द्रेस्वर बसुमतारी
22थि	2018	मुस्त्री महिपाल बर'	मुस्त्री महिपाल बर'
23थि	2019	मुस्त्री महिपाल बर'	थरायना बिबारि बर'
24थि	2020	मुस्त्री दिनेश ब्रह्म	मुस्त्री दिनेश ब्रह्म
25थि	2021	मुस्त्री दिनेश ब्रह्म	मुस्त्री दिनेश ब्रह्म
26थि	2022	मुस्त्री समित नार्जारी	मुस्त्री समित नार्जारी
27थि	2023	मुस्त्री समित नार्जारी	मुस्त्री समित नार्जारी
28थि	2024	मुस्त्री मिनिसोरां ब्रह्म	मुस्त्री मिनिसोरां ब्रह्म

**2023-2024 मायथाइनि दुलाराय बर' फरायसा आफादनि
मावफुं सोद्रोमाफोरनि फारिलाइ**

फारि नं	मुं	बिबान	जिल्ला
1.	मुस्त्री दिपेन बर'	आफादगिरि	अदालगुरि
2.	मुस्त्री खोरोमदाव वारी	लोगो आफादगिरि	क'क्राझार
3.	मुस्त्री रोमदोन बसुमतारी	लोगो आफादगिरि	बाकसा
4.	मुस्त्री खनिन्द्र बसुमतारी	गाहाइ नेहाथारि	सिरां
5.	मुस्त्री दिनेश ब्रह्म	लोगो गाहाइ नेहाथारि	अदालगुरि
6.	मुस्त्री निजोम बसुमतारी	नेहाथारि	बिस्वनाथ
7.	मुस्त्री बिरदाव बर'	नेहाथारि	सनितपुर
8.	मुस्त्री आनान्द दैमारी	नेहाथारि	अदालगुरि
9.	मुस्त्री बड'सा ब्रह्म	नेहाथारि	धेमाजी
10.	मुस्त्री प्रिसकिला बसुमतारि	नेहाथारि	क'क्राझार
11.	मुस्त्री अबित नार्जारि	बुंथिगिरि	सनितपुर
12.	थरायना बिबारि बर'	लोगो बुंथिगिरि	अदालगुरि
13.	मुस्त्री ल 'हित चन्द्र बर'	सुबुं फोनांजाब नेहाथारि	अदालगुरि
14.	मुस्त्री राजेस बसुमतारि	सुबुं फोनांजाब नेहाथारि	सनितपुर
15.	मुस्त्री सोमदोन ब्रह्म	सुबुं फोनांजाब नेहाथारि	क'क्राझार
16.	मुस्त्री बिरखां नार्जारी	सुबुं फोनांजाब नेहाथारि	गलाघाट
17.	मुस्त्री सुसिल इस्लारी	हारिमु नेहाथारि	सिरां
18.	मुस्त्री बुद्धिराम बसुमतारी	लोगो हारिमु नेहाथारि	कारबि आंलं
19.	मुस्त्री मिनिसोरां ब्रह्म	थुनलाइयारि नेहाथारि	क'क्राझार
20.	मुस्त्री सिबिसन नारजारि	लोगो थुनलाइयारि नेहाथारि	क'क्राझार
21.	मुस्त्री गनेश बसुमतारी	गेलेमु नेहाथारि	कारबि आंलं
22.	मुस्त्री मनिराम बरगयारि	लोगो गेलेमु नेहाथारि	सिरां
23.	मुस्त्री दिपज्योति कछारी	बाथ्रा दान्थे नेहाथारि	नलबारि
24.	मुस्त्री सरनजित नारजिनारी	रांगिरि	सोनाब बंग
25.	मुस्त्री सोमावसार बसुमतारी	सोलोँथाइ नेहाथारि	बिस्वनाथ
26.	मुस्त्री रमिअ कुमार बसुमतारी	लोगो सोलोँथाइ नेहाथारि	अदालगुरि
27.	मुस्त्री खुंख्रा स्वर्गियारी	बोसोनगिरि	सनितपुर
28.	मुस्त्री नितु बर'	मावख' नेहाथारि	मरिगाव

2006 मायथाइनिफ्राय 2023 मायथाइसिम मेट्रिक आनजाद (HSLC) आव
बर' बिजोनिफ्राय सेथि मासि मोननाय फरायसाफोरनि फारिलाइ

मायथाय	2006	2007	2008	2009	2010	2011	2012	2013	2014
गासै	66	58	101	78	142	137	263	326	540

मायथाय	2015	2016	2017	2018	2019	2020	2021	2022	2023
गासै	909	1174	1370	1606	1266	1304	3228	1977	3521

2023 मायथाइनि मेट्रिक आनजाद (HSLC) आव बर' बिजोनिफ्राय सेथि मासि मोननो हानाय जिल्लाफोरनि फारिलाइ		
फारि नं	जिल्लनि मुं	सेथि मासिनि अनजिमा
1.	बाकसा	938
2.	सिरां	681
3.	क'क्राझार	626
4.	अदालगुरि	443
5.	तामुलपुर	323
6.	सनितपुर	206
7.	बिस्वनाथ	75
8.	धेमाजि	65
9.	बरपेटा	49
10.	नलबारि	38
11.	ग'वालपारा	31
12.	कार्बिआंलं	24
13.	मरिगाव	05
14.	गुवाहाटी	05
15.	कामरुप	04
16.	खोला कामरुप	04
17.	लक्षिमपुर	04
गासै-		3521

17थि कमल कुमार ब्रह्म देरहासाद बान्था, 2023

30 मे, 2023 इं

दुलाराय बर' फरायसा आफादा बर' बिजौंजौं फरायनानै 2023 मायथाइनि मेट्रिक आनजादाव सेथि थाखोआव उथ्रिनाय जौसिन जि मासिआव (Top-10) जायगा आवग्रिनो हानाय साबसिन फरायसाफोरनो होनो गोनां "17थि कमल कुमार ब्रह्म देरहासाद बान्था-2023" नि बान्था रान्नाय आरो मान बाउनाय हाबाफारिखौ क'क्राझार जिलानि सिडाव थानाय क'क्राझार सरखारि गोजौसिन आरो थांकि गोबां फरायसालिनि गेलेग्रा फोथाराव खुंफुंनाय जायो।

बान्था मोन्नाय Top-10 फरायसाफोरा फारिथै-

- 1थि मासि:- थरायना सोरजिमाला सर्गियारी', 572 (95.33%),
इउ. एन. एकाडेमि, बरमा।
- 2थि मासि:- थरायना ज्योति मुसाहारि, 569 (94.83%),
इउ. एन. एकाडेमि, चिमेन सापरि।
- 3थि मासि:- मुस्रि नब'जित बसुमतारी, 567 (94.5%),
पच्छिम बासका मौजा गोजौ फरायसालि।
- 4थि मासि:- मुस्रि जितु नार्जारि, 565 (94.17%),
मुसलपुर गोजौसिन फरायसालि, बाकसा।
** थरायना करिसमा रामसियारी, 565 (94.17%),
बाथौ आश्रम, मेदाघात, बाकसा।
- 5थि मासि:- मुस्रि हादोतसा बर', 561 (93.5%),
इउ. एन. एकाडेमि, मंगलियान, बिजनी, चिरां।
- 6 थि मासि: थरायना बिरगोस्रि ब्रह्म, 558 (93%),
इउ.एन. एकाडेमि, तामुलपुर।

7थि मासि:- मुस्रि गोरोबथा मुसाहारी, 555 (92.5%),
बड'लेण्ड एकाडेमि, खुंग्रीं, चिरां।

** मुस्रि सुसान्थजित औवारी, 555 (92.5%),
गेवलां गोजौ फरायसालि, बासुगाव।

8थि मासि:- मुस्रि पेनस्तार ब्रह्म, 554 (92.33%),
इउ. एन. एकाडेमि, रौता, अदालगुरि।

9थि मासि:- थरायना डलि नार्जारी, 553 (92.17%),
इउ.एन. एकाडेमि, क'क्राझार।

10थि मासि:- थरायना रंगिना बर', 551 (91.83%),
इउ. एन. एकाडेमि, बरपेटा र'ड।

** मुस्रि खोमथा गोरा बसुमतारि, 550 (91.67%),
एस.बि.बड' गोजौ फरायसालि, चिमेन सापरी।



मावख'
मिरु रोंगौथि सायख' आनजाद-2023
CENTRAL TALENT SEARCH EXAMINATION-2023
दुलाराय बर' फरायसा आफाद



गा.मा.: बड'फा हाउस, बागानसालि

जिल्ला : क'क्राझार, बि.टि.आर. * पिन : 783370

बि. सोमखोर बसुमतारी
मासिगिरि

रोमदोन बसुमतारी
आनजाद सामलायगिरि

Ref No. : Bodofa House, Kokrajhar/ABSU/2024

Date : 02- 01- 2024

Result of 8th Central Talent Search Examination- 2023
Organised by All Bodo Students Union

CLASS -X Top-3

Sl no	Name of the students	Total Marks	Marks obtained	Percentage	Name of the school	District
1	Nijwm Boro	200	178	89	Bathou Ashram High School, Barama	Baksa
2	Leepam Boro	200	169	84.5	Phungbili Swlwngsali, Dwarkuchi	Tamulpur
3	Hirimba Boro	200	163	81.5	Tangla U.N Academy	Udalguri

Class -IX Top-3

Sl no	Name of the students	Total Marks	Marks Obtained	Percentage	Name of the school	District
1	Manisha Basumatary	200	161	80.5	Bathou Ashram high school, Medaghat	Baksa
2	Hayungsa Basumatary	200	155	77.5	U.N Academy, Bijni	Chirang
3	Anirudha Brahma	200	154	77	Tipkai Higher Secondary School	Kokrajhar

(Rwmdwn Basumatary)
Controller of Examination

(Swmousar Basumatari)
Examination Co-Ordinator



नोजोर : थां, माव आरो जौगा

56थि थान्दै जख'न्थाइ दुलाराय बर' फरायसा आफाद

मोन्थोर : खौसेथि, थामोन्थाइ आरो दावगाथाइ
थावनि : हिडिन्बा नोगोर, तेलिसाल, ग'लाघाट
(बि.के.डब्लिउ.ए.सि.), आसाम।

अक्ट' : 2, 3 आरो 4 फेब्रुवारी, 2024

निसिम,

मुन्शी / मुन्शीमा / ड०.....

.....

हांख्रायलाइ

सिबिजाथाव रोदेमा,
खुलुमबाय!

गिबियावनो दुलाराय बर' फरायसा आफाद आरो बान्जाय आफादनि जानाने जाख्रिथायारि खुलुमनाय आरो इंगजी गोदान बोसोर 2024 मायथाइनि गाहाम हामलायनायखौ बाउहयोनय जाबाय। बे हांख्रायलाइनि गेजेजो नोथांनोथामोनखौ मिथिहोनो आरो हांख्रायनाये गोजीननाय मोनोदि, दुलाराय बर' फरायसा आफाद आरो बान्जाय आफाद दुलाराय बर' फरायसा आफादनि 56थि थान्दै जख'न्थाइखौ फेग्री 2, 3 आरो 4 फेब्रुवारी, 2024 अक्ट' आव सानथामनि मेहेरगोनो हाबाफारिजो ग'लाघाट जिलानि "हिडिन्बा नोगोर", तेलिसालआव आबुडै खुफुनो थि खालामनाय जाबाय।

खुफुनो लानाय सानथामनि मेहेरगोनो हाबाफारियाव बर' बिजोनि सोलोथाइखौ जौगाखाहोनाय थांखिजो "बिमा रवनि बिजोआव गुनगोनो सोलोथाइखौ सोलायहोनाय आरो बादायलायनाय आनजादफाराव जाफुसाराय" आरो "अरायथा जिउ रहानि थाखाय लाइमोन गावारि फालांगियारि आरो साख्रि सोरजिहोनायखौ गोखौ खालामनाय" आयदानि सायाव इयुन जौलैखौ थुलुगाखाहोनाय थांखिखौ लानाने मोनसे गियानजो बुंफबनाय समाज दनो थाखाय नाजानाय जादो। आरोबाव फरायसा आरो इयुन लाइमोनफारनि थाखाय थुनलायारि, गेलैमु, बाश्ना दन्थेनाय आरो हरिसु आयदफोरावबो बादायलायहोनायजो लोगोसे गाबगोनो दिन्थिफुनाय हाबाफारिखो लानाय जादो।

बैनखायनो, दुलाराय बर' फरायसा आफाद आरो बान्जाय आफादआ थान्दै जख'न्थाइनि गासैबो हाबाफारियाव हारि, बोरोन, धोरैम, राव, दोलो, आफाद बासियालासे लैहोर लैहोर फैनाने गासै हाबाफारियाव बाहागो लानायजो जथुममाखौ ओथिगोनोय जाफुसाराहोफेनो थाखाय नोथांनोथामोनखौ गुरैथे हांख्रायहनाय जाबाय।

गोजोन्थो।

नोथांमोननि हांख्रायगिरि

(दिपेन बर')

आफादगिरि, एबसु।

(खनिन्त्र बसुमतारी)

गाहाइ नेहाथारि, एबसु।

(रमिअ पि नार्जारी)

डिपुटि सि.इ.एम., बि.के.डब्लिउ.ए.सि.

आफादगिरि, बान्जाय आफाद।

(ललित ब्रह्म)

गाहाइ नेहाथारि, बान्जाय आफाद।

हाबाफारि

02 फेब्रुवारी, 2024 (मुक्रबार)

- फुंबिलि 10:00 रिगा : हिडिम्बा नोगोर गाहाइ दरखं बेखेवनाय।
बेखेवगिरि : मुन्नीमा अजन्ता नेउग,
मानिनां केबिनेट मन्थि, आसाम।
- फुंबिलि 10:15 रिगा : रंसारि अमुल्य ब्रह्म गोसोखां गाहाइ सायनासालि
आरो जौसां बेखेवनाय
बेखेवगिरि : मुन्नी बिश्वजित दैमारि,
मानिनां बुथिगिरि, आसाम आयेन आफ्फाद।
- फुंबिलि 10:30 रिगा : रंसारि रज'नि कान्त ब्रह्म गोसोखां थान्दै जथुमसालि
बेखेवनाय
बेखेवगिरि : मुन्नी अनिल बसुमतारी, मासिगिरि,
बि.के.डब्लिउ.ए.सि.।
- फुंबिलि 10:45 रिगा : रंसारि कमलेश्वर बर' गोसोखां थान्दै बाद
बेखेवनाय
बेखेवगिरि : मुन्नी बिलि महन खाख्तारी, इ.एम., के.ए.ए.सि.।
- फुंबिलि 11:00 रिगा : रंसारि सेना नाजारी गोसोखां आलासि जिरायसालि
बेखेवनाय
बेखेवगिरि : मुन्नी जलेन दैमारी, एम.एल.ए., तामुलपुर।
- फुंबिलि 11:15 रिगा : तेलिसाल जामुंसालि बेखेवनाय
बेखेवगिरि : मुन्नी सनजिब हेडिक, नेहाथारि,
ग'लाघाट गेलमु आफ्फाद।
- फुंबिलि 11:20 रिगा : रंसारि बिनन्द बसुमतारी गोसोखां मावसोम
हान्जानि बाद बेखेवनाय

3

- बेखेवगिरि : मुन्नी अभिबर्तन गस्वामी, लेडाइ आफ्फादगिरि,
आसु।
- फुंबिलि 11:30 रिगा : रंसारि देब' कान्त ब्रह्म गोसोखां दिन्थिफुंसालि
आरो हाथाइसालि बेखेवनाय
बेखेवगिरि : मुन्नी बिनन्द बसुमतारी, इ.एम.,
बि.के.डब्लिउ.ए.सि.।
- फुंबिलि 11:45 रिगा : रंसारि रहिचरण नाजारी गोसोखां गेलेमु फोथार
बेखेवनाय
बेखेवगिरि : मुन्नी रिलिप रंहां, DSO, कार्बि आंलं।
- फुंबिलि 11:50 रिगा : रंसारि कार्तिक बसुमतारी गोसोखां आलांगा
हाथाइसालि बेखेवनाय
बेखेवगिरि : मुन्नी पेटेर दां, लेडाइ मावफुं सोद्रोमा,
आदिबासि अनसाइ आरो जौगाखां गौथुम।
- फुंबिलि 11:55 रिगा : रंसारि सेनियम गोसोखां हागिमुवारि बाद बेखेवनाय।
बेखेवगिरि : मुन्नी बिदुर बरुवा, गोरायुं,
दयां सिनियर सेकेण्डारि स्कुल।
- बेलासि 12:30 रिगा : थान्दै आरो नोजोरबोआरिफोरनि मुं रेबथुमनाय।
बेलासि 2:00 रिगा : साननि आंखाम।
- बेलासि 2:15 रिगा : जोहोलाव सोमब्ला बसुमतारी बुलुर गेलेनाय
बादायलायनाय बेखेवनाय।
- बेखेवगिरि : मुन्नी बिमल चन्द्र गौ, DSO, ग'लाघाट।
- बेलासि 2:30 रिगा : गायदे हेलेना काबादि बादायलायनाय बेखेवनाय।
बेखेवगिरि : मुन्नीमा हेलिना दले, सेथारमेन,
ग'लाघाट जिला परिषद।
- बेलासि 3:00 रिगा : मिरु मावफुं जथुम।
मोनाबिलि 05:00 रिगा : गोजोन आरो खौसेथिनि थाखाय आलारिबाथि

4

फोजोनाय

फोजोजेनगिरि : मुन्नी आदित्य खाख्लारी, नेहाथारि गाहाइ,
अल आसाम ट्रायबेल संघ आरो गाहाइ
लिथुमगिरि, CCTOA.

मोनाबिलि 5:30 रिगा : शन्दै मेल ।

सामलायगिरि : मुन्नी अबित नाजारी, बुंथिगिरि, एबसु ।

बेखेवगिरि : मुन्नी बि. सोमखोर बसुमतारी, बाराग' बुंथिगिरि,
एबसु ।

मोनाबिलि 6:30 रिगा : हारिसु बादायलायनाय ।

बेखेवगिरि : मुन्नी रहेन्द्र नाथ ब्रह्म, मुंदांखा बर' सुबुं मेथाइ
रेजाबगिरि आरो पद्मश्री प्रतिमा पाण्डे बान्था
मोनागिरि ।

हांखायजानाय आलासि : मुन्नी जगेश्वर ब्रह्म, बोसोनगिरि,

दुलाराय बर' हारिसु आफाद ।

मोनाबिलि 9:00 रिगा : हरनि ओंखाम ।

3 फेब्रुवारी, 2024 (शनिवार)

फुंबिलि 07:30 रिगा : फुंबिलिनि आर'ज ।

फुंबिलि 08:00 रिगा : आफादिनि फिरफिला बिरहोनाय
बिरहोगिरि : मुन्नी दिपेन बर', आफादगिरि,

दुलाराय बर' फरायसा आफाद ।

फुंबिलि 08:30 रिगा : "बड'लेण्ड मुंखनं" फोरनो मान बाडनाय
बाडजेनगिरि : मुन्नी खुंखा श्वगियारी, बोसोनगिरि,

दुलाराय बर' फरायसा आफाद ।

फुंबिलि 08:45 रिगा : बर'नि गेदेमा सुबुंमोननि जिउमाखौ गोसोखानानै
बिबार बाडनाय

5

बाडजेनगिरि : ड० प्रेमानन्द मोसाहारी, साहित्य अकादेमी
बान्था मोनगिरि ।

फुंबिलि 09:30 रिगा : फुंबिलिनि रेजंगा जानाय ।

फुंबिलि 09:45 रिगा : गेलेमु आयदाखौ फिन जुसिफिननाय ।

फुंबिलि 10:00 रिगा : शुनलाइयारि आरो बाश्रा दान्थे बादायनाय बेखेवनाय
बेखेवगिरि : मुन्नी हेरेश्वर नाजारी, बाराग' नेहाथारि,
बर' शुनलाइ आफाद ।

फुंबिलि 10:10 रिगा : गेवलां सावराय मेल ।

आयदा : गुनगोनां सोल्लोथाइखौ बिमा रावनि बिजोजो
सोलायहोनाय आरो बादायलु आनजादफोरखौ
थियारि खालामनायाव राहा लानाय ।

बेखेवगिरि : मुन्नी तरेन बर', लिंथुमगिरि, बर' बोसोनगिरि
बड' सोद्रोमा (साहित्य अकादेमि) आरो बाराग'
आफादगिरि, बर' शुनलाइ आफाद ।

मासिगिरि : मुन्नी दिपेन बर', आफादगिरि,
दुलाराय बर' फरायसा आफाद ।

गाहाइ आलासि : ड० ननि गपाल महन्त, बोसोनगिरि,
आसाम सरकारनि सोल्लोथाइ बिफान ।

बुंथिगिरि आलासि : मुन्नी नील' कान्त गयारि, गाहाइ नेहाथारि,
बर' शुनलाइ आफाद ।

: मुन्नी शंकर ज्योति बरुवा, गाहाइ नेहाथारि, आसु ।

: मुन्नी जगदिश प्रशाद ब्रह्म, बिथोनगिरि,
सोल्लोथाइ बिफान, बि.टि.आर. ।

: ड० दिपक बसुमतारी, गाहाइ बिगियानगिरि,
CSIR, NEIST, जरहाट ।

6

जर'खा हांखायजानाय : शरायना गितास्त्रि रामसियारी,
देखोसु से-नै-थाम देहागिरि।
: मुस्त्री नबज्योति नाजरी, Winner,
DID Little Master, Season 5.

मोनाबिलि 07:00 रिगा : नैथि थान्दै जथुम।
मोनाबिलि 06:00 रिगा : हारिसु बादायलायनाय जागायफिननाय।
मोनाबिलि 09:00 रिगा : हरनि ओंखाम।

4 फेब्रुवारी, 2024 (रबिबार)

फुंबिलि 04:30 रिगा : माराथन खारनाय।
बेखेवगिरि : मुस्त्री परीक्षित दत्त, बाराग' लेडाइ आफादगिरि,
आसाम क्रिकेट एसोसियेसन।
फुंबिलि 07:30 रिगा : फुंबिलिनि आर'ज।
फुंबिलि 07:45 रिगा : फुंबिलिनि रेजंगा जानाय।
फुंबिलि 08:00 रिगा : आइजोफोरनि जर'खा थान्दै जथुम।
दैदेनगोन : शरायना बिबारि बर', लोगो बुंथिगिरि,
दुलाराय बर' फरायसा आफाद।

फुंबिलि 10:30 रिगा : गुबुन गुबुन हारिनि हारिसुवारि हान्जानि हारिसुवारि
हान्जा सुरनाय।

बेखेवगिरि : मुस्त्री बिजुवेल नेलसन दैमारी, आफादगिरि,
दुलाराय बर' हारिसु आफाद।

सानजौफु 12:00 रिगा: गोवलां मेल
मासिगिरि : मुस्त्री दिपेन बर', आफादगिरि, एबसु।
बेखेवगिरि : ड० सुस्थ नाजरी, आफादगिरि,
बर' थुनलाइ आफाद।

बराय बिबुंथि : मुस्त्री रमिअ पि नाजरी, डिपुटि सि.इ.एम.,

8

बेलासि 02:00 रिगा : साननि ओंखाम।
बेलासि 02:30 रिगा : जर'खा सावरयनाय (थान्दै जथुमसालियाव)।
आयदा : "अरायथा जिउ गहानि थाखाय लाइमोन गावारि
फालांगियारि आगे साखि सोरजिहोनायखौ
गोखौं खालामनाय"

बेखेवगिरि : मुस्त्री मनज कुमार बसुमतारी, मुंदांखा
फालांगियारि आगे आसाम गौरब बान्था मोनगिरि।
मासिगिरि : मुस्त्री खोरोमदाव वारी, लोगो आफादगिरि,
दुलाराय बर' फरायसा आफाद।

बुंथिगिरि आलासि :

: मुस्त्री नैसुते दाउतु, Founder, Entrepreneur Associates, Kohima,
Nagaland.
: ड० सांश्रां ब्रह्म, मानिनां नेहाथारि, आसाम फुटबल एसोसियेसन।
: मुस्त्री रञ्जन कुमार बरुवा, बिथोनगिरि, नर्थ इस्ट इयुथ फाउन्डेसन
आगे थुलुंगगिरि।
: मुस्त्री सुदिप प्रधान, Independent Director, NRL (Industry).
: मुस्त्री मार्क दैमारी, प्रजेक्ट दैदेनगिरि, फिन रोदोमखां मावथाखि
आगे बि.डि.एफ. (क' अपरोटिभ)

मोनाबिलि 05:30 रिगा : हारिसुवारि सोलाय-सोल' हाबाफारि
(गासै 18 गुबुन-गुबुन हारिसुवारि रिगुदामसा)
बेखेवगिरि : मुस्त्री विश्वेश्वर बसुमतारी, बाराग' लोगो गहाइ
नेहाथारि, एबसु आगे बाराग' लेडाइ आफादगिरि, बर' थुनलाइ आफाद।
जर'खा आलासि : मुस्त्री विश्वजित फुकन, एम.एल.ए., सरपथार।
: मुस्त्री रज'नि श्वर्गियारी, बोसोनगिरि,
दुलाराय बर' हारिसु आफाद।

7

बि.के.डब्लिड.ए.सि. आरो आफादगिरि,
बान्जाय आफाद ।

आफादगिरिनि बिबुंधि : मुस्त्री दिपेन बर', आफादगिरि,

दुलाराय बर' फरायसा आफाद ।

जर'खा हांखायजानाय आलासि : ड० हिमन्त विश्व शर्मा,

मानिनां गिबि मन्थि, आसाम ।

गाहाइ आलासि : ड० समुद्र गुप्त काश्यप, मानिनां चेन्सेलर,

नागालेण्ड मुलुगसोलोसालि ।

जर'खा आलासि : मुस्त्री प्रमद बर', सि.इ.एम., बि.टि.आर ।

शांखिजानाय बुंधिगिरि : मुस्त्री उखावि गोरा ब्रह्म,

मानिनां केबिनेट मन्थि, आसाम ।

मुंख'जाथाव आलासि : मुस्त्रीमा अजन्ता नेआ, मानिनां केबिनेट मन्थि,

आसाम ।

: मुस्त्री अशक सिंहाल, मानिनां केबिनेट मन्थि,

आसाम ।

: मुस्त्री रोनगोरा नाजारी, मानिनां एम.पि.,

राज्य सभा ।

: मुस्त्री मिहिनिश्वर बसुमतारी,

मानिनां सि.इ.एम., बि.के.डब्लिड.ए.सि. ।

: मुस्त्री कातिराम बर', मानिनां बुंधिगिरि,

बि.टि.सि. आइन आफाद ।

: मुस्त्री गोबिन्द चन्द्र बसुमतारी,

मानिनां लेडाइ गाहाइ मावफुं सोद्रेमा, बि.टि.आर ।

: मुस्त्री प्रताप कछारी, सि.इ.एम., थेंडल कछारी अट'नमास

काउन्सिल ।

: मुस्त्री तंकेश्वर सन'वाल, सि.इ.एम., सन'वाल कछारी

अट'नमास काउन्सिल ।

: मुस्त्री लरेस इस्लारी, एम.एल.ए., सानजा क'क्राझार ।

: मुस्त्री जयन्त बसुमतारी, एम.एल.ए., सिदलि ।

: मुस्त्री जिरन बसुमतारी, एम.एल.ए., गसाइगाव ।

: मुस्त्री बिलि महन खाख्लारी, इ.एम., के.ए.ए.सि. ।

: मुस्त्री रन्जित बसुमतारी, इ.एम., बि.टि.आर ।

: मुस्त्री उकिल मुसाहारी, इ.एम., बि.टि.आर ।

: मुस्त्री दावबायसा बर', इ.एम., बि.टि.आर ।

: ड० निलुत स्वर्गियारी, इ.एम., बि.टि.आर ।

: मुस्त्री रकेश ब्रह्म, इ.एम., बि.टि.आर ।

: मुस्त्री रनेन्द्र नाजारी, इ.एम., बि.टि.आर ।

: मुस्त्री बिजित गोरा नाजारी, एम.सि.एल.ए., बि.टि.आर ।

: मुस्त्री प्रदिप श्वर्गियारी, इ.एम., बि.के.डब्लिड.ए.सि. ।

: मुस्त्री महिपाल बर', इ.एम., बि.के.डब्लिड.ए.सि. ।

: मुस्त्री दशरथ बर', इ.एम., बि.के.डब्लिड.ए.सि. ।

: मुस्त्री सन्जय श्वर्गियारी, एम.सि.एल.ए., बि.टि.आर ।

: मुस्त्री मन्तु बर', एम.सि.एल.ए., बि.टि.आर ।

हांखायजानाय आलासि :

: मुस्त्री रज'नि श्वर्गियारी, बोसोनगिरि, दुलाराय बर' हारिसु
आफाद ।

: मुस्त्री मनुस्जन बसुमतारी, आफादगिरि, खोसेथि बर' सुबुं
आफाद ।

: मुस्त्री पिताम्बर ब्रह्म, गाहाइ नेहाथि, खोसेथि बर' सुबुं आफाद ।

: मुस्त्री मदन श्वर्गियारी, आफादगिरि, दुलाराय बर' गुदि फोशंगिरि

: मुन्नी सुनिल चेन्नी, आफादगिरि, अल आसाम गर्खा फरायसा आफाद।

बेलासि रिगा 2:00 : साननि ओंखाम।

मोनाबिलि 6:00 रिगा : रुंसरि सान्त बसुमतारी गोसोखां हरिसु बिलिफां।
बेखेवगिरि : मुन्नी बिजितगिरि बसुमतारी, गाहाइ नेहाथरि,
दुलाराय बर' हरिसु आफाद।

हारिसु बिलिफांनि जुनिघा बोगथाबमा

बिघाय ब्रह्म, बुदां बलब ब्रह्म, ड० गोमोथाव बसुमतारी
फैला जे. बरायारी, फुकन बर', नितामनि बर', इलिसा बर', धनज्य
बर', रबिनसिं दैमारी, आरो प्रेकतिकेल बसुमतारी, हेलेना दैमारी,
मनालिशा हाज' वारी (फावखुंग्रि)

आरो

जायगानि जाखांकु देखोगिरि



12

आफाद आसाम।

: शरायना दिपालि नाजारी, आफादगिरि, दुलाराय बर' आइजो
अनसाय आफाद।

: ड० मतिसन दैमारी, आफादगिरि, बर' बिफान फोरोगिरि गौथुम।

: मुन्नी नृपेन खान्दा, आफादगिरि, अल आसाम राभा फरायसा
आफाद।

: मुन्नी थिराज गवाला, आफादगिरि, अल आसाम टि ट्राइब फरायसा
आफाद।

: मुन्नी बिमल कुमार हेमब्रम, आफादगिरि, अल आसाम सान्थाल
फरायसा आफाद।

: मुन्नी प्रमित सेंयु, गाहाइ नेहाथरि, डिमासा फरायसा आफाद।

: मुन्नी सेमसन तेरन, आफादगिरि, कार्बि स्टुडेन्ट्स एसोसियेसन।

: मुन्नी तिलक डले, आफादगिरि, ताकाम भिसिं पतिन केबां।

: मुन्नी सान्जब हाजं, आफादगिरि, अल आसाम हाजं फरायसा
आफाद।

: मुन्नी रतन कछारी, अल आसाम सन'वाल कछारी फरायसा
आफाद।

: मुन्नी नन्द किराति देवान, गाहाइ नेहाथरि, भारतीय गर्खा परिशद।

: मुन्नी अनिरुद्ध पाटर, आफादगिरि, अल टिवा फरायसा आफाद।

: मुन्नी राजु नाजारी, मावफुं बिथोनगिरि, NERSWN।

: ड० दिगम्बर नाजारी, बिथोनगिरि, NEDAN Foundation.

: मुन्नी देबजित शेडल, आफादगिरि, अल शेडल कछारी फरायसा
आफाद।

: मुन्नी अर्जुन चेन्नी, बोसोनगिरि, अल आसाम गर्खा फरायसा
आफाद।

: मुन्नी निरेन देउरि, आफादगिरि, अल देउरि फरायसा आफाद।

11

2023-2024 मायथाइनि
दुलाराय बर' फरायसा आफादनि मावफुं सोद्रोमाफोर



खुंब्रा स्वर्गियारी
बोसोनगिरि



दिपेन बर'
आफादगिरि



खोरोमदाव वारी
लोगो आफादगिरि



रोमदोन बसुमतारी
लोगो आफादगिरि



खनिन्द्र बसुमतारी
गाहाइ नेहाथारि



दिनेश ब्रह्म
लोगो गाहाइ नेहाथारि



निजोम बसुमतारी
नेहाथारि



बिरदाव बर'
नेहाथारि



आनान्द दैमारी
नेहाथारि



बड'सा ब्रह्म
नेहाथारि



प्रिसकिला बसुमतारि
नेहाथारि



अबित नार्जारी
बुंथिगिरि



बिबारि बर'
लोगो बुंथिगिरि



राजेस बसुमतारि
सुबुं फोनांजाब नेहाथारि



ल'हित चन्द्र बर'
सुबुं फोनांजाब नेहाथारि

2023-2024 मायथाइनि
दुलाराय बर' फरायसा आफादनि मावफुं सोद्रोमाफोर



सोमदोन ब्रह्म
सुबुं फोनांजाब नेहाथारि



बिरखां नार्जारी
सुबुं फोनांजाब नेहाथारि



सुसिल इस्लारी
हारिमु नेहाथारि



बुद्धिराम बसुमतारी
लोगो हारिमु नेहाथारि



मिनिसोरां ब्रह्म
थुनलाइयारि नेहाथारि



सिबिसन नारजारि
लोगो थुनलाइयारि नेहाथारि



गनेश बसुमतारी
गेलेमु नेहाथारि



मनिराम बरगयारी
लोगो गेलेमु नेहाथारि



दिपज्योति कछारी
बाथ्रा दान्थे नेहाथारि



सरनजित नार्जिनारी
रंगिरि



सोमावसार बसुमतारी
सोलोंथाइ नेहाथारि



रमिअ कुमार बसुमतारी
लोगो सोलोंथाइ नेहाथारि



नितु बर'
मावख' नेहाथारि



Chief Election Commissioner of India मुन्नि राजीब कुमार बिथांजों सावरायनाय ।
थावनि: रेडिसन ब्लु हटेल, गुवाहाटी, अक्ट' : 27 मार्च, 2023




बर' बिजोनि सोलोट्हाइनि सायाव जर'खा सावराय मेल जथुमनाय ।
थावनि : बरमा दख'रा एबसुनि मावख', अक्ट' : 3 एप्रिल, 2023



मुलुगनां आइजो सान फालिनाय
थावनि: लतिबारि, फख्रिबारि गेजेर फरायसालिनि गेलेग्रा फोथार, अक्ट' : 8 मार्च, 2023



दुलाराय बर' फरायसा आफादन 56थि गायसन्थाइ सान फालिनाय।
थावनि : कवारदांगा, अलिपुरदुवार, सोनाब बंग, अक्ट' : 15-02-2023



ओन्सोलाव गोजोन आरो खौसेथि हास्थायनानै सुबुं सांग्रांथि हान्जा सुरनाय।
थावनि : सिरां जिल्ला, अक्ट' : 27 आरो 28 फेब्रुवारि, 2023



बर' बिजॉनि सोलोथाइखौ नोजोर होनानै आसामनि सोलोथाइ मन्त्रि डा. रनुज पेगुजो सावरायनाय।
थावनि: समग्र सिक्सा कनफारेन्स हल, आसाम, अक्ट':12 एप्रिल, 2023



NDFB नि जेंनाफोरखौ लानानै आसाम पुलिस Special Branch & Security नि ADGP मुस्त्रि हिरिण चन्द्र नाथजों जर'खायै सावरायनाय । थावनि: Conference Hall, SB, H.Q. Assam Police, अक्ट': 17 मार्च, 2023



आसाम सोरकारनि सोलोंथाइ बिफाना थाखो द'नि सानखान्थि आरो बिगियान आयदाखौ इंराजी बिजोंजों फोरोंहोनी थांखि लानायनि बेरेखायै सुबुं खुद्रिसारनाय हाबाफारि । थावनि: बड'फा सिलड्रेन पार्क, क'क्राझार, अक्ट' : 11 एप्रिल, 2023



गोगो आरो थार खान्थिजों मेट्रिक आनजादखौ खुंफुंनंगौनि दाबिजों आसामनि दाब-दाब जायगायाव सुबुं खुद्रिखांनाय हाबाफारि लानाय । अक्ट' : 13 मार्च, 2023



आसामनि सोलोँथाइ बिफाना बर' बिजों फरायसालिनि थाखो द'नि सानखान्थि आरो बिगियान फराफारि बिजाबखौ इराजी बिजोंआव फोरोँनो लानाय थांखिनि सोमोन्दै जर्'खा सावराणाय । थावनि : हरदत्त-बिरदत्त भवन, रंगिया, कामरुप अक्ट' : 22 एप्रिल, 2023



बड'फा उपेन्द्र नाथ ब्रह्मनि जोनोम सानखौ गिबि खेब आसामनाडैनो फरायसा सान महैरै फालिनाय । अक्ट' : 31 मार्च, 2023



आसामनाडैनो बर' बिजोंनि फरायसालिफोराव आनि बिमा राव-आनि सोलोँथाइ मावथांखि बेखेवनाय । अक्ट' : 13 मार्च, 2023



बड'फा उपेन्द्र नाथ ब्रह्मनि 33 थि रुंसारि सान फालिनाय ।
थावनि : दत'मा थुलंगापुरि, अक्ट' : 1 मे, 2023



बड'लेण्ड सोमावसारनायनि गिबि बर' आइजो मुंख्लं गाइदे बसुमतारि आरो हेलेना बसुमतारिनि
35 थि मुंख्लं सान फालिनाय । थावनि : बड'फा हाउस, बागानसालि, क'क्राइर, अक्ट' : 12 मे, 2023



“36 थि बड'लेण्ड मुंख्लं सान” फालिनाय । थावनि : खैराबारि महिरंगा फावथिनासालि, अदालगुरि
अक्ट' : 12 जुन, 2023



“उदखारि बेरेखा सान” फालिनाय । थावनि : जोहोलाव सोमब्ला बसुमतारी पार्क, गयबारि बासुगाव, सिरा अक्ट’ : 30 जुलाइ, 2023



बि.टि.आर.नि गोरोबथाफोरखौ आबुडै मावफुंजोबनांगैनि थाखाय आसामनि गिबि मन्त्रिजों सावरायनाय । थावनि : ब्रह्मपुत्र गेस्त हाउस, खारघुलि, गुवाहाटी । अक्ट’ : 29 आगष्ट, 2023



एबसु आरो बारग’ एन.डि.एफ.बि. इउनाइटेड फराम जथायै आसामनि गिबि मन्त्रिजों सावरायनाय । थावनि : ब्रह्मपुत्र गेस्त हाउस, खारघुलि, गुवाहाटी । अक्ट’ : 27 आगष्ट, 2023



बर’ बिजोनि जेनाफोरखौ लानानै बर’ थुनलाइ आफाद, बर’ मिनिस्थार आरो MLA फोरजों जथायै सावरायनाय । थावनि : बड’लेण्ड गेस्त हाउस, खानापारा, गुवाहाटी । अक्ट’ : 19 मे, 2023



“17थि कमल कुमार ब्रह्म देरहासाद बान्था” मान बाउनाय ।

थावनि : क'क्राझार सरखारि गोजूसिन आरो थाखि गोबां फरायसालिनि गेलेग्रा फोथार । अक्ट' : 30 मे, 2023



आसाम सराकारा बर' बिजोनि द' थाखोआव सानखान्थि आरो बिगियान आयदाखौ इंराजि रावजो फोरोनो जाबसिननायनि हेथायै गोसोम बेस्ट गानानानै सोमावसारनाय । थावनि : क'क्राझार बिद्यापीठ हाइ स्कुल, क'क्राझार । अक्ट' : 9 जुन, 2023



जाखल' नायनि हेथायै बड'लेण्ड मुलुगसोलोसालिनि भि.चि. प्रफेसार लाइश्राम लाडु सिखौ होखारनानै गोदान भि.चि. थिसनफिननांगीनि थाखाय लानाय धर्णा हाबाफारि । थावनि : क'क्राझार बड'लेण्ड मुलुगसोलोसालिनि लांगोना । अक्ट' : 22 जुलाई, 2023



সংবিজিদার মোন্তাঈনি রৈখাথিখৌ লানানৈ হাদরারি থাখোনি মাববাদা খুনায়াব বাহাগো লানায়।
 थावनि : PWD Convention and Training Centre, Ganeshguri, Ghy. अक्ट' : 15 जून, 2023



अदालगुरि लक'सभा समष्टि दानांगौनि थाखाय अदालगुरि, भेरगाव आरो तामुलपुराव 2 धन्टा सुबुं खुद्रिसारनाय।
 अक्ट' : 28 जून, 2023



डेलिमिटेसननि ड्राफ्टखौ लानानै बर'नि माहारियारि आफाद, राजखान्थियारि आफाद आरो सानसुमै दैदेनगिरिफोरखौ लानानै मोनसे जर'खा सावरायनाय। थावनि : बर'मा जौमा फरायसालिमा, बाकसा। अक्ट' : 9 जुलाई, 2023



भारतनि सिफ कमिसनार Rajib Kumar नो आसामनि CEO, Anurag Goyal नि गेजेरजों मोन 15 आफादफोरा बर' हारिनि जानानै गोसोखां बिलाइ गथायनाय। थावनि : आसाम सेक्रेटारियेट, दिसपुर। अक्ट' : 11 जुलाइ, 2023



बर' बिजोंनि जेंनाखौ सुझांनांगौनि थाखाय एबसु आरो बर' थुनलाइ आफादा ड॰ हिमन्त विश्व शर्मानो गोसोखांबिलाइ गथायनाय। थावनि : ब्रह्मपुत्र ग्रेट गेष्ट हाउस, खारचुलि, गुवाहाटी। अक्ट' : 29 आगष्ट, 2023



दिल्ली मुलुगसोलोंसालियाव Bodo MIL खौ सोसननांगौनि थाखाय गोसोखां बिलाइ गथाइनाय। अक्ट' : 7 आगष्ट, 2023



भारतनि इलेक्सन कमिसनार Anup Ch. Pandey बिथानि हान्जाजों डेलिमिटेसनखौ लानानै सावरायनाय ।
थावनि : श्रीमन्त शंकरदेब कलाक्षेत्र, गुवाहाटी । अक्ट' : 19 जुलाई, 2023



मुलुगनां आबहावा सान फालिनाय । थावनि : दारागाँव बाकसा । अक्ट' : 11 जुन, 2023



आसाम एडमिनिस्ट्रेटिभ स्टाफ कलेजाव जानाय जर'खा मावबादाआव बाहागो लानाय ।
अक्ट' : 8 आगष्ट, 2023



গেদেস্থার বেসেন নাড়ৈ সাবসি নায়সনায আৰু সুবু সাংগ্ৰাথি হাৰাফাৰি।
 थावनि : अदालगुरि फरायसालिमा, अदालगुरि। अक्ट' : 30 आगष्ट, 2023



बड'लेण्ड मुलुगसोलोंसालिनि जेंनाखौ लानानै राज भवनाव आसामनि गभर्नर गुलाब चाण्ड
 काटारियाजों सावरायलायनाय। अक्ट' : 20 अक्ट'बर, 2023



बर' बिजोंनि जेंनाफोरखौ लानानै आसामनि सोलोंथाइ मन्त्रि मानगोनां डा. रनुज पेगुजों सावरायनाय।
 थावनि : जन'ता भवननि कनफारेन्स हल। अक्ट' : 4 डिसेम्बर, 2023



BKWAC नि Village Notification आरो KAC नि बर'फोरनि ST issue नि सायाव जर'खायै सावरायनाय ।
थावनि : तामुलपुर जिल्ला बेंगरिनि Conference Hall, तामुलपुर। अक्ट': 29 सेप्टेम्बर, 2023



एबसु आरो इउ.एन.बि. ट्राष्टनि जथाय बान्जायनायाव 20थि उपेन्द्र नाथ ब्रह्म सुवुंधिनि फायखि बान्था-2023
गथायनाय । थावनि : बड'फा कालसारेल कमप्लेक्स, क'क्राझार। अक्ट': 23 दिसेम्बर, 2023



2थि 13 बोसोर बैसो सिंनि हौवासाफोरनि जोबथा जोलुर बादायलायनाय खुंफुनाय ।
थावनि : रायन' स्पोर्टि गेलेग्रा फोथार, ताइखाझारा, सिरां। अक्ट':19 अक्ट'बर, 2023



बि.टि.आर. गोरोबथा, 2020 नि आद्रा थाबावनाय दफाफोरखौ मावफुंनायनि सायाव गोदान दिल्लीनि नर्थ ब्ल'कआव गोरोबथानि सागानगिरि आफाद एबसु आरो इउ.बि.पि.अ.जौ गुवारै सावरायलायनाय ।
अक्ट': 30 नभेम्बर, 2023



गोदान दिल्लीनि नर्थ ब्ल'कआव बि.टि.आर. गोरोबथानि दफाफोरखौ लानानै ए. के. मिस्राजौ सावरायनाय ।
अक्ट': 01 दिसेम्बर, 2023



बड'लेण्ड गेष्ट हाउसआव दुलाराय बर' फरायसा आफादनि जारिमिन (खोन्दो-1) खौ लानानै सावरायनाय ।
अक्ट' : 30 नभेम्बर, 2023



सिदली सिरां दख 'रा एबसुनि खुंगा 49थि बोसोरसालिया जथुम्मानि गोवलां मेलाव बाहागो लानाय ।
थावनि: खासिबारि गुदि फरायसालि गेलेग्रा फोथार, गरुबासा, सिरां। अक्ट': 12 दिसेम्बर, 2023



बिजनी दख 'रा एबसुनि बनजायनायाव under-13 हौवासाफोरनि "20थि बड 'लेण्ड मुंख्कं ट्रिपि जोलुर बादायलायनाय"
बेखेवनायाव बाहागो लानाय । थावनि: माक्रा गोजौसिन गेजेर फरायसालिनि गेलेग्रा फोथार, सिरां। 23 जुलाई, 2023



कलाइगाव दख 'रा एबसुनि 44थि बोसोरारि थान्दै जख 'न्थाइआव बाहागो लानाय ।
थावनि: जयपाल फोथार, कलाइगाव, अदालगुरि। अक्ट': 30 दिसेम्बर, 2023



सिरां जिला एबसुनि गाहाइ मावख 'आव दुलाराय बर' फरायसा आफादनि मिरु बिबानगिरिफोरनि समायखिरा लानाय हाबाफारि ।
(मावसम: 2023-25) अक्ट': 14 फेब्रुवारी, 2023



**CCTOA आरो दुलाराय बर' फरायसा आफाद ज'थायै बि.टि.आर.नि CEM जौं सावरायनाय ।
थावनि : बड'लेण्ड गेष्ट हाउस्, क'क्राझार, अक्ट' : 24 एप्रिल, 2023**



**BTR गोरौबथानि 5.3 दफा बादिदै FOREST DWELLERS ACT, 2006 आयेननि गेजेरजौं सनितपुरनि
ढेकियाजुलिआव गं 632 नख'रनो हानि फोरमान बिलाइ रान्नाय । अक्ट' : 29 एप्रिल, 2023**



**रंजालि बैसागु फोरबो फालिनाय
थावनि : क'क्राझार गोजौसिन आरो थांखिबां फरायसालिनि गेलेग्रा फोथार :: अक्ट' : 15 एप्रिल, 2023**



दुलाराय बर' फरायसा आफादनि खुंगा 55थि बोसोरसालिया जथुम्मा
थावनि : रौता बड'लेण्ड फोथार, अदालगुरि। अक्ट : 27, 28 आरो 29 जानुवारी, 2023